


M. E. Barry.







CSA

DESID. ERASM. ROT
APOPHTHEGMATA.

Editio Novissima.



AMSTELODAMI,
Apud Joannem Ravesteinium 1671.

2



DES. ERASMI ROTEROD.

APOPTHEGMATUM,

Ex optimis utriusque Linguae
Scriptoribus collectorum,

LIBRI OCTO.

EDITIO NOVISSIMA,

*A multis, quibus antea scatebat mendis,
diligenter repurgata.*



AMSTELODAMI,

Apud JOANNEM RAVESTEINIUM,
Civitatis & Illustris Scholæ Typographum
Ordinarium.

CLIO IOC LXXII



ILLUSTRISSIMO

PRINCIPI

JUNIORI GUILIELMO,

Duci Clivenſi, Juliacenſi, Mon-
tenſi, Comiti Marchiæ & in
Ravenſpurgo, &c.

DES. ERASMUS ROTERODAMUS.

S. D.



UONIAM priores libellos,
quos mei erga te animi vel-
ut arrabonem qualemcunque
miſeram, tam comiter acce-
piſti Guilielme princeps ju-
nior illuſtriſſime, nec tu modo, ſed &
ambo clariffimi parentes tui, viſum eſt
aliquid & tua nobilitate dignius, & tuis
ſtudiis, ni fallor, utilius adjungere. Proin
ex optimis quibuſque auctoriſus collegi
* 3 quæ

E P I S T O L A

quæ Græci vocant apophthegmata, hoc est, egregie dicta, quod viderem non aliud argumenti genus principi præsertim juveni magis accommodum. Sunt illa quidem scitu dignissima, quæ philosophi de moribus, de Republica administranda, deque bello gerendo litteris prodiderunt. Sed quotocuique vel privato tantum est otii, ut apud Platonem Socraticarum argutationum, ironiarum & isagogarum ambages ac labyrinthos evolvere vacet? Aristoteles autem copiose quidem scripsit de moribus, sed philosophis scripsisse videtur, non principi. Dilucidiora sunt quæ tradidit de re œconomica, & politica, sed is vir nusquam non requirit lectorem & attentum, & otiosum, ad hæc quoniam affectibus caret, non perinde retinet animum principalibus curis intentum. Jam in philosophicis & M. Tullii de philosophia libris pleraque sunt ejus generis, ut non admodum referat principem ea scire: quod genus sunt quæ disputantur ab illis de finibus bonorum ac malorum, majore subtilitate quam fructu. Conveniunt hæc illorum instituto, qui de honesto per omnem vitam nihil aliud quam disputant. At ei qui ditioni nascitur, statim expedienda virtus est, non per otium
dispu-

NUNCUPATORIA.

disputanda. Restat historia, quæ quoniam res præclare secusve gestas velut in tabula spectandas repræsentat, nec id absque voluptate, magnatibus viris aptior esse videtur: sed hic ut infinitam voluminum vim principi vacet evolvere, quis possit meminisse? Atqui quemadmodum ii qui certant in palæstra, certos quosdamprehendendi elabendiue modos ad manum habent: ita qui in pacis bellicue negotiis versantur, certas rationes in promptu habere convenit, quibus admoneantur, quid pro re nata sit factio opus, quid non. Hac in parte videmus eruditissimos viros principum curas sua diligentia sublevare conatos, quorum alii scripsere sententias, veluti Theognis & Isocrates, alii celebrium virorum strategemata & apophthegmata, veluti Valerius Maximus, & Sextus Julius Frontinus, qui indicat idem ab aliis non nullis factitatum. Non mediocris otii res est aurum scrutari in venis, aut gemmas in arenis marive quærere. Is demum occupatissimo principi gratum præstat officium, qui aurum purum factumque exhibet, qui selectas ac repurgatas gemmas, auro inclusas, aut poculis additas offert. Id officium cum à multis tentatum sit, mea

* 4.

tamen.

E P I S T O L A

tamen sententia , nemo felicius præstitit quam Plutarchus , qui post editum egregie frugiferum opus De vitis virorum illustrium , in quo permixtum facta simul ac dicta illorum referuntur , Trajano Cæsarum laudatissimo collegit insignia diversorum apophthegmata , quod in his velut in certissimo speculo repræsentatur animus singulorum. Nam in factis , bonam laudis partem sibi vindicat consiliarius , dux ac miles , maximam fortuna , per quam videmus interdum optime consulta pessimum habere exitum : rursus quorundam inconsultam temeritatem felicissime cedere. Nam quemadmodum dixisse fertur Syramnes Persa , Dux , ut opinor , interrogatus quid facta præclaris ejus dictis non responderent : quid loquar , mihi in manu est ; quid eveniat , in arbitrio fortunæ & regis. Nec tamen ideo sua laude frustrantur honesta consilia. Plutarchus autem non tantum in delectu cæteris præstat , verum etiam in explicando. Habent enim apophthegmata peculiarem quandam rationem , & indolem suam , ut breviter , argute , false , & urbane cujusque ingenium exprimant. Siquidem ut singulis hominibus , ita singulis etiam nationibus suus quidam genius est : unde

fit

NUNCUPATORIA.

fit ut alia convenient Alexandro, alia Philippo aut Antigono, alia Phocioni, alia Alcibiadi: rursus alia quadrent in Laconem, alia in Scytham aut Tracem, alia in Atheniensem, aut in Romanum. In his igitur exprimendis mihi dilutior videtur Xenophon, suffrigidus Herodotus, loquacior Diodorus & Quintus Curtius, ne pergam de cæteris dicere. Plutarchus omnes implevit numeros. Eoque visum est hunc ex omnibus potissimum sequi. Quidquid igitur erat in hujus opere quod inscripsit: De apophthegmatibus, hic in solidum reperiēs. Comperimus hoc opus his Latine verbum, primum à Francisco Philelpho, deinde à Raphaële Regio, quem Patavii novimus. Philelphus in non nullis locis fuerat lapsus, quæ restituit Raphaël, sed ipse rursus impingens alicubi, nimirum homines erant ambo. Sed uterque nihil aliud esse voluit quam interpretes, nos Plutarchum multis de causis sequi maluimus quam interpretari, explanare quam vertere. Primum, ut dilucidior esset oratio, quippe minus astricta Græcis vocibus. Non enim hæc Trajano scribuntur viro, tum utraque litteratura, tum longo rerum usu exercitatissimo: sed adolescenti principi,

immo per te pueris & adolescentibus liberalium studiorum candidatis : nec illo seculo , quo dicta gestaue ejusmodi vulgi fabulis celebrabantur , in balneis , in conviviis ac circulis forensibus : dein ut mihi liceret indicare dicti argutiam , si quod recurreret obscurius , qualia nunc sunt permulta , non solum rudibus , verum etiam ultra mediocritatem eruditis. Me certe in multis torfit divinatio , & haud scio an alicubi fefellerit etiam : nec paucis in locis lucta fuit cum mendis codicum , in quas necessario impegerunt etiam interpretes. Vix enim credibile est quantum sibi permisissent vel librarii , vel scioli quidam in hunc auctorem , cui summa debebatur religio. Nullus enim extitit inter Græcos scriptores Plutarcho , præsertim quod ad mores attinet , sanctior aut lectu dignior. Atqui hoc ipsum quod abstertere debuerat , invitavit gloria quæstusque , sentientes ad depravandum addendum , detrahendum. Etenim quo quisque scriptor est plausibilior ac celebrior , hoc magis ad quæstum corrumpitur. Arguit hoc ipsa Græcorum codicum varietas. Nam ut aliis omisissis , de hoc opere quod est in manibus loquar , quædam habet Philelphus quæ Raphaël non attigit , & contra. Deinde
cum

NUNCUPATORIA.

cum Plutarchus in præfatione profiteatur sese in Vitis, dicta factaque virorum illustrium promiscue retulisse, sed in hoc opere compendii gratia tantum apophthegmata contexuisse: permulta tamen admista videmus, quæ nihil aliud sunt quam strategemata. Jam eodem in opere toties eadem repetita, nonne palam clamitant, argumentum hoc ab alio contaminatum? Ut jam ignoscamus apophthegma referri sub ejus nomine cui dictum est, non à quo dictum est, ut de Lyfimacho & Philippo. Nam in Plutarchi collectaneis, quod à Philippo responsum est Lyfimacho, sub titulo Lyfimachi refertur. Majoris erat audaciæ, quod ex uno opere fecerunt duo. Quoniam enim Plutarchus è Laconicis, quæ plurima feruntur, ea dumtaxat attigisset quæ videbantur occupatissimo Cæsari futura satis, ille quisquis fuit, si modo fuit unus aliquis, Lacedæmoniorum dictis proprium volumen dedit, idque secundum ordinem litterarum Græcarum, quem Raphaël vertit in ordinem Latinarum. At hic erat è tribus omnium deterrimus. Nam ordinem sententiarum sequuntur Valerius & Frontinus, quæ ad religionem, pietatem in patriam, ad fidem, ad fortitudinem ac justitiam pertinent,

E P I S T O L A

tinent, & item de cæteris, in suam quæ-
 que classem digerentes. Eruditissimus est,
 quem sequutus erat Plutarchus; seriem
 regionum ac regnorum observant, & in
 singulis ætatum ordinem, unicuique re-
 gum suos adjungens duces, & cuique
 ducum suos collegas. A Persis venit ad
 Ægyptios; ab Ægyptiis ad Thraces, à
 Thracibus ad Scythas, à Scythis ad Si-
 culos, à Siculis ad Macedones, hinc ad
 Athenienses, ab his ad Lacedæmonios,
 in horum singulis temporum non litera-
 rum ordinem sequens: à Lacedæmoniis
 ad Thebanos, à Thebanis ad Romanos,
 ut lector è paucorum dictis historiæ to-
 tius agnoscat seriem, quam misere con-
 fudit is, qui Laconica separavit, repe-
 tens interim eadem quæ ad Trajanum
 collegerat Plutarchus: quanquam id fre-
 quentius in alteroprehenditur opere,
 sed in utroque toties, ut ea dormitatio
 non cadat in Plutarchum scriptorem ex-
 actæ diligentiae. Adde, quod hæc pars
 nullam habet præfationem, nec illa prior
 ad Trajanum quadrat ad utrunque opus.
 Jam quid gratiæ debeatur his, qui ce-
 lebrum auctorum libros ad hunc con-
 taminant modum, in præsentia non di-
 sputo, mihi que sacrilegii genus esse vi-
 detur. A me tamen exceptis aliquod La-
 con-

conicis , quod eadem in altero catalogo repetuntur omnia , nihil eorum prætermiffum est , quæ Plutarchi titulo feruntur : partim ne quid hic defideraret lector avidus magis quam elegans , partim quod nihil illic viderim non dignum cognitu , licet non suo dictum loco. Sed totum opus quodam modo meum feci , dum & explanatius effero quæ Græce referentur , interjectis interdum quæ apud alios auctores addita comperiffem , additis item permultis quæ in hoc opere non habebantur , ubique veluti scholiis indicans vel sensum vel usum apophthegmatis , in his dumtaxat quæ lucis aliquid defiderabant , sed hoc ipsum breviter , ne ab apophthegmatum natura degenerarem. Ordo vero nobis etiam confusior est quam illic inveni , quod cum initio statuissemus paucos dumtaxat eximios recensere , calor operis incitavit , ut mutata sententia longius proveheremur : nec erat futurus finis , nisi rerum sese offerentium velut immensum pelagus receptui canere compulisset. Nam ut Quintilianus inter grammatici virtutes collocat , quædam nescire : ita in hoc argumenti genere , diligentia pars esse videtur , quædam præterire. Itaque lautus convivator esse malui , quam mole-

stus, præsertim quod si quid in hac cœna prætermisum est, poterit in alia proponi, postea quam hæc erunt concocta. Porro ordinis neglecti incommodum indice pensavimus. De titulo nihil refert anxium esse, cum in his quæ colligit Plutarchus sub apophthegmatum nomine, multa sint, quæ alius mallet *σκήματα, λειδόρια, ἄσκη, δ' τροπέλα*, sive *μελοῖα* dicere. Cæterum postea quam in his distinguendis frustra sudavit M. Tullius, nec Quintiliano satisfecit Marso homo doctissimus, atque adeo nec ipse Quintilianus Marso doctior sibi, non arbitratus sum operæpretium in hoc anxiam operam sumere, sat habens alicubi dicti, jocive speciem obiter indicasse. In his certe quæ nos adjecimus, sedulo cavimus, ne strategemata cum apophthegmatis confunderemus: tum ne quid omnino poneremus, nisi ex probatissimis utriusque linguæ scriptoribus, iisque vetustis decerptum: non quod nesciam à recentioribus permulta referri false lepideque dicta; sed plus habent auctoritatis quæ consecravit antiquitas, & adhibendus erat operi modus, nec illud quidem quenquam movere debet, quod nonnunquam idem dictum, ab hoc adscribitur huic, & ab illo tribuitur alteri.

Nec

Nec enim tam refert à quo quid dictum sit, quam quid dicatur, etiamsi celebris & gratiofus auctor, non nihil ponderis & gratiæ dictis adjungit. Id frequentius occurrit, quam ut exemplis sit probandum. Fit autem hoc interdum humanæ memoriæ lapsu, quanquam nihil vetat eandem sententiam à diversis auctoribus proficisci, sive id faciat imitatio, sive casus: quemadmodum hunc senarium, σοφοὶ τὺραννοὶ τῶν σοφῶν συνουσία, constat esse Sophoclis, & tamen citatur à Platone ex Euripide. Rursus hic versus, γέρων γέροντα παιδαγαγήσω σ' ἐγὼ, cum sit in Piloctete Sophoclis, tamen idem reperitur in Bacchis Euripidis. Similiter hic versus, σιγῶν θ' ὅπερ δ᾽ ἐκ λέγων τὰ καίρια, cum sit in Æschyli Prometheo, apprehenditur apud Euripidem, duabus litterulis immutatis σιγῶν, λέγειν. Nonnunquam nec de re, nec de nomine convenit inter auctores. Velut qui Fabio Maxim. exprobravit, quod ipsius opera recepisset Tarentum. M. Tullius est Livius Salinator, Tito Livio M. Livius: Plutarcho M. Lucius, sive, ut Græci codices habent, Μάρκος Λούκιος. Item Fabius Philostratus narrat Leonem Sophistam corpore insigniter obeso movisse risum populo Atheniensi, Plutarchus

pufil.

pusillo. Valerius Maximus & Plinius de
 altercatione Cn Domitii & Lucii Cra-
 ffi quam dissonant in narrando ! Illa fri-
 gidiſſima ſunt, quæ perſonis fabuloſis af-
 finguntur, quod genus ſunt Philoſtrati
 Sophiſtæ, cum Palamedi, Ulyſſi ac ſi-
 milibus affingit quod libet, eaque ſunt
 bis frigida tractando, quorum omnino
 nihil attigimus. Proxima ſunt, quæ va-
 riis perſonis attribuuntur in dialogis,
 non ad veri fidem, ſed ad delectandum
 confictis. Minus illa frigent quæ dicun-
 tur in comœdiis aut tragoediis, habent-
 que magnam gratiam in loco adhibita,
 tametſi ſub apophthegmatis appellatio-
 nem non cadunt, niſi cum ab auctore
 nobili, ad rem præſentem accommodan-
 tur, gratiora, ſi non nihil etiam ad alie-
 num ſenſum detorqueantur. Veluti cum
 Ariſtoteles Caliſthenem liberius cum A-
 lexandro quam expediret agentem, Ho-
 merico verſu admonuit, ἀκούρομαι δὴ μοι
 τὸν ἑσέα οἷ' ἀγροδύει. Nec ex Herodo-
 to libuit multa colligere, quod pleraque
 videantur à ſcriptoris ingenio reperta.
 Ejuſdem farinæ ſunt quæ incidunt in
 orationibus quas historiographi pro ſuo
 quiſque ingenio ſolent attexere perſo-
 nis, licet & illa plurimum conducant, &
 ad iudicium, & ad dicendi facultatem.

Opti-

Optimum apophthegmatis genus est, quod paucis verbis sensum non vulgarem significat potius quam exprimit, quale nemo facile possit studio fingere, quodque quo propius ac diutius contemplare, hoc magis ac magis delectat. Universum autem hoc genus quod proverbia, sententias, insigniter dicta, factaque complectitur, accommodatissimum est principibus viris, quibus ob Reip. negotia non vacat magnam vitæ partem libris impendere. Hæc autem ut cum voluptate discuntur, facileque incidunt animo, ita longe plus habent philosophiæ in recessu quam prima fronte præferunt. Legimus Cæsarem Augustum, quidquid usquam talium præceptorum nactus esset, describendum curare solitum, & ad varia loca mittere. Videmus autem priscis illis sapientibus hoc præcipue fuisse studio, ut res dignas cognitu, voluptatis illecebra teneris ingeniis inferrent, quo rudis ætas nondum matura feriis philosophiæ præceptis, per lulum disceret, quæ per omnem vitam magno forent usui. Hoc consilio Cosmographiam, Astrologiam, & Musicam, naturalem ac moralem philosophiam scite confectis fabulis & apologis asperserunt. In his vero nostris videbuntur esse quædam,

dam, quæ nihil faciant ad bonos mores, sed risum modo commoveant. Ne id quidem vitio dandum existimo, risu nonnunquam relaxare animum curis fatigatum, modo risus sit argutus ac liberalis. Hæc enim exhilarant ac vegetant juvenum ingenia, nec mediocriter faciunt & ad vitæ comitatem, & ad orationis jucunditatem. Quid enim magis edulcat Marci Tullii dictionem, quam quod eam ejusmodi dictis subinde condit? Quid porro sunt Plutarchi moralia, nisi aulæa hujusmodi coloribus picturata? Jam illa quæ maxime videntur ridicula, tractando fiunt seria. Quid enim magis ridiculum quam Diogenes in meridie cum lucerna obambulans, & hominem se in frequenti foro quærere dictitans? At interim ridendo discimus, non esse statim homines qui speciem habent hominis, quam habent & statuæ, sed ut invenias hominem, investigandus est animus. Is si recta ratione ducitur potius quam effectu, tum demum reperisti hominem. Item, quid æque ridiculum, atque quod Phryne, stipulata ut quod ipsa prior faceret, idem cæteræ mulieres in convivio facerent omnes: manum bis aquæ immersam admovit fronti, hoc commento magno omnium risu.

NUNCUPATORIA.

rifu prodens cæterarum fucos, cum ipsa videretur etiam formosior? sed hic risus nos docet idem quod serio dixit Socrates, ut tales esse studeamus quales haberi velimus, ne detracto fucō pro gloria male affectata reportemus ignominiam. Docet & illud, ne nitamur bonis externis fluxisque quæ variis casibus facile eripiuntur homini, sed paremus veras opes animi, in quas nullum jus habet fortuna. Tantum seriæ philosophiæ docet nos illud ridiculum meretriculæ factum. Perinde quanquam alioqui severis rationibus institueret cives suos Lycurgus, tamen liberales jocos illis non solum permisit, sed etiam præcepit. Instituit enim exercitamenti genus quod *λέγας* appellabat, ad quod conveniebant seniores jam à publicis functionibus emeriti, lepidis dictis liberalibusque jocis tempus cum voluptate transmittentes, sed quæ vel ad honesti laudem, vel ad vitiorum vituperationem conducere. Quia & signum collocavit *γέλον* Deo, id est, Risui, quod utilissimum judicaret modestis facetiis animorum vigorem recreare, & ad honestos labores alacres reddere quando in rebus humanis, quod caret alterna requie, durabile non est. Quin & Cleomenes adeo severus, ut
nec

nec mimos, nec psaltrias, nec tibicines unquam admiserit in Remp. probavit tamen ut cives jocis liberalibus, falsisque dicteriis inter se decertarent. Denique quoties datur à negotiis vacuum tempus, aut ipsa res postulat hilaritatem, quanto decentius est hujusmodi dictis ludere, quam illiberalibus, indoctis & obscœnis fabulis oblectari? Mihi videtur aliquanto consultius pueros in ludis litterariis hujusmodi thematis exerceri quam vulgaribus istis, quæ ut sensiculos habent frigidos, ita non indicant linguæ Latinæ mysteria: modo præceptor indicet rationes, quibus quod breviter dictum est, queat dilatarî, & quod ridiculæ, dictum est, possit ad usum serium accommodari. His addam & illud: In sacris concionibus fortasse non convenit scripturis divinis admiscere jocos humanos, sed tamen excusatius hæc adhiberentur ad excitandos dormitantes, quam aniles fabulæ, quas non nulli solent ex abrupto interponere prorsus è media vulgi fece haustas. Julius Cæsar tot civilia bellicaque negotia sustinens, argutis dicteriis, quibus adeo delectabatur, ut etiam in ipsum torta probaret, modo scita, solet curarum lassitudinem discutere. Vix alius imperatorum fuit Augusto

Cæ-

NUNCUPATORIA.

Cæsare vel sanctior vel occupator. At rursus quis in hoc genere urbanior? De M. Tullio nihil dicam, qui nonnullis videtur in jocando, nec modi nec decori satis meminisse. Xenocrates philosophus ingenii fuit tristioris, vir alioqui magnus, sed hunc Plato subinde jubebat litare Gratiis. Zenon totus Stoicus, Socratem ob perpetuam sermonum urbanitatem, scurram Atticum solet appellare: nullus tamen est quin fateatur Socratem utroque sanctiorem. Ne commemorem quod nullorum dicta magis celebrantur quam quæ leporibus condita sunt. Certe pueris instituendis utilior esset Socrates, Diogenes aut Aristippus, quam Xenocrates aut Zeno. Quod si recte visum est sapientissimis viris primam ætatem oblectamenti quibusdam ad amorem sapientiæ severioris allicere, multo magis id convenit tum juveni, tum principi: quem ut vigilantem esse decet, ita non oportet nec ipsum unquam esse tristem, nec quemquam à se tristem dimittere. Animus autem amoenioribus studiis educatus, fit ad omnes curas ferendas vegetior, & ad omnem hominum consuetudinem festivior. His rationibus me tueri poteram, si nihil collegissem nisi facetias: nunc seriis hæc dumtaxat ad-

E P I S T O L A

admista sunt, veluti convivii condimenta. Quo genere si te sensero delectatum, haud me poenitebit hujus operæ, licet humilioris, ut aliqui fortasse judicabunt. Scribunt alii provectioribus, nos principis ætatem teneram lactamus. Quod si hæc infra tuos profectus fuerint, certe optarim esse, tamen scio tibi non ingratum fore, per te communibus adolescentulorum studiis hoc utilitatis accessisse. Et nos fortasse dabimus aliquando severiora, postea quam hæc edidiceris: Nam discenda sunt omnino, quo semper ad manum præsto sint. Quamquam quid meis opus, cum domi habeas Conradum Heresbachium, virum omni genere litterarum absolutum? quam sic in te video affectum, ut quod optimo præceptore dignum est, alumni sui commodis & ornamentis impensius gaudeat quam suis. Is ut tuam pueritiam formavit litteris, ita grandioræ ætatem poterit fidelibus prudentibusque consiliis adjuvare. Mihi quoque non minus jucundum quam honorificum fuerit, quantum lacumque ex parte felicissimam indolem tuam, nostra promovisse industria. Quod superest, Deum Opt. Maximum precamur, ut sua dona quæ largissime in te contulit, servare, tueri, & augere dignetur,

NUNCUPATORIA.

tur , quo simul & laudatissimorum parentum votis respondeas , & clarissimis majorum tuorum imaginibus dignus evadas , & luculentæ ditioni , cui natus ac destinatus es , par esse queas. Desinam si verbum addidero : dum in his versaris , memento te non Christianorum , sed Ethnicorum apophthegmata legere , videlicet ut legas cum judicio. Apud Friburgum Brisgojæ , I V. Kalendas Martias , Anno 1531.



INDEX AUCTORUM

Unde potissimum collecta sunt

APOPTHHEGMATA.

P *Lutarchi Apophthegmata*
Plutarchi vitæ
Plutarchi moralia
Diogenis Laërtii vitæ philosophorum
Xenophontis varia opuscula
Athenei dipnosophistæ
M. Tullius
Quintilianus
Plinius senior
Plinius junior
Titus Livius
Suetonius
Probus Æmylius
Ælius Spartianus, & cæteri sequentes
Macrobius
Herodotus
Seneca
Philostratus
Valerius Maximus
Ammianus
Eutropius.

APOPH-

APOPTHHEGMATA LEPIDEQUE DICTA PRINCIPUM PHILO- SOPHORUM,

A C

*Diversi generis hominum, ex Græcis pariter ac
Latinis Auctoribus selecta, cum interpretatione com-
moda, dicti argutiam aperiente,*

P E R

DES. ERASMUM ROTERODAMUM.

APOPTHHEGMATA Laconica secundum ordinem Literarum Græcarum.

L I B E R I.

A G A S I C L E S.



LACEDÆMONII quoniam severio-
res erant, ac moribus incorruptioribus,
bellicque gloriam potissimum specta-
bant, contemnebant omneis artes, quæ
civium animos videbantur emasculare,
& à vera virtute ad otiosam ostentatio-
nem traducere. Nam & Roma cum adhuc spiraret ger-
manam illam austeritatem, Græculos Professores urbe
exegit. Hoc genus studiis nulla Græciæ pars corruptior
erat quam Attica, ubi Gorgias, Lyfias, Isocrates, Prodi-
cus, aliique innumeri Sophistæ magno cum applausu
populi, nec mediocri mercede garriebant.

I. CUM igitur Agasiclei Lacedæmoniorum regi di-
ceret quidam, admirari sese quod cum esset avidus di-
scendi, non adjungeret sibi Philophanem Sophistam;
regali prorsus indole respondit: *a Eorum*, inquit,

A

volo

a Generose.

volo esse discipulus, quorum sum & filius : significans, non minus interesse quos nactus sis parentes, quam quos asciscas præceptores. Etenim ut liberi ferme conferunt majorum, unde prognati sunt, ingenium, ita præceptorum vitia demigrant in eos, quos instituunt. Et honestæ vitæ institutio potissimum ab illis petenda est, qui virtutem ipsis factis præstiterunt : non ab iis, qui compositis arte verbis de virtute nugantur. At nunc summi orbis monarchæ futuri, Deum immortalem, quibus interdum viris à teneris annis formandi instituendique creduntur, cum Principi non minus tum perniciosum sit, tum indecorum, ab inhonestis institui, quam nasci. Nec quælibet artes discendæ sunt Principi : sed hæc dumtaxat, quæ tradunt rationem recte administrandi regnum.

2. R U R S U S, cum alius quispiam ab eo sciscitaretur ; quo pacto posset aliquis tuto imperare, nullo stipatus satellitio, respondit : *a Si sic imperet suis, quemadmodum pater imperat liberis*. Nemo plura dixit unquam majore compendio. Domini tantum timentur à servis, quo mali metu coërceantur, quos non corrigit pudor. Pater, quoniam liberis consulit potius quam sibi, diligitur ab illis, sic ut auctoritatem comitetur reverentia. Adversus hos adeo non est opus satellitio, ut non aliud sit satellitium fidelius illorum stipatu. Quod si rex benevolentia ac benefactis adjungeret sibi civium animos, non esset opus barbarico conductitioque satellitio, sed nullos haberet corporis sui custodes tutiores, quam cives, erga quos patris gereret affectum. Porro quibus placet hoc dictum, *Oderint dum metuant*, nullos magis habent suspectos, quam quibus oportebat maxime confidere : ac multos metuat oportet, quem metuunt multi.

A G E S I L A U S.

3. A G E S I L A U S ille magnus Lacedæmoniorum rex, cum in computatione quadam sortibus ex more ductis factus esset princeps convivii (hujus autem partes erant præscribere quantum quisque biberet) rogatus à

pin-

a Graviter ac moderate.

pincerna, quantum cuique vini deberet apponere: *a* *Si multum*, inquit, *vini paratum est*, dato cuique quantum poscit; *sin parum*, cunctis ex equo dividito. Hac dexteritate mire prospexit, ne vel parata vini copia deesset, quibus placeret largior potatio: vel ad bibendum cogerentur, quibus placeret sobrietas. Rursus in maligniore vini copia, per æqualitatem exclusit occasionem murmuris. Etenim cum singulis æqua vini portio distribueretur, nihil deerat his, qui bibebant moderatius: & qui largius fuerant bibituri, quum haberent quod naturæ satis esset, queri non poterant si deerat libidini: eo quod nemo omnium plus aut minus haberet cæteris. Itaque æquis animis se illi quoque ad moderationem componebant, quibus alioqui placebat luxus. Porro Lacedæmonii præter cæteros Græcos victus frugalitatem probabant.

4. QUUM vero narrarent apud eum maleficum quempiam ac scelerosum hominem constanter pertulisse tormenta: *b* *Ut insigniter*, inquit, *miser est homo*, qui tolerantiam ac patientiam in res flagitiosas ac turpes collocet. Apud Lacedæmonios admirabilis erat malorum tolerantia, quæ si suscipiatur ob res honestas, magnam promeretur laudem: sin ob turpes, non solum non meretur fortitudinis laudem qui tolerat, sed hoc miserior est, ac vir pejor, quo constantius se gesserit. *πυνεγς* enim Græce & malum sonat, & translato tono, laboriosum, sive calamitosum. Dolebat egregio duci tantum animi robur ac naturæ vim in re turpi consumptam, quam si attulisset ad res honestas, magno usui poterat esse Reipublicæ.

5. ALIO quodam laudante rhetorem hoc nomine, quod mirifice res exiguas verbis amplificaret: *c* *Ego*, inquit, *ne sutorem quidem arbitrer bonum*, qui parvo pedi magnos inducat calceos. Veritas, in dicendo maxime probanda est: & is optime dicit, cujus oratio congruit rebus, ex quibus petenda est orationis qualitas potius, quam ex artificio.

6. QUUM quidam urgeret illum improbe postulan-

A 2

lan-

a Solerter. *b* Graviter. *c* Salse.

lando, diceretque ei, Promisisti, atque idem crebro repeteret, quasi jam fas non esset negare quod petebatur. *a Recte sane, inquit, siquidem justum est, quod petis, promisi: sin minus, dixi, non promisi.* Hoc dicto eluſit flagitatoris improbitatem. Ille vero quum nondum faceret flagitandi finem, sed subjiceret, Atqui decet reges præſtare quidquid vel capite annuerint. Nihilo magis, inquit, *quam eos, qui reges adeunt, decet ea petere loquique, quæ juſta ſunt, ſpectantes ſimul & oportunitatem, & quid regibus conveniat decorumque ſit.* Sunt qui principes velut ex inſidiis adoriuntur, & à bene poris, aut alioqui aliud agentibus, ut non vacet quale ſit quod petitur conſiderare, poſtulant quod iniquum eſt: his merito negatur quod promiſſum eſt, & repulſi immerito requiritur fidem à promiſſore, qui ſui officio non meminerunt in poſtulando.

7. *Q U O T I E S* audiebat aliquos ab aliis laudari, aut vituperari, exiſtimabat, *b non minus eſſe diſcendos eorum mores, qui loquebantur, quam eorum, de quibus loquebantur.* Senſit vir prudentiſſimus, qui avide obtrectant alienæ laudi, magis prodeſſe morbum ſuum, quam detegere mores alienos: & qui ob res parum honeſtas laudant quempiam, aut ob laudabiles vituperant, indicare ſtultitiam ſuam, perverſumque judicium.

8. *Q U U M* adhuc puer eſſet, & ageretur ludus ſolennis, quo pueritia tum exercebatur, atque is qui negotio præfectus erat, ſtatuiffet illum in loco parum honorifico, paruit quidem tametſi jam rex designatus, ac dixit: *c Bene ſane habet, oſtendam enim, non locum viris, ſed viros loco conciliare dignitatem.* Nimirum vox ea declarat in puero, miram animi celſitudinem cum pari moderatione conjunctam. Nec alii magis ſunt adminiſtrando regno idonei. Simile quiddam tribuunt Ariſtippo.

9. *Q U U M* medicus quiſpiam illi præſcriberet curationem nimis exactam, minimeque ſimplicem, qualis eſſe ſolet apud Lacedæmonios: *d Pergeminos, inquit, ſumam quæ præſcribis, ſi mihi prorsus eſt in ſatus ut non vi-*

vam,

a Juſſe & urbaniter. b Prudenter. c Magnanimiter.

d Argute.

nam, etiam si non omnia sumsero. Significabat ejusmodi curationes citius acceleraturas mortem, quam depulsuras morbum. Nec tam operosa pharmaca sumenda, nisi qui destinavit mori. Omnibus in rebus ei genti placuit frugalitas ac simplicitas.

10. Q U U M adstantem aræ Palladis, cui apud Spartanos ab æreo delubro χαλκιδίω cognomen est, ut bovem immolaret, momordisset pediculus, non aversus est, sed arreptum palam omnibus occidit: a Per Deos, inquit, equidem insidiatorem lubens vel in ipsa ara. Videlicet declaravit animum nec inepto pudori, nec superstitioni obnoxium: recteque significavit, insidias molientibus nullam aram aut asylum oportere tutum esse.

11. Q U U M puer quidam eo vidente murem captum è cavo protraheret, musque conversus momordisset tenentis manum, atque effugisset: Agefilaus indicavit his, qui aderant, dixitque: Postea quam minimum animalculum sic ulciscitur eos, à quibus leditur, quid viros oporteat facere cogitate. Ita dux fortissimus undecunque captata occasione animum addere studebat suis, ut audentiores fierent adversus hostem. Sed idem exemplum magis eo valet, ne quis quamlibet potens injuria provocet infirmiores. Fit enim sæpenumero, ut qui, sicut ait Flaccus, fragili quærit illidere dentem, infringat solido.

12. Q U U M in animo haberet movere bellum adversus regem Persarum, quo Græcos Asiam incolentes libertati restitueret, consuluit oraculum Iovis Dodonæi. Nam ea gens ex oraculis Deorum pleraque gerebat. Is quum jussisset, ut pro suo arbitratu bellum institueret, Agefilaus Dei responsum renuntiavit Ephoris (Hi erant quinque judices, quorum auctoritati reges quoque parere cgebantur.) Illi vero suaserunt, ut adiret & Delphicum oraculum, iisdem de rebus sciscitaturus. Eo profectus, hoc pacto proposuit consultationem: b Apollo, num idem tibi videtur quod patri? Quum Apollo comprobasset Iovis oraculum, ita demum delectus imperator bellum apparat: unico facto non unam rem nos do-

cens : primum moderationem animi , qui quum rex esset , non gravatus sit Ephoris obtemperare rem supervacaneam imperantibus : deinde declaravit , quam non temere sit bellum capeffendum. Illis non sat erat Jovis oraculum , quum hodie principes frequenter inconsultis , vel potius invitis proceribus ac civitatibus ad arma profiliant. Postremo demonstravit , quam religiosam haberet de diis opinionem , qui si inter se dissentiant , non sint dii : obiter notans Homeri fabulas , qui fingit deorum ac dearum atrociam dissidia , & quod in principibus ac magistratibus turpe sit , adscribit suis numinibus.

13. TISSAPHERNES Persarum dux, cum Agesilao foedus , non ex animo , sed metu percusserat, hac lege , ut Græcas civitates sineret libere suisque vivere legibus : mox ingentibus copiis à rege suo accersitis bellum illi denuntiavit, ni Asia decederet. Hoc foedus violatum libenter arripuit Agesilaus, legatis hilari vultu respondens : *Se magnam habere gratiam Tissapherni , quod perjurio suo & deos & homines sibi insensos reddidisset , adversæ vero parti propitios.* Recte sensit , absque providentia Dei nihil geri in rebus mortalium , magisque fidentum divino favori, quam humanis consiliis aut viribus. Cæterum exercitum movit velut in Cariam impressionem facturum : quo quum Tissaphernes ignatus doli , cogeret militem , Agesilaus repente copias movit in Phrygiam : ubi quum multas cepisset urbes, magnamque pecuniarum vim abstulisset ; dixit amicis : *a Fœdera quidem violare præter causam impium est , cæterum hostibus imponere, non modo justum est ac laude dignum , verum etiam & jucundum & lucrosum.* Vir bellandi avidus, tamen ab injusto bello abhorrebat , nec ejus suscipiendi ansam dare voluit , datam feliciter arripuit , nec turpe putavit doli in illum uti , qui violato foedere perjurio fefellisset & deos & homines.

14. I D E M quum parum esset instructus equitatu , Ephesum sese recepit : ibi opulentis denuntiavit , ut quisquis pro se virum & equum præberet, à militia esset im-

immunis. Hac arte factum est, ut pro ignavis ac timidis divitibus brevi colligeret & equos & viros strenuos ac bello idoneos. *a* Qua quidem in re dicebat sese Agamemnonis exemplum retulisse, quod is accepta equa generosa virum divitem, sed ignavum, militia liberasset. Locus autem est apud Homerum Iliados †.

Τὼ Ἀγαμέμνονι δῶκε' Ἀγχισιάδης Ἐχέπωλον
 Δῶρ', ἵνα μὴ οἱ ἐποῖθ' ὑπὸ Ἰλίου νημερόεσσιν,
 Ἀλλ' αὐτὸς τέρποι το μύθων μέγα γὰρ οἱ ἔδωκε
 Ζῶς ἄρεος νύεν δ' ὄγ' ἐν δῖρυσσώρῳ Σικυῶνι.

de equa loquitur,

*Quam dederat Anchisiades Echepclus Atride
 Dono, ne huic comes iret ad alta mœnia Troja,
 Sed remanere domi, ac sese oblectare liceret :
 Nam viro opes pater altitonans donarat opimas,
 Incoluit vero prædivitem agris Sicyonem.*

Hæ sunt artes excellenti principe dignæ: quibus efficitur, ut quod ad Reipub. dignitatem incolumitatemve necessarium est, non per violentiam invidiosam extorqueat, sed ea dexteritate impetret, ut nec tenues graveret, & à ditioribus etiam gratiam ineat.

15. CÆTERUM quum edixisset, ut captivi nudi venderentur, Laphyropalæ, quorum munus erat res prædaticias divendere, quod erant jussi, faciebant: ac vestium quidem, quoniam juxta barbaricum morem erant splendidæ, multique pretii, complures extiterunt emptores: cæterum ipsa corpora candida, prorsusque tenera ac delicata, nec quidquam virile præ se ferentia, quippe in umbra, otio ac voluptatibus educata, adeo nemo concupivit emere, ut deriderent etiam hoc mercium genus, velut inutilium, nec ullius omnino pretii. Id animadvertens Agesilaus, qui auctioni præsidebat & hunc casum torsit ad animandos ad fortitudinem milites: *b* Hæc, inquit, sunt pro quibus pugnatis, ornamenta captivorum ostendens: Hi, quibuscum pugnatis, nuda captivorum corpora demonstrans. Duplici nimirum argumento addidit suis animos, amplissima spe præmiorum, & hostium imbellium extremo contemptu.

16. IDEM quum in Lydia Tissaphernem vertisset in fugam, ac quam plurimis interemptis jam in agros regios fecisset incurfionem, rex Persarum per legatos, quorum præcipuus Titraustes ingentem pecuniarum vim ultro ad illum misit, petens ut à bello desisteret: Agesilaus spreta pecunia, respondit: *a Pacis quidem tempore Reipublica vigere auctoritatem, ut ejus habeat decernendi quod ad tuendam civitatis tranquillitatem censuerit conducere, belli vero tempore non item. Sibi vero jucundius esse, si milites suos ditet, quam si ditiescat ipse: b Præterea se pulcherrimum ducere, si Græci non munera caperent ab hostibus, sed armis pararent spolia.* Vox excellentis animi, qui non aliud virtutis præmium ambiret quam gloriam, nec pacem hosti venderet fraudato milite.

17. QUUM Megabates Spithridatis filius, eximia forma adolescens, Agesilaum adiisset aliquando salutandi gratia, ac juxta Persarum morem osculum offerret, quod ab eo videretur admodum amari: Agesilaus avertit vultum, refugiens osculum. Cæterum cum erubisset ille, ratus se contemptui fuisse, ac deinceps salutaret eum eminus: rex poenitens vitæ osculi, finxit se mirari quid accidisset Megabatæ, quod ipsum non salutaret osculo: familiares responderunt: Ipse fuisti in causâ, ô rex, qui venientem non exceperis, sed formosi basium exhorueris: alioqui nunc quoque persuaderi poterit ut tibi veniat ad osculum, tantum ne rursus refugias. Hic posteaquam Agesilaus, aliquandiu tacitus suo cum animo cogitasset: *c Non est, inquit, opus, ut illi reditum persuadeatis. Nam ego mihi sic videor affectus, ut malim hujusmodi rebus superior esse, quam adversariorum urbem fortibus viris instructissimam per vim capere. Præstantius enim duco, ut qui sibi ipsi servet suam libertatem, quam ut aliis libertatem adimat.* O virum gerendo in alios imperio idoneum, qui suis cupiditatibus imperare posset! Quis non miretur tam philosophicum in homine militari judicium? Intellexit, neminem esse liberum qui serviret cupiditatibus: intellexit, nullum esse imperium speciosius, quam si quis animo suo posset imperare. Hoc exemplum

a Animose. b Liberaliter. c Continenter.

plum temperantiæ multo pulchrius videbitur reputanti, quod Græcorum leges formosorum adolescentium amorem concedant, citra turpitudinem tamen aut vim. Quanquam hoc Apophthegma Plutarchus in Vitis paullo secus refert: *Ego, inquit, denuo malim illam de osculo pugnare pugnam, quam omnia quæ viderim mihi fieri aurca.* Quo vir ille senserit amoris flammam acriorem, hoc pulchrius ducebat, non obsequi animo.

18. CUM cæteris in rebus esset rigidior, & exacte iusti legumque tenax, tamen in amicorum negotiis existimabat, inhumanitatis ac sævitæ prætextum esse, nimium adversus illos esse iustum. Hujus rei testis est epistola quædam perbrevis, quæ fertur ad Hidrieum Carem scripta, qua cuidam amico veniam deprecatur in hunc modum: *a Nicias si nihil peccat, dimitte hominem: si peccat, mihi dimitte, sed omnino dimitte.* Innocentem punire, scelus est: culpam interdum condonare in gratiam honesti deprecatoris, humanitas est. Cum enim iustitiâ semper oporteat esse clementia temperatam, quoties nacta est gravem interpellatorem, & minus habet invidiæ, & plus impetrat gratiæ. In plerisque igitur amicorum negotiis, ad eum modum se gerebat Agésilæus: interdum tamen magis sequebatur Reipublicæ utilitatem per occasionem oblatam, quam indulgebat amicitie.

19. QUODAM ergo die cum castra tumultuosius essent movenda: adolescentem cujus amore tenebatur, relinquebat ægrotum, cumque is & blandis precibus & lachrymis illum remorari conaretur, versus ad suos: *b Quam difficile est, inquit, simul & misereri & sapere:* malens sequi quod id temporis expediebat, quam quod dictabat in amicum affectus. His animi dotibus cæteris præcellebat Agésilæus.

20. CÆTERUM quod ad corporis curam attinebat, nulla in re melius habebat, quam hi, quibuscum vivebat: à saturitate & quidem crapula in totum abstinens, somno vero sic utebatur, non ut ille dominaretur, sed ut serviret negotiis: adversus æstum aut frigus-

fic erat instructus, ut quatuor anni temporibus unicus tantum vestibus uteretur. Cæterum cum in tentoriis inter milites ageret, velut unus quilibet è numero nihilo meliorem culcitram habebat quam cæteri: illud assidue habens in ore: *a Principis esse, non mollitie deliciisve, sed temperantia ac fortitudine privatis hominibus antecellere.* O vere regiam vocem, si addidisset, sapientia. Nam ea vox omnes Principis virtutes complectitur.

21. S C I S C I T A N T E quodam quid Spartæ fructus attulissent Lycurgi leges: *b Voluptatum*, inquit, *contemptum*: videlicet indicans, non alia magis ex re nasci Reipublicæ corruptelam, quam ex deliciis.

22. A L I I cuidam qui se dicebat admirari, quod Agesilaus cum cæteris Lacedæmoniis tam frugali cibo vestituque uteretur: *c Atqui*, inquit, *ô hospes, pro hac frugalitate opimam messem metimus, libertatem*: sapienter admonens nullam esse voluptatem viris ingenuis libertate suaviorem: nec ibi diu libertatem esse posse, ubi regnat luxus.

23. R U R S U S cum alius quidam eum admoneret, ut aliquid de vitæ rigore remitteret, causam addens, quod, quæ est vitæ volubilitas, evenire posset, ut tempus ipsum exigeret aliam vivendi rationem: *d At ego*, inquit, *me consuefacio, ut quacunque inciderit fortuna mutatio, ne quæram ipse mutationem.* Mira animi continentia, qui nec in austeriore vita delicias requireret, nec inter delicias agens, ab illis corrumpi posset.

24. Q U I N ne senex quidem factus quidquam de victus vitæque ratione ac corporis exercitiis remisit. Itaque percunctanti cur per acrem hiemem solo pallio tectus obambulet absque tunica homo tam provectæ ætatis: *e Ut*, inquit, *juvenes hanc vitæ rationem imitentur, cum exemplum habeant & extremæ senectutis hominem, & principem.* Sapienter admonens, senibus ita vivendum esse, ut adolescentibus exhibeant recte vivendi formam: & vulgus nihil imitari libentius, quam quod à viris principibus conspexerint factitari.

25. T H A-

a Temperate. b Moderate. c Sapienter. d Continenter. e Graviter.

25. THASIORUM gens ut copia rerum abundabat, præcipue vini præstantia nobilis, ita deliciis erat addictior: per horum agros cum exercitu proficiscenti Agesilao Thasii honoris gratia miserunt farinas, anseres, bellaria, liba ex melle condita, & item omnis generis alia maximi pretii tum esculenta, tum poculenta: *a* At ille præter farinas nihil accepit, reliqua domum referri jussit ab his, qui attulerant, tanquam sibi suisque prorsus inutilia. Caterum cum illi precibus & obtestationibus urgerent omnino ut acciperet xenia, jussit ea inter Helotes distribui: id erat apud Lacedæmonios mancipiorum genus. Ejus facti causam sciscitantibus respondit: *Non decere qui virtutis ac fortitudinis studio tenerentur, id genus delicias cupediasque recipere: propterea quod istiusmodi res, quibus inescarentur ingenio servili nati, oporteret à liberis procul abesse*: graviter taxans Thasiorum mores, qui dum voluptatibus servirent, nec ingenuos se præstarent, nec liberos: & sapienter ostendens, nihil esse servilius abjectiusque, quam gulæ ventrisque voluptatibus obnoxium vivere.

26. ADVERSUS voluptates quidem invicti pectoris hoc specimen dedit: adversus inanem gloriam non minus insuperabilem fuisse declarat, quod dicturus sum. Thasii quoniam intelligebant Agesilaum de ipsis optime meritum, templis ac divinis honoribus illum dignati sunt: atque hac de re legationem ad illum miserunt. Is ubi legisset honores, quos legati ad illum detulerant, percunctatus est, num illorum patria potestatem haberet ex hominibus faciendi deos: cum illi respondissent, habere: *b* *Agedum*, inquit; *primum vos ipsos deos facite: id si præstiteritis, tum vobis credam, quod me quoque deum facere poteritis*. Utrum hic prius admirari convenit, animi celsitudinem adeo contemnentis oblatum, ob quod Empedocles Philosophus semet in Ætnam conjecit, quodque tot eruditi principes tot artibus & impendiis ambierunt; an ingenii solertiam, qua Thasii vel summam stultitiam, vel abjectam adulationem suam in oculos ingessit?

27. N E C minus excelsi animi fuit, quod cum nationes quæ id temporis Græciam incolebant, decrevis-
sent illi in clarissimis quibusque civitatibus honoris
causa statuas erigi, rescriptis illis in hunc modum: *a Mei
nulla sit imago, neque picta, neque ficta, neque ullo alio arti-
ficio parata.* At principum vulgus hoc honoris genere se
diis æquiparari credebat, summumque rerum bene ge-
starum præmium arbitrabatur. Agesilaus ipso honesto
contentus, negligebat ejusmodi adulationes verius
quam glorias, inalens insculpi prudentum ac bonorum
hominum pectoribus, quam in foro æreus, aureusve
stare. Eximiam virtutem sponte suam consequitur de-
cus. Nec ulla speciosior statua, quam honorifica bene
actæ vitæ memoria.

28. I N Asia cum ædes quasdam conspexisset, qua-
rum tectum quadratis trabibus contextum esset, ro-
gavit ædium dominum, num apud illos ligna quadra
nascerentur: qui cum negasset talia nasci, sed ex ro-
tundis arte quadrari: *b Quid, inquit, ergone si quadrata
nascerentur, fieretur rotunda?* Immane quantum abfuit
illius regis animus à nostrorum ædificiorum deliciis,
in quibus nihil placet, nisi ex alieno devectum orbe,
aut multo artificio adulteratum.

29. C U M aliquando quidam percunctatus es-
set, quinam essent fines Laconicæ ditionis, vibra-
ta lancea: *c Quousque, inquit, hæc valeat pertinge-
re.* Vox egregio duce digna, qui bellum non nisi
justum susciperet, imperiumque virtute partum, vir-
tute tueretur.

30. R U R S U S alii cuidam percunctanti, quam ob
causam Sparta non cingeretur mœnibus, ostendit ci-
ves armatos: *d Hi, inquiens, sunt spartana civitatis mœ-
nia:* significans Respublicas nullo munimento tutiores
esse, quam virtute civium.

31. S I M I L I T E R cum alius quidem hoc idem
percunctatus esset, respondit: *e Civitatem non saxi li-
gnisve, sed pro vallis ac mœnibus, incolentium virtute mu-
niri*

a Magnanimiter. b Temperate. c Fortiter.

d Fortiter. e Sapienter.

niri oportere: quos si jungat concordia, nullus potest esse minus inexpugnabilior.

32. A D V E R S U S pecuniarum studium, *a* quo vitio plerique laborant, amicos admonere consuevit, ne tam pecuniis, quam fortitudine ac virtute studerent ditescere: quod frustra parat opes, qui veris animi bonis vacat.

33. S I Q U I D autem esset quod per milites celeriter confici vellet, *b* primus ipse sub oculis omnium operas aggrediebatur, quo vel pudore ad industriam exstimularentur. Efficacissimum exhortationis genus, principem hoc facere, quod ab aliis fieri velit.

34. I L L U D *c* sibi cum primis ducere solet gloria, quod cum rex esset, cæterisque consilio prospiceret, nihilo secius in laboribus obeundis nemini cederet: quodque sibi ipsi imperaret, sibi que, ut ita loquar, rex esset, id pulchrius esse judicabat, quam quod regnum obtineret in alios.

35. Q U I D A M conspiciens Lacedæmonium quendam claudum ad bellum exeuntem, cum ei equum veluti debili necessarium quæreret: *d* Non intelligis, inquit Agesilaus, in bello opus esse, non qui fugiant, sed qui loco maneant? Significans eos demum esse bello utiles milites, quibus decretum est, in prælio aut vincere, aut mortem oppetere.

36. P E R C U N C T A N T I cuidam, qua ratione pararet sibi eximiam gloriam: *e* Si mortem, inquit, contemseris. Nihil enim in bello præclaræ rei geret, cuius animum mortis metus occupavit. Idem affectus in omni vita mortalium à pulcherrimis facinoribus revocare solet.

37. R O G A N T I quam ob causam Spartiatæ ad tibiarum cantum inituri prælium exercerentur: *f* Ut cum ad numerum, inquit, incedunt, appareat qui formidolosi sint, qui fortes. Nam anapæstorum ictus strenuis addebant animum, vehementer meticulosi pallorem ac tre-

A 7

morem

a Sapienter. *b* Impigri exempli. *c* Graviter. *d* Facere.

e Graviter. *Vita* contemptus. *f* Prudentes.

morem incutiebant. Itaque cum pes non responderet ad modulos tibiæ, prodebatur ignavorum imbecillitas. Magni siquidem refert, ut dux perspectos habeat militum suorum animos, quo norit qui sint à prælio summovendi, aut qui qua parte exercitus collocandi. Valerius Maximus libro secundo putat tibiæ adhiberi solitas ad incitandos militum animos: contra Thucydides apud A. Gellium tradit, pro tubis & cornibus Lacedæmonios ad prælium tibiis uti solitos, ad moderandam vim & impetum militum, ne sparsi dispalati-que prouerent in hostem, sed composite incederent suisque ordine. Proditum est litteris, Cretenses cithara præcinente prælium inire solitos.

38. CUM quidam apud Agesilaum admiraretur regis Persarum felicitatem, quod admodum juvenis esset: *a Ne Priamus quidem, inquit, quum hoc esset ætatis, erat infelix*; indicans neminem appellandum beatum, nisi ad supremum vitæ diem pervenisset, quod nec Priamo nec Cræso contigit.

39. QUUM maximam Asiæ partem armis sibi subegisset, constituerat ad ipsum regem Persarum proficisci, ut eum compesceret: qui sic erat quietus à bello, ut interim Græcorum duces pecunia corrumpere: cæterum revocatus domum ab Ephoris ob Spartam Græcorum obsidione cinctam (nam id rex Persarum pecuniis missis effecerat) paruit, dicens: *b Bonum Imperatorem legum imperatis parere oportere*: citraque cunctationem solvit ex Asia, magno sui desiderio relicto Græcis Asiaticis. Offerebatur rei bene gerendæ occasio, invitabat illum Græcorum affectus, ut instituta perageret, sed rex à tyrannide alienissimus, legum auctoritatem existimabat omnibus anteponendam.

40. QUONIAM vero Persarum numisma sagittarium habebat insculptum, ex Asia discedens agebat: *c Se triginta sagittariorum millibus à rege Asia depelli*. Tot enim Daricorum aureorum millibus Athenas ac Thebas deportatis, & in plebis moderatores distributis, Timocrates effecerat, ut populus hostilem animum

adver-

a Argute. b Moderate. c Facete.

adversus milites susciperet. Ephoris autem rescripsit in hunc modum : *a* Agesilaus Ephoris salutem : *A*siam magna ex parte subegimus, barbaros expulimus, frequenter in Ionia confliximus : attamen quoniam pro magistratus auctoritate jubetis ut istuc ad diem praescriptum adsim, consequor hanc meam epistolam, ac fortassis antevertam etiam. Nec enim mihi principatum gero, sed tum Reipub. tum sociis & amicis Reipub. Atque ita demum qui potitur imperio, vere legitimeque imperat, cum & ipse paret imperio legum & Ephorum, aut quicumque sint illi, qui in Republica magistratu funguntur. Quid hujus ducis animo moderatius? at quid eodem excelsius?

41. *D*E I N cum transmissio Hellesponto iter faceret per Thraciam, *b* nulli quidem barbarorum supplex fuit ut daretur transitus, sed missis ad singulos nuntiis rogabat, utrum per hostium, an amicorum regionem iret : ac ceteri quidem illum amice recipiebant venientem, ac discedentem deducebant. Ceterum qui Troadenenses appellantur, à quibus, ut fertur, Xerxes datis muneribus transeundi copiam emerat, transitus mercedem postulabant ab Agesilao, centum argenti talenta, totidemque foeminas. *c* At is irridens eos, rogavit cur non protinus venissent accepturi quod postulabant. Admovit exercitum, & congressus cum his qui se obiter collocarent in acie, omnes vertit in fugam, compluribus trucidatis : itaque sibi ferro viam aperuit.

42. *I*T I D E M & ad Macedonum regem nuntios misit, rogatus utrum per hostium solum irent, an amicorum. Cum respondisset, se consultaturum : *d* Fiat, inquit, igitur consultatio, nos tamen interim iter faciemus. Rex admiratus hominis audaciam, sibi que metuens, satius esse sensuit illum ut amicum suscipere.

43. *T*H E S S A L O R U M, qui hostibus tulerant suppetias, agros depopulatus est. *e* Virtus sic erat æquitate temperata, ut nec amicos læderet, nec inimicis parceret, ubi fortuna dedisset ulciscendi occasionem. Hoc

apoph-

a Moderate. *b* Fidenter. *c* Animose. *d* Intrepide.

e Severe.

apophthegma non est, & ab indocto quodam truncatim adjectum est.

44. AD Larissæos autem qui non juverant res hostium, Xenoclem, ac Scythen legatos misit amicitiae conciliandæ gratia. Hos cum Larissæi comprehensos asserarent in custodia, cæteri, quidem id factum graviter ferentes, censuerunt, ut Agesiæus admoto exercitu Larissam urbem obsidione vallaret. *a* At ille negabat, se vel universam Thessaliam hac conditione velle capere, ut ex his, quos miserat, alterius faceret jacturam, amissurus utrumque si illos bello laceffisset: itaque captos acceptis conditionibus liberavit ac recepit. Tam atrocem injuriam duorum amicorum incolumitati condonavit, alioqui contumeliarum impatiens; dicas illum suos affectus in sua habuisse potestate.

45. FELICITER pugnatum erat apud Corinthum, in eo prælio quanquam accepisset Spartanorum admodum paucos desideratos, cæterum è Corinthiis & Atheniensibus, aliisque sociis ingentem numerum interiisse, adeo non gavisus est, nec elatus ea victoria, ut graviter ingemiscens deploraret Græciæ vicem: *b* *Heu*, inquit, *Græciam, quæ tot viros intestino bello perdidit, quot universis barbaris debellandis satius esse poterant.* Viro magnanimo victoria erat optabilis, sed carior erat sociorum incolumitas. Quo animo talisset ille si plurimorum civium interitu fuisset emptæ victoria? Non parum laudis promeretur hic affectus in duce Lacedæmonio tum natura bellaci, tum ethnico: at Christiano principi nulla non debet esse lugubris victoria, quæ plurimorum etiam hostium exitio contigit.

46. CÆTERUM cum Pharsalii urgerent, latrociniiisque vexarent ipsius exercitum, *c* sexcentis equitibus vertit illos in fugam, moxque trophæum statuit sub Nanthaciis. Nec alia victoria magis lætatus est, quod ipse per se constituto equitatu paucorum, nec aliis adhibitis copiis, eos superasset qui de re equestri præcipue gloria-bantur. Pulchrum est vincere laceffentes, præsertim his præfidiis, quibus hostes potissimum sese jactant.

47. NUN

a Amice. b Clementer. c Feliciter.

47. Nunc accipe geminum in gloriæ cupidissimo duce temperantiæ exemplum : Cum Diphridas illi è patria nuntium attulisset , ut omiſſis quæ tum agebat , prætinus in Bœotiam irrumperet ; quanquam destinaret hoc ipsum postea majore aggredi apparatu : tamen magistratibus obtemperans , accersitis ad se viginti milibus eorum qui apud Corinthum militabant , invasit Bœotiam , ac juxta Coroneam congressus cum Thebanis , Atheniensibus , Argivis & Corinthiis , ambas acies superavit , licet ipse multis acceptis vulneribus corpore esset graviter affectus. *a* Quæ pugna cum esset inter res ab illo gestas omnium maxima , quemadmodum scripsit Xenophon , tamen domum reversus nihil de pristino victu vitæque modestia mutavit ob tantos rerum successus , totque victorias. Multo dignior erat triumpho victoria , qua vir ille primum suis consiliis anteposuit legum auctoritatem , deinde tot egregiis facinoribus nihilo factus est insolentior.

48. ANIMADVERTENS civium nonnullos qui in pretio habebantur , *b* ac sibi placebant quod equis alendis intenderent animum , sorori Cyniscæ persuasit , ut consenso curru certaret in Olympiis : hoc pacto Græcis ostendere cupiens , id genus exercitamenta nullius esse veræ virtutis , sed nihil aliud habere quam opum & impendiorum ostentationem , eoque foeminis esse digniora quam viris.

49. CUM haberet apud se Xenophontem illum sapientem , eumque plurimi faceret , jussit ut filios suos *c* accerſeret Lacedæmonem docendos artem omnium pulcherrimam , videlicet imperare & parere imperio. Athenis florebat omnium liberalium disciplinarum genus , sed hanc cæteris omnibus præstantiorem existimabat , nusquam melius disci quam apud Lacedæmonios , ubi non verbis disputabatur de bene administranda Republica , sed civium moribus. honestissimæ rei exemplum exprimebatur. Simul indicans , eos non esse gerendo magistratui idoneos , qui legibus ac magistratibus nescirent obsequi.

50. PRO-

a Modeste. *b* Facete. *c* Graviter.

50. PROINDE rogatus abs quopiam, quam ob rem Spartanorum Respublica præ cæteris, secundis rebus floreret: *a* Quoniam, inquit, plus cæteris in hoc sese exercerent, ut pariter & imperare & parere sciant. Quæ duæ res à civibus excludunt seditiones, & tuentur concordiam.

51. CUM vita defunctus esset Lysander, Agesilaus numerosam sodalitatem aggregatam comperit; quam ille ex Asia domum reversus statim adversus Agesilaum instituerat: id indigne ferens Agesilaus, destinabat omnibus palam facere, cujusmodi civis fuisset Lysander dum viveret: ac perfecta quadam oratione, quam Lysander in libro descriptam reliquerat, compositam quidem à Creonte Halicarnasseo, sed in hoc, ut hanc Lysander edisceret, atque apud popularem multitudinem recitaret (Tractabat autem oratio de novandis rebus, deque mutando Reipublicæ statu) hanc, quoniam arguebat Lysandrum fuisse civem perniciosum ac seditionis avidum, Agesilaus voluit evulgare. Cæterum ubi senex quidam Ephorus orationem perlegisset, metuens dictionis gravitatem ac vehementiam, *b* ne lecta quoque multos ad rerum novarum studium excitaret, consuluit Agesilao ne Lysandrum sepultum refoderet, sed orationem premeret. Senis consilio paruit, & à cœptis conquievit Agesilaus, doctus non solum obtemperare publicis legibus ac magistratui, verum etiam privato senioris consilio. Vir excelsi animi plus apud se valere voluit publicam utilitatem quam privatum odium, simulque perspexit, indecorum esse, simultatem exercere cum sepulto. Hac moderatione usus est adversus manifestum inimicum.

52. PORRO qui clanculum ipsi adversarentur, eis palam quidem non exhibebat negotium, *c* sed efficiebat ut ipsum in militiam sequerentur, atque ex his nonnullos duces exercitus ac magistratus factos evehebat: qui cum se in magistratu improbe & avare gessissent, eoque in jus vocati periclitarentur, *d* rursus Agesilaus illis patrocinebatur, & ab ipsis stabat, atque hac arte

a Disciplina civilis. *b* Moderare. *c* Callide. *d* Moderate.

arte reddebat eos ex clanculariis hostibus amicos, & ad se revocabat : quibus rebus factum est, ut jam neminem haberet adversarium. Quid hac prudentia civilius, quam mederi malevolis maluit quam ulcisci ?

53. QUIDAM petiit ab Agesilao, ut se scriptis ad hospites & amicos suos Asiaticos litteris commendaret, quo apud illos jus suum consequeretur : respondit, nihil esse opus litteris commendatricibus : *a* Nam mei, inquit, hospites sua sponte quæ juxta sunt, faciunt, etiam si illis non scripsero. Apud bonos in bona causa supervacua est commendatio, cum ipsa res impetret quod precibus exoraretur. Dux egregius non nisi cum sui similibus hospitium conjunxerat.

54. OSTENDEBAT illi quidam civitatis cujusdam muros bene tutos valideque exstructos : cumque rogasset viderentur ne pulchri : *b* Pulchri, inquit, per Jovem : verum apparet in hoc paratos, ut mulieres inhabitent, non viri : sentiens non aliis mœnibus rectius communiri civitatem quam strenuis civibus.

55. MEGARENSI cuidam multa juveniliter de sua civitate adversus Agesilaum jactanti : *c* Adolescens, inquit, tui sermones opus habent magnis viribus. Significans indecenter eum magnifice loqui, cui vires non suppetunt orationi pares.

56. TANTUM & cæteris in rebus aberat à vulgi judicio vir prudentissimus, ut quæ cernebat alios admirari, ipse in tantum contemneret, ut ne nosset quidem, quod evenit in Callipide. Is erat tragoediarum auctor, multi nominis, famæque celebris apud Græcos, & à cunctis in pretio habitus. Primum quidem occurrit Agesilao, eumque est allocutus : post improbe semet admiscuit his, qui simul cum rege ambulabant, seseque ostentabat, ratus futurum, ut rex prior ipsam comiter & cum benevolentia quadam amplecteretur. Id cum non fieret : Tandem non, inquit, agnoscis me ô rex, nec audisti qui sim ? Agesilaus autem intuitus illum : *d* An non tu es, inquit, Dicelicta ? Nam hac voce

pecu-

a Juxte, Humaniter. *b* Graviter. *c* Modeste.

d Graviter.

peculiaris Lacedæmoniorum lingua significat mimum, hoc est imitatore[m]: δεικλον enim illis simulachrum sonat, aut effictam imaginem. Adeo vir prudens, & omnia Reipublicæ commodis metiens, nullo honore dignatus est histriõnem quamvis insignem, cujus ars ad solam parata voluptatem corrumpendis civium moribus esset accommodatior, quam erudiendis.

57. H u i c simile est, quod rogatus ut vellet audire quendam, qui mira similitudine luscinia[m] vocem imitabatur, recusavit: *a* *Frequenter*, inquit, *ipsam audiivi lusciniam*: significans ineptam esse voluptatem, magis delectari ipsa simulatione quam natura.

58. Q U E M A D M O D U M autem ipse singulari modestia præditus erat, ita non tulit in aliis arrogantiam. Menecrates quidam medicus, cum desperatæ quædam curationes ipsi feliciter cessissent, populari adulatione dictus est Jupiter. Hoc cognomento vir arrogantis ingenii delectatus, insolentius usus est eo titulo. Tandem cum & Agesilao scriberet, nec veritus esset hac uti salutatione. *b* *Menecrates Jupiter Agesilao regi salutem*. Rex eo offensus proœmio, præterea nihil dignatus est legere. Sed rescripsit in hunc modum: *Rex Agesilaus Menecrati sanitatem*. χυλπειν Græci dicunt quibus bene precantur, υχυλπειν ambiguum verbum fere in malum sonat, cum significamus abesse sanitatem mentis. Eo verbo quidem Cæsari exprobravit insaniam.

59. F O R T I T U D I N I S etiam in rebus adversis insigne dedit specimen Conon & Pharnabazus per classem regiam mari potiti obsidebant maritimas Lacedæmoniorum regiones, cum interim Atheniensium civitas mœnibus esset cincta. Itaque Lacedæmonii, Pharnabazo donante pecuniam, *c* pacem ineunt cum rege, mittuntque civem Antalcidam ad Theribazum, Græcos Asiaticos, pro quibus bellum gesserat Agesilaus, tradentes regi: unde pessime evenit, ut hujus ignominia portio recideret in Agesilaum: Antalcidas enim inimicus erat Agesilao: eo pacem quacumque occasione confecit; invidens illius gloriæ, quem videbat bello

cre-

erescere, reddique maximum, ac maxime celebrem. Nec tamen hæc infelicitas dejecit illius animum, quin etiam cuidam dicenti quod Lacedæmonii Medissarent, ita respondit: *Immo Medi potius Laconissant*: significans indolem suæ gentis corrumpi fortuna non posse.

60. QUODAM tempore rogatus, utra virtus esset præstantior, fortitudo an iustitia, graviter respondit: *a Fortitudinis nullum esse usum, nisi adsit iustitia. Quod si omnes essent iusti, nihil opus fore fortitudine.* En animum summo dignum duce, qui nihil vi præter æquum iudicavit faciendum: recteque perspexit plurimum interesse inter audaciam & fortitudinem.

61. CUM Græci, qui Asiam incolebant, Persarum regem ex more magnum appellarent: *b Qua*, inquit, *re ille me major est, nisi sit justior ac temperantior?* Contempsit vir egregius externa bona, quæ vulgus præcipue suspicit, totamque hominis felicitatem animi bonis metiebatur. Ea lententia philosophis esse consuevit in ore, hanc bellator expressit affectu.

62. NOTANS præposteram licentiam eorum, qui Asiam incolebant, ejus gentis corruptæ moribus, dicere solet: *c Inter illos, qui improbi essent, eos esse liberos: contra, qui probi, eos esse servos, quod ibi vitiiis licerent omnia, virtus haberetur odio.*

63. INTERROGATUS qua ratione potissimum quis assequi posset, ut apud homines honestam haberet famam: *d Si loquatur, inquit, quæ sunt optima; & faciat quæ sunt honestissima.* Quid dici poterat brevius, at rursus quid absolutius? Itidem Socrates idem percunctanti: *Si talis, inquit, esse studeas, qualis haberi vis.* Siquidem fucis parva gloria ut non est vera gloria, ita nec diuturna est.

64. CELEBRATUR & hoc illius dictum principibus ediscendum: *e Imperatoris officium esse, erga rebellantes audacia, erga subiectos benevolentia uti: quod idem Maro nobili carmine docuit:*

Parcare subiectis, & debellare superbos.

Neque

a Jusse. b Animosè. c Graviter. d Sapienter.

e Jusse, Moderate.

Neque enim vere victor est, qui iracundiæ vindictam flagitanti frenum nescit imponere.

65. CUIDAM sciscitanti quæ potissimum pueris essent discenda: *a* Ea, inquit, quibus usuri sint & cum ad virilem pervenerint ætatem. Rectè censuit vir prudens, solam virtutem primum ac statim à teneris unguiculis disci oportere: nec ullam ævi portionem artibus frivolis dandam: quæ ut in pueris habent ostentationem plausibilem, ita nec grandibus decoræ futuræ sint, nec ad seria vocatis utiles.

66. IDEM cum in causa quadam sederet iudex & is quidem qui accusabat rectè dixisset, patronus contra inale, subinde tamen repeteret inter dicendum: Agesilae, decet regem opitulari legibus: perinde quasi bonam haberet causam, & ab ipso starent leges: hominis improbitatem interpellans Agesilaus: *b* Si quis, inquit, tibi domum perfoderit aut vestem abstulerit, num expectaturus esset, ut architectus, aut qui vestem contexuit, tibi sit auxilio futurus? Subindicabat regem esse veluti legum architectum, nec convenire, ut is opituletur ei qui contra leges aliquid admiserit.

67. CUM pax coisset, eique à rege Persarum essent allatæ literæ, *c* quas Perses una cum Gallia Lacedæmonem perferebat, de hospitio deque amicitia tractantes, non recepit: sed iussit illos regi nuntiare, nihil esse necesse privatim ad ipsum literas mittere: cæterum si perspicuum foret, illum bene velle Lacedæmonis & Græcis, ipsum quoque illi pro viribus futurum amicum. Quod si deprehenderetur insidias tendere: *Ne putet*, inquit, *quod me sit habiturus amicum, etiamsi vehementer multas ab eo recepero epistolas.* Quid hoc animo sublimius, cui in omnibus rebus gerendis hic unicus erat scopus, consulere Reipublicæ commodis?

68. CUM miro esset affectu erga liberos suos, dicitur aliquando arundine pro equo conscensa, *d* una cum pueris lusisse domi. Id cum forte vidisset ex amicis illius quidam, rogabat ne cui diceret quod viderat, prius quam ipse quoque liberorum parens esset factus: festive sub-

a Sapienter. *b* Salse. *c* Incorrupte. *d* Pie & Urbane.

subindicans eum lusum non esse levitatis, sed pietatis; nec hoc quod agebat, videri posse ineptum ei, qui modo expertus esset quam ingens sit affectus charitatis parentum erga filios.

69. CUM assidue belligaretur adversus Thebanos, ac in prælio quodam vulnus accepisset, Antalcidas, ut fertur, ait: *a Præclara doctrina tuæ præmia recipis à Thebanis Agesilæ, quos, cum nec vellent bellare, nec scirent, bellare docueris.* Nam ajunt re vera, Thebanos crebris Lacedæmoniorum adversus ipsos expeditionibus multo bellicosiores esse factos, quam antea fuerant. Eoque Lycurgus ille priscus legum conditor, in legibus quæ vocantur Rhetra, veluti dicas, oracula à diis profecta, vetuit sæpius eosdem bello laceffi, ne hostes usu bellare discerent. Quanquam hoc apophthegma non est Agesilai.

70. AUDIVERAT socios moleste ferre tam crebras expeditiones, præsertim cum ipsi permulti Lacedæmonios numero paucos sequerentur. Agesilaus itaque volens ostendere quanta esset Lacedæmoniorum multitudo, jussit universos socios simul considere permistos invicem, Lacedæmonios item separatim solos. Mox per præconem edixit, ut primi omnium surgerent figuli: hi cum surrexissent, secundo loco per præconem jussit surgere fabros ærarios, deinceps architectos, ac domorum opifices, similiter & aliarum artium singulos. Ita factum est, ut propemodum socii surgerent omnes, Lacedæmoniorum vero nullus, eo quod Lacedæmoniis, qui militiæ parantur, interdictum sit, opificium aut artem sedentariam vel exercere, vel discere. Hoc facto risit Agesilaus: *b Videtis, inquit, ô viri quanto plures nos educimus quam vos?* Hoc strategemate dux inclytus demonstravit, non perinde referre quam numerosum militem educas in prælium, ut quam fortem & exercitatum.

71. IN pugna Leuctrica cum Lacedæmoniorum multi fugissent, iique legibus pœnas dare deberent; Ephori reputantes civitatem viris desertam, egere militibus,

ribus, cupiebant eam ignominiam militibus remittere, simulque servare leges. Deligunt igitur Agesilaum novarum legum conditorem. Is prodiens in suggestu: *a* Ego, inquit, alias leges haud quaquam laturus sum. Neque enim his, quas habetis aut additurus sum aliquid, aut detracturus, neque quidquam omnino mutaturus. Sed mihi rectum videtur, ut leges quas habetis, à die crastino robur habeant & auctoritatem. Eo commento vir solers simul & praesenti civitatis necessitati consuluit, & periculosum mutandarum legum exemplum exclusit à Republica, uno tantum die legibus abrogatis.

72. **E X E M P L U M** erat praesentis & inperterriti animi, quod cum Epaminondas cum admirabili impetu ac procella irrueret, adeo ut Thebani sociique jam de victoria gloriarentur, nihilo minus Agesilaus tutatus est Spartam civitatem: in qua tamen perpauci erant, tamen *b* hostes coëgit domum reverti. Hoc quocunque nomine voces, certe apophthegma dici non potest.

73. Ut hoc erat fortitudinis, ita quod dicturus sum consilii prudentiaeque laudem habet. Cum pugnaretur apud Mantineam, admonuit Lacedaemonios ut ceteris omissis omnibus in unum Epaminondam intenderent vim praelii, dicens: *c* Solos cordatos, esse viros fortes, hosque solos esse auctores victoriae. Itaque si hunc, inquit, ceperimus, facillime ceteros in potestatem nostram redigemus, vecordes nulliusque pretii, quod & evenit. Nam inclinante ad Epaminondam victoria, cum nonnullorum fuga fieret, adhortanti illi suos & à fuga revocanti Lacedaemonius quispiam letale vulnus inflixit. Eo prostrato qui erant cum Agesilao à fuga reversi, jam ancipiti Marte cum hoste depugnant, sic tamen ut multo inferiores Thebani, multo praestantiores Lacedaemonii viderentur. Hac arte prudentia ducis consuluit incolumitati suorum, qui fuerant haud dubie perituri: simul illud docuit, in bello plus habere momenti unum vere prudentem & cordatum, quam turbam imprudentium.

74. **C U M** Spartanos pecuniae deficerent ad bellum, eo quod alerent externum militem, *d* Agesilaus in
Aegy-
a Solerter. *b* Fortiter. *c* Prudenter. *d* Pie in patriam.

Ægyptum profectus est, ab Thacco Ægypti rege accitus stipendio. Caterum Agesilaus ob corpus incultum ac vestis vilitatem venit in contemptum ejus gentis hominibus, qui sperarant se visuros Spartanum regem talem, qualis esset rex Persarum, corpore decentissime ornatum: perperam sane de regibus sentientes, quos externo cultu putarint æstimandos potius quam animi virtutibus. Nihil ille quidem de cultus ac victus simplicitate mutavit, sed interim ostendit, majestatem dignitatemque regiam non vestium splendore, sed prudentia ac fortitudine parari oportere: graviterque taxavit vulgares monarchas, quibus si diadema, purpuram, aurum & gemmas detrahas, nihil videas præterea regium. Quin eodem facto declaravit insignem erga patriam pietatem, qui ob publicam utilitatem non gravatus sit in Ægyptum proficisci: nec ætatis jam seræ ac vergentis ad annum octogesimum excusatione uti voluit, quo minus apud Barbaros stipendium faceret, modo Reipublicæ subveniret. Athenæus hoc modo rem narrat. Agesilaus in Ægyptum profectus, Thacco regi laturus suppetias, quoniam corpore erat pusillo, his verbis à Rege contemptus est: *Parturiit mons, Jupiter metuit, & ille peperit murem.* Id ut audivit Agesilaus: *At ego, inquit, aliquando tibi videbor leo.* Nam post, cum illi non adesset Agesilaus, regno pulsus confugit ad Persas.

75. CÆTERUM ubi quos educturus erat in aciem, conspiceret ob imminens periculum formidolosos, partim propter hostium multitudinem, (erant enim numero ducenta millia) partim ob ipsorum paucitatem, decrevit ante conflictum rem divinam facere, veluti capturus auspiciam ab extis: itaque non consciis cæteris, lævæ manus volæ literis inversis victoriam inscripsit, & deinde jecur ab haruspice acceptum, supposuit manui, quæ clam scripturam habebat: diuque tenuit ingens interim se deliberabundum, ac dubitantis speciem præ se ferens, donec literarum figuræ jecinori imprimerentur: moxque militibus, quos in aciem educturus erat, ostendit, dicens: *Deos his literis certo portendere victoriam.*

B

Illi

Illi vero existimantes sese certum habere signum futuræ victoriæ, vehementer animati sunt ad pugnam. Hic dolus multo plus valuit quam oratio quamvis proluxa ac meditata. Et hoc strategema est, non apophthegma.

76. CUM hostes Agesilai exercitum fossâ cingerent, id quod facile poterant ob multitudinem, ac Nestabius, cui suppetias ferebat, censeret erumpendum, & cum hoste conferendas manus, ne quod instituerant perficerent, ille negabat impediendos hostes, qui pares hostibus esse studerent, non superiores. Siquidem fossa utriusque adimebat confligendi copiam. Porro cum parum abesset quin fossâ coiret, per hoc angustum intervallum instruxit quod erat reliquum militum: *a* ac inter partes commissâ pugna vertit illos in fugam, hostiumque ingentem stragem edidit paucis militibus quos secum habebat, atque ex præda magnam pecuniarum vim misit Spartam.

77. DECESSIT ab Ægypto patriam repetens morbo implicitus in portu qui Menelai dicitur. Moriens autem mandavit iis qui aderant ne quam fictilem, aut alias imitatum corporis sui imaginem facerent. *b* Si quod, inquit, præclarum facinus gessi, hoc erit monumentum mei: sin minus, ne omnes quidem statuae, cum sint vilium ac nullius rei opificum opera, illustrabunt mei memoriam. Quis non miretur in bellatore pectus tam Philosophicum?

78. CREBRO solet in concione admonere milites suos, *c* ne captivos ut facinorosos cruciarent: sed ut homines servarent. Infantibus etiam in bello captis providit, ut in unum locum comportarentur, ne mutatis castris, relictî perirent. Eandem curam impendit senibus captivis, nec quoniam sequi non possent, à canibus lupisve discerperentur. Hæc autem humanitas illi non solum aliorum, verum etiam captivorum miram benevolentiam conciliavit. Et nunc homines sibi videntur, qui trucidatis infantibus ac senibus, eam aetatem abducunt, quæ vel libidini apta est, vel labori, vel utrique. Quo progressa est immanis illa feritas.

Ex

a Animosè. *b* Modestè. *c* Humaniter.

EX PROBO ÆMYLIO.

79. A P U D Coroneam Athenienses ac Bœoticos cum suis sociis, Agésilai iter impedire conatos, gravi prælio vicit: ei victoriæ per se magnificæ multum laudis apposuit religionis exemplo. Multi è prælio confugerant ad templum Minervæ: de his rogatus quid vellet fieri Agésilai, *a* vetuit illos violari, cum in eo prælio vulnera aliquot accepisset: videreturque vehementer iratus omnibus qui tum arma adversus ipsum tulerant, tamen plus apud illum valuit religio quam ira. Neque hoc solum in Græcia fecit, ut templa Deorum haberet sancta, verum etiam apud Barbaros summa religione simulachra arasque consecravit, quasi in hæc nullum esset jus belli. Itaque præclare solitus est dicere: *Se vehementer admirari, eos non haberi sacrilegorum numero, qui lederent ipsis supplices, ac per Deos obtestantes, nec graviores summi pœnas de his qui religionem minuerent, quam qui templa spoliarent: recte judicans, Diis esse cariorem hominum salutem, quam muta templorum ornamenta.*

80. A C C I P E nunc exemplum fortitudinis clementia temporatæ. *b* Postea quam ingenti strage fregisset Corinthiorum vires, eosque intra mœnia compulisset, multis hortantibus ut urbem oppugnaret, negavit id suæ virtuti convenire, qui peccantes ad officium cogeret, non qui nobilissimas Græciæ urbes subverteret. Ut hoc eximiæ cujusdam moderationis, ita quod adjecit, admirabilem viri prudentiam arguebat: *c* *Si, inquit, eos extinguere voluerimus qui nobiscum adversus Barbaros steterunt, ipsi nos expugnaverimus vel quiescentibus hostibus, qui subversis sociis nullo negotio, quando volent, nos oppriment.*

81. D I V I N I T A T I S cujusdam esse videtur, quod adjiciam. Cum adornaretur expeditio apud Leuſtra, quæ Lacedæmoniis fuit luctuosissima: Agésilai cum à plerisque urgeretur ut exiret, proficisci noluit, perinde quasi calamitatem irrecuperabilem animo præsentiret.

82. R U R S U S accipe solertiæ Reipublicæ salutaris argumentum. Cum Epaminondas incredibili impetu Spartam urbem invaderet, ac civitas careret mœnibus, aliquot adolescentes hostium adventu territi, statuerant ad Thebanos transfugere, jamque locum editum extra urbem occuparant. *a* Agesilaus perpendens actum fore de civitatis incolumitate, si sensisset populus aliquos ad Thebanos transfugere, conari dissimulans cum suis ad adolescentum turmam pervenit, ac perinde quasi id bono animo fecissent, collaudavit consilium, quod eum locum occupassent: sibi que in animo fuisse dixit, idem facere. Sic adolescentulos ficta laudatione temperavit, & adjunctis suis comitibus locum tutum reddidit. Etenim qui transfugiendi consilium clam ceperant, videntes majorem adjunctum numerum eorum, qui ejus consilii fuerant expertes, non ausi sunt sese commovere: eoque libentius convenerunt, quod latere arbitrabantur quæ cogitarent. Absque dubio Sparta non erat futura Sparta, nisi tum Agesilaus celeritate consilii salutem attulisset. Eadem arte & juvenili temeritati remedium adhibuit pro supplicio.

- A G E S I P O L I S *Cleombroti.*

83. A G E S I P O L I S Cleombroti filius, cum quispian apud ipsum ceu rem magnificam prædicaret, quod Philippus Macedonum Rex intra pauculos dies subvertisset Olynthum: *b* *Atqui per Deos*, inquit *talem civitatem longe majore temporis spatio non exstructurus est*: significans multo regalius esse condere urbes, quam conditas demoliri.

84. C U M alius quidam dixisset, ipsum cum Rex esset, cum æqualibus suis fuisse obsidem, non liberos aut uxores eorum, velut hoc esset Regi dedecorosum dari in manus ac jus aliorum, cum alii Reges soleant uxorem ac liberos pro se dare obsides: *c* *Et quidem jure*, inquit, *optimo: par est enim ut nos nostra ipsorum feramus errata*: subindicans, si quid calamitatis accidit in bello aut in Republica, Regum vitio accidere, eoque
justum

a Solerter. *b* Clementer. *c* Juste.

justum esse, ut hi potissimum puniantur, per quos venit calamitas. Cæterum morem iniquum esse quo receptum est, ut conjuges ac liberi qui nihil commeruerint, dedantur obsides.

85. I D E M cum è Sparta jussisset mitti catulos, ac respondisset aliquis, non exportari apud Lacedæmonios catulos: *a Ne viros quidem*, inquit, *antea, atqui nunc fieri capit.* Festiviter indicat, in Republica bene instituta omnia proficere in melius. Olim Lacedæmonii ægre sua tuebantur, post ausi sunt Reges ac gentes procul semotas bello laceffere. Quemadmodum autem recta institutio viros reddit bello & Reipublicæ utiles, ita canes ad venatum habiles reddit educatio.

A G E S I P O L I S *Pausania.*

86. A G E S I P O L I S Pausaniæ filius, cum Arhenienses querimoniarum, quas cum ipso mutuas habebant, arbitram delegissent Megarensium civitatem, quæ controversiam inter eos componeret: *b Turpe*, inquit, *si Megarenses melius norunt quid justum sit, quam hi, qui se Græcorum Duces ac Rectores præstitissent.* Megarenses apud Græcos male audiebant, de quibus jactatum est, quod neque primi essent, neque secundi, neque tertii, neque quarti, neque ullo in numero: cum Athenienses plæreque Græciæ imperarint: ab ipsis igitur quibuscum litem habebat Rex, volebat finiri dissidium: simul declarans, & quam suæ fideret causæ, & quam adversariis non diffideret: malens clarissimæ civitatis judicio vinci, quam Megarensium arbitrio vincere.

A G I S *Primus.*

87. A G I S Archidami filius, cum Ephori quodam tempore dicerent: Proficiscere juventutem tecum duccens ad hujus patriam: nam is ipse te perducet in arcem: *c Et qui convenit*, inquit, *O Ephori, tot juvenes ei credere, qui suam ipsius patriam prodidit?* graviter admonens, nihil illis tuto credi, qui in patriam perfidi fuerint.

88. INTERROGATUS à quodam quod disciplinæ genus potissimum exerceretur apud Spartanos: *a Scire, inquit, & imperare, & ferre imperium.* Athenis enim complures disciplinæ colebantur, curiosæ magis quam ad recte gubernandam Rempublicam necessaria.

89. FORTITER illud dixisse fertur, *b Lacedæmonios* non oportere percunctari quot sint hostes, sed ubi sint, significans non à militum numero pendere victoriam, sed à fortitudine, rei que gerendæ celeritate. Statim enim congredi vult qui quærit, ubi sint hostes.

90. APUD-Mantineam quibusdam dissuadentibus ne cum adversariis, quod numero plures essent, confligeret: *c Cum multis, inquit, pugnet oportet, qui multis velit imperare.*

91. CUIDAM sciscitanti quot essent Lacedæmonii: *d Quot satis sunt, inquit, ad propulsandos malos:* ostendens magis referre quam fortes viros habeat, quam quam multos.

92. IDEM cum præteriret Corinthiorum moenia, conspiceretque vehementer excelsa munitaque, & in longum porrecta spatium: *e Quæ sunt, inquit, mulieres hunc locum incolentes?* innuens fortibus viris non esse opus mœnibus.

93. CUM Sophista quispiam apud eum dixisset, orationem esse rerum omnium præstantissimam, videlicet prædicans artem quam profitebatur: *f Ergo, inquit Agis, tu quum taces nullius es pretii:* significans multo præclarius esse res magnificas gerere, quam habere linguam ad magnifice loquendum expeditam.

94. VICERAT Argivos prælio, qui post redintegratis viribus, rursus ferociores illi occurrebant. Agis itaque conspicatus multos è sociis turbari: *g Sitis, inquit, bono animo viri: cum enim nos qui vicimus trepidamus, quid facere censetis eos, qui à nobis victi sunt?* Eo dicto ducis solertia protinus reddidit animum suis.

95. PE-

a Hoc ante dictum pag. 17. Apophth. 49. & 50.

b Animose. c Animose. d Argute. e Saise.

f Salse. g Soleiter.

95. PECULIARIS erat Lacedæmoniiis verborum paucitas: unde & ab ea regione breviloquentia Laconismus dicitur. Cum igitur Abderitarum legatus apud Agidem multa locutus, vix tandem dicendi finem fecisset, rogaretque quid civibus suis esset renunciaturus: Agis: *a Illud*, inquit, *renuntia, quantum temporis tibi fuit opus ad dicendum, tantum me silentem audisse.* Hoc dicto exprobravit stolido oratori inanem loquacitatem responso indignam.

96. QUIBUSDAM Eleos, hoc nomine prædicantibus, quod in certaminibus Olympiacis essent iustissimi: *Quid*, inquit, *magni, mirive faciunt, si intra quinque annos uno tantum die se iustos præstant?* Non putabat vir sapientissimus in eum competere iustitiæ laudem, nisi qui per omnem vitam in omnibus actionibus iustitiam coleret. Nam ludi Olympiaci semel tantum intra quinquennium celebrabantur.

97. CUM quidam apud illum dicerent esse nonnullos alienæ familiæ qui ipsi inviderent: *b Geminam* igitur, inquit, *habebunt molestiam, quos & sua ipsorum mala discruciant, atque insuper tum meis, tum amicorum meorum bonis torquebuntur.* Magnifica vox, declarans eos quos habet invidia, magis esse misericordia dignos quam ira: propterea quod invidus abunde dat pœnarum, etiamsi nemo ulciscatur.

98. CUIDAM consulenti ut hostibus fugientibus daret transitum: *c Et quomodo*, inquit, *pugnabimus cum his, qui ob fortitudinem manent, si non pugnemus cum fugientibus?* Existimabat vir animosus, adversus hostes nullam prætereundam occasionem.

99. CUM de Græcorum libertate quidam in medium adduxisset, magnifica quidem, sed factu per quam difficilia: *d Tua*, inquit, *verba hospes opus habent viribus & pecunia:* per quam scite declarans, frustra de his verba fieri, ad quæ perficienda non suppetit facultas. In consultationibus enim non solum spectandum est, quid sit factu pulcherrimum, sed quid fieri possit.

B 4

100. Quo-

a Loquacitas notata. *b* Invidia notata. *c* Argues.

d Simile Argefilus pag. 18. apophth. 55.

100. QUODAM dicente, Philippum effecturum ne Lacedæmoniis pateat iter in Græciam: *a Nobis*, inquit, *ô hospes, nostra patria sufficit ad illic vivendum*. Pectus ad utrumque paratum, & ad proferendum imperium si contingat, & ad boni consulendum fortunam licet mediocrem: cum principum vulgus nec quod obtingit sapienter administrent, nec ullis latientur ditionis accessionibus.

1. PERINTHIORUM orator in Lacedæmoniam missus, cum apud Agidem dixisset admodum prolixè, ubi perorasset rogavit eum, quid esset Perinthiis renuntiandum: *b Quid aliud*, inquit, *nisi quod tu dicendi finem feceris, ego vero tacuerim*. Hoc apophthegma simillimum est illi, quo superius Abderitæ legati multiloquium taxarat.

2. CUM legationem suscepisset, solus ad Philippum profectus est. Is ubi admirans dixisset; *Quid hoc rei est? unus venisti? Agis*: *c Quid ni*, inquit, *ad unum?* Graviter taxavit aliorum Principum ambitionem, qui sumptuosis ac splendidis legationibus exhauriunt ærarium, cum unus vir cordatus possit totum hoc præstare quod Reipublicæ interest.

3. CUM è senioibus quidam videns priscas leges & instituta vetera aboleri, & alia prava succedere, atque ob id res Spartanorum inverti, quæ summa fuerant in imum dejectis, & conteri: hæc cum apud Agadem jam senem deploraret, joco respondit: *d Si sit*, inquit, *quod narrat, recto ordine res procedunt. Siquidem ego puer à patre audiui, quod jam tum illis temporibus res inverterentur. Itaque si rursus invertuntur, redierunt in locum pristinum*. Hoc quidem ille ludens: Cæterum serio dicebat, se puerum hoc quoque accepisse à patre, nihil esse mirum si præsentibus succedant deteriora, sed mirandum si succedant meliora, aut similia. Notavit peculiarem senibus querelam de rebus in deterius prolapsis, simulque rerum humanarum hanc esse naturam, ut usque in pejus degenerent.

4. RO-

a Moderate. b Loquacitas. c Simpliciter. d Lepide.

4. R O G A T U S à quodam, quo pacto quis libertatem suam tueri possit. *a Si mortem*, inquit, *contempsērit*. Hic metus qui cadere dicitur in constantem virum, multos deterret à pulcherrimis facinoribus: hoc qui caret, potest ubique quod rectum est sequi, nec est quod timeat improbos qui, ut extrema moliantur, nihil aliud possunt quam occidere.

A G I S *Secundus.*

5. A G I S Junior, Demadi dicenti, quod enses Laconici ob brevitatem à circulatoribus ac præstigiis imitantibus devorarentur: *b Atqui his*, inquit, *ensibus Lacedæmonii* *asssequuntur hostes longioribus armatos gladiis*: declarans non referre quo quid apparatu fiat, sed quantum efficiatur. Siquidem hoc speciosior victoris gloria, quo minus habet præsidii præter virtutem.

6. Q U E M A D M O D U M ad improbum subinde percunctantem quis esset inter Spartiatis vir optimus: *c Quæ tui*, inquit, *est dissimillimus*. Indigne tulit vir generosus, eum de virtutis præstantia loqui, qui ipse esset vitiis oblitus.

A G I S *Ultimus.*

7. A G I S Laconicorum Regum ultimus, per insidias captus, ac præter meritum ab Ephoris condemnatus, cum ad laqueum duceretur, conspiceretque quendam è licitoribus flentem ob indignitatem rei, cujus cogebatur esse minister: *d Desine*, inquit, *ô homo, vicem meam flere*. Nam sic moriens præter jus *æquum*, *melior feliciorque sum his, qui me occidunt*. Hæc locutus ultro collum laqueo induit. Quo nemo Stoicorum docuit quidquam fortius, hoc ille juvenis non verbis, sed re præstitit, felicitatem omnem solo honesto metiens, eosque judicans infeliciores, qui faciunt injuriam quam qui patiuntur.

8. P A R E N T I B U S rogantibus ut sibi in re quam iniusta adesset, recusavit illis aliquandiu: cæterum

B 5

cum

a Et hoc antea habetur pag. 13. apophth. 36. b Urbane. c Libere. d Fortiter.

cum instarent, hunc in modum respondit: *a* *Donec essem apud vos, nullam omnino tenebam justitia scientiam: verum ubi me patria tradidistis, patriaeque legibus, insuper & justitiam, & honestatem pro viribus docuistis; conabor huic magis obtemperare, quam vobis. Et quandoquidem hac est vestra voluntas, ut quæ sunt optima faciam: optima vero sunt, quæ justa sunt, cum homini privato, tum præcipue principatum gerenti: quæ vultis faciam, quæ dicitis negabo.* Narrant Agidem puerum in summis deliciis fuisse educatum, sed simulatque adolescens etiamnum ad Reipublicæ gubernacula admotus est, incredibili mutatione rejectis pristinae vitæ voluptatibus huc totum animum adjecit, ut Spartam Barbarorum ac Græcorum moribus corruptissimam, ad pristinam frugalitatem revocaret: quæ res illi fuit exitii causa. Utinam autem ceteri principes, quorum prima ætas fere luxu deliciisque corrumpitur, saltem cum Agide tum animum verterant ad bonam frugem, cum regni habenas accipiunt: atque hanc formam sequantur, quam præscripsit Agis, si quis quid petat ab ipsis quod legibus & honesto adversatur. Nec tamen egregius juvenis morosa atque aspera recusatione contristavit parentum animos, sed mira civilitate respondit, se magis hoc pacto obtemperare parentibus, si faceret quod illorum perpetua voluntas optabat, quodque semper essent probaturi, quam si præsentī affectui indulgisset.

9. I D E M cum in carcere rogaretur ab Ephoro, num poeniteret eorum quæ gessisset, impavide respondit: *b* *Se nulla tangi poenitentia consilii cum prudentia honestoque conjuncti, tametsi non ignoraret se mortem præmii loco relaturum: sciens ipsam virtutem abunde magnum esse sui præmium, quicumque sequatur eventus.*

10. A G E S I L A U S Ephorus cum ipsius suasu factum esset ut fieret omnium debitorum solutio, jamque tabulis in forum Clarium comportatis ignis esset injectus, ac flamma exurgeret, cæteris creditoribus mœstis insultabat dicens: *c* *Se nunquam clarius lumen, aut*
ignem

a. Juste & Graviter. b. Ex Plutarchi Vita. Constante. c. Improbe.

ignem vidisse puriorem. Debat enim ipse plurimum, & erat agrorum prædives, nihil tamen cuiquam solvere habebat in animo. Extremæ improbitatis est linea, etiam illudere quos affligeris.

II. ALCAMENES Telecri filius cuidam percunctanti, quo pacto quis optime regnum servare posset : *a Si lucrum*, inquit, *non magnificerit* : longe lateque dissentiens à vulgo Principum, qui non alia magis ratione principatum constabilire student, quam attenuandis civium, suis augendis opibus : cum iustitia & æquitas maxime reddant diuturnum imperium.

12. ALIO quodam rogante cur à Messeniis oblata munera recusasset : *b Quoniam si recepissem*, inquit, *cum legibus pacem habere non poteram.* O mentem regno dignam, quæ magno obvioque lucro legum auctoritatem anteposuit. Et ubi sunt interim qui clamant ? Quod Principi placuit, legis vigorem habet : & principem dare quidem leges, at non teneri legibus ?

13. CUM quidam illi objiceret quod parce frugaliterque viveret, cum facultates amplas possideret : *c. Decet enim*, inquit, *eum qui multa possidet, pro ratione, non pro libidine vivere.* Significans perniciosas esse divitias, ni adsit animus divitiis superior, qui possit earum usum non ex copia, sed ex necessitate moderari.

ANAXANDRIDAS.

14. ANAXANDRIDAS Leontis filius cuidam acerbe ferenti, quod cogeretur urbe exulare : *d Ne*, inquit, *vir optime exhorrescas exulare civitate, sed à iustitia exulare horrendum est.* Sensit non esse miseros quibus præter meritum incolumique innocentia accidit aliqua calamitas, sed eos vere deplorandos, qui sua sponte discesserunt ab honesto, etiamsi nulla sequatur calamitas.

15. CUM quidam Ephoris oportuna quidem loqueretur, sed pluribus quam sat erat, Anaxandridas : *e Hespes*, inquit, *re necessaria in non necessario uteris.*

B 6

Signi-

a Graviter. b Integre. c Continenter. d Sapienter.

e Loquacitas.

Significans, quod per se rectum est & utile, non egere proluxa oratione: quod ipsa causæ bonitas facile seipsam commendet. Quod si usquam locus est loquacitati, eam oportet ad inhonestas causas adhibere.

16. PERCUNCTANTI cuidam cur Lacedæmonii Helotibus (sic apud illos dicebantur, quorum condicio media erat inter servos & ingenuos) committerent colendos agros, ac non ipsi potius eos colerent: *a Quoniam, inquit, non ipsorum causa, sed nostra Helotas nobis comparavimus.* Videlicet stultitiam eorum taxans, qui mancipia ad ostentationem alunt otiosa, & servos locios ac ministros voluptatum habere malunt, quam frugiferis operis occupatos.

17. ALIUS quidam cum dixisset, gloriam ac celebre nomen nocere, eoque felicem esse qui illud effugerit: *b Ergo, inquit Anaxandridas, si vera loqueris, qui nefaria perpetrant, felices erunt.* Nam qui fieri potest, ut qui sacrilegium committit, aut aliud injustum facinus perpetrat, gloriæ curam habeat? Notavit eos, qui sic contemnunt laudem, ut interim per ignaviam nihil gerant laudabile: cum eximiam virtutem honesta fama comitetur ultro, ac generosis animis amor laudum veluti stimulus ad præclara facinora sit innatus.

18. ALII cuiquam percunctanti quam ob causam Spartam impavide semet exponerent periculis: *c Quoniam, inquit, pro vita timere consuescimus, non aliorum more expavescere.* Significans moderatam vitæ curam addere calcar ad fortiter agendum, immodicum mortis pavorem ab egregiis factis detertere.

19. CUIDAM ab ipso sciscitanti, quamobrem seniores apud Lacedæmonios plures dies sumerent ad cognoscendum in causis capitalibus, & si quis fuerit absolutus nihilominus obnoxius sit legi: *d Ideo, inquit, pluribus diebus cognoscunt, quoniam si in capitis discrimine erraverint, non est corrigendi consilii potestas.* Oporteret autem à causa liberatum obnoxium manere legibus quod fieri potest, ut secundum eandem legem liceat aliquid

rectius

a Argute. b Salse. c Prudenter. d Prudenter & Iuste.

rectius de reo statuere. Hoc temperamento provisum est, ne vel occidatur innocens, vel effugiat nocens: qui quamvis errore iudicum sit absolutus, potest eadem lege denuo conveniri, poenaeque dare legibus.

A N A X A N D E R.

20. ANAXANDER Eurycratis filius roganti cui-dam cur Spartani non colligerent pecunias in ararium publicum: *a* Ne, inquit, *corrumvantur, qui facti fuerint illarum custodes.* Quam male consulunt integritati suae, qui privatim pecuniarum vim in arcam recondunt, si vir prudens civium suorum moribus timuit à pecunia publica, cujus tantum erant custodes futuri domini.

A N A X I L A S.

21. CUIDAM admiranti quod Ephori Regibus non assurgerent, praesertim à Regibus constituti: *b* *Ob hoc ipsum,* inquit Anaxilas, *quod Ephori sunt.* Magistratus est apud Lacedaemonios, quo qui funguntur, Ephori dicuntur. Eos prisci Reges in hoc instituerant, ut essent Regum ministri, quorum potentia postea eo crevit, ut ipsis etiam Regibus imperarent, demum & occiderent. Vox animi moderatissimi testis, quod percunctator ille contumeliosum ac superbum iudicabat, ille interpreta-tus est esse jus legitimum.

A N D R O C L I D A S.

22. ANDROCLIDAS quidam Lacon crure clau-dicans, coniecit sese in ordinem bellatorum: id prohi-bituri cum insurrexissent quidam ob cruris vitium, ille: *c* *Immo,* inquit, *non fugientem, sed manentem oportet bel-lare cum hostibus:* per quam lepide hoc ipso vitio, ob quod rejiciebatur, se colligens utilio rem praelio, quam essent cæteri pedibus integris.

A N T A L C I D A S.

23. ANTALCIDAS cum in Samothracia initia-

B 7

retur,

a Integre. *b* Moderate. *c* Simile habetur Superius

pag. 13. apophth. 35.

retur, rogatus à sacerdote quid egregium patrasset in vita: *a* Si quid, inquit, mihi tale peractum est, sciunt ipsi Dii: existimans ineptum commemoratione suorum gestorum se Diis commendare, qui sive prædicaret, sive fileret, nihilominus noverant. Nam apud sacerdotem poterat etiam falsa narrare. Sit hoc modestiæ exemplum, ac de Deo præclare sentientis.

24. CUM Atheniensis quidam Lacedæmonios appellaret indoctos: *b* Soli igitur nos, inquit, nihil mali à vobis didicimus. Sensit artes quibus se jactabant Athenienses, magis ad ostentationem, otium ac voluptatem accommodas, quam ad Rempublicam gubernandam, ad quod nulla disciplina deerat Lacedæmoniis.

25. ALTERI cuidam Atheniensi sic apud illum glorianti, Verumtamen nos sæpenumero vos à Cephiso propulimus: *c* Sed nos, inquit, vos nunquam ab Eurota summovimus. Significans hoc ipsum esse fortitudinis argumentum, quod Lacedæmonii frequenter aulsi fuissent usque ad Cephisum flumen Atticæ progredi, cum Athenienses nunquam sustinuisent accedere ad Eurotam Sparta fluvium.

26. ROGATUS à quodam, quo pacto quis maxime placere possit hominibus: *d* Si, inquit, loquatur illis jucundissime, præstet autem utilissima. Admonuit in colloquiis adhibendam sermonis comitatem, in officiis præstandis spectandam utilitatem. Reprehendendi sunt, qui cum re sint fideles, tamen officium orationis asperitate corrumpunt: his pejores sunt, qui sermone benigni, re ludent: pessimi vero, qui cum verbis molesti sunt, tum factis noxii.

27. CUM Sophista quispiam appararet recitare librum, & Antalcidæ percunctanti quod esset argumentum, respondisset, Herculis encomium: *e* Quis, inquit, illum vituperat? Supervacaneum existimans in eo laudando sumere operam, quem uno ore prædicarent omnes. Hercules autem apud Spartanos religiosissime colebatur.

28. AD

a Modeste. *b* Graviter. *c* Salse. *d* Sapienter.
e Salse.

28. A D A g e s i l a u m in pugna cum Thebanis vulneratum : *a* Habes, inquit, doctrinæ tuæ mercedem, qui eos pugnare docueris, cum ante pugnare nec scirent, nec vellent. Videbantur Thebani crebris Agefilai adversus ipsos expeditionibus evasisse bellaces. Significabat inutile semper cum iisdem bello configere, ne usu colligant bel-landi peritiam.

29. I D E M muros Spartæ dicebat juvenes esse Spartanos : *b* Fines autem Spartana ditionis esse lancearum cuspides : sentiens civitatem non egere mœnibus, quæ juventutem alat bellis idoneam : & eousque porrigi- ditionem Lacedæmoniorum, quousque pertingerent armis : significans virtute non dolis, aut pecunia pro- pagandum Imperium.

30. C U I D A M roganti, quamobrem Lacones in bello brevibus pugionibus uterentur : *c* Quoniam, inquit, cominus cum hoste pugnamus. Lepide torsit in argu- mentum fortitudinis, quo ille volebat illos videri mi- nus utiles bello.

31. A N T I O C H U S Ephorus cum audisset quod Philippus Messeniis dedisset agros, *d* percunctabatur num vires quoque dedisset, per quas adversus pugnan- tes pro agris tueri possent quod erat datum.

A R G E U S.

32. A R G E U S, quibusdam non suas, sed aliorum quorundam uxores prædicantibus : *e* Per Deos, inquit, de bonis & honestis mulieribus nihil temere loquendum est, sed in totum quales sint oportet ignorari, præterquam solis maritis quibuscum vivunt. Tam insignis erat apud pri- scos virginum & uxorum pudicitia, ut eas ab aliis quam à parentibus aut suis maritis conspici, gradus aliquis ad- impudicitiam haberetur : tantaque cautione consulaba- tur illarum famæ, ut parum pudica videretur, de qua ru- mor quamvis vanus oriri potuit : sed ea demum sum- ma matronalis pudicitix laus haberetur, si mulier adeo domi

a Est superius pag. 22. apopht. 69. *b* Et hoc ante, pag. 12. apopht. 29, 30. & 31. *c* Lepide. *d* Ar- gute. *e* Pudicitia conjugum.

domi conclusa viveret, ut nullus esset qui de ea vel bene vel male loqui posset; propterea quod hoc ipsum, matronam versari in fabulis, trahique per ora hominum, prostitutionis genus putaretur. Etenim qui laudat alienam uxorem, videtur habere cognitam, cujus laudes prædicat, quod ipsum aliquid detrahit pudori fœmineo. Quid igitur vir ille præclarus sentiret de matronis, quæ sine maritis interesse gaudent juvenum conviviis, quæ cursitant ad alienarum civitatum dies festos & emporia, quæ ducunt choreas ex viris ac fœminis alterne mistas, quæ in balneis corpus nudum ostendunt quorumlibet virorum oculis.

33. Q U O D A M tempore faciens iter per Selinuntem, cum in monumento quodam hoc Elegiacum carmen vidisset inscriptum:

*Hosce, tyrannida dum extinguunt, Mars sustulit atrox,
Pone Selinuntis mœnia considerant.*

Jare peristis, inquit, qui tyrannidem ardentem conati sitis extinguere: contra magis oportuit illam sinere, donec tota deflagraret. Arripuit jocum ex occasione verbi extinguere: extinguitur enim quod opprimitur, & extinguitur incendium.

A R I S T O.

34. A R I S T O cuidam laudibus vehenti dictum Cleomenis, qui rogatus, quid oporteret bonum Regem facere, respondit. Amicis benefacere, inimicis male: *a* At quanto præstantius est, inquit, vir optime, amicis benefacere, & ex inimicis reddere amicos. Hanc sententiam citra controversiam primus omnium Socrates prodidit, & ad illum auctorem refertur.

35. A L I I cuiquam roganti, quot essent numero Spartiatæ: *b* Quot, inquit, ad arcendos malos sufficiunt.

36. C U M Athenientis quidam apud illum recitaret funebrem orationem conscriptam in laudem eorum, qui fuerant à Lacedæmoniis in bello cæsi: *c* Quales igitur, inquit, nostros esse putas qui istos vicerunt? Mos erat

a Humaniter. *b* Idem. *Agis* Primus apophth. 91.

c Argute.

erat apud Athenienses, ut qui in prælio cecidissent, publicitus oratione laudarentur, quam illi vocant Epitaphium: in hac magno artificio amplificabantur & civitas Atheniensis & populus: postremo peculiariter hi, qui fortiter in bello mortem oppetissent. At vir generosi animi non invidit arte exaggeratis Atheniensium laudibus, sed eas in suæ gentis gloriam retorfit. Itaque recitator ille magis illustrabat virtutem Lacedæmoniorum, quam Atheniensium: quandoquidem hoc consilio Homerus multis modis attollit virtutem Hæctoris, ut Achillis victoriam reddat illustriorem.

37. **ARCHELAUS** regni socius Charilao solitus est de illo dicere. Quo pacto non sit vir bonus Charilaus, qui ne sceleratis quidem molestus est? Fertur enim Charilaus mansuetissimi fuisse ingenii. Hoc mox in catalogo commemoratur in diversam sententiam, ac meo judicio argutior. Et haud scio an in vitâ Lycurgi supersit syllaba *ἐν*. Ad hæc nescio an Charilaus & Charilus idem sint.

ARCHIDAMIDAS.

38. **ARCHIDAMIDAS** cuidam in laudem Charili prædicanti quod pariter erga cunctos fuisset mitis ac mansuetus: *a Et qua fronte laudetur aliquis*, inquit, *qui erga sceleratos se mitem præbeat?* Perspexit vir egregius, mansuetudinem cum justitia conjunctam esse oportere: Alioqui Principis in facinorosos lenitas quid aliud est, quam in bonos crudelitas?

39. **IDEM** cuidam qui vitio vertebat Hecatæo Rhetori, quod adhibitus ad ipsorum convivium nihil dixisset: *b Videris*, inquit, *mihi nescire, quod is qui dicendi novit artem, etiam dicendi norit oportunitatem.* In senatu, in foro, in concionibus, in legationibus aliisque Reipublicæ negotiis locus est oratori: in conviviis temulentis majore cum laude silet eruditus quam loquitur. Sic periti bellatoris est, non minus scire fugiendi artem, quam pugnandi.

ARCHI-

*a Jusse. b Silere in tempore. **

ARCHIDAMUS.

40. ARCHIDAMUS Zeuxidami filius, roganti quinam essent Spartanæ civitatis præfecti: *a Leges*, inquit, *ac legitimi Magistratus*. Graviter censuit, in Republica bene instituta supremam auctoritatem esse legibus deferendam, nec ulli Magistratui fas esse quidquam contra leges publicas tentare.

41. APUD hunc cum quidam prædicaret citharædum, ejusque in canendo facultatem admiraretur: *b Heus*, inquit, *vir optime quid honoris ac præmii abs te ferent boni viri, cum tantopere prædices citharædum?* Recte taxavit non vulgi modo, verum & Principum præpostera judicia, qui plerumque pluris faciunt minimum aut morionem, quam sapientem, fid.que consilii virum. Citharædum vero, cujus ars non Reipublicæ, sed voluptati servit, adeo non judicavit prædicandum, ut nec inter bonos viros habendum duceret.

42. AD eum qui ipsi cantorem commendare volens dixit. Hic est bonus cantor: *c At apud nos*, inquit, *hic est bonus condimentorum artifex*. Perinde quasi nihil referret, utrum quis musicorum instrumentorum sono, an obsoniis & condimentis voluptatem adferret. Apud Athenienses cantores erant in summo pretio, cum coquis non haberetur idem honos. Lacedæmoniis vero nihil placebat artium, quod civium animos effeminaret magis quam ad virtutem accenderet.

43. QUODAM illi pollicente vinum suave: *d Quorsum*, inquit, *opus?* *quandoquidem & plus absumentur, & qua sortes decent viros, ea reddet inutiliora*. O vero masculinum animum & omnium deliciarum contemptorem.

44. CUM Corinthiorum urbem obsideret, vidit è solo mœnibus proximo exsilire lepores, moxque versus ad commilitones: *e Habemus*, inquit, *hostes expugnati faciles*. Quod fortuitu acciderat, velut in omen sapiens. Molles enim ac parum viros Græci leporis vocabulo

notare

a Legum auctoritas. b Artes inutilis. c Ars inutilis.

d Continenter. e Solerter.

notare solent: argumento est illud è comœdia; Tute lepus es, & pulpamestum quæris.

45. A D U O B U S inter se dissidentibus delectus arbiter, ambo duxit in lucum Minervæ, cognomento Chalcioecæ sacrum, ibi exigit ab illis jusjurandum ut starent arbitri judicio: ubi jurassent: *a Pronuntio*, inquit, *ne prius hunc locum exeat, quam quod inter vos est dissidii, deponatur, & invicem reconciliemini.* Reperit vir ingeniosus quo pacto fieret, ut nec ambos offenderet recusato arbitrio, nec alterum è duobus alienaret, si pro altero contra alterum tulisset sententiam. Apud Lacedæmonios autem nefas erat fallere quidquid in Minervæ templo promissum esset.

46. C U M Dionysius Siciliæ Tyrannus filiabus Archidami vestes splendidas multique pretii dono misisset, recusavit accipere, dicens: *b Vereor ne hoc amictu puella mihi turpes videantur.* Intellexit vir prudens virgines nullo cultu melius ornari quam simplici; porro læricis, gemmis & auro dehonestari magis quam ornari; propterea quod vestium luxus arguit animum parum sobrium, & intuentium animos ad libidinem sollicitat citius, quam ad honestam opinionem. Decet autem ut virgo tota & undique virgo sit, nec ulla ex parte corruptæ mentis significationem.

47. C O N S P I C I E N S filium suum cum Atheniensibus juveniliter ac temere congredientem: *c Aut viribus*, inquit, *adde, aut animis adime.* Docens, periculosam esse audaciam, si vires non suppetant spiritibus.

ARCHIDAMUS *Alter.*

48. A R C H I D A M U S Agesilai filius post confli-
ctum apud Cheroneam habitum, cum à Philippo Rege
Macedonum literas accepisset acerbius scriptas, hunc
in modum rescripsit: *d Si metieris umbram tuam,*
haud quaquam reperies illam factam majorem quam erat
ante victoriam. Graviter admonens, non esse prudentis
ob fortunæ successum intumescere, cum ipse sit nihilo
major. Æquum autem est, ut homo se suis ac propriis
bonis

a Solerter. b Severe. c Audacia periculosa. d Arrogantia.

bonis metiatur potius quam externis, quæ fortuna, cum libet, dat; cum visum est, eripit.

49. PERCUNCTANTI, quam spatiosam regionem obtinerent Spartiatæ: *a Quantam*, inquit, *hæstæ possunt assequi*. Allusum est autem ad mentores agrorum, qui decem pedis arborum spatia metiuntur.

50. PERIANDRO, qui cum esset arte medendi celebris, & in primis laudatus, carmina scriberet infelicia: *b Quid*, inquit, *tibi accidit Periander, ut pro eleganti Medico malus Poëta vocari concupiscas?* Notavit hominum mores, qui res honestas aggressi, degenerant ad sordidiora, cum consultum sit unumquemque in ea se arte exercere, in qua valet plurimum.

51. IN bello quod gerebatur cum Philippo, quibusdam suadentibus ut procul à patria pugnaretur: *c Haud istud spectandum est*, inquit, *sed bene pugnantes, hostibus erimus superiores*. Significans non perinde referre ubi configas cum hoste, ut quam strenue se gerat dux aut miles in bello.

52. CUM Arcadas bello superasset, ob id laudatus à quodam: *d Præstantius erat*, inquit, *si illos prudentia quam viribus superassemus*. Intellexit dux egregius nullam esse speciosiores victoriam, quam virtute vincere, cum viribus superemur à brutis animantibus.

53. CUM irrupisset in Arcadiam, audito quod hostibus Elei ferrent auxilium, scripsit illis in hunc modum: *e Archidamus Eleis, Quies bona*. Non potuit brevius & suadere quod erat illis commodum, & minari malum, si quid perperam aggredierentur. Decet hæc breviloquentia & ducem & Laconem.

54. IN bello Peloponnesiaco sociis rogantibus, quanta pecunia futura esset satis, ac postulantibus ut tributorum certum modum præscriberet: *f Bellum*, inquit, *non querit definita*. Significans eos qui bellum susceperunt, oportere per omnia servire belli necessitatibus, quarum nullus est certus modus, quod variæ sint bellorum præter expectationem occasiones.

55. UBI

a Hoc ante pag. II. apophth. 29. b Degeneratio. c Fortiter. d Victoria speciosa. e Breviter. f Belli incerta.

55. UBI vidisset jaculum catapulta mittendum, id temporis primum ex Sicilia advectum, exclamans inquit: *a Hercules perit viri virtus.* Quoties enim instrumentis bellum geritur, quæ misso telo saxove procul feriant, iniustum interest inter fortem virum & ignavum: verum ubi cominus res geritur, tum apparet qui viri sint, qui non.

56. CUM Græci nollent rescindere pacta, quæ cum Antigono & Cratæro pepigerant, & amplecti libertatem quam offerebat Arachidamus, veriti ne graviores essent habituri Lacedæmonios quam Macedones: *b Ovis,* inquit, *semper eandem edit vocem.* Caterum homo multas ac varias emitit voces, donec quod decrevit, consecrerit. Hoc dicto significans fallendam esse fidem, si qua magna invitet utilitas. Nullum autem est animal cui tam varia vox sit quam homo. Hoc apophthegma videri possit indignum Lacone, nisi post integritas ejus gentis, barbarorum commercio degenerasset. Dicti potest honestus aliquis usus esse, veluti si quis admoneat pro tempore, proque re nata variandum esse sermonis habitum. Est ubi loquendum sit severius, est ubi magnificentius, est ubi jucundius, est ubi durius: id si fiat citra perfidiam, prudentia est. Porro ovilli mores dicuntur hominum stupidorum, qui sese nesciunt rebus ac personis accommodare. Græcorum igitur constantiam Archidamus stultitiæ tribuit, qui proposita libertate nolent mutare vocem.

A S T Y C R A T I D A S.

57. A S T Y C R A T I D A S postea quam Agis superatus est apud Megalopolim in prælio adversus Antigonom, cuidam dicenti. Quid nunc facturi estis Lacedæmonii? an Macedonibus servituri? *c Quid tandem,* inquit? *num Antigonus vetare potest quo minus in pugna pro patria mortem oppetamus?* Generosa vox, sentiens libertatem urbis esse vita cariorem, nec turpiter occumbere qui pro patria pugnans moritur. Quoniam moriendi potestatem nullius hostis potest eripere, quisquis mor-

tem

a Fortiter. b Vasre. c Generose.

tem contemnit, habet quo cum vult, semet in libertatem asserat. Ea vox arguit egregie fortem animum, sed cuius exemplum nulli bono sit imitandum. Fortius est diutinam servitutem quamvis duram perferre, quam morte finire dolores: multoque sanctius est quod docet Socrates, non esse fas animam de corporis præsidio decedere injussu Imperatoris.

BIAS LACEDÆMONIUS.

58. BIAS Lacon insidiis circumseptus ab Iphicrate Atheniensium Duce, cum illius milites rogarent quid in eo rerum statu esset faciendum: *a* *Quid aliud, inquit, nisi ut vos servemini, ego pugnando moriar?* Talis erat animus Catonis Utricensis, qui cæteris suasit ut suæ salutis consulere, ipse spontanea morte turpem effugit servitutem.

BRASIDAS.

59. BRASIDAS cum murem in caricis comprehendisset, morsus ab eo dimisit captum, moxque ad eos, qui aderant: *b* *Ut nullum, inquit, est animal tam minutum, quin servari possit, modo ausit ulcisci invadentes.* Hoc dicto fortis & animosus Dux suis animum adversus hostes addidit.

60. IN prælio quodam per clypeum vulneratus, eduxit hastam è vulnere, & eadem hostem interemit, qui vulneraverat. Pulcherrimum est inimicum suis ipsius armis opprimere. Hoc apophthegma non est.

61. CUIDAM percunctanti quomodo vulnus accepisset, perquam festiviter respondit: *c* *Prodente me scuto.* Ita crebro malum per illos venit, quorum præsidio credimus nos esse tutos.

62. EGRESSUS ad bellum hunc in modum scripsit Ephoris: *Quidquid erit malorum in bello, aut prostigabo, aut moriar.* Testatus animum fortissimo Duce dignum. Nam eventus homini non est in manu. Cæterum ubi cecidisset in prælio, dum Græcos Thraciam incolentes liberat, & id nuntiaturi oratores Lacedæmonem

nem missi, matrem ejus Archileonidem adissent, illa nihil prius rogavit, quam an Brasidas honeste occubuisse. Thracibus illius virtutem collaudantibus, dicentibusque, non esse apud Lacedæmonios alium illi parem: *a Ignoratis, inquit, hospites, quales sint Lacedæmonii. Erat quidem vir bonus Brasidas, ceterum Sparta multos habet illo præstantiores.* Utrum in hac fœmina magis admirari convenit; animi ne generositatem, quæ de filii morte, quod obtigisset, honesta, gloriandum etiam putaret, tantum abest, ut muliebriter defleaverit: an modestiam & in patriam affectum, quæ non passâ sit ita filium prædicari, ut reliquorum Spartanorum gloriæ decederet aliquid.

D A M O N I D A S.

63. D A M O N I D A S cum à chori magistro postremum in choro locum accepisset: *b Euge, inquit, chora-ge reperisti quo pacto & hic locus, cum per se sit inhonoratus, fiat honorificus.* Generosus adolescentis animus, qui fiducia sui non metuit ne locus abjectior esset dedecori, sed citius futurum arbitrabatur ut per ipsum locus fieret honoratior. Id enim sæpenumero scriptum legimus, ut hominis virtus Magistratui per se contempto & humili dignitatem conciliarit.

D A M I S.

64. D A M I S, cum Alexander Magnus per literas petiisset ut Lacedæmoniorum decreto decernerentur ipsi divini honores, & in Deorum numero referretur: *c Age, inquit, concedamus Alexandro, si velit appellari Deus.* Ut despectim risit stultam Principis ambitionem, qui putarit ab iis posse creari Deos, qui ipsi nihil aliud essent quam homines: aut si hoc non putavit, insigni stultitia falsi nominis umbra gloriaretur.

D A M I N D A S.

65. D A M I N D A S cum Philippus irrupisset in Peloponnesum, & quidam ita loqueretur, periculum est
ne

a Fortiter. b Habetur antea simile pag. 4. apophth. 8.

c Ambitio notata.

ne acerba patiantur Lacedæmonii, nisi Philippo reconcilientur: *a* *O semiviri*, inquit, *quid nobis poterit acerbe accidere, qui mortem contemnimus?*

D E R C I L L I D A S.

66. D E R C I L L I D A S orator missus ad Pyrrhum, qui jam exercitum induxerat in terram Spartanorum, ut cognosceret quid sibi vellet: cum Pyrrhus præscriberet ut regem suum Cleonymum reciperent, alioqui futurum ut intelligerent se nihilo ceteris esse fortiores, hunc in modum respondit: *b* *Si Deus est Cleonymus, non metuimus eum, quippe qui nihil sceleris commisimus, sin homo est, nihilo est nobis præstantior.* Hoc dilemmate taxavit superbas Regum minas. Dii, qui quos velint possunt lædere, nec a quoquam lædi vicissim, non nocent nisi improbis: homines hominibus ex æquo metuendi sunt, proinde qui superbe minantur aliis, aut Dii sibi videntur, aut non cogitant, id quod minantur aliis, in ipsos posse recidere.

D E M A R A T U S.

67. D E M A R A T U S postquam cum ipso colloquium Orontes habuisset asperius, cuidam dicenti, Asperius, tecum egit Orontes, ô Demarate! *c* *Nihil*, inquit, *in me peccavit.* Siquidem qui ad gratiam colloquuntur hi lædunt, non qui durius cumque malevolentia verba faciunt. Intellexit vir prudens, nihil esse nocentius blandiloquio, quod ut non fallat, reddit hominem insolentiorum: at qui ex odio durius loquitur, adeo non lædit, ut interdum profit etiam, ei præsertim qui novit ex inimico decerpere fructum aliquem.

68. C U I D A M percunctanti quam ob causam apud Spartanos qui scutum abjecissent, notarentur ignominia, & infami vocabulo Rhipisaspides appellarentur: qui galeas aut thoraces, non item: *d* *Quoniam*, inquit, *hec sua ipsorum causa gerunt, scutum vero communis exercitus gratia:* significans unicuique pluri esse faciendam

com-

a Mortis contemptus. *b* Refertur inrer dicta Lycurgi.

c Blandiloquium. *d* Publica utilitas.

communem utilitatem, quam propriam. Qui galeam aut thoracem abiecit, seipsum prodit tantum & exarmat: qui scutum abiecit, prodit universam phalangem. Nam obtentu clypeorum tota acies tuta est adversus hostium jacula.

69. CUM audiret cantorem quendam ostentantem artem suam, nihil aliud laudis illi tribuit, tantum ait: *a Mihi videtur non male nugari.* Tantus erat contemptus artium, quæ licet essent operosæ, tamen solummodo delinirent aures, nullam seriam utilitatem adferrent Reipublicæ.

70. IN confesso quodam rogatus, utrum ob stultitiam, an ob sermonis inopiam sileret: *b Atqui stultus,* inquit, *ne possit quidem silere.* Quidam hoc præclarum existimant si nunquam sileant, cum id sit certissimum fatuitatis argumentum: ut contra, silentium, ubi loquendi tempus non est, prudentiæ signum est.

71. CUIDAM percunctanti cur exularet Sparta cum esset Rex: *c Quoniam,* inquit, *leges sunt in ea potentiores.* Significans Regem apud Lacedæmonios esse principem civitatis, at non legum dominum, sed his non minus obnoxium Regem quam cives: hoc ipsum laudabat in suæ gentis institutis, per quod cogebatur exulare. Dedit interim insigne moderationis specimen, æquo animo ferens exilium auctoritate legum indictum, nec de patria male loquens, nec de legum iniquitate querens.

72. CUM Persa quidam crebris muneribus puerum quem amabat Demaratus tandem abduxisset, atque id jactitans apud illum dixisset. O Lacon venatus sum Amasium tuum! *d Per Deos,* inquit, *non tu sane venatus es, sed mercatus:* in jocum vertens contumeliam, ob quam alii solent cælum miscere terræ: simulque significans, non esse speciosum pecunia vincere.

73. PERSA quidam à Rege defecerat. Is suasu Demarati mutatus cum revertisset ad suos, tentaretque eum Rex interficere: *e Turpe,* inquit, *fuerit; O Rex,*

C

si cum

a Ars inutilis. b Silentium opportunum. c Moderate.

d Moderate. e Clementer.

si cum hostis fuerit, non potueris ab eo defectionis pœnam sumere, nunc amicum factum velis occidere. Hoc prudentissimo dicto, & Regis indignationem temperavit, & ejus, cui reditum persuaserat, incolumitati consuluit. Utrique consultor utilis, alteri ne quid indignum regia mansuetudine committeret, alteri ne pœniteret ab errore revocanti paruisse.

74. AD eum vero qui apud Regem Persarum parafitum agebat, ac subinde in Demarati exilium dictariis ludebat: *a* Non, inquit, amice, tecum pugnaturus sum, nam *vita aciem absumpsi*. Ludens ex ambiguitate vocis. *ταῖς* enim Græce, tum ordinem sonat, tum aciem. Nullus autem ad pugnam instructus est, cui nulla superest acies: & ordinem vitæ absumpsit, qui ex Rege factus est exsul.

E M E R E P E S.

75. E M E R E P E S Ephorus, ex Phrynidis musici cythara novem habente chordas, duas incidit: *b* Noli, inquiens, depravare musicam. Prisci cantores non noverant, nisi septem chordas, quibus aliquid addere, ac musicam pro simplici reddere operosiores, judicabat artis esse corruptelam. Adeo Lacedæmoniis nulla non in re placebat simplicitas ac frugalitas.

E P Æ N E T U S.

76. E P Æ N E T U S dicere solitus est, *c* mendaces omnium scelerum & injuriarum auctores esse. Ea sententia non dissonat à literis Hebræorum, quæ narrant serpentis mendacio primum fores apertas omni vitiorum generi. Mendacii autem nomine continentur assentatores, calumniatores, infidi consilarii, perversi educatores, qui fontes sunt fere malorum omnium quibus sursum deorsum turbatur vita mortalium.

E U B O I D A S.

77. E U B O I D A S audiens à quibusdam prædicari uxores alienas, non approbavit id factum, dicens:

De

a Moderate. *b* Frugaliter. *c* Mendacium.

a De moribus ingenioque uxorum apud exteros nullam omnino faciendam esse mentionem. Qui non tulit laudari conjuges aliorum, quid faceret vituperantibus? Prima laus pudicitiae matronalis est, nulli notam esse præterquam suo viro quicum cubat.

E U D A M I D A S.

78. EUDAMIDAS Archidami filius, Agidis frater, cum audisset Xenocratem jam senem in Academia cum amicis disputantem, percunctatus est, quis esset ille senex, ubi responderat aliquis, illum esse virum sapientem, & ex eorum numero qui virtutem quærent: *b Et quando, inquit, ea usus est, si adhuc quærit? Visum est Laconi ineptum, per omnem vitam de virtute disputare veluti de re controversa, cum oporteat à prima ita tim adolescentia habere certissima decreta de honesto impressa animo, & secundum virtutem exerceri, non quære quemadmodum faciunt Philosophi, qui magna contentione inter ipsos de summo bono ac malo digladiantur, ne in hoc quidem satis consentientes quid sit virtus, aut beatitudo.*

79. IDEM audito Philosopho qui disseruerat, solum sapientem esse bonum belli Ducem: *c Sermo quidem, inquit, mirificus est, at qui eum dicit, fide caret, eo quod illum nunquam circumsonuit tuba. Probavit sententiam, sed indicavit neminem cum fide loqui de re, quam nullo modo sit expertus.*

80. DIX quodam cum Xenocrates argumentum quod tractabat disserendo absolvisset, jamque finem dicendi fecisset, supervenit Eudamidas: cui cum comitum quispiam dixisset, postea quam nos adsumus, tum ille desit dicere: *d Recte, inquit, siquidem ea dixit quæ voluit. Rursus cum alter diceret, bonum erat audire, putans fore ut sua causa juberet Xenocratem eadam de integro disserere: Quid, inquit Eudamidas, si venissemus ad jam cœnatum, num postularem ut cœnaret iterum? Civilitas erat quod Philosophum ad iterandam disputa-*

C 2

tatio.

a Habetur pag. 38. apophth. 32. b Argute. c Experientia. d Urbane.

tionem percellere noluit, quod ea res non caruisset tadio dicentis: Laconicæ virtutis erat, quod magis admirabatur præclara facinora designantes, quam de virtute differentes.

81. CUIDAM percunctanti cur civibus bellum adversus Macedones suscipere volentibus, ipse auctor esset quiescendi: *a Quoniam*, inquit, *nolo illos mendacii arguere*: recte significans, Spartanos gloriose magis quam serio bellum poscere: eos prodidisset Eudamidas, si ipse quoque bellum approbasset. Tum enim fore putabat, ut cives bellum detrectarent. Nunc effecit, ut per ipsum stetisse videretur, quo minus bellum susceptum esset, ac civibus fortitudinis gloriam reliquit integram, quasi promptos haberent ad bellandum animos.

82. CUM quidam commemorando laudem ac trophæa quæ Lacedæmonii ex rebus cum Persis præclare gestis retulissent, hortaretur ad bellum cum Macedonibus suscipiendum: *b Ignorare mihi videris*, inquit, *isthuc item esse*, *ac si quis devictis mille ovibus pugnaret cum quinquaginta lupis*: significans Persas ut delicis effœminatos, & ob id imbecilles non fuisse difficile vincere: sed aliud esse cum Macedonibus bellacissima gente rem habere. Proinde qui ob victorias à Persis reportatas censeret cum Macedonibus bellum iterum suscipiendum, nihilo probabilius dicere, quam si quis ei qui vicisset mille oves, diceret, aude cum quinquaginta lupis congregi, qui tot oves deviceris.

83. ROGATUS de cantore quodam, qui feliciter cecinerat, qualis ipsi videretur: *c Magnas*, inquit, *in re parva delinitor*. Contempsit operosam artem, cujus nullus erat fructus præter inanem ac temporariam delectatiunculam aurium.

84. CUM quispiam prædicaret laudes urbis Athenarum: *d Quis*, inquit, *eam civitatem merito laudet, quam nemo dilexit factus seipso melior?* Non judicavit eam urbem esse dignam ulla laude, quæ sic esset corrupta deliciis ac vitiis, ut nullus in ea libenter vivens evaderet melior, sed deteriores omnes; tacite præfe-

rens,

a Civiliter. b Argute. c Ars inutilis. d Integre.

rens Spartam Athenis , in qua qui vixisset , efficeretur melior.

35. ARGIVO cuidam dicenti , Lacedæmonios peregrinationibus reddi deteriores , quod interim degenerent à majorum legibus & institutis : *a At vos*, inquit, *cum Spartam venitis , non deteriores , sed meliores evaditis.* Dictum retorsit in Argivum. Nam hoc dicens magis suam gentem vituperavit quam Lacedæmoniorum : simul indicavit quantopere referat inter quos vivas.

36. CUM Alexander in Olympiis præconio jus fecisset omnibus exulibus in suam cuique patriam redeundi præterquam Thebanis : *b Infortunatum quidem*, inquit, *præconium*, *sed vobis , ô Thebani , gloriosum : Solos enim vos metuit Alexander.* Ad consolandos Thebanos sic interpretatus est vir animi solertis. Etenim qui permittit exulibus reditum in suam patriam , non metuit ne moliantur vindictam. A Thebanis igitur solis metuebat.

37. ROGATUS à quodam , quam ob causam Lacedæmonii prius quam irent in prælium Musis immolarent cum Musis nihil videretur cum Marte esse commercii : *c Ut rebus*, inquit, *fortiter gestis contingat honesta commemoratio.* Bene gerendæ rei laudem sibi tribuebant : ut autem egregia gesta splendidis verbis celebrarentur, hoc à Musis eloquentiæ præsidibus petendum judicant , eo quod ipsi negligerent eloquentiæ studium : simul admonebat, non expetendam honorificam memoriam nisi recte factis promeritam.

EURYCRATIDAS.

38. EURYCRATIDAS. Anaxandriæ filius , percurrenti cur Ephori per singulos dies de conventis & contractibus jus dicerent : *d Ut inter hostes etiam*, inquit, *mutuam fidem inveniamus.* Majore Reipublicæ discrimine pacta violantur in bellis , sed illic quoque violantur ab his, qui domi consuerint fallere.

HERONDAS.

39. HERONDAS cum esset Athenis , audissetque

C. 3

quen-

a Argute. b Argute. c Generose. d Juste.

quendam judicium sententia damnatum de crimine otii, *a* qui mœstus incederet, & ab amicis mœstis deduceretur, jussit sibi commonstrari eum, qui in causa liberali reus perageretur. Lacedæmonij quidquid erat sordidarum artium, non per cives, sed per Helotas mancipia exerceri volebant, eoque mirabatur Herondas, ob id quenquam vocari in jus quod servilia non exerceret, ibique pro crimine haberi quod Lacedæmone judicaretur honestum ac liberale.

T H E A R I D A S.

90. T H E A R I D A S cum gladium cote acueret, rogatus à quopiam num esset acutus: *b* *Acutior*, inquit, *calumnia*: graviter innuens rem omnium rerum nocentissimam esse calumniam.

T H E M I S T E A S.

91. T H E M I S T E A S cum esset vates, prædixit Leonidæ Regi futuram apud Thermopylas internecionem tum ipsius, tum commilitonum ejus. *c* Itaque cum à Leonida Lacedæmonem mitteretur, hoc quidem titulo ut renunciaret eventura, sed revera ne simul cum aliis periret, non sustinuit ire, dicens: *d* *Ut pugnarem huc missus sum, non ut ferrem nuntia.* Quis non admiraretur in vate tam præsentem animum? Prævidit exitium, nec evitare voluit, cum id liceret honesto titulo. Admirabilis etiam fuit Leonidæ moderatio, qui vati tristitia renuntianti non tantum non succensuit, ut Principum vulgus solet, sed & vitæ & famæ illius consultum voluit.

T H E O P O M P U S.

92. T H E O P O M P U S interroganti quo pacto quis regnum tuto possit tueri: *e* *Si*, inquit, *amicis concedat justam libertatem, pro viribus interim ad vigilans ne subditi afficiantur injuria.* Multis Principibus exitio fuit, quod amicis nihil non permitterent, cives injuria affectos negligerent. Hæc temperantia adhibenda est, ut Princeps nec

a Generose. *b* Columnia. *c* Humaniter. *d* Fortiter.
e Moderate.

nec amicos alienet tyrannica favitia, nec patiatur illos regia familiaritate abuti ad quidvis audendum præter jus adversus plebejos, qui nimium irritati sæpe Reges suos excusserunt.

93. H O S P I T I cuidam jactanti quod apud Theopompi cives philocalon, hoc est, Laconum amans diceretur: *a* Præstaret, inquit, si φιλοπολίτης, id est, civium amans dicereris, potius quam Laconum. Alter expectabat ut sibi pro studio erga Lacones agerentur gratiæ, at ille notavit hospitem qui alienæ civitatis studiosus haberi mallet quam suæ, cum prima charitas debeatur patriæ. Porro quisquis alienam Rempublicam vehementer amat, suam quodammodo vituperat.

94. H U I C simile est illud. Cum legatus ab Helide missus diceret, sibi ob id à civibus legationem commissam, quod unus Laconicam vitam admiraretur: rogavit hominem, utrum meliorem duceret vitam aliorum civium, an suam ipsius: cum is respondisset, suam ipsius: *b* Qui potest, inquit, igitur ista civitas servari, in qua cum multi sint, unus tantum bonus est? Salse taxavit Oratoris imprudentiam, qui Lacedæmonios ac sese laudavit cum suorum civium vituperatione. Probabat Lacedæmoniorum mores, sed solus Helidenfium: restabat igitur ut apud Helidenfes non esset nisi unus vir bonus, cui placerent honesta.

95. D I C E N T E quodam, ideo servari Rempublicam Spartanam, quod Reges scirent imperare. *c* Immo potius, inquit, quod cives sciant parere: insigni modestia Regum laudem in cives transferens. Multum habet momenti Principis integritas, sed multo plus civium recta institutio.

96. C U M Pylîi decretum edidissent quo Theopompo tribuebantur summi honores, rescipit: *d* Mediocres honores ipsum tempus auget, immodicos abolet. Hoc animo quid excellentius? quod alii sibi aut vindicent arroganter, aut ambiunt inepte, hoc ultro delatum rejecit, simul & suam declarans modestiam, & amicos admonens, in omni re modum esse optimum. Quin & illud.

C 4

illud.

a Argute. *b* Argute. *c* Graviter. *d* Modeste.

illud acute perspexit, quæ subito crescunt in altum, non esse diuturna, quod genus sunt betæ, & cucurbitæ: cæterum quæ paulatim augescunt, ea ferre ætatem, veluti quercum & buxum.

97. CUIDAM ostendenti civitatis suæ moenia, ac percunctanti, num valida & alta viderentur: *a* Minime, inquit, siquidem sunt mulierum: sentiens civitatem satis munitam esse si viros habeat: sin minus, nihil prodesse quamlibet operosa munimenta.

98. UXORI objurganti, quod regnum humiliter ac minus esset filiis traditurus quam accepisset: *b* Hætenuus igitur, inquit, majus, quod diuturnius. Ita Plutarchus in vita Lycurgi. Quæ moderata sunt, in longam tempus durant, & hoc ipso meliora sunt.

TECTAMENES.

99. TECTAMENES postea quam Ephori capitis sententiam in ipsum pronuntiaissent, abiit ridens: rogantibus qui aderant, an etiam contemneret Spartanorum leges: *c* Nequaquam, inquit, quin gaudeo potius quod hæc mihi multa solvenda est, cum eam nec indixerim cuiquam, nec a quopiam mutuo acceperim. Vir innocens non accusavit patriæ suæ leges, sed hoc felicitatis esse judicabat, quod mori juberetur, qui neminem ad mortem adegisset, nec cuiquam deberet vitam, nisi sibi. Facete mortis poenam vocavit multam, rem atrocem molliori vocabulo signans. Jure autem cogitur solvere pecuniam, qui eam vel extorsit ab alio, vel mutuo sumpsit. Marcus Tullius hoc apophthegma sic vertit Tusculanar. quæstion. libro primo. Cum Lacedæmonius quidam, cujus ne nomen quidem proditum est, mortem tantoperè contempserit, ut cum ad eam duceretur damnatus ab Ephoris, & esset vultu hilari atque læto, dixissetque ei quidam inimicus: Contemnisme leges Lycurgi? responderit: Ego vero illi maximam habeo gratiam, qui me ea poena multaverit, quam sine mutatione & sine versura possem dissolvere. O virum Sparta dignum, ut mihi quidem

a Non est hoc in Græco, sed Philel. vertit: habetur bis. *alibi.* *b* Sapienter. *c* Mors contempta.

quidem qui tam magno animo fuerit, innocens damnatus esse videatur. Pro *διουμήτωρα* Cicero vertisse videtur, versuram. Lufit autem contemptu mortis Teftamenes, quali mors levior esset multo, quam pecuniaria, quod illam quisque de suo posset solvere, ob hanc multi cogantur usuram aut versuram facere.

T H E R Y C I O N.

100. T H E R Y C I O N è Delphis rediens, cum videret in Isthmo angustias à Philippi copiis occupatas: *Malos*, inquit, *O Corinthii*, portarum custodes vos habet *Peloponnesus*. Allusit eo, quod graviter animadverti solet in cives, quibus urbis portæ commissæ sunt, si eas indiligenter custodierint. Multo magis accusari merebantur Corinthii, qui totius Peloponnesi portas Philippo prodidissent.

H I P P O D A M U S.

1. H I P P O D A M U S qui tempore Agis adversus Archidamum aciem instructam habebat, simul cum Agide iussus est ire Spartam, curaturus illic ea quibus erat opus: *a An non*, inquit, *honestius est ut pro Sparta fortem bonumque virum præstans mortem oppetam?* Ac post sumptis armis, stansque Regi ad dexteram, pugnando interiit. Consultum volebant illius senectuti, quæ viribus defecta in bello non ita multum esset habitatura momenti, in patria futura nonnulli usui (excesserat enim annum octogesimum) at ipse sibi non indulfit.

H I P P O C R A T I D A S.

2. H I P P O C R A T I D A S acceptis literis à Carizæ satrapa, in quibus continebatur, Lacedæmoniorum quendam cum fuisset conscius insidiarum, quas quidam ipsi struxerant, non indicasse rem sed silentio rexisse, simulque rogabat satrapas, quid de illo facturus esset, respondit hunc in modum: *b Si quo magno beneficio illum affecisti, interfice: sin minus, ejice è regione, ut ad virtutem formidolosum.* Ingratitudinem erga benemeritum

C 5

cea

a. Mors contempta. b. Moderate.

censuit morte plectendam. Caterum quod esset non per malitiam, sed per formidolositatem commissum, ei satis supplicii judicabat exilium. Non enim ipse struxerat insidias, sed sibi metuens non prodidit.

3. H U I C cum aliquando fuisset obuius adolescens quem amator sequebatur, erubescenti adolescentulo : *a* *Cum his, inquit, oportet ambulare, cum quibus conspectus non mutet colorem.* Docuit ex improbis convictoribus nihil capi fructus nisi probrum & ignominiam..

CALLICRATIDES.

4. CALLICRATIDES classis præfectus, à Lylandri amicis sollicitatus, ut unum quendam ex inimicorum numero permetteret ipsis interimere, & acciperet talenta quinquaginta : tametsi vehementer opus haberet pecuniis ad solvendum nautis stipendium, haud tamen concessit. At cum Cleander, qui erat illi à consiliis, dixisset, accepissem si fuissem Callicratides : *b* *Et ego, inquit, si fuissem Cleander.* Mira ducis integritas, qui nulla pecunia licet necessaria, vel ad hoc corrumpi quiverit, ut in unum hominem pateretur aliquid iniquum fieri, simulque monuit, in omni actione spectandum esse decorum personæ. Quod forte decuisset Cleandrum, non decuisset Callicratidem. Quod decet plebejum, non semper decet Principem.

5. I D E M profectus Sardeis ad Cyrum juniorem, quo tum Lacedæmonii in bellicis socio utebantur, petiturus pecunias rei navali necessarias, primo statim die iussit renunciari, se cum Cyro velle colloqui. Quem ut audiit bibere : *c* *Exspectabo, inquit, donec biberit.* At tum quidem abiit, quoniam intellexit eo die non posse dari conveniendi Regis copiam, ne parum civilis haberetur. Postero vero, cum iterum audisset illum bibere, nec se admitti ad colloquium, dixit : Ita curam habendam pecuniarum, ut ne quid tamen committeretur Sparta indignum : moxque inde recessit Ephesum, multa imprecatus mala iis, qui primi à Barbaris fuissent ludibrio habiti, eosque sua patientia docuissent illos fidu-

cia

cia divitiarum aliis illudere; juravitque apud comites, sese ut primum Spartam redisset, nihil non facturum ut Græcos inter se conciliaret, quo Barbaris fierent magis formidabiles, desinerentque illius Regis viribus inter sese pugnantes, egere. Quid non & faciunt & patiuntur homines, ubi pecuniarum urget inopia? At generosa Spartani mens maluit pecuniam negligere, quam effœminati Regis tertio pati fastidium, cum alii levioribus de causis æquo animo ferant, si vel post totos sex menses admittantur ad Regis colloquium. Deinde nihil imprecatus est ipsis Barbaris aut Regi, sed iis indignabatur, qui primi sua tolerantia docuissent eos ob opulentiam tantas cristas sumere. Nam si fuissent omnes quales erant Spartani, opum ac voluptatum contemptores, nunquam ad tantam insolentiam venissent Barbari. *a* Postremo singularis erat prudentiæ, quod perspexit Græcos non alia magis ratione posse Barbaris reddi formidabiles, quam si positis intestinis simultatibus mutuam inter se concordiam sancirent.

6. INTERROGATUS quod genus homines essent Iones: *b* Liberi, inquit, *mali*, sed *servi boni*: significans illos nescire imperare ac libertate uti, sed servitutem æquo animo ferre: videlicet referendos ad secundum hominum genus juxta distinctionem Hesiodi, qui per se quidem non sapiunt, sed parent recte sapienti.

7. CUM Cyrus stipendium misisset militibus, Callicratidi seorsim xenia, amicitiae monumenta: *c* stipendium quidem accepit, xenia vero remisit: negans sibi cum ipso privatam habendam amicitiam, sed quam haberet publicam cum Laeedæmoniis omnibus, eandem illi secum quoque intercedere. Quid hoc animo incorruptius, qui totus ad Reipublicæ commoda spectabat?

8. APUD Arginusas cum esset navali pugna conficturus, atque Hermon nauclerus diceret, bonum esse ab eo loco solvere, quod Atheniensium triremes numero longe plures essent: *d* Quid, inquit, tum postea? Atque fugere ignominiosum est Sparta ac damnosum, con-

C 6

tra,

a Prudenter. *b* Argute. *c* Simile ante habetur pag. 21.

apophth. 67. *d* Mors contempta.

tra, manentem aut mori, aut vincere honestissimum. Gloriam vitæ anteposuit, sed publicam gentis, non privatam suam.

9. ANTE conflictum peracto sacrificio, cum haruspex nuntiaret ex incensis, exercitui quidem portendi victoriam sed Imperatori mortem: nihil expavescit: *a* Haud penes unum, inquit, sunt res Sparta: me siquidem mortuo nihilo deterius habitura est patria: sed si cessero hostibus, aliquid decedet patria. Itaque cum Cleandrum pro se Ducem designasset, navalem pugnam aggressus est, ac pugnando interiit.

C L E A R C H U S.

10. CLEARCHUS militum auribus subinde solet inculcare, militi magis esse metuendum Imperatorem, quam hostem: quæ vox mortem minabatur militi, qui parum gnaviter se gessisset in prælio. Honestius autem est cum laude vitam impendere patriæ, quam cum dedecore pœnæ. Hoc dictum non quivis milites laturos sint, sed hi facile ferebant, quibus matres domi solent edicere, ut aut victores cum armis redirent, aut mortui in armis referrentur.

C L E O M B R O T U S.

11. CLEOMBROTUS Pausaniæ filius, cum hospes quidam controversiam haberet cum patre de virtute: *b* Tantisper, inquit, pater est te præstantior, quoad tu quoque genueris. Civiliter deterruit hominem à contentione, quod pater vel hoc nomine superior esset, quod filium dedisset patriæ, cum ille nondum pater esset.

C L E O M E N E S.

12. CLEOMENES Anaxandridæ filius dicere solet, *c* Homerum esse Poëtam civium Lacedæmoniorum, Hesiodum vero Helotum, hoc est servorum, quod ille docuisset quo modo gerendum sit bellum, hic quo modo colendi agri. Nam ut ante dictum est, Lacedæmonii tantum ad bellicas res instituebantur, eoque humi-

Mors contempta. b Urbane. c Argute.

humiliores operas & artes manuaras servis committebant Helotes.

13. I D E M cum Argivis septem dierum pactus inducias, cum observandas deprehendisset illos tertia nocte indulgere somno, fiducia videlicet induciarum, adortus est eos, & alios interfecit, alios abduxit captivos. Cæterum cum illi probro daretur violata jurisjurandi fides: *a De diebus, inquit, pactus sum, noctes non additæ sunt iurejurando.* Quanquam & alioqui quidquid mali quis fecerit hostibus, id & apud Deos & apud homines habetur iustitia præstantius: verum huic magnificæ voci non respondit eventus. Nam & urbe cujus gratia violarat conventa, frustratus est, eo quod mulieres detractis è templis Deorum armis illum ultæ sunt: perinde quasi Diis ipsis quos contempserat, pœnas de ipso sumentibus. Postremo versus in dementiam, ipse sibi gladiolo quodam fodit & incidit corpus à talis usque ad loca vitalia: itaque vitam finiit, ridens & ore diducto. In hoc apophthegmate nihil habes imitatu dignum, utile tamen exemplum ad vitandam jurisjurandi violationem.

14. C U M augur illum dehortaretur ne exercitum educeret ad urbem Argivorum, alioqui reditum illinc fore turpem: postea quam admovisset civitati copias, ac portas videret clausas, & mulieres in mœnibus: *b Heic, inquit, reditus tibi turpis videtur, in quo viri mortuis uxores occlusere portas?* Fortis animus, si cum æquo bonoque fuisset conjunctus.

15. A R G I V I S nonnullis illum convicio laceffentibus ut perjurum & impium: *c Vobis, inquit, potestas est mihi maledicendi, at mihi potestas est vobis facienda male.* Admonet, non esse tutum eos maledictis irritare, quibus in manu est, cum velint, re ipsa lādere: ad hæc non oportere potentes humiliorum dictis admodum commoveri. Satis enim vindictæ est, quod licet, cum libet ulcisci, cum illis nihil aliud reliquum sit quam male loqui.

16. V E N E R U N T ad Cleomenem Samiorum.

C 7

OLA.

a. Vastre. b. Animose. c. Moderate.

oratores hortaturi ut cum Polycrate Tyranno bellum susciperet : id cum fecissent oratione plus æquo proluxa, respondit in hunc modum : *a* *Quæ primo loco dixisti non memini, & ob id ne media quidem intelligo : quæ vero dixisti omnium postrema, non probo.* Admonet multiloquium non solum molestum esse auditori, verum etiam ad persuadendum inutile, præsertim apud Principes, tum variis curis occupatos, tum auribus fastidiosis.

17. **PIRATA** quidam populabundus discurrebat per agros Lacedæmoniorum. Is ut captus est, rogatus cur id ausus esset : *b* *Quoniam, inquit, deerat mihi com-
meatus quem militibus præberem, ad eos veni qui & habe-
bant nec sponte dabant, vi erepturus.* Ad id Cleomenes : *Compendiosa, inquit, malitia :* Detestatus prædonis nefarium scelus, probavit tamen orationis expeditam brevitatem.

18. **CUM** improbu quidam ipsum conviciis incesseret : *c* *Num ideo, inquit, tu maledicu omnibus, ne si velimus respondere, citum habeamus vicissim de tua dicendi malitia ?* Ut è sublimi contempnit maledicum, nec ullo responso nec alia pœna dignum judicavit hominem nullius rei, cui nihil esset præsidii præter maledicam linguam.

19. **CUM** è civibus quispiam apud eum diceret, bonum Regem omnino erga omnes mitem & placidum esse oportere : *d* *Sed hætenus, inquit, ne sit contemptui :* significans erga improbos mansuetudinem nimiam esse inutilem civitati ; notansque quorundam mores, qui Principes vehementer bonos & clementes, cum impensius amare debuerint, discunt habere contemptui. Est quidem præcipua vultus in Principe comitas ac mansuetudo, verum ob malorum ingenium hæc ita temperanda est, ut Principi sua constet auctoritas.

20. **CUM** diutino morbo vexatus, expiatoribus ac divinis auscultaret, ante non solitus idem facere, quodam id admirante : *e* *Quid miraris ? inquit, Non enim idem sum nunc qui tunc eram. Cum autem non sim idem nec*
probo

a Loquacitas. *b* Audacia. *c* Moderate. *d* Urbane.

e Argute.

probo eadem. Elusit ille quidem inconstantia reprehensionem, verum tamen est, non eadem placere seni, quæ juveni placuerant.

21. SOPHISTA quodam de fortitudine multa dissente risit Cleomenes. At Sophista dicenti; Quid rides Cleomenes audiens de fortitudine differentem, præsertim cum sis Rex? *a* Quoniam, inquit, ô amice, si hirundo de fortitudine loqueretur, idem facerem quod nunc facio: si aquila, magno silentio auscultarem. Visum est ineptum quenquam de fortitudine magnificis uti verbis, qui ipse nihil fortiter gessisset unquam, nec aliud posset quam in hirundinis morem garrere.

22. ARGIVIS profitentibus se prioris conflictus fortunam in qua victi fuerant, iterato pralio sarcire velle: *b* Demiror, inquit, si duarum syllabarum accessione facti estis meliores quam eratis prius. Hujus apophthegmatis, argutia Latine reddi non potest. Nam Græcis μάχεσθαι, pugnare est, ἀναμάχεσθαι redintegrare pugnam. Inter hæc duo verba nihil interest, nisi quod posterius superat prius duabus syllabis ἀνα.

23. QUIDAM per convicium illum dixerat delictis deditum: *c* At hoc, inquit, satius est, quam injustum esse. At tu pecuniarum amore teneris, cum quod satis est possideas. Argute significavit neminem esse posse justitiæ tenacem, qui supra quam satis est, congerendi studio tenetur: ad hæc stultum esse qui alteri levius exprobrat vitium, cum in ipsum ilico gravius crimen possit retorqueri.

24. QUIDAM ut Cleomeni cantorem quendam commendaret, cum aliis multis nominibus prædicabat hominem, tum illud in primis affirmabat, eum esse cantorem inter Græcos præstantissimum. At Cleomenes ostenso quodam ex his, qui aderant: *d* At per Deos hic, inquit, apud me juris condendi artifex. Contempsit artem ad solam delectationem utilem.

25. MÆANDER Samiorum Tyrannus ob incursionem Persarum profugerat Spartam, ostenditque

a Decorum. *b* Facete. *c* Belle retortum. *d* Habetur ante, pag. 40. apophth. 42. Ars inutilis.

quantam pecuniarum vim secum apportasset, & quantum Cleomenes vellet largiri. *a* At Cleomenes ipse quidem nihil accepit, sed veritus ne quid aliis civibus donaret, adiit Ephoros, dixitque, satius esse si hospitem suum Saniuum e Peloponneso submoverent, ne cui Spartano persuadeat ut fiat malus. Ephori vero Cleomenis consilio parentes, eodem statim die promulgarunt edictum, ut Maander Peloponneso decederet. Quantum in hoc homine divitiarum contemptus, a quibus non secus atque a praesentissimo veneno timuit civibus suis, cum plerique non aliter existiment beatas civitates, quam si quam maxime abundant opibus. Hunc Maandrum Herodotus lib. 3. Maandrium appellat.

26. QUODAM interrogante, cur Argivos cum Lacedaemoniis bellum gerentes, cum saepenumero vicissent non deleverint: *b* Ne ceptaverimus quidem, inquit, illos deletos, ut habeamus qui juvenes nostros exerceant. Perspexerat egregius Dux, corrumpi juventutem, si permitteretur ocio, luxus ac malorum omnium magistro.

27. PERCUNCTANTI cuidam, quam ob causam Spartiæ non dicarent Diis spolia ab hostibus detracta: *c* Quoniam, inquit, *a* timidi venerunt. Porro quæ patta suat ab his qui ob timiditatem capti sunt nec decet intueri juvenes, nec Diis consecrata reponi. Sensit in bello aut vincendum, aut fortiter occumbendum: adeoque renrignominiosam judicabat metum mortis, ut alienæ quoque timiditatis monumenta putaret ab juvenum oculis submovenda.

28. CLEOMENES cum amicus quidam hospiti in phiditiis nihil apposuisset nisi jus nigrum, & panem igni duratum, succensuit homini dicens: Erga peregrinos non oportere nimium laxari. Severitas est, si quis à seipso exigat victum durior, at inhumanitatis est hospitem eodem compellere.

CLEOMENES Alter.

29. CLEOMENES Cleombroti filius, cum quispiam illi donaret gallos gallinaceos pugnaces, ac munus suum

a Integre. *b* Indukris. *c* Fortiter.

suum ornans verbis diceret, illos ob victoriam pugnando interire: *a* Da igitur, inquit, mihi aliquot ex his qui hos occidunt. Nam illi his sunt praestantiores. Vir militaris ad bellum torfit omnia. Quisquis laudat victum, illustrat victoris gloriam.

L A B O T U S.

30. L A B O T U S cuidam apud ipsum prolixiore utenti sermone: *b* Quid mihi, inquit, de re pusilla longa teneas proemia? Quanta res est, tantam oportet & orationem esse qua uteris. Est hoc omnibus Spartanis peculiare, offendi sermone quam causa postulat longiore, adeo nusquam non placebat frugalitas. Nam ad causam non magnam adhibere supervacuam verborum copiam, luxuriae genus est. Hunc Laborum Herodotus Leobotan appellat: quod nobis sonat populi pastorem.

L E O N T Y C H I D A S Primus.

31. L E O N T Y C H I D A S huius nominis primus, cuidam objicienti quod facile mutaretur: *c* Mutor, inquit, sed pro temporum ratione, non ut vos proprio morbo. Prudentis est re nata novare consilia: at sine causa subinde alium fieri, inconstantiae vitium est.

32. I D E M rogatus à quodam, quo pacto quis bona quae adsunt tueri valeret: *d* Si non omnia, inquit, fortuna crediderit. In animi bona nullum jus habet fortuna. Tum externa bona reddemus nobis stabiliora, si quaedam seposuerimus, nec fortunae volubili commiserimus. At sunt Principes, qui proferendae ditionis studio semet in periculum conjiciunt, ne hoc ipsum quod habent imperium amittant: multi item divites augendae rei studio quidquid habent, totum committunt navibus.

33. I N T E R R O G A T U S quid potissimum oporteret pueros ingenuos discere: *e* Quae illis, inquit, ubi ad virilem aetatem pervenerint, usui sint futura.

34. P E R C U N C T A N T I cuidam quamobrem Spartiatae parcissime biberent: *f* Ne, inquit, pro nobis
alii,

a Lepide. *b* Loquacitas. *c* Non habetur in Græco. *d* Prudenter. *e* Habetur ante pag. 21. apoph. 65. *f* Sobrietas.

alii, sed nos potius pro aliis consultemus: falsissime notans, vinosos non esse ad consultandum idoneos, sed salubrium consiliorum parens est sobrietas.

35. LEONTYCHIDAS unus e seniorum numero, quos ferunt Lacedæmoniiis fuisse viginti octo, cum Corinthi cœnaret apud hospitem, rogavit num illic ligna quadrata nascerentur: illo negante: *a* *Quid igitur, inquit, si quadrata nascerentur, faceretur rotunda?* Ita Plutarchus in vita Lycurgi. Quanquam hoc alibi refertur alterius nomine, videlicet Agelilai.

LEONTYCHIDAS *Alter.*

36. LEONTYCHIDAS Aristone natus, cuidam ipsi dicenti, quod Demarati amici male de eo loquerentur: *b* *Per Deos, inquit, nihil miror, quandoquidem nullus illorum de quodam bene loqui posset.* Docuit continentiam esse maledicentiam quæ non à iudicio, sed ab animi morbo proficiscitur. Qui vero passim maledicunt omnibus, eos palam est id naturæ vitio facere, non ex eorum merito quibus obtruncant.

37. CUM portæ illi proximæ clavem draco circumvolutus esset complexus, idque augures affirmarent esse portentum: *c* *Mihi, inquit, nequaquam videtur, sed si clavis fuisset circumplexa draconem, portentum erat.* Lepide irrisit hominum superstitionem, qui terrentur his, quæ casu, nec præter naturam accidunt. Hunc mortalis ingenii morbum alunt augures, arioli, haruspices ac divini. Verum ubi quis præter rectum & honestum instituit nefaria consilia, tum oportebat horrere portentum, & aliquid magni mali secuturum expectare.

38. PHILIPPUS quidam erat proficens Orphei mysteria, & his alios initiare solitus: is cum esset extremæ paupertatis, tamen apud Leontychidam diceret, eos qui apud ipsum Orphei sacris initiati essent, post obitum fore beatos: *d* *Quin igitur, inquit, O demens quam ocysissime vitam abrumpis, ut desinas infelicitatem tuam ac inopiam deplorare?* O animum ab omni superstitione

a Habetur ante pag. 12. apophth. 28. *b* Maledicentia. *c* Lepide. *d* Superstitio nulla.

stitutione liberum. Post hanc vitam felices erunt, qui heic pie justeque vixerint, non qui fictis caeremoniis fuerit initiatus. Hoc persuasum erat Lacedæmoniis, qui heic pie vixissent, eos ab obitu fieri Divos.

L E O N.

39. L E O N Eurycratidis filius interrogatus, in qua tandem urbe aliquis possit tuto vitam agere : *a In ea*, inquit, *quam qui incolunt, neque plus possident, neque minus, & ubi justitia viget, injustitia imbecillis est.* Graviter admonuit, æqualitatem esse pacis & tranquillitatis altricem, inæqualitatem seditionis esse seminarium : nec ibi locum esse justitiæ, ubi ut quisque potentior est, ita licentius opprimit imbeciliorem.

40. I D E M cum videret in Olympiis cursores sollicitos de emissionem, ut aliquid lucri haberent ad occupandam victoriam : *b Quanto major est*, inquit, *cura cursoribus de celeritate quam de justitia?* Vir integræ mentis etiam in ludis volebat haberi rationem justitiæ, nec tantum agendum ut prior quis ad metam pertingeret, sed ut juste vinceret.

41. C U I D A M de rebus haudquaquam inutilibus intempestive loquenti : *c O hospes*, inquit, *re oportuna non oportune uteris.* Nihil oratione melius, si parce promas linguæ thesaurum.

L E O N I D A S.

42. L E O N I D A S Anaxandridæ filius, frater Cleomenis, cuidam ad ipsum ita loquenti ; Excepto regno nulla re nobis præstas : *d At*, inquit, *ni vobis fuissetis melior, non essem Rex.* Moderatissimo dicto & refellit convicium, & suam dignitatem sibi defendit. Etenim ubi Reges non nascuntur, sed civium suffragiis eliguntur, hoc ipso publicis calculis Princeps judicatus est cæteris melior, quod ad regnum adscitus est.

43. C U M ad Thermopylas proficisceretur cum Persis conflictaturus, uxori Gorgoni roganti si quid ipsi man-

a Æqualitas. *b* Juste. *c* Habetur ante simile pag. 17. *d* Moderate.

mandaret: *a Ut bonis*, inquit, *nubam*, bonosque liberos *pariam*. Hac vox testabatur illum animo prælagisse interitum: nec hac præsentione deterritus est ab expeditione, pulcherrimum esse ducens, pro patria pugnantem occumbere.

44. EPHORIS dicentibus quod ad Thermopylas proficiscens paucos secum educeret: *b Nimirum ad hoc*, inquit, *negotium ad quod proficiscimur*. Indicans satis multos educi ad moriendum in bello: satius enim perire paucos quam multos.

45. RURSUS cum Ephori percunctarentur, si quid præterea rei facere statuisset: *c Nihil aliud*, inquit, *quam verbotenus impediturus Barbarorum transitum*, sed *re vera pro Græcis moriturus*. Egregium imperterriti pectoris documentum, in causa honesta piaque nec certam mortem horrescere.

46. UBI pervenerat Thermopylas, sic commilitones affatus est: *d Adjut Barbarum in propinquo esse*, nos autem tempus terimus. Nunc enim pervenimus ad Barbaros, quos aut vincamus oportet, aut victi moriamur..

47. QUODAM ita dicente, præ jaculis Barbarorum nec solem videre licebit: *e An non*, inquit, *lepidum fuerit*, si cum illis sub umbra pugnaturi sumus? Quid hoc animo fortius? ad mortem eunti etiam joculari libuit: sed ludens interim metum exemit suorum animis. Hoc apophthegma refert Marcus Tullius Tusculanar. quæst. lib. 1. velut de ignoto. Equibus, inquit, unus cum Perses hostis in colloquio dixisset glorians, solem præ jaculorum multitudine & sagittarum umbra non videbitis: *In umbra igitur*, inquit, *pugnabimus*.

48. CUM alius quidam militum de hostibus dixisset, sunt prope nos: *f Et nos*, inquit, *prope illos*: significans ob id non minus imminere discriminis hosti quam ipsis.

49. CUIDAM dicenti: Siccine cum paucis adversus multos belli fortunam experturus huc venisti? Leonidas: *g Si putatis*, inquit, *me multitudine fretum*
huc

a Graviter. b Atgute. c Mors contempta. d Fortiter.

e Lepide. f Animose. g Fortiter.

huc venisse, ne Græcia quidem omnis satis sit. Siquidem ea ad barbarorum multitudinem collata exigua portio est: sine virtute, & hic numerus suffecerit. In bello judicavit plus habere momenti quales ducas milites, quam quam multos.

50. **ALTERI** cuidam dicenti quod cum paucis adversus multos conflicturus iret: *Immo multos, inquit, duco ut morituros.* Hoc convenit cum eo quod ante respondit Ephoris.

51. **XERXES** Leonidæ scripserat; Si desinas *Θεομαχέειν*, id est, cum Diis bellare, sed meis te copiis adjunxeris, potes Græciæ fieri Monarcha. Huic ita respondit: *a Si novisses quæ sint in vita honesta, abstinuisses à concupiscendis alienis. Mihi vero potius est pro Græcia mori, quam in populares meos gerere Monarchiam.* Quid tam impium est, quod mortalium vulgus non admittat ampli principatus gratia? At hic prius duxit honestam mortem pro amicis liberandis oppetere, quam Monarcha factus, eos servitute premere, à quibus venerat depulsurus servitutem Barbarorum.

52. **RURSUM** cum Xerxes scripsisset, Mitte arma, rescipit: *b Veni & cape.* Maluit armis mori, quam traditis armis turpiter de vita cum hoste pacisci.

53. **CÆTERUM** ubi jam adornaret cum hoste configere, belli Duces admonuerunt expectaret reliquos socios: *c Non adsint, inquit, qui pugnaturi sunt? An nescitis eos solos cum hostibus pugnare, qui Reges verentur ac metuunt?* Non putavit eos expectandos, qui ad præscriptum ab Imperatore tempus non adessent: reliquos etiam si adsint non pugnare.

54. **MILITES** sic adhortatus est: *Ita prandere commilitones mei, tanquam apud inferos cœnaturi:* Hæc vox ignavis ademisset animum, at viris fortibus addidit: admonens ne cibo vinoque graves venirent ad prælium, aut certe pro patria fortiter occumberent.

55. **IDEM** percunctanti quam ob causam fortes viri gloriosam mortem ingloriæ vitæ anteponant: *d Quoniam, inquit, alterum natura proprium, alterum*

pecu-

a Juste. b Animose. c Graviter. d Sapienter.

peculiariter suum esse ducunt. Nam naturæ beneficio vivunt & ignavissimi, at honeste mori non contingit nisi virtute præditis.

56. CUM cuperet juvenes cælibes, a quo forent incolumes abesse à belli periculo, sciretque illos id minime laturos, singulis illorum tradidit scytalas, id est, epistolarum Laconicarum genus, cumque his misit illos ad Ephoros. Cum vero treis etiam ex his, qui grandiores jam duxerant uxores, optaret salvos, ac simili prætextu ablegare conaretur in patriam, intellecto dolo non sustinuerunt accipere scytalas. *b* Quorum unus ita se excusavit, non præco, sed pugnator te secutus sum. Alter vero Heic, inquit, manens ero melior. Tertius porro, non postremus, inquit, horum, sed primus inibo pugnam. Utrum heic porius admirari convenit, Ducisne animum, qui de se nihil sollicitus, eorum incolumitati prospexit, quos adhuc vivere referebat patriæ, an in ætate florenti tantum vitæ contemptum.

L O C H A D U S.

57. L O C H A D U S Polyanidæ filius, Sironis pater, nuntianti quod è filiis ipsius alter interiisset: *c* *Olim fiebam*, inquit, *illi moriendum esse.* Nihil illi visum est novæ rei, si mortalis natus moreretur: nec magni referre, paulo serius an citius vita decederet, cui omnino brevi foret decedendum.

L Y C U R G U S.

58. L Y C U R G U S is, qui Lacedæmoniis leges condidit, cum conaretur cives suos à moribus præsentibus ad temperantiores vivendi rationem traducere, eosque virtutis & honesti studiosos reddere (nam erant corrupti deliciis) duos educavit catulos eodem patre eademque matre progenitos, quorum alterum passus est domi lautioribus vesci cibis, alterum educatum venatibus exercuit. Dein cum ambos produxisset in forum apud multitudinem, posuit illic spinas, simul & escas aliquas delicatiores, mox emisit leporem: cum uterque

rape-

a Humaniter. b Animosè. c Fortiter.

raperetur ad assueta, alter ad elcas, alter leporem invaderet: *a* *An non videtis*, inquit, *cives*, duos catulos, cum ejusdem sint generis, tamen ob diversam educationem admodum dissimiles inter sese evasisse, plusque ad honestatem momenti habere exercitationem quam naturam? Sunt qui dicant ab illo productos catulos, non quidem ex iisdem parentibus natos, sed quorum alter esset ex ignobili canum genere, qui aluntur ad ædium custodiam, alter ex his qui aluntur ad venandum. Deinde qui erat ex ignobiliore genere exercuit ad venatum, alterum qui erat ex præstantiore genere tantum deliciis exercuit. Deinde cum uterque ferretur ad ea quibus assueverat, atque hoc pacto palam omnibus fecisset Lycurgus, quantum institutio valeret, tum ad meliora, tum ad deteriora, dixit: *Proinde ne nobis quidem o cives nobilitas, quam miratur hominum vulgus, ductumque ab Hercule genus, profuerit, nisi ea gesserimus, per qua ille mortalium omnium clarissimus ac generosissimus extitit, ac per omnem vitam qua honesta sunt & discamus & exerceamus.* Reperit vir ingeniosus viam, qua multitudini philosophicis rationibus non satis idoneæ, virtutis imaginem ob oculos poneret: magis enim movent ac penetrant in animos quæ cernuntur, quam quæ audiuntur. Quod autem ille fecit in civitate, hoc cuique patrifamilias in sua domo, cuique moderatori in suo grege faciendum est. Res quidem efficax est natura, sed potentior est institutio, quæ malam naturam corrigit & vertit in bonam. Quales nascantur liberi, nulli in manu est, at ut recta institutione evadant boni, nostræ potestatis est.

59. QUONIAM intelligebat æqualitatem & ad frugalitatem & ad concordiam in primis conducere, fecerat novam agrorum partitionem, & in singulos cives æquam portionem distribuerat. Fertur itaque cum dein ex peregrinatione rediens iter faceret per agrum recens demessum, conspiceretque manipulorum acervos ordine positos & æquales, delectatus eo spectaculo cum risu dixisse comitibus: *b* *Ut tota Lacedæmon videtur multorum esse fratrum, qui nuper inter se diviserint hereditatem.*

Bono

a *Educatio.* *b* *Æqualitas.*

Bono Principi nihil jucundius est civium concordia, rursum Tyranno nihil formidabilius.

60. I D E M cum inductis novis tabulis debitores aris alieni liberaſſet, jam & ea quæ quilibet privatim in ædibus habebat ex æquo parti tentavit, quo funditus è civitate tolleretur diſcrimen opum & inæqualitatem: *a* ſed cum cerneret eos ægre laturos manifeſtam rerum abolitionem, idem occultiore via facere aggreſſus eſt, monetam auream ſimul & argenteam abrogavit, inſtituitque ut cives ſerreo dumtaxat nummo uterentur, & quatenus poſtulabat uſus ad hujus perimutationem, totius ſubſtantię modum præſcripſit. Hoc factò omnis injuſtitia exſulabat ab Lacedæmone. Neque enim jam furari, neque largitionibus corrumpere corrumpere, neque fraudare dolo, neque rapere per vim quilibet poterat, quod nec calari valeret, nec parare magnificum eſſet, nec uti periculo vacaret, nec importare aut exportare tutum foret, hac arte vir ſolertis ingenii, quibus divitiarum contemptum perſuadere non potuit, divitiarum uſum ſubtraxit. ac reponendi ſtudium.

61. A D hæc quidquid erat rerum ſupervacanearum *b* è civitate ejiciendum curavit, adeo ut nec negotiator, nec Sophiſta, nec vates, nec circulator, nec lautitiarum artifex Spartam ingrederetur. Neque enim paſſus eſt illic eſſe pecuniam talibus utilem: tantum ferream monetam cudit, quæ pondere Æginetico æquabat minam, valore æreos quatuor. His remediis expugnavit avaritiam.

62. C Æ T E R U M cum ſtatuſſet invadere delicias luxumque, in his quoque tollere divitiarum admirationem, inſtituit ſyſſitia, hoc eſt, convivia publica. Percunſtanti vero cur ea conſtituiſſet, ſic ut in ſingulis conviviiſ pauci cum armis diſcumberent: *c* Ut, inquit, expediti ſint ad parendum imperatiſ, & ſi quid tumultus inciderit, penes paucos ſit delictum, ſitque inter omnes potus ac cibi aqua portio: denique non ſolum in eſculentis ac poculentis, verum ne in ſtratu quidem aut vaſis, aut alia re quacum-

a Divitiarum contemptus. *b* Artes ſupervacua.

c Communitas.

cunq̃ue plus haberet dives quam pauper. His rationibus cum divitiis detraxisset admirationem, posteaquam nemo erat, qui vel uti posset illis, vel ostentare, dicebat amicis: *a* Quam praeclarum est, ô amici, ipsa re declarasse cujusmodi sint divitiae, si quando caecae sunt, caremque spectatoribus & admiratoribus. Interim observabat, ne quis prius domi sumpta coena veniret ad publica convivia, expletus aliis cibis aliove potu. Quod si quis cum ceteris non biberet ederetve, eum vituperabat, ut qui aliis edulsiis delinitus abhorreret à victu communi. Porro qui palam convictus esset id fecisse, ei multa dicebatur. Unde Agis, qui multo post Lycurgum tempore Rex fuit, debellatis Atheniensibus domum reversus, cum vellet unum diem coenam capere cum uxore, missus à syssitiis poscenti praefecti militiae non miserunt. Ea res cum postero die innotuisset Ephoris, multam illi dixerunt. In eodem facto geminum exemplum nobis est proditum: primum frugalitatis; deinde severitatis, cum in causa non gravi leges nec Regi pepercerint.

63. S E D Lycurgo evenit, quod fere solet his qui cum corruptis populi moribus bellum suscipiunt. Divites hoc genus institutionis indigne ferebant, coortique sunt in illum, & non solum conviciis insectabantur, verum etiam saxa in luxum jaculabantur, conantes eum lapidare. At cum urgerent persequentes, dilapsus est per forum, ac reliquos quidem fugiens antevertit. Alexander autem pertinacius insequens fuste respicienti in tergum extudit oculum. Hunc Alcandrum cum noxae deditum publico decreto accepisset puniendum, nec ullo affecit incommodo, nec incusavit: sed cum illum sui instituti socium haberet, effecit ut & ipsum Lycurgum, & vitae rationem, quam cum eo egerat, praedicaret: nec victum modo, sed universam civium educationem amaret, quam Lycurgus induxerat. Porro mali quod acciderat monumentum locavit dicatum in templo Minervae, cui ab aereo delubro nomen Chalciæco, Dæque cognomen addidit ut Optiletis diceretur: nam Dôres

D

La-

Lacedæmonem incolentes oculos optilos vocant, ab ὀπίλος, quod Græcis sonat, video. Et heic habemus geminum exemplum: alterum admonens non abique discrimine mores civitatis corruptæ vitiis ad meliorem frugem revocari: alterum insignis tolerantia, quæ ex hoste capitali reddidit amicum ac propugnatorem: quem etiamsi necasses, ut ipsi licuit, nihilo tamen minus ipse fuisset luscus, & uno legum suarum defensore minus habuisset.

64. **P E R C U N C T A N T I** quam ob causam non uteretur legibus scriptis: *a* Quoniam, inquit, eruditi qui sunt, recteque educati, probant quid pro ratione temporis expediat: significans scripturam non mutari, cum pro varietate occasionum vir probus & sapiens sæpenumero cogatur mutare consilium. Ea res nominatim præscribi non potest. Satis est cives honeste fuisse institutos, hi sua sponte videbunt quid pro tempore facto sit opus.

65. **R U R S U M** aliis percunctantibus quamobrem statuisset, ut ad ædium culmen imponendum fabri securi uterentur, ad fores vero addendas sola ferra, nec ullo alio instrumento: *b* Ut, inquit, cives mediocritatem servant in omnibus quæ in ades inferunt, neque quidquam habeant earum rerum, quæ apud alios sunt admirationi. Videbatur enim indecorum, si per ostium rude ac vile suppellex inferretur exotica, pretio cara, arte operosa. Id ne fieret, ipsæ quodammodo fores admonebant. Hinc ajunt accidisse, *c* quod Leontychidas primus apud Lacones Rex, cum cœnaret apud quendam cerneretque tectum domus sumptuoso apparatu factum, ac lacunariis ornatum, rogabat hospitem num ligna apud eos quadrata nascerentur: adeo luxum esse putabat, naturam artificio corrumpere.

66. **R O G A T U S** aliquando Lycurgus quamobrem vetuisset frequenter adversus eosdem expeditiones agere: *d* Ne, inquit, dum crebro sese defendunt, bellandi peritiam usu colligant. Unde & Agesilaus graviter accusatus est,

a Prudenter. *b* Frugaliter. *c* Habetur antea pag. 12. apophth. 28. & pag. 64. apophth. 35. *d* Habetur ante pag. 22. apophth. 69.

est, quod crebris in Bœotiam expeditionibus ac bellis Thebanos, Lacedæmoniorum hostes ad repugnandum induxisset. Nam cum Antalcidas vidisset illum saucium, exprobravit quod Thebanos præliandi artem docuisset, cum ante nec scirent bellare, nec vellent: Præclaram, inquit, doctrinæ tuæ mercedem habes, qui Thebanos nec animatos ad bellandum nec exercitados, vel invitos consuefeceris docuerisque bellum gerere. Hoc strategema latius etiam patet, videlicet ne sæpius cum iisdem litigemus aut contendamus, ne tandem assueti vel contemnant nos vel superent.

67. ALIO quoque percunctante, quamobrem virginum corpora cursibus, luctis, discorum ac telorum iactibus fatigaret: *a* Vt, inquit, *factuum profeminatio ab ipsa statim radice, validum in validis corporibus initium sumens, recte germinet, simul ut ipsæ in perferendis partibus facili simul & generose certent adversus pariendi nixus doloresque, postremo si qua incidat necessitas, possint & pro liberis, & pro patria pugnare.* Intellexit vir prudens, quanta Rerum publica tum pestis sit otium atque ignavia: contra moderatos labores etiam corpora reddere tum firmiora, tum salubriora: unde nec virginibus permisit in otio vivere, sed has quoque masculinis exercitiis quodammodo vertit in masculos, cum in plebisque civitatibus per delicias ac luxum masculi transformarentur in fœminas.

68. CÆTERUM cum essent qui vitio darent, quod virgines in pompis ac ludis solemnibus nudas exhiberet oculis omnium, causamque cur id instituisset requirerent: *b* Vt iisdem, inquit, cum masculis rationibus instituta, nihilo sint illis inferiores vel robore vel salubritate corporum, vel animorum virtute ac generositate, studioque vera laudis; vulgarem autem gloriam contemnant. Unde tale quiddam fertur de Gorgone Leonidæ uxore. Cum quædam, ut probabile est, extera mulier illi dixisset, solæ Lacenæ viris imperatis, respondit: *Nimirum solæ viros parimus.* Hoc exemplum nec in masculis, nec in

D 2

puellis

a Fœmina mascula. *b* Additum ex alio loco per studium quempiam.

puellis imitandum censuerim. Hactenus tamen conducit, ut stupidum pudorem, qui frequenter obstat honestis actionibus ab ætate tenera excutiamus, statimque discant nihil esse vere pudendum præter turpitudinem. *a* Innumeras vero reperias quæ nudatæ vehementer erubescant, si quid præter honestum dixerint fecerintve, non mutant colorem. Sunt item innumera, quibus amictus vilior cultusque simplicior genas rubore tingat: contra, gloriosum esse ducant si splendido vestitu prodeant in publicum, negligentes earum rerum, quæ verum probum veramque laudem adferunt.

69. C I V E S qui à nuptiis abhorrent, cœlibesque vivere mallent à spectaculis, quibus nudi pueri incedebant, arcebat Lycurgus, aliasque addebat ignominias, hac arte providens diligenter, ut cives creandis liberis operam darent. Cum enim mos esset apud Lacedæmonios, ut juniores senioribus multum honorem cultumque præstarent, hoc honoris ademit iis qui conjugibus ductis nollent augere civium numerum. Unde nec illud in Dercyllidam dictum reprehendit quicquam, cum tamen belli Dux esset probatissimus. Cum enim advenienti juvenis quidam non assurgeret, atque ille diceret. Non mihi assurgens cessisti. *b* Nec tu, inquit, *mihi cessurum genuisti*. Tam procax juvenis dictum in seniore, eumque bellica laude celebrem, nunquam tulisset populus Spartanus nisi pro pessimis civibus habuisset eos, qui sponte steriles esse statuissent, nec agnoscerent quid patriæ deberent. Nam rem propius intuentibus non ita magnum discrimen est inter eum qui civem occidit, & qui civem Reipublicæ dare cum possit, recusat.

70. C U I D A M percunctanti quam ob causam lege cavisset, ut sine dote virgines elocarentur: *c* Ut, inquit, neque propter inopiam ulla relinquerentur innuptæ, neque ob divitias expeterentur; sed ut juvenum quisque ad puella mores respiciens, ex virtute faceret electionem. Eadem de causa fucos & ornamenta quibus aliæ formam

vel

a Pudor præposterus. *b* Cœlibatus damnatus. *c* Uxor eligenda.

vel fingere vel commendare solent, ex urbe submovit. Ut ubique vir egregius studuit æqualitati.

71. I D E M cum certum tempus præscripsisset, quo puellæ nubere, juvenes ducere deberent, interrogatus cur id statuendum putarit: *Ut, inquit, soboles ex adultis perfectæque ætatis parentibus nata valida sit & vegeta.* Ex coitu præpropere non solum læduntur corpora gigantium, verum etiam proles nascitur imbecilla. Tum qui ante tempus dant operam liberis, carent apud illos auctoritate quam ætas conciliat: rursus qui vergente jam ætate, nec fruuntur liberis suis, nec eos possunt ad perfectam institutionem perducere, morte senioque præventi.

72. A L T E R O quodam admirante quamobrem venisset sponsum cum sponsa simul dormire, sed statuisset ut uterque cum suis æqualibus maximam diei partem versaretur, cumque his totas noctes quiesceret, cum sponsa vero furtim ac verecunde congrediretur: *a Primum, inquit, ut corporibus essent validi, si non uterentur congressu ad satietatem; dein ut illis amor mutuus semper maneret recens ac vicens; denique ut sætus ederent robustiores.* Hoc, hoc demum est patriæ patrem agere, nusquam non advigilare ad Reipublicæ utilitatem, civiumque tum animis, tum corporibus undiquaque consulere. At multi sunt, qui sibi legitimi magistratus videntur, si quamplurimum tributorum ac vectigalium è civibus extorqueant, & interdum puniant immania scelera, cum alioqui scelerum irritamenta præbeant suis.

73. Q U I N & unguenta ejecit è Republica tanquam olei corruptelam ac perniciem: *b* Nam oleum odoribus vitiatum nullum habet usum, nec ad esum, nec ad membrorum unctionem: atque dum rem necessariam ad delicias corrumpunt, fit ut minor sit copia.

74. S U B M O V I T & tingendi artificium, veluti sensus adulationem. *c* Etenim dum color blanditur oculis, natura rei corrumpitur. In summa, cunctis ornandorum lenocinio corporum artificibus Spartana urbe interdixit, ut qui malis artibus bonas arteis corruppe-

rent : propterea quod hujusmodi deliciis cives à salubribus ac feriis exercitamentis avocarentur.

75. TANTA porro erat illis temporibus uxorum pudicitia, *a* tantumque aberant ab ea facilitate, quæ post invasit, ut prius esset incredibile adulterii crimen apud Spartanos inveniri : ferturque dictum cujusdam vetustissimi Spartani Geradæ, qui rogatus ab hoste quodam, quid poenarum darent apud Spartanos adulteri, neque enim videre se quidquam super hac re sancitum à Lycurgo : *b* Nullus, inquit, *ô amice*, apud nos adulter est. Cum ille subjecisset : Quid igitur si existat ? Dabit, inquit, bovem tantum, ut porrecto ultra Taygetum montem collo bibat ex Eurota : cumque ille ridens dixisset, fieri non potest ut tantus bos inveniatur. Et quo pacto, inquit Geradas, Sparta existat adulter, in qua divitiæ, delitiæ, & corporis adscititius cultus probro habentur : contra verecundia, modestia, ac obedientia Magistratibus debita observatio, decori laudique dantur ? Prudenter intellexit Geradas, ibi non posse nasci vitia, ubi non admittuntur vitiorum seminaria, eaque ubique jacere, quibus pro honore tribuitur ignominia. Atque hæc est clementissima ratio medendi pravis moribus, excitandique virtutis studium.

76. CUIDAM postulanti ut in civitate pro Aristocratiâ, id est, optimatum gubernatione, constitueret Democratiam, hoc est popularem gubernationem : *c* Tu fac, inquit, prius domi tuæ Democratiam instituas. Compendio docuit eam Reipublicæ speciem non esse utilem civitati, quam nemo vellet esse in sua familia. Civitas autem nihil aliud quam magna domus.

77. PERCUNCTANTI cur instituisset ut minutis ac vilibus rebus sacrificaretur : *d* Ne unquam, inquit Lycurgus, deficiat nos quo numen honoraremus. Quis non diceret in solemni Deorum cultu magnificentiam ac splendorem adhibendum ? At vir prudens intellexit, numen magis delectari frugalitate quam opimis victimis, ne sub religionis obtentu luxus irreperet, aut certe

a Additum. *b* Adulterium. *c* Argute. *d* Sacrificia frugalia.

certe rerum penuria. Deus enim non eget nostris impendiis, amat autem homines, quorum necessitati poterat illis impendiis succurri.

78. E certaminibus ea sola concesserat exercere, in quibus manus non extenderetur in altum. Ejus constitutionis causam percunctanti: *a* Ne quis, inquit, illorum laborando consuescat defatigari. Siquidem exercitia ad confirmandum corporis robur adhibentur, non ad exhauriendas vires. Qui vero subinde delassantur in exercitamentis, quoniam imbecilliores veniunt ad labores necessarios, facilius deficiunt.

79. CUIDAM percunctanti quamobrem crebro mutari castra juberet: *b* Ut magis, inquit, ladamus hostem. Lacedæmonii quoniam erant expediti, non magno negotio transferebant exercitum: verum idem facere non perinde commodum erat hostibus, magnam sarcinarum & impedimentorum vim secum trahentibus, præsertim qui castra fere fossis, aggeribus ac vallis solent communire.

80. ROGANTI qua de causa vetuisset oppugnari turres: *c* Ne, inquit, à *fœmina* puerove, aut ab alio quopiam homine puero ac *fœminæ* non dissimili, viri præstantiores occidantur. Non probavit prælii genus in quo virtuti locus non esset. E turribus vero puer aut mulier dejectu faxorum potest virum quantumvis fortem interimere. Quis igitur locus virtuti in bellis nostris, in quibus præcipuas partes agunt bombardæ.

81. CUM Thebani consulerent Lycurgum de sacrificio luctuque quem illi Leucotheæ solent facere: *d* Si, inquit, Deam esse creditis, ne lugeatis: sin hominem ne ut Dea rem divinam faciat. Mire taxavit Thebanorum ritus secum pugnantes. Non enim convenit simul lugere & sacrificare, hoc est, ab ea petere opem, quæ ipsa sit in calamitate ac lugenda.

82. CIVIBUS quibusdam interrogantibus, quo modo liceret hostium insultum effugere: *e* Si, inquit, pauperes fueritis, nec alius alio plus requirat. Ad opulentos

D 4

& onu-

a Exercitatio. *b* Strategema. *c* Strategema. *d* Argute. *e* Paupertas expedita.

& onustos prædæ spes invitat hostem, nec facile potest elabi qui sarcinis & impedimentis retardatur: ad hæc tutiores sunt ab hostium incurſu, inter quos est æqualitas, & ex æqualitate concordia.

83. IISDEM percunctantibus cur prohibuisset urbem cingi muris: *a* Quoniam, inquit, non caret manibus civitas, qua non lateribus, sed viris cincta est. Indicavit id genus munimenta magis arguere civium ignaviam quam fortitudinem.

84. SPARTIANIS studio est alere comam, & super ea quoque re narrant Lycurgum reddidisse rationem: *b* Quoniam, inquit, coma formosis addit decorem, deforme vero reddit hostibus terribiliores. Ut enim decet coma speciosos, ita minus felici specie præditis horrorem ac ferinum quiddam conciliat. Capillitium naturalis est ornatus, minimoque constans: hoc genus non damnavit Lycurgus, ut quod nec operosis artibus constaret, nec pro frugalitate luxum induceret. Adscititium cultum, magnoque paranda lenocinia non probavit. Quo magis detestanda est quorundam præpostera cura, qui corporis eas partes vellunt raduntque, quibus natura pilos dedit, non tantum ad decorem & verecundiam, verum etiam ad tuendam valetudinem: contra illic eliciunt silvam artificio, ubi natura voluit esse glabriciem.

85. PRÆCIPERE solet, ut postea quam in bello hostem vertissent in fugam ac superassent, tam diu fugientes insequerentur donec certa esset *c* victoria, moxque retro cederent. Neque enim Græcorum convenire moribus, eos trucidare qui cessissent, idque non solum honestius, verum etiam utilius esse dicebat. Siquidem hostes, quibuscum res est, ubi cognorint Lacedæmonios parcere cedentibus, occidere vero qui loco non cedunt, sibi conducibilius existimabunt fugere quam persistere. Frequenter enim desperatio magnum robur addit animo, non minus quam spes victoriæ. Decet autem Græcos legibus ac disciplinis imbutos etiam in bellis meminisse clementiæ. Barbaricæ feritatis est, sævire in prostra-

a Fortiter. b Coma. c Moderatio victoriæ.

stratos. Sed rursus ita temperanda est clementia, ne nobis sit exitio. Fit enim non raro ut hostis fugam simulet, ut redintegratis viribus acrior insurgat in victorem.

16. PERCUNCTANTI quæ nobrem hostium castrorum cadavera spoliare vetuisset: *a* Ne, inquit, dum spoliis incumbunt, pugnam negligent, sed paupertatem una cum ordine servant. Ut vir ille sapiens ubique civibus suis metuit à divitiis, tanquam à fonte plurimorum malorum, cum apud hominum vulgus nihil expetatur avidius, quasi in his sint præcipua felicitatis humanæ præsidia.

87. DICERE solet, Rempublicam duabus rebus contineri, præmio & pœna. Refert Marcus Tullius libro epistolarum ad Brutum.

L Y S A N D E R.

88. LYSANDER preciosas vestes, quas Dionysius ad filias ipsius miserat, non accepit, dicens: *b* Vereor ne his amictæ, turpes videantur.

89. IDEM cum aliquanto post idem Dionysius ipsam misisset stolas duas, jubens ut utram elegisset, eam mitteret filia: *c* Ipsa, inquit, rectius eligit: itaque accepit ambas, & abiit. In hoc exemplo nihil est imitandum, nec viro Lacedæmonio dignum: nec aliud ab hoc Duce expectandum fore, præter malitiosam ingenii vassiciem.

90. Is cum egregius simulandi artifex evasisset, ac pleraque quæ crudeliter & avare gerebat, callidis fucis ornaret, justum non alia re quam utilitate, & honestum commodo metiens, *d* fatebatur quidem veritatem mendacio præstantiorem esse, sed utriusque dignitatem ac pretium utilitate æstimandam. Invertit vir improbus Philosophorum dogma, qui, quod honestum est, idem volunt utile esse: hic quidquid esset utile, idem ducebat honestum.

91. AD eos vero qui ipsi probro dabant, quod ple-

D 5

raque

a Strategema. *b* Hæc ante habetur pag. 41. apophth. 46.

c Vafre. *d* Utilitas virtute potior.

raque dolo ac fraude gereret, non palam virtute conficeret, hac parte Hercule generis auctore indignus, ridens dixit: *a Ubi quis vellet non assequeretur leonis exuvium, ibi vulpinum applicandum esse*: sentiens quod honestis rationibus non posset effici, id fraude dolisque perficiendum.

92. R U R S U S aliis illi vitio vertentibus, quod fœdera quæ cum jurejurando fecisset Mileto violasset, ait: *b Pueros talis esse fallendos, viros jurejurando*: quasi hoc ipsum esset viro dignum, perjurio fallere.

93. C U M Athenienses non virtute sed insidiis vicisset juxta flumen, cui nomen Ægis, eisque fame pressis urbem in fidem suam accepisset, scripsit Ephoris: *c Captæ sunt Æhenæ*: perinde quasi vi rem gessisset, gloriam aucupans mendacio.

94. C U M Argivi de ditionis finibus ambigerent cum Lacedæmoniis, asseverarentque se justiore habere causam, Lysander stricto ense: *d Qui hoc, inquit, superior est, is optime de finibus disputat*. Ab æquo & bono vir insolens ad vim provocavit.

95. A D Bœotios ancipites, nec huic nec illi parti addictos, cum per illorum confinia faceret iter, legatos misit, qui percunctarentur, utrum rectis an inflexis hastis per illorum agros proficisci deberet: significans sive amici essent Bœotii sive inimici, nihilominus se cœpto itinere perrecturum, nisi quod per hostium agros iturus esset erectis hastis ad propulsandum si quis obsisteret: per amicorum inversis, veluti nemini nociturus. Hoc dictum nonnihil respicit indolis Laconicæ, quæ nec inimicis supplex esse vellet, nec amicis gravis.

96. M E G A R E N S I cuidam in publico conventu liberius adversus ipsum loquenti: *e Tua verba, inquit, amice opus habent civitate*: significans in civili confesso cuique liberum esse quæ videntur dicere: in bello non esse eandem libertatem.

97. C U M ad Corinthiorum, qui defecerant, muros pervenisset, videns Lacedæmonios cunctantes ag-

gredi,

a Vasre. b Perfidiosè. c Gloriosè. d Violenter. e Libertas in dicendo.

gredi, ac forte accidisset ut lepus conspiceretur exercitus transilire fossam: *a* Non pudet, inquit, ô Spartani, huiusmodi formidare hostes, quorum mœnibus ob ipsorum ignaviam lepores indormiunt? Casum fortuitum solertia Ducis torfit ad animum addendum militibus.

98. E I D E M in Samothrace oraculum consulenti Sacerdos iussit, ut quod in vita maxime sceleratum commisisset, diceret. Ille Sacerdotem rogavit: *b* Vtrum hoc tuo an Deorum jussu facere oportet? Cum Sacerdos respondisset, Deorum jussu: Tu igitur hinc discede, ac Diis dicam si percunctentur. Heic cuique liberum est, utrum malit laudare animum ab omni superstitione liberum, an prudentiam: qui senserit sacrificii fucum hoc agentis, ut ex conscientia criminis haberet illum obnoxium. Mos erat Lacedæmoniiis, nihil aggredi novæ rei, nisi consultis oraculis: at Lyfander cum nulla religione teneretur, nihilo secius hinc quoque solitus est suis vitiis honesti speciem petere, tametsi parum successit.

99. I N T E R R O G A N T I Persæ, quam Rempubli-
cam maxime probaret: *c* Eam, inquit, in qua fortibus
viris ac meticulosi congrua utrisque redduntur. Sensit vir-
tutem invitari præmiis, ignavos excitari ignominia. Ni-
mirum hoc est quod Homerum stomachatur Achilles;
idem honoris haberi ignavis ac fortibus. Ea sententia
non solum habet locum in Republica, verum etiam
in privatis familiis. Sunt enim hæc duo præcipua ad
conservandam cujuslibet gregis disciplinam. Honos e-
nim non solum alit artes, ut habet proverbium, verum
etiam virtutem. Nec tam refert Monarchia sit an Ari-
stocratia, an Democratia, an aliqua Reipublicæ forma
ex his temperata, quam ut in quacunque gubernatione
discrimen habeatur publicum inter viros utiles Reipu-
blicæ & suo viventes abdomini.

100. C U I D A M apud Lyfandrum jactanti, quod
ipsum & laudibus veheret, & adversus obtrectantes
taeretur: *d* Duo, inquit, mihi sunt boves ruri, tacentibus

C 6

ambo-

a Habetur ante Simile pag. 41. apophth. 44. Solerter.

b Simile dictum est pag. 36. apophth. 23. *c* Prævia

d virtutis. *d* Laus ab hominibus.

ambobus, tamen certo novi uter ad laborem strenuus. Sensus veram virtutem non egere laudibus humanis, cum ipsa secum ducat suam laudem ac decus. Cæterum qui nihil gerunt præclari, his opus est præconibus.

1. A D quendam à quo conviciis impetebatur: *a* Dic, inquit, *assidue, O amicula, dic dic, nihil omittas: si quatuor tuum animum malis, quibus videris plenus, valeas exonerare.* Ingentis animi argumentum, ne ira quidem dignum arbitrari maledicum, cum in promptu esset ultio.

2. A L I Q U A N T O post defuncto jam Lyfandro, cum de societate belli nata esset controversia, *b* Agefilaus adiit Lyfandri domum, inquisiturus super hac re litteras, quas Lyfander apud se detinuerat. Reperit autem præterea librum Lyfandro conscriptum de novando Reipublicæ statu, quod oportet regnum ab Eurytiontidis & Agide ablatum (nam ex his tantum familiis fas erat creare Reges) in commune ponere, ac Regem eligi ex optimis, quo videlicet hoc honoris decerneretur, non his qui genus duxissent ab Hercule, sed iis qui tales essent virtute, qualis fuisset Hercules: quandoquidem virtutis, non generis commendatione & ille ad divinos honores subvectus est. Hanc orationem Agefilaus nitebatur apud cives evulgare, cupiens per eam ostendere qualis civis clanculum fuisset Lyfander, non sine calumnia eorum, qui Lyfandro faverant. Sed ferunt Cratidem, qui tum inter Ephoros primas tenebat, veritumne lecta oratio persuaderet, revocasse ab eo consilio Agefilaum, ac dixisse, non solum non esse refodiendum Lyfandrum, sed ipsam potius orationem cum illo defodiendam; quod callide & ad persuadendum accommodata videretur. Hoc factum declarat Lyfandri perversam ambitionem, qui nihil intentatum reliquerit ad regnum adipiscendum: sed idem arguit Agefilai moderationem, qui privatam simultatem posthabuit utilitati Reipublicæ.

3. CÆ T E R U M qui filiarum illius nuptias prius ambierant, mox post obitum ejus, quod repertus esset

pauper,

a Moderate. *b* Hoc ante habetur in Agefilao, licet aliter narratum, pag. 17. apophth. 51.

pauper, eas recusabant, iis *a* Ephori dixere mulctam, eo quod, quem divitem esse credentes coluerant, eundem iustum ac probum ex paupertate agnitum contemnerent. Hoc ut apophthegma non est, ita salubre est exemplum severitatis, quod admoneat in conciliandis matrimoniis magis spectandam virtutem quam censum; eosque perfidos & inconstantes esse amicos, qui amicitiam commodo metiuntur, cuius spe adempta protinus recedunt ab amicitia. Quin & illud nos admonet, honestius esse fama quam pecunia ditescere.

N A M E R T E S.

4. N A M E R T E S cum legatione fungens à quodam ejus gentis ad quam erat missus, beatus prædicaretur, eo quod multos haberet amicos, interrogavit: *b* *Quomodo qui multos haberet amicos, periculum faceret an amicum haberet sincerum ac probum?* Id cum alter fassus se nescire, cuperet discere. *Per adversam, inquit, fortunam.*

N I C A N D E R.

5. N I C A N D E R cuidam dicenti, quod Argivi male de ipso loquerentur: *Num igitur, inquit, dant penas qui de bonis loquuntur male?* significans Rempubli- cam male moratam, ubi liceret impune maledicere nihil mali commeritis.

6. I D E M percunctanti quare Lacedæmonii comam ac barbam alerent: *c* *Quoniam, inquit, hic ornatus cum sit homini omnium pulcherrimus ac proprius, nullo constat impendio.*

7. C U M Atheniensis quidam dixisset, Nimium, ô Nicander, amplectimini otium: *d* *Verum, inquit, prædicas, sed non quemadmodum vos, quocunque modo nobis parare studemus.* Sensit otium honestis rationibus partum non esse reprehendendum: sed eos vituperio dignos, qui per fas nefasque sectarentur otium. Otium autem Atheniensis dixit, non exercere sordidas artes.

Z E U X I D A M U S.

8. Z E U X I D A M U S cuidam percunctanti, quam

D 7

ob

a Severe. *b* Videtur adjectum: Amici exploratio.

c Simile pag. 78. apothib. 24. *d* Otium.

ob causam Lacedæmonii leges de fortitudine citra scriptum servarent, ac non potius descriptas traderent juvenibus legendas: *Quoniam, inquit, assuescendi sunt, ut præclaris gestis potius quam scriptis intendant.* Inertia genus est de fortitudine Philosophorum more disputare, sed protinus factis exercenda virtus, quæ paucis dogmatibus tradi potest.

9. **ÆTOLŌ** quodam dicente, quod qui studerent probitatem cum fortitudine conjungere, iis bellum esset potius pace: *Non per Deos, inquit, sed his mors vita potior esse debet.* Correxuit Lacon dictum Ætoli. Non enim optandum bellum, sed nec in bello nec in pace libertatem tueri licet, nisi mortis terrorem abjeceris.

PANTHOIDAS.

10. **PANTHOIDAS** legatus missus in Asiam, ostendentibus ipsi murum probe munitum: *a Per Deos, inquit, O hospes bellum conclave mulierum.*

11. **IDEM** cum in Academia Philosophos audisset multa de virtute differentes, interrogatus cujuscumque viderentur ejuscumque sermones: *b Quid aliud, inquit, quam probi, sed prorsus inutiles vobis, qui illis non utimini.* Salse tetigit mores Atheniensium, qui virtutem haberent in labris, non in factis.

PAUSANIAS.

12. **PAUSANIAS** Cleombroti filius, cum Delii de insula cum Atheniensibus haberent controversiam, atque inter cætera dicerent, quod ex more regionis neque mulieres in insula parerent, neque mortui sepelirentur: *c Quo modo igitur, inquit, hac insula erit vobis patria, in qua neque fuit quisquam vestrum, nec futurus est?* Argute notavit ineptam Deliorum consuetudinem, qui suos in patria neque nasci sinerent vivos, nec humari mortuos: cum ut mulier, ita nec regio, mater sit, nisi gignat. Alienum autem sit à materna pietate nolle sepeliri quos genuit.

13. **CUM** Atheniensium exsules hortarentur illum ut adversus Athenienses moveret exercitum, dicerent-
que

a Ante pag. 54. apophth. 97. b Salse. c Argute.

que, quod cum in Olympiis præconis voce pronuntiaretur victor, soli Athenienses ipsum exhibuissent: *a Cum hoc, inquit, fecerint in bene meritum, quid facturos creditis si illi malefecero?* insigne moderationis exemplum, nihil tam atroci commoveri contumelia: at idem ingenii mire solertis argumentum, quod adferebatur velut instigaturum Pausaniæ animum ad suscipiendum bellum, id in partem diversam retorquere.

14. PERCUNCTANTI cur Tyrtaum Poëtam Spartæ civem fecissent: *b Ne quis, inquit, externus nobis Dux fuisse videatur.* Poëtæ apud Lacedæmonios non erant in pretio, nec hoc nomine Tyrtaus meruit apud illos honorem, sed quoniam strenuum Ducem in bello præstiterat: putarunt eam laudem patriæ vindicandam.

15. AD quendam imbecilli corpore, tamen hortantem ut cum hostibus terra marique experiretur: *c Vis, inquit, igitur positus vestibis teipsum ostendere qualis sis, qui nobis bellandi es auctor?* Salse risit ad id hortantem alios, in quo ipse nihil opis adferre posset.

16. QUIBUSDAM in spoliis Barbarorum demirantibus pretiosas vestes: *d Præstiterat, inquit, ipsos esse multi pretii quam possidere pretiosa.* Correxuit suorum admirationem, eosque ad verorum bonorum admirationem revocavit.

17. POST victoriam à Medis apud Plateas reportatam, præcepit suis, ut apponerent cœnam Perlicam, quam sibi Barbari prius apparaverant. Ea cum esset oppipara ac sumptuosa: *e Lurco, inquit, eras, O Persa, qui cum tantas haberes delicias, ad nostram veneris mazam:* id erat panis genus contemptum ac vulgare. Admonuit stultissimum esse, locupletes pugnare cum his quibus non multum est quod eripiatur. Etenim si feliciter cadat Martis alea, exile lucrum est: sin secus, ingens est damnum. Dicti vero argutia in hoc est, quod fastidiosè delicatus videtur, qui inter varias delicias appetit cibum vilem ac plebejum. Nam id solent interdum divites, quibus assidua copia lautitiarum parit nauseam.

P A U.

a Moderate. b Argute. c Salse. d Sapienter. e Lepide.

P A U S A N I A S *Alter.*

18. P A U S A N I A S Pliftonactis filius cuidam roganti, quamobrem apud Spartanos nefas esset ullam priscarum novare legum: *a Quoniam*, inquit, *legibus convenit auctoritas in homines, non hominibus in leges.*

19. E P A T R I A profugus cum Tegeæ laudaret Lacedæmonios, cuidam dicenti; Quin igitur mansisti Spartæ, sed fugere maluisti? *b Quoniam*, inquit, *nec medici apud sanos, sed apud egrotos versari solent.* Salsissime conviciū exilii retorisit in Tegeaten, quod ejus gentis corrupti mores egerent Spartana disciplina.

20. A L T E R I percunctanti quo pacto possent debellari Thraces: *c Si*, inquit, *quis vir optimus est; eum belli Ducem delegerimus.* Admonens, plurimum ad victoriam momenti esse in Imperatore. Quemadmodum in omni negotio magni refert, quales sint quibus gerenda rei creditur auctoritas.

21. M E D I C U S qui invisebat Pausaniam dicebat. Nihil habes mali: *d Non enim*, inquit, *te Medico utor.* Hoc ipsum quod nihil habebat mali, adeo non acceptum ferebat Medicis, ut eos solos judicaret prospera esse valetudine; qui Medicis non uterentur. Id ut perpetuo verum non sit, tamen extra controversiam est, maximam malorum partem à Medicis proficisci, vel quia sint imperiti, vel quia negligentes, vel quia ambitione quæstuve corrupti.

22. C U M ab amico argueretur, quod de Medico quodam male loqueretur, à quo nec ulla re læsus esset, nec cujus fecisset periculum: *e Si fecissem*, inquit, *periculum, nequaquam viverem.*

23. M E D I C O cuidam dicenti Pausaniæ; ad senectutem pervenisti: *f Ob id*, inquit, *quod te Medico non sum usus.* Medicus existimabat arti suæ deberi, si cui contigisset senectæ: at ille credebatur, vix unquam ad senectutem pertingere, qui Medicis utuntur.

24. E U M vero Medicum censebat optimum; *g qui*
non

a Legum auctoritas. b Salse. c Dux bonus. d Medicina contempta. e Medicorum osor. f Medicorum osor. g Medicus optimus quis.

non sineret agrotos extabescere , sed quamprimum sepeliret. Inhumanior quidem videtur hæc sententia, sed tamen à Socratis opinione non multum abhorrens , qui vult admodum valetudinarios nec ulla jam ex parte utiles Reipublicæ , æquo animo debere è vita decedere, sic tamen ut nemo sibi vim adferat, sed honestis actionibus immoriatur. Certe non apparet quid magni faciant, cum quatuordecim Medici multo tempore immodicis impenditis adnituntur, ut anni jam præmortuæ vitam in unum alterumve mensem proferant. Quid enim aliud agunt, nisi quod arte sua mortem reddunt longiorem , quasi hoc cuiquam sano sit optabile, diu mori. At viri sapientes mortem inopinatam ac brevem judicarunt optimam.

P Æ D A R E T U S.

25. P Æ D A R E T U S cuidam dicenti magnum esse numerum hostium : *a* Tanto , inquit , *plus gloria refertur , quoniam plures interficiemus.* Quod alter adferebat ad persuadendam ignaviam , ille vertit in calcar fortius agendi. Eodem telo repelli possunt quicumque difficultatis causatione dehortantur ab honesto.

26. I D E M conspecto quodam qui natura mollis , tamen ob humanitatem laudabatur à civibus , dixit : *b* Nec viros qui mulierum similes sint oportere laudare , nec mulieres quæ virorum sint similes, nisi si qua mulierum urgeat necessitas. Sensit aliud decere bonum virum , aliud bonam mulierem : ac pro muliere in virum transfigurata accipit necessitatis excusationem, in viro degenerante in mulierem, nullam recipit excusationem. Ita non eadem laus decora Principi est quæ plebejo , non eadem Magistratui quæ privato.

27. C U M in trecentorum virorum ordinem non esset adscriptus , qui honos apud Spartanos primam dignitatem obrinebat , repulsus discessit hilaris ac ridens : revocantibus autem Ephoris , quidque rideret percunctantibus : *c* Gratulor, inquit, *huic Reipublicæ, quæ trecentos habeat cives multo me meliores.* Quid hoc pectore magis philosophicum ? Nec moleste tulit repulsam ,

nec

a Fortiter. b Decorum. c Candor.

nec questus est de Ephorum iudicio, sed plus voluptatis capiebat ex publico Reipublicæ bono, quam sensurus erat ex honore impetrato.

P L I S T A R C H U S.

28. P L I S T A R C H U S Leonidæ filius cuidam interroganti, quam ob causam Reges Lacedæmoniorum non à priscis Regibus cognomen sortirentur: *a Quoniam*, inquit, *illi ducere quam regnare maluerunt, posteriores illis nequaquam.* Primus omnium Regum Lacedæmoniorum Agis dictus est, & hoc nomen in aliquot posteriores demanavit. Agis autem dictum est à ducendo, quoniam clementer imperabant, & Regum est imperare potius quam persuadere. Plistarchus autem sonat, plurimis imperantem.

29. C U M patronus quidam ridicula loqueretur in causa, Plistarchus interpellans illum dixit: *b Non tu cavebis, amice, perpetuo risu digna dicere, ne quemadmodum qui assidue palastricam exercent palastrita fiunt, ita tu fias ridiculus?* Sensit vir egregius, raris lapsibus dandam esse veniam: cæterum cum error transit in habitum & consuetudinem, fit immedicabilis. Expedit autem hac Plistarchi interpellatione amicos crebrius peccantes revocare, ne peccandi colligant usum, & vitium transeat in naturam.

30. C U I D A M referenti ipsum à maledico quodam laudari: *Demiror*, inquit, *si quis illi dixit me mortuum esse: Nam ille de vivo bene loqui possit nemine.* Non delectatus est vir generosus laude, quæ à viro illaudato proficiscebatur.

P L I S T O N A X.

31. P L I S T O N A X Pausaniæ filius cum Rhetor quidam Atticus Lacedæmonios dixisset indoctos: *c Nos enim*, inquit, *Græcorum soli nihil à vobis didicimus mali.* Lacedæmonii malum existimabant, quidquid non faceret ad efficiendam civitatem meliorem.

A N-

a Moderate. b Stultiloquium. c Habetur & pag. 36.

apophr. 24.

A N N O T A T I O.

PLISTONAX dicitur Pausania filius, cum paulo superius duo Pausania commemorentur, unus Cleombroti, alter Plistonactis filius. Apud Plutarchum ita refertur, Πλειστονάξ ὁ Πωσανίης, hoc modo Græci patris nomine discernunt filium: an eodem modo per filii nomen discernant patrem, mihi nondum liquet. Quanquam hoc apophthegma à Plutarchi Græcis collectaneis adjeci, cum non habeatur nec in versione Philèlphi, nec in versione Raphaëlis. Et suspicor in Plutarchi codice tomere additum, præsertim cum idem dictum paulo superior tribuatur Antalcidæ. Aldus excudebat Moralia Plutarchi ex exemplari purum emendato, eoque Joannis Lascaris auctor erat, ut editio proferretur in aliud tempus, donec obtigisset exemplar emendatius, sed auditus non est.

P O L Y D O R U S.

32. **POLYDORUS** Alcamenis filius, in eum qui non cessabat minitari hostibus: *a* Non intelligis, inquit, te maximam vindictæ partem frustra consumere? Qui statuit inimicum ulcisci, minis nihil aliud efficit, nisi ut præmonito inimico sibi minuat lædendi facultatem. Fortium autem virorum est, male facere iis, qui malo digni sunt, non maledicere.

33. **CUM** in Messenensium regionem eduxisset copias, roganti cuiquam, num adversus fratres essent pugnaturi: *b* Non, inquit, sed in eam agrorum partem proficiscimur, quæ nondum sortito divisa est. Elusit percunctatorem, dissimulans consilium. Sit hoc quoque exemplum cælandi propositum, si quem cupias lædere.

34. **CUM** Argivi post illam trecentorum pugnam rursus essent prælio superati, socii Polydorum adhortabantur, ne eam oportunitatem præteriret, sed aggressus hostium muros civitatem illorum caperet: Id enim factu fore facillimum, cum interfectis viris solæ mulieres essent reliquæ. His in hunc respondit modum: *c* Mihi pari Martis alea rebellantes devincere honestum est: ceterum cum pro agris pugnarem, urbem velle capere non arbitror esse justum.

a Generose. *b* Dissimulanter. *c* Moderate.

justam. Siquidem huc veni agros recepturus, non urbem capturus. Vir excellentis animi ne cum hostibus quidem putavit agendum secus quam postulabat aequitas, cum hominum vulgus sibi in hostem putet licere omnia in tantum ut si de frigido oppidulo fuerit concertatio, victor existimet sibi jus esse, regnum universum victi occupare. Ille enim turpe sibi judicabat bellare cum his, quibus deerant paria ad bellum præsidia. Talis enim victoria nullam habet virtutis laudem, sed crudelitatis crimen.

35. PERCUNCTANTI quid esset in causa quod Spartani in bello fortiter sese periculis objicerent: *a Quoniam, inquit, Duces revereri didicerunt potius quam timere. Reverentia cum amore conjuncta est, metuiamus autem illos maxime quos odimus. Rectius autem fungitur suo officio, qui ex animo facit, quam qui metu inali.*

POLYCRATIDAS.

36. POLICRATIDAS unus cum cæteris missus orator ad Duces regios, cum interrogaretur, utrum privatim venissent an publice missi: *b Si impetramus, inquit, publicæ: sin minus, privatim. Vox pii candoris in patriam index. Si cessisset ex sententia legatio, gloriam volebat Reipublicæ cedere: si minus, ignominiam repulsæ ad patriam non pertinere.*

SOEBIDAS.

37. SOEBIDAS cum essent Lacedæmonii in pugna Leuctrica Martis aleam experturi, cuidam dicenti; Hic dies declarabit virum bonum: *c Præclarus, inquit, dies, qui possit declarare virum bonum incolumem: Prælagiens in eo prælio plurimos egregios viros fortiter occubituros, quos ipse patriæ maluisset incolumes.*

38. IDEM cum esset loco iniquo, præterea nullam habente aquam obsessus ab hostibus, dicitur ita pactus cum hostibus, ut eis terram bello partam cederent, *d si milites una cum ipso è vicino fonte bibissent: Nam eum fontem hostes obsederant. Icto fœdere congregatis ad se suis omnibus pollicitus est se daturum ejus regionis imperium ei qui non bibisset. Porro cum nemo sibi tem-*
peraret,

a Fortiter. b Patria studium. c Argute. d Callide.

peraret, sed bibissent omnes, ipse post omnes descendit in fontem: & aqua conspersus, hostibus etiamnum presentibus, abiit, ac regionem occupavit. ut qui solus non bibisset. Eodem strategemate & exercitum à sitis periculo liberavit, & hostem elusit & regnum sibi vindicavit tolerantia. Non erat obstrictus inimicis ex fœdere, quia non omnes cum ipso biberant: nec milites fefellit, quia nemo præter ipsum à potu abstinuit. Quod si hostes voluissent ad arma currere, jam nactus locum pugnae commodiorem, ac fonte potitus, facile poterat illis esse par.

T E L E C R U S.

39. T E L E C R U S ipsi nuncianti patrem de eo male loqui: *a Nisi, inquit, illi dicendum esset, haudquaquam diceret.* Maluit in se transferre culpam, quam committere ut pater quidquam temere loqui videretur. Habes & pietatis simul & modestiæ exemplum.

40. J A M fratri suo querenti quod cives erga se non perinde afficerentur atque erga illum, sed inhumanius tractarent, quod nondum ab illis esset creatus Ephorus: *b Tu, inquit, injuriam ferre nescis, ego scio:* significans eum qui velit uti faventibus civibus, ad multas injurias esse connivendum.

41. P E R C U N C T A N T I quare mos esset apud Spartanos, ut juvenes assurgant senioribus: *c Ut, inquit, assueti honorem habere nulla propinquitate junctis, magis honorent parentes.* Optima ratio consuefaciendi ad debitum officium, si ultra quam debetur doceamus præstandum. Veluti si quis assuescat cum uxore verecunde casteque convivere, multo minus improbus erit apud alienas.

42. P E R C U N C T A N T I quantum possideret facultatum: *Non plus, inquit, quam sat est.* Divitias non cupiditate, sed usu metiebatur.

C H A R I L L U S. Sive Charilaus.

43. C H A R I L A U S interroganti quam ob causam Lycurgus tam paucas leges tulisset Lacedæmoniis:

Quo-

a Pie in patrem. b Comiter. c Graviter.

a Quoniam, inquit, *pauca loquentibus, paucis etiam legibus est opus*. Sentit nimirum pleraque mala ex multiloquio nasci; Laconibus autem peculiaris erat breviloquentia.

44. ALTERI percunctanti quamobrem Lacedæmonii virgines nudas producerent in publicum, uxores vero rectas: *Quoniam*, inquit, *virginibus mariti sunt inveniendi, uxores vero servanda sunt iis qui eas nati sunt*. Huc spectabat ea consuetudo, ut nec puellis deessent mariti, nec contaminarentur matrimonia præter aliarum gentium consuetudinem, ubi virgines videri nefas est, uxores oculis hominum exponuntur.

45. SERVUS cuidam audacius agenti cum ipso: *b Niriatus essem*, inquit, *occiderem te*. Adeo putabat nihil recte dici fieri ab irato, ut ne in servum quidem animadvertere voluerit commotior.

46. INTERROGANTI quam arbitraretur optimam Rempublicam: *c In qua*, inquit, *plurimi cives de virtute inter sese decertent citra seditionem*. In plerisque civitatibus certamen est de opibus & honoribus, de virtute qui certent pœne nulli. Quanquam hoc quoque certamen de honesto debet hætenus fervere, ne prorumpat in seditionem: Jam enim non concertatio virtutis, sed ambitionis. Qui vera virtute præditus est, nihil spectat nisi ut proficiat Reipublicæ, at seditio præsens venenum est civitatis.

47. PERCUNCTANTI cuidam quamobrem omnium Deorum statua apud Lacedæmonios ponerentur armatae: *d Ne*, inquit, *probra quæ ob ignaviam jaciuntur in homines ad Deos referamus, neve juvenes nisi armati Deos comprecantur*. Eo commento civium animis hanc opinionem infigere studebat, Diis gratam esse fortitudinem, invisam ignaviam: simulque juventutem armis ferendis debere assuescere, quo simul & minus indulgerent deliciis, & utiliores bello evaderent sine religionis quidem causa fas esset arma ponere, cujus obtentu fere solet otium & luxus in civitates irrepere.


APOPH.

a Loquacitas. b Moderate. c Sapienter. d Otium.

APOPTHYGMATA LACONUM ALIQUOT

οὐνοῦ μαν.

LIBER II.

1.  **A**M I O R U M legatis prolixiore
utentibus oratione dixerunt Spar-
tani : *a Prima sumus obliti. postre-
ma non intelleximus, quia prima non
meminimus.*

2. **A**D Thebanos item qui de
quibusdam pertinacius contradicebant : *b Oportet, in-
quiunt, aut minus habere spirituum aut plus virium.*

3. **L**A C O N quidam senex interrogatus cur barbam
gestaret silvosam ac promissam : *c Ut, inquit, intuens
canos pilos nihil committam illis indignum. Vir bonus un-
decunque venatur stimulos ad virtutem.*

4. **A**L I U S cuidam laudibus immodicis efferenti
bellatores optimos : *d Apud Trojam, inquit: signifi-
cans, tales olim fuisse, sed hoc genus hominum jam
olim defuisse inveniri.*

5. **A**L I U S quidam Lacon cum audisset quosdam
à cœna cogi ad bibendum : *e Num, inquit, coguntur
etiam ad edendum? Notavit Græcorum morem in con-
viviis compellentium ad certum cyathorum modum,
cum id revera non minus absurdum sit, quam homi-
nem qui non esuriat, ad certum escarum modum com-
pellere, nisi quod alterius absurditatem elevat consue-
tudo.*

6. **R**E C I T A T O quod scripsit Pindarus, Græciæ
fulcimentum esse Athenas, Lacon dixit : *f Ruituram
Graciam si tali fultura niteretur. Taxavit Atheniensium
mollitiem, quæ Poëtæ elogio non responderet : aut
certe*

a Habetur pag. 60. apophth. 16. b Habetur pag. 18.

apophth. 55. c pag. 30. apophth. 99. c Caniciēs.

d Argute. e Bibacitan. f Libere.

certe Poëtae vanitatem, qui tali præconio celebrasset indignos.

7. QUIDAM conspecta tabula, quæ picturam habebat, quo modo Lacedæmonii trucidarentur ab Atheniensibus, dixit: *Fortes Athenienses*: Id Lacon audiens subjecit: *a In tabula*: significans ridiculum esse de pictura gloriari, quod ea non minus mentiri soleat quam Poëtae.

8. AD eum qui maledicta in alios per calumniam jactata solet facile admittere, Lacon, *b Desine*, inquit, *adversum me præbere aures*. Sensit non solum eos vituperio dignos qui calumniarentur alios, verum etiam qui calumniantibus accommodarent aures. Et injuriæ genus est, adversus nihil male meritum audire maledicam linguam. Non enim essent maledici, si nullum invenirent auscultatorem. Proinde Lacon exposulavit etiam cum illo, qui præbuerat aures de ipso male loquenti.

9. QUIDAM servo qui dum puniretur, dicebat: Non volens erravi: *c Non volens igitur*, inquit, *pœnas dato*. Vulgaris quidem, sed frigida excusatio est; insciens feti: vigilandum erat ne quid committeret imprudens.

10. ALIUS cum in peregrinatione vidisset homines in sellis curulibus sedentes: *d Absit*, inquit, *ut in talibus sedeam sellis*, unde non liceat assurgere seniori: In his enim sedebant delicati porrectis cruribus, ac cœlum imminens capiti prohibebat exurgere. Apud Lacedæmonios vero scelus erat, juvenem non assurrexisse seni.

11. CHII quondam Spartæ peregrinantes à cœna vomuerant in Ephorum curia, dein etiam in sedes, in quibus sedere solent Ephori, ventris onus dejecerant. Ac primum quidem acris inquisitio facta est, quinam hoc designassent, ne forte cives essent. Ut vero comperitum est fuisse Chios, *e* edixerunt se Chiis permittere ut agant intemperantius. Excellentium virorum est negligere contumeliam, quæ à palam improbis proficiscitur, à quibus etiam laudari turpe est.

12. A-

a Salse. b Maledici. c Argute. d Severe. e Licentia.

12. **ALIUS** quidam Lacon cum amygdalas duras duplo vendi conspiceret : *a* *Santne heic*, inquit, *rari lapides*? Quasi nihil interesset inter silicem & duram amygdalam. Adeo Lacon deliciarum erat rudis, ut nesciret sub gemino cortice latere nucleum. Et apparet hoc genus arboris non quibuscumque regionibus fuisse notum, quando Plinius dubitat an ætate Catonis fuerit in Italia.

13. **ALIUS** cum in lusciniæ plumis revulsis minimum reperisset carniū : *b* *Vox*, inquit, *tu es*, præterea nihil. In eos dici potest, qui præter garrulam linguam ac magnifica verba nihil habent.

14. **ALIUS** quidam cum videret Diogenem, cognomento canem, in vehementi frigore statuam æream amplectentem, rogavit num algeret; illo negante : *c* *Quid igitur*, inquit Lacon, *magnificus*? Philosophus gloriæ mancipium hoc ipsum existimabat magnificum, quod sic haberet corpus ad omnes injurias duratum, ut in rigore frigidæ statuæ complexum ferre posset absque dolore. Id Laconi nihil pulchrius videbatur, quam si quis in ætate simile quippiam amplecteretur nullo suo incommodo.

15. **QUIDAM** Metapontinus Laconi obijcienti ignaviam. Atqui, inquit, non parum alienæ regionis possidemus : *d* *Ergo*, inquit Lacon, *non solum ignavi estis, verum etiam injusti*. Significans non posse fieri, ut quis meticulosus & imbellis multum teneat alienæ ditionis, nisi fraude partum.

16. **HOSPES** quidam apud Lacedæmonios, cum ipsi stanti interim altero pede, crepida in alterum indueretur, dixit cuidam. *Non arbitror te Lacon tantum temporis uni pede insistere, quantum ego possum*. Lacedæmonius excipiens. *e* *Fateor*, inquit, *attamen nullus est anserum qui isthuc non possit*. Jure derisit hominem, qui longo usu didicisset artem, quæ nihil utilitatis adfert Reipublicæ. Hujusmodi sunt artes præstigiatorum, funambulorum & similibum.

E

17. **CUI-**

a *Lepide.* *b* *Loquaciter.* *c* *Argute.* *d* *Argute.*
e *Ridicule.*

17. CUIDAM jactanti de arte Rhetorica : *a At per geminos*, inquit Lacon, *ars nisi verum attigerit, nec est, nec unquam erit.* Notavit Rhetores qui se profiterentur verisimilia dicere, licet vera non sint.

18. ARGIVO quodam dicente, multa Spartano-
rum sepulchra apud nos sunt, Lacon excipiens : *b Atqui Argivorum apud nos nullum est sepulchrum* : innuens quod Spartani semper invasissent Argos, Argivi vero Spartanos nunquam. Solerter Lacon quod ille dixerat in gentis suæ laudem retorisit in ignominiam.

19. LACON in bello captus cum sub hasta veniret, ac præco diceret, Laconem vendo, obturavit illi os : *Captivum*, inquit, *predica te vendere.* Suam conditionem æquo animo tulit, patriæ ignominiam ferre non potuit in auctione traducenda.

20. Ex his militibus qui sub Lyfimacho stipendium faciebant, quidam cum ab eo rogaretur, num esset quispiam ex Helotum, id est, servorum Laconicorum numero : *Tunc*, inquit, *existimas Laconem ad te venturum, ut abs te ferat quatuor obulos ?* Maluit se fateri servum quam hoc probri admittere in nomen Lacedæmonicum.

21. CUM Thebani devictis apud Leuctra Lacedæmoniis ad ipsum venissent Eurotam, & quidam gloriabundus dixisset ; Ubi nunc Lacones ? Spartanus quidam ab illis captus : *c Non adsunt*, inquit, *alii qui vos huc non venissetis.* Ne victus quidem & captivus potuit oblivisci indolis Laconicæ, nec tulit victoris jactantiam.

22. ATHENIENSIBUS cum tradita civitate postularent ut Samum tantum ipsis relinquerent, ita responderunt Lacones : *d Hoc tempore quo vestri non estis, alios habere postulatis* : unde natum est proverbium. Qui semetipsum non habet, Samum petit.

23. CUM Lacones civitatem quandam armis cœpissent, Ephori dixerunt : *e Perit juventutis luctamen* : Non enim posthac habebunt adversarios. Gaudebant quidem de victoria, sed juvenibus exercendæ virtutis materiam ereptam dolebant.

24. CUM

a Graviter. b Argute. c Generose. d Argute. e Habetur ante pag. 62. apophth. 26.

24. CUM Lacedæmoniorum Rex polliceretur se funditus everfurum alteram quandam civitatem, quæ sæpenumero Lacedæmoniis exhibuerat negotium, non permiserunt Ephori dicentes: *a Nequaquam abolebus neque subvertes juvenum cotem.* Urbem infestam appellabant cotem juventutis, quod per eam juvenus acueretur ad bellandi peritiam.

25. LACEDÆMONII non præficiebant pædotribas qui pueros ad luctam exercebant, ut virtutis esset certamen, non artis. Unde Lysander interrogatus, quo pacto à Charonte victus esset, respondit: *Vario artificio.* Non existimabat ea gens in quavis re speciosam esse victoriam, quæ callidis consiliis contigisset potius quam animi corporisque robore. Ars autem omnis ut à naturali simplicitate recedit, ita dolo affinis est.

26. PHILIPPO, cum pervenisset in agros Lacedæmoniorum, scripsissetque utrum vellent ipsum venire hostem an amicum, responderunt: *b Neutrum.* Unico verbo absolverunt sententiam, quod erat Laconum: ac simpliciter negantes Regi transitum, quod erat virorum fortium.

27. LACONES legatum, quem ad Antigonom Deimetrii filium miserant, quoniam acceperant quod Antigonom appellasset Regem, *c* mulctarunt quamvis in annonæ penuria medimnum frumenti in singulos ab ipso reportaret. Tantus erat apud illos legum rigor, ut nec tanto beneficio sublevata inopia ab illis veniam impetraret, ut unius vocolæ gratiam facerent prospere legatione perfuncta.

28. CUM improbus quidam sententiam dixisset optimam, *d* ipsam quidem sententiam approbarunt, sed eo qui dixerat amoto, alteri cuidam inculpatis moribus eandem sententiam tribuerunt. Adeo in Republica nihil honoris habendum putarunt his qui flagitiose viverent: auctorem mutarunt, ne esset dedecori Reipublicæ, consilium non rejecerunt, ne ob privatam ignominiam publicam utilitatem neglexisse viderentur. Meminit hujus & A. Gellius.

E 2 .

29. CUM

a Generose. b Libere. c Factum. d Factum.

29. CUM duo fratres inter se dissidium haberent, *a* Lacedæmonii mulctam dixere patri, quod filiorum discordiam dissimulasset. Juvenibus ignoscendum putarunt, sed quidquid illi per calorem ætatis peccassent, parenti imputabant, cuius auctoritas providere debuerat, ne quid inter filios oriretur simultatis.

30. CANTORI apud Spartanos peregrinanti dixere mulctam *b* quod citharam digitis pulsaret, non eboro. Adeo non patiebantur innovari publico usu recepta. Hoc studio cuiusdam alteri ex novem cordis duas incidit Lacedæmonius ille.

31. Duo pueri inter se pugnabant, quorum unus alteri letale vulnus inflixit. Puerorum autem sodales, cum saucius ille moriturus esset, polliciti sunt illi vindictam, seque vulneris auctorem interfecuturos. At ille, *c* Nequaquam, inquit, per Deos. Non enim æquum est, quandoquidem & ipse hoc facturus eram si antevertissem, si quis strenuus fuisset. Indolem vere Laconicam, qui victus ac moriens iusto tamen victori favebat: quod virtute non dolo superasset adversarium. Quid talibus ingeniis felicius, si à teneris ad veram virtutem fuissent instituta, potius quam ad militarem duritiem.

32. ALTER quidam puer eo tempore quo mos erat apud Spartanos, ut pueris ingenuis fas esset, quod quisque possit suffurari, sed hætenus ut deprehendi turpe esset: cum vivam vulpeculam, quam sodales erant furati, sibi ab eis traditam servaret, venissentque qui eam perdiderant inquirendi gratia, vulpeculam sub veste abditam tenebat. Cæterum cum efferata bestia latus pueri usque ad intestina eroderet, dissimulavit tacitus ne prodere furtum. Mox vero cum digressis illis pueri vidissent quod acciderat, objurgabant illum dicentes: Præstiterat aperire vulpeculam, quam ad mortem usque cælare. *d* Nequaquam, inquit, imo præstat doloribus immori quam hac nota traduci, ut ob mollitiem dicar lucrificasse vitam ignominiosam. Quid absolutius si tam feliciter natis ingeniis accessisset Philosophia?

33. CUM

a Factum. Pater pro filio punitur. *b* Factum severe.
c Generose. *d* Fortiter.

33. CUM quidam forte obvii Laconibus dixissent, Fortunati estis, ô Lacones: nam modo hinc abiire latrones: *a* Non nos, inquit, per *Enyalium* (sic enim illi Martem vocant) sed illi potius fortunati sunt, qui in nos non inciderint. Adeo gens ea gerebat animos ad omnia impavidos, quæ vulgus hominum formidat.

34. LACON quidam interrogatus quid artis sciret: *b* Liber, inquit, esse. Ea gens nec disciplinis Philosophorum, nec opificiis exercebatur, tantum invictis animis libertatem tuebatur, nec hominibus nec vitiis fervire docilis.

35. PUER Spartanus captus ab Antigono Rege ac sub hasta venditus in cæteris omnibus, quæcunque putabat ab ingenuo decenter fieri posse, obsequens erat ei qui ipsum fuerat inercatus: cæterum jussus adferre maulam, haud sustinuit, dicens: *c* Non serviam. At cum instaret herus, puer consensu testis dixit: *d* Senties cuiusmodi mercatum feceris, moxque sese è sublimi præcipitem dedit, ac periit. Captivus esse poterat, servilia facere non poterat, ac semet in libertatem morte asseruit.

36. ALTER cum venderetur rogatus à licitatore: Erisne frugi si fuero inercatus? Respondit: *e* Etiam si non fueris inercatus. Ne fortuna quidem servilis docere potuit illum servilia loqui. Qui enim natura probus est, ubique & apud omnes probus est.

37. ALTER quidam captivus cum videretur, ac præco diceret se mancipium vendere: *e* Scelestè, inquit, non iudices captivum? Non puduit duræ conditionis, sed puduit tituli servilis. Tantus erat libertatis amor.

38. LACON quidam in clypeo pro insigni gerens muscam, eamque non maiorem vera: quibusdam iridentibus, dicentibusque quod id studio fecisset quod lateret: *f* Immo, inquit, ut sim conspicuus. Tam enim prope accedo ad hostes, ut ab ipsis insigne cuiusmodi sit videri possit. Salfissime convitium ignavia vertit in argumentum fortitudinis.

E 3

39. LA-

a Animose. *b* Generose. *c* Generose. *d* Fortiter. *e* Simile ante pag. 96. apophth. 19. *f* Salse.

39. LACEDÆMONIUS alter, cum super convivium esset illata lyra : *a Non est*, inquit, *Laconicum nugari*. Longe dissentiens à cæteris Græcis, quibus nulum convivium suave videbatur absque musica. Id Laconi nugale videbatur, qui lautius existimabat honestis ac festivis fabulis condire comotationem quam inani lyræ strepitu.

40. SPARTANUS interrogatus, num tutum esset ad Spartam iter : *b Refert*, inquit, *qualis eo descendas*. Nam leones illuc euntes piorant, lepores autem in umbraculis venamur. Significavit nec ferocibus ac violentis esse tutum proficisci Spartam, nec mollibus & effœminatis : quod hostili animo illuc proficiscentes, male acciperentur à fortioribus, delicatos homines illic non sinerent lascivire in tenebris.

41. IN luctandi genere, quod illi chirapsiam appellant, cum is qui collum alterius urgebat, frustra præterque legem palestræ pulsaret undique & in terram detraheret, postea quam corporis viribus destitueretur qui inhærenti cedere cogebatur, brachium urgentis momordit : cumque alter diceret. Mordes, ô Lacon, fœminarum more : *c Non*, inquit, *sed mordre leonum*. Ut solerter objectam ignaviam detorsit in laudem fortitudinis : Nullum enim probrum apud illos detestabilius quam muliebris imbecillitatis. Jure autem se morsu liberavit, qui præter jus certaminis urgebatur à victo.

42. CLAUDUS ad bellum proficiscens cum ab aliis rideretur : *d Non opus est fugientibus*, inquit, *sed qui subsistant, locumque in acie tueantur*.

43. ALIUS sagitta percussus cum animam ageret, dicebat : *e Non me movet quod morior, sed partim quod ab imbelli sagittario ac muliercula simili, partim quod nullo facinore edito morior*. Victis solet esse solatio, virtute præstantis viri dextra cadere. Lacedæmonii vero quoniam ensibus pugnare solent cominus, non putabant esse virtutis procul missa sagitta quempiam interficere, quod idem possunt & fœminæ. Tum æquiore animo de-

a Severe. b Argute. c Argute. d Simile ante pag. 13.

apophth. 35. & pag. 36. apophth. 22. e Generose.

decedunt è vita , qui recte factorum post se relinquunt memoriam.

44. QUIDAM ingressus diversorium, cauponi dedit obsonium ut appararet : cum ille poscere caseum & oleum : *a Quid* , inquit Lacon , *si caseum haberem, jam non egerem obsonio.* Caupo caseum & oleum petebat ad condiendum piscem, at Lacon id videns , cui sufficiebat victus simplicitas , supervacuum existimabat , cibum cibo miscere, cum aliter per se satis esse posset. Quantum absunt ab hujus Laconis animo, qui centum rerum species in unum miscent discum ?

45. CUIDAM Lampem Æginetam efferenti ac felicem prædicanti, quod prædives videbatur , multorum navigiorum dominus , Lacon : *b Nihil* , inquit, *moror felicitatem de funibus pendentem.* Cum omnes divitiæ sunt in manu fortunæ , tum ex præcipue quas negotiatores commisere navibus : ruptis funibus sequitur naufragium , & hinc mercium omnium interitus. Unde Philosophus quidam interrogatus , utrum putaret majorem esse numerum vivorum an mortuorum , vicissim rogavit utro loco haberet navigantes , quod hi versantes in summo vitæ discrimine vix essent habendi pro vivis.

46. QUIDAM Laconi dixit : *Mentiris*, ille contra : *c Nimirum* , inquit , *liberi sumus, alii vero nisi vera dixerint vapulant.* Nihil commotus est Lacedæmonius , sed atrox convicium elusit joco , obiter taxans inaledicum quod ipse non esset Lacedæmonius , atque ob id nec liber. Porro servi si quid fallant mendatio , loris emendantur.

47. ALIUS cum vellet cadaver statuere rectum , nec id posset efficere , cum nihil non fecisset : *Per Jovem*, inquit , *aliquid intus sit oportet.* Suspiciatus est Lacon aut animam aut genium malum latere in cadavere. Solent enim cadavera in rogo erecta poni.

48. TYNNICHUS ThraSybuli filii mortem perquam forti animo tulit , in hunc hoc factum est epigramma :

*Exanimis Pitane clypeo a Thrasybule redisti
Septem ex Argivis vulnera saeva gerens,
Adversa ostendis tamen omnia, sanguinolenta
Membra rogo imponens Tynnichus hac senior,
Plorantur timidi, mi infletus humabere fili,
Qui & patre hoc vere dignus es & patria.*

49. CUM Alcibiadi Atheniensi balneator plurimum administraret aquæ, Lacon id videns: *b* *Quid hoc rei est?* inquit, *plus aquæ infundit, quasi non puro, sed vehementer sordido.* Hoc scominate notavit Alcibiadis vitam multa infamia contaminatam.

50. PHILIPPO Regi Macedonum quædam per literas imperanti rescripserunt Lacedæmonii: *c* *De quibus nobis scripsisti, non.* Ad prolixam Regis epistolam unica syllaba responderunt, *ex*, quam grandibus literis pinxerant, ut expleret justum epistolæ spatium, simul & gentilis breviloquentiæ memores, & solitæ fortitudinis.

51. RURSUS cum Philippus in agros Lacedæmoniorum duxisset exercitum, resque in eo esset statu, ut probabile esset eos ad unum omnes interituros, Rex dixit cuidam Spartiatæ: *Quid nunc facietis Lacedæmonii?* At ille: *d* *Quid, inquit, aliud, nisi quod fortiter moriemur, quando nos soli Græcorum liberi esse, non aliis parere didicimus.* Nemo servire cogitur qui mori paratus est. Quam dulce bonum est libertas, quæ morte emittitur, quam misera res servitus cui mors anteponitur? *Quid igitur mentis dicemus his esse, qui se sponte dedunt in eam servitutem, unde nec dato peculio possunt redimi, nec gratuita manumissione liberari?*

52. POST Agin bello superatum Antipatro postulanti obsides pueros quinquaginta, Etheocles qui tum Ephorum agebat respondit: *e* *Se pueros non daturum, ne scilicenter vixissent, fierent indociles patriæ disciplinæ, itaque ne cives quidem essent: caterum senes ac mulieres se duplo numero daturum.* Verum Antipatro dira minitanti ni acciperet postulata, populus una voce respondit: *Si*

ita.

a Fortiter. b Salse. c Non est in Græco nostro sed in Philæpho. d Fortiter. e Hoc non est ἀδίσποτον.

imperas acerliora morte, facilius moriemur. Hunc animum in uno alterove civium reperire, fortasse non ita magni miraculi esse videatur, in universo populo tantum esse consensum, prodigiosum est. Hoc exemplo simul admonemur, quanta sollicitudo debeat ætati teneræ ad probitatem educandæ, quando licenter educatos juvenes illi non putarunt habendos pro civibus, perinde quasi mater abdicet filium ex se natum, nisi probitate morum majoribus suis respondeat.

53. SENEX in Olympiis cupidus erat spectandi certaminis quod agebatur, sed cum nulla vacaret sedes, ad varia loca sese conferens, ludibrio erant, ac scommatis petebatur, quod nullus cum exciperet: ut vero pervenit ad Lacedæmonios, non solum pueri omnes assurrexerunt, verumetiam viri multi cesserunt illi locum. Id factum cum cæteri Græci quotquot aderant plausu comprobassent, patriumque morem supra modum colaudassent, Senex:

Concutiens canasque genas & tempora cana.

Ac fusis lachrymis: *a* *Heu miseriam*, inquit, *ut omnes Græci norunt quid sit honestum, sed eo soli utuntur Lacedæmonii.*

54. SUNT qui narrent hoc idem accidisse Athenis. Cum enim agerentur Panathenæa, Attici senem ludibrio habuerunt, invitantes tanquam admissuri, cæterum ubi venisset non admittentes. Verum jam perambulatis fere omnibus, tandem ad Lacedæmonios spectatores cum venisset, omnes è sedibus assurgentes locum illi cesserunt. Eo facto delectatus populus, plausu multaque gestuum significatione comprobavit. Inter hæc è Spartanis quidam dixit: *b* *Pergeminos, norunt Athenienses quæ sint honesta, at non ea faciunt.* Apud Athenienses maxime florebat Philosophia, quæ docet, quid turpe, quid honestum: Spartani non recipiebant ejusmodi disciplinas, sed ex institutione majorum virtutem factis ac moribus præstabant. Ita factum est ut apud Athenienses essent verba Philosophiæ, apud Lacones ipsa res. Admonet apophthegma,

E s

THE-

a *Argute.* *b* *Moderate.*

turpissimum esse scire quid doceat, & tamen diversa sequi.

55. MENDICUS quidam petiit aliquid à Lacone: at ille: *a* *Siquid*, inquit, *dedero, magnus es futurus mendicus. Verum istius probrosa vita tua fuit auctor qui tibi primus dedit, teque fecit inertem.* Apud Lacedæmonios probro dabatur mendicitas, quod & otium odissent, & minimo essent contenti. Benignitas autem in mendicos speciem habet magnæ virtutis, sed ea piorum hominum bonitas alit plurimorum malorum luxuriosam ignaviâ.

56. LACEDÆMONIUS videns quendam Diis corrogantem: *Nihil*, inquit, *moror qui me sint pauperiores.* Hinc liquet, vetus esse sub obtentu religionis exercere mendicitatem, cum plerumque tali collecta titulo non impendantur Divis, qui nullius rei sint egeni, sed improborum luxui ac libidini.

57. ALIUS quidam cum adulterum apud deformem uxorem deprehendisset: *b* *Miser*, inquit, *quæ tibi fuit necessitas?* Primum hic editum est nobis moderationis exemplum. Quis sibi temperet in adulterum deprehensum? Hic potius videtur misertus hominis, qui gravi quapiam necessitate videretur huc compulsus, ut cum deformi rem haberet. Neque enim verisimile erat adulterum voluptatis gratia se in hoc discrimen coniecisse.

58. ALIUS cum audiret Rhetorem magnos sermonis circuitus connectentem: *c* *Per Geminos*, inquit, *fortis sane homo, qui cum nullum habeat argumentum, tamen egregie voluit linguam.* Lacedæmoniis nulla placebat oratio nisi brevis & vera, & ad rem seriam pertinens. Proinde ridiculum existimabat, quod orator in ficto themate tantam verborum copiam profunderet.

59. QUIDAM profectus in Lacedæmonem, cum vidisset honorem quem juniores præstant senioribus: *d* *In sola*, inquit, *Sparta expedit senescere.* Paupertas onus est & miserum & grave, ut ait Comicus, sed in hac molestia-

a Argute. *b* Moderate. *c* Loquacitas. *d* Senectus honorata.

lestiarum maxima pars est, quod homines facit etiam ridiculos, ut ait Satyricus. Sic inter incommoda quæ fert ætas ingravesçens, non minima pars est, quod senes fere contemptui sunt ac ludibrio. Proinde Sparta visa est multis honestissimum virtutis domicilium.

60. L A C E D Æ M O N I U S percunctanti quid ipsi videretur Tyrtæus Poëta : *a Bonus*, inquit, *ad depravandos juvenum animos.* Quemadmodum Plato judicabat Homeri Poësim inutilem esse Reipublicæ qualem institui volebat : ita Lacedæmonii non recipiebant Poëtas qui blanda scriberent potius quam salubria.

61. C U I D A M qui laborans ab oculis exierat in bellum, cum nonnulli dicerent. Quo vadis ad istum affectus modum, aut quid factururus : *b Ut nihil*, inquit, *aliud, certe hostis gladium hebetabo.* Hoc dictum falsiusne sit, an fortius, nondum statui.

62. B U R I S & Spartæ Lacedæmonii sponte profecti sunt ad Xerxem Regem Persarum, daturi pœnas Lacedæmonii juxta oraculum pendere debebant, eo quod oratores à Persa missos occidissent. Hi cum venissent ad Xerxem, jusserunt ut ipsos, quocunque modo videretur, interficeret pro Lacedæmoniis. Cumque Rex admiratus & pietatem in patriam & animorum fortitudinem, liberasset illos à pœna, peteretque ut apud se manerent : *c Qui possumus*, inquiunt, *hec vivere, relicta patria, patriisque legibus ac viris, quorum gratia tantum iter susceperimus morituri?* Cæterum cum Indarnus exercitus Regii Dux, rogans instaret, diceretque fore, ut in pari honore haberentur, cum his inter Regis amicos primas tenebant, hunc in modum responderunt. *Videre nobis ignorare quam ingens bonum sit libertas, quam nemo sanus vel cum Persarum regno commutaret.* In eodem facto nobis propositum est exemplum pietatis erga patriam, & constanter adamatæ libertatis, & animi mortis terrore vacui. Cæterum Herodotus libro septimo hos duos appellat Σπερθίων & Βούλις, id est, Sperthien & Bulin.

E 6

63. L A

*a Ars inutilis. b Fortiter. c Pietas in patriam. * alias Hydarmes.*

63. LACONEM hospes quem pridie declinaverat, postridie stragulis commodato sumptis splendide excepit: at ille stragulis conculcatis dixit: *a Propter has heri ne stercus quidem indormire licuit.* Lepide risit illorum morem, qui cum sint tenues, tamen affectant videri divites corrogata aut conductâ suppellectile, quod maxime solent in excipiendis hospitibus, in nuptiis aut alioqui solemnibus epulis. Porro cum ineptum sit ostentare tuas divitias, quanto magis ridiculum est ostentare suppellectilem alienam, interdum ab usurariis sumptam? At Lacedæmonii non solum oratores Regum, verum ipsos etiam Reges ad sua phiditia invitabant, eam frugalitatem sibi magno etiam honori futuram existimantes.

64. ALIUS quidam cum venisset Athenas, vidissetque illic præcones qui muriam promitterent, qui obolium, qui publicanos & leones, aliasque parum honestas functiones profiterentur, neque quidquam sibi turpe ducerent: ubi reversus est in patriam civibus percunctantibus quo modo se res haberent Athenis; Omnia, inquit, *honestâ*: per ironiam innuens Athenis omnia haberi honesta, turpe nihil. Argutia dicti est in ambiguo sermonis.

65. ALTER interrogatus de re quapiam, respondit: *Non.* Verum ubi percunctator dixit illum mentiri: *b Non vides igitur,* inquit Lacon, *te stultum esse qui scisciteris de his quæ noveris.* Salse taxavit in illo vitium garrulitatis, qui de nihilo quæsierit fabulandi materiam.

66. VENERUNT aliquando Lacedæmonii ad Lygdamia Tyrannum legatione fungentes: sed cum variis causationibus frequenter distulisset colloquendi copiam, tandem post omnes excusationes dictum est, illum parum firmâ esse valetudine, sed languere non-nihil, Legati responderunt: *Per Jovem, non venimus huc cum illo luctaturi, sed colloquuturi.* Belle taxarunt Barbari Regis fastum ac delitias, qui quamvis frivola de causâ res serias omitteret.

67. QUIDAM sacris initiatus Laconem rogavit, quid

a Lepide. b Salse.

quid sibi consciret maxime impie factum per omnem vitam. At illè : *a Hoc*, inquit, *Dii sciunt*. Cum initiator magis urgeret, diceretque, omnino proferas necesse est. Lacon vicissim rogavit : *Utrum*, inquit, *oportet, me tibi dicere an Deo* : cum ille respondisset Deo, *Tu ergo*, inquit, *hinc secede, ut illi dicam*.

68. A L I U S Lacon quidam noctu præteriens monumentum, cum sibi visus esset videre spectum, accurrit lancea trajecturus, & in hoc nitens : *b Quo me fugis*, inquit, *anima bis moritura* ? O mentem vere liberam omni formidine, quæ nec larvarum ac lemurum occursum terri potuerit.

69. L A C O N alius cum voto se obstrinxisset, quod se de Leucate præcipitem daret, conscendit montem, & conspecta altitudine sese avertit. Id cum illi probri gratia objiceretur : *c Non putaram*, inquit, *illi voto majore voto opus esse*. Joco elusit inconstantia formidinisque crimen. Etenim qui facinus arduum concipit animo, prius Diis optare debet animum facinori parem.

70. Q U I D A M in acie cum strictum jam enses in hostem esset infixurus, quoniam interim signum datum est receptui canens, non infixit. Roganti veto caidam cur hostem, quem in potestate habebat, non occidisset : *d Quoniam*, inquit, *melius est parere Imperatori, quam hostem occidere*. Exemplum disciplinæ militaris, à qua immane quantum recesserunt, qui sub belli titulo mera exercent latrocinia. Olim non licebat ferire hostem nisi tuba dedisset signum : eadem simulatque cecinerat receptui, homicidii crimen erat hostem interemisse.

71. Q U I D A M Laconi in Olympico certamine superato dixit, Adversarius tuus ô Lacon, te fuit potentior. *e Immo*, inquit, *ad deiciendum accommodatior*. Quoniam certamen artis erat magis, quam virtutis, Lacedæmonius non putabat se ob id deteriorem quod victus esset. Dicti argutia sita est in ancipiti voce : nam *αργιων* & meliorem significat & potentior, sive

E 7

supe-

a Habetur antea pag. 80. *apoph.* 98. *b* Superstitio nulla. *c* Lepide. *d* Belli disciplina. *e* Argute.

superiorem aut præstantiorem. Is vere inferior est qui honesto vincitur.

72. **ÆTOLI** quondam ingressi regionem Laconicam, abduxerunt quinquaginta servorum millia: unde Lacon quispiam senior festiviter dixisse fertur: *Magno bono fuerunt hostes Laconica, quam tanta turba levarunt.*

73. **MOS** erat apud Lacedæmonios ut Rex hostes aggrediretur, præcedente quopiam gestante coronam qui in certamine victor aliquando tulisset coronam. Cum igitur Lacon quidam in Olympiis magnam pecuniæ vim respuisset, sed multo cum sudore dejecto adversario coronam tulisset, cuīdam dicenti, quid emolumenti tibi adfert victoria ô Lacon? ille ridens & alacer respondit: *a Ante Regem, inquit, coronatus incedens pugnabo cum hostibus.* Generosæ mentis est, laudis honore teneri potius quam pecuniæ.

74. **MILES** quidam Lacedæmonius, cum prostrato hostis incideret tergo occisurus, rogavit ut se verteret & in pectus potius stringeret ensē, rogatus quid ita: *Ne amasius, inquit, meus erubescat, si viderit a versis confossum vulneribus.*

75. **LACON** quidam ad Rhodium Diagoram, qui in Olympiis & filios, & ex filio filiaque nepotes vidisset coronari: *Morere, inquit, Diagora, num in Olympum adscendes?* sentiens tum optimum exire de vita, cum res sunt prosperrimæ. Ita Plutarchus in Vitis. Meminit & Cicero in Tusculanis quæstionibus, libro primo. Lepos est in ambiguo: nam Olympus mons est, in quo singulis lustris peragebantur Olympica certamina & pro cœlo accipitur.

76. **LACON** quidam pædagogus pueri cura suscepta cum interrogaretur, quid esset illum docturus: *Efficiam, inquit, ut honestis delectetur, turpibus offendatur.* Nihil efficacius ad veram felicitatem, quam amare virtutem propter se, odisse vitium propter se.

77. **SPARTANUS** quidam interrogatus, quid conferrent utilitatis pueris adhibiti pædagogi: *Efficiunt,*

ciunt, inquit, ut quæ sunt honesta, eadem pueris fiant etiam jucunda.

78. AGESILAUS dicebat sibi esse jucundum laudari ab his, qui non vererentur & vituperare si quid displicuisset. Tales enim si quid laudant, judicio laudant, non metu aut adulatione.

79. DEMONIDES amissis furto crepidis, precatus est ut ejus qui sustulerat pedibus convenirent. Visus est bene precari, cum illi magnum precaretur malum, videlicet pedes distortos quales habebat Demonides.

80. LACEDÆMONII cum Smyrnæis egentibus comnearum misissent, atque illi beneficium verbis attollerent, Lacedæmonii sermonem interrumpentes: *Nihil magni est*, inquit. *Hæc enim collegimus unius diei prandio nobis & jumentis detracto.* Gratius est beneficium quod extenuatur ab eo qui confert. Nam qui quod largiuntur exaggerant (qui plerisque mos est) bonam gratiæ partem amittunt.

81. LACYDES Arcesilai familiaris, Cephisocrati crimen læsæ Majestatis deprecanti, una cum reliquis amicis aderat. At cum accusator anulum exhiberi flagitaret, per quem coargui poterat: isque clam in terram demisisset, Lacydes sentiens pede inposito textit. Inficiatus est igitur Cephisocrates & absolutus. Mox reo judicibus, ut mos est agenti gratias, quidam è judicum numero qui viderat, jussit ut Lacydi quoque gratias ageret.

82. ARGESILAUS cum arderet podagræ doloribus, eumque Carneades invisisset, atque exiret tristis: *Mane*, inquit, *Carneade*, *nihil enim illinc huc pervenit, ostensis pedibus & pectore*: sentiens pedes quidem dolore, sed animum dolore vacuum esse.

PRISCA LACEDÆMONIORUM INSTITUTA.

1. Ad publica convivia ingredientibus, qui natu erat maximus singulis ostendebat fores, dicens: *a Per has nullus egreditur sermo*: admonens nihil effutiendum si quid

a Silentium.

si quid liberius dictum esset in convivio. Hunc morem instituit Lycurgus.

2. QUONIAM apud Lacedæmonios in summo pretio erat jus, quod illi nigrum appellant, adeo ut seniores hoc contenti, non desiderarent carnes, sed eas juvenibus cederent: Dionysius Siciliae Tyrannus dicitur hujus gratia coquum emisse Laconicum, eique mandasse ut sibi hoc jus appararet, nullis parcens impendiis. Quod ubi Rex gustasset, ac displicuisset, exspuit. Tum coquus: *a Hic, inquit, jus ô Rex sum. ndum est postea quam te Laconum more exercueris, & in Eurota laveris.* Festivius hoc narratur à Marco Tullio Tusculan. quaestio: libro quinto, in hoc varians à Plutarcho, quod scribit illum Sparta in phiditiis coenavisse, & a cœna negasse sibi nigrum illud jus, quod cœnae caput erat, placuisse: tum qui illud coxerat respondisse: *Minime mirum si displicuisset, condimenta enim deesse:* ac Dionysio rogante. Quæ tandem illa? *Labor, inquit, in venatu, sudor, cursus ab Eurota, fame, sitis, his enim rebus Lacedæmoniorum epulas condiri.*

3. LACEDÆMONII postea quam moderate biberunt in conviviiis publicis, *b* discedunt absque tæda, non est enim fas illis ad lumen incedere, nec hac via nec illa, quo consuescant in tenebris noctuque confidenter & intrepide ire. Id interdum in bellis usu venit, ut necesse sit.

4. I I D E M literas quidem discabant ad usum, *c* cæteras vero disciplinas exoticas ejiciebant, nec minus homines harum Professores quam ipsos libros. Hæc autem erat illorum eruditio, bene parere Magistratibus, patientem esse laborum, & in prælio aut vincere, aut mori. Hoc animo fuerunt olim & Romanorum quidam, qui Philosophos Græcos urbe pepulere, quod curiosis disciplinis averterent juventutem ad otium & ignaviam, redderentque ad discendum quidem instructos, ad gerenda vero Reipublicæ munia inutiles. Quid illi dixissent, si Sophistarum gryphos, si nomenclium & realium frigidissimas argutias audissent.

5. P E R-

a Exercitatio pro condimento. *b* Tenebris assuescere.

c Philosophia rusticana.

5. P E R S E V E R A B A N T absque tunicis vestem unicam accipientes, corporibus squalidi, *a* quippe à balneis & unguentis fere in totum abstinentes. Nemo tales facile invadit tum inopes, tum duros: nec malis artibus cogeantur rem quærere, qui tam parvo contenti sunt. Hæc Lacedæmonii, qui nec Philosophorum dogmata, nec Christum noverant: & non pudet nos deliciarum nostrarum? Anachoritas vocamus, qui quatuor vestibus contenti sunt.

6. J U V E N E S vero gregatim ac *b* turmatim dormiebant supra stipadas, herbæ genus, quas ipsi sibi congerebant ex arundine apud Eurotam nascente, cujus summa non ferro, sed manibus defringebant. Per hiemem vero substernebant sibi, quos vocant lycophones, ac stibadiis commiscebant, quod ea materia caloris quiddam habere videretur. Ubi sunt nunc qui toto corpore plumis anserinis indormientes queruntur ob duritiem sibi dolore latera.

7. A M A R E puerorum indolem, qui probro ingenio videbantur, permissum illis erat, cæterum abuti illis turpissimum habebatur, quasi corpus adamaretur potius quam animus. Quod si quis accusatus esset, quod parum honestam cum illis habuisset consuetudinem, is per omnem vitam infamis erat, & à publicis honoribus submovebatur. Hoc non solum in pueris, quorum ætati consulens lex permisit grandioribus amare, sed citra turpitudinem, locum habet, verum etiam in conjugibus: non enim recte amat uxorem, qui corpus amat potius quam animum.

8. M O S erat ut adolescentes quopiam abituri à senioribus interrogarent quo irent, & ad quid: objurgabatur autem qui vel non responderet percunctanti, aut frivolas causas recitaret. *c* Senior qui non objurgarat adolescentem ipso præsentem delinquentem, eidem poenæ erat obnoxius, quam daturus erat si peccasset ipse. Cæterum qui objurgationem moleste ferebat, in magno erat probro: Merito puerorum errata imputantur iis, quorum partes erant ea vel arcere, vel corrigere. Simul
autem

a Frugaliter. b Amor animi. c Sapienter.

autem magna necessitas habebat seniores ne quid reſtibus adoleſcentibus præter decorum committerent. Nam qua fronte objurgarent juniores, ſi ipſi ſenes eſſent objurgandi?

9. S I quis in peccato deprehenſus fuiſſet, *a* iſ co-gebatur aram quandam quæ erat in urbe circum ire, ac vituperationem interim in ipſum compositam canere, quod nihil aliud erat, quam ſeipſum ſua voce objurgare. Ingenui pudoris & laudis amore melius ducuntur ad honeſta, virgis aut flagris cædi, ſervile eſt.

10. Q U I N & ille mos erat, ut juvenes non ſolum ſuos quiſque parentes revererentur, *b* hiſque dicto audientes eſſent, verum etiam ut omnes ſeniores vererentur, tum de via cedentes, tum è ſedibus aſſurgentes, ac prætereuntibus illis taciti quietique. Qua re factum eſt, ut quiſque, non quemadmodum ſit in aliis civitatibus, in proprios modo liberos, ſervos ac poſſeſſiones auctoritatem haberet, verum etiam in amicorum ac vicinorum liberos ac poſſeſſiones perinde juſ haberet atque in ſua propria: ut omnia quam maxime inter ſe communiter haberent, ac aliena quiſque non aliter quam ſua curaret. Intellexerunt illi quantam utilitatem haberet communitas, non adaſta, ſed ex mutua benevolentia proficiſcens. Quod enim à Pythagora pro-
ditum eſt, amicorum communia eſſe omnia, id illi volebant in Republica ſua quam latiffime patere. Omnes enim cives inter ſe amici ſunt, multo magis omnes eandem profeſſi religionem. Poſtremo inter omnes homines ob hoc ipſum quod homines ſunt, intercedere deberet mutua benevolentia.

11. C Æ T E R U M puer abs quopiam caſtigatus, *c* ſi querelam ad patrem detuliſſet, turpe erat patri, ſi hoc audito non iterum filium emendaſſet. Siquidem ex institutione majorum habebant hanc de ſe mutuo fiduciam, ut crederent neminem eſſe qui cujuſquam liberis, quos quiſque pro ſuis habebat, quidquam imperaret inhoneſtum. Prima ætas, quoniam nondum ſentit quid turpe, quid honeſtum, verberibus eget. Solent

a Caſtigatio. *b* Communitas. *c* Diſciplina puerorum.

lent autem pueri à præceptoribus cæsi apud parentes queri de crudelitate eorum à quibus castigati sunt. Eares quoniam minuebat aliorum seniorum auctoritatem, hanc fenestram occluserunt liberis suis, ut omnium seniorum eadem esset in pueros auctoritas quæ patribus.

12. FURANTUR illic pueri etiam ex esculentis quidquid possunt, *a* discentes dextre imponere vel dormientibus, vel indiligentius sua servantibus. Deprehenso poena erat vapulare & esurire. Datur enim illis coena perquam tenuis, quo dum suopte ingenio depellunt inopiam, cogantur audaces esse & callidi. Hoc erat cur cibi inopia premerentur: quin ob id etiam dabatur illis victus exiguus, uti consuescerent nunquam expleri ad satietatem usque, sed famem tolerare possent. Siquidem hac ratione existimabant illos & ad bellum utiliores evasuros, *b* si valerent, & post toleratam inediam perdurare in laboribus: quin & temperantiores viliusque contentos fore, si longo tempore minimis impendiis degenerent: insuper si citra obsonium assuescerent vivere, & quemvis cibum appositum boni consilere, existimabant corpora fore tum salubriora tum majora, quod subtracta cibi copia conferret ad proceritatem: dum non depressa corpora tolluntur in altum potius quam in latum, reddunturque etiam pulchriora. Tenuis enim & gracilis corporum habitudo obsequitur artuum momento: obesitas vero ex cibi copia collecta, propter gravitatem obsistit. Ut ea gens nihil dabat voluptati deliciisve, sed in omnibus spectabat Reipublicæ commoda, longe lateque dissentiens à plurimorum sententia, qui sibi persuadent, nihil esse utilius quam pueros immodico cibo potuque saginare: cum ea res non modo pigros reddat & laboribus inutiles, verum etiam tum corpora reddat deformiora, tum ingenia crassiora.

13. NEC minor illis cura fuit de genere musices, *c* modulorum & cantionum, quam de victu, cultu, & cæteris quæ commemoravimus. Hæc autem talis erat,

ut

a Furandi ars. b Non est stylus Plutarchi. Sententia est apud Xenophontem. c Musica virilis.

ut animi vim ac spiritus excitaret, & impetum divino afflatui similem, adque res gerendas accommodum induceret, cum reliquis Græciæ civitatibus magis placeret musica demulcens, & ad voluptatem mollitiemque effœminans animos. Nam Plato magni referre putat quo genere musices utatur civitas.

14. **QUIN** & orationis genus simplex & inaffectedum, nihil habens molle ac delicatum, nec in aliis versabatur argumentis, quam vel in laudibus eorum qui fortiter ac generose vitam exegissent, quique pro Sparta occubuissent, & ob id ab omnibus ut beati celebrabantur, vel in vituperandis his qui metu periculorum nihil egregii gessissent, & qui ob ignaviam à morte cruciabilem infelicemque vitam viverent: vel in pollicitatione per gloriæ studium accendente animos ad virtutem, ad cuiusque ætatem accommodata, ^aItaque tres erant apud illos chori juxta triplex ætatum discrimen, quibus in festis simul constitutis senum chorus incipiens canebat:

Nos fuimus olim strenui juvenculi.

Secundus, in quo erant viri robustæ ætatis, ita respondebat:

At nos sumus: si vis, facito periculum.

Porro tertius, qui erat puerorum, ita canebat:

Præstantiores nos futuri olim sumus.

15. **QUIN** insuper apud illos erant numeri, ad quos temperarent incessum concitandis animis ad fortitudinem, audaciam, mortisque contemptum accommodi, quibus utebantur tum in choris, tum ad tibiam tendentes in hostem: ^b Siquidem Lycurgus Rei bellicæ studium cum musices studio copulavit, quo nimirum nimius bellandi ardor modulatione temperatus consonantiam aptumque concentum haberet. Unde mos erat, ut in bellis Rex prius quam iniret prælium, Musis sacrificaret, quo pugnantes facinora ederent digna, quæ scriptis honestaque memoria celebrarentur. Nec permittebant, ut quispiam aliquid de veteri musica mutaret, adeo ut Terpandrum cum esset antiquissimus, & omnium ejus ævi citharædorum præstantissimus, egregius-

^a Chori tres. ^b Musica genus.

giusque gestorum heroicorum celebrator, tamen Ephori multaverint, ejusque citharam arreptam paxillo affixerint, quod unam tantum chordam in ea præter necessitatem intendisset, ob vocis varietatem. Non enim probabant modos, nisi simplicissimos. Ac Timotheum certantem in Carneis (id festum erat in honorem Carni cujusdam vatis institutum: Pausanias autem indicat apud illos Apollinem dici Carnion) ex Ephoris quidam arrepto ense interrogarat: *Ex utra citharæ parte incidi vellet chordas quæ accesserant ultra septem.* Ut ubique gens illa frugalitatem colebat, luxum horrebat, metuens à majorum institutis recedere, quod ex his fontibus nasci soleat omnis rerum publicarum perniciēs.

16. **Q**UIN & sepulchrorum universam superstitionem sustulit Lycurgus, permittens ut non solum intra civitatem humarentur cadavera, verum etiam ut monumenta templis vicina haberentur. Submovit & funebres expiationes: nec concessit, ut quidquam una cum cadavere sepeliretur. *a* Nam alia nationes, si quid fuisset vivo charissimum, id mortuo addebant in sepulchro, damnosa simul ac ridicula superstitione, quasi mortui sentiant aliquid: sed in puniceo amictu, & oleæ foliis ex æquo: positos omnes sepeliri jussit. Vetuit etiam titulos & inscriptiones addi monumentis, præterquam eorum qui in bello cecidissent. Sustulit autem & luctus & funebres noenias, quas reliquorum hominum vulgus incredibili sumptu & apparatu, etiam per conductos ploratores celebrare consuevit magna specie dementiæ, quasi manium sit ullus sensus: aut si quid sentiunt, iisdem rebus delectentur, quas in vita non judicio, sed animi vitio dilexerunt.

17. **P**EREGRINARI illis concessum non erat, ne morum peregrinorum vitæque incompositæ contagium attraherent. *b* Quin & peregrinos urbe exigebant, ne paullatim inundantes mali cujuscumque civibus existerent magistri. Quisquis autem civium non tulisset liberorum suorum juxta patrios ritus institutionem, jure civium privabatur. Rursus narrant quidam, quicumque pere-

a Superstitio funerum. *b* Peregrini mores.

peregrinus Spartanae civitatis institutis sustineret exerceri, cum ex Lycurgi sententia admitti in eam civilitatis portionem quæ fuerat à priscis ordinata. Cæterum vendere jus civitatis nulli fas erat. Perspexerat vir ille prudentissimus, commerciis exterorum ac negotiatorum, civitates quamvis bene institutas corrumpi, quod ad nequitiam omnes sunt magis dociles quam ad virtutem. Sed nulla mistura perniciosior, quam quæ per Imperii translationem prolationemve invehitur. Sic influxu Græcorum nationum effœminata est Roma: sic Barbarorum commercio tandem & Sparta ex sanctissima facta est corruptissima: sic aliarum nationum admistu effœminata est Gallia, nonnihil etiam Germania.

18. VICINORUM famulis perinde ut suis uti mos erat, si quando quis opus haberet. *a* Itidem & canibus & equis, nisi forsitan his tum opus esset hero. Quin & ruri si qua re quis egeret, apertis foribus, & ablatis ab eo qui habebat ad usum præsentem accommodis, obsignabat locum unde abstulerat atque abibat. Inter hujusmodi mores ubi locum inveniret insatiabilis avaritia? ubi rapacitas aliena pro suis vindicantium? ubi supercilium è divitiis sumptum? ubi latronum immanitas ob aliquantulum nummorum viatorem ignotum & innocuum jugulantium? Diceres hos germane Christianos, si pro Lycurgo Christum nacti fuissent legum latorem.

19. IN bellis utebantur puniceis tunicis, *b* sive quod hic color videbatur illis aliquid habere virile, sive quod sanguineus coloris rubor plus terroris incuteret bellorum imperitis: sive ne protinus conspicuum esset hostibus, si quis vulnus accepisset, sed utiliter lateret, ob vestem sanguini concolorem.

20. SI quando strategemate, *c* hoc est callido consilio superassent hostem, Marti bovem immolabant, sin aperto prælio, gallum: hoc pacto consuefacientes belli Duces, ut non solum fortes essent ad prælium, verumetiam callidis consiliis adversus hostem instructi.

Præ-

a Communitas. *b* Callide. *c* Consilium in bellis.

Præclarius enim existimabant hostem ingenio citra sanguinem deicere, quam pugna plerumque utrimque cruenta.

21. CUM Deos comprecantur, hoc votis addunt, *a* ut possint injuriam pati: quod neminem judicarent ad regendum Imperium, aut alioqui magnas res obeundas idoneum, qui quavis injuria commoveretur.

22. SUMMA comprecationis hæc erat, ut Dii bonis adderent honesta, præterea nihil. *b* Non aliud petebant virtutis præmium quam honestam famam, cum multa alia sint aliarum gentium vota, non solum multiloqua, verumetiam inutilia, nonnunquam & turpia à Diis postulantium.

23. VENEREM quam illi vocant Μορρω, armatam colunt: *c* quin omnes etiam Deos Deasque hac figura fingunt, ut lanceam teneant, hac imagine significantes omnes esse bellica virtute præditos. Quoniam nihil ducebant turpius ignavia, nihil bellica virtute pulchrius: tali specie proponebant Deos suos, quales cupiebant esse cives. At cæterorum Græcorum Theologia faciebat Deos otiosos & quietos, eoque fingeant illos gestu recumbentium. Porro cum archetypum omnis honesti petendum sit à Numine, periculosum est Reipublicæ tales facere Deos, quales si quis imitetur, inutilis aut perniciosus sit Reipublicæ futurus.

24. JAM & proverbio celebratum est apud illos: *d* *Admota manu fortunam esse invocandam*: quo significabant, sic esse invocandos Deos, ut simul & manum apponamus, & nostram addamus operam, alioqui frustra invocari. Verum est, Numini acceptum ferri oportere, si quid in actionibus hominum prospere cedit, sed non favet Numen otiosis ac pigris: vult sua munera ad nos per nostram venire industriam, ne stultum videatur, si faveat ipsius dona contemnentibus.

25. PUERIS ostendebant servos qui vino essent *e* temulenti, quo magis abominarentur ebrietatem, videntes quam deforme spectaculum sit homo immodico

a Tolerantia. *b* Vota. *c* Armati Dii. *d* Industria.
e Temulentia.

dico madens vino, quamque dementi similis. Inamo cogebant Helotes quamplurimum bibere, deinde saltationes ineptas saltare, & carmina quadam ridicula canere. Ita quod alii prolixo sermone vix persuadent, sobrietatem esse rem honestissimam, ebrietate nihil esse homine indignius, illi compendio ponebant ob oculos, sed in mancipiis, ad quorum mores degenerare ingenuis turpissimum est.

26. **M O S** erat apud illos, non pulsare fores atriorum, sed voce foras evocare si quid vellent. Adco nihil clam geri volebant, sed propalam omnia.

27. **S T R I G I L I B U S** quibus sudor abstergeretur, non ferreis, sed arundineis utebantur, in balneis, ut minus operosis, parvoque parabilibus: nusquam non memores frugalitatis ac *a* parcimoniae.

28. **C O M O E D I A S** & tragœdias non audiebant, ut nec serio nec joco quidquam audirent repugnans legibus. Leges enim prohibent stupra, incestum & adulteria, prohibent dolos, injurias, furta, cæteraque flagitia: at in fabulis talia Poëtæ Diis affingunt. Nec placuit illis quorundam excusatio, fabulas ad voluptatem fingi, non ad fidem veri: Voluptas ea corrumpit imbecillium animos. Hanc ob causam Archilocum Poëtam cum venisset Lacedæmonem, eadem hora expulerunt, quod intellexerant ab illo scriptum: *Satius esse abjicere arma quam mori*: Carmen sic habet:

*Scuto aliquis gaudet Sajorum, quod bene pulchrum
Deserui nolens inter opaca rubi.*

*Ille quidem clypeus valeat, quoniam mihi posthac
Illo haud deterior forsitan obveniet.*

29. **V I R G I N I B U S** ac pueris sacra erant communia, *b* quo vel sic puellæ ad masculinum robur proficerent.

30. **S C I R A P H I D A M** multarunt Ephori, quod à multis erat injuria affectus. Interpretabantur enim illius ignaviam esse in causa, quod complures audent eundem lædere. Nam qui veterem impune fert injuriam, invitat novam. Si qui primus læserat, de-

latus

a *Parcimonia.* *b* *Lenitas prava.*

latus dedisset pœnas legibus, ceteri temperassent ab injuria.

31. SCUTIFERUM militem interemere, *a* quod scuto nonnihil purpurei panni intertexuisset. In tantum horrebant exemplum peregrinæ luxuriæ, non ignari, ex minimis initiis immedicabilem vitiorum colluviem inundare, eoque tutissimum esse judicantes principiis obstare. Ob id in primis in auctores severissime animadvertabant. Plurimum nocuit Reipublicæ, quisquis fenestram vitiis aperuit.

32. ADOLESCENTULUM ex eorum numero qui exercebantur, increpuerunt, *b* quod viam nosset quæ ducit in Pyleam: adeo studebant suos à peregrinationibus ac rerum exoticarum cognitione servare alienos, ne per occasionem à patriis institutis degenerarent: præsertim cum Arcadia, cujus est Pylea, luxu delictisque Barbaricis esset corrupta.

33. CTESIPHONTEM ejecerunt qui se profitebatur de re quavis totum diem posse dicere, dicentes: *c* Boni oratoris esse, sermonem habere rebus parem. Nulla in re justius putarunt adhibendam frugalitatem quam in oratione, quam Hesiodus non aliter quam pretiosum thesaurum parcissime censet esse depromendam ad usum, non ad ostentationem.

34. PUERI apud illos in ara Dianæ cui ab indejicibili virtute cognomen Orthia, *d* flagellis ex more totum diem cæduntur: itaque frequenter durant ad mortem usque hilares ac læti, concertantes inter sese de victoria, quis ipsorum diutissime fortissimeque toleraret verbera, victor cum primis celebris habetur. Hoc certaminis genus appellant *Ἀγασθῶν*. Renovatur autem quotannis. Hujus consuetudinis originem indicat Plutarchus in vita Aristidis. Cum Pausanias paulisper semotus à statione militum rem divinam faceret, Lydi aliquot incursione facta, sacrificiorum apparatus diripuerunt: quos ipse cum comitibus suis comprehensos, quoniam inermes erant, loris cecidit.

F

In

a Severitas. *b* Peregrini mores. *c* Loquacitas. *d* Pueritia dura.

In hujus facti memoriam fieri coeptum est Sparta, quod retulimus. Pausanias in Laconicis diversam adfert hujus consuetudinis causam. Cum Limnates, Cynosu-
renses, Meloani, & Pitaneenses Dianæ sacrificarent, in
dissidium venerunt, ex dissidio ad pugnam, adeo ut
multis cadaveribus ara compleretur, reliquos pestilen-
tia consumpsit. Hinc proditum est oraculum, aram
Dianæ humano sanguine expiandam esse. Cum igitur
immolarent cuicunque fors obvenisset, Lycurgus
eam mactationem vertit in flagellationem adolescentu-
lorum. Ita factum est, ut citra necem hominum
ara sanguine humano expiaretur. Hoc exemplum ut
imitari sit ineptum, ita nobis exprobrat immo-
dicam indulgentiam erga pueros, qui sic in deliciis eos
educamus, ut ad studiorum quoque laborem sint
inutiles, & omnis increpationis quamvis blandæ im-
patientes.

55. HÆC utcumque æstimentur, unum tamen
quiddam ad honestatem ac beatitudinem conducens
civibus suis præstitisse videtur Lycurgus. *a* Quid hoc?
Assatim otii, propterea quod sedentarias artes in totum
attingere fas non erat. Neque prorsus opus erat ullo
opificio negotioso operosoque ad quæstum postea quam
divitiis in totum tum admirationem, tum honorem
ademerat. Sed Helotes, hoc est, mancipia colebant illis
agros, fructumque reddebant à majoribus præfinitum.
Sunt & hodie qui hoc exemplum imitentur, per servos,
aut conducticias operas, aut per eos quos ex liberis ser-
vos faciunt pleraque facientes, non ut ipsis interim va-
cet meditari meliora, sed ut otium habeant bibendi, aut
ludendi aleam.

36. ERAT autem detestabile, si quis alicui pluri
locasset agrum quam erat præscriptum: quo simul &
mancipia lucri gratia libentius inservirent, ne cives plus
solito quærerent. Quanto consilio ea gens omnium vi-
tiorum materiam in mancipia rejiciebat, ab ingenuis
arcebat, contra quam reliquæ faciebant nationes quæ
liberis luxus, libidinis, avaritiæ, temulentiaque semi-
naria

itaria vindicant, servos ad paupertatem & frugalitatem adigunt.

37. INTERDICTUM erat illis nauticam exercere, ac navalibus uti pugnis, tametsi post navalibus præliis mare potiti rursus abstinerunt, cum perspicerent civium mores corrumpi. Sed denuo ab hac sententia mutati sunt, quemadmodum in cæteris omnibus. Ubi pecuniæ sunt in Lacedæmoniorum regionem convector, qui eas importarant, morte damnati sunt. Siquidem Alcameni ac Theopompo Regibus hoc oraculum erat redditum: *a Pecuniarum amor Spartam perdet.* Nihilo secius tamen Lysander devictis Atheniensibus magnam auri argentique vim invexit, nec solum pecunias receperunt, verumetiam ipsi viro honos est habitus. Proinde Sparta donec Lycurgi legibus uteretur, nec à jurejurando recederet, sexcentis annis in Græcia primas tenuit & legum æquitate & gloria. Cæterum cum ab his paullatim defluerent, invaderetque obiter divitiarum amor & avaritiæ malum: non solum ob hæc decrevit illorum potentia, verumetiam quibus antea fociis & amicis in bello fuerant usi, eos inimicos habere cœperunt. Porro cum ita se gererent, tamen post Philippi Macedonis in Cheronea victoriam, quanquam Græci cæteri omnes illum Imperatorem terra pariter ac mari declarassent, ac post hunc Alexandrum filium everfis Thebanis, soli Lacedæmonii tametsi civitatem haberent nullis cinctam muris, essentque non modo perpauci propter assidua bella, sed multo quam antea imbecilliores captu faciles essent facti, quoniam adhuc servabant admodum exiguas quasdam Lycurgicarum legum scintillas, non se præbuerunt belli socios, neque cæteris Græcis, *b* neque post Macedonicis Regibus, neque in commune cum illis consilium venerunt, neque tributum pendere coacti sunt: donec per omnia contemptis Lycurgi legibus, à propriis civibus tyrannide oppressi sunt, ita ut nihil jam reliquum esset patriæ institutionis, sed reliquorum similes effecti, & gloria & libertate, quam

F 2

prius

a Pecunia pestifera res. b Degeneratio.

prius obtinuerant, exuti sunt, & in servitutem traducti: ac nunc quemadmodum ceteri sub Romano-
rum vivunt Imperio. Grave documentum universis,
Imperia virtute parari: avaritia, luxu, delitiisque vel
perire, vel verti in tyrannidem.

A P O P H T H E G M A T A
L A C Æ N A R U M.

1. A R C H I L E O N I S Brasidæ mater, post obitum
filii cum Amphipolitæ quidam venissent Spartam, eam-
que inviserent, percunctata est num honeste, & ut Spar-
tano dignum erat, occubuisset: illis juvenis virtutem
amplificantibus ac dicentibus, cum in bellicis negotiis
Lacedæmoniorum omnium esse præstantissimum, re-
spondit: *a O hospes, honestus quidem ac strenuus erat filius
meus, sed multos illo præstantiores habet Lacedæmon.*

2. G O R G O Cleomenis Regis filia, cum Aristago-
ras Milesius Cleomenem ad bellum pro Ionibus adver-
sus Regem Persarum suscipiendum hortaretur, magnam
pecuniarum vim pollicens, quantoque magis ille recu-
sabat, tanto plus adderet promissæ summæ: *b Pater, in-
quit, corrumpet te hic peregrinulus, ni ocyus eum adibus
extruseris.* Ubi nunc sunt qui dicunt avarum mulierum
genus, cum Gorgo pro hortatrice patri fuerit dehor-
tatrix?

3. E I D E M cum pater aliquando mandasset, ut
quidam mercedis nomine daret frumentum, & elo-
gium addidisset. Docuit enim me vinum reddere su-
vius: *c Ergo, inquit, O pater, & vini plus bibetur, & qui
bibent delicatesiores deterioresque reddentur.* Quis satis præ-
dicet hanc puellam, & sene & viro severiorem? atqui
solet hic sexus maxime capi rebus suavibus.

4. E A D E M cum videret Aristagoram à quopiam
famulis calceari: *d Quid, inquit, Pater? Hospes isti
manus non habet.* Existimabat non ferendas viri deli-
cias, qui in eo abutebatur famuli opera, quod ipse suis
mani-

a Habetur pag. 45. apophth. 62. *b* Pecunia con-
tempra. *c* Simile habetur antea pag. 41. apophth. 43.
d Severe.

manibus facere sibi poterat. Et non pudet quosdam quibus vestiendis comendisque vix decem famuli sufficiunt. Opus est famulo, qui ventrem exoneraturo solvat ligulas: qui fœnum aut lanam porrigat extersuro, ac minimo minus qui abstergat.

5. CUM hospes quispiam molliter & ægre vestem prælongam attraheret, protrusit hominem dicens: *a Non tu hinc abis, qui nec ea possis quæ sunt fœminarum?* Mulierum est lacinosis & in humum defluentibus uti vestibus, quin & caudas admodum longas interdum trahunt, nec tamen gravantur onere, aut succingunt.

6. GYRTIAS, cum Acrotatus, qui illi erat ex filia nepos, è quadam puerorum pugna multis acceptis plagis domum pro exanimi relatus esset, plorantibus cæteris familiaribus ac notis: *b Non tacebitis*, inquit. Declaravit cujus esset sanguinis. Addidit: *Fortes non esse complorandos, sed sanandos.*

7. CUM illi è Creta nuncius esset allatus de morte Acrotati: *c Cum ad hostes*, inquit, proficisceretur, nonne futurum erat ut aut ipse moreretur, aut illos occideret? Jucundius autem est audire quod mortuus est, ut & ipso & civitate & progenitoribus dignum erat, *d* quam si iners & imbellis per omne ævum viveret. Solent avix tenerius & impotentius amare nepotes suos quam ipse matres. Et ubi nunc sunt quæ in morte liberorum confugiunt ad laqueum, cum Gyrtias nepotem & seminecem lugeri vetuerit, nec eundem flendum putarit, quod fortiter pugnans interisset?

8. DAMATRIA cum accepisset filium ita se gere in bello ut tali matre videretur indignus, domum redeuntem interemit. Qua de re hoc fertur epigramma:

e Transgressum leges mater Damatria natum,

Ipsa Lacena necat, non Lacedæmonium.

Hoc facinus propius accedit ad Barbaricam immanitatem quam ad fortitudinem, utile tamen exemplum est ad exprobandam vulgo matrum nimiam in liberos in-

F 3

dul-

a Severe. b Fortiter. c Fortiter. d Prudenter. e Fortiter.

dulgentiam, quæ ob hoc ipsum saepe impotentius amant eos quod sint nequitia corruptissimi.

9. **ALTERA** quædam Lacæna filium, qui deserto in acie loco fugerat, ut patria indignum interemit, dicens: *a Haud meum est hoc germen:* in quam extat hoc epigramma:

Germen iners abeat ad tartara, teque perosus,

Eurotas servis nec det aquam timidus.

Ignavus catulus, mala fors, hinc vade sub orcum,

I Sparta indignus, quem nec ego peper.

Alia quædam cum filium audisset fortiter in acie cecidisse, ait:

b Plorentur timidi, mî infletus humabere nate,

Et matre hac vere dignus es & patria.

Hoc ante tributum est Tynnicho, quod tamen Philelphus separatim commemorat.

10. **ALIA** quædam ut audierat filium incolumem, sed fugisse ab hostibus, scripsit illi: *c Malus rumor de te sparsus est, aut hunc dilue, aut ne sis.* Præstabilius iudicavit mori, quam cum ignominia vivere.

11. **ALIA** rursus cum filii qui è prælio fugerant, ad ipsam venirent. *d Quo, inquit, itis ignava & fugitiva mancipia? & ostenso ventre: Num huc, inquit, denovo subituri, unde emerfistis?* Hoc apophthegma Cynaca dignum est.

12. **QUÆDAM** filium ad se venientem conspicata, percunctata est quid ageret patria: is cum respondisset: Periere omnes, laterem coniecit in illum, occiditque dicens: *e Te igitur nobis misere mali nuncium?* Vita putavit indignum qui cum suis perire non sustinisset.

13. **CUIDAM** qui matri narrasset quam generose frater occubuisset: *f Proinde an non turpe est, inquit, tibi non contigisse illi esse comitem.*

14. **QUÆDAM** filios quos habebat quinque postea quam in bellum emiserat, ante suburbium stabat exspectans quis esset belli exitus. Ut accessit qui piam

nun-

a Fortiter. b Pag. 101. apophth. 48. c Animose.

d Rustice. e Fortiter. f Animose.

nuntians filios illius omnes occubuisse : *a* Non isthuc percunctabar, inquit, ignavum mancipium, sed quid ageret patria. Is cum respondisset à patria stetisse victoriam : *Libenter igitur, inquit, accipio filiorum interitum.* Egregia mulier privatum in liberos affectum publicæ in patriam pietati posthabuit.

15. QUÆDAM sepeliebat filium, ad eam cum vilis anicula quædam accessisset, dicens : Heu fortunam ! ô mulier : illa subjecit : *b* Per Geminos, inquit, bonam equidem arbitror. Siquidem cujus gratia filium peperî, videlicet ut pro Sparta moreretur, id mihi contigit. Fortissima mulier aniculæ deplorationem vertit in gratulationem. Hujus meminit M. Tullius. Tusculanar. quaest. libro primo.

16. CUM mulier quædam Ionica de texto quodam suo ut pretioso gloriaretur, Lacæna ostensis quatuor filiis quos habebat moribus compositissimis : *c* Hujusmodi, inquit, decet esse honesta probaque mulieris opera, deque his tollere animos & gloriari. Iones operosis texturis vacant, quæ varia picturarum habent argumenta. At Spartana docuit, nullum opus esse præclarius, quam si filios honestis moribus instituat. His enim melius ornari patriam, quam aulæis, aut vestibibus Ionicis.

17. ALIA cum accepisset quod filius peregre agens, inhoneste se gereret, scripsit illi : *d* Malus rumor de te sparsus est, hunc tollito, aut ne esto.

18. SIMILITER cum Chii exsules venissent Spartam, multis nominibus incusabant Pædaretum. Eos mater Teleutia ad se accersit : ex his ubi cognovisset quæ filio objicerent, videreturque filius in culpa esse, scripsit illi in hunc modum : *e* Mater Pædareto, ut aut melius viveret, aut illic maneret, desperans se Sparta esse incolumem. Virago mortem minata est filio, ni mores corrigeret suos.

19. ALTERA filio injuriarum postulato : *f* Aut crimine, inquit, fili, aut vita teipsum libera. Mater in-

F 4

filium

a Fortiter. *b* Fortiter. *c* Graviter. *d* Simile superiori apopht. 10. *e* Severe. *f* Severe.

filium severior quam iudex, quæ extinctum malebat, quam cum ignominia vivum.

20. A L I A filium claudum in aciem proficiscentem deducens. *a Fili*, inquit, *singulo quoque gradu fac virtutis memineris*. Aliis claudicationis vitium solet formidinem incutere: at hæc monuit ut ex ipso vitio sumeret animos ad rem fortiter gerendam: ita cogitans, nihil est in fuga præsidii claudus, aut vincendum est, aut moriendum.

21. A L I A, cum illi filius redisset ex acie, atque ex vulnere pedis vehementer doleret: *b Si virtutu*, inquit, *memineris o fili, non solum non dolebo, verum etiam bono futurus es animo*. At vulgus matrum solet filiorum dolorem suis querimoniis & lachrymis exasperare, hæc animavit ad doloris tolerantiam.

22. L A C E D æ M O N I U S quidam sic in bello vulneratus ut ingredi non posset, sed quadrupedum more ambularet, cum ob id derisus erubesceret, à matre reprehensus est his verbis: *c Quanto præstabat fili, de fortitudine gaudere, quam de stulto risu pudefcere*. Simile narrat Cicerò de matre Sp. Calvidii, verba mulieris sumens ex apophthegmate, quod paulo ante præcessit.

23. A L I A clypeum imponens filio sic illum adhortata est: *d Fili, aut hunc, aut super hunc*: Lacedæmonica brevitæte sentiens sic rem gerendam in bello, aut ut victor clypeum referret, aut mortuus in eo domum reportaretur.

24. A L I A rursus filio ad bellum proficiscenti clypeum imponens: *e Hunc*, inquit, *tibi pater semper servavit: proinde tu fac serves eundem, aut ne sis*.

25. A L I A filio docenti quod brevem haberet gladium: *f Tu*, inquit, *adde gradum*: significans nihil obfuturam gladii brevitatem, si propius ad hostem accederet.

26. A L I A cum audisset, quod filius fortiter in prælio se gerens occubisset: *g Nimirum*, inquit, *meus erat*. Non deploravit mortem filii, sed de virtute sibi gratulata est.

a Claudus. b Fortiter. c Fortiter. d Fortiter. e Fortiter. f Argute. g Fortiter.

est. Contra, cum de altero audisset, quod ob timiditatem prælium detrectans saluus esset: *Nimirum*, inquit, *non erat meus*: sentiens non esse habendos pro liberis qui à parentum institutione degenerassent.

27. *A L I A* cum audisset filium in prælio cæsum: *a Deponite illum*, inquit, *ut erat in ordine locatus, ejusque locum expleat frater*. Tale robur animi quam in paucis reperiis viris: Non metuit orbitatem, modo vita patriæ impenderetur.

28. *A L I A* cum in publica solemnique pompa audisset filium in prælio quidem tulisse victoriam, sed ex vulnere multitudinis mori, coronam non deposuit, sed glorians comitibus dixit: *b Quanto pulchrius est, amice, in acie victorem occumbere, quam in Olympiis parta victoria vivere*: Quantum hæc virago dissensit à cæteris mortalibus, quibus persuasum erat Diis proximum esse in Olympiis ferre palmam, cum ibi non ageretur certamen virtutis, sed artis & impendiorum: tum nihil esse terribilius morte, neque quidquam esse tanti, quod vitæ jactura sit emendum. Hæc nullam existimavit victoriam speciosiore, quam quæ patriæ quæreretur, nec ullam mortem optabiliorem, quam quæ cum hac laude contigisset.

29. *C U M* quidam forori suæ narraret quam fortiter ipsius filius in prælio occubuisse: *c Quantum*, inquit illa, *de filio cæpi voluptaris*: tantum tuam doleo visem, qui à tam honesta societate defeceris.

30. *Q U I D A M* Lacænam missio nuncio sollicitavit, num assentiretur ut ipsa sui faceret copiam. Cui illa respondit: *d Cum essem puella, parenti obedire didici, idque feci: mulier autem facta, viro. Itaque si me invitat ad honesta, viro meo primum rem aperiat.*

31. *V I R G O* quædam paupercula roganti quam sponso dotem esset allatura: *e Pudicitiam*, inquit, *à majoribus traditam*. Generose professa est eam esse pulchre dotatam, quæ mores incorruptos adferret ad nuptias.

F. 5

32. - L A.

a. Fortiter. b. Fortiter. c. Similiter antea pag. 123.

apoph. 13. d Pudice. e Pudice.

32. L A C Æ N A rogata num ad virum accessisset :
a Non, inquit, *sed ille ad me* : significans sese non libi-
 dinis causa commercium habere cum viro, sed parenti-
 bus ac legibus obtemperantem. Turpissimum enim est
 fœminæ, si virum ad coitum sollicitet.

33. V I R G O quædam clanculum corrupta foetum
 extinxit, *b* tam interim patiens dolorum, ut nullam
 ederet vocem, adeo ut parturiens & patrem, & alios
 qui aderant, falieret. Nam magnitudinem cruciatus
 turpitudine cum honestate conjuncta superavit. Generosi
 animi erat, quod ignominiam pati non posset : factum
 ipsum habebat turpitudinem, quam ut effugeret, nixus
 in quibus aliæ mulieres solent miseras voces edere, si-
 lentio perpeffa est.

34. A L I A cum venderetur interrogata quid sciret :
c Fidelis, inquit, *esse*. Existimabat fidem in famula quo-
 vis opificio esse melius.

35. A L I A similiter captiva cum interrogaretur
 quid sciret : *Probe*, inquit, *regere domum*, Et hæc non
 vulgaris ars est in muliere.

36. Q U Æ D A M à licitatore interrogata num esset
 futura proba, si ipsam emeret : *d Etiam*, inquit, *si me*
non emeris.

37. A L I A cum in auctione præco rogaret illam
 quid sciret : *e Libera*, inquit, *esse* : significans sese capti-
 vam quidem esse, cæterum ad illiberalia jussa non pari-
 turam. Itaque cum emptor imperasset quædam non
 convenientia liberæ : *Plorabis*, inquit, *qui tibi ipsi talem*
an videris possessionem, moxque sibi necem conscivit.

38. A G E S I S T R A T A cum Agidem filium exa-
 nimem jacentem videret, exosculata faciem dixit :
Nimia tua ô fili bonitas, nimia mansuetudo & humanitas
te simul & nos perdidit. Moliebatur enim Agis facinus
 sane præclarum, sed invidiosum, nimirum ut degene-
 rantes Lacedæmoniorum mores ad priscam illam seve-
 ritatem revocaret. Interim dum studet offendere ne-
 minem,

a Pudice. *b* Fortiter. *c* Generose. *d* Antea pag. 99.

apoph. 36. *e* Simile habetur de viro pag. 99.

apoph. 35.

minem, & gratificari omnibus, semetipsam in exitium conjecit.

39. E A D E M laqueo guttur inserens: *a In hoc tantum, inquit, Sparta utilis fuit.* Doluit generosæ foeminæ, quod filio non licuit de patria quemadmodum voluit bene mereri.

40. C U M Thebani irrupissent in Laconicam, *b* & inter captivos captivasque multos etiam abduxissent Helotas, jussērunt illos Terpandri, Alcmanis ac Spenonidis Laconica carmina canere: illi recusarunt dice-
res, id nolle filias heriles: adeo plus apud illos valuit concaptivarum puellarum auctoritas, quam jussa victoris. Hinc probarunt quidam esse verum quod vulgo diceretur: *Liberum Sparta maxime liberum esse; contra servum, maxime servum.* Ita Plutarchus in vita Lycurgi.

41. T H E B A N O vestem induens casu brachium nudavit: cuidam autem dicenti. O pulchrum brachium: *At non publicum, inquit.* Admonens uni pulchrum esse non cuivis, & laudatoris illius intemperantiam notans, qui alieni corporis nimium curiosus spectator esset.

C H I L O N I S L A C O N I S A P O P H T H E G M A T A.

1. N O N dubium est quin Chilo Lacedæmonius, qui fertur unus de numero septem Græciæ Sapientum, in apophthegmatis Laconicam indolem retulerit, quam scriptorum, ut opinor, vitio, non habent eandem gratiam quæ illi tribuuntur. Diogenes Laërtius hæc illi adscribit: Fratri querenti quod Ephorus ille non crearetur, cum ille esset: *c* Ego, inquit, *injuriam terre novi, tu non:* significans neminem esse idoneum Magistratui, qui non possit dissimulare multa præter æquum & bonum facta, juxta illud ἀρχὸν ἀκρὸν καὶ δικαίως καὶ δίκως, id est, Princeps æqua & iniqua pariter audias.

2. A B Ælōpo interrogatus quid ageret Juppiter; respondit: *d Excelsa deprimit, depressa extollit:* indi-

F 6

cans

a Pietas in patrem. b Servorum turba. c Idem tribuitur alteri. Moderate. d Vicissitudo rerum.

cans arbitrio Numinis res hominum sursum deorsum volvi, revolvique.

3. INTERROGATUS qua re docti præcellerent indoctos: *a Bona*, inquit, *spe*. Doctos autem appellabat, honestis legibus ac moribus institutos, & juxta rectam institutionem vitam agentes. Hi cæteris rebus pares hoc uno superant improbos, quod post hanc vitam sperant recte factorum præmia. Nam Lacones existimabant egregios viros post obitum in vitam beatam translatos fieri Divos.

4. DICERE solet, quod Lydius lapis est auro, id aurum esse homini. *b Lapis* enim index affricu prodit quale sit aurum, ipsum autem aurum arguit quale hominis ingenium, juxta illud: *Magistratus virum arguit*.

5. JAM grandævus dicebat, *c se* sibi nullius facti conscium esse cujus poeniteret, uno excepto, quod cum esset adscitus arbiter ut inter duos amicos finiret controversiam, nec quidquam vellet adversus leges facere, persuasit alteri amico, ut ad alios deferret arbitrium. Hoc pactq & legem servavit & amicum. Hic scrupulus non nihil movebat senis animum, quod perfectæ virtutis fuisset, nullo metu à regula legum deflectere, nec illius amicitiam magni facere, qui ob sententiam secundum leges, non secundum ipsum datam desineret amicus esse. Quid illa sanctius anima, qui per omnem vitam, quæ illi longa contigit, hoc tantum criminis admisit?

6. QUIDAM, quorum est A. Gellius, huic tribuunt & illud: *d Sic ama tanquam osurus, sic oderis tanquam amaturus*. Hoc dicto admonuit, nec similitates tam acriter exercendas, ut præcludatur omnis in gratiam reditus, nec animis adeo fidendum, ut illis committas, quo si fiant inimici, possint te perdere.

7. DOCEBAT neminem conviciis laceffendum, ne si dixerimus quæ lubet, audiamus vicissim quæ dolent. Habet enim & maledicendi morbus suam voluntatem, sed quæ plerumque male audiendi summo dolore.

a Virtutis præmia. b Aurum index. c Conscientia purior. d Moderate. e Maledicentia.

lore pensatur. Huc allusit Marcus Tullius Sallustio comminans fore, ut si quam voluptatem maledicendo cœpisset, eam male audiendo perderet.

8. DICEBAT, *a* non committendum ut lingua præcurreret animum : admonens prius cogitandum quid loquaris, quam lingua prorumpat in verba. Nescit enim vox missa reverti. Cogitatio prior potest corrigi posteriore meliore, ut habet proverbium, vox non item.

9. DAMNUM *b* ajebat turpi lucro præferendum. Nam illud semel dolere : hoc semper. Jactura rei facile sarciri potest, fama contaminata vix unquam diluitur. Res amissa exiguo tempore dolet, sceleris conscientia semper cruciat animum. Itaque lucrum scelere partum, damnum est, non lucrum.

10. NON esse tentanda quæ fieri non possunt. Quædam honesta sunt ac magnifica, sed magno Reipublicæ malo tentantur, si nequeas perficere. Atque hæc est præcipua pars boni consultoris, dispicere non solum quid per se optimum sit, sed quid pro temporum ratione possit obtineri.

11. ROGATUS quid esset difficile : *d* Arcanum, inquit, reticere. Tanta est linguæ omnium maxime volubilis incontinentia, cum alioqui nihil videatur facilius quam silere.

12. IDEM præcipiebat, *e* linguam cum alias semper, tum præcipue in convivio continendam, quod illicibus & potus invitet ad intemperantiam. Porro ubi plus est periculi, ibi major est adhibenda cautio.

13. NULLI, *f* minandum esse, non solum quod id mulierum videatur esse potius quam virorum, verum etiam quod minitari ei cui velis nocere, est inimicum admonere ut sibi caveat, tibi que ipsi lædendi facultatem adimere. Amicis autem minari, parum est humanum. Recte tamen minamur, quoties aliquem hoc remedio correctum esse cupimus, & hæc pœna decrevimus esse contenti.

F 7

14. PROM-

a Lingua præcept. *b* Lucrum turpe. *c* Adversata. *d* Silentium. *e* Loquacitas in convivio. *f* Mina inutilis.

14. PROMPTIUS *a* ad amicorum adversam fortunam, quam ad res secundas accurrendum. Rebus prosperis advolant quilibet, etiam minus amici: qui adsunt reflante fortuna, hi vere sunt amici.

15. UXOREM *b* humilem modico apparatu ducendam, ne pro conjugē dominam accerās domum. Sat enim dotata venit puella quæ pudicitiam & honestos mores secum adfert. Proinde hoc erat unum ex Laconicis institutis, ut virgines sine dote nuptum irent.

16. VETABAT *c* de mortuis male loqui, quod ignavum videretur eos incessere lingua, qui respondere non possunt, ac turpe esset cum umbris ac larvis luctari. Nam id est, quodammodo sepultum refodere.

17. DOCEBAT honorem à junioribus habendum *d* senectuti, ut ipsi facti senes ab aliis habeantur in pretio. Ea res geminam habebat utilitatem. Siquidem ut senum auctoritas ac reverentia temperabat ætatem lascivam à peccando: ita senes cavebant ne quid committerent quo juvenibus vel ob ineptiam ludibrio possent esse, vel ob turpitudinem perniciosi: sed inter omnes juvenes omnesque senes ea esset reverentia, quæ inter parentes ac liberos.

18. ADMONEBAT *e* secundis rebus elato non applaudendum nec arridendum. Infelix felicitas est, quæ hominem reddit insolentiorē, eoque non plausum meretur, sed lachrymas. Graviusque peccant qui docent insolentiam, quam qui utuntur. Sæpe populus clamat in avaritiam ac tyrannidem Principum, cum ipse doceat illos hæc vitia. Quidam codex Græcus habebat, ἀτυχὲν τι μὴ ὀπιγελᾶν, id est, infelicem non esse irridendum, sive infelici non insultandum: id enim extremæ est inhumanitatis.

19. DOCVIT potentiam adjungendam mansuetudinem, ut à suis non tam metum extorqueat, *f* quam impetret reverentiam. Reverentiæ comes est amor, metus odium. Amari autem non solum honestius est, verumetiam tutius.

20: AD-

a Amicus verus. *b* Uxor humilis. *c* Mortuis parcendum. *d* Senectus honoranda. *e* Insolentia. *f* Moderata.

20. A D M O N E B A T ut suæ quisque domui bene præset. Primam enim curam debemus familiaribus : nec idoneus videtur administrandæ Reipublicæ qui privatam recte gubernare nescit. Domus enim nihil aliud est quam parva civitas.

21. V I N C E N D A M a iram , quod is affectus sit cæteris potentior , quam superare fortius est, quam hostem armatum dejicere : nec minus exitii mortalibus sit ab ira, quam ab hoste.

22. D I V I N A T I O N E M non esse detestandam , b quod hanc Deorum munus esse crederet, quæ ratione percipi posset ab homine insigni virtute prædito. Nam ipse prædixisse fertur futurum , ut ex insula Cythera summum malum oriretur Lacedæmoniis, cujus situm naturamque cum didicisset : *Utinam*, inquit, *hæc aut nunquam fuisset, aut simul ut nata fuit, subversa fuisset.* Nam Demaratus Lacedæmone profugus Xerxi suavit, ut in ea insula classem haberet : ac plane Græciam subegisset Xerxes, si Demarati consilium fuisset sequutus. Post Nicias ea potitus statuit illic præsidium Atheniensium , & Lacedæmonios multis cladibus afflixit.

23. F E R T U R & hoc illius nomine : c *In via non properandum.* Ex incessu colligitur animus , præceptis arguit præcipitem, nimium lentus ignavum. Decet autem in publico compositis esse moribus. Fortasse deterruit à præcipiti consilio.

24. H U I C simillimum est , inter loquendum non esse movendam manum. Id enim esse vecordium. Unde & in Hebræorum proverbiis est : *Stultum digito loqui.*

25. M O N U I T d obtemperandum legibus. Hoc ad Principes præcipue pertinet , qui se credunt non teneri legibus. Nec aliunde magis florent Respublicæ, quam si legum vigeat auctoritas. Nec ibi tyrannis oriri potest, ubi ex arbitrio priscarum legum geruntur omnia.

26. D I C E B A T adamandam esse quietem , e quo-
tica

a Ira. b Divinatio. c Mores in publico. d Legum auctoritas. e Otium.

ties datur honestum otium, juxta illud, ἡσυχία καλὴν. Nihil enim vel tutius, vel jucundius. Nullum autem negotium periculosius quam bellum.

27. **QUIN** & illud huic adscribitur: *a* *Cave tibi ipsi.* Fortasse legendum, cave teipsum, sive teipso, sive observa teipsum. Nam Grace est, φυλάττειν ἑαυτὸν, ut admoneat sibi quemque debere suspectum esse. Omnes sibi cavent ab aliis, at frequenter nemo magis hostis est homini, quam homo sibi, dum libidinem, dum iram, dum ambitionem aliasque cupiditates adhibet in consilium. Demiror autem quem auctorem sequutus Ausonius hæc illi adscribat.

28. **ITA** moderandam vitam, ut nec inferioribus sis terrori, nec superioribus despectui. Metui à subditis tyrannicum est: negligentia vero est, sic agere, *b* ut à majoribus contemnaris. Hoc & ad ætatem referri potest. Sic temperandi mores, ut à junioribus ameris potius quam timearis, à majoribus non contemnaris. Immodica severitas parit terrorem: somnolentia, vinolentia, incogitantia, similiaque vitia gignunt contemptum. Potest & ad fortunam accommodari, quæ si sit vehementer ampla, parat qui metuant citius, quam qui ament aut reveantur, sin humilior, paret contemptui. Mediocritas igitur hic quoque est optima, Ausonii carmen sic habet:

Nolo minor me timeat, despiciatque major.

29. **PRÆTEREA** sic esse contemnendam mortem, ut nihilo secius curam habeas incolumitatis. Non enim est fortitudinis, sed amentia, semet temere in vitæ discrimen conjicere: sed quoties aut inevitabilis necessitas urget, aut gravis honestaque causa suadet, mortem contemnere fortis animi est. *c* In morbo non est metuenda mors, sed interim adhibenda curatio mediocris. In bello sumendus est animus ad mortem paratus, sed interim fortiter pugnandum pro victoria. Ausonii carmen sic legendum arbitror:

Vive memior mortis, uti sis memior & salutis.

Potest

a. Cautio sui. b. Amari sine contemptu. c. Mors quantenus contemnenda.

Potest autem & hic accipi sensus: Hactenus memineris te moriturum, ut abstineas è vitiis curisque supervacaneis: sed interim perinde quasi diu victurus sis, ea cures quæ ad honestam beatamque vitam pertinent. Multos mortis consideratio deterret ab honestis actionibus: contra mortis oblivio multos invitat ad licentius peccandum. Potest & sic intelligi: Ne sic metuas mortem, ut vivas anxius ac tristis, sed vitæ spes mortis horrorem temperet. Hunc sensum indicat carmen quod requiritur.

a Tristitia cuncta exsuperans aut animo, aut amico..

Hæc vita præterquam quod multis miseriis exposita est, nihil habet tristius quam quod mortem habet certissimam, diem mortis incertissimum. Sed omnia superanda sunt, aut animi fortitudine, aut amicorum alloquiis. Nullum enim in dolore remedium præsentius quam curas æstusque animi in amicorum sinum effundere, quorum & consolatio, & communis dolor maximam mali partem tollit.

30. BENEFICII dati oblivisci decet, accepti meminisse. Vulgus hominum contra facit. *b* Si quid cui benefecerunt, & sine fine prædicant, sine modo exaggerant: si quid in ipsos collocatum fuerit officii, mox aut obliviscuntur, aut dissimulant, aut elevant. Carmen Ausonii sic habet:

Tu bene si quid facias, non meminisse fas est.

31. E I D E M hanc tribuit sententiam, *c* optabilem esse senectutem juvenilem, molestam esse juventutem senilem. Maxima malorum pars ob quæ male audit senectus, à vitiis hominum proficitur: habet autem ex sese nonnulla commoda, plurimarum rerum usum ac memoriam, consulendi facultatem, reverentiam & auctoritatem: hæc si adsint commoda, absintque incommoda, ea senectus optabilior est multorum juventute, vitiis & inertia marcente. Videas autem in nonnullis juvenibus senilem imbecillitatem, senilem somnolentiam, senilem ignaviam, senilem morositatem: horum

juvena-

a Amicus consolator. b Gratitude. c Senectus juvenilis..

juventus pejor est senectute. Nam cum senectæ careant, senio tamen abundant. Aufoniani versus sic habent:

Grata senectus homini, quæ parilis juvena.

Illæ juvenus gravior, quæ similis senectæ.

32. PLINIUS & illud oraculi vice celebratum adscribit Chiloni, ἐλγὺς, ὡς δὲ ἄν: Sponde, sed noxa præsto est.

33. A. GELLIIUS Noct. Atticarum, lib. i. cap. 3. adscribit illi quod dicam, idque auctore Plutarcho in lib. De anima. Quendam prædicantem, sibi nullum esse inimicum, rogavit: *a An ullum etiam haberet amicum*: sentiens amicitias & inimicitias invicem sese consequi: nec fieri posse, quin qui multos habet amicos, complures habeat inimicos. Sit hic hujus convivii secundus missus, si videtur, cui subjiciemus Philosophos non omnes, ne nullus sit finis, sed aliquot eximios, ut varietas excludat lectionis tædium. Quod si quem hujus patinæ major aviditas tenet, huic Diogenes Laërtius facile stomachum explebit, si non modo habeat nimis fastidiosum.

a Amicitia junctæ inimicitia.



APOPTHEGMATA SOCRATICA.

LIBER III.



AD Laconicam indolem mihi proxime videtur accedere Socrates, non tantum integritate morum, decretis ac dictorum sale, verum etiam tolerantia, ut dicas patria quidem Atheniensem, ingenio vero Spartanum, nisi quod Laconicam brevisloquentiam non affectavit, magis studens virtutem persuadere quam præcipere. Ad id potissimum utebatur similibus & inductionibus, quas Græci vocant *εισαγωγὰς*: cui generi non convenit illa Laconica brevisitas. Ut autem hac parte vincitur à Lacedæmoniis, ita sanctitate dictorum superat illos, quorum aliquot recensere non abs re fuerit.

1. DICEBAT *a* Deos omnium optimos ac felicissimos, ad horum similitudinem quo quisque propius accederet, hoc & meliorem esse & beatiorum. Si corrigas unius vocis numerum, nihil dici potest Christianus.

2. **A**D *b* **D**IIS nihil petendum, nisi bona simpliciter, cum vulgus petat bene dotatam uxorem, opes, honores, regnum, longam vitam, quasi præscribentes Numini quid oporteat facere. At Deus optime novit, quid nobis bonum sit, quid non.

3. **S**ACRIFICIA *c* volebat quam minimis impendiis constare, quod Dii, ut non egent rebus hominum, ita magis spectant affectus immolantium quam divitias. Alioqui cum improbissimi quique maxime abundant divitiis, actum esset de rebus humanis, si malorum potius quam bonorum victimis dele-

a Deus imitandus. b Vota qualia. c Sacrificia minimi sumptus.

delectarentur. Eoque versum hunc magnopere probare consuevit :

Καὶ δὲ δύναμιν δὲ ἐπιδείν' ἰσθ' αἰθανάτους δεῖσθαι.

Hoc dictum & ad Christianos pertinet, qui immodicis impendiis ornamus templa, peragimus sacra & parentalia, gratus facturi Deo, si quod ultra frugalem mundi-riem superest, fratribus egenis erogaremus. Eandem frugalitatem adhibendam docuit in excipiendis hospitibus, eodem utens versiculo : Καὶ δὲ δύναμιν δὲ ἐπιδείν'.

4. CUM admoneretur ab amico, quod excepturus hospites admodum tenuem fecisset apparatus : *a* Si boni sunt, inquit, satis erit : sin minus, plus satis.

5. D O C U I T abstinendum à cibis, *b* qui non esurientem incitarent ad edendum : & à potu, qui non sitientem invitaret ad bibendum. His enim rebus non est utendum, nisi quatenus corporis necessitas exigit.

6. D I C E B A T optimum condimentum esse famem, *c* quod & optime edulcaret omnia, & nullius esset impendii. Unde ipse semper jucunde edebat ac bibebat, qui neutrum faciebat nisi esuriens ac sitiens.

7. Q U I N & famem ac sitim tolerandam exercuerat sese : post sudorem enim è palastra collectum, cum alii potum vehementer appetunt, nunquam bibebat de primo cratere : rogatus quamobrem id facerët : *d* Ne consuescam, inquit, obsequi affectibus. Interdum enim licet sitias, noxium est bibere : hic cum ratio suadet abstinentiam affectus hortatur ut bibas, magis obtemperandum est rationi.

8. D I C E B A T eos qui se ad continentiam ac frugalitatem exercuissent *e* longe plus habere voluptatis, ac minus dolorum, quam qui summa cura undique pararent oblectamenta : quod voluptates intemperantium præter animi sibi male consciï cruciatum, præter infamiam, ac paupertatem, frequenter ipsi etiam corpori plus adferant molestiæ, quam delectationis. Contra, quæ sunt optima, eadem fiunt jucundissima si quis assuerit.

9. A-

a Argute. *b* Frugalitas. *c* Frugalitas. *d* Affectus cohibiti. *e* Voluptas ex virtute.

9. A J E B A T esse turpe, *a* si quis sua sponte serviens voluptatibus, talem se faceret, quales nemo domi suæ vellet habere servos. Talibus autem nullam salutis spem reliquam esse, nisi si pro eis Deos comprecarentur alii, ut bonos Dominos nancisci possent, quando prorsus decretum erat servire. Existimabat autem nullos foediorum miseriorumque servire servitutem, quam qui & animo & corpore servirent voluptatibus.

10. I N T E R R O G A T U S quamobrem ipse non administraret Rempublicam cum administrandi rationem optime sciret. Respondit: *b* Eum utiliore esse civitati qui multos efficeret idoneos gubernanda Reipublica quam qui ipse recte gubernaret. Idem mihi respondit Nicolaus Leonicensis Ferrariæ, demiranti cur artem medicandi, quam profitebatur ipse, non exerceret. Plus, inquit, ago docens omnes medicos. Nec dissimile mihi respondit unicus studiorum meorum Macenas Gulielmus Archiepiscopus Cantuariensis Sacerdotium improbe recusanti, dicentique. Qua fronte fruat illorum pecuniis, quibus ut linguæ ignarus nec concionari possum, nec monendo nec consolando adesse, nec ullum boni pastoris officium præstare? Quasi, inquit, non plus efficias, qui libris doces pastores omnes, quam si uni rusticanae plebeculae inservias. Fassus sum amice dictum, mihi tamen non persuasit.

11. R O G A T U S quo pacto quis posset honestam assequi famam: *c* Si talis, inquit, esse studeas, qualis haberi velis. Veluti si quis bonus tibicen haberi cupiat, ea præstet oportet, quæ à probatis tibicinibus fieri viderit. Quemadmodum qui medendi est imperitus, non ideo medicus est, quod pro medico adscitus est, & vulgo medicus appellatur: ita non statim Princeps est aut magistratus, qui populi suffragiis declaratus sit, nisi sciat artem gubernandæ civitatis.

12. D I C E B A T vehementer absurdum esse, *d* cum artes sedentarias nemo profiteatur absque dedecore qui eas non didicerit, neque quisquam scrinium facien-

a Servire voluptatibus. *b* Prodesse pluribus. *c* Fama quomodo paranda. *d* Ars gubernandi.

ciendum locet ei, qui rudis sit ejus officii : ad publicos magistratus admitti, qui nunquam dederunt operam disciplinis, sine quibus nemo potest recte magistratum gerere : cumque nemo non detestaturus sit eum qui clavo assideret ignarus artis nauticæ, multo magis detestandos, qui Rempublicam capefferent ignari politicæ philosophiæ. Neque eum putabat appellandum impostorem, qui à persuaso quoque pecuniam aut vasculum acciperet, quod non posset reddere : sed illos magis impostores habendos dicebat, qui dolo persuaderent se idoneos gubernandæ Reipublicæ, cum sint homines nihili. Hoc dictum multo magis ad Principes Magistratus & Episcopos Christianos pertinet, quam ad Ethnicos.

13. D I C E R E solitus est, nullam esse possessionem pretiosorem *a* vero bonoque amico, nec aliunde plus fructus aut voluptatis capi. Itaque præpostere facere multos, qui pecuniæ dispendium gravius ferunt quam amici jacturam, quique se beneficium perdidisse clamant gratis collocatum, cum eo sibi conciliarint amicum quovis lucro potiore.

14. U T illis committimus statuas faciendas, *b* à quibus videmus aliquot statuas eleganter factas : ita non sunt admittendi in amicitiam, nisi quos cognoverimus erga alios præstitisse fidos & utiles amicos.

15. Q U E N D A M acrius castigantem servum percunctabatur, quamobrem ita sæviret : Quoniam, inquit, cum sit obsoniorum voracissimus, tamen ignavissimus est : cumque sit avidissimus, tamen desidiosissimus est. Tum Socrates : *c* Nunquamne, inquit, considerasti uter vestrum pluribus egeat verberibus, tunc an famulus ? Utinam sibi quisque dicat, quod illi Socrates, quoties hoc in aliis reprehendit, punitque idem quod sibi ignoscit, aut si non idem, crebro deterius.

16. C U I D A M cupienti quidem ire ad Olympia, sed itineris labore deterrito : *d* Cum, inquit, domi sæpe numero totum prope diem ambules, ante prandium, rursus
ante

a Amicus sincerus. *b* E factis judicium. *c* Punire in aliis quod ipsi committimus. *d* Spontanei labores.

ante scenam: si domesticas ambulationes proferas quinque sexve dies, facile pervenies Olympiam. Docuit vir ingeniosus, id quod terret in adeundis laboribus, imaginationem esse potius quam ipsum laborem. Si quid honestæ rei gratia periculi, dispendii, aut laboris suscipiendum est, excusamus, detrectamus, horremus, cum frequenter ultro in rebus nihili, non enim dicam turpibus, plus impendamus. Ita quidam invitati ad studia literarum, excusant valetudinem, insomnia, impendia librorum, cum interim totam noctem ludant aleam, potatione contrahant febrim, podagram, hydropem & lippitudinem, scortatione paralytim, aut scabiem novam, quam gallicam appellant.

17. **QUENDAM** conquerentem se defatigatum longo itinere rogavit. Num puer ipsum potuerit consequi. Ait: Rogavit vacuusne an aliquid ferens oneris. Portavit, inquit, nonnihil sarcinarum. Quid, inquit, queritur ne ille se defessum? Cum negaret: *a Non pudet te*, inquit, *mollitiei, qui vacuus ambulans defessus fueris, cum ille gestans, sarcinam, non queratur se fatigatum?* Ostendebat Socrates servum in hoc feliciorum Domino, quod ad labores exercitior minus sentiret molestiæ.

18. **ADMONERE** solet quod apud alios diceretur edere aut convivari, *b* apud Athenienses dici: *ὀρχεῖσθαι*: qua voce dicebat nos admoneri, eo temperamento sumendum cibum, ut nec corpus nec animus oneretur: huc opinor alludens, quod *ὀρχεῖσθαι*, sonet vehi, unde *ὀρχεῖον* vehiculum, quanquam *ὄρε* dicatur & cibus, eoque additum *ὄ* ne sarcina justo gravior imponeretur corpori.

19. **DICEBAT**, optime natis ingenuisque potissimum adhibendam rectam institutionem. Idem enim in his usu venire quod in equis, in queis qui feroces sunt ac generosæ indolis, si statim à primis annis recte instituuntur, egregii & ad omnem usum accommodi evadunt: sin minus, efferati, intractabiles, & ad nihil utiles. Eoque fit, ut felicissima quæque ingenia

a Servus domino melior. b Sobrietas in eduliis.

nia corrumpantur inscitia instituentium qui mox equos vertunt in asinos, quod erectis ac liberis animis imperare nesciant.

20. DICTITABAT illum imprudenter facere, qui cum boves efficeret pauciores, a postulare tamen haberi bonus bubulcus: sed multo absurdius esse, si quis haberi velit bonus Reipublicæ gubernator, cum civium numerum imminuat. Hoc dictum torsit in Critiam & Chariclem, qui multos civium trucidarant. Nec illos id latuit: Critias enim illi minatus est, ni sciret, fore ut ipse quoque faceret boves pauciores, & quod minatus est verbo, re præstitit, nam hujus opera Socrates periit.

21. E P R I S C I S auctoribus selegerat versiculos aliquot, quos proverbiorum vice frequenter usurpabat, quorum est ille Hesiodius:

Ἐργον γ' ἔστιν ὄνειδος, ἀεργεῖν δ' ἐστ' ὄνειδος.

Id est:

b Non probrum est operari, at est cessatio probrum.

Quo dehortabatur juvenes non solum ab otio, verum etiam ab actionibus infrugiferis. Siquidem eos appellabat otiosos, qui alea, computationibus & scortis ætatem absumerent.

22. I T E M illud Homeri, ut indicat Gellius ac Laërtius:

Ὅτι τοι ἐν μεγάροισι κακῶν τ' ἀγαθῶν τε τέτυκτα.

c Adibus in nostris qua prava aut recta gerantur.

Eo non solum revocavit auditorem à curiositate rerum alienarum, verum etiam à disciplinis non necessariis: velut ab exacta cognitione astrologiæ, aut geometriæ, aut caussarum naturalium, aut rerum ultra mundanarum, ad cognitionem ethices, cujus scientia præstat, ut nobis ipsi noti simus, utque rem domesticam aut publicam utiliter administremus.

23. E O D E M spectat & illud quod illi adscribitur, & imprimis celebratur: *Qua supra nos, nihil ad nos.* Sic enim respondere solet admirantibus, quod de moribus

a Indoles erecta. b Otium turpe. c Curiositas.

ribus semper, de astris, deque meteorologis nunquam disputaret.

24. CUM in via quidam per lasciviam calcem impigisset, admirantibus quod id pateretur: *a Quid facerem*, inquit. Illis hortantibus ut vocaret hominem in Jus, *Ridiculum*, inquit, *si quis asinus me calce percussisset, diceretis mihi, voca illum in Jus?* Nihil putabat interesse inter asinum & hominem brutum, nullaque virtute præditum: ac vehementer absurdum videri, non pati ab homine, quod ab animante bruto passurus sis.

25. QUIDAM ab eo salutatus non resalutavit, nec id moleste tulit Socrates: amicis autem admirantibus, & ob hominis incivilitatem indignantibus, dixit: *b Si quis nos prateriret, pejus affectus corpore, quam nos sumus, nequaquam illi succenseremus: cur igitur illi succensem, qui pejus affectus est animo quam nos sumus.*

26. EURIPIDES obtulit Socrati librum ab Heraclito conscriptum, eo lecto rogavit quid illi videretur: *c Per Jovem*, inquit, *quæ intellexi, mihi præclara videntur, qualia puto & ea quæ non intellexi, sed opus est Delio quapiam natatore.* Notavit perquam false affectatam ejus scriptoris obscuritatem, unde & *οὐκ εὖ* cognomen inditum est. De Delio natatore diximus in Chiliadibus.

27. CUM Alcibiades illi speciosam aream offerret dono, in qua sibi domum ædificaret: *d Quid*, inquit, *si mihi calceis opus esset, num mihi corium dares unde mihi calceos conficerem? Et si dares, an non ipse ridiculus essem si acciperem?* Hac similitudine munus inutile recusavit.

28. PER forum obambulans cum adspiceret mercium copiam quæ illic vendebantur, ita secum loqui consuevit: *e Quam multis rebus ego non egeo:* ast alii cruciantur animo ita cogitantes, quam multa mihi desunt. Socrates sibi gratulabatur, quod juxta naturam vivens, ac paucis assuetus, aurum, purpuram, gemmas, ebur, aulæa, reliquasque divitum delitias, nec cuperet, nec

G

ege-

a Patienter. b Moderate. c Salse. d Munus inutile.

e Frugalitas.

egeret, quas dicere solet magis necessarias agendis tragœdiis quam ad usum vitæ. In hanc sententiam usurpabat versus Iambicos Poëtæ nescio cuius:

Τὰ δ' ἀργυρέματα ὅσιν ἢ τε πορρύνει
Εἰς τοὺς τραγῳδίας χεῖσι μὲν καὶ εἰς τὸν βίον.

Id est:

*Argentea isthæc vasa simul ac purpura
Tragœliarum accommoda histrionibus
Sunt, ad beatam conferunt vitam nihil.*

29. D I C E R E solitus est, *a* Eum esse Diis similem, qui quam paucissimis egeret, cum Dii omnino nullius egeant rei. At vulgus divites Diis proximos existimant quorum deliciis nihil satis est. De his enim dictum est in comoedia Terentiana. Quam vo. facillime agitis. Hoc autem Homerus Diis tribuit, quos appellat *παρὸν ἀγρότας*, id est, facillime viventes. Facillime autem vivit, qui paucissimis contentus est.

30. D I C E B A T qui suaviter ederet panem, *b* huic non esse opus obsonio, & qui suaviter biberet quemlibet potum, hunc non desiderare poculum præter id quod adest. Fames enim & sitis optime condit omnia.

31. D I C E B A T, cuivis esse promptum, *c* si quid rerum insignium haberet proloqui, cui difficillimum esset nominare quos possideret amicos, cum hac possessione nulla sit carior. Hoc dicto taxabat præposterum vulgi de rebus iudicium, qui hoc negligentissime haberet, quod omnium plurimi faciendum erat. Ditiore sibi videtur cui pecuniæ non nihil obtrigit, & damnum deplorat cui periit: at qui sibi paravit bonum amicum non videtur sibi factus beatior, nec jacturam deflet qui perdidit.

32. E U C L I D I contentiosarum argutionum admodum studioso: *d* *Sophistis*, inquit, *O Euclides, uti poteris, hominibus non poteris.* Indicans Sophisticen inutilem ad publicas functiones, quas qui affectat, eum non oportet gryphis & inanibus argutiis ludere, sed hominum moribus semet accommodare.

33. S C I -

a Frugalitas b Frugalitas. c Amicus sincerus.

d Sensus communis.

33. S C I E N T I A M dicebat unicum esse bonum : contra , unicum malum ignorantiam : quod quicumque committunt rem injustam , hoc peccant , quod ignorant quid cuique sit tribuendum : & qui fortes sunt , non alia re fortes sunt nisi quod sciunt ea expectanda , quæ vulgus existimat horrenda : & qui intemperantes sunt , hoc errant , quod ea putant suavia aut decora , quæ minime sunt. Summum igitur bonum esse dicebat , scientiam rerum expectandarum ac fugiendarum.

34. C U I D A M dicenti, Antisthenem Philosophum matre Threïcia progenitum esse , velut hoc probrum impingenti viro quod hybrida esset , patre quidem Atheniensi, sed matre Barbara : *a* Quid, inquit , *an tu putas virum adeo præclarum ex utroque parente Atheniensi nasci potuisse ?* Notans corruptissimos Atheniensium mores, ut citius è Thrace Scythave posset nasci vir probus, quam ex Atheniensi : & hoc quod habebat probitatis Antisthenes, matri tribuendum putavit.

35. D I C E B A T *b* otium possessionem omnium optimam, Otium autem sensit non ignaviam , sed à tumultuosis negotiis , & à cupiditatibus animi tranquillitatem vitiantibus esse quietum.

36. I L L U D omnium maxime celebratur quod dicebat : *c* *Se nihil scire, nisi hoc unum quod nihil sciret.* Inquirebat enim de singulis , tanquam ambigens , non quod re vera nihil haberet certo cognitum : sed hac ironia & suam declarabat modestiam & aliorum redarguebat arrogantiam , qui se profitebantur nihil nescire cum re vera nihil scirent. Sophistæ quidam publice profitebantur , sese ex tempore responsuros ad omnem propositam materiam , horum arrogantem inscitiam sæpenu-mero confutabat Socrates. Atque ob hoc ipsum, ut ipse quidem interpretatur, ab Apolline iudicatus est sapiens, quod quamvis omnium rerum ignorantiam cum cæteris haberet communem, eo nomine tamen illos superaret, quod suam inscitiam agnosceret , cum illi hoc quoque nescirent, se nihil scire.

G 2

37. L A E R-

a Facere. *b* Otium honestum. *c* Modeste.

37. L A E R T I U S & hoc illi tribuit, *a* Cœpisse, dimidium facti esse, dicebat enim dimidium operis peractum ei, qui jam esset aggressus: Sunt enim qui cunctando ac deliberando vitam omnem absumant. Est autem hemistichium Hesiodium.

Ἀχὼ ἥμιτι πάντος.

38. Q U I res præcoces magno emerent, *b* eos aje-
bat desperare, quod ad tempus maturitatis essent per-
venturi. Alioqui stultum est, & pluris & deterius eme-
re, cum paullo post liceat & minoris & melioris. Ita
nusquam non revocabat hominum cupiditates rationis
expertes ad sobrium iudicium.

39. Q U O D A M tempore cum Euripides, *c* ita de
virtute differeret, ut diceret. *Κεῖν πρὸν εἰκὴ τῶτο ἐὰν
ἀρετὴ ᾖ.* Id est: Hæc missa temere est optimum re-
linquere. Quasi virtus inveniri vix posset: Surrexit
Socrates dicens, *Ridiculum esse, cum mancipium si non pro-*
tinus inveniat, opera pretium existimemus investigare:
virtutem nulla investigatione dignam judicare si non pro-
tinus contingat homini.

40. R O G A T U S ab adolescente quodam, utrum
melius censeret uxorem ducere, an non ducere: *d* U-
trumcunque, inquit, feceris, *pœnitebit*: indicans & cœliba-
tum & conjugium habere suas molestias, ad quas per-
ferendas esset præparandus animus. Cœlibatum coni-
tatur solitudo, orbitas, generis interitus, heres alienus:
matrimonium perpetua sollicitudo, juges querelæ, do-
tis exprobratio, affinium grave supercilium, garrula so-
crus lingua, subseffor alieni matrimonii, incertus libe-
rorum eventus, aliaque innumera incommoda. Pro-
inde non hic est electio qualis est inter bonum & ma-
lum, sed qualis inter graviora & leviora incommoda.

41. Q U E N D A M ex amicis conquerentem, quod
Athenis omnia magno venirent, *e* vinum enim Chium
mina, purpuram tribus minis constare, mellis heminam
quinque drachmis: manu illius prehensa duxit in pe-
num farinariam, *Obolo*, inquit, *semisextarius venit*,
vilis

a Contentio mala. *b* Festinatio. *c* Virtus quærenda.

d Matrimonium. *e* Frugalitas.

vilis igitur annona est. Hinc ad oleariam deducens, Duobus, inquit, areis sextarius. Num magno igitur in urbe veniunt omnia? Qui paucis ac necessariis contentus est, sibi facit vilem annonam.

42. *ARCHELAUS* Rex Socratem ad se vocat, multa pollicens: Socrates respondit: *a* *Se nolle ad eum venire a quo acciperet beneficia, cum illi reddere paria non posset.* Hoc dictum improbat Seneca, quod Philosophus persuadens auri argentique contemptum, plus dat quam si det aurum & argentum.

43. *QUODAM* tempore reversus è foro inter amicos dixit: *b* *Emissem pallium si nummos habuissem.* Nihil postulavit, tantum verecunde admonuit egestatis. Mox inter amicos ambitus erat, à quo Socrates acciperet. Et tamen post eam vocem quisquis properavit, ut ait Seneca, sero dedit.

44. *CUIDAM* quarenti quod peregrinationes sibi nihil profuissent: *c* *Non immerito, inquit, tibi istud evenit. Tecum enim peregrinaberis. Multi putant longinquis peregrinationibus colligi prudentiam, quum Horatius clamet:*

Caelum non animum mutat, qui trans mare currit.

Congressus sapientium confert prudentiam, non montes aut maria.

45. *COLAPHO* percussus à quodam in via, nihil aliud respondit, quam: *d* *Quod homines nescirent quando prodire deberent cum galea.* Simile quiddam Laërtius ascribit Diogeni.

46. *AJEBAT:* *e* *Se mirari, quod quum statuarum artifices id summo studio conniterentur, ut lapis quam similis homini redderetur, non pariter hoc curarent, ne ipsi lapidibus similes & viderentur & essent.* Sunt autem qui putent Socratem priusquam ad ocium Philosophiæ sese conferret, statuarum opificem fuisse.

47. *ADHORTABATUR* juvenes: *f* *Ut se subinde ad speculum contuerentur, quo se essent egregia cor-*

G 3

peris

a *Munera contempta. b* *Ultrenea beneficentia. c* *Peregrinatio inutilis. d* *Patienter. e* *Lepide. f* *Cultus animi.*

poris forma, caverent ne quid ea indignum committerent: sin minus, quod corpori deesset, id ingenis cultu morumque honestate pensarent. Adeo vir ille undecunque rapiebat occasionem ad virtutis studium adhortandi.

48. ADVOCARAT divites aliquot ad coenam. Ob id sollicita Xantippe, quod apparatus esset perquam exiguus: *a Bono animo es*, inquit. Nam si frugi temperantesque sunt, boni consulent: sin minus, nulla nobis horum cura debet esse. Hoc dilemma nobis merito excuteret operosam & sumptuosam ambitionem in excipendis convivis.

49. DICEBAT: *b Multos in hoc vivere ut ederent biberentque, se contra ob id edere ac bibere ut viveret*, quod his rebus non ad voluptatem, sed ad naturæ necessitatem uteretur. Hanc sententiam retulit Satyricus:

Non vivas ut edas, sed edas ut vivere possis.

50. Eos qui multitudini imperitæ fidem habebant, ajebat. *c Perinde facere, ac si quis tetradrachmum unum contemnens rejiceret, & acervum è similibus congestum probaret reciperetque.* Cui non fideres soli, ei nihilomagis fidendum est in turba similium. Nec enim refert quam multi sint, sed quam graves. Nummus adulterinus etiam in quamvis magno acervo adulterinus est. Hoc adversus turbam testium, & indocti vulgi judicia.

51. QUUM Æschines ambiret esse de numero discipulorum Socratis, excusaretque verecunde paupertatem suam, ac moleste ferret, quod quum ceteri Socratis amici divites multa largirentur, sibi nihil esset quod daret præter seipsum: *d An non intelligis*, inquit, quam magnum munus mihi dederis, nisi forte te ipsum parvo aestimas? Itaque mihi cura erit, ut te tibi reddam meliorem quam accepi. Alii Sophistæ quum meras nugas docerent, nullum admittebant discipulum nisi magna mercede, Socrates nihilo minus libenter recepit inopem quam opulentos.

52. QUUM quidam illi diceret, Athenienses te morti

a Simile ante pag. 136. apophth. 4. Frugalitas. b Luxus.

c Pecunia qualis. d Comiter.

morti adjudicarunt : *a Et illos* , inquit , *natura*. Sentiens non esse magnum malum , si quis adigatur ad mortem , paulo post moriturus , etiamsi nemo interficiat. Quanquam hoc dictum quidam ad Anaxagoram referunt.

53. U X O R I muliebriter comploranti dicentique , Mi vir , innocens morieris : *b Quid* , inquit , *uxor* , *num me nocentem mori mallet* ? Mors bonorum ob hoc ipsum minus deflenda est , quod præter meritum occiduntur : bis vero deplorandi sunt , qui ob malefacta dant poenas , sed longe miserius est , meruisse poenas quam dedisse.

54. E o die quo Socrates bibiturus erat venenum , Apollodorus ei pallium multi precii ad solatium obtulit , ut eo indutus moreretur. At ille recusans donum : *c Quid* , inquit , *hoc meum pallium quod viventi convenit* , *mortuo non conveniet* ? Damnans quorundam ambitionem , hoc miro studio providentium , ut quam honorificentissime efferantur ac sepeliantur.

55. N U N C I A N T I quod quidam de ipso male loqueretur : *d Nimirum* , inquit , *non didicit bene loqui* : linguæ morbum non malitiæ tribuens , sed inscitiae , nec ad se judicavit pertinere , quid de se dicerent , qui morbo animi non iudicio loquuntur.

56. Q U U M Antisthenes Cynicus pallium haberet pertusum , idque obvertens fissuram omnibus daret inspiciendam : *e Per fissuram* , inquit Socrates , *pallii tui video tuam inanitatem* : Eleganter notans , turpiorem esse ambitionem è vilitate cultus , quam ex amictu splendido. Atque utinam inter Christianos non sint multi Antisthenes , qui sub veste fusca , vili fordidaque plus celent gloriæ quam alii divites habeant in holosericis ac byssinis.

57. C U I D A M admiranti quod nihil in eum commoveretur , à quo conviciis incessabatur : *f Mihi* , inquit , *non maledicit* , *quandoquidem ea quæ dicit* , *mibi non adsunt* , *nec in me hærent* Atqui ob hanc causam hominum vulgus magis commovetur , si quid dicitur in im-

merentem. Boni quum male audiunt, sibi gratulantur quod puri sint ab his malis quæ ipsis impinguntur, nec in se dici interpretantur: nihilo magis quam si quis oculorum errore Platonem appellat Socratem, & in Socratem congerat maledicta, is non maledicit Platoni, sed ei quem existimat esse Platonem.

58. VETUS comœdia solet nominationem in cives distertia jacere. Horum libertatem quum plerique metuerent, Socrates dicebat expedire, ut quis semet illis sciens ac volens objiceret: *a* Nam si quid, inquit, dixerint in nos merito reprehendendum, admoniti corrigemus, & profuerint: sin falsum convitium in nos jaculabuntur, nihil ad nos.

59. S O C R A T E S quum Xanthippen diu rixantem tulisset in ardibus, ac tandem fessus consedisset ante fores, illa magis irritata quiete viri, de fenestra perfudit eum lotio. Ridentibus qui præteribant, & ipse Socrates arridebat, dicens: *b* Facile divinabam, post tantum tonitruum sequituram pluviam.

60. A L C I B I A D I demiranti quod Xanthippen supra modum rixosam domi perpeteretur: *c* Ego, inquit, jam pridem his sic assuevi, ut non magis offendar, quam si rota qua aquam educit è puteo stridorem audiam. Nam is stridor molestissimus est insuetis, eundem qui quotidie audit, adeo moleste non fert, ut se audire nesciat.

61. E I D E M simile quiddam dicepti: *d* At tu, inquit, Socrates, nonne domi tue toleras gallinarum glottientium strepitum? Tolerō, inquit Alcibiades, sed gallinæ mihi pariunt ova pullosque. Et mihi, ait Socrates, mea Xanthippe parit liberos.

62. S U N T qui putent Socratem simul aluisse domi duas uxores, Myrtho & Xanthippen. Proinde demiranti cuidam in quem tandem usum aleret duas mulieres, præsertim rixosas, nec eas domo exigeret: *e* Hæ, inquit, me domi docent tolerantiam, qua mihi in publico utendum est: harum moribus exercitatus, commodior ero ad alio-

a Maledicus prodest. *b* Lepide & leniter. *c* Assuetudo mitigat. *d* Vxor quare ferenda. *e* Lenitas.

aliorum consuetudinem. Hunc percontatorem Aulus Gellius facit Alcibiadem.

63. Q U M Xanthippe in publico pallium marito detraxisset, ac familiares admonerent, ut tantam injuriam manu ulcisceretur. *a Pulchre*, inquit, nimirum ut nobis colluctantibus acclametis, alius, *Eja Socrates*: alius, *Eja Xanthippe*. Nam hujusmodi vocibus spectatores animant duos inter se commissos. Maluit autem vir sapiens, tolerantiae exemplum de se præbere, quam ridiculum exhibere spectaculum viri cum uxore contentantis.

64. P E R C O N T A N T I cur Xanthippen moribus incommodissimis fœminam haberet domi, dicebat: *b Sic habendam consuetudinem cum morosis uxoribus, quemadmodum qui se ad studium equestre exercent, parant equos ingenii ferocioris, quos si subegerint, & perpeti possint, ceteris utuntur commodius*: Ita qui morosæ conjugis mores ferre didicerit, multo facilius cum quibuscumque habebit consuetudinem.

65. C U M Socrati Lysias orationem quam in ejus defensionem composuerat recitasset: *c Præclara*, inquit, & elegans oratio est, sed non convenit Socrati. Erat enim forensi instituto aptior quam Philosopho, ac tali Philosopho. Rursus Lysias percontanti, cur si bonam judicaret orationem, putaret sibi non convenire: *Nonne*, inquit, fieri potest, ut amictus aut calceus elegans sit ac pulcher, qui tamen alicui non conveniat? Hoc ipsum Valerius Maximus narrat odiosius minusque Socratice. Sic enim Lysias respondisse memerat: *Aufer quasso istam.* Nam ego si adduci possem, ut eam in ultima Scythia solitudine perorarem, tum me ipsum morte multandum concederem.

66. C U M judices inter se disceptarent, qua poena dignus esset Socrates: *d Ego*, inquit, ob ea quæ feci dignum me censeo qui publicitus alar in Prytaneo. Nam hoc honoris haberi solet, qui præclare de Republica fuissent meriti. Marcus Tullius hoc refert libro De Oratore

G 5

pri

a Lenitas. b Lenitas. c Decorum personæ. d Fiducia benefactorum.

primo : *Erat, inquit, Athenis reo damnato, si fraus capitalis non esset, quasi pœna æstimatio.* Hæc sententia quum iudicibus daretur, interrogabatur reus, quam quasi æstimationem commeruisse se maxime confiteretur, quod quum interrogatus Socrates esset, respondit, se meruisse ut amplissimis honoribus & præmiis decoraretur, & ut ei victus quotidianus publice in Prytaneo præberetur : qui honos apud Græcos maximus habebatur. Cujus responso iudices sic exarserunt, ut capitis hominem innocentissimum condemnarent.

67. XENOPHONTEM in angiportu quodam Socrates habuit obvium, quumque videret adolescentem rara indole, porrecto baculo vetuit ne præteriret : ubi constiterat : Rogavit, *ubi fierent venderenturque varia merces, quibus vulgo utuntur homines* : Ad id quum prompte respondisset Xenophon, percontatus est, *ubi homines fierent boni* : Quum adolescens respondisset, se id nescire : *a* Me igitur, *equere, inquit, ut hoc discas.* Ex eo Xenophon cœpit esse Socratis auditor. Absurdum est scire ubi parare queas honestam vestem aut poculum, & ignorare unde tibi comparare possis animi cultum.

68. QUONDAM pro foribus deambulanti contentius usque ad vesperam, quum prætereuntium quispian dixisset. Quid agis Socrates ? *b* *Obsonium, inquit, mihi comparo in cœnam* : de fame sentiens, quam agitatione corporis excitabat. M. Tullius sic explicat : *c* *Quo melius cœnem, obsono ambulando famem.*

69. AJEBAT unguenta relinquenda scæminis, in juvenibus nullum unguentum melius olere quam oleum, quo inter exercendum utebantur. Nam amaracino, aut foliato, protinus idem olent servus & ingenuus. Rogatus quid senes olere deceat, *probitatem, inquit.* Rogatus, ubi hoc unguentum venderetur, recitavit Theognidis carmen :

Εὖ λῶν ἤ γ' ἂν π' ἐὼ λὰ διδάξῃς.

Id est :

Qui bonus est, ab eo bona discito.

Hujus generis quædam congerit Xenophon in Convivio.

70. QUUM

a *Cultus animi.* *b* *Frugalitas.* *c* *Tuse. quæst. lib. 5.*

70. Q U U M dives quidam filium adolescentulum ad Socratem misisset, ut indolem illius inspiceret, ac paedagogus diceret, Pater ad te, ô Socrates, misit filium, ut eum videres. Tum Socrates ad puerum : *a Loquere igitur, inquit, adolescens, ut te videam* : significans ingenium hominis non tam in vultu relucere, quam in oratione, quod hoc sit certissimum minimeque mendax animi speculum.

71. D I C E B A T muliebrem sexum non minus esse docilem & ad disciplinas, *b* & ad omnem virtutem, etiam fortitudinem, quæ tanquam viris propria, Græcis à viro dicitur *ἀνδρεία*, si diligenter instituat. Id collegit ex puella saltatrix, quæ inducta in convivium mira arte trochos duodecim in altum projectos excipiebat, ita temperato altitudinis spatio, numerisque pedum, ut nunquam falleret:eadem inter acutissimos gladios, non sine horrore spectantium, impavida saltaret.

72. Q U U M iret ab Agathone vocatus ad convivium soleatus & unctus, idque præter morem, & ab amico quodam obvio rogaretur, cur esset solito nitidior, ludens dixit : *Ut pulcher eam ad pulchrum*, cum nullus esset ab huiusmodi affectibus alienior.

73. E o die quo bibiturus esset venenum, quum detractis compedibus ex frictu sensisset voluptatem, dicebat amicis : *c Quam mire hoc natura comparatum est, ut hæ duæ res sese invicem comitentur, voluptas ac dolor : nisi enim præcessisset molestia, non sentirem hanc voluptatem.*

74. C A R C E R I S ministrum porrigentem in poculo cicutam, interrogavit : *d Quomodo sumendum esset hoc pharmacum, quod ejus artis esset peritus* : alludens ad ægrotos qui à medicis discunt quando & quomodo oporteat sumere quod ab illis temperatum est, quumque puer respondisset, semel totum hauriendum si posset, deinde tantisper inambulandum donec sentiret gravedinem in crutibus, post in lecto decumbendum supino corpore, ibi pharmacum effecturum quod solet. Socrates rogavit, liceret ne inde aliquid libare, quod in con-

a Oratio speculum animi. b Fœmineus sexus ad omnia docilis. c Voluptas doloris comes. d Hilaritas in re tristi.

vivis mos sit, effusa vini portiuncula, nominatim alicui Deo libare: minister respondit, se tantum miscuisse quantum opus esset: hoc sermone innuens, nihil esse quod effunderetur. Tum Socrates, sed & fas est & oportet orare Deos, ut felix faustaque sit hac mea migratio.

75. QUUM puer illum detexisset, quod illi jam frigerent præcordia: *a Debemus, inquit, ô Crito gallum Esculapio, quem persolvere neglexeris: perinde quasi sumpta potione medica convaluisset. Nam Crito hoc summis viribus egerat, ut Socrates vitæ suæ consulere. Adeo inerat illi viro nativa quædam vis urbanitatis, ut moriens etiam jocaretur. Nam hanc ferunt illi fuisse supremam vocem.*

76. DOCT: *b* animorum formam magis amandam quam corporum, eamque voluptatem quam in nobis gignit inspecta formosa facies, ad longe pulchriorem, sed latentem animi speciem esse transferendam. Verum ut hanc videamus, philosophicis oculis opus esse. Notabat φιλεῖν Græcam vocem ancipitem esse ad osculandum & amandum, quorum prius est corpus amantium, alterum mentem.

77. CRITONI vehementi studio suadenti, ut si vitam ipse suam negligeret, certe liberis etiamnum parvulis, & amicis ab ipso pendentibus se servaret incolumem: *c Liberi, inquit, Deo qui mihi eos dedit, curæ erunt: amicos hinc discedens inveniam vobis aut similes, aut etiam meliores: ne vestra quidem consuetudine diu cariturus, quandoquidem vos brevi eodem estis commigraturi.*

78. EOS: *d* Qui corpus tantum amarent, similes esse ajebat medicis, qui semper egerent, semper instarent aliquid flagitantes: rursus qui amici essent potius quam amatores, similes esse his qui proprium fundum possiderent, quem semper student reddere meliorem. Amator suam quærit explere voluptatem, amicus haudquaquam ad se spectans, hoc se putat ditiozem, quo meliorem reddiderit amicum.

79. IN convivio apud Xenophontem singulis dicere jussis,

a Hilaritas in morte. b Amor castus. c Mors sancta. d Amor castus.

jussis, quo artificio quoque bono sibi præcipue placerent : quum ordo venisset ad Socratem , joco dixit : *a* *Se maxime gloriari de lenocinio* : Sentiens se tradere veram virtutem, quæ potissimum commendat habentem, quæque tum privatim , tum publice conciliat homini benevolentiam & amorem.

80. **PHYSIOGNOMON** qui se profitebatur ex habitu corporis , *b* & oris lineamentis posse hominis ingenium certo deprehendere, inspecto Socrate pronuntiavit , illum esse hominem bardum ac stupidum , tum mulierosum , ac puerorum amoribus impurum, vinolentum , & intemperantem. Quum amici vehementer indignati minarentur homini , Socrates illos cohibuit , dicens : *Nihil , inquit , mentitus est, omnino talis eram futurus, nisi me Philosophiæ gubernandum tradidissem.*

81. **QUUM** Aristippus Socratis discipulus ex quaestua , quem Socraticorum primus facere instituit , præceptoris misisset viginti minas, remisit ilico Socrates ad illum pecuniam, dicens : *c* *Ipsius genium hoc nequaquam permittere.* Dicebat enim Socrates, *sibi peculiarem esse Dæmonem , à quo prohiberetur arceno signo, si quid tentaret parum honestum.* Genium autem illum opinor fuisse rationem. Atque interim civiliter indicavit Aristippo , sibi non probari , quod Philosophiam doceret mercede, eoque donum ceu sacrilegio partum rejecit.

82. **SOCRATES** è palæstra redeuntem Euthydemum casu factus obuius , *d* duxit ad coenam. Illis autem inter se multa commentantibus , Xanthippe irata surrexit , multaque in maritum dixit convitia : quibus quum ille nihil commoveretur , tandem & mensam subvertit. Quum autem Euthydemus valde perturbatus surgens abire cœpisset , *Quid habes , inquit Socrates , nonne hoc idem accidit domitue , ut gallina subvolans everterit quæ erant in mensa ? Nos tamen ob id non indignabamur.*

83. **QUUM** in Aristophanis comoedia , cui titulus *Nebulæ* , multis & acerbis convitiis proscienderetur , &

G. 7

adstant.

a *Lenocinium.* *b* *Philosophia naturam mutat.* *c* *Remunia contemptus.* *d* *Patientia.*

adstantium quidam diceret, Non hæc iniquo fers animo Socrates? *a Non per Jovem*, inquit, *agre fero si in theatro*, perinde ut in magno convivio, salibus mordeor. Mos hic etiamnum durat apud quosdam Germanos, ut in celebribus conviviis adhibeatur dicax aliquis, qui in convivas jaciat scommata, quibus commoveri vehementer incivile habetur.

84. D I C E R E solitus est: *b Saltatione moventi corpus spaciofa domo opus esse ad exercendum sese: at qui cantu aut oratione sese exercent*, huic vel stanti, vel acumbenti quemvis locum sufficere. Hoc dicto, probabat moderatas exercitationes, præsertim à cibo sumpto, turbulentiores improbabat.

85. S O C R A T I acrius objurganti familiarem quempiam in convivio, Plato dixit, Nonne satius erat hæc illi dixisse seorsum? Cui Socrates: *c Et an non tu quoque rectius fecisses, si hæc mihi seorsum dixisses?* Salsissime taxavit hoc ipsum reprehendendo committentem, quod reprehendebat.

86. S O C R A T E S in convivio videns adolescentem avidius vescientem obsonio, ac subinde panem in jus immergentem: *d O conviva*, inquit, *quis vestrum pane utitur pro obsonio, obsonio pro pane?* Hinc orta inter convivas disputatione, sensit juvenis & erubuit, coepitque moderatius obsonio vesci.

87. R O G A T U S quæ esset præcipua juvenum virtus: *e Ut*, inquit, *ne quid nimium tentent*. Nam calor ætatis vix finit illos servare modum. Huc Terentius spectavit in juvene Pamphilo.

88. L I T E R A S quas vulgus putat repertas juvenæ memoriæ, *f dixit* vehementer officere memoriæ. Olim enim homines si quid audissent dignum cognitu, non libris sed animo inscribebant: hac exercitatione confirmata memoria facile tenebant quicquid volebant: & quod quisque sciebat, habebat in promptu. Post reperto literarum usu, dum libris fidunt, non perinde studuerunt animo insigere quod didicerant. Ita
factum

a Comœdiæ libertas. b Exercitatio moderata. c Salse.

d Delicia. e Modus. f Memoria.

factum est, ut neglecto memoriæ cultu, minus vivida esset rerum cognitio, & pauciora quisque sciret: quandoquidem tantum scimus, quantum memoria tenemus.

89. QUUM jam tempus urgeret moriendi, rogatus à Critone, quo modo sepeliri vellet: a *Multam*, inquit, *O amici, operam frustra consumpsi. Critoni enim nostro nondum persuasi, me hinc a volaturum, neque quicquam mei relicturum. Verumtamen ô Crito, si me assequi poteris, aut sicubi nactus eris, utcumque tibi videtur, sepelito. Sed mihi crede, nemo me vestrum quum hinc excessero consequetur.* Sensit Socrates, animum esse hominem, corpus nihil aliud esse quam animi vel organum vel domicilium. Eoque stulte facere illos, qui solliciti sunt quomodo sepeliantur.

90. IDEM dicere solet: b *Mortem esse similem profundo somno, aut diutina peregrinationi.* Somnus profundior adimit omnem sensum, & animus à corpore digressus, aliquando in suum domicilium rediturus est.

91. IDEM dicere solet: c *Ut omnes omnium hominum calamitates in unum conferrentur, moxque singulis ex eo acervo portiones aque distribuerentur: ita fore, ut suas quisque calamitates recipere malit, quam equam è communi portionem.* Hæc adversus vulgares hominum mores, qui alienæ invident, suam deplorant sortem.

92. DIDICIT fidibus canere jam natu grandior inter pueros, id admirantibus velut absurdum, negavit absurdum esse, quæ quis nesciret ea discere. Nulli enim vitio vertitur, ea sibi parare quibus opus est, si desint: nec hic spectanda est ætas, sed egestas.

93. DICEBAT: *Bene incipere, non esse pusillum, sed juxta pusillum.* Græca sic habent, *ὅν ἀρχαῖον, μικρόν τε καὶ μέγαν, ὡς ἀρχαῖον ὅ*, quod Laërtii interpres ita reddidit: *Bene incipere parvum non esse, sed maximum.* Quanquam aliud exprimunt verba Socratis, sed sensit ni fallor, bene incipere non esse quidem parvum, sed parvi fieri. Aut recte incipere non esse pusillum, sed

a *Anima immortalis.* b *Mors & somnus.* c *Sua cuique sors displicet.*

sed juxta pusillum. Paulatim enim incipiendum, eo quod qui in initio praeproperi sunt serius perveniunt ad finem, ut alludat ad Hesiodum jubentem, ut pusillum pusillo addamus. Dicti argutia est in Graecis vocibus, &que Latine reddi non potest.

94. ADMONEBAT: esse dandam operam Geometria, donec quis possit mensura terram & accipere & tradere. Graeca sic habent, ἕως οὗ δὲ ἐν γεωμετρῇ, μέχρι ἂν περ μέτρου δυνήται γλῶσσαι λαβεῖν τε καὶ παραδόναι. Opinor eum sensisse, imoderatos agros esse parandos, quos & tibi commodum sit à majoribus accipere & heredibus tuis tradere. Nam immodicæ possessiones ut non sine negotio parantur, ita non absque lite perveniunt ad heredes. Dicti argutia est in verbo γεωμετρῇ, quod anceps est ad artem Geometricam, & ad agrorum mensores.

95. CUIDAM moleste ferenti quod negligeretur, quo tempore triginta Tyranni Rempublicam occuparant: Nunquid est, inquit, cujus te paritet? Sentiens non moleste ferendum, si quis contemnatur ab improbis, nec hoc nomine sibi quemquam oportere displicere, sed si quid commisit ob quod merito & sibi & aliis bonis displiceat. Malis enim displicere, laudis est.

96. QUUM in somnis quidam ipsi visus esset dicere.

Ἡραπῆ τετάρτῃ φθίλω ἐξωλόν ἱκνο,

Ad Phthiam venias simul ac lux tertia surget.

Æschini dixit: Tertio die moriar: Versum Homericum pro oraculo interpretans: idque evenit. Phthia erat patria Achillis, & amici conati sunt persuadere Socrati ut in Thessaliam fugeret, quod illic haberet bonos amicos.

97. DICEBAT: Viros oportere civitatis parere legibus, uxores autem maritorum quibuscum vivunt moribus. Norma conjugis vir est, quæ recte vivit, si ille publicis legibus obtemperet.

98. ADMONEBAT: Voluptates non aliter quam Sirenas esse pratercundas ei qui properat ut virtutem veluti patriam

patriam conspiciat. Allusit ad Ulyssēm, qui cera obturatis auribus præternavigavit Sirenas, ut Ithacæ fumum subilientem cerneret.

99. Q U U M audiret recitari Lysidem Platonis: *Deum, inquit, immortalem, quam multa de me mentitur adolescens:* Sive quod ob modestiam non agnosceret laudes quas ipsi tribuebat Plato, sive quod in dialogo multa de Socrate fingeret.

100. ÆSCHINEM qui premebatur inopia solet admonere: *Ut à seipso sumeret mutuum sive usuram, nap' εἰς τὴν δαρείζεσθαι,* & addidit modum: *Sibiipsum subtrahendo cibaria:* Juxta illud, magnum vectigal parcimonia. Expeditissima ratio est augendi census, detrudere sumptibus.

101. INTERROGATUS de Archelao Perdicæ filio, qui tum fortunatissimus habebatur, num eum beatum judicaret: *Nescio, inquit, nunquam cum eo collocutus sum.* Subjicienti, eadem opera de Rege Persarum dubitare potes an sit beatus: *Quid ni, inquit, quum nesciam quam sit doctus, aut quam vir bonus.* Socrates hominis beatitudinem veris animi bonis metiebatur. Refertur à Cicerone libro Tusculanarum quaestionum quinto, ex Gorgia Platonis.

A R I S T I P P U S.

ARBITROR convenire ut discipulum & ætate & authoritate primum præceptori jungamus, quo nemo fuit inter Philosophos vel ingenii dexterioris, & ad omnem vitæ habitum accommodatioris, vel in dictis urbanior aut festivior, tametsi non præstitisse videtur eam morum sanctimoniam, quam in Socrate mirantur omnes.

1. INTER hunc & Diogenem Cynicum nonnulla fuit æmulatio ob diversum vitæ institutum, Diogenes Aristippum appellabat canem regium, quod Dionysium Siciliæ Tyrannum coleret. In quem vicissim Aristippus: *a Si Diogenes sciret uti Regibus, non vesceretur crudis holeribus.* Contra Diogenes, Si Aristippus didi-

a Libertas.

didicisset esse contentus crudis holeribus, non esset canis regius.

2. **Q U U M** aliquando perdicem quinquaginta drachmis iussisset emi, cuidam detestanti luxum in Philosopho, *Et tu*, inquit Aristippus: *a Si Obolo venalis esset, non emeresset?* Quum is respondisset, se empturum, *Et mihi*, inquit, *tanti sunt quinquaginta drachmae.* Quod ille luxus nomine damnabat, hic detorsit ad laudem contemptæ pecuniæ. Siquidem qui precii magnitudine deterretur ab emendo, is non contemnit cibum, sed pluri facit pecuniam. At Philosopho nihilo pluri æstimantur quinquaginta drachmæ, quam illi obolus. Aristippus itaque obsonii cupiditate par, superior erat despectu nummorum.

3. **Q U U M** Dionysius illi tres venustas meretrices obtulisset admonens, ut ex his quam vellet eligeret, omnes apprehendit, dicens: *b Ne Paridi quidem fuisse tutum, unam ceteris prætulisse:* ac puellas deduxit ad aulae vestibulum, dimisitque, non minus in contemnendo facilis, quam in amplectendo.

4. **S T R A T O**, sive ut alii tradunt, Plato dixit Aristippo, *Tibi uni & chlamydem & pannum ferre datum est.* Chlamys vestis est Sattaparum, pannus mendicorum. Id notavit Horatius quum ait:

Oranis Aristippum decuit color.

Apud Dionysium saltavit in purpura, interdum vili palio utebatur, semper tamen decori memor.

5. **C O N S P U T U S** à Dionysio, æquo animo tulit: ob eam contumeliam indignantibus, *Piscatores*, inquit, *ut gobionem capiant, aqua marina se patiuntur aspergi, ego ut balneam capiam, non patiar me aspergi saliva?* Balenæ vocabulo Regem signans, quem sua patientia conabatur ad Philosophiæ studium allicere. Plurimum autem utilitatis ex Principum sapientia nascitur.

6. **R O G A T U S** quid fructus cepisset ex Philosophiæ studio: *c Quod cum quibuslibet*, inquit, *libere loqui possim.* Nec enim metuebat potentes, nec fastidiebat humiles. Quoniam animum habebat spe pariter ac metu

a Argute. b Lepidi. c Libertas.

metu liberum, nemini serviebat, neque cuiquam assentabatur præter animi sententiam.

7. Q U U M quidam illi probro darent, quod splendide exquisiteque viveret Philosophus: *a* *Id*, inquit, *si vitium esset, in celebritatibus Deorum nequaquam fieret.* In his enim & magnifice vestiri, & lautissimo ciborum apparatu solent uti: porro quum Dii sint insensivi vitiiis, non placarentur, sed irritarentur hujusmodi magnificentia, si ea cum vitio esset conjuncta. Sic ille quidem elusit convitium, non ostendit quid esset optimum.

8. P E R C O N T A N T I Dionysio, quid eximium haberent Philosophi præ cæteris hominibus: *b* *Ut*, inquit, *etiam si omnes leges aboleantur, tamen æquabiliter victuri simus.* Vulgus legum præscriptis arcetur à peccando, Philosophus rationem habet pro legibus, non ideo quod rectum est faciens quia lex jussit, nec à scelere temperans quia lex vetuit: sed quia novit illud per se rectum esse, hoc per se turpe.

9. U T E R Q U E Dionysium coluit Aristippus & Plato, *c* sed Aristippus à deliciis aulicis quum adessent non abstinebat, Plato etiam inter regalem luxum frugalitatem servare nitebatur. Itaque cum Plato reprehenderet Aristippum, quod adeo lauticiis indulgeret: rogavit quid sentiret de Dionysio, num vir bonus videretur: quum respondisset, videri bonum: *d* *Atqui ille*, inquit, *me multo vivit lautius.* Proinde nihil vetat eundem & laute vivere & bene vivere.

10. P E R C O N T A N T I Dionysio qui fieret, ut Philosophi divitum limina tererent, non contra: *e* *Quoniam*, inquit, *Philosophi norunt quibus egeant, illi nesciunt.* Philosophi sciunt absque pecunia vivi non posse, itaque petunt eos qui quod opus est dare possunt. Quod si divites æque intelligerent se egere sapientia, multo magis tererent Philosophorum limina. Miserior enim est egestas animi quam corporis: atque hoc miserius egeni sunt divites quod non intelligant, quam preciosa quamque necessaria re careant.

I I. R O-

a *Argute.* *b* *Philosophia fructus.* *c* *Lepide.* *d* *Lepide.*

e *Philosophia necessaria.*

11. **ROGATUS** quo differrent docti ab indoctis :
a Quo, inquit, *equi domiti ab indorniti*. Quemadmo-
 dum equus indornitus ad omnem usum incommodus
 est ob incitiam ac ferociam : ita qui rapitur affectibus
 quos sola domat Philosophia, ad omnem vitæ consue-
 tudinem inutilis est.

12. **QUUM** aliquando adiret scortum, sensit quen-
 dam ex adolescentulis qui aderant erubescere, quasi tur-
 pe esset Philosophum ingredi fornicem : ad hunc versus :
b Huc, inquit, *ingredi turpe non est adolescens, sed egredi*
non posse turpe. Sensit ignoscendum si quis moderate
 utatur Venere, non ignoscendum si quis addictus vo-
 luptati serviat. Hoc dictum illo seculo probari poterat,
 quo nulla lex vetabat cum scorto congredi, nunc præter
 argutiam nihil habet laudabile.

13. **CUIDAM** qui proposuerat ænigma, vehemen-
 ter instanti ut solveret : *c Quid o stolide*, inquit, *vis sol-*
vam, quod nobis etiam ligatum exhibet negotium ? Lûsit ex
 ambiguo. Solvitur enim quæstio, & solvitur homo aut
 belua vineta. Stultum autem sit, furiosum hominem
 aut noxiam bestiam solvere, magis nocituram.

14. **DICEBAT** : *d Satiuse esse fieri mendicum quam*
indoctum, quod ille tantum pecunius egeat, hic humani-
tate. Nihilominus homo est, cui deest pecunia : at
 homo non est, cui deest eruditio. Et tamen cui deest
 pecunia, petit ab obviis : cui deest sapientia, nullum
 sollicitat ut accipiat.

15. **QUUM** à quodam convitiis incessetur, ta-
 citus abiit. At quum maledicus insequeretur abeun-
 tem dicens, cur fugis ? *e Quoniam*, inquit, *tibi qui-*
dem potestas est male loquendi, mihi vero non audiendi. Sal-
 tissime notavit hominis imprudentiam, qui quum sibi
 jus sumeret male loquendi, non saltem hoc juris con-
 cederet alteri, ut subduceret sese, desineretque male
 audire : nam vox hæc, cur fugis ? erat velut expostu-
 lantis de injuria.

16. **QUIDAM** multa destomachatus in Philoso-
 phos,

a Philosophia fructus. b Venus moderata. c Lepide.

d Eruditio utilis. e Maledico cedendum.

phos, etiam hoc adjecit, quod conspiceret illos semper obsidere fores divitum: cui Aristippus: *a Et medici*, inquit, *agrotantium domos frequentant, nemo tamen agrotus esse mallet, quod medicus.* Scite retorlit in diversum convitium. Philosophi prædicant felicitatem, quam uni sapienti vindicant, & tamen assidue versantur apud divites aliquid venantes ab illis, unde colligebat divites esse beatiores quam Philosophos. Sed ille interpretatus est Philosophos ideo potissimum colere divites, quod ob luxum ac delicias cæteris mortalibus & stultiores & corruptiores, magis egerent præceptis sapientiæ: Philosophus autem animorum male habentium medicus est. Porro beatius est esse medicum quam agrotum.

17. Q U U M aliquando Corinthum navigasset, & orta tempestas naufragium minaretur, expalluit Aristippus: *b* Id animadvertens è vectoribus crassus quispiam militaris ac Philosophorum osor, sedata tempestate cœpit insultare: Quum inquires vos Philosophi qui prædicatis mortem non esse formidandam expallescitis in discrimine, nos indocti non timemus? *Quoniam*, inquit Aristippus, *non de pari anima tibi mihiq; cura ac metus est.* A. Gellius hoc addit, Ego timeo animæ Aristippi, tu non times animæ nebulonis: quod tamen amarulentius dictum est, quam ut Aristippo conveniat, cujus urbanitas non tantum habet nigri talis. Rebus vilissimis minime timemus, unde proverbium, Hydria in foribus. Hinc lusit Aristippus, illum non expalluisse, non quod esset fortior, sed quod quum esset homo nihili, haberetque animum omni virtute vacuum, minimum erat detrimenti si perisset. Vir eruditus ac sapientia præditus non perit nisi gravi Reipublicæ dispendio.

18. C U I D A M jactanti se quod esset *πολυμαθής*, hoc est, multiplicis eruditionis, quasi nihil non didicisset: *c* *Quemadmodum*, inquit, *non hi qui plurimum edunt excernuntque, melius valent his qui sumunt quantum opis est, ita non qui plurima, sed qui utilia legerunt, studiosi & eruditi sunt habendi.* Graviter taxavit eos qui tumultuaria immo-

a Philosophia medicina animorum. b Mortis metus.

c Varia lectio.

immodicaque lectione semet ingurgitant, nec ea quæ legunt trajiciunt in animum, sed tantum reponunt in memoria, quare nec doctiores evadunt, nec meliores.

19. ORATOR quidam Aristippum reum defendit in judicio, vicitque litem. Is cum velut artem suam præferens Philosophiæ, diceret: Quid tibi profuit Socrates Aristippe: *a Hoc*, inquit, *quod oratio quam pro me dixisti, vera fuit.* Defenderat ut virum bonum & innocentem. Ut autem talis esset, qualis ab oratore prædicabatur, Socrates præstiterat, à quo Philosophiam didicit. Orator non hoc efficit ut quis sit vir bonus, sed ut talis videatur iudicibus, etiam si non sit. Præstantius igitur est quod præstat Philosophus, quam quod orator.

20. ARETAM filiam salubribus præceptis instituebat *b* consuefaciens ut ubique quod immodicum esset, contemneret, quod mediocritas in omni re sit optima, & in foemina maximæ virtutis sit temperare cupiditatibus.

21. CUIDAM percunctanti, qua re esset melior evasurus filius, si cum curaret litteris erudiendum, *c Ut nihil aliud*, inquit, *certe in theatro non seledit lapis super lapidem.* Amphitheatra gradus habebant marmoreos, in quibus sedens populus spectabat. Lapidem autem vulgo dicebant hominem indoctum & elinguem.

22. QUIDAM cum Aristippo ajebat ut filium suum susciperet erudiendum: *d Sed cum Philosophus pro mercede peteret quingentas drachmas, alter deterritus magnitudine pretii.* Minoris, inquit emerem mancipium. *At heic*, inquit, *habebis duo.* Sensit eadem pecunia illum sibi paraturum, & Philosophum utilem, & filium obsequentem. Lepide taxavit vulgi iudicium qui nusquam parcior est quam in recte instituentis liberis, plusque sumptus impendit curandis equis quam filiis.

23. REPREENSUS quod pecunias acciperet ab amicis, ait: *e Se non ideo accipere ut uteretur ipse, sed*
ut

a Philosophia oratoria præstantior. b Modus. c Eruditio utilis. d Institutio recta. e Divitiarum usus.

ut illi discerent ad quai res urendum sit pecuniis. Vulgus enim divitum, aut in equos aut in operosas structuras, aut in luxum perdit pecuniam, cum ea bonis viris si egeant sit eroganda. Quin & aliter intelligas licebit. Aristippus non nisi ad vitæ necessaria pecuniis utebatur, ideoquæ à divitibus accipiebat, ut eis demonstraret bene utendi rationem: id non poterat, nisi illi materiam subministrassent. Veluti qui cupit artem scribendi discere, chartam & calamum porrigit docturo.

24. C U I D A M exprobandi quod in propria causa oratore conductio fuisset usus: *a Nil mirum*, inquit, & cenam apparatus coquum conduco. Alter videri volebat ob hoc oratorem præstantiorem Philosopho, quod ejus operam conducere: ille retorfit in diversum, innuens inferiorem esse qui conducitur. Oratoris enim munus inferius est quam ut Philosopho conveniat.

25. J U S S U S est aliquando è sua Philosophia non nihil dicere, cumquæ detrectantem urgeret Dionysius: *b Ridiculum*, inquit, *siquidem me ut de Philosophia loquar rogas*, & quando oporteat loqui ipse me doces. Sensit hoc ipsum esse Philosophi, scire quando loquendum sit quando tacendum: at qui petit ut audiat aliquid ex Philosophia, declarat se Philosophiam a Philosopho vellet discere: rursus qui cogit ad loquendum, is videtur ipso Philosopho doctior, ut qui melius norit loquendi tempus quam Philosophus ipse. Ob hoc Aristippi responsum indignatus Rex, jussit illum in convivio infimum omnium accumbere, heic Aristippus nihil offensus: *c Hunc*, inquit, *locum ô Rex illustrare vis ac honorificum reddere*: significans non locum reddere hominem viliozem, sed ex dignitate hominis honorem addi loco.

26. Q U E N D A M sibi vehementer placentem de natandi peritia non tulit Aristippus, *Et non te pudet*, inquit, *tam insolenter his de rebus jactare te, quæ Delphinum sunt propria?* Lepidus erat, si dixisset, ranarum. Decet hominem gloriari super his quæ sunt hominis propria. Nihil

a Philosophus oratore præstantior. b Libere. c Locum ornatur bene.

Nihil autem magis convenit homini, quam ratione pollere. Nullus tam peritus natator est, quin hic à Delphinis superetur.

27. **PERCUNCTANTI** qua re differt sapiens ab indocto: *a* Mitte, inquit, ambos nudos ad homines ignotos, & videbis. Significavit sapientem secum in pectore circumferre quo se commendet quibuslibet, Proinde si doctum & indoctum pariter nudos mittas in regionem peregrinam ubi ambo sint æque ignoti, sapiens profereus opes suas protinus & rem & amicos inveniet, nudus alter pro infano ridebitur, & fame periclitabitur.

28. **JACTANTI** cuidam quod multum biberet, nec inebriaretur: *b* Quid, inquit, magni narras, cum idem faciat mulus.

29. **QUIDAM** Aristippo vitio dabat, quod cum meretrice haberet consuetudinem. Hinc Socratica Isagogæ sic contra refutavit: Age dic mihi, num referre putas, utrum quis accipiat domum quam multi inhabitant, aut quam nemo? Cum negasset referre: Quid, inquit, refertne utrum veharis navi qua multos vexerit an qua nullos? Cum negasset & hoc: Quid igitur interest, inquit, utrum consuetudinem habeas, cum muliere qua multis sui fecerit copiam, an qua nulli? Et hoc dictum ut festivum probari potest apud illos, apud quos simplex stuprum non habetur pro crimine.

30. **REPREENSUS** à quodam, quod Socratis discipulus contra Socratis morem pecuniam acciperet: *c* Merito, inquit, hoc facio, nam Socrati plurimi divites amici mittebant triticum & vinum, è quibus pauca in usus necessarios reservans remittebat reliquum. Nimirum habebat ille dispensatores Atheniensium primores, ego vero Eutichydem servum meum empticium. Significabat se nihilo minus continere pecuniam quam Socratem, sed illi fuisse largiores amicos. Hoc colore se possent & hodie quidam excusare, profitentes summum pecuniæ contemptum, cum apud amicos habeant depositam pecuniam, quod olim habebant benignos peni curatores,

a Eruditio utilis. *b* Bibacitas. *c* Provisio necessariorum.

tores, nunc esurituros satis, si nihil sit alicubi repositum numinorum.

31. H A B U I S S E dicitur consuetudinem cum Laide nobili scorto. Quo nomine cum vulgo male audiret, cuidam objicienti quod Philosophus haberetur à Laide: *Immo Lais*, inquit, *habetur à me, non ego à Laide*: significans non esse turpe uti concessa voluptate, sed ei servire deditumque esse, in turpibus habendum.

32. R U R S U M objicienti quod cibus lautioribus uteretur, hac ratione occlusit os: *a Tu*, inquit, *hos cibos triobolo non emerēs?* cumque is qui volebat lautitiarum videri contemptor annuisset: *b Ergo*, inquit, *non tam ego voluptati studio quam tu avaritia*. Siquidem usus erat & ille lautitiis, si gratis aut minimo contigissent. Sic nationes quædam Germanis objiciunt bibacitatem, Anglis edacitatem, cum ipsi nihil sit voracius, si quando gratis datur indulgere gulæ. Avariores igitur illæ sunt, non temperantiores. Huic simillimum quod ante retuli de perdice.

33. D I O N Y S I I quæstor, nomine Simus, natione Phryx, c ostendit Aristippo suas ædes undiquaque splendidas, etiam pavimento pretiosis tessellis constrato: omnibus circumspectis Aristippus sputum oris rejecit in barbam Simi: & ob id indignanti hoc colore se excusavit, quod in tota domo nihil videret ad excipiendum oris recrementum opportunius: innuens, in tota domo nihil esse fœdus aut immundius barbari facie, cum eam hominis partem oportuerit esse mundissimam. Quanquam hoc dictum magis quadrat in Cynicum aliquem quam in Aristippum, utcumque illi adscribitur.

34. D E L E C T A T U S aliquando insigni unguento: *Male sit*, inquit; *malis cinadis*, qui rem tam bellam infamarunt: sentiens multa per se bona rejici culpa utentium male.

35. I N T E R R O G A T U S quo modo Socrates obisset diem, *Ut ego*, inquit, *optarim*: significans talem mortem quavis vita optabiliores, nec potuit brevius

H

feli-

a Lautitia. b Libere. c Splendide.

felicem obitum describere. Dicti tamen argutia in hoc est, quod Philosophus aliud responderit, quam expectabat percunctator. Ille quærebat de genere mortis, morbo perisset, gladio, veneno, an præcipitio: ille putans id nihil referre, respondit, illum feliciter esse mortuum.

36. SOPHISTA Polyenus ingressus ædes Aristippi, cum videret illic mulieres pulchre ornatas, ac magnifice instructum convivium, coepit reprehendere tantum in Philosopho luxum. Aristippus dissimulata objurgatione, aliquanto post: *a Potestne*, inquit, *hodie nobiscum esse?* Cum ille non recusasset: *Quid igitur*, inquit, *incusas?* Videris enim non lautio rem mensam reprehendere, sed impendium. Nam si convivium ob hoc ipsum displicuisset quod esset lautius, recusasset esse conviva. Porro probare quidem apparatus, sed offendi sumptu, non frugalis sed avari hominis esse videtur.

37. VIX credibile est quod de illo refert Bion, cum famulus in itinere gestans pecuniam onere premeretur: *b Abjice*, inquit, *quod nimium est, & fer quod potes.*

38. QUODAM tempore navigans, ut intellexit navim esse piraticam, deprompsit aurum ac numerare coepit, moxque abjecit in mare, & graviter ingemuit, fingens sibi imprudenti & invito excidisse. Hoc ingenio vitæ suæ consuluit, adempta piratis occidendi vinciendive materia. Sunt qui narrent illum & hæc dixisse: *c Satius est ut hac per Aristippum, quam propter hac pereat Aristippus.*

39. PERCUNCTANTI Dionysio, cur Aristippus venisset in Siciliam relicto Socrate: *d Ut*, inquit, *quæ habeo impartiam, quæ non habeo accipiam.* Sunt qui narrent illum sic respondisse, *Cum egerem sapientia, adii Socratem, nunc quoniam egeo pecunia, ad te veni.*

40. ARISTIPPUS Platoni objurganti quod multos pisces emisset, respondit se illos emissee obolo, cumque Plato dixisset, tanti & ipse empturus eram: *e Vides*, inquit, *igitur ô Plato, me non esse obsoniorum*

avi-

a Argute. b Philosophiæ studium. c Ingeniose. d Libere. e Argute.

avidum, sed te pecunia amantem. Similia quædam ante commemorata sunt.

41. I D E M Æginæ in Neptunalibus consuetudinem habuit cum Phryne: cumque illi quispiam objecisset: quod tantum pecuniæ impenderet mulieri, quæ Diogenem Cynicum gratis admitteret: *a* Ego, inquit, illi multa supposito, ut ipse ea fruatur, non ne quis alius. Traditum est hoc de Phryne, quod cum esset formosissima, quibuscumque tamen sui copiam facere soleat, nullo delectu personarum, seu divites essent, seu pauperes, in neminem fastidiosa. Itaque turbam amatorum habuit. Huc respexit Horatius:

Me libertina, nec uno

Contenta Phryne macerat.

42. A R I S T I P P U M cum Phryne consuetudinem habentem sic objurgavit Diogenes: Cum publica, inquit, muliere tibi res est Aristippe: aut igitur canem agas quemadmodum ego, aut desinās. Hunc inductione sic repulit Aristippus: *b* Num absurdum tibi videtur Diogenes inhabitare domum, in qua prius habitaverunt alii? Cum negasset ille: Quid, inquit, num vehi navi, qua multos antea vexerit? Cum hoc quoque negasset absurdum esse: Cur igitur, inquit, absurdum putas congregari cum muliere, qua plures sunt usi? Hoc antecommemoratum est, nisi quod Athenæus hunc in modum retulit.

43. C U M prædium amoenissimum perdidisset, cui-dam deploranti tam miserabilem illius casum: *c* Quid, inquit, an nescis tibi unicum esse prædiolum, mihi vero tres agros superesse? Cum annuisset alter: Quin igitur tuam potius vicem deploramus? Sentiens insipientis esse, dolere amissis potius quam gaudere relictis.

44. C U I D A M interroganti, num tu es ubique? ridens: *d* Naulum, inquit, non perdo, si sum ubique. Elusit Aristippus Sophisticam quæstionem, an idem corpus possit esse diversis locis, dum respondit non esse periculum, ne perdat naulum. Perdit enim naulum,

H 2

qui

a Candide. *b* Candide, *Supra apophth. 92.* *c* Relictis gaudendum. *d* Lepide.

qui dato pretio non pervehitur eo quo vult. Potest & sic accipi: Ergo naulum perdidit.

45. CONFUTATUS in disputatione à quodam homine audaci, sed eodem furioso ac stolido, cum illum videret gestientem inflatumque victoria: a Ego quidem, inquit, redargutus ab eo, sed suavius dormiturus te, qui redarguisti.

46. HELICON Cyzienus unus ex Platonis æqualibus Solis defectum prædixerat: qui postea quam accidit quemadmodum ille prædixerat, à Dionysio argenti talento donatus est. Tum Aristippus ad reliquos Philosophos. Et ego rem miram habeo quam pessim prædicere: Orantibus ut proferret: Prædico, inquit, brevi inter Platonem ac Dionysium futuram similitudinem. Senserat enim Regem animum suum jam dudum dissimulare.

47. ILLUD cum primis damnavat b in hominum moribus, quod in auctonibus vasa diligenter inspicerent prius quam emerent, vitam eorum non inspicerent quos sibi in amicitiam adjungerent. At major utilitas est à fidis amicis quam à vasis, & plus damni est nisi deligas.

48. CUM Dionysius in convivio jussisset, ut singuli in veste purpurea saltarent: purpura vero tum Regum erat gestamen, nunc tutoribus etiam communis: id Plato facere recusavit his trimetris è fabula quapiam.

Οὐκ ἂν δουαίμην θῆλιν ἐδύωαι πολλῶ,

Ἀρρῶ περικῶς, καὶ χύς ἐξ ἄρρεν.

Id est:

Muliebri ego haudquaquam indui queam stola.

Vir natus ipse, & ex virili germine.

Aristippus vero non recusavit, sed indutus purpura saltaturus, hos versus recitavit ex tempore.

c Καὶ γὰρ ἐν βακχόμασιν

Οὐκ ἔστι σώφρων ἔσθ' ἀφροδισίται.

Id est:

Nam in Liberi patris sacris

Mens quæ pudica est, nesciet corrumpier.

49. CUM aliquando Dionysium interpellaret pro amico,

a Moderate. b Amicus deligendus. c Comiter.

amico, nec ille preces admitteret; prostratus cœpit amplecti pedes Regis, & impetravit. Id factum cum quidam velut abjectius quam ut Philosophum deceret reprehenderent: *a Non ego, inquit, sum in culpa, sed Dionysius, qui aures habet in pedibus.* Ingenium juxta promptum & ad faciendum & ad excusandum quidlibet.

50. I N Aſia comprehenſus eſt ab Artapherne ſatrapa. Id temporis cum quidam eum interrogaret, num & illic haberet ſolitam animi fiduciam: *b Inepte, inquit, quaſi unquam fuerim ſidentiori animo quam nunc, alloquuntur Artaphernem.* Nimirum hoc illi præſtabat Philoſophia, ne quem hominem metueret, ſed cum omnibus libere ageret.

51. E O S qui liberalibus imbuti diſciplinis, *c* Philoſophiam negligerent, dicebat eſſe ſimiles procis Penelopes, quod hi cum Melanthe & Polydora ancillis rem habuerint, & omnia potius ſe habituros ſperaverint quam Dominae nuptias. Senſit liberales diſciplinæ eſſe velut pediſſequas Philoſophiæ moraliſ, quæ cum primis ſit adhibenda, & cuius gratia reliqua diſcuntur omnia. Simile quiddam dixiſſe fertur & Ariſto de Ulyſſe, qui cum deſendiſſet ad inferos, ait illum cum omnibus fere manibus fuiſſe colloquutum, cum ipſam Reginam ne videre quidem potuerit.

52. P E R C U N C T A N T I. quæ potiffimum adoleſcentibus eſſent diſcenda: *d Quæ viris, inquit, uſu futura ſunt.* Hoc dictum & aliis adſcribitur. Optima ſtatim diſcenda ſunt, nec rudis ætas, quæ maxime docilis eſt, ſupervacaneis eſt occupanda.

53. P O S T E A quam Ariſtippus magnam pecuniarum vim ſibi comparafſet, & admiratus Socrates diceret. Unde tibi tam multa? *e Unde, inquit, tibi tam pauca?* Non enim minus admirandum arbitrabatur, quod Socrates tantus Philoſophus, & qui tantos haberet amicos, pauper eſſet, quam quod ipſe dives.

54. S C O R T O cuidam dicenti. Sum ex te gravisda Ariſtippe: *f Iſthuc, inquit, nihilo magis ſcire poſſis,*

H 3

quam

a Preces abjectæ. b Animus metu liber. c Philoſophia regina. d Optima primum. e Philoſophus dives. f Lepide.

quam per densissimas spinas ambulans dicere. Hæc me spina pupugit.

55. INCUSANTE quodam quod filium sic abjiceret, negligeretque, quasi ex ipso natus non esset : *a* An non, inquit, & pituitam & pediculos è nobis natos velut inutiles procul à nobis abjicimus ? Sensit eos non habendos pro filiis, qui nihil haberent alioqui quo se parentum affectui commendent, nisi quod ab ipsis progeneriti sint. Ita senex in comoedia. Tantisper te volo meum, dum id quod te dignum est facis.

56. CUM Aristippus à Dionysio pecunia donatus esset, Plato libris : atque ob id à quodam carperetur, quasi ad rem attentior esset quam Plato : *b* Quid, refert, inquit, mihi pecuniæ erat opus, Platoni libris : sentiens neutrum accusandum.

57. INTERROGATUS quam ob causam sic ipsum argueret Dionysius : *c* Ob eandem, inquit, ob quam ceteri : significans Philosophi libertatem omnibus esse molestant, non igitur mirandum si Regi : simul illud innuens Regis judicium nihil à vulgari differre, quod fortuna non addat sapientiam.

58. QUONDA M petiit talentum à Dionysio, cumque Rex redarguendi nactus occasionem, diceret. Nonne tu prædicabas, Philosophum non egere ? *d* Da, inquit, & postea de hoc disputabimus. Cum accepisset pecuniam. An non, inquit, recte dixi, Philosophum non egere ? Non eget qui cum opus est habet unde accipiat.

59. DIONYSIO recitanti versiculum ex Sophoclis tragœdia.

Περὶ θεῶν τὴν τιμὴν ὅς τις ἐμπορεύεται,
Κεῖν ὅτι δ' ἄλλ' αὖ ἐλβ' δεῖρος μολῇ.

Id est :

Quisquis tyranni ad tecta sese contulit,
Fit servus illi, liber etsi venerit.

Aristippus correcto posteriore versiculo respondit :

Οὐκ ἔστι δ' ἄλλ' αὖ ἐλβ' δεῖρος μολῇ.

Id

a Liberi degeneres. *b* Avaritia non pecunia tantum est.

c Veritas odiosa. *d* Philosophus nullius eget.

Id est:

Haud servus est, si liber illuc venerit.

Significans non esse vere liberum, a nisi cujus animum spe metuque liberavit Philosophia. Neque enim vere liber est, quisquis ingenuus natus est. Quidam hoc dictum adscribunt Platoni.

60. CUM inter Aristippum & Æschinem incidisset similtas, quidam autem diceret: Ubi nunc illa vestra amicitia? *Dormit*, inquit, *sed eam excitabo*? Itaque similtatem Aristippus commodo liberaque appellatione facile sustulit. Ne silentio malum, ut solet, in crudefceret, ultro adiit Æschinem: *b Non*, inquit, *quamprimum redibimus in gratiam, ac nugari desinemus? an potius expectabimus, ut scurris inter pocula de nobis loquendi materiam praebeamus?* Cui cum Æschines respondisset, se lubenti animo rediturum in gratiam. Memento igitur, inquit Aristippus, *quod cum essem natu major, prior ad te venerim.* Tum Æschines. Næ tu profecto vir me longe melior es. Siquidem à me similtatis, abs te sarcientiæ gratiæ fuit initium. Hoc pacto redintegrata est inter illos amicitia.

61. QUODAM tempore cum civibus aliquot suis navigans naufragio ejectus est, cum in litore vidisset figuras Mathematicas in arena depictas: *c Salva*, inquit, *res est amici, hominum vestigia conspicio:* & ingressus civitatem proximam, investigavit quinam essent illic disciplinarum studiosi: cum his ubi congressus est, summa cum humanitate tractarunt non ipsum modo, verum & comites illius, atque etiam viaticum ad reditum subministrarunt. Tandem cum hi qui cum Aristippo venerant, pararent reditum in patriam, rogarentque illum ecquid vellet suis civibus renuntiari: *d Ut*, inquit, *studeant sibi hujusmodi parare opes, quæ naufragio non pereunt, sed simul cum possidente enatant.* Refert idem Vitruvius de Architectura libro sexto, addens Aristippum tunc venisse Rhodum.

62. CUM Socrates taxaret unguentis delibutos, &

H 4

Cha-

a *Libertas vera.* b *Reconciliatio.* c *Vera bona animi.*

d *Vera bona animi.*

Charondas, sive ut aliis placet, Phædon, percunctaretur, quis esset ille unguentis delibutus. Ego, inquit, infelix, & me infelicior Persarum Rex. *a* *At vide*, inquit, *ut quemadmodum hac parte nullo ceterorum animalium est superior, ita nec hominum ullo præstantior.* Sensit externis bonis hominem nihilo fieri meliorem: & equus sanfucino oblitus idem oleret quod Rex, & mendicus unguento simili delibutus, non minus bene olet quam Summus Pontifex.

DIOGENES CYNICUS.

NON inconcinnus, ut arbitror, ordo videbitur, si post facetam Socratis sanctimoniam, post hilarem Aristippi libertatem, Diogenem Sinopensem commemoremus, qui dictorum omnijugi gratia longe superavit ceteros: quanquam omnes hos tres diversis quidem virtutibus, ex æquo tamen suspiciendos judico, ut licet dissimillimi fuerint, æquales tamen fuisse dicas.

1. PRIMUM Athenas profectus ad Antisthenem se contulit, à quo sæpe repulsus (nullum enim Discipulum recipiebat Antisthenes) non destitit tamen hære: adeo ut cum aliquando baculum intentaret Antisthenes, ultro baculo caput subjecerit, dicens: *b* *Cade si vis, at nullum invenies baculum tam durum, quo me abs te abigas, dum aliquid dixeris.* Insigne exemplum adamatæ sapientiæ.

2. CUM murem forte conspiceret in Megarico discurrentem, qui neque cavum quæreret, neque turbis terreretur, neque cibum appeteret: *c* *Bellum*, inquit, *libertatis exemplum*: moxque contemptis omnibus cœpit in dolio habitare.

3. DEMIRANTIBUS *d* quod nullas haberet ædiculas ubi cibum capere posset, ostendit Jovis porticum, aitque, Athenienses ipsi magnificam extruxisse aulam ubi vesceretur. Quod publicum erat, sibi quoque paratum interpretabatur. Neque potuit optare censationem splendidior.

4. Eu-

a Libere. *b* Studium sapientiæ. *c* Libertas. *d* Facete.

4. EUCLIDIS scholam quod arguta quidem, sed ad recte vivendum inutilia docere videretur, *χολὴ*, *a* id est, bilem ac molestiam appellabat, cum schola Græcis sonet otium & Platonis *ἀγρευτήριον*, id est, exercitationem, *καταπεινή*, id est, contritionem voce depravata vocabat, quod à communi vita semotus disputationibus infensceret, cum Diogenes in publico vivens mallet philosophice vivere quam disputare.

5. DIONYSIACA certamina quæ Athenis in honorem *b* Bacchi magnis impendiis pompaque celebrabantur, appellabat magna stultorum miracula, quod in his nihil non ridiculum ageretur.

6. ORATORES *c* qui summo in pretio habebantur Athenis dicebat turba ministris, quod ad gratiam loqui cogerentur, ac serviliter adulari stolidæ multitudini. Coronas autem dicebat esse gloriæ postulas, *ἐξαρτήματα*, qualia nonnullis progerminant in naso vultuque ex bile.

7. QUOTIES *d* considerabat in hominum vita civitatum gubernatores, medicos aut Philosophos, dicebat nullum enim homine sapientius. Idem contemplans somniorum interpretes, conjectores, divinos, & hujus generis cæteros, aut qui gloriæ divitiisque servirent, aiebat sibi nihil homine videri stultius: indicans hominis ingenium ad res optimas accommodum si exerceatur: sin ad vitia degeneret, longe esse infra mutas pecudes.

8. DICERE solitus est. *e* sæpius in vita parandum λόγον ἢ βέλος, id est, sermonem quam laqueum. Qui desponderunt animum, ad laqueum confugiunt, cum ad consolatorium sermonem potius sit confugiendum. Nam animo ægrotanti medicus est oratio. Nec absurdum fuerit sensus, si λόγον accipias pro ratione.

9. CUM in opiparo convivio videret Platonem nihil attingentem lautitiarum, sed oleis dumtaxat vescientem: *f* Quid accidit, inquit, vir sapientissime,

H 5

118

a Artes supervacaneæ. *b* Pompa ineptæ. *c* Oratores. *d* Homo animal stultissimum. *e* Ratio. *f* Philosophus aulicus.

ut cum ob huiusmodi mensas in Siciliam profectus sis, heic à paratus abstineas? Ad hæc Plato, At Hercle, Diogenes, & in Sicilia huiusmodi fere cibo contentus eram, Quid igitur, inquit Diogenes, necesse erat Syracusas navigare? An tum Attica non ferebat oleas? Hoc dictum quidam adscribunt Aristippo.

10. D I O G E N E S aliquando Platoni occurrit caricæ edens, eique offerens dixit: *a* Licet participem esse: cum acceptas edisset, Participem esse dixi, inquit, non devorare, μεταχεῖν εἶπον, ἔ κατὰπαχύν. Hic jocus ad rem seriā potest accommodari, videlicet in eos, qui Principis, præceptoris, aut parentum permissu abutuntur ad inconcessa. Veluti si quis admonitus, non esse inutile degustare Dialecticā totā vitā ei impendat studio. Dictum ita refertur à Laërtio ut dubites uter alteri obtulerit caricæ.

11. P L A T O frugalis quidem erat, sed tamen amans munditiæ? contra, Diogenes sordidus. Itaque calcans Platonis culcitram præsentibus aliquot Dionysii amicis, quos Plato invitarat ad convivium, dixit: *b* Calco Platonis ambitionem. Mox Plato, At quanta superbia tumes ipse Diogenes, dum alienam superbiam te calcare putas? Hoc ipsum ab aliis narratur lepidius: Diogeni dicenti, Calco fastum Platonis: Calcas, inquit Plato, sed alio fastu. Nam hoc ipsum fastus erat, quod jactabat munditiæ contemptum: & qui sordidis gloriantur, non minus ambitiosi sunt quam qui splendide vestiuntur, sed aliter. Turpior est autem ambitio ex fūco virtutis laudem captans. Sotion tamen hoc non ascribit Diogeni, sed Platoni Cynico.

12. D I O G E N E S à Platone petierat vini paullulum, tunc & caricæ. Plato misit lagenam: Cui Cynicus hunc in modum gratias egit: *c* Cum interrogaris quot sint duo & duo, respondes viginti: ita nec secundum ea quæ rogaris das, nec ad ea quæ interrogaris respondes. Notavit Platonem ut immodice loquacem, quod idem in illius scriptis notavit Aristoteles.

13. P E R-

a Concessis abuti. *b* Gloria testis. *c* Liberalitas nimia.

13. **PERCUNCTANTI** in qua parte Græciæ vidisset bonos viros : *a* *Viros, ait, nusquam, sed Lacedæmone vidi pueros.* Notans totius Græciæ corruptissimos mores, adeo ut apud Lacedæmonios, gentem incorruptissimam, tantum in pueris resideret prisca integritas. Simul illud innuit, in reliqua Græcia ne pueros quidem esse bonos : tum & illud, viros esse pueris deteriores, cum ab his oporteat pueros ad probitatem institui.

14. **CUM** aliquando de re seria differens, nullum haberet auscultatorem attendentem, *b* cœpit ineptam cationem canere, veluti saltaturis. Ubi jam plurimi concurrissent, objurgavit illos, quod ad stulta & inepta frequentes & alacres accurrerent, ad seria vero & ad bene vivendum utilia, nec alacriter convenirent, nec diligenter auscultarent. Huic simillimum est, quod Demostheni quidam adscribunt de umbra asini.

15. **REPREHENDEBAT** homines quod iusta, *c* calcitrando, aliisque his similibus semet exercebant ut periti evadant : nullos autem in hoc incumbere, ut probi & honesti evaderent.

16. **A NULO** denique hominum genere linguæ dicacitatem temperabat. Grammaticos ajebat se demirari, qui tanto studio mala Ulyssis perquirerent, sua ipsorum mala ignorarent. *d* Olim Grammatici potissimum versabantur in Homeri rhapsodiis, at is in Odyssæa commemorat varios Ulyssis errores. Musicos item accusabat, quod in cithara diligenter aptarent chordas ad concentus, mores haberent inconcinnos. Reprehendebat & mathematicos, quod solem, lunam ac stellas intuerentur, non videntes ea quæ essent ante pedes. Oratores carpebat, quod studerent iusta dicere, sed eadem facere negligerent. Avaros objurgabat, quod pecuniam verbis vituperarent, cum eam animo plurimi facerent. Est enim hoc avaris peculiare, quod nulli magis detestantur avaritiam quam ipsi.

17. **TAXABAT** hominum vulgus, quod bonos viros hoc nomine laudarent, quia pecunias contemne-

H 6

rent,

a Pauci boni. *b* περιτίζεν. *c* Ridicula præferuntur salutaribus. *d* Cura præpostera. *e* Præpostera studia.

rent, nec interim imitarentur quod laudibus extollerent vehementer, sed pecuniosos magis sequerentur, quos vituperabant. Destomachabatur in eos qui pro bona valetudine sacrificarent, & in ipso sacro epulis immodicis semet ingurgitantes, facerent bonæ valetudini contraria. Dicebat se mirari servos, qui cum viderent Dominos plus æquo voraces, non illis eriperent cibos. Nam hoc esse Dominorum valetudini consulere, & servis magis convenit edacitas.

18. H A C T E N U S dictum est, quos quibus nominibus, reprehenderit nunc audi quos laudatit: *a* Probabat eos, qui uxores ducturi non ducerent, qui navigaturi non navigarent, qui pueros alturi non alerent, qui ad Rempublicam accessuri non accederent, qui se ad convivendum præpotentibus componerent, nec tamen accederent: significans ab his omnibus abstinendum, eosque prudentes videri qui ad ea sollicitati, tempestive vertissent sententiam, quod semel aggressis non sit integrum mutare consilium, etiam si poeniteat instituti. Qui duxit uxorem, jam sui juris non est: qui se mari commisit, ventorum arbitrio feratur oportet: qui semel accessit ad Rempublicam, scenæ serviat oportet, & ut cupiat, tutum non est ad privatam redire vitam.

19. I L L I tribuitur & hoc ænigma, manus non esse porrigendas amicis complicatis digitis: *b* innuens non satis esse si comes nos præbeamus amicis, sed comitati comitem adjungendam benignitatem. Qui comiter tractant amicos, dicuntur *ἡεῖς ἑσθῆς*, quasi dicas dextrare.

20. C U M captus venderetur in Creta, præconi roganti quid sciret, & quo titulo eum commendaret emptori: *c* Dic, inquit, *te vendere hominem qui sciat imperare liberis.* Quidam Xeniares Corinthius admiratus præconii novitatem, adiit Diogenem percunctans num sciret quod profiteretur: ubi ex sermone hominis comperit esse sapientem ac doctum, mercatus duxit domum: eique suos liberos erudiendos tradidit: quos ille susceptos liberaliter instituit, primumque artes liberales,

mox

a Qua in vita fugienda. *b* Benigniter. *c* Educatio frugalis.

mox docuit equitare, arcum tendere, fundam rotare, jaculari telum. In palestra vero non permittebat, ut pædotriba illos gravioribus laboribus, in morem athletarum exerceret, sed hætenus quantum ad ruborem bonamque corporis valetudinem conduceret. Curavit ut ex Poëtis aliisque scriptoribus optima quæque edicerent, quod ea modo vere scimus quæ memoria tenemus: breviter totius doctrinæ summam illis redegit in compendium, quo & citius perciperent, & fidelius memoria complecterentur. Eodem instituit, domi ministrare parentibus, cibo levi, vilique, & aqua potu contentos esse: cumque cæteri cæsariem alant ad formæ commendationem, ille iussit illos radere comam: & si quando prodeundum esset in publicum, incomptos producebat absque tunicis, incalceatos ac tacitos. Quin & ad venatum illos instituebat, Lacedæmonios imitatus. His rebus factum est, ut à pueris observaretur, perque illos parenti commendaretur. Alii narrant Præconem Diogenis iussu ita prædicasse, *Estne quispiam qui velit emere Dominum?*

21. CUM sederet in auctione, vetitus est sedere ac iussus est stare, ob id opinor, ut facilius inspiceret emptor quid emeret. At Diogenes: *a Quid, inquit, refert quando pisces, quocunque modo jaceant, emuntur*: notans vulgi stultitiam, qui empturi servum cavent ne quod corporis vitium fallant, nec simili cautione explorant mentis habitum. Is autem deprehenditur ex oratione.

22. AJEBAT sibi videri mirum, quod cum ollam aut operculum non emerent homines nisi pulsu ac tinnitu exploratum, in emendo homine solo adspectu essent contenti: significans hominem nulla ex re melius cognosci quam ex oratione. Ut igitur qui vas fictile teruntio parant emere, digito pulsant, atque ex tinnitu reddito dignoscunt, sitne integrum, probæ argillæ, ac bene coctum: ita prius quam minis aliquot emant hominem, oportebat ad dicendum provocare, atque ex oratione deprehendere qualis sit. Eodem pertinet dictum superius: *Piscis mutus est, nec refert quo modo*

H 7

jaceat,

a *Serva prudenti obtemperandum.*

jaceat, cum nihil aliud sit quam piscis: ita non refert quo corporis habitu emas hominem, si silentem emas.

23. XENIADÆ à quo fuerat emptus dicebat: *a Mihi licet servo obtemperes necesse est*, propterea quod qui nauclerum aut medicum habet servum, ei tamen parere cogitur, si velit ex eo capere utilitatem.

24. APUD hunc Xeniadem fertur consenuisse, & à suis Discipulis sepultus esse. Rogatus à Xeniade, quo modo sepeliri vellet: *b In faciem*, inquit: Percunctanti causam: *Quoniam*, inquit, *paullo post futurum est ut inferiora fiant superiora*: huc alludens, quod id temporis Macedones rerum potirentur, atque ex humilibus fierent excelsi: quod si inverterentur omnia, fore ut cadaver etiam ex prono fieret supinum. Fortassis illud sensit, nihil referre quo statu corpus exanime sepeliatur, quia in re magna erat vulgi superstitio, porrectis in portam pedibus efferebantur, stantes cremabantur: & hodie stantes, ut audio sepeliuntur Judæi, certe supini sepeliuntur omnes Christiani.

25. IN foro quondam stans clamabat, *Adeste homines*: veluti concionaturus apud populum, cumque jam frequentes convenissent, nec ille desineret clamare, *Adeste homines*: quidam indignati. En adsumus, dic aliquid. Tum Diogenes baculo illos, abigens, *Homines*, inquit, *adesse jussi, non sterquilinia*. Non putavit hominis cognomen competere in eos qui non viverent juxta rationem, sed brutorum in morem agerentur affectibus.

26. ALEXANDER Magnus cum esset Corinthi, adiit Diogenem pro dolio sedentem, cumque eo multa collocutus est, à quo digressus indignantibus amicis quod Rex illi cani tantum habuisset honoris, qui tanto Principi nec assurgere dignaretur: *c Immo*, inquit, *ni Alexander essem: Diogenes esse vellem*. Adeo demiratus est animum illum liberum, ac rebus humanis omnibus superiorem, ut nihil regno similis esse judicaret. Præcipua Regum felicitas est, quod nulli serviunt,

a Servo prudenti obtemperandum. b Sepultura. c Homines pecudum similes.

viunt, sed quidquid volunt facile efficiunt, tum quod nullius egeant: atqui hoc ipsum homini præstat Philosophia multo verius, quam regnum Monarchis. Quamquam Alexandrum esse, Alexander majus quiddam existimabat quam Regem esse.

27. N E G A B A T illos debiles ac mancos appellandos, qui surdi essent aut cæci, *a* sed qui peram non haberent. Lusit autem affinitate vocum. Nam ἀνάρπῃ Græcis dicitur mancus, aut mutilus, ἀπνεες qui pera caret: innuens opinor hominem ad omnem vitæ functionem inutilem esse qui expers sit Philosophiæ: Pera enim Cynicorum penus erat.

28. I N G R E S S U S aliquando juvenum convivium, capite semitonso, *b* non solum non comiter exceptus est, sed multis plagis onustus dimissus est. Quos ille hac ratione est ultus: Nomina juvenum à quibus fuerat cæsus albo inscripsit, itaque obambulabat soluto pallio: plagarum notæ loquebantur quid esset passus, & album prodebat auctores, hoc pacto juvenes inhumanos omnibus objurgandos ac reprehendendos exposuit.

29. Q U O N I A M Cynicus erat, *c* canis dictus est, & hoc vitæ genus multis laudabatur, nemo tamen imitabatur. Itaque dicere solitus est, se canem esse laudantium, sed laudatorum neminem cum laudato cane audere venatum ire.

30. J A C T A N T E se quopiam ac dicente, Viros supero in Pythiis: *d* Equidem, inquit, viros, tu vero mancipia. Lusit rursus affinitate vocum, quæ est inter ἀνδρῶν & ἀνδρῶν πῆδα. Mancipia autem appellabat quicumque servirent cupiditatibus: has philosophia vincere pulchrius est, quam in Pythiis ludis vincere viros.

31. C U I D A M admonenti, ut jam senex quiesceret à laboribus: *e* Quid, inquit, si in stadio currerem, utrum oporteret jam meta vicinum cursum remittere, an magis intendere? Recte sensit, virtutis studium hoc magis intendendum, quo minus superest vitæ, quod turpe sit tum ab honesto instituto refrigerare.

32. A L I -
a Philosophia. *b* Vindicta civilis. *c* Virtus laudatantum. *d* Servi veri, *e* Honesti studium intendendum.

32. ALIQUANDO vocatus ad coenam, negavit se venturum. Roganti causam, *Quoniam*, inquit, *heri mihi non sunt acta gratia*. Vulgus hominum postulat sibi veluti pro magno beneficio gratias agi, si quem admiserint ad convivium. At Diogenes licet pauper, existimabat sibi deberi gratiam, quod non gravaretur interesse convivio, quia nusquam iret asymbolos, sed lautius Philosophiae sermonibus pasceret convivoris & convivarum animos, quam ille corpus epulis.

33. DEMOSTHENEM adolescentem aliquando in publico diversorio prandentem deprehendit, cum ille conspecto Diogene sese subduceret introrsum, *Tanto magis*, inquit, *in diversorio futurus es*: significans hoc illum magis fore convivarum fabulam, quod non solum ibi versaretur, sed etiam tanquam in re nefaria deprehensus sese subduxisset. Hoc enim memorabilius, quam quod illie potaret. Alii narrant hoc cuidam adolescenti dictum. Is potuit & Demosthenes esse, simplicior autem sensus est, ut accipiamus adolescentulum admonitum, ne intro fugeret, sed foras. Nam quo interius sese abdebat in popinam, hoc magis erat in popina.

34. HOSPITIBUS quibusdam celebrem illum Demosthenem videre cupientibus, porrecto medio digito: *a Hic est*, inquit, *ille Demosthenes Atheniensium orator*. Digitus pollicis proximus index dicitur, quod hunc intendentes solemus aliquid commonstrare. Digitus autem medius apud priscos infamis habebatur ob causam heic non referendam. Porro Demosthenes vulgo male audiebat, quasi parum vir esset. Id significans Diogenes, maluit illum medio quam indice demonstrare.

35. CUI D A M exciderat panis, eumque reliquit, *b* quod puderet recipere. Hunc castigare volens Diogenes injecto fune collo traxit urceum per ceramicum, hoc faciens in poculo, quod ille in pane facere erubescibat.

36. CUM multis videretur immodice Philosophus, respondit, *c* sese imitari chori magistros, qui tonum

a Hic est ille. b Pudor inutilis. c Exemplum insignia.

legitimum excedere solent, ut alii congruum arriperent. Quod enim excedit modum, tametsi vitiosum est, tamen ad excitandam aliorum focordiam conducibile est. Ita pallium ac dolium Diogenis, divitibus suas delicias exprobrabant.

37. DICEBAT plurimos insanire præter digitum. Nam si quis assidue medium digitum intendat vice indicis, *a* vulgo habetur insanus: si quis indicem, sanus videtur. At plurimi sunt homines qui gravius insaniunt in rebus seriis, quam si digitum pro digito porrigant, & tamen hi vulgo non habentur insani. Quemadmodum & hodie parentes in liberis pro gravi peccato castigant, si læva pro dextra utantur: atqui non itidem castigant eos, cum turpia pro honestis eligunt.

38. TAXABAT & in hoc hominum insaniam, quod res pretiosas minimo emerent, *b* venderentque vilissimas plurimo. Statuam enim tribus nummum millibus emi, cum farinæ chœnix duobus æreis veniret. At statua nihil opus ad vitam, sine farina vivere non licet. Conveniebat igitur farinam multo statuis esse cariorem. Philosophus pretia rerum æstimabat usu naturali, vulgus æstimat stulta persuasione.

39. QUOD supra retulimus de Xeniate, quidam ita narrant: Cum esset emptus Diogenes, perinde quasi ipse Xeniadam emisset, dixit illi: *c* Vide ut jussis meis pareas. Cumque ille diceret ἄνω ποταμῶς, significans rem præpostere agi, si servus imperet hero, Si medicum, inquit Diogenes, emissēs ager, non illi præscribenti obtemperares an diceres, ἄνω ποταμῶς. Si herus corpore male affectus auscultat servo Rei medicæ perito, multo magis decet animo ægrotum auscultare servo Philosophiæ perito: quod enim ars medica præstat corpori, hoc Philosophia præstat animo: illa medetur febri, hæc pravis cupiditatibus. Quanto autem animus præstat corpori, hoc illius morbi sunt quam hujus graviores, Laërtius addit, cum à præcone rogaretur, quo titulo vellet prædicari, isque respondisset, se scire imperare liberis: ubi vidis-

a Insania genera. *b* Æstimatio præpostera. *c* Servus prudentior hero.

vidisset prætereuntem quendam bene cultum, *Huic*, inquit, *me vende, nam is eget Domino.*

40. CUIDAM ambienti à Diogene in Philosophiæ disciplinam recipi, admissio explorandi gratia pernam in via ferendam dedit, seque iussit sequi. Ille præ pudore, abjecto quod gestabat, furtim se subdixit. Aliquando post forte fortuna illi factus obviuſ, ridens: *a Tuam*, inquit, *ac meam amicitiam perna diremit*: indicans illum non esse idoneum Philosophiæ discipulum, qui stultum pudorem non posset contemnere. Neque enim turpe est gestare pernam, sed ab honesto recedere turpe est, Diocles hoc ipsum paulo secus narrat. Cum quidam ambiens esse Diogenis discipulus dixisset illi, Impera mihi Diogenes, admissio in famulicium caſei frustum portandum dedit. Id cum ille ob pudorem recusaret: *Noſtram*, inquit Diogenes, *amicitiam paululum caſei diremit.*

41. CUM aliquando vidisset puerum cava manu bibentem: *b Hic puer*, inquit, *me frugalitate superat*, qui suppellectilem superfluam mecum circumferam: & educum è pera poculum ligneum abiecit, *Nesciebam*, inquit, *& in hoc nobis providiſſe naturam.* Cum alterum puerum vidisset vasculo fracto, cavo panis excipere lenticulam, abiecit & catinum ligneum, ut supervacaneum. Hæc patiar videri ridicula, modo fateamur, immodicum simplicitatis exemplum in hoc utile: ut nos nostri luxus pudeat.

42. SAPIENTI *c* nihil deesse colligebat hoc syllogismo, *Deorum omnia sunt, Deorum autem amici sunt sapientes, & amicorum communia sunt omnia, sapientum igitur sunt omnia.* Sed eodem syllogismo rejici poterat petens aliquid, cur petis habens omnia?

43. CUM vidisset fœminam Diis procumbentem, ita curvato corpore, ut à tergo quædam apparerent quæ nudari non decet oculis hominum, adiit illam dicens: *d Non vereris mulier, ne stante post tergum tuum Deo (nam illius plena sunt omnia) parum decenter te geras?* Æsculapio

a Pudor inutilis. b Frugalitas. c Sapiens dives.

d Deorum ubique.

pio percussorem consecrassè dicitur , qui accurrens procidentes in faciem contereret , hoc figmento deterrens homines à superstitione , qui credunt Deos non audituros , nisi ipsis indecore corporis gestu supplicent.

44. SOLITUS est joco dicere , sibi tragicas execrationes occurrisse , *a* quod esset ἀνέστης , ἀπολις , ἀπατεῖς , πτωχός , ἀλήτης , καὶ ἡμερόβιος , id est, domo , civitate patriaque carens , pauper & erro : alludens ad locum aliquem è tragoediis. De Oedipi execrationibus à nobis dictum in Chiliadibus.

45. QUIN & illud dixisse fertur , quod fortunæ opponeret animi fiduciam , *b* legi naturam , affectibus rationem , eo quod his tribus paratur ac servatur hominum tranquillitas. Adversus fortunæ procellas tuetur sapientem animus impavidus : naturam pro lege sequitur , cui si repugnet lex , contemnit eam : porro cupiditatem tumultus ratione compescit.

46. CUM Alexander Magnus inviseret Diogenem , reperit eum in cranio sedentem pro dolio , ac laceras schedas glutino committentem : postea quam Rex multa cum illo colloquutus pararet abire , diceretque , Cogita Diogenes quid à me velis petere , nam quidquid optaris feres. Mox , inquit , *de aliis , interim sede paullisper.* Cum Rex secessisset , putans illum velle deliberare , diutius silenti repetiit , Pete quod vis Diogenes. Hoc , inquit , volebam , nam prius arcebas mihi solem ad id quod ago necessarium. Alii narrant illum dixisse , Ne mihi feceris umbram , quod vellet apricari.

47. MEMORATUR & illud : Alexandrum ita fuisse loquutum : *c* Adsum ô Diogenes tibi subventurus , quandoquidem video te multis egentem : cui Diogenes , Uter nostrum pluribus eget : ego qui ultra peram & pallium nihil desidero : an tu qui non contentus patrio regno , tot periculis temet objicis ut latius imperes : adeo ut vix totus Orbis tuæ cupiditati videatur satis futurus ?

48. QUODAM tempore cum diutissime legens tandem eo venisset ut videret chartam vacuam : *d* Bono , inquit ,

a Paupertas tragica. *b* Philosophi vita. *c* Philosophus paucis eget. *d* Lepide.

inquit, *animo estote viri, terram video*. Alludens ad longa navigatione fessos, qui recreantur animo cum ipsis procul apparet portus.

49. CUIDAM sophisticis argutationibus colligenti, quod Diogenes haberet cornua: frontem ac tempora manu contractans: *a* *Atqui*, inquit, *ego non video*: irridere maluit frivolum enthymema quam solvere.

50. CUM Zenon in scholis differens, acutissimis rationibus probaret nullum esse motum, nec esse posset, Diogenes surgens coepit inambulare. Id admiratus Zenon, Quid, inquit, agis Diogenes? *Confuto*, inquit, *tuas rationes*. Taxans interim inanem ingenii ostentationem.

51. SOPHISTA quidam volens apud Diogenem ostentare acumen ingenii, hunc in modum ratiocinatus est: Quod ego sum, tu non es. Cum annuisset Diogenes. Ego, inquit, sum homo, igitur tu non es homo. Tum Diogenes: *b* *A me*, inquit, *incipere, & recte collegere*. Non dignatus est aperire, quid haberet vitii ratiocinatio, sed maluit irridere de tam frivolis nugis sibi placentem. Si sic sumplisset, Tu es homo, sequebatur Sophistam non esse hominem.

52. CUIDAM ad ostentationem ingenii multa de rebus coelestibus differenti: *c* *Quam nuper*, inquit, *de caelo venisti*? Socratem in hoc retulit, cujus est illud: *Quae supra nos, nihil ad nos*.

53. EUNUCHUS quispiam contaminatae famae inscripserat ædibus suis, *μυδὲν εἰσεῖτω κερκὸν*, ne quid ingreditur mali. Id videns Diogenes: *d* *Ædium*, inquit, *Dominus qua ingreditur*? Eunuchus boni ominis gratia posuerat titulum, ne quid infelicitatis attingeret domum, id Diogenes detorsit ad mala animi, quæ sola vera mala sunt.

54. NACTUS unguentum, eo pedes inunxit præter morum publicum. Id demirantibus dixit: *e* *Quoniam unguentum capiti infusum exhalatur in aerem, à pedibus*

a *Argutia frivola. b* *Argutia frivola. c* *Ignota loqui.*

d *Mala vera. e* *Ridicula.*

bus autem adscendit ad nares. Similiter alius reprehendit publicam consuetudinem, qua coronas capiti imponunt, cum magis conveniat infra nares ponere, quod fragrantiae vapor non tam descendat quam adscendat.

55. A T H E N I E N S E S hortabantur Diogenem, ut mysteriis initiaretur, addentes quod initiati apud inferos principatum tenerent. Ad quæ Diogenes: *a Perquam ridiculum est, inquit, si Agesilaus & Epaminondas in cæno degunt, & Patecion fur ac vilissimi quique homines, quod initiati sint, in beatorum insulis erunt. Graviter taxavit Sacerdotum mores, qui quæstus gratia blandiebantur hominum imperitorum superstitioni persuadentes initiationem conferre felicitatem post hanc vitam, cum ea parata sit his, qui piis & egregiis factis eam promeruerint, sive sint initiati, sive non sint.*

56. C U M primum cœpisset Philosophari, cum in dolio, sicco mucidoque pane vescens solus audiret totam urbem latitia perstreptentem, erat enim dies festus, sensit animo non nihil tædii, diuque secum de relinquendo vitæ instituto cogitavit. Sed cum tandem mures videret adrepentes, panisque micas edere: *b Quid tibi displices, inquit, ô Diogenes? sat magnificus es, ecce etiam parasitos alis.*

57. P L A T O N I ipsum ob vitæ sordes canem appellanti: *c Sane, inquit, nam ad eos qui me vendiderant recurri. Solent enim canes si vendantur, ad veteres Dominos recurrere. Non offensus est convicio, sed commode interpretatus est. Cum Æginam navigaret, interceptus est à piratis, atque in Cretam perductus, ibique venditus. Eos piratas puto fuisse Corinthios, aut Athenienses, aut certe Æginetas.*

58. C U M è balneis redeuntem quidam rogassent, *d num illic essent multum hominum, negavit esse. Rursus percunctatus, an illic esset multa turba, annuit, significans hominis vocabulum in paucos competere.*

59. N A R R A T U R & illud vix credibile: Plato

sic

a Initiari non est satis. b Lepide, c Canis convicium.

d Homines non homines.

sic definierat hominem. *a* Homo est animal bipes absque pennis. Ei definitioni cum discipuli Platonis applauderent, Diogenes gallum gallinaceum pennis ac plumis nudatum produxit in scholam. *En*, inquit, *hic est homo Platonis*. Itaque definitioni adjectum est, latis unguibus, quod aves huiusmodi non habent.

60. **PERCUNCTANTI** qua quis hora prandere debeat: *b* Si dives est, inquit, cum vult: si pauper, cum potest.

61. **APUD** Megarenses cum videret arietes pelli-
bus tectos adversus frigoris injuriam, ipsorum autem
filios nudos: *c* Satius est, inquit, Megarensis esse arietem
quam filium, Traditum est de Megarensibus, quod in-
diligenter habent filios suos.

62. **QUIDAM** in publico gestans longam trabem,
per imprudentiam percusserat Diogenem, moxque ex
more dixit. Cave, At Diogenes: *d* Non me, inquit,
vis iterum percutere? Alii sic narrant: dicenti Cave,
baculum impegit in caput, & post ictum adjecit, Ca-
ve, par pari referens. Nam ante læsionem dicendum
erat, Cave.

63. **QUODAM** tempore lucernam accensam ge-
stans obambulabat in foro clarissima luce, quærenti
similis. Rogantibus quid ageret: *e* Hominem, inquit,
quæro: notans publicos civitatis mores vix homine
dignos.

64. **CUM** aliquando perfusus esset aqua, staret-
que toto distillans corpore, circumstantes aliquot, ut
fit, commiserabantur hominem indigna passum. Qui-
bus, Plato, nam & is forte tum aderat. *f* Si vultis,
inquit, commiserari Diogenem, abite: notans in
Philosopho gloriæ cupiditatem. Hoc igitur spectaculo
quoniam delectabatur, felix erat potius quam mise-
randus: at si nullo teste perfusus fuisset, tum vere
fuisset miserabilis.

65. **COLAPHUM** impingenti: *g* Profecto, in-
quit, nesciebam me capite galeato ambulare: Ludens ma-
num

a Ridiculum. *b* Festivum. *c* Educatio. *d* Sera mo-
nitio. *e* Homo rarus inventu. *f* Gloria tecta. *g* Moderate.

num pronam galeam dixit. Nec aliter ultus est percussorem. Nisi forte legendum est: *Nesciebam capite galea tecto incedendum esse.*

66. A T non eadem patientia tulit Midiam, qui impacto illi colapho dixerat. Tria millia tibi in mensa sunt posita: per ludibrium illi gratulans, quod pro colapho tantum nummorum ex multa ad ipsum esset rediturum si lege ageret. At Diogenes postridie sumpto pugilum loro, eoque impacto Midia totidem verbis dixit: *a Tria millia tibi in mensa sunt posita.* A. Gellius narrat de quodam, qui pro delectamento habebat manu depalmare homines, moxque è erumena quam in hoc circumferebat, iussit numerari multam. At Diogenes declaravit non omnes esse ea patientia, ut multa contenti sint.

67. P H I L O S O P H I vulgo hoc nomine male audiebant, quod Deos aut non crederent esse, aut contemnerent. Hoc innuens Lysias interrogabat Diogenem, crederetne esse Deos. Cui Diogenes: *b Qui convenit, inquit, ut non credam, cum persuasum habeam, te Diis invisum esse?* Hoc dictum quidam attribuunt Theodoto. Non respondit ad quaestionem, sed in contumeliose interrogantem retorlit sermonem.

68. C O N S P I C A T U S quendam se religionis causa aspergentem aquis fluvialibus: Nam hoc ritu prisci solent purificari, si quid piaculi commissum crederent: *c Infelix, inquit, cum erras in Grammatica, non absolveris aspersus: multo minus aspersio te liberabit à vitæ criminibus.* Recte notabat hominum superstitionem, qui crederent sensibili elemento purgari maculas animi, nisi pravæ cupiditates amputassent.

69. E O S summopere reprehendebat, *d* qui si quid secus evenisset, fortunam incusarent, id quod vulgus hominum solet: dicens ipsos homines potius incusandos, qui postularent à fortuna, non quæ vere bona essent, sed quæ ipsis bona viderentur. Nam si permitterent Diis, quæ ipsi judicant optima, dare, darent: nunc acceptis his quæ flagitarunt, impudenter incusant Deos.

70. S U-

a Par pari. b Salse. c Superstitio. d Vota stulta.

70. SUPERSTITIONEM hominum qui in somniis terrentur, hoc pacto deridebat : *Qua vigilantes, inquit, agitis, ea non curatis : qua vero dormientes somniatis, solícite perquiritis.* Ad felicitatem enim aut infelicitatem hominis non tam refert quid patiatur in somniis, quam quid agat vigilans. Ibi quoties aliquid turpe committit, oportebat metuere Deorum iram ac tristem eventum, non si quid dormientibus sit visum.

71. IN Olympiis præconem ita pronuntiantem, Doxippus viros vicit, correxit Diogenes : *a Hic, inquit, mancipia, sed ego viros :* significans eos qui certarent Olympia, non esse viros sed gloriæ mancipia. Solus Philosophus vincit viros. Simile huic est quod supra retulimus.

72. CUM Philippus exercitum haberet apud Chæroneam, venit eo Diogenes, & comprehensus à militibus deductus est ad Regem : qui conspecto Diogene ignoto iratus exclamavit : Explorator. Cui Diogenes : *b Prorsus, inquit, explorator, nam huc veni inspecturus insaniam tuam, qui non contentus Regno Macedonum, aliena captans temet in discrimen conjicis, ne & Regno & vita priveris.* Rex admiratus hominis libertatem, jussit illum abire liberum.

73. ALEXANDER Macedonum Rex miserat epistolam ad Antipatrum, per quendam nomine Athliam : cum id temporis forte adesses Diogenes, qui Cy-nico more dixit : *Athlius ab Athlio per Athliam ad Athlium.* Porro athlius Græce miserum sonat, multisque laboribus afflictum, unde & athletis nomen. Sensit Philosophus, Principes ob ambitionem assiduis bellis tumultuantes vere miseros esse : æque miseros qui illorum cupiditatibus inservirent.

74. INVITATUS ut ad Alexandrum veniret, recusavit : at Perdiccæ profecto minitanti necem ni veniret : *c Nil, inquit, magni feceris, siquidem & cantharis & phalangium idem possint.* Cantharis pusillum est insectum non dissimile scarabeo, sed præsentaneum habens venenum; phalangium aranei genus est nocentissimum.

Nec

a Victoria pulchra. b Ambitio. c Libere.

Nec dubitavit vicissim minitari Perdiccæ se feliciter vi-
cturum, si sine illo viveret; indicans infelices esse qui
cum Perdicca viverent.

75. A J E B A T faciles esse Deos ad donandum ho-
minibus vitam, a cæterum hanc ignorari ab his, qui
quarunt dulciaria, unguenta, aliasque hoc genus deli-
cias. His enim qui fruuntur, credunt se vivere, cum
veram vitam, tranquillam ac suavem sola præstet sa-
pientia. Non igitur Dii sunt incusandi, sed homines,
qui per stultitiam non postulant ab illis vitam, sed vo-
luptates.

76. C O N S P I C I E N S delicatum quendam à ser-
vo calceari: b Nondum, inquit, sat beatus es, nisi te
etiam abstergat: id erit, si mancus fueris. Visum est Dio-
geni non multo minus absurdum in calceatu abuti ope-
ra famuli, si quis ipse sibi hoc præstare valeat, quam si
post exoneratam alvum adhibeat famulum abstergendo
podici. Quanquam intelligi potest & de abstergendo
naso, Philosopho ethnico prodigiosa delicia videbantur
ethnicum calceari à famulo: at ego novi Christianum,
Sacerdotem, ac Theologum, cui cum nullum esset
membrum mancum, tamen aditurus latrinam famulos
accersebat qui solverent ligulas, item reversus qui alli-
garent. Id ego videns, sic mecum cogitabam. Utinam
hic adesset spectator Diogenes.

77. C O N S P I C A T U S Duci quendam, qui phia-
lam ex arario furatus sustulerat: Ducebatur autem à
magistratibus quos illi *ἰεργυμνοὶ* appellant: c Magni,
inquit Diogenes, fures parvum ducunt. Utinam hoc non
possit vere dici in Magistratus aliquot Christianos, à
quibus ad laqueum adigitur interdum, qui x. drachmas
sustulit, ipsi impune magnis furtis, vel peculatu potius
ditescunt.

78. V I D E N S adolescentem lapides jacentem in
crucem: Euge, inquit, scopum attinges. Innuens fore,
ut aliquando in crucem ageretur.

79. C U M adolescentuli circumstantes Diogenem
acclamassent, Canis: ac mox territi fugere cœpissent,

I

roga-

a Voluptas. b Delicia. c Salse.

rogatique cur fugerent, dixissent, ne mordeas nos canis :
a Bono, inquit, *animo sitis filioi, canis non edit betulam.*
 Tecte illis exprobrans molliem.

80. C U I D A M sibi placenti, quod leonis exuvio
 tectus incederet : *b Non tu desines*, inquit, *virtutis stragula pudescere?* Indecorum esse censuit, quod homo
 mollis Herculis amictum sibi vindicaret. Idem dici
 potest iis qui prodigioso amictu profitentur sanctimo-
 niam, vita non respondente.

81. P R Æ D I C A N T I B U S beatum Callisthe-
 nem Philosophum, quod apud Alexandrum apparatu
 splendido exciperetur. *Immo*, inquit, *infelix est*, quod
illi prandendum cœnandumque sit, cum Alexandro visum
fuert : sentiens nihil esse beatum si absit libertas. Hic
 est Callisthenes Aristotelis discipulus, quem Alexan-
 der tandem coniecit in carcerem, ubi & periit. Qui-
 dam pro Callisthene supponunt ipsum Aristotelem, cu-
 jus felicitatem prædicantibus quod cum Regis filio vi-
 veret : *Aristoteles*, inquit, *prandet cum vult Alexander,*
Diogenes cum vult Deogenes.

82. S I quando egebat pecuniis, eas ab amicis acci-
 piebat : at suggillantibus eum, quod præter Philosophi
 dignitatem peteret, quod esset mendicorum : *c Immo*,
 inquit, *non peto, sed repeto, ἔκ αὐτῶ, ἀλλ' ἀπ' αὐτῶ.* Re-
 petimus enim mutuum, aut depositum. Amicus au-
 tem egenti amico dans non donat, sed reddit quod de-
 bebat. Quisquis enim in tali casu pecuniam servat, rem
 alienam detinet.

83. C U M adolescens quidam comptior Diogeni
 proposuisset quæstiunculam : *d Non tibi prius*, inquit,
responsurus sum, quam sublati vestibus ostenderis utrum
masculus sis an fœmina. Ex cultu parum virili notavit il-
 lius molliem.

84. A L T E R I cuidam adolescenti, lulum quen-
 dam amatorium eleganter in balneis exhibenti, quod
 Græci vocant κοῦλαρίζειν. Diogenes : *e Quo melius*, in-
 quit, *hoc deterius* : damnans improbatam artem, qualis
 est

a Salse. b Hypocrisis. c Benignitas. d Mollities.

e Canini mores.

est & alea, cujus quo quisque est artifex melior, hoc vir est deterior.

85. CUM Diogenes adesset convivio, a qui accumbebant appellantes illum canem, ossa illi projiciebant, quod id canibus fieri consuevit: at ille discedens à tergo commingebat accumbentes: significans & hoc esse canum.

86. ORATORES ac ceteros omnia ad gloriam facientes appellabat *τριπυθρόπαις*, id est, ter homines, ancipiti dicto. Nam ut vulgus hominem esse negat, qui nec doctus est, nec humanus: ita Philosophus hominem vocabat miserum, qui nihil haberet supra hominem. Siquidem juxta Homerum, nullum animal homine miserius. Proinde ter homines dixit, ter miseros, qui sua studia omnia conferrent ad rem inanissimam, ac populari multitudini, multorum capitum belluæ servirent servitutem.

87. DIVITEM quendam indoctum, sed splendide vestitum, *χρυσόμυλον* appellabat, hoc est, ovem aureo vellere. Nam tales fuisse proditum est à Poëtis, qui minimum valerent ingenio, ovillis moribus etiam proverbio dicebantur.

88. PRÆTERIENS prodigi cujusdam ædes inscriptionem habentes, venales: b *Facile*, inquit, *divinabam fore, ut præ immodica crapula domum evomeret.* Jam enim domum absumpserat ante quam venalem proscriberet. Vomitus igitur erat ille veritus quam venditio.

89. ADOLESCENTI conquerenti quod à multis perturbaretur: c *Desine*, inquit, *& tu perturbationis indicia præ te ferre:* significans nulla re melius improbitatem lædentium finire, quam si qui læditur, dolorem dissimulet. Etenim, qui ob id incessunt homines, ut illum discrucient, desinent, si viderint illum nihil commoveri. Et Græcis suspicor alium esse sensum. Cum enim adolescens quereretur sibi turbam esse molestam, *πάντα γάρ*, inquit, *ὃν τὰ δειγµατὰ τῆς παλαιότητος*,

I 2

a Ter homines. b Profusio. c Dolor dissimulatus.

τιῶν τε, ἀσχετέρην, id est, At desine tu quoque signa mollis & effœminati circumferre.

90. CITHARŒDUM imperitum, obesoque corpore, & ab omnibus vituperatum, solus Diogenes laudabat. Demirantibus quamobrem id faceret: *a Lau- do*, inquit, *quod cum talis sit, maluerit se cithara quam latrocinii exercere*: significans illum corpore validum, ingenio rudem, latrociniiis aptiorem esse quam musicæ, locus est ab inexpectato.

91. ALTERUM citharœdum, qui quoties caneret, ab auditoribus deserebatur, obvium ita salutabat, *b Salve galle*. Cum ille offensus salutationis novitate diceret, *Quid ita? Quoniam*, inquit, *cantu tuo excitas omnes*. Jocum captavit ex ambiguitate verbi Græci: ἀναγείρειν enim dicitur & qui excitat dormientem, quod solent galli gallinacei male canentes: & qui sedentem excitat ut surgat, quod ille solet.

92. CUM adolescentem quendam insigni forma plurimi intuerentur, Diogenes incurvato corpore sinum lupinis implebat. At hoc spectaculum conversis omnium oculis, agebat, mirari se, cur adolescentulo dimisso, sese intuerentur: obiter notans illorum intemperantiam.

93. QUIDAM vehementer superstitioso, ac lemurum larvarumque terroribus obnoxio, necem ipsi minanti, dicentique unico ictu tibi perfringam caput: *c At ego*, inquit, *si id feceris, tibi sinister astans, ut contremiscas efficiam*. Significans se mortuum etiam illum terrere posse à quo vivus contemnebatur. Hic tamen affectus & hodie plurimos habet, qui cum sint adversus vivos feroces, adversus umbras sunt formidolosissimi.

94. AB Hegesia rogatus, ut ipsi libros aliquot commodato daret: *d Non sapiis*, inquit, *Hegesia, qui cum caricæ non pictas, sed veras eligas, vera exercitatione neglecta ad scriptam te conferas*. Hoc dicto notavit eos, qui per omnem vitam nihil aliud quam legunt Philosophorum libros, recte vivendi præcepta continentes, cum

vir.

a Salsæ. b Salsæ. c Superstitio. d Lectio mortua.

virtus magis usu discatur quam lectione : *γράφειν*, Græcis anceps vox est adscribere & adpingere. Itaque virtus libris expressa, quodam modo picta virtus est. Absurdum autem videretur, in caricis habere delectum, in virtute non item.

95. CUIDAM illi probro objicienti quod exsularet à Patria : *a Miser*, inquit, *istius rei causa philosophatus sum*, sive quod exilium compulisset Diogenem ad philosophandum, sive quod ideo didicisset Philosophiam, ut exilium similesque casus æquo animo perpeti posset.

96. ALTERI cuiusdam per convicium dicenti, Sinopenites te exilio damnant. *At ego*, inquit, *illos mansione* : significans se quod solum vertere jubere-tur, nihilo infeliciorem esse his, qui in patria manerent, nec exilium æquo animo pati possent. Tam enim miserum est manere coactum, quam exsulare coactum, Philosophus cui quævis terra patria est, si jubeatur ire exsulatum, unius tantum civitatis exsul est. At qui nusquam potest vivere nisi in patria, plurimarum regionum exsul est. Diogenes autem ob adulteratam, ut putant, monetam solum vertere jussus est. Erat autem Sinopenitis. Hoc ita refert Plutarchus in bello de exilio. Te Sinopenitis Ponto exulem esse jusserunt. *At ego*, inquit, *illos hac damno pœna*, ut in Ponto extremisque Euxini litoribus inclusi perpetuo maneant. Diogenes mutat patriam, sed in melius : exsulabant potius, qui infelici regioni erant adscripti.

97. CUM Olympionem, hoc est, in Olympiis certare solitum offendisset pascentem oves : *b Quam celeriter*, inquit, *O praeclare ab Olympiis ad Nemea te contulisti*, ludens affinitate vocum. Nam *νέμει* certamina dicuntur à loco, quemadmodum Olympia. *Νέμω* vero Græcis pascō sonat, & *νομός* pascua.

98. INTERROGATUS quamobrem athletæ nihil sentirent : *c Quoniam*, inquit, *suillus ac bubulis carnibus educati sunt*. Nam athletæ crassioribus cibis

enutriuntur, qui corpori quidem robur conferunt, sed mentis acumen heberant. Vocis autem ambiguitas dedit jocum. Nam ut Græcis αἰδοῦναι, ita Latinis sentire, tam ad animum quam ad corpus pertinet. At percunctator ille quærebat quid esset causæ, cur athletæ veluti sensu carentes non offenderentur plagis. Diogenes animorum stuporem notare maluit.

99. SOLI RUS est interdum adire statuas, & aliquid ab illis petere. Demirantibus cur id faceret: *a Ut consuescam*, inquit, *non commoveri, si quando ab hominibus non impetro quod peto.*

100. POSTEA quam inopia compulsus cœpisset mendicare, his verbis solet aggredi: *b Si cui alteri dedisti, da & mihi: sin nemini, à me incipe.* Significabat se non inferiorem cæteris mendicis: itaque par esse ut qui daret quibuslibet, daret & Diogeni: qui vero tam parcus esset ut nemini quidquam daret, huic tempus esse ut aliquando dare incipiat.

1. INTERROGATUS aliquando à tyranno è cuiusmodi ære potissimum oporteret fieri statuas: *c Ex eo*, inquit, *ex quo fusi sunt Harmodius & Aristogiton:* innuens illum esse tollendum, quod illi tyrannicidæ fuerint.

2. PERCUNCTANTI quo pacto Dionysius uteretur, amicis: *d Ut utribus*, inquit, *plenos suspendit, inanes abjicit:* significans à tyranno divites occidi, pauperes negligi.

3. QUIDAM gloriosum titulum inscripserat ædibus suis, *e Jovis filius Callinicus Hercules heic habitat*, ne quid introcat mali. Diogenes ex inscriptione stultitiam hominis deprehendens adjecit, *μὲν πόλεμον ἢ συμμάχῃα*, id est, Post bellum auxilium: indicans seram esse malorum omnium deprecationem, postea quam talis immigrasset. Colebatur enim Hercules *ἀλεξίηκος*, malorum depulsor. Eum oportuit in ædes immigrare prius quam immigrasset Dominus ædium, qui ipse erat magnum malum.

4. LUXU-

a Usus lenit molestiam. b Mendicitas. c Libere.

d Salse. e Sero.

4. **LUXURIOSUM** quempiam in diversorio conspiciens vescentem oleis : *a* Si sic prandisses , inquit , non ita cœnares : sentiens non esse frugalitatis quod cœnaret oleas , sed quod stomachus nimis lauto prandio gravatus , nihil appeteret in cœna. Nam tenue prandium optime condit cœnam.

5. **DICERE** solebat , *b* cupiditatem esse malorum omnium arcem *μὴ ἔμπολιν* , non procul abludens a sententia Solomonis , qui dixit , cupiditatem radicem malorum omnium.

6. **BONOS** *c* viros dicebat esse Deorum simulacra. Deorum , quum sint optimi natura , proprium est bene facere omnibus , nocere nemini. Hæc imago melius relucet in sapientibus ac bonis viris quam in statuis , quum Dii sint incorporei.

7. **AMOREM** *d* dixit ociosorum negotium , quod hic affectus potissimum occupet ocio deditos : ita sit ut dum ocio vacant , in rem negociosissimam incidant , nec interim tamen quicquam bonæ rei agunt.

8. **PERCONTANTI** quid esset in vita miserrimum : *e* Senex , inquit , *egenus*. Siquidem ubi naturæ præsidia destituunt hominem , extrariis rebus fulcienda est ætatis imbecillitas. Verum inter egenos habendus non est , qui bonas artes ac probos amicos sibi paravit certissimum senectutis viaticum : ille infelicissime egenus est , qui nulla virtute præditus est.

9. **INTERROGATUS** quæ bestia morsum haberet nocentissimum , *Si de feris* , inquit , *interrogas* , *obtrektor* : *si de cicuribus* , *adulator*. Nam obtrektor præ se fert odium , adulator sub amici persona multo etiam lædit gravius.

10. **CONSPICIENS** duos centauros pugnantes in tabula pessime pictos : *f* Uter , inquit , *horum deterior est* ? Notans pictoris imperitiam , quasi dubitaret uter esset deterius pictus. Usus est autem voce ambigua , nam *χείρων* & pejor dicitur , & in pugna inferior.

11. **ORATIONEM** *g* blandam non ex animo

I 4

pro-

a *Luxus*. *b* *Avaritia*. *c* *Boni similes Diis*. *d* *Amor turpi*. *e* *Senectus*. *f* *Salse*. *g* *Blandiloquium*.

proficiscentem, sed ad gratiam compositam, dicere solet, melleum laqueum, quod blande amplectens hominem jugulet.

12. LUXURIOSORUM ventrem vitæ charybdim appellabat, quod omnia devoraret, nec satiaretur unquam. Charybdis tantum ea sorbet quæ mari vehuntur, & revomit tandem quod absorbuit: a at lurconum ventribus nec aër, nec terra, nec flumina, nec maria sufficiunt, quin & domos & agros totos absorbent, nec revomunt.

13. QUUM quidam Diogeni referrent, Didymonem mœchum comprehensum: b *Dignus est*, inquit, ex ipso nomine suspendi. Porro Didymi Græcis testiculi dicuntur: ab his igitur unde nomen habebat, & quibus peccaverat, vult eum suspendi.

14. PHYSICUS quidam interrogavit Diogenem, quam ob causam aurum palleret: c *Quoniam*, inquit, plurimos habet sibi insidiantes. Pallent autem qui metuunt.

15. QUUM videret mulierem in lectica, dixit: d *Caveam non convenire feræ*: notans tam efferum ac noxium animal ferrea cavea coercendum. Lectica vero seilæ genus est cancellatæ, ut aliquam cavæ speciem præbeat: in hac divites ac delicatæ sedere, atque etiam gestari solent.

16. SERVUM fugitivum videns ad puteum sedentem: e *Vide*, inquit, *adolescens ne excidas*: ambiguo verbo ludens. Nam excidit, qui in puteum decidit, & ἐκπίπτει, id est, excidit, qui de loco pellitur. Arbitror autem puteos olim fuisse sacros; & ab his non fuisse fas quenquam vi detrudere, quemadmodum è templis aut à statu Principis.

17. QUUM in balneis vidisset λωποδύτης, id est, furem vestium, dixit illi: f *Num ad unctiunculam, an ad aliud vestimentum?* Rursum lusit affinitate vocum, quæ Latine reddi non potest, Græce est, ἐπ' ἀλειμματιον ἢ ἐπ' αἰλ' ἰμμάτιον, dictiones minimo discrimine soni

a Venter omnia devorans. b Adulterium. c Auri amor.

d Delicia. e Ambiguitas. f Ambiguitas.

soni inter se differunt. *ἄλειμα*, ab *ἀλείζω*, unguentum est, unde & *aliptæ* dicti. Inde *ἀλειμνίον* diminutivum: *ἄλλ' ἰμνίον* dux dictiones, sed ob *σωαλει-
κῶ* propemodum una videtur, quam si removeas, est *ἄλλο ἰμνίον*, id est, aliam vesiculam. In balneis enim olim ungebantur, & ibidem fures suum agebant negotium, quod positis vestibus lavare mos est. Notabat itaque furem, quod aiibi furatus vestem, eo venisset alteram furaturus.

18. I N G R E S S U S aliquando sordidum balneum, dicebat: *a* *Qui hic lavant, ubi lavantur?* Significabat illic homines puros sordidari, & ibi lotis opus esse alio balneo quo mundentur.

19. Q U U M aliquando vidisset mulieres ex oliva pendere laqueo praefocatas: *b* *Utinam*, inquit, *& ceterae arbores similem ferrent fructum.* Erat enim Diogenes *μισογυνὴς*, id est, mulierum osor, eoque cupiebat omnes videre penfiles.

20. C E R N E N S quendam male audientem, quasi monumenta spoliaret, Homeri carmine compellavit:

c *Τίπτε σὸν ὦδε φέρισε,*

Ἥ πινὰ συλῆσων νεκρῶν κατατεθειώπων;

Id est:

Quid tu huc venisti vir praestantissime, num fors,

Ut spolies aliquem horum quos mors occupat atra?

21. I N T E R R O G A T U S num servum ancillave haberet, negavit. Quumque percontator adjecisset, *Quis igitur te efferet si moriaris?* *d* *Cui domo*, inquit, *erit opus?* Multi superstitione solliciti sunt, quomodo, & per quos efferantur. Hac cura prorsus vacabat Diogenes, non dubitans quin futurus esset aliquis, qui cadaver ejiceret, vel ob id, quo domum faceret vacuum. Quamquam illi contigit honorifica sepultura.

22. C O N S P I C I E N S adolescentem quendam neglectius dormientem, baculo pungens illum, dixit carmen Homeri:

I s

E' ἔει-

a Sordes. *b* Osor foeminarum. *c* Sacri legium. *d* Sepultura.

Εγείρεο,

Μή τις σοι δῶδοντι, μεταρρένω ἐν δόρυ πύξῃ,

Id est :

Surge,

Ne quis dum dormis, à tergo infixerit hastam.

23. AD eum qui obsoniis ac luxui plus æquo indulgebat, illud Homericum accommodabat.

Ὁκύμορ & δήμοι τέκ & ἔσσεαι,

Id est :

a Nate mihi fueris brevis avi :

Significans illum sibi luxu mortem acceleraturum.

24. PLATONIS Ideas, id est, *b* formas risit & Aristoteles. Quodam igitur tempore quum Plato multa de Ideis disliceret & rem confictam confictis vocabulis explicare conaretur, subinde in ore habens menteitates & cyathitates, per quas voces intelligebat species mensæ & cyathi: Diogenes irridens subriles nugæ: *Mensam*, inquit, *ac cyathum video, menteitatem ac cyathitatem non video.* Tametsi sunt & hodie qui Sorteitatibus & ecceitatibus sibi videntur acuti. At Plato regeffit dictum: Nec mirum, inquit, nam oculos habes quibus cernuntur cyathi ac mensæ, at mentem non habes, qua cernuntur menteitates ac cyathitates.

25. INTERROGANTI quando ducenda esset uxor: *c* *Juveni*, inquit, *nondum, seni nunquam*: Græce jucundius *μυδένποτε, μυδένπώποτε*: subindicans prorsus abstinendum à matrimonio. At percontator ille discere cupiebat, quo ætatis anno, aut qua anni parte expediret adsciscere conjugem: quemadmodum Aristoteles præscripsit puellæ decimum octavum, viro trigessimum quintum: & Romani Aprilem & Junium existimabant auspicatum nuptiis, Majum inauspicatum.

26. PERCONTANTI quidnam vellet ut colaphum acciperet: *d Galeam*, inquit, & hic jocus est ab

a *Luxus.* *b* *Argutia nugatoria.* *c* *Matrimonium vitandum.* *d* *Focus ab inexpectato.*

ab inexpectato. Nam ille expectabat, quid mercedis peteret pro colapho.

27. QUUM videret adolescentem quempiam sese ornantem: *a* Si ad viros, inquit, frustra: si ad fœminas, injuste. Hoc dictum festivius est Græcis ob vocum affinitatem ἀνδρῶν & ἀσυνῶν: Nam frustra se mas parat masculo, inter quos non potest esse conjugium: & inique facit adolescens, si cultura formæ insidiatur infirmo sexui, quum uxor non lenocinio, sed honestis moribus concilianda sit.

28. ADOLESCENTI cuidam erubescenti, atque ob id perturbato: *b* Bono animo es, inquit, fili, istiusmodi est virtutis tinctura.

29. QUUM audisset duos legum peritos inter se contententes, damnavit ambos: *c* quod alter furtum commisset, alter non perdidisset: significans utrumque dignum exitio. Argutia dicti in hoc est: qui furatur, lucrificat aliquid: is vero cui res furto tollitur, damno afficitur. At hic absurdum quiddam acciderat, alter alterius rem furatus erat, nec tamen is cui furtum est factum perdidit, quod hoc ipse furatus esset, quod alter sustulit.

30. PERCONTANTI quod vinum libentius biberet: *d* Alienum, inquit, & hic τὸ ἀπεροδοῦντον, addit gratiam dicto. Aliud enim expectabat percontator, videlicet de genere vini sentiens.

31. CUIDAM ipsi dicenti, plurimi te derident: *e* At ego, inquit, non derideor. Id autem videtur ἀδυνάτων, ut aliquis te percutiat, tu tamen non percutiaris: sed Diogenes negavit se derideri, sive quod non esset deridiculus, sive quod existimaret hominum irrisionem nihil ad se pertinere.

32. DICENTI miserum esse vivere: *f* Non, inquit, vivere miserum est, sed male vivere miserum est. Vulgus miseram appellat vitam, laboribus, doloribus, morbis, damnis, exiliis, multisque hoc genus incommodis obnoxiam. At Philosophus nihil malum aut

miserum esse ducebat, nisi quod cum turpitudine conjunctum esset.

33. ERAT Diogeni servus nomine Manes, is quum profugisset à domino, admonuerunt amici ut fugitivum investigaret. *a* At ridiculum, inquit Diogenes, si Manes absque Diogene vivat, Diogenes absque Mane vivere non possit. At multi servos insequuntur ut ulciscantur, Diogenes spectabat suum. Melior autem Philosophus est qui paucioribus eget. Nolebat itaque hic servo videri deterior.

34. QUODAM tempore prandebat oleas, mox inductam placentam abjecit accinens illud. è tragœdia:

Ὁ ξὺν τυραννίδι ἐκποδὼν καὶ δίσσας,

Id est:

b Procul à tyrannide temet hospes auferas.

Idem illud Homericum, ἄλλοτε μάλιστα δ' ἀλλάν, Id est: Interdum scuticis agitabat. Se tyrannum appellans, deliciarum contemptorem, quas procul abigi volebat.

35. DIOGENES vulgo canis dicebatur. Sunt autem canum multagenera, sunt enim venatorii, sunt aucupatorii, sunt custodes ovium & ædium, sunt qui habenter in deliciis. Ergo percontanti qualis ipse canis esset, lepide respondit: *c* Esuriens, inquiens, Melitæus, satur Molossæus: quod cibi appetens blandiretur, saturatus morderet.

36. INTERROGATUS an Philosophi placentis vescerentur: *d* Omnibus, inquit, ut ceteri homines. Rursus hic aliud respondit quam interrogabatur. Quærebat percontator an conveniret Philosophis frugalitatem profitentibus vesci placentis cibis delicatorum. Diogenes εἰργνύων ita respondit, quasi Philosophi non essent homines, & tamen vescerentur cibis humanis. Siquidem animalia bruta non vescuntur quibuscumque, bos comedit fœnum, leo nequaquam: oves amant frondes salicum, equi avenam. Quædam aves pascuntur granis juniperi, quædam car-

nivoræ.

a Frugalitas. *b* Deliciaspretæ. *c* Canis Diogenes.

d Philosophus homo.

nivoræ sunt, quædam vescuntur piscibus. Huc allusit Diogenes.

37. **Q U U M** aliquando Diogenes in convivio placentam ederet, diceretque convivarum quispiam, quid comedis Diogenes? Sulpicans Cynicum Philosophum nescire quid sit placenta: *a* *Parēm*, inquit, *bene pīsum*: dissimulans se scire quid esset, aliis erat placenta, Diogeni panis erat, qui non edebat voluptatis gratia.

38. **P E R C O N T A N T I** cur cæteris mendicis benigne largirentur homines, Philosophis non item: *b* *Quoniam*, inquit, *sperant citius futurum ut claudi cæceve fiant, quam Philosophi*. Qui miserentur afflictorum, quales fere sunt mendici, faciunt hoc contemplatione communis hominum sortis: ita cæco opitulantur cogitantes, hoc ipsum mihi poterit accidere, de Philosopho non item cogitant. Dictum festivius est, ob abusum verbi, sperant: ut Philosophus fias sperari potest, cæcitatem aut claudicationem nemo sperat.

39. **D I O G E N E S** poscebat aliquid ab homine avaro: quem ubi videret contantem ac negaturo similem: *c* *O homo*, inquit, *ad cibum te postulo, non ad cyppum*: ut qua licet Græcarum vocum affinitatem reddam. Græcis enim & τροφή cibis est, & ταφή sepultura.

40. **C U I D A M** obijcienti, quod aliquando falso signasset monetam, nam hanc ob rem, ut dictum est, jussus est exulare: *d* *Fateor*, inquit, *fuisse tempus, quo talis eram qualis tu nunc es: qualis autem ego nunc sum, tu nunquam futurus es*. Notabat eos qui juventutis errores in aliis reprehendunt, cum ipsi ne in senectute quidem corrigant suos.

41. **Á L T E R I** cuidam hoc ipsum opprobranti, crimen juventutis obtentu defendit, dicens: *e* *Tum celerius reddebam lotium, nunc non item*. Cynica circuitione notavit juvenilem ætatem, quæ facilius reddit humorem vesicæ, quam senibus molesta sit dysuria.

42. **M Y N D U M** aliquando profectus quum vide-

I 7

ict

a *Dissimulatio*. *b* *Salse*. *c* *Contanter dare*. *d* *Erron correctus*. *e* *Error juvenilis*.

ret portas amplas ac magnifice extructas, quum oppidum esset exiguum: *a Viri*, inquit, *Myndi*, *claudite portas ne civitas vestra egrediatur*: notans oppidum tam esse pusillum, ut per portas egredi posset.

43. **CONSPICIENS** furem purpuræ comprehensum, Homericum carmen in eum detorsit, *ἔλλαβε*, inquit, *te*

Πορπύρεα θάνατον ἢ μοῖραν κραταῖν,

Id est:

b Te mors purpurea apprehendit, violentaque Parca.

44. **CRATERUS** Alexandri Magni præfectus, homo prædives, invitarat Diogenem ut ad se commigraret: cui respondit: *c Malo Athenis salem lingere, quam apud Craterum opipara frui mensa*: Sentiens libertatem quamvis inopem omnibus divitum deliciis præferendam, ubi minuitur libertas.

45. **ANAXIMENES** Rhetor obeso aqualiculo erat onustus, hunc adiens Diogenes ita loquutus est: *d Impartire nobis tenuibus & ventrem. Nam & ipse levaberis onere, & nobis commodabis.*

46. **CUM** oraret aliquando Anaximenes, Diogenes prætendens pernam, auditores in se convertit: ob id indignatus Anaximenes obticuit, ab auditorio destitutus. Tum Diogenes *e Anaximenis*, inquit, *disputationem oboli precium dissolvit*: significans, de rebus frivolis disseruisse, quæ non admodum attentos haberent auditores.

47. **QUIBUSDAM** objicientibus, quod in forocibum caperet: *f Quid mirum*, inquit? *in foro esurio*: ratiocinatus à relative oppositis. Si fames non urgeret hominem in foro, fortassis absurdum esset in foro vesci. Sed eodem colore se tueri potuerat in foro deiciens alvum, aut urinam reddens.

48. **SUNT** & qui illud ascribant Diogeni. Plato offendens illum lavantem olera, dixit illi ad aurem. Si Dionysio morem gessisses profecto non lavares olera. Diogenes vicissim Platoni in aurem dixit: *g Si*

tu

a Ridiculum. *b* Facete. *c* Libertas. *d* Obesitas. *e* Ridiculum. *f* Vesci in publico. *g* Libertas.

tu lavares olera, Dionysio non infervisses. Verum hoc videtur effectum ad similitudinem illius quod ante retulimus de Aristippo, quemadmodum & hoc quod subijciam.

49. CUI DAM dicenti, Multi te derident ô Diogenes: *a* Et illos, inquit, fortassis asini. Altero subiciente. Sed illi non curant asinos. *Nihilo magis*, inquit, *ego ipsos.* Asinis irrisiorem tribuit, quod subinde nudatis dentibus irrisiorem speciem præbeant. Quin & deridentes quempiam, mota ab aure manu imitantur asininas auriculas. Videtur igitur & asinus motis auriculis irridere homines, nemo tamen ostenditur.

50. CONSPICATUS adolescentulum Philosophiæ dantem operam: *b* Euge, inquit, corporea forma amatores ad animi pulchritudinem avocas. Sentiens illum hoc agentem, ut animum virtutibus & honestis disciplinis exornaret, hoc consecuturum, ut longe meliores amicos sit habiturus. Nihil enim sapientia pulchrius, nihil virtute amabilius.

51. SOLENT olim à periculis servati, in templis suspendere donaria, velut incolumitatem suam aliis acceptam ferentes. Proinde quum Samothracem profecto ostenderentur illi donaria, quæ è bello, morbo, navigatione, aliove discrimine servati dicarant: *c* Atqui, inquit Diogenes, *multo plura essent, si qui servati non sunt, ista dedicassent.* Sensit opinor eos qui servarentur, casu servari, non Deorum beneficio. Quod si Diis imputandum est, si quis servatur, iisdem imputandum est, quod plures pereunt quam servantur. Sunt qui hoc tribuunt Diagoræ Melio, impio. Samothraces autem magna in hisce rebus superstitione laborabant.

52. ADOLESCENTI formoso ad convivium eunti: *d* Deterior, inquit, redibis. Reversus à convivio adolescens, quum Diogeni dixisset, Ivi, nec redii deterior: inquit, *χείερον μὲν ἐν*: id est, *deterior igitur*, indicans, fieri non posse, quin adolescens è luxurioso temulentoque convivio redeat deterior.

53. D I O -

a Irrisio contempta. *b* Animi cultus. *c* Anathemata.
d Convictus improbus.

53. DIOGENES ab Eurytio petiit quiddam magni, qui cum ex more his verbis negaret: Faciam si mihi persuadere possis: *a Si possim*, inquit Diogenes, *jam pridem tibi suavissem, ut te suspenderes.* Hic præter Cynicam libertatem nihil est quod mireris.

54. INVISERAT Lacedæmonem: inde Athenas reversum percontabantur, ut sit, quo iret & unde veniret: *b A viris*, inquit, *ad fæminas*: notans Atheniensium deliciis effœminatos mores, quum Lacedæmonii dure instituerentur.

55. REDEUNTEM ex Olympiis quidam interrogabant, vidissetne illic multum turbam: *c Turbam*, inquit, *plurimam, sed homines perpaucos.* Et hoc imitatum apparet ex eo quod supradictum de balneo.

56. EOS qui per luxum in coquos, nepotes, scorta, & adulatores facultates suas profunderent. *d Similes* dicebat arboribus per præcipitia nascentibus quorum fructus homo non gustaret, sed à corvis & vulturibus ederentur: sentiens eos qui gulæ ventrique serviunt, non esse homines.

57. GRÆCI si cui precantur exitium, jubent abire ad corvos, ἐς κόρακας. At Diogenes dicere solet: *e Multo periculosius esse incidere in assentatores quam in corvos.* Dicti jucunditas perit nobis, quæ est in Græcarum vocum affinitate. Nam illi κόρακας appellant corvos, & unica literula mutata κόλακας dicunt adulatores. Hoc dictum tribuitur & Antistheni.

58. PHRINE meretrix Delphis Venerem auream dicavit, eam videns Diogenes, adscripsit elogium. *Ex Græcorum intemperantia.* Arguebat enim Græcos supra modum libidini deditos esse, quod scortum è turpi quæstu tantum auri collegisset.

59. SUNT qui & illud illi attribuant. Cum Alexander Magnus ad Diogenem venisset, eumque salutasset, percontatus est Diogenes quis esset, quumque ille respondisset. Ego sum Alexander ille Rex. *f At ego*, inquit, *sum.* Diogenes ille canis: non minus superbiens

a Libere. b Delicia. c Homines pauci. d Profusio.

e Adulatio. f Libertas.

biens sua liberrate, quam Alexander suo regno. Interrogatus ob quæ facta canis nomen vulgo sortitus esset. *Quoniam dantibus blandior, inquit, non dantibus oblatro, malos etiam mordeo.*

60. E ficu quadam fructus decerpenti Diogeni quum horti custos dixisset, ex ista arbore ante paucos dies homo quidam se suspendit: *a At ego, inquit, illum purgabo.* Arbitrabatur ille fore, ut Diogenes admonitus abstineret à funesta arbore, quæ gestasset cadaver. At ille liber ab omni superstitione, nihilo impuriore fructus arbitrabatur.

61. A N I M A D V E R T E N S Olympionicem quendam oculos defigere in scortum, adeo ut præteritum capite reflexo intrueretur: *b Ecce ut, inquit, aries Martius a puella publica eborto collo vinctus abducitur.* Ridiculum existimabat, certare cum electis viris, & à vili puella veluti captivum trahi sine funibus.

62. *c F O R M O S A* scorta similia dicebat mulso latalitus venenis temperato, quod afferrent quidem initio voluptatem, sed quam perpetuus dolor sequeretur.

63. Q U U M in publica via pranderet, multique cingerent illum ob spectacula novitatem, ac subinde acclamarent. Canis canis: *d Imo, inquit, vos potius estis canes, qui prandentem circumstatis.* Nam id canibus cum primis familiare.

64. Q U U M mentio fieret de puero stuprato, Diogenes interrogatus cujus esset, iussit ex ambiguo dicens: *e Tegeates,* nam Tegea civitas est Arcadiæ. Tegos autem interdum id quod lupanar, unde Tegeatem dixit Philosophus scortum publicum.

65. V I D E N S quendam jam artem medendi profitentem, qui prius fuerat palæstrites, sed ignavus, dixit illi: *f An eos quite hætenus deiecerunt, nunc vicissim deicies?* Deiecit luctator quem superat, & deiecit medicus, quos in lectum conjicit, aut etiam in sepulchrum. Sensit autem Diogenes illum tam malum esse medicum, quam

a Superstitio nulla. b Voluptas. c Scortum. d Libere.

e Ambigue. f Medicus malus.

quam fuerat ignavus palæstrites. Similis jocus est apud Martialem , de eo qui ex medico factus hoplomachus , non aliud faceret hoplomachus quam quod fecerat medicus.

66. A D puerum spurium ex meretrice natum , lapillos jacentem in populum. *Cave* , inquit , *ne patrem ferias*. Erat enim è scorto natus , atque ob id incerto patre.

67. Q U I B U S D A M prædicantibus ejus benignitatem , qui Diogeni quiddam donarat : *a Quin & me* , inquit , *laudatis qui accipere merui* ? Plus enim est meruisse beneficium quam dedisse , juxta illud Publii Mimi :

Beneficio dando accepit , qui digno dedit.

68. E I qui pallium à Diogene repetebat , lepidissime respondit :

Si donasti , habeo : si commodasti , utor :

Significans sibi non in animo reddere , sive dono , sive commodato accepisset. Turpe est reposcere quod dono dederis , & inhumanum est eripere , quo utenti est opus.

69. Q U U M supposititius quidam de Diogene dixisset. Autum habet in pallio : recte regressit in illum convitium. *Ideo* , inquit , *supposito indormio*. Supposititii partus dicuntur , qui simulantur esse nati ex utero unde non prodierunt. Indormimus thesauro servandi gratia , & indormimus ei quod negligimus. Diogenes autem pallium habebat noctu pro culcitra.

70. P E R C O N T A N T I quid lucri caperet ex Philosophia : *b Ut nihil* , inquit , *aliud , certe hoc quod ad omnem fortunam paratus sum*. Hoc dictum vix sapit Diogenem , quamquam illi ascribitur.

71. I N T E R R O G A T U S à quopiam , cujas esset , respondit κοσμοπολίτης , id est , civis mundi : *c* significans Philosophum ubicunque locorum agat , in sua patria vivere.

72. C U M aliquando stipem posceret , ita ἐγανάρχην id

a Beneficium meritum. b Philosophus. c Omne solum forti patria.

a id est, qui stipibus erogandis erat præfectus, Homericæ carmine compellavit :

Τῆς ἄλλης ἐνείκε', ὅππ' δ' ἐκλεῖψ' ἰσχεο χεῖρας,

Despolia reliquos, teneas sed ab Hectore dextram.

Dicti festivitas in hoc est, quod pro ἐγείνιζε dixit ἐνείκεζε, quorum prius est da stipem, alterum armis spolia: se Hectoris nomine signans. Spoliatur autem, qui negat egenti. Et solet hoc hominum genus esse furax.

73. b S C O R T A dicebat esse Regum Reginas, quod ab his quicquid collibuisse peterent & impetrarent. Nam ideo Regum Reginas appellabat, non quod essent pares uxoribus, sed quod in ipsos Reges regnum exercerent. Reges à populo non semper obtinent quod exigunt: at scorto nihil negatur. Tales opinor olim fuisse Reges Barbaros.

74. A T H E N I E N S E S per adulationem decreverunt, ut Alexander pro Libero patre haberetur & colebatur. Hunc honorem irridens Diogenes: *Et me*, inquit, *Serapin facite*. Ut enim Bacchus inter Satyros est, ita Serapis ab Ægyptiis specie bovis colitur.

75. O B J U R G A T U S quod intraret loca spurca & parum honesta: c *Et sol*, inquit, *subit latrinas, nec tamen inquinatur*. Sensit probum virum non fieri deterius ob loci infamiam.

76. Q U U M in phano cœnaret, eique panes sordidi essent apposit, abiecit illos è phano dicens: d *In templum nihil oportere ingredi sordidum*.

77. C U I D A M procaciter interroganti, cur quum nihil sciret, se Philosophum profiteretur: e *Si Philosophum*, inquit, *simulo, hoc ipsum est philosophari*. Subnotans Philosophiam rem esse usque adeo difficilem, ut eam vel simulare magna sit Philosophiæ pars. Quemadmodum multum Regis habet, qui scite Regis personam possit gerere. Et qui simulat imitatur, at imitari Philosophos, est philosophari, hoc est Philosophiæ studiosum esse.

78. Q U I D A M abduxit puerum ad Diogenem, ut
illius

a *Facete*. b *Scortum imperiosum*. c *Locus non contaminat*. d *Pura sacra*. e *Philosophiæ simulatio*.

illius doctrinæ fieret particeps : ut autem illum Philosopho commendaret, dixit eum excellenti ingenio optimisque moribus præditum esse. Hic Diogenes : *a Quid igitur eget mei ?* Notavit immodicum laudatorem, qui hoc tribueret adolescenti, cujus adipiscendi gratia solent pueri tradi Philosophis. Satis erat, probam indolem bonamque spem in puero prædicare.

79. *Q*U I de virtute loquerentur, nec recte viverent, eos dicebat, *b cithara similes, quæ sono prodesset aliis, ipsa nec sentiret, nec audiret quicquam.* Hoc dictum non multum abludit à dicto beati Pauli de cymbolo tinniente.

80. *Q*U O D A M die quum populus theatrum egrederetur, ipse adversus populum nitens ingrediebatur : interrogatus cur id faceret : *c Hoc*, inquit, *in omni vita facere studeo* : sentiens hoc esse philosophari, in omnibus actionibus quam maxime à multitudine dissidere, propterea quod vulgus hominum cupiditatibus agitur, non ratione.

81. *C*ONSPECTO adolescentulo, cultu gestuque parum virili : *d Non te pudet*, inquit, *qui pejus tibi velis quam ipsa natura voluit ? Siquidem illa te virum fecit, tu teipsum refingis in feminam.* Id in plerisque dici potest, quos quum natura creavit homines, ipsi sua sponte degenerant in pecudes.

82. *Q*U U M videret cantorem quendam vecordem, ac moribus incompositis aptare psalterium : *e Non te tui pudet*, inquit, *qui sonos lingue aptare noris, vitam ad rectam rationem componere nescias ?* Et hoc apophthegma ex superioribus videtur effictum.

83. *D*ICENTI cuidam, quem ad sapientiæ studium hortabatur, non sum idoneus Philosophiæ : *f Quid igitur vivis*, inquit, *si tibi nulla recte vivendi cura est ?* non enim in hoc vivit homo, ut vivat tantum, sed ut discat recte vivere. Natura dat vivere, Philosophia dat recte vivere. Natura gignit ad virtutem dociles, doctos non gignit.

84. *A D*

a Laus immodica. b Doctrina sine moribus. c Vulgo nihil recte placet. d Degeneratio. e Optima negligimus. f Vita sine literis mors.

84. A D eum qui patrem despiciebat : *a* *Non te pudet*, inquit, *eum* contemnere, cui debes hoc ipsum quod tibi places? Dicti gratia sita est in allusione contrariorum. Pugnant inter sese, despectui esse, & sibi placere.

85. A U D I E N S adolescentem honesta specie, verbis parum honestis utentem : *b* *Non te pudet*, inquit, *qui ex eburnea vagina plumbeum educas gladium?* Ebur olim in summo erat precio. Animus corpore tegitur, is in oratione relucet.

86. Q U U M illi quispiam probri vice objecisset, quod in caupona biberet : *c* *Et in tonstrina*, inquit, *tondeor* : significans nihilominus honestum bibere quam tonderi aut radi. Quemadmodum nemo reprehendit in tonstrina radi, quod is locus ei rei paratus sit, ita turpe videri non debet si quis bibat in caupona, modo bibat modice. Nam immodice bibere quovis loco turpe est.

87. O P P R O B R A N T I quod à Philippo Rege pallium accepisset, Homérico versiculo respondit :

Οὐ τίς δ' ἀνέσθ' ἐστὶ θεῶν ἐρευνδῆς αὐτῶν,

Non sunt rejicienda insignia munera divum.

Quod Homerus de forma corporis, *d* quæ Deorum munus est, scripsit, hoc Diogenes detorsit ad pallium à Rege datum. Idem carmen & ipse possem occinere calumniantibus, quod interdum à Principibus, aut Episcopis accipio quæ dantur honoris gratia. Nullus est horum à quo quicquam unquam petii, nec aperte, nec oblique : quæ vero volentes deferunt, libenter accipio, non tam ut munera, quam ut testimonia, præsertim quum illorum facultates abundantiores sint, quam ut hoc damni sentiant.

88. D I O G E N I de non irascendo accurate differenti, adolescens quidam protervus, veluti periculum faciens, an re præstaret ea quæ docebat, intpuit illi in faciem. Tulit hoc leniter ac sapienter : *e* *Non quidem*, inquit, *irascor*, sed dubito tamen an irasci oporteat.

89. C O N -

a Impietas. *b* Turpiloquium. *c* Vesci quovis loco.

d Munera Regum. *e* Lenitas.

89. CONSPICIENS quendam meretrici supplicem ut impetraret quod petebat: *a* *Quid*, inquit, *tibi vis miser? præstat non impetrare quod rogas.* A scorto rejici felicius est quam admitti. Et tamen plerique malum suum & ambiunt instanter, & magno emunt.

90. CUI DAM habenti capillos unguento delibutos: *b* *Cave*, inquit, *ne capiti, suaveolentia, vitæ malevolentiam adducat:* nam Græcarum vocum jucundam affinitatem utcunque reddere studuimus, *διδάσκειν* & *δουδάσκειν*. Unguentum enim in viro arguit vitæ molliciem. Fama porro velut odor est hominis. Simile quiddam dixit Martialis;

Ne vole non bene olet, qui bene semper olet.

91. DICEBAT inter servos ac dominos malos præter vocabula nihil aliud interesse: *c* *Nisi quod mancipia servirent dominis, domini cupiditatibus:* significans utrosque esse servos, miseriozem tamen servire servitutem dominos quam mancipia, si sint improbi. Nam qui ducitur affectuum arbitrio, & multos habet dominos, & turpes & inclementes.

92. GRÆCI mancipia, præcipue fugitiva, vocant *ἀνδραπόδου*, quæ dictio videtur composita ex viro & pede. Quum Grammatici variam reddant etymologiam. Quum igitur quidam improbus Diogenem interrogasset, quare mancipia fugitiva dicerentur *ἀνδραπόδου*, *d* *Quoniam*, inquit, *pedes habent virorum, animum autem qualem tu nunc habes qui hoc percontaris:* sentiens illi esse mentem non hominis sed pecudis.

93. A prodigo petebat minam, Ille miratus improbam postulationem rogabat, cur quum ab aliis obolum petere soleas, à me minam petis? *e* *Quoniam*, inquit, *ab aliis iterum me accepturum spero, à te vero an unquam posthac accepturus sim,* *θεῶν ἐν γόνασι κεῖται*, id est, in Deorum genibus situm est. Attexuit enim hoc Homeri hemistichium. Significavit autem homini profuso periculum imminere, ne brevi redigeretur ad extremam inopiam, ut ne obolum quidem haberet reliquum.

94. QU I-

a Scortator. *b* Unguenta. *c* Servitus vitiorum. *d* Salsè.

e Profusio.

94. QUIBUSDAM Diogeni probro vertentibus quod peteret, quum id Plato non faceret: *a Imo*, inquit, *petit, & ille, sed*

Ἀρχχὼν κεφαλῶ ἵνα πᾶσι θ' οἱ ἄλλοι,

Id est:

Admoto capite, ne quisquam exaudiat alter.

Abusus est Homérico carmine, quod est Odyssæ *a*. quo significavit Platonem non minus esse petacem, nisi quod ille clam peteret, ipse palam.

95. ANIMADVERTENS quendam imperite jaculantem, proxime scopum consedit: cur id faceret interrogantibus: *b Ne forte*, inquit, *me feriat*: significans illum quidvis percussurum citius quam scopum. At alii spectatores quam possunt longissime sese à scopo semovent, ne feriantur.

96. QUI scopum non attingunt, hi vulgo ἀτυχεῖν, id est, frustrari dicuntur. At Diogenes negavit, *c illos frustrari, qui aberrarent à scopo, sed eos qui curas suas ad voluptatem velut ad scopum dirigerent*. Nam ab his petunt beatitudinem, quum per eas deveniant in summam miseriam.

97. INTERROGATUS num quid mali esset mors: *d Quo*, inquit, *pacto malum, quum præsentem non sentiamus?* Quod autem abest, nulli malum est. Dum sentit homo, vivit, nondum igitur adest mors: quæ si adsit, abest sensus. Malum autem non est, quod non sentitur. Hanc ratiocinationem quidam tribuunt Epicuro. Mors quidem mala non est, sed iter ad mortem miserum est. Id si metuimus, tota hominis vita quid aliud est quam iter ad mortem?

98. NARRANT Alexandrum Magnum adstantem Diogeni, quæsisse ab eo, num ipsum metueret. At ille: *e Quid es? bonum an malum?* Alexander respondit bonum. *Quis*, inquit, *timet bonum?* Convicit Regem non esse metuendum, nisi se malum esse profiteretur. Sed eodem enthymemate colligeret, Deum non esse timendum.

99. ERU-

a Mendicitas. b Ridiculum. c Voluptas. d Mors an mala. e Argute.

99. ERUDITIONEM omnibus hoc sermone commendabat, quod diceret, *a eam juvenibus adferre sobrietatem, senibus solatium, pauperibus divitias, divitibus ornamentum*: propterea quod aetatem suapte sponte lubricam coërceat ab intemperantia, senectutis incommoda honesto solatio mitiget, pauperibus sit pro viatico, non enim egent eruditi, divitum fortunas ornet.

100. DIDYMON qui vulgo audiebat adulter, curabat oculum virginis. Et Diogenes dixit: *b Vide ne corrumpas pupillam*. Hoc dictum apud nos perdit suam gratiam. Apud Græcos autem κόρη & virginem sonat & oculi pupillam. Ludit igitur ex ambiguo Diogenes.

1. ADMONITUS à quodam, ab amicis illi tendi insidias, ut caveret: *c Quid facias, inquit, si similiter & cum amicis & cum inimicis habebimus consuetudinem?* Ab inimicis nobis cavemus, amicis fidimus. Quod si pariter ab utrisque nobis cavebimus, non est suave vivere.

2. INTERROGATUS quid esset in vita optimum: *d Libertas*, inquit, *At vere liber non est, qui servit vitiis; nec liber esse potest, qui multis eget; plurimis autem eget avarus, ambitiosus ac deliciis deditus.*

3. OLIM in scholis pingi solent Musæ, ceu studiorum præfides. Ingressus igitur scholam, cum videret multas Musas, discipulos admodum paucos, dixit Præceptor, *Cum Diis multos habes discipulos*. Ludens ex ambiguo sermonis. Nam Græci, cum Diis, dicunt, pro eo quod nos dicimus, faventibus Diis. Interdum σύν, id est, cum, significat comitem: cum multis te defendi, id est, multi mecum te defenderunt.

4. QUID QUID per se turpe non esset, id ne in publico quidem dicebat esse turpe. Hunc igitur in morem ratiocinabatur: *e Si prandere malum non est, nec in foro prandere malum est: sed prandere nihil mali est, ergo*
nec

a Eruditio. b Focus ab ambiguo. c Amicis fidendum.

d Libertas. e Turpe ubique turpe.

nec in foro prandere malum est. Haëtenus tolerari poterat Cynicus syllogismus. Verum quis ferat similiter colligentem? Exonerare ventrem, aut reddere lotium, aut habere rem cum uxore, aut exuere vestes, malum non est: ergo nec in publico malum est. Probis viris ubique placet verecundia.

5. DICEBAT usum atque exercitationem quemadmodum in actionibus extraneis, ita & in actionibus virtutis & animi tum celeritatem quandam, tum facilitatem parere.

6. DICEBAT, nec legem esse sine civitate, nec civitatem sine lege.

7. NOBILITATEM, *a* atque hoc genus alia fortunæ decora, dicebat nihil aliud esse quam velamenta malitiæ. Divites enim cum aliis nihilo sint meliores, tamen peccant licentius, juxta illud Flacci de divite. Et quidquid volet, hoc veluti virtute peractum, speravit magne laudi fore. Nobiles autem plerique & hodie sibi nihil non permittunt.

8. CUM Xeniadæ serviret, amici agebant de illo redimendo. At ille: *b* Nequaquam, inquit, *an nescitis leones non iis servire à quibus aluntur, sed alteros potius servire leonibus?* Nam leo ubicumque est, semper leo est.

9. CUM à lethali somno esset experrectus, medicusque rogaret quid ageretur: *c* Recte, inquit, *nam frater fratrem amplectitur.* Alludens ad Homerum, qui δάρατον & ὕπνον germanos finxit, quod somnus mortis sit imago.

10. ROGATUS quo modo se vellet sepeliri, iussit cadaver abjici inhumatum. Tum amici, volucribusne & feris? *d* Minime vero, inquit, *sed bacillum prope me, quo illos abigam, ponite.* Rursus illi. Qui poteris: non enim senties. Quid igitur, inquit, *mihî ferarum laniatus oberit nihil sentienti?*

11. CUM Plato laudaret quendam hoc nomine, quod erga omnes esset humanissimus. *e* Quid, inquit,

K

Dio-

a Bona fortuna. *b* Libertas. *c* Focus in morte. *d* Sepultura. *e* Lenitas mala.

Diogenes, illi tribuendum est, qui tot annos in Philosophia versatus, nullum hactenus affecit dolore? Sentiens proprium Philosophi munus esse moderi vitiis hominum: id autem fieri non posse, nisi metu ac dolore: metu probri, dolore praesentis ignominiae.

12. I D E M id Lacedamone peregrinum quendam conspiciens sese studiose ad festum diem componentem: *a* Quid facis, inquit, an non quilibet dies viro bono festus est? Sensit hunc mundum esse fanum Deo dignum, in quo constitutus homo semper honeste velut in conspectu numinis omnia cernentis versari deberet. Detorsit huc proverbium, quo dicitur, pigris semper esse festum.

13. D I C E R E solet adolescentibus: *b* Meretricum domos ingredi, ut perspicias quam viles res, quanto emanant pretio. Huc allusit Terentius. Hac omnia nosse salus est adolescentulis.

14. A D salutem opus esse dicebat, aut fidis amicis, *c* aut acribus inimicis, eo quod illi monent, hi redarguunt, utrique diversis quidem modis, sed pariter profunt, dum per eos vitia nostra discimus. Hoc Laetius tribuit Antistheni, Plutarchus Diogeni.

15. I N T E R R O G A T U S à quodam, quo pacto maxime posset ulcisci inimicum. *d* Si te ipsum, inquit, probum & honestum virum praestiteris. Hoc qui facit, & sibi prodest maxime; & inimicum maxime discruciat. Nam si fundum conspiciens bene cultum discruciat, inimicus, quid fiet si te ipsum viderit veris ornatum bonis:

16. Cum Antisthenem morbo decumbentem inviseret, dixit: *e* Nunquid amico est opus? Significans in rebus afflictis potissimum fidis amicis utendum, qui vel re opitulentur, vel consolando molestiam mitigent.

17. A D eundem alias, quoniam acceperat illum amore vitae *f* morbum ferre molestius, cum sica ingressus est: ad quem cum Antisthenes dixisset. Quis me
hisce

a Festum semper sapienti. *b* Scorta. *c* Objurgatio.

d Vindicta optima. *e* Amicus consolator. *f* Mors liberat à cruciatu.

hisce doloribus liberabit? Diogenes prolata sica: *Hæc*, inquit, *contra Antisthenes*; *Doloribus*, inquit, *dixi*, *non vita*.

18. CORINTHUM profectus ludum ingressus est, quem ibi Dionysius regno pulsus aperuerat, audiuitque pueros male canentes. Interim ingressus Dionysius, quoniam putabat Diogenem consolandi gratia venisse. Humaniter, inquit, facis Diogenes. Hæc est rerum humanarum volubilitas: *a Immo*, inquit Diogenes, *miror te etiamnum vivere, qui tantum malorum in regno patris: & video nihilo meliorem esse ludimagistrum, quam fuisti Rex*.

19. IDEM dicebat cæteris mortalibus quibus res sunt prosperæ, vita jucunda est, mors odiosior: rursus infelicibus vita gravis est, mors optabilis. At horum utrumque tyrannis est molestius. Siquidem ut vivunt insuaviter iis qui mortem vehementer optant, ita mortem perinde metuunt quasi vitam suavissime degant.

20. CUIDAM ostendenti horoscopon. *Bellum*, inquit, *hercle instrumentum, ne frustremur cæna*: sentiens inutiles esse artes Geometricas cum cæteris.

21. ALTERI cuidam jactanti Musices peritiam, respondit:

Γνώμεις γὰρ ἀνδρῶν δὲ μὴ οἰκῶντες πόλεις,
Εὖ δ' οἰκῶντες ψαλμοῖσι καὶ τερεπόμεσιν.

Id est:

*Prudentia urbes bene gubernat, at domus
Nec cantilenis, nec modis regitur probe.*

22. CUM Speusippus paralyti resolutus vehiculo deportaretur in Academiam, ac Diogeni forte obvio dixisset χαίρης: respondit. *At non tu sane, qui cum ad istum sis affectus modum, sustineas vivere*: sentiens esse veri Philosophi, sponte mortem adsciscere, postea quam desiit esse usui ad vitam humanam. Idque fecit postea Speusippus.

23. CUM puerum conspiceret indecore se gerentem, pædagogum illius baculo percussit dicens: *Cur sic instituis*? Indicans primæ ætatis formatoribus potissi-

K 2

mun

a *Qui malus ubique malus.*

mum imputandum esse, si adolescentes evadant male morati, aut secus. Refert Aphthonius ac Priscianus.

24. CUIDAM probri gratia objicienti paupertatem, cum ipse esset scelerosus: *a Ob paupertatem*, inquit, *neminem vidi torqueri, ob malitiam multos.*

25. PAUPER TATEM appellabat virtutem *αὐτοδιδασκίαν*, id est, quæ per se discitur. Divitibus opus est multis præceptis ut frugaliter vivant, ut corpus exerceant laboribus, ne corporis ambitioso cultu delectentur, aliaque innumera, quæ omnia seipsam docet paupertas.

26. LACEDÆMONIIS quibus merito prima laus debetur in Apophthegmatibus, subjecimus tres Philosophos, sed in hoc genere præcipuos, quibus addemus totidem Reges, qui civilium dictorum gratia præ cæteris celebrantur, ne lectorem turba rerum ob-
zueamus.

a Paupertas.



APOPTHEGMATA PHILIPPI MACEDONIS.

LIBER IV.



X Græcorum Regibus, mea sententia nullus fuit, quem cum Philippo Rege Macedonum Alexandri Magni patre conferamus, vel ingenii dexteritate, vel dictorum urbanitate.

1. Is dicere solet: *a Athenienses sibi magnopere beatos videri, qui quotannis invenirent decem quos belli Duces crearent, cum ipse multis annis unum dumtaxat belli Ducem reperisset Parmenionem.* Significans inutile Reipublicæ subinde mutare Duces, sed satius esse, quem idoneum ac fidum nactus sis, eum non mutare. Tum in bello non referre quam multi sint Duces, sed quam bello gerendo accommodi.

2. CUM illi nuntium esset allatum, uno die multas res feliciter ac prospere gestas esse: nam eodem tempore, Tethrippo vicerat in Olympiis, & Parmenio Dardanenses prælio fuderat, & Olympias ipsi masculum foetum erat enixa: porrectis in cælum manibus exclamavit: *b Et ô fortuna, inquit, pro tot tantisque bonis leviquopiam malo me affice.* Vir cordatissimus non insolenter gestit ob rerum successum, sed fortunæ indulgentiam suspectam habuit, cujus ingenium esse novit, ut quibus exitium molitur, his prius nova rerum prosperitate blandiatur. Huc pertinet quod de Polycrate Samiorum Tyranno refert Plinius.

3. CUM subactis Græcis quidam ipsi auctores essent ut civitates præliis contineret ne deficerent: *c Malo, inquit, diu bonus & commodus, quam brevi tempore Dominus appellari: sentiens regnum quod beneficiis ac be-*

K 3

nevo-

a Bonum nactus ne mutet. b Invidia fortune. c Metus, malus diuturnitatis custos.

nevolentia teneretur, esse perpetuum: quod vi metuque, non esse diuturnum.

4. QUIDAM petulantioris linguæ, maledicta conjicere solet in Philippum: hunc amici hortabantur ut ejiceret in exilium. At ille negavit se hoc facturum, demirantibus quid ita: *a* Ne, inquit, *oberrans inter plures male de me loquatur*. Quod maledicum non egit in crucem, vel clementiæ erat quod ignovit, vel magnanimitatis quod contempsit; quod noluit expellere, prudentiæ, plus enim nocuisset.

5. SMICYTHUS Nicanorem deferabat apud Regem, quod sine fine de ipso male loqueretur: cumque suaderent amici ut hominem accersi juberet, deque eo supplicium sumeret, Philippus ita respondit: *b* *Nicanor non est Macedonum pessimus, videndum est igitur, nec ubi nos cessemus in officio*. Ut igitur cognovit vehementer afflictum inopia, & tamen à Rege neglectum fuisse, jussit donum aliquod ad illum deferri. Hoc facto cum rursus Smicythus diceret Regi, Nicanorem apud omnes sine fine prædicare laudes ipsius: *Videtis igitur, inquit, in nobis esse situm, ut bene aut male audiamus*. Immane quantum absunt ab hujus Principis ingenio, qui nunquam sibi videntur satis laudari, cum nihil faciant laudandum: nec student beneficiis sibi conciliare benevolentiam hominum, sed metui malunt quam amari, cumque sæpenumero faciant detestanda, idque palam, tamen perit quisquis ausus est hiscere.

6. AJEBAT se his qui in Republica Atheniensium administranda primores essent, plurimam habere gratiam, quod suis conviciis efficerent, ut ipse tum oratione, tum moribus evaderet melior: *c* *Dum conor, inquit, illos, dictis pariter ac factis mendacii convincere*. O vere philosophicum Principis animum, qui novit etiam ex inimicis capere utilitatem, nec, quod vulgus solet, hoc tantum spectare, ut maledicos afficeret malo, sed ut ipse minus malus redderetur illorum maledictis admonitus.

7. CUM

a Maledictus contemptus. *b* In nobis est ut bene audiamus. *c* Conviciator utilis.

7. CUM Athenienses, quotquot apud Cheroneam capti fuerant gratis dimisisset, illi vero etiam vestes stragulasque reposcerent, atque hac de causa Macedones in jus vocarent, risit Philippus, dicens: *a* Quid? Nonne videntur Athenienses arbitrari, se à nobis in talorum ludos victos esse? Tam civiliter tulit victor victorum ingratitude, qui non solum gratias non agerent, quod ipsi & incolumes & gratis fuissent dimissi, verum etiam criminarentur, quod non simul & amictus & stragulas redderent, quasi nescirent quale esset jus belli, quasi-que nihil aliud esset certare armis quam certare talis, qui ludus est puerorum.

8. CUM esset illi clavicula in bello fracta, ac medicus à quo curabatur, in singulos omnium dies aliquid posceret: *b* Sume, inquit, quantum voles, nam clavum habes: ludens ancipiti voce: κλεις enim Græce & clavem sonat, qua aperitur scrinium aut ostium, & commissuram humeri cum pectore. Quid hoc animo civilius, cui & in dolore, & erga avarum medicum joculari libuit, nec ob cruciatum morosior, nec improbitate postulantis offensior.

9. DUO erant fratres, quorum alteri nomen Amphoteros, quod Græcis sonat ambo, alteri Hecateros, quod illis sonat uterque. Philippus itaque animadvertens Hecateron esse cordatum ac gerendis rebus accommodum, contra Amphoteron ineptum ac degenerem, invertit illis nomina, dicens: *c* Hecateron esse, Amphoteron, Amphoteron autem esse Udeteron; id est, neutrum. Significans alterum fratrum, videlicet Hecateron, duorum in se virtutes complecti, alteri nihil relictum. Itaque ei qui Amphoteros dicebatur, mutavit nomen in contrarium, ut & δέτερος diceretur, quasi nullius pretii.

10. QUIBUSDAM illi consulentibus ut cum Atheniensibus a perius ageret, respondit, illos absurde facere, qui homini cuncta ad gloriam tum agentis, tum patienti suaderent, *d* ut gloriæ suæ theatrum abjiceret:

K 4

signi-

a Ingratitudo tolerata. *b* Focus in morbo. *c* Focus ex vocabulis. *d* Clementer.

significans sese hoc agere, non ut Athenas everteret, sed ut civitati celeberrimæ doctissimorum virorum copia florenti suas virtutes probaret.

11. Duo pariter scelerosi sese invicem accusabant cognoscente Philippo: *a* audita causa pronuntiavit, ut alter exfularet Macedonia, alter illum insequeretur. Hoc Græce sonat jucundius, quod *φύγειν* & ad fugientem pertineat, & ad exsulantem: fugientem autem insequimur. Neutrum igitur absolvit Philippus, sed utrumque damnavit exilio.

12. Cum appararet in loco pulchro castra metari, & moneretur illic non esse pabulum pro jumentis: *b* Qualis, inquit, est nostra vita, si etiam ad asinorum commoditatem vivere cogimur.

13. Cum arcem quandam ac præsidium capere destinasset, valde munitam, atque exploratores retulissent, prorsus esse difficile, atque adeo etiam impossibile: percunctatus est: *c* Num usque adeo difficile esset, ut nec asinus auro onustus posset accedere: significans, nihil esse tam munitum quod auro non expugnetur. Quod ipsum Poëtæ significarunt fabula Danaës à Jove stupratæ, sed Deo in aurum verso. Unde Flaccus, Aurum per medios ire satellites, & perrumpere amat castra potentius ferro.

14. Cum hi qui apud Læsthenem erant quererentur, indigneque ferrent, quod quidam ex Philippi Comitatu dicerent ipsos proditores, Philippus respondit: *d* Macedones esse ingenio parum dextro, sed planerusticanos, qui ligonem nihil aliud nossent vocare quam ligonem. Alludens ad illud proverbium celebre, τὰ σῦν γε σῦν γε, τὸν σκάρην σκάρην λέγω. Innuit autem illos re vera esse proditores. Rusticana veritas quamque rem suis nominibus appellat.

15. FILIUM Alexandrum admonere solet, e ut cum Macedonibus comiter haberet consuetudinem, vulgo interim conciliata benevolentia, vires ac robur sibi parans, dum liceret alio regnante esse humanum: prudent-

a Facetum judicium. *b* Militia misera. *c* Auro nihil inexpugnabile. *d* Veritas. *e* Regum humanitas.

prudenter intelligens, ut nulla re melius constabili-
 imperium, quam civium benevolentia: ita difficilli-
 mum esse jam regnum administranti erga quoslibet esse
 humanum, non solum quod Regia potestas opposita sit
 invidiæ, verum etiam quod Respublica non possit esse
 incolumis, nisi scelera suppliciis coërceantur. Regibus
 enim haftenus temperanda est humanitas erga cives, ut
 interim Regiam tueantur auctoritatem. Nam immo-
 dica bonitas sæpe contemptum parit.

16. E I D E M suadebat, *a* ut eos qui in Republica
 pollerent auctoritate tum bonos, tum malos sibi con-
 ciliaret amicos, ac bonis quidem uteretur, malis vero
 abuteretur. Præcipua Regum ars est, nullum rejicere,
 sed ad publicam utilitatem omnium operam accom-
 modare. Quemadmodum Deus unicus totius mundi
 Monarcha, malis geniis ac impiis hominibus abutitur
 ad utilitatem Ecclesiæ: ita Principes cordati norunt &
 probis & improbis uti: non quod ipsi per malos mali
 quippiam faciunt, sed quod per malos puniunt malos.
 At multi sunt Principes, qui præpostere bonis abutun-
 tur, malis utuntur. Ad tyrannica negotia viros adhi-
 bent sanctitatis opinione celebres, quo vulgus esse re-
 ctum ac pium quod agunt existimet.

17. I D E M Philippus cum Thebis obses esset, Phi-
 lonis Thebani hospitio usus est, multisque insuper ab
 eo beneficiis affectus. Is cum vicissim à Philippo nihil
 muneris vellet accipere. *b* Ne me, inquit Philippus,
beneficentia superatum hac laude spolies, quod hætenus
à nemine beneficiis victus fuerim. O animum imperio di-
 gnium: Pulchrius existimavit benefaciendo quam po-
 tentia vincere.

18. C U M multi bello capti venderentur, Philippus
 in auctione sedebat sublata veste parum decore. Qui-
 dam igitur eorum qui vendebantur exclamavit. Parce
 mihi Philippe, paternus enim tibi sum amicus. Philip-
 po vero interrogante. *c* Quo pacto & unde ô homo conflata
 est hac amicitia? Tum ille. Volo, inquit, propius acce-

K 5

dens

a Bonis uti, malis abuti. *b* Beneficentia. *c* Admo-
 nitio grata.

dens dicere: cum admissus esset, quasi arcani quippiam dicturus. *Demitte*, inquit, *chlamydem aliquantulum*; nam ad istum modum indecenter sedes. Mox Philippus: *Hunc*, inquit, *finite abire liberum*, Nesciebam enim illum mihi vere benevolum & amicum esse. Non offensus est Rex tantus, nec simulatione, nec admonitione ignoti hominis, sed simul & simulatione mutua simulationem texit, & tantillum officium magno libertatis præmio pensavit.

19. QUODAM tempore ab hospite quodam invitatus ad coenam, a inter eundem plures forte obvios secum adduxit umbras. Ubi sensit hospitem turbari, quod tam multis non sufficeret apparatus, præmisso ad singulos amicos puero, jussit ut placentæ servarent locum: illi persuasi dum placentam expectant, paululum edebant, ita factum est ut coena succederet omnibus. Faceto joco & elusit amicos, & hospitis pudori subvenit.

20. HIPPARCHO Euboico vita defuncto, Philippus præ se ferebat quam illius mortem acerbe ferret. Itaque cuidam volenti dolorem ipsius mitigare, dicentique. Attamen ille tempestive decessit, jam natu grandis: *b Sibi quidem ipsi*, inquit Philippus, *tempestive decessit*, sed mihi præpropere. Mors enim illum anticipavit, prius quam à me beneficium acceperit, nostra dignum amicitia. Per quam rarum est Principem sentire gratiarum affectus, sed amicis plerique non aliter quam equis utuntur. Dum usui sunt curant, inutiles factos abjiciunt, eosque spoliant citius quam beneficio juvant.

21. UBI rescivit Alexandrum filium queri, quod pater ex pluribus foeminis gigneret liberos, sic illum hortatus est: *c Ergo cum plures habeas regni competitores*, da operam ut honestus ac probus evadas, ut non per me, sed per te ipsum regnum obtinuisse videaris. Vir prudentia vere regia præditus, non consolatus est filium, sed metum illius auxit quo magis exstimularet ad virtutem: indicans

a Urbanum mendacium. b Gratitude. c Regnum virtute ambiendam.

cans illi non aliter spectandum paternum regnum, nisi se successionem dignum præberet, nec tam magnum esse regnum adipisci, quam regnum promeruisse.

22. EUNDEM hortabatur, ut auscultaret Aristoteli cui traditus erat instituendus, daretque operam Philosophiæ: *a* Ne, inquit, *multa committas, qua me fecisse nunc pœnitet*. Perspexit egregius Princeps, neminem Philosophiæ expertem regno idoneum esse, nec puduit fateri se multa per errorem fecisse perperam, quod à teneris unguiculis Philosophiæ præceptis non fuisset imbutus. Nam qui experimentis discunt administrare regnum, licet ingenio felicissimo nati sint, tamen & sero & magno Reipublicæ malo tandem evadunt boni Reges. At qui Philosophiæ præceptis præmunitus accedit, si adsit mens integra, vix poterit ab honesto deflectere. Ubi sunt interim qui literas ac Philosophiæ studium clamant ad Rempublicam administrandam prorsus inutile?

23. Ex Antipatri amicis quendam in iudicum numerum adscripterat. Verum post ubi cognovit illum tingere barbam & capillos, submovit eum dicens. *b* *Qui in capillis fidus non esset, eum in rebus gerendis non videri dignum cui fideretur*. Fucō utebatur in tingendis capillis, ubi non multum erat lucri: multo magis ufurus erat fucō in publicis negotiis, ubi dolus interdum ingens adfert emolumentum. Et hanc oportet Regum præcipuam esse curam, ut cognoscendis causis viros præficient incorruptos. Id qui fieri potest, ubi venduntur iudicandi munia & is designatur iudex, non qui vir melior est, sed qui ad dandum prior, aut largior. At apud Philippum nec Antipatri tantum valebat auctoritas, quin suspectum è iudicium ordine moveret.

24. MACHETÆ ejusdæ pro tribunali sedens causam cognovit, sed dormitabundus, nec satis attentus ad juris æquitatem, itaque sententiam tulit adversus Machetam. Verum cum is exclamasset, se ab ea sententia appellare, Rex iratus: *c* *Ad quem?* inquit. Nam

K. 6

appel-

a Philosophia Regi necessaria. *b* Fucō non cedendum.

c Iudex attentus.

appellandi verbum Monarchis est invisum. Hic Machetes: Ad te ipsum ô Rex, si expergiscaris, & attentius audias causam. Ac tum quidem surrexit Rex. Cæterum postea quam causam apud se melius perpendisset intelligeretque Machetæ factam injuriam, judicata quidem non rescidit, sed pecuniam qua damnatus fuerat Machetes, ipse persolvit. In uno facto quot Regiæ virtutis argumenta. Non perseveravit irasci & provocanti, & somnolentiam publice objicienti, sed per otium rem suo cum animo accuratius consideravit, jam ab ira liber. Sit hoc civilitatis, regiæque moderationis: illud vero prudentiæ, quod ingenioso commento sic damnatum exemit damno, ut regiam tamen in judicando auctoritatem non proderet, multam privatim perinde quasi ipse damnatus esset, dissolvit.

25. INDIGNANTIBUS Philippi amicis quod Peloponnesii in Olympiacis ipsum sibilis deriderent, præsertim beneficiis à Rege affecti, hoc sermone Philippum exstimulantibus ad vindictam: *a* Quid igitur, inquit, futurum est, si quid illis faciamus mali? Urbanissime amicorum argumentum vertit in diversum. Si tam pravo ingenio sunt, ut eos irrideant, qui de ipsis bene meriti sunt: gravius nocebunt, si quis illos malefactis provocet. Hoc non solum moderationis & clementiæ, verum etiam eximie cujusdam magnanimitatis documentum fuit, ingratorum sibilos Regem negligere.

26. HARPALUS pro Cratere propinquo ac familiari suo qui injuriarum postulabatur, petiit à Philippo ut reus multam quidem solveret, sed à causa liberaretur, ne damnatus hominum maledictis exponeretur. Hic vero Philippus: *b* Præstat, inquit, ut ipse male audiat, quam ut nos propter illum. Indulgebat amicis, sed quatenus licebat integra judicis opinione.

27. IN exercitu cum multo tempore dormisset, exporrectus: *c* Tuto, inquit, dormivi, vigilavit enim Antipater. Subindicans non esse regium indulgere somno, præsertim in bello: sed tamen hoc interdum absque periculo fieri, si Rex habeat fidum ac vigilantem præ-

a Urbane. *b* Judex severus. *c* Præfectus vigilans.

præfectum. Ita cum laude amici suam excusavit somnolentiam.

28. RURSUS evenit, ut interdiu dormiente Philippo, Græci qui multi simul ad ostium convenerant, indignè ferrent, Regemque incusarent, quod ob illius somnolentiam non statim admitterentur ad colloquium: heic Parmenio sic Regi patrocিনatus est. *a* Ne miremini, inquit, si nunc dormit Philippus, nam cum vos dormiretis, hic vigilabat. Significans Græcis negligenter rem gerentibus, Philippum illis fuisse præsidio.

29. QUEM AD MODUM ipse fuit Urbanus, ita aliorum salte dictis delectabatur. Itaque cum cantorem inter cœnandum vellet reprehendere, deque pulsû chordarum loqueretur. Dii, inquit cantor, prohibeant. ô Rex, ne tu me melius hæc noris. *b* Civiliter & sibi vindicavit de arte iudicium, & Regem non offendit, meliorem illum iudicans quam ut cum musico de fidi-bus contenderet.

30. QUI N & asperius dicta, modo tempestive, æquo ferebat animo. *c* Nam cum dissidium haberet cum Olympiade uxore, cumque Alexandro filio. Demaratum Corinthium ad se venientem percunctatus est, quo modo inter Græcos invicem conveniret. Hic Demaratus: Scilicet, inquit, magnopere tibi curæ est Græcorum concordia, cum qui tibi sunt conjunctissimi, huiusmodi in te sint animo. Quid heic expectas, nisi ut Rex offensus Demarati libertate, jubeat illum ab oculis suis abduci? Immo, quoniam Demarati sermo ab ira ad saniora consilia vocabat, Rex sese ad ejus objurgationem composuit, positaque ira rediit cum suis in gratiam.

31. AN U I cuidam pauperculæ *d* Philippum appellanti ut causam ipsius cognosceret, cum hac flagitatione frequenter obstreperet illi, respondit sibi non esse otium: cumque anus inclamasset. Proinde ne Rex quidem esse velis: Philippus admiratus anciculæ liberam vocem, non illi solum præbuit aures, verum etiam

K 7

alios.

a Somnus excusatus. *b* De arte iudicet artifex. *c* Admonitio libera. *d* Regum est audire omnes.

alios audivit. Hoc idem Latini tribuunt Hadriano imperatori.

32. PHILIPPUS cum audisset filium suum quodam in loco scite cecinisse, civiliter objurgavit, dicens: *a Non te tui pudet, qui noris tam belle canere?* significans alias artes esse Rege digniores.

33. IDEM in palæstra prolapsus, cum surgens in pulvere vidisset corporis vestigium: *b Papa*, inquit, *ut minimam terræ partem natura sortiti, orbem appetimus universum?* Utinam hoc dictum inhæsisset animo filii, cujus ambitioni orbis fuit angustus.

34. PHILIPPUS Alexandrum filium objurgans, quod largitionibus Macedonum benevolentiam confectaretur: *c Quæ te malum*, inquit, *ratio in istam spem induxit, ut eos tibi putes fore fideles, quos pecunia corruperis?* *An tu id agis, ut Macedones te non Regem suum, sed prabitorem putent?*

35. ATHENIENSES legationem ad Philippum miserant. Ea benigne audita, ut humaniter dimitteret, jussit illos dicere, quare gratum facere posset Atheniensibus. Heic Demôchares excipiens: Si te ipsum, inquit, suspendas. Is Demochares unus fuit è legatorum numero ob linguæ procaciam dictus parrhesiastes. Ob tam inhumanum responsum indignantibus Regiis amicis, Philippus compescuit eos, jussitque ut Therſitem illum incolumem dimitterent. Tum ad cæteros legatos conversus: *d Renuntiate*, inquit, *Atheniensibus multo superbiores esse, qui ista dicant, quam qui impune dicta audiunt.* Tales demum animi regno digni sunt.

ALEXANDER MAGNUS.

1. IN Philippi dictis nihil erat, quod præter urbanitatem non etiam ad bonos mores conducirer: nec video quem Philippo jungamus congruentius quam filium Alexandrum. Is puer etiamnum, cum Philippus pater multa præclare feliciterque gereret, nequaquam eo gaudebat, sed ad pueros æquales ac collectaneos dice-

a Artes Rege indignæ. b Ambitio. c Benevolentia virtute paranda. d Prudenter.

dicebat: *Pater mihi nihil relicturus est.* Illis contra dicentibus. Immo hæc omnia tibi parat. *a Quid profuerit*, inquit Alexander, *si multa possidens agam nihil?* Jam tum cognoscas scintillam indolis ambitiosæ & irrequietæ.

2. I D E M cum levitate corporis ac pedum celeritate polleret, patri hortanti ut in Olympiis stadium decurieret: *b Facerem*, inquit, *si Reges habiturus essem concertatores.* Et hic agnoscas excelsum, nec cuiquam facile cessurum in certamine laudis & imperii. Nondum erat Rex, & tamen non dignabatur nisi cum Regibus committi.

3. C U M puella multa nocte ad Alexandrum esset deducta, cum eo dormitura, rogavit Rex ubi fuisset tamdiu: illa respondente, se expectasse donec maritus esset cubitum: ministros accitos acriter objurgavit: *c Reducite*, inquit, *hanc: parum enim absuit, quin vestra culpa fuerim factus adulter.* Egregium castitatis exemplum, tum in juvene, tum in Rege. Nam apud illos simplex stuprum pro nullo crimine habebatur. Apparet autem tum fuisse morem, qui adhuc durat in Italia, ut uxores secubarent à viris, nisi si quando vocarentur.

4. A L E X A N D R O puero Diis largius facienti suffitum, ac subinde ad thus accurrenti. Leonides illius pædagogus, qui tum aderat. Heus puer, inquit, tum large facies suffitum, cum regionem deviceris quæ thus gignit. Post cum eam regionem obtinuisset, memor ejus dicti, hac sententia scripsit illi literas: *d Mitto tibi thuris & casia talenta aliquot, ne posthac pareus sis erga Deos, cum non ignores nos potitos regione odoribus giguente.*

5. A P U D Granicum Martem experturus, hortabatur Macedones ut affatim pranderent, veluti postridie ex hostium commeatu cœnaturi. Præsens animus ac de belli eventu fideus ac securus.

6. P E R I L L U S unus ex amicorum Alexandri numero,

a Indoles agilis. b Regem regia decent. c Adulterium, d Profusio.

mero, filiabus suis ab Alexandro dotem petiit. Jussit Rex illum capere talenta quinquaginta: cumque is respondisset decem satis esse: *a Tibi quidem*, inquit, *satis est tantum accipere, mihi vero non satis est tantum dare.* Præclare dictum, nisi virtutis indolem ambitio vitiaffer.

7. ANAXARCHO Philosopho jussit quæstorem dare quantumcumque ille postularet: cumque quæstor audita postulatione turbatus Alexandro indicasset, Philosophum petere centum talenta: *b Recte*, inquit, *facit, sciens se amicum habere, qui tantum dare & possit & velit.* Hæc dubites utrum potius admirari oporteat, regiamne liberalitatem in donando, an Philosophi improbitatem in postulando, nisi malimus hanc vocari fiduciam.

8. MILETI cum vidisset multas statuas eorum qui in Olympiis ac Pythiis vicerant, easque prægrandes: *c Et ubi*, inquit, *erant tam magna corpora, cum Barbari vestram urbem obsiderent.* Salse taxavit illorum stultam ambitionem, qui gloriarentur his, qui corporum magnitudine viribusque præstantes in ludicris certaminibus victoriam reportassent, cum in tantis periculis nulli fuissent, qui adversus Barbaros se tales præberent.

9. CUM Regina Carum Adas illud haberet studio, ut assiduo mitteret Alexandro opsonia, bellariaque per talium rerum architectos coquosque magna arte parata, Alexander ait: *d Seipsum habere meliores opsonicorum artifices, ad prandium quidem, nocturnum iter: ad cœnam vero: tenue prandium.*

10. QUODAM tempore cum omnibus ad prælium apparatus interrogaretur, numquid aliud præter hæc fieri vellet: *e Nihil*, inquit, *nisi ut Macedonum barba radantur.* Hoc dictum quid sibi vellet admirante l'armenione. *An nescis*, inquit, *in prælio nullam ansam meliorem esse quam barba?* Significabat cominus esse pugnandum, in quo genere certaminis barba officiant, quod his milites facillime possunt apprehendi.

II. DA-

- a. Fiducia. b. Liberalitas. c. Fortitudo intempestiva. d. Frugalitas. e. Barba bello inutiles.*

11. D A R I U S obtulit has conditiones Alexandro , ut ab ipso acciperet talentorum decem millia , & insuper Asiam secum ex æquo partiretur. Id cum recusaret Alexander. Ego, inquit, Parmenio accepissem si Alexander essem : *a* Et ego , inquit Alexander , si Parmenio essem. Dario vero hunc in modum respondit : Neque terram duos soles , neque Asiam duos Reges ferre posse. Et hic animi celsitudinem probare possis , nisi dictum impotentiam quandam dominandi saperet.

12. C U M in Arbelis de rerum summa periclitatus esset , conflicturus cum mille hominum millibus ad pugnandum instructis , *b* adierunt illum milites aliquot ipsi bene volentes , deferebantque cæteros , quod in castris inter se miscerent sermones , conspirarentque ne quid prædæ in regium tentorium deportarent , sed ipsi totum in suum verterent lucrum. His auditis subrisit Alexander : *c* Fausta , inquit , nuntiatis. Siquidem audio sermones virorum ad vincendum , non ad fugiendum animatorum. Nec illum fefellit divinatio : plurimi namque milites Regem adiere dicentes. Bono animo esto Rex , neque metuas hostium multitudinem , ne prædorem quidem nostrum ferre poterunt.

13. I D E M instructa jam ad prælium acie , cum cerneret militum quendam id temporis amentum telo adaptantem , *d* ut inutilem subinovit ab exercitu , qui tum demum appararet arma , cum his utendi tempus adesset. Hoc inter strategemata magis commemorandum erat , quam inter apophthegmata , quemadmodum & hoc quod subijciam.

14. L E G E B A T Alexander epistolam à matre missam , *e* quæ arcana quædam & calumnias adversus Antipatrum continebat , simulque , ut solet , cum Rege legebat Hephæstion , nec cum Rex vetuit legere , sed perlecta epistola annulum signatorium è digito detractum ori illius appressit : hoc gestu admonens , ut arcana contineret. Exemplum insignis de amico fiduciæ , tum etiam humanitatis egregiæ , qui calumnias

a Monarchia. *b* Interpretatio commoda. *c* Præda contemptus. *d* Serus apparatus. *e* Silentium.

lumnias latius spargi noluerit, licet invisum haberet Antipatrum.

15. IN Ammonis templo cum à vate dictus esset Jovis filius : *a* Nihil, inquit, mirum : nam Jupiter omnium quidem natura pater est, sed ex his optimos quosque peculiariter suos facit. Modestissime interpretatus est oraculum : nam vates per adulationem dixit illum filium Jovis, quasi sic è Jove prognatus esset, quemadmodum Hercules creditus est esse Jovis filius. Alexander fassus est. Jovem natura auctorem ac parentem esse omnium, sed eos demum peculiariter pro suis filiis agnoscere, qui virtute ac præclare gestis proxime ad divinam naturam accederent. Ea est omnibus benefacere.

16. CUM in bello crus esset illi sagitta vulneratum, multique accurrerent, qui ipsum frequenter Deum appellare consueverant, exporrecta hilarique fronte ad Homeri carmen alludens, dixit : *b* Hic sanguis est quem videtu, liquorque qualis divus solet emanare beatus. Nimirum irridens adulatorum vanitatem, cum ipsa res declararet ipsum nihil aliud esse quam hominem. Allusit autem ad locum Homeri Iliad. 1. ubi narratur Venus à Diomede vulnerata.

17. Nonnullis Antipatri frugalitatem laudantibus, quod alienam ab omnibus deliciis, austeramque vitam ageret : *Foris*, inquit, *Antipater albo utitur pallio, intus vero totus est purpureus.* Notans fictam illius parcimoniam, cum esset alioqui ambitiosissimus.

18. CUM hieme frigidoque coelo apud amicum quendam convivio acciperetur, videretque foculum exiguum & ignis pusillum : *c* Aut ligna, inquit, inferte, aut thus. Subnotans convivatorem lignis suis parcere, perinde quasi thus essent, cum in rigore tanto nec thuri parcendum esset : simul satis esse ignis ad faciendum suffitum Diis, at parum ad depellendum frigus.

19. CUM apud Antipatridem cœnaret, isque ad cœnam formosam psaltriam induxisset, Alexander adspectu motus in illam exarsit : mox rogavit Antipatridem, nunquid ipse mulieris amore teneretur. Illo confiten-

a Filii Deorum qui. b Modeste. c Parcimonia.

fitente. *a* O scelestè, inquit, non tu protinus abduces è convivio mulierem? Quantum ille animus aberat à constupranda aliena uxore, qui tantopere sibi metuit ab amica hospitis.

20. R U R S U M cum Cassander Pythonem Euii tibicinis amasium per vim osculari vellet, idque Euium ægre ferentem sensisset Alexander, iratus exsiliit in Cassandrum clamans: *b* Itane per nos, ne amare quidem quidquam licebit? Non satis erat Regi, si se ipsum præstaret continentem, nisi & præfectos haberet sui similes. Quando autem passus fuisset à suis per vim constuprari filiam aut uxorem honesti civis, qui tibicini suos amores etiam ab osculo voluit esse inviolatos? Denique quod Duces peccarent, arbitratus est ad se pertinere.

21. C U M è Macedonum numero ad mare remitteret valetudinarios ac mutilos debilesque, proditus est quidam qui se inter ægrotos adscripserat cum non ægro-taret. Is cum ad Alexandri conspectum adductus esset, & examinatus fateretur, se morbum prætexuisse ob amorem Telestippæ, quæ ad mare fuerat profecta: percunctatus est Alexander, cui negotium retrahendæ ad exercitum Telestippæ delegaretur. Caterum ut cognovit eam esse liberam: *c* Persuadeamus igitur, inquit, *d* Antigènes Telestippæ, ut nobiscum maneat. Nam vim ad-movere libera, non est nostrum. Sic indulgit amorì strenuì militis, quem in exercitu retinere cupiebat, ut ingenuam mulierem redire noller nisi persuasam.

22. C U M Græci qui apud hostes stipendium faciebant venissent in potestatem Alexandri, Athenienses quidem iussit in compedibus servari, quod cum ex publico stipendium haberent, tamen apud hostes metuissent, similiter & Thessalos, quod regionem optimam nacti, non eam colerent: Thebanos vero dimisit, dicens: *d* His per nos nihil est reliquum, neque civitas, neque agri. Ita moderatus est pœnam, ut mortem com-meritis non indiceret nisi vincula, & culpam eorum qui necessitatem excusare poterant in se transtulit.

23. E x

a Continentia. *b* Continentia. *c* Civiliter. *d* Moderatio pœna.

23. **E**x Indis quendam sagittandi arte cum primis celebrem, *a* adeo ut etiam per annulum sagittam mittere diceretur, cum in bello coepisset, iussit artis suæ specimen edere: recusantem iratus Rex necari iussit. Cum duceretur homo, dixit his à quibus ducebatur, se multis diebus non exercuisse artem, eoque timuisse ne aberraret. Id ubi renunciatum est Alexandro, quod non contumacia, sed ignominia metu recusasset, admiratus ingenium gloriae studiosum, dimisit illum donatum, eo quod mortem oppetere maluisset, quam fama sua videri indignum. Hic apparet non omnino vanum esse quod proverbio iactatum est. Simile simili esse amicum. Alexander gloriae supra modum appetens similem affectum in aliis amabat.

24. **T**AXILES unus è numero Regum Indiae, occurrens Alexandro, sic illum affatus est. Provoco te, inquit, non ad pugnam neque ad bellum, sed ad aliud certaminis genus. Si inferior es, à nobis accipe beneficium: sin superior, nobis benefacito. Cui Alexander: *b* Atqui, inquit, ob hoc ipsum inter nos certandum est, uter bene faciendo superet alterum. Et humanissime complexus illum, non solum non spoliavit ditione, sed auxit etiam.

25. **C**UM audisset de rupe quadam apud Indos, quæ ob sublimitatem velut avibus inaccessa ἀόρυσσι^c dicitur, quod ipse quidem locus expugnatu difficilis esset, sed qui eum teneret formidolosus. Nunc, inquit, locus captus facilis est: significans nihil prodesse munimenta, nisi vir fortis ea tueatur. Arx enim non tam fossis ac muris tuta est quam viris.

26. **C**UM alius quidam rupem teneret inexpugnabilem ut putabatur, semet Alexandro dedit: At Alexander non solum ejus ditionis Principem esse iussit, verum etiam addidit, dicens: *c* Hic homo mihi videtur sapere, qui se maluit bono viro, quam loco munito concredere.

27. **R**UPE capta cum amici dicerent illum egregiis

a Gloria vita carior. *b* Certamen vere Regium. *c* Viri fortis fiducia.

giis gestis Herculem superasse : *a* *At* ego, inquit, *meas res gestas in imperio, ne verbo quidem cum his qua gestis Hercules, arbitror conferendas.* Adulabantur illi, sed hujus animo nulla satis faciebat adulatio.

28. Q U O S D A M *b* ex amicis mulctavit, quod in ludo alex sensisset eos non ludere. Siquidem multi sunt qui in hoc ludo velut in re maxime seria versantur. Non enim ludunt, qui fortunas suas omnes, interdum & liberos alex permittunt arbitrio.

29. I N T E R amicos quos habebat præcipuos ac potentissimos, omnium maxime videbatur honorare Craterum, sed omnium maxime diligere Hephæstionem. *Craterus enim, inquit, amat Regem, Hephæstion amat Alexandrum.* Id Græce jucundius dicitur, φιλοβασιλεύς & φιλαλέξανδρος. Sentiens Cræterum in his quæ ad Regiam dignitatem attinebant, præstare fidum amicum, Hephæstionem privato quodam affectu diligere Alexandrum. Pariter itaque licet dissimiliter amanti- bus diversa ratione persolvit præmium. Craterum ornavit dignitate, Hephæstionem ad intimam admisit familiaritatem.

30. X E N O C R A T I Philosopho quinquaginta talenta domo misit : ea cum ille recusasset accipere, dicens sibi non esse opus, interrogavit, an ne amicum quidem ullum haberet cui esset opus : *c* *Nam mihi, inquit, vix Darii opes in amicos suffecerunt.* Heic utrius animum magis admirari conveniat, nondum statui, Regisne tam ad liberalitatem propensum, an Philosophi qui tantum manus à tanto Rege ultro delatum remiserit.

31. P O R U S Rex ab Alexandro devictus, cum ab eo post pugnam rogaretur dicente : *d* *Quo modo te tractabo?* Regaliter, ait: rursus subjicienti Alexandro, *Num quid etiam aliud?* Omnia, inquit Porus, completur hoc verbum, Regaliter. Alexander & prudentiam, & fortitudinem viri admiratus latiore ditionem illi addidit ea quam prius obtinuerat: Supplici & ad pedes

a *Herculem centempsit Alexander.* *b* *Amicus.* *c* *Liberalitas.* *d* *Regaliter.*

des abjecto minus concessisset. Adeo diligebat animosus juvenis impavidos amicos. Quintus Curtius aliquanto secus narrat. Interrogatus Porus quid ipse victorem statuere debere censeret. Quod hic, inquit, dies tibi suadet, quo expertus es quam esset caduca felicitas. Submonuit Regem ut modeste sua fortuna uteretur, memor ipsi posse accidere, quod acciderat Po. u.

32. CUM accepisset esse quendam qui convitiis ipsum impeteret: *a Regium est*, inquit, *cum facias bene, audire male*. Nihil hoc dicto generosius, quanquam idem & aliis adscribitur.

33. MORTI proximus ad amicos respiciens dixit: *Magnum epitaphium video futurum*: praesentiens res ab ipso gestas multorum eloquentia celebrandas. Nec eum sua fefellit divinatio.

34. CUM Darii filias haberet captivas, demissis oculis eas salutabat, idque raro, sibi metuens ab illarum insigni forma. Apud familiares autem dicere solet: *Dolores oculorum sunt Persica puella*.

35. EDICTO vetuit, ne à quoquam pingeretur praeterquam ab Apelle, aut à quoquam aere sculperetur praeterquam à Lysippo, *b* artificibus illius ætatis præstantissimis. Nam hoc quoque judicabat ad Principis dignitatem pertinere. Cum Cherylo Poëta pactus erat, ut pro unoquoque bono versu Philippicum acciperet aureum, pro malo colaphum.

36. IDEM interrogatur ubi suos recondere thesauros: *c Apud amicos*, inquit: significans facultates nusquam reponi tutius. Cum enim res postulat, redeunt ad te cum fœnore.

37. CUM nuntius quidam gaudio gestiens, porrectaque manu accurreret, rem prospere gestam narraturus: *d Quid mihi bone vir magni nuntiabis, nisi nunties Homerum revixisse?* significans omnium præclare gestorum gloriam abolendam, nisi contingeret talis præco qualis fuit Homerus.

38. CIVITAS quædam ut ab armis Alexandri quie-

a Animus vere Regius. b Artes. c Liberalitas.

d Præco rerum gestarum.

quietem haberet, obtulit illi partem agrorum, & præterea rerum omnium dimidium. Cui sic respondit: *a* Hoc animo veni in Asiam, non ut acciperem quod dedissetis, sed ut vos haberetis quod reliquissetem.

39. ALEXANDER habebat Eudæmonicum Philosophum, sed quovis parasito adulantiorē. Hic cum aliquando tonaret vehementer, adeo ut omnes expaverent, dixit Alexandro. Quin tu tale quippiam facis Alexander fili Jovis? At ille non ferens tam abjecti Philosophi vocem, ridens ait: *b* Nolo enim formidabilis esse quemadmodum tu me doces, qui Satraparum ac Regum capita me jubes super cœnam apponere. Sic Athenæus, Plutarchus in vita secus aliquanto: *Quid mihi succenses, quod pisces apponam in convivio, ac non potius Satraparum capita?*

40. ALEXANDER cum hieme duceret exercitum assidens igni, recognoscere prætereuntē copias cœpit: cumque videret senem quendam horrentem frigore, & ad ignem stantem, considere loco suo jussit, dicens: *c* Si in Perside natus esses, in regia sella sedere tibi capitale foret: in Macedonia nato conceditur.

41. ALEXANDER etiamnum adolescens videns patrem Philippum equum præferocem, nec ullum sessorem tergo patientem, velut inutilem abjectum ire. *d* Qualem, inquit, equum isti perdunt, dum illo per imperitiam ac molliem uti nesciunt. Cumque mira arte sine verberibus tractasset equum tandem consensum ad cursum admisisset, tum calcibus usus est: ac molliter flexis habenis cum equum reduxisset, descendantis caput exosculatus pater. Aliud, inquit; ô fili, tibi par regnum quære, quando jam te non capit Macedonia. Prælagiit vir prudens tam excelsæ indoli non suffecturam paternam ditionem. Sed equus ille nos admonet, multa bene nata ingenia perire vitio instituentium, qui fere nesciunt imperare, nisi ex equis generosis reddiderint asinos.

42. IDEM Aristotelem, cui puer formandus fuerat

a Imperiose. *b* Adulatio. *c* Civiliter. *d* Indoles excelsa.

rat traditus, summa veneratione prosequeretur dicens, a se illi non minus quam patri debere, quod à patre vivendi, à præceptore bene vivendi initium accepisset.

43. CUM pirata captus ad ipsum deductus esset, rogatus qua re fretus auderet infestare maria, compendio respondit: b Ego, inquit, quoniam id unico navigiolo facio, pirata nominor: tu cum idem facias magna classe, Rex appellaris. Alexander admiratus intrepidum animum, donavit illi vitam.

44. IDEM Delphos profectus cum Sacerdos negaret se consulturam Deum, quod dies essent nefasti: quibus ne oraculis quidem loqui fas esset: vi pertracta cum Sacerdote templum adscendit, cumque illa importunitate victa diceret: Invictus es ô fili: c Satis, inquit, Alexander, oraculi est: mulieris vocem responsi loco ducens.

45. POSTEA quam in expeditionem profectus regias opes pœne omnes in milites ac Duces distribuisset, roganti Perdiccæ. Quid tibi nunc Rex superest? d Spes, inquit. Heic Perdicca. Hæc, inquit, nobis commilitonibus tuis futura communis est: & prædium quod ipsi designarat Alexander, recusavit. Tanta erat fiducia bene successuram expeditionem.

46. IDEM initio cum in causis capitalibus sederet iudex, accusatori alteram aurem occludebat: rogatus cur id faceret: e Alteram, inquit, integram servo reo.

47. CUM Philoxenus classis præfectus Alexandro scripsisset, Tarentinum quendam Theodorum esse apud se pueros habentem insigni forma venales, si vellet emere: indigne tulit, apud æquales subinde clamitans: f Quid in me Philoxenus tam obscenum animadvertit, ut mihi tantum probri conciliaret?

48. IN Callisthenem nequaquam sese accommodantem aulæ Regiæ moribus, sed & dictis & gestu præ se ferentem nihil ibi placere, dixit hunc versiculum:

Μισῶ σοφιστὴν, ὅστις ἐχ' αὐτῷ σοφός.

Id

a Pietas in præceptorem. b Animosè. c Oraculum. d Fiducia eventus. e Iudex incorruptus. f Integritas.

Id est :

a Sapiensem ego odi, qui sibi sapit nihil.

49. N I S A M expugnaturus cum videret milites deterri fluminis, quod civitatem praterlabitur, profunditate, exiliit: *b O me omnium deterrimum*, exclamans, qui natum non didicerim? moxque clypeo pro subere innixus primus tranavit.

50. I L I U M profectus Achillis statuam coronans: *e O te felicem*, inquit, Achilles, cui vivo talis amicus, mortuo talis contigerit praeo. De Patroclo loquens & Homero, quorum ille fidissimus Achilli fuit amicus, hic defunctum Iliade tota celebravit.

51. D U A B U S potissimum rebus, cum Deus à multis prædicaretur, *d se* quod mortalis esset deprehendere dicebat, somno & coitu, quod hæc præcipue proderent humani corporis imbecillitatem, ad cætera invictus erat. Somnus enim mortis imago est, & coitus species est morbi comitialis.

52. D A R I I Regiam ingressus cum vidisset sublime cubiculum, & in eo stratum, mensas cæteraque omnia mirifico ornatu instructa: *e Hoccine*, inquit, erat imperare? Sentiens non esse Regium hujusmodi deliciis indulgere.

53. I D E M lectum ingressus excussis accurate palliis dicere solet: Nunquid heic delicatum aut superfluum mater addidit? Adeo adhorrebat à muliebribus deliciis.

54. C U M delato ad ipsum scriniolo, quo nihil inter opes Darii pretiosius pulchriusve repertum est, quaereretur in quem usum destinandum esset: aliis aliud suadentibus, dixit: *f Huic optime servandus dabitur Homerus*: sentiens nullum esse thesaurum illo pretiosiorum. Ita visum est juveni, qui se totum ad exemplar Achillis componebat.

55. I D E M hortante Parmenione, ut noctu hostem adoriretur, aliqui summum fore discrimen, si palam

L

cum

a Servire temporis. b Exemplum Ducis. c Præcipua bona. d Quæ nos admonent mortalitatis. e Delicia indigna Principe. f Litterarum amor.

cum tanta multitudine Martem experiretur. Siquidem ex fragore procul velut è pelago resonante, conjectabant immensum esse numerum: *a* Non furor, inquit, victoriam: recusans tenebrarum præsidio vincere.

56. CUM legisset prolixam epistolam ab Antipatro scriptam, in qua multæ inerant adversus Olympiadem calumniæ: *b* Ignorare videtur, inquit, Antipater, quod una matris lachryma multas delebit epistolas.

57. CUM sensisset sororem suam cum juvene quodam eleganti forma consuetudinem agere, nihil offensus est, sed dixit: *c* Concedendum esse, ut illa quoque aliqua ex parte regno frueretur: Multum dissentiens ab animo Cæsaris Augusti, qui nihil acerbius tulit, quam filia neptiumque lasciviam.

58. CUM audisset Anaxagoram differentem, innumerales esse mundos, illachrymasse dicitur. Rogantibus nunquid accidisset lachrymis dignum: *d* An non videor, inquit, merito flere, qui cum mundi sint innumerales, nos nondum unius domini facti sumus?

59. PHILIPPUS à Triballis in prælio vulneratus est femore lancea trajecto: opera chirurgi liberatus periculo mortis, dolebat claudicationis deformitatem contractam manere. Cui Alexander: Ne vercaris, inquit, in publicum prodire, sed gradum movens virtutis tuae potius memineris. Hoc & aliis adscribitur.

60. SI quando in colloquiis aut conviviiis incidisset e contentio de carminibus Homeri, aliis alia præferentibus, hoc unice probavit Alexander.

Ἀμρότερον βασιλεύς τ' ἀγαθός, κρατερός τ' αἰχμητής.

Id est:

Dux bonus atque idem validus pugnator in armis.

Addebat Homerum hoc versu virtutem Agamemnonis prædicasse, Alexandri vaticinatum esse.

61. CUM transmissio Hellesponto Trojam inviseret, veterum heroum res gestas animo revolvens, quidam, si vellet, pollicitus est se Paridis lyram daturum.

Heic

a Ingenue. *b* Matris lachryma. *c* Candide. *d* Ambitio insatiabilis. *e* Comparatio carminum Homericorum. *f* Iliad. γ.

Heic Alexander: *a Minime*, inquit, *illa mihi est opus, cum Achillis lyram habeam.* Hac vir strenuus fortium virorum laudes canere consuevit, cum Paris sua lyra molles ac lascivos modulos incineret.

62. Q U O D A M tempore Darii mulieres invisit una cum Hephæstione. Hunc, cum esset eodem ornatu quo Rex, corpore etiam major: Syngambris Darii mater pro Rege adoravit. Eadem cum ex nutibus adstantium intellexisset errorem suum, perturbata denuo salutavit Alexandrum. Tum Alexander: *b Nihil est, ô mater, quod turberis. Nam & hic Alexander est.* Sentiens amicum esse alterum Alexandrum.

63. C U M in Hammonis templum venisset, Sacerdos grandævus illum salutavit. Salve fili, & hanc appellationem à Deo habeas, tum Alexander: *c Accipio eam, ô pater, & posthac patiar tuus dici, si mihi totius Orbis dominium concesseris.* Sacerdos recepit se intro, & quasi consulto Deo respondit, Jovem certo promittere quod peteret. Heic Alexander. *Scire cupio num quis super sit inultus eorum qui patrem meum interfecerunt.* Ad hæc Sacerdos, Philippi, inquit, interfectores omnes dedere pœnas, sed patri tuo nemo mortalium potest tendere insidias: significans illum esse Jovis, non Philippi filium.

64. C U M Darius numerosissimum exercitum instruxisset, Alexander profundissimo somno correptus est adeo, ut nec interdium potuerit expergisci: tandem imminente periculo amici ingressi Regem excitarunt, qui cum dicerent, se mirari in eo rerum statu tantam Regis securitatem: *d Magna*, inquit Alexander, *animi molestia me Darius liberavit, qui vires suas omnes in unum contraxit, ut liceat uno die de summa rerum decernere.*

65. A L E X A N D R O Magno Corinthii per legatos jus suæ civitatis detulerunt. Hoc officii genus cum rississet Alexander, quidam è legatis. Nulli, inquit, civitatem unquam donavimus præterquam tibi & Herculi. Hoc audito lubens accepit oblatum honorem,

L 2

quem

a Musica digna Duce. b Humanitas. c Adulatio.

d Animosè.

quem illi commendabat partim raritas, partim cum Hercule laudatissimo viro societas.

66. D U M in obsidione cujusdam urbis infirmissima moenium quærit, sagitta ictus est, nec tamen ab instituto destitit: mox cum represso sanguine sicci vulneris dolor cresceret, & crus equo suspensum paullatim obtorpuisset, coactus quod cœperat omittere, ac chirurgum accersere. *Omnes, inquit, me prædicant Jovis esse filium, sed vulnus hoc hominem esse me clamat.*

67. Z E N O P H A N T U S certis modis Alexandrum ad arma solet concitare. Eam Musices vim admirantibus cunctis, quidam ait. Si tantus artifex est, incinat modulos quibus illum à bellis revocet. Sentiens non esse magnæ artis hominem eo percellere, quo suapte natura pronus est.

A N T I G O N U S *Rex Macedonum.*

1. A N T I G O N U S in extorquendis pecuniis acer erat ac rigidus. Cuidam itaque dicenti. At non talis fuit Alexander: *a Merito*, inquit, *nam ille metebat Asiam, ego culmos lego.* Sentiens opulentissimam Asiam prius ab illo spoliata, sibi à spoliatis corradendum quod posset.

2. M I L I T E S quosdam videns thoracibus & galeis indutos sphæra ludere, delectatus est hoc spectaculo, ac Duces illorum accersi jubet, ut eos coram illis laudaret: verum ubi nuntiatum esset Duces bibere, *b præfecturas* illorum militibus dedit, qui sphæra luserant armati, simul & Ducum ignaviam puniens, & militum strenuitatem honorans.

3. C U M omnes admirarentur quod cum initio regni durior fuisset, senex factus clementer ac placide regnum gubernaret. *c Prius*, inquit, *opus erat regno, nunc gloria & benevolentia*: sentiens regnum armis & austeritate frequenter parari, sed non nisi honesta opinione civiumque benevolentia retineri.

4. I D E M filio Philippo multis præsentibus percunctanti

a Festiviter. b Severe. c Regni stabilitas.

stanti ac dicenti. Quando castra movebimus? *a* Quid, inquit, num metuis ne solus tubam non audias? Notans adolescentis imperitiam, qui hoc patrem multis audientibus percunctaretur, cum in bello celandi sint consilia Principum: sed quoties castra movenda sunt, tum omnibus tuba dat signum.

5. CUM adolescens institisset, ut hospitium nancisceretur apud viduam treis habentem forma decente filias, accito hospitii designandis praefecto: *b* Non expelles, inquit, filium meum ex loci angustia? Non prodidit adolescentis affectum, qui sciebat illum captare quod amaret, sed excusavit ædium angustiam in quibus vidua cum tribus filiabus ageret.

6. A GRAVI morbo postea quam convaluerat: *c* Nihil'o pejus est, inquit, siquidem hic morbus submonuit nos, ne animo efferamur cum simus mortales. Quis docuerat ethnicum Regem philosophiam Christiano dignam animo? Deplorabant amici ceu magnum malum, quod tam graviter ægrotasset, ille interpretatus est ex morbo plus accessisse boni quam mali. Corpus extenuarat, sed animum reddidit modestiorem: corporis robori non nihil detraxerat, sed animo detraxit, insolentiam, morbum longe periculosissimum. Proinde non pessime res habet, cum levior morbus arcet pellitve majorem.

7. HERMODOTUS Antigonum in carmine scripserat Jovis filium. Is hoc legens: *d* Istius, inquit, rei nequaquam mihi conscius fuit Lasanophorus ille: perquam facete ridens poëticam adulationem parique modestia sui generis humilitatem agnoscens. Lasanum autem matula fictilis est. Quod si Jovis erat filius, ea res haëtenus fefellerat & servum matulam in cubiculo ferre solitum, & Antigonum filium.

8. QUADAM dicente, omnia Regibus honesta justaque esse: *e* Sunt per Jovem, inquit, Barbarorum dumtaxat Regibus: at nobis ea dumtaxat honesta sunt, quae honesta sunt, & ea tantum justa, quae justa sunt. Graviter retudit adulatricem vocem, volentis omnia licere Regibus.

L 3

a Silentium in bello. *b* Caste. *c* Morbus utilis. *d* Mea-
deste. *e* Regibus honesta tantum licent.

bus. Non enim Rex est honesti justique regula, sed honesti justique minister est. Atque utinam similes voces non audiant Christianorum aures, aut si audiant, simili severitate rejiciant. Quid enim aliud dicunt, qui occidunt. Quod Principi placuit, legis vigorem habet: qui negant Principem teneri legibus, qui tribuunt illi geminam potestatem, ordinatam & absolutam: quarum altera possit quod leges, pacta, & fœdera postulant: altera quodcunque libuit.

9. FRATER Antigoni Marfyas litem habebat, sed à Rege postulabat ut causa domi cognosceretur. Cui Antigonus: *a Si nihil, inquit, præter jus agimus, melius fiet in foro, cunctisque audientibus.* Non impetravit hoc à Rege fraternus affectus, ut vel tantillum de jure concederet. Ipsum autem hoc dilemmate constrinxit: si injustam causam habere te scis, cur litigas? Sin justam, cur fugis hominum conscientiam, & ad domesticas latebras rem fori pertrahis, non cariturus sinistra civium suspicione, etiam si bonam causam viceris?

10. CUM aliquando tempore hiberno compulisset castra transferri in locum ubi non erat rerum necessariarum copia, atque hac de causa milites quidam in Regem maledicta congererent, ignari ipsum esse in proximo, virga tentorii vela diduxit: *b Flebitis, inquit, nil longius semoti de me male loquamini.* Quid hac facetia clementius, aut quid hac clementia facetius? Simulabat se non indignari quod male de ipso loquerentur, sed quod tam vicini, ut exaudiri possent ab eo cui maledicebant.

11. ARISTODEMO qui unus ex amicorum regiorum numero fuit, è coquo, ut putabatur, prognatus, suadenti ut impendiis ac largitionibus aliquid detraheret: *c Verba tua, inquit, Aristodeme jus olent.* Subindicans coquorum esse parcimoniam, non Regum: proinde illum tali consilio non meminisse cujus esset amicus, sed quo esset patre natus.

12. CUM Athenienses servum Antigoni honoris gratia perinde ut ingenuum in civium numerum adscri-

psis-

a Severe. b Lenitas. c Liberalitas Regum.

psissent : *a* Nequaquam, inquit, velim unum Atheniensium à me loris cadi : significans per illos factum, ut unum civem Atheniensem posset loris cedere, quippe servum : sed Athenis esse plures uno commeritos, ut à Rege loris caderentur, qui servum alienum, quod in ipsis fuit, manumitterent.

13. A D O L E S C E N S quidam Anaximenis Rhetoris discipulus, orationem à præceptore meditatam, & ad eam recitandam subornatus, coram Antigono habebat : cumque is inter audiendum quiddam scire cupiens sciscitaretur, moxque adolescens reticuiisset : *b* Quid ais, inquit Antigonus, num ista tibi sunt in tabulis descripta ? Quod ille in adolescente judicavit absurdum, hoc hodie magnificum habetur, ut senes etiam apud Principes orationem à Rhetore quopiam conducto sex mensibus elaboratam ediscant, eamque psittacorum more reddant. Nec raro fit, ut nemine etiam interpellante sibi excidant, cunctisque ridiculi sint.

14. A L T E R U M quendam Rhetorem audiens ita loquentem, Hora nivium jaculatrix adveniens, regionem herbis defectam reddidit : *c* Non desines, inquit, mecum ut cum turba agere ? Offensus est Rex oratione nimis elaborata, cujusmodi verborum apparatu solent se venditare Rhetores apud imperitam multitudinem. At idem apud Regem facere, erat illius abuti patientia. Quoniam autem affectata sermonis structura, Latine non perinde potest exprimi, Græca ponam $\chi\rho\nu\nu\omicron\beta\omicron\lambda\omicron\varsigma$ ἢ ὥρα χρομένη, λειποβοτανεῖν ἐποίησι τὴν χώραν, pro $\chi\rho\nu\nu\omicron\beta\omicron\lambda\omicron\varsigma$ ἢ ὥρα dicere poterat hiems, & λειποβοτανεῖν verbum est affectatum, vixque Poëtæ concedendum.

15. T H R A S Y L L O Cynico petenti drachmam : *d* Non est, inquit, munus Regium. Cynico subjiciente. Talentum igitur da. At non est, inquit, Cynicum tale munus accipere. Utroque cornu repulit postulatoris improbitatem, quem existimabat nullo dignum beneficio.

16. C U M mitteret filium suum Demetrium cum numerosa classe magnaue militum vi ad Græcos libe-

xandos, dicebat. *a* Gloriam à Græcia velut à specula in orbem terrarum accendi: juvenem gloriæ studio exstimulans, uti strenue rem gereret, quod ejus laudis rumor non intra Græciæ fines esset continendus, sed ob Græci nominis celebritatem, per omnes mundi plagas dimanaturus.

17. ANTAGORAM Poëtam in tentorio congrum coquentem, atque ipsum patellum versantem deprehendit Antigonus à tergo stans, eique dixit: *b* Putasne, ô Antagora, Homerum cum Agamemnonis res gestas scriberet, coxisse congrum: Contra hæc Antagoras. Et tu Rex, putasne Agamemnonem cum illas res gereret, fuisse curiosum, si quis in exercitu congrum coqueret? æquo animo Rex tulit joci talionem, quasi inter pares res ageretur.

18. IN somnis Antigonus aliquando viderat Mithridatem auream metentem messëm, eoque struebat illi infidias, ut tolleret è medio. *c* Idque dum indicasset Demetrio filio, jurejurando adegit ut fileret. Is vero juncto sibi Mithridate deambulabat in litore maris, & infima hastæ parte inscripsit arenæ. Fuge Mithridates. Is intellecta re profugit in Pontum, atque illic perpetuo regnavit. Hoc cum non sit apophthegma, videtur ab aliquo adjectum.

19. ANTIGONUS amicis suadentibus, ut si Athenas caperet validis illam præsidii communiret, ne quando deficeret, summaque cura ut totius Græciæ basin custodiret, respondit, *d* se semper in hac fuisse sententia, ut crederet nullum esse regni præsidium firmitus, quam civium benevolentiam.

20. IDEM ubi audivit Reges in ipsius exitium conspirasse, insolentissime respondit, *e* se illos omnes velut aves semina legentes uno lapide unoque clamore disturbaturum.

21. CUM Antigonus in arduis ac præruptis locis planitiei imminentibus exercitum haberet, Pyrrhus positus circa Napliam castris, postridie per caduceatorem,

a Gloria stimulus. *b* Urbanitas. *c* Fides amici. *d* Clementer. *e* Insolenter.

rem, ut in campum descendens Martem experiretur provocavit. Antigonus vero respondit. *a* *Suam militiam non magis armorum quam temporum esse: Pyrrho si illum sua vita radium cœpisset, satis multas ad interitum vias patere.*

22. ANTIGONUS interrogatus, quem è suæ ætatis Ducibus præstantissimum judicaret, respondit; *Pyrrhum si senesceret.* Non pronuntiavit optimum, sed optimum fore, si rerum experientiam ætas adju-geret.

23. IDEM videns militem quendam alioqui strenuum, *b* & ad pericula promptum, parum bene affecto corpore, rogavit quid palleret: illo confesso morbum occultum, jussit Medicis ut si qua fieri posset adhiberent remedia. At miles jam morbo liber cœpit de-rectare pugnam, minusque prompte semet obicere periculis. Rex admiratus interrogavit illum quanam es-set mutati animi causa? Tum miles. Tu ipse, inquit, in causa fuisti: cum afflicte viverem, non magnopere metuebam tali vitæ: nunc cum tua opera mihi vita fa-cta est carior, magis caveo ne pereat.

24. ANTIGONUS senior Sophistæ cuidam li-brum de justitia conscriptum porrigenti: *c* *Despicias, inquit, qui cum me videas alienas urbes armis vexantem, ta-men apud me de justitia differis.* Sensit eos qui ditionis ampliandæ, gloriæve causa bellum inferunt alienis civi-tatibus, non posse tueri justitiæ leges.

25. ANTIGONUS senior cum frequenter Biantem moleste flagitantem tulisset, tandem victus tædior: *Date, inquit, Bianti talentum, vel vi.* Sentiens benefi-cium non impetratum, sed improbitate extortum.

26. ANTIGONUS cum nocte quadam quosdam è militibus suis exaudisset omnia mala imprecentes Regi qui ipsos in illud iter & inextricabile lutum induxisset, accessit ad eos qui maxime laborabant: eos cum igno-rantes à quo adjuvarentur explicuisset. *Nunc, inquit, maledicite Antigono, cujus vitio in hac miseria incidistis.*

L 5

sed.

a Non semper pugnandum. *b* Felicitas timidos facit.
c Bellum injustum.

sed ei bene optate, qui vos ex hac voragine eduxit. Hac vindicta contentus erat Regis vere excelsus animus.

27. I D E M cum in parvulo quodam castello Græci obsiderentur, ac fiducia loci contemnentes hostem, multa in deformitatem Antigoni jocarentur, & nunc staturam humilem, nunc collisum nasum deriderent: *Gaudeo*, inquit, & *aliquid boni spero, quando in castris meus Silenum habeo.* Cum hos dicaces fame domuisset, quod captis facere mos est, videlicet ut qui bello sunt utiles, in cohortes describantur, cæteri preconio subjiciantur, negavit se vel id facturum fuisse, nisi expediret his dominum habere, qui tam malam haberent linguam. Hoc idem arbitror esse cum eo quod refert Plutarchus, nisi quod aliter commemoratur à Seneca.

28. I D E M cum accepisset instrumentum prægrandibus literis descriptum: *a Hæ*, inquit, *vel cæco perspicuae sunt*: jocans in vitium oculorum. Erat enim luscus. Idem alius magno capitis sui periculo dixisset, quod usu venit Theocrito Chio, de quo postea dicetur.

29. A N T I G O N U S Rex cum renuntiatum esset filium Alcyoneum in acie cecidisse, demisso vultu paulisper apud se cogitavit, mox erupit in hanc vocem. *O Alcyonee serius quam oportuit vitam morte commutasti, qui tam audacter in hostes insilieris, neque tuæ salutis, neque meorum monitorum ullam habens rationem.* Putavit non esse deplendum qui sua culpa perisset, sibi que calamitatem accersisset. Refertur ex Plutarcho.

30. I D E M conspiciens filium suum eos, in quos habebat imperium, ferocius tractantem atque insolentius: *b An ignoras*, inquit, *fili, regnum nostrum esse splendidam servitutem?* Nihil dici potuit cordatius. Nam Princeps non minus observare cogitur populo, quam populus Principi, nisi quod Princeps id facit cum dignitate, alioqui re vera mutua servitus est.

31. J A M ut cum Græcis utcunque paria faciamus. Alexandro Julium Cæsarem, Philippo Augustum, Antigono M. Tullium objiciemus.

O C T A -

a Jocari in seipsum. b Regnum servitute.

O C T A V I U S C Æ S A R
A U G U S T U S.

1. C U M in convivio Rhoemitalces Thracum Rex, qui ab Antonio ad Augustum desciverat, insolentius jactaret sua erga Cæsarem merita, ac sine fine exprobrans belli societatem, molestus esset, Cæsar dissimulata illius petulantia, alteri cuidam Regum propinans dixit: *a Proditionem amo, proditores non laudo.* Significans his qui proditione profuerunt, nihil deberi gratiæ: licet enim officium quod præstant pro tempore gratum est, ipsi tamen habentur pro malis ac fœdistragis.

2. C U M Alexandrini post urbem vi captam extrema se passuros existimarent, *b* Augustus suggestum conscendit, adjuncto sibi Ario Alexandrino, dixit se civitati parcere, primum propter ipsius magnitudinem ac pulchritudinem, dein propter Alexandrum Magnum ejus urbis conditorem, postremo in gratiam Arii amici. Raræ cujusdam clementiæ fuit, non diripere civitatem quæ pertinacissime rebellarat: sed non minus laudis merebatur illa civitas, quod hujus beneficii gratiam non sibi vindicavit, sed unam præcipuamque partem ipsi concessit urbi, alteram tribuit Alexandro, cujus memoriam sciebat apud Alexandrinos esse gratiosissimam; tertiam transtulit in Arium, ejus civitatis civem, amicum tanto titulo suis commendans.

3. C U M ad Augustum delatum esset, *c* Erotem Ægypti Procuratorem emisisse coturnicem, in pugna superantem omnes, prorsus invictam, eamque assam devorasse: jussit acciri hominem, & discussa causâ confessum malo navis affigi jussit, vita judicans indignum, qui ob tantillam gulæ voluptatem non pepercisset avi, quæ pugnando diu multisque potuisset esse voluptati: præterea quæ læto quodam omine Cæsari perpetuam in bellis prosperitatem portenderet.

4. I N Sicilia pro Theodoro Arium præfectum instituit, *d* sed cum Cæsari quidam libellum porrexisset, in quo scriptum erat, Calvus Theodorus Tarsensis fur

L 6

erat

a Proditio grata. b Clementer. c Severe. d Lepide.

erat, quid tibi videtur? lecto eo, nihil aliud subscripsit quam *Videtur*.

5. **Athenodoro** Philosopho caussatione senectutis flagitanti ut sibi liceret redire domum, Augustus concessit. At cum ille Cæsari dixisset, Vale, volens aliquod Philosopho dignum monumentum apud illum deponere, adjecit Cæsar, cum fueris iratus, ne quid dixeris fecerisve, prius quam Græcarum literarum **XXIV** nomina apud te recensueris. Cæsar autem Philosophi dexteram amplexus: *a* *Adhuc*, inquit, *te presente mihi opus est*: totumque etiam annum apud se detinuit, dicens illud Græcorum proverbium, *Silentii sunt tuta fidi præmia*: sive approbans Philosophi dictum, quod tutum esset iram premere ne prorumpat in verba, sive sentiens Philosopho profuturum fuisse, si hoc dictum non addidisset jam abiturus. Quanquam tam salubris admonitio magnificum aliquod præmium merebatur.

6. **Cum** audisset, quod Alexander natus annos triginta duos postea quam plerasque mundi regiones peragrarat, *b* dubitasset quid in reliquum vitæ tempus esset factururus, demirabatur si Alexander non judicasset majus opus, bene gubernare partem imperium, quam amplam ditionem comparasse. Recte notavit inexplabilem Alexandri ambitionem, qui nullam aliam functionem Rege dignam existimasset, quam proferre ditionis terminos, cum multo tum pulchrius tum difficilius sit, regnum quod contigit, rectis legibus, sanctisque moribus exornare, quam armis regnum addere.

7. **Augustus** legem tulerat de adulteris, quo modo judicandi essent de hoc crimine delati, & quo modo puniendi convicti, post iræ impotentia irruit in adolescentem delatum, quod cum Julia Augusti filia commercium habuisset, eumque manibus verberavit. At cum adolescens exclamasset: *c* *Legem tulisti o Cæsar*: adeo facti poenituit Cæsarem, ut eo die recusaret scenam capere. Crimen per se grave erat, tum admis-

sum

a *Ira remedium.* *b* *Parta tueri maximum.* *c* *Princeps legum observator.*

sum in Cæsaris filiam. Quis Princeps ibi dolori suo temperaret : Aut quis ibi legum judiciorumque mores expectaret ? At tantus Princeps sibi adeo displicuit , ut à seipso pœnas sumeret quod legi quam aliis prodiderat , non per omnia paruisset.

8. C U M Cajum ex filia nepotem , *a* in Armeniam mitteret , optabat à Diis , ut illum Pompeji benevolentia , audacia Alexandri , ipsius autem fortuna comitaretur. Quod in singulis erat præcipuum , id optabat uni contingere. Illud autem singularis cujusdam erat modestiæ , quod vir ingenio , doctrina , consilioque præstans , sua præclara gesta fortunæ adscribebat.

9. D I C E B A T se Romanis eum imperii successorem relicturum , *b* qui nunquam eadem de re bis consultasset : de Tyberio sentiens.

10. C U M juvenes nobiles ac dignitate claros inter se tumultuantes vellet compescere , nec auscultarent illi , sed tumultuari pergerent : *c* *Audite* , inquit , *juvenes senem , quem juvenem senes audierunt*. Augustus enim adolescens ad Rempublicam admotus est , summaque fuit auctoritate : hac sola voce illos coërcuit , nec aliud supplicium ob concitatum tumultum exegit.

11. C U M populus Atheniensium videretur deliquisse quiddam , scripsit ex urbe Ægina : *d* *Non arbitror vos latere quod vobis irascor. Neque enim Ægina sum hibernaturus*. Nec aliud illis neque dixit , neque fecit , satis habens illis comminatum esse , ni desisterent.

12. C U M quispiam ex Euclidis accusatoribus , *e* assatim & ad satietatem usque dicendi libertate utens , eo tandem provectus esset ut tale quiddam diceret , Hæc si tibi non videntur magna , jube ut mihi reddat septimum Thucydidis librum. His offensus Cæsar jussit illum duci. Cæterum ut audivit illum ex Braside posteris reliquum esse , ad se venire jussit , ac moderate correptum dimisit.

13. P I S O N I domum à fundamentis usque ad extremam contignationem accurate ædificanti : *f* *Ut bono* ,

L 7

in-

a Votum. *b* Præsens Consilium. *c* Auctoritas. *d* Clementer. *e* Clementer. *f* Commoda interpretatio.

inquit, *sim animo facis ô Piso, qui sic adificas, quasi Roma futura sit perennis*: Non offensus est immodico structuræ apparatu, sed quod alius fuisset suspicatus ad tyrannidem spectare, ille verit in lætum Romani Imperii auspiciū. Hactenus Plutarchus.

14. **SCRIPSERAT** Augustus tragœdiam cui titulus erat Ajax, eam post, quoniam displicebat, spongia delevit. Itaque cum Lucius tragœdiarum scriptor interrogaret quid ageret ipsius Ajax, Cæsar admodum festiviter: *a In spongiam*, inquit, *incubuit*: alludens ad argumentum fabulæ, in quo Ajax cum rescivisset quæ dixisset, fecissetque per insaniam, gladio incumbens sibi necem conscivit.

15. **CUIDAM** ipsi libellum trepide porrigenti qui manum nunc proferret, nunc retraheret: *b Quid*, inquit, *An putas te assem dare elephanto?* Solent enim pueri inimicos nummos elephanto porrigere, quos ille non sine spectatorum admiratione proboscide sic corripit, ut pueri manum non lædat. Sic videmus pueros & in urſorum rictum manum inferere, non sine metu. Molestum erat optimo Principi quod timeretur.

16. **CUM** ab eo Pacinnius Taurus munus peteret, diceretque populari rumore sparsum, pecuniam haud parvam ipsi à Cæfare datam: *c Sed tu*, inquit, *noli credere*: lepido joco significans se non daturum. Alter expectabat futurum ut Cæsar ipsius pudori succurreret, ne si compertum esset rumorem esse vanum, ipse ludibrio haberetur. Cæsar aliud indicavit remedium, si neret homines loqui quæ vellent, modo ne ipsi quod erat falsum persuaderent.

17. **ALTER** præfectura equitum submotus, insuper & salarium ab Augusto postulare est ausus, hoc colore, ut diceret se non lucri causa salarium petere, sed ut tuo, inquit iudicio videar impetrasse munus, & ita credar non ab officio submotus, sed officium deposuisse: *d Tu*, inquit Augustus, *apud omnes pradica te accepisse, ego non negabo*. Si nihil movebat petitem, nisi

a Lepide. b Princeps aditu facilis. c Lepide. d Lepide negare.

nisi metus ignominia, via commonstrata est, qua nihilominus honori suo consulere posset, quam si pecuniam accepisset.

18. HERENNIIUM adolescentem vitiis corruptum Cæsar castris excedere jussérat: cumque ille dimissus supplex ac plorabundus apud Augustum hac deprecatione uteretur, Quo ore redibo in patriam, quid dicam patri meo: *a* Dic, inquit, *me tibi displicuisse*. Quoniam pudebat adolescentem fateri quod ipse Cæsari displicuisset, Cæsar permisit ut sermonem inverteret & culpam in ipsum conferret.

19. MILES quidam in expeditione saxo percussus, notabilique in fronte cicatrice deformatus, quoniam honesto vulnere erat insignis, immodice sua facta jactabat, ejus insolentiam Augustus leniter castigavit. *b* At tu, inquit, *cave ne quando fugiens post te respexeris*. Subindicans fieri posse, ut vulnus de quo nimium se venditabat, non in prælio, sed in fuga accepisset.

20. GALBA corpus habens gibbo deforme, de quo vulgo jactatum est. Ingenium Galbæ male habitare, cum apud Cæsarem causam agens subinde diceret, Corrige me Cæsar, si quid in me reprehendendum videris: *c* Ego, inquit, *Galba, monere te possum, corrigere non possum*. Corrigitur quod reprehenditur, corrigitur quod ex distorto fit rectum.

21. CUM plerique rei, quos Severus Cassius accusabat, absolverentur, & is cui Cæsar forum exstruendum locarat, diu traheretur illi operis expectatione: *d* Vellem, inquit, *Cassius & forum meum accusasset*. Jocatus est ambiguo verbo. Nam absolvitur quod perficitur, & absolvitur qui à causa liberatur: absolvit opus architectus, & reum judex absolvit.

22. OLIM erat magna sepulchrorum religio, eaque pars agri quæ sepulchro erat dicata, non proscindebatur aratro. Vectius itaque cum nihil hac religione deterritus, patris monumentum exarasset, Augustus facere jocatus est: *e* Hoc, inquam, *est vere patris monumentum colere*.

a Jocoſe. *b* Saſſe. *c* Saſſe. *d* Lepidea *e* Jocus ex ambiguo.

colere. Rursus lusit ancipiti verbo: Colimus ea quæ veneramur, & colitur ager, aut aliud simile. Gemina fuisset amphibologia, si pro monumento dixisset memoriam quod ab illo dictum arbitror. Siquidem eorum memoria nobis sacrosancta dicitur, quos vita defunctos veneramur, & memorias ad Græcorum imitationem vocamus defunctorum inonumenta.

23. CUM Herodianæ crudelitatis rumor ad Augustum pervenisset, quod in Syria pueros omnes qui bimatum non excessissent iussisset interfici, & in his etiam ipsius perisse filium: *a Præstat*, inquit, *Herodis esse porcum quam filium.* Herodes Judæus erat & Judæi mira religione abstinere ab esu suillæ.

24. MÆCENAS vis alias laudatus in stylo lascivebat, verbis affectatis & compositioni insolenti frequenter indulgens: Augustus contra verbum insolens quasi scopulum fugiendum esse dicebat. Ad alios itaque scribens, stylo simplici consuevit uti: Mœcenati vero, quem familiariter amabat, scribens, Mœcenatem imitari solet, adeo ut in quadam epistola, multa liberius ac dissolutius jocus, hanc adjecerit clausulam: *Vale mel gentium, metuelle, ebur ex Etruria, laser Aretinum, adamas Supernas, Tyberinum margaritum, Cilneorum smaragde, jaspis figulorum, Berille Porsenna, carbunculum habeas, ἵνα συντέμνω πάντα, μέλαγμα, mæcharum.* Sic irrisit parum viriles amici in scribendo delicias. Ejusdem *μυερόπρεχες* cinninos jocus exagitare consuevit, voces ac sententias ineptas foetores appellare consuevit. Sermonem amabat purum & elegantem, qui sententiam quam apertissime declararet. Nec Tyberio pepercit, interdum reconditas & exoletas voces aucupanti. Marcum Antonium increpabat, velut ea scribentem quæ homines mixentur potius quam intelligant. Quin & Agrippinæ neptis ingenium collaudans, hoc adjicit: *Sed opus est dare te operam, ne moleste loquaris.*

25. POTTUS Alexandria multis vitam donat in gratiam Arii Philosophi, b Sostratum tamen promptissimæ quidem linguæ virum, sed qui Casari

displi

a. Crudelitas. b. Extorta venia.

displiceret , quod temere Academicus haberi vellet , rejecit. At is squalidus promissaque cana barba coepit Arium quocumque iret insequi , versiculum illum in ore habens :

Σοφοὶ σοφὲς σώζουσιν, ἄν ὦσιν σοφοί.

Id est :

a *Sapientes sapientes servant, si fuerint sapientes.*

Hac arte coëgit Cæsarem ignoscere.

26. CUM jam quadragesimum excessisset annum , ageretque in Gallia , delatum est ad illum , L. Cinnam adolescentem nobilem ac Pompeji nepotem insidias illi struere : dictum est ubi , quando , & quo modo aggredi vellent. Decreverant enim sacrificantem interficere. Dictabatur proscriptionis sententia, sed Augusto interim varias edente voces , ingressa Livia uxor , Fac , inquit , quod Medici solent , qui ubi usitata remedia non procedunt, tentant contraria : severitate adhuc nihil profecisti , ignosce. Cinna deprehensus vitæ tuæ nocere non potest , famæ tuæ prodesse potest. Protinus jussit accersi Cinnam solum ad colloquium, venienti alteram cathedram poni jussit. Hoc, inquit , Cinna primum abs te peto, ne me loquentem interpellas : dabitur tibi loquendi tempus. Hic commemoratis pluribus in Cinnam beneficiis, quod servasset repertum in castris hostium , quod patrimonio omne concessisset, quod insuper ornasset Sacerdotio , rogavit quare putarit ipsum occidendum : perturbato Cinna sic finit objurgationem. *Vitam tibi Cinna iterum do , prius hosti , nunc insidiatori ac paricida. Ex hodierno die inter nos incipiat amicitia , contendamus utrum ego meliore fide vitam tibi dederim , an tu mihi debeas.* Et consulatum obtulit. Vis exitum ? Cinnam habuit perpetuo amicissimum, solus illi fuit heres. Nullis amplius insidiis ab illo petitus est.

27. AUGUSTUS nulli fere ad convivium vocanti negare solitus est. Exceptus igitur à quodam coena perparca , ac poëne quotidiana , cum à convivatore dimitteretur, hoc illi tantum insusurravit : *b* *Non putabam me tibi tam familiarem.* Alius tam jejunum apparatus

con-

a *Clementer.* *b* *Civiliter.*

contumeliam fuisset interpretatus, ille etiam pudori consuluit invitatoris, familiaritati tribuens, idque in aurem, ne ceteri putarent exprobratam parcimoniam. Quid hac comitate amabilius in tanto Monarcha, qualem nunc vix triginta Reges æquent?

28. PURPURAM Tyriam empturus, de obscuritate querebatur: cumque venditor diceret. Erige altius & suspice: *Ergone*, inquit, *ut me populus Romanus dicat bene cultum in solario ambulaturus sum?*

29. HABEBAT Augustus nomenclatorem obli-
viosum, cum hoc genus hominum oporteat in primis valere memoria, Is ad forum iturus rogat Cæsarem, nunquid eo mandaret: *a Accipe*, inquit, *commendaticias, nam illic neminem nosti*. Atqui hoc est proprium nomenclatorum munus, omnium nomina, cognomina, titulosque dignitatum tenere, quo heris cum opus est suggerant. Unde illis etiam nomen est inditum, è Græco Latinoque conflatum.

30. AUGUSTUS etiamnum adolescens lepide tetigit Vatinius: siquidem is podagræ obnoxius, videri studebat discussisse vitium, ac jam mille passus ambulare se gloriabatur: *b Non miror*, inquit Cæsar, *dies aliquanto sunt longiores*: significans illum nihilo magis liberum esse à podagra, sed dies longiores factos.

31. EQUITE Romano quodam defuncto compertum est, illum tantum habuisse æris alieni, ut summa ducenties nummum excederet, idque dum viveret cælaverat. Cum igitur res illius auctioni subjicerentur, ut ex pecunia creditoribus satis fieret, Augustus iussit sibi emi culcitram illius cubicularem: ac mirantibus hoc præceptum: *c Habenda est*, inquit, *ad somnum mihi conciliandum illa culcitra, in qua ille tanto ære alieno obstrictus, somnum capere potuit*. Nam Augustus ob ingentes curas sæpe maximam noctis partem ducebat in somnem.

32. QUODAM die forte venit in ædes, in quibus habitarat Cato Uticensis, heic cum Strabo quo Cæsari adula-

a Obliviosus nomenclator. b Lepide. c Culcitra ob-
arati.

adularetur, Catonis pervicaciam accusaret, quod sibi manus adferre quam Julium victorem agnoscere maluisset: *a* *Quisquis*, inquit Augustus, *præsentem Reipublicæ statum mutari non vult, is & civis & vir bonus est.* Unico dicto & Catonis memoriam turatus est, & sibi consuluit, deterrens ne quis in posterum affectaret res novas. Nam præsens status non is tantum dicitur, qui tum erat cum hæc loqueretur Augustus, sed is quoque qui fuerat tempore conspirationis in Julium: Siquidem hæc dictio, præsens, apud Latine loquentes, ad tria tempora pertinet, præteritum, præsens & futurum, ut Præsentibus non erat contentus: & præsens vita quæ nunc agitur: & præsens in tempus omittat, id est, in futurum oportunitatem.

33. *QUEM AD MODUM* Augustus gaudebat jocis liberalibus in alios ludere, ita in se jactos aut retortos interdum liberius, patientissime tulit. Adolescens quidam Provincialis Romam venerat, oris similitudine tam mirifice referens Augustum, ut in se populi totius oculos converteret. Cæsar hoc audito jussit ad se perduci, eumque contemplatus, hunc in modum percunctatus est: *b* *Dic mihi adolescens, fuit ne aliquando mater tua Roma?* Negavit ille, ac sentiens jocum retorsit, adjiciens. Sed pater meus sæpe. Augustus ludens suspicionem intendebat in matrem adolescentis, velut ab ipso stupratam: at adolescens protinus eam suspicionem retorsit in matrem Cæsaris, aut in sororem. Nam oris similitudo non magis arguebat illum esse Cæsaris filium quam fratrem aut nepotem.

34. *TEMPORIBUS* triumviralibus cum Octavius, *c* Lepidus & Antonius rerum potirentur, Augustus in Pollionem scripserat Fescenninos, ludibrii causa. Tum Pollio, At ego, inquit, taceo: Non est enim facile in eum scribere, qui potest proscribere: notans Augusti tyrannicam potentiam, nec ea libertate offensus est Augustus.

35. *CURTIVS* eques Romanus deliciis diffluens,
cum

a *Graviter.* *b* *Focus in Principem retortus.* *c* *Libere.*

cum apud Cæsarem cænaret, *a* macrum turdum sustulit è patina, eumque tenens interrogavit Cæsarem, liceret ne mittere: cumque is respondisset, Quid nì liceat? ille protinus avem misit per fenestram, jocum arripiens ex ambiguitate verbi. Nam cibus è convivio dono mittitur amicis, quod apud Romanos erat sollemne: & mittitur quod abjicitur. Nec hoc joco Cæsar offensus est.

36. IDEM æs alienum cujusdam senatoris, *b* quem carum habebat, non rogatus dissolverat, ac pro eo numerarat quadragies nummum. Senator autem ea re cognita, pro gratiarum actione nihil aliud scripsit Cæsari, quam mihi nihil: joco velut exoptulans etiam, quod cum numerasset omnibus creditoribus, ipsi nihil numerasset. Hunc jocum morosior aliquis ingratitude nem fuisset interpretatus, Cæsar familiaritatis fiducia delectatus est.

37. LICINIUS Cæsaris libertus solet patrono novum aliquod opus inchoanti magnas conferre pecunias. *c* Quem morem sequutus Licinius novum opus aggressuro centies promisit per libellum, in quo post expressam pecuniæ summam, quæ virgula superducta signabatur spatium erat vacuum. Hac occasione Cæsar usus priori summæ quam scripserat libertus, alterum centies adjecit, sua quidem manu spatio quod vacabat diligenter expleto, sed affectata literarum similitudine. Itaque duplum accepit pecuniæ, dissimulante liberto. Cæterum ubi Cæsar rursus novum opus inchoaret, libertus hoc factum illi leviter objecit, dato tali libello, Confero tibi Domine ad novi operis impensam, quod videbitur: non expressit summæ modum, ut illi liberum esset scribere quantum vellet, quandoquidem priorem summam duplicasset.

38. CUM Censoris munus gereret Augustus, eques quidam Romanus apud illum delatus est, quasi facultates suas imminuisset. *d* At ille citatus probavit sese auxisse. Mox eidem objectum est, quod legibus contrahere

a Libere. *b* Ingratitudo. *c* Faceta exprobratio. *d* Libertas innocentia.

trahere matrimonium jubentibus non paruiſſet. Ille docuit ſe ex uxore trium liberorum eſſe patrem. Nec ſatis erat equiti dimitti, ſed Cæſari credulitatem exprobrans addebat, Poſthac Cæſar in honeſtos viros inquirens, honeſtis mandato. Satis aperte pronuntians, eos non fuiſſe viros bonos, qui manifeſto falſa ad ipſum detuliſſent, obiter & ipſum criminans, qui vices ſuas mandaret ſycophantis. Et hanc libertatem innocentia condonavit Cæſar.

39. IN villa quadam inquietas nocteis agebat, interumpente ſomnos ipſius noctuæ cantu. *a* Miles aucupii peritus curavit apprehendendam noctuam: ſpeque ingentis præmii ad Auguſtum pertulit: laudato Imperator mille nummum dari juſſit. Ille auſus eſt dicere, Malo vivat, avemque dimiſit. Quis non miretur hanc contumaciam impune ceſſiſſe militi?

40. VETERANUS quidam cum vocatus in juſ periclitaretur, *b* adiit in publico Cæſarem, rogans ut ſibi veller adeſſe: Cæſar è comitatu ſuo ſelectum ilico dedit, eique litigatorem commendavit. Hic miles vociferans, At non ego Cæſar periclitante te Actiaco bello vicarium quaſivi, ſed pro te ipſe pugnavi, ſimulque detexit cicatrices. Erubuit Cæſar, atque ipſe deſcendit in advocacionem, veritus ne non modo ſuperbus, verum etiam ingratus videretur.

41. DELECTATUS inter cœnam fuerat ſymphoniacis Turonii Flacci mangonis, eoſque frumento donarat, cum alios auditos ſoleret largiter donare nummis. Eoſdem cum poſtea Cæſar inter cœnam requireret, Turonius ſic excuſavit. Ad molas, inquit, ſunt: exprobrans illi frumentarium munus. Et hoc impune tulit, quod dixerat non miles, ſed mango.

42. CUM ſublimis ex Actiaca victoria reverteretur, *c* occurrit inter gratulantes quidam corvum tenens doctum hæc verba ſonare, Ave Cæſar victor. Hac ſalutatione delectatus Auguſtus, avem ſex millibus nummum emit. Socius opificis ad quem nihil ex ea libera-

a Lenitas Principis. *b* Gratitude Principis. *c* Lenitas.

beralitate pervenerat, indicavit Cæsari, eundem & alium habere corvum, quem ut afferre cogeretur rogavit : allatus verba quæ didicerat expressit. Ave victor Imperator Antoni. Augustus nihil exasperatus, tantum jussit, ut munus cum delatore partiretur.

43. SALUTATUS similiter à psittaco, & hunc emi jussit. Idem miratus in pica, & hanc mercatus est. Hoc exemplum tenuem quendam sutorem sollicitavit, ut corvum institueret ad hujusmodi salutationem. Qui cum impendio exhauriretur, subinde ad avem non respondentem dicere solet, Opera & impensa periit. Tandem pervicit assiduitate, ut corvus sonaret dictatam salutationem. Ea cum Augustum prætereuntem salutasset, Cæsar : *a Satis*, inquit, *istiusmodi saluatorum habeo domi*. Tum corvus memor & illorum verborum quæ toties audierat, subtexuit, Opera & impensa periit. Ad hoc arridens Augustus jussit avem emi quanti nullam adhuc emerat.

44. GRÆCULUS quidam ita captare solitus est Cæsarem Augustum: descendenti à palatio honorificum aliquod epigramma porrigebat. Id cum frustra sæpe fecisset, nec destitutum videret Augustus, epigramma bene Græcum manu sua descripsit, & Græculo ad se venienti obviam misit, veluti carmina carminibus pensaturus. Græcus acceptum legit : ac non solum voce, verum etiam vultu gestuque corporis laudavit carmen, miratusque est. Deinde cum accessisset ad sellam qua Cæsar vehebatur, demissa in pauperem crumenam manu pauculos denarios protulit, Cæsarique obtulit his verbis, *εἰ κατὰ τύχην ἢ σὺν σεβαστῇ, εἰ πλέον εἶχον, πλέον ἔδιδον*, id est, non juxta fortunam tuam Auguste, si plus haberem plus darem. Sequuto omnium risu, dispensatorem Cæsar vocavit, & sestertium centum millia Græculo numerari jussit. Bene cessit Græculo palam exprobrata Principi parcimonia.

45. JULIA Augusti filia cum patrem saluaret, senserat illius oculos licentiore cultu offensos, licet ille dissimularet : itaque postero die mutato cultu patrem

com-

complexa est. Tum Cæsar, qui pridie dolorem suum continuerat, gaudium continere non potuit: *a Et quanto magis*, inquit, *iste cultus decet Augusti filiam?* Tum illa. Nimirum hodie me patris oculis ornavi, heri viri.

46. I N spectaculo gladiatorum converterant in se populi oculos Livia & Julia, *b* comitatus dissimilitudine: Liviam cingebant viri graves, Juliam juvenes luxuriosi comitabantur. Pater Juliam admonuit scripto, videret quantum inter duas principes fœminas interesset. Illa rescriptit, Et hi mecum senes fient. Hoc commode interpretanti, lepide: incommode, procaciter dictum videri potest.

47. E A D E M mature canos habere cœperat. Subitus autem Cæsaris interventus oppressit comtrices, filia canos sublegentes, deprehensis super vestes earum pilis, quos evulserant. Id dissimulavit Augustus, ætatis sermonibus extracto tempore tandem induxit gratis mentionem, Hac occasione rogavit filiam. *c Utrum post aliquot annos cana esse mallet, an calva.* Cumque illa respondisset: Ego pater cana esse malle. Cur ergo, inquit, *ista te calvam ante tempus student facere?* Lepido commento coarguit illam mendacii.

48. C U I D A M gravi amico suadenti, ut se ad exemplum paternæ frugalitatis componeret, satis procaciter Julia, ille, inquit, obliviscitur se Cæsarem esse, ego memini me Cæsaris esse filiam.

49. A U G U S T U S duobus pantomimis inter se commissis, ut alternis gestibus certarent, alterum dixit saltatorem, alterum interpellatorem, quod ille immodice gesticularetur, alter non gesticulari, sed saltantem interpellare videretur.

50. T A R R A C O N E N S I B U S pro læto ostento nuntiantibus, quod in ejus ara palma esset enata: *d Apparet*, inquit, *quam frequenter accendatis.* Quod illi Diis tribui volebant, ille tribuit illorum negligentia, qui nunquam in ara Cæsaris adolerent incensum.

51. I D E M

a Solerter. b Convictus arguit mores domina. c Calvitium accersitum. d Adulatio repulsa.

51. IDEM cum Galli donassent ei torquem aureum centum pondo, ac Dolabella per jocum tentans illum, tandem huc produceret jocum ut diceret, Imperator, torque me dona! *a* *Malo te*, inquit, *civica donare*. Festiviter submovit postulatoris impudentiam, qui nunquam in bello fuisset, eoque magis illi conveniebat corona, quæ civica ex quernis ilignisque frondibus fieri consuevit, quemadmodum triumphalis ex auro. Quamquam & castrensis & muralis & navalis ex auro fieri solet. Qua de re vide A. Gellium lib. 5. cap. 6. Civicam autem Augustus ut honorificentiores per jocum obtulit. Nam Suetonius refert eum inter dona militaria aliquanto facilius phaleras & torques, & quidquid auro argentoque constaret, dare solitum quam vallares ac murales coronas, quæ honore præcellerent. Hoc nisi scias, friget Augusti jocus. Tamen si de materia coronarum variant Gellius & Suetonius.

52. CUM urbem Romam multis modis & ornasset & communisset, atque etiam in posterum, quod quidem in ipso fuit, tutam reddidisset, non sine causa glorians dicere solet: *b* *Romam latericiam accepi marmoream relinquo*. Nihil Principi magnificentius, quam si ditionem, quam accepit, reddat statu meliore.

53. CUM miles quidam ab ipso impudenter peteret, ac Martianum videret accedentem, quem & ipsum aliquid improbe petiturum suspicabatur: *Non magis*, inquit, *faciam Commilito quod petu, quam quod Martianus à me petitus est*.

54. LEX erat, ut qui patrem occidisset, culeo in-sueretur: nec hæc poena sumebatur nisi de confesso. Ab hujus poena atrocitate Cæsar ut liberaret manifesti paricidii reum, sic interrogavit: *c* *Certe patrem tuum non occidisti?* ansam porrigens insitiandi. Tanta erat Principis in judicando lenitas.

55. DICERE solet, nihil minus in perfectum Ducem convenire, *d* quam festinationem ac temeritatem, crebroque illud jactabat, *πρὸς τὴν βραδύτητα ἀποφασίζω*.

c Festiva negatio. *b* Principis est ornare ditionem, *c* Clementer. *d* Festina lente.

αὐτὸς γὰρ ὅτιν ἀμείνων ἢ θρασὺς στρατάρχης. Qua de re satis dictum est nobis in Chiliadibus.

56. LIVIÆ uxori pro quodam Gallo petenti civitatem, *a* negavit, immunitatem obtulit, dicens se facilius passurum fisco suo detrahi, quam honorem civitatis Romanæ vulgari: nimirum Reipublicæ dignitatem anteferens privato commodo.

57. CUM pro concione multos videret pullatos, sive ut legendum arbitror, palliatos, indignabundus: *b* En, inquit, Romanos rerum dominos gentemque togatam. Adco studebat priscos revocare mores, ut habitum quoque vestitumque doluerit immutatum.

58. POPULO de inopia vini caritateque querenti dixit: *c* A genero suo Agrippa perductis pluribus aquis satis provisum, ne sitirent homines. Fuit autem Agrippæ vigilantissimum studium undique prospiciendi urbi de aquarum copia. Augustus autem severe populum ad aquas à vino revocavit.

59. TIMAGENES historiarum scriptor, *d* multa petulanter in Cæsarem, multa in uxorem, multa in totam illius domum dixerat. Cæsar illum admonuit, ut moderatius lingua uteretur. Cum perseveraret male loqui, nihil aliud quam domo sua illi interdixit. Timagenes autem libros quos scripserat, acta Cæsaris continentes recitavit, & combussit, in odium Cæsaris, quasi rerum ab illo gestarum memoriam abolere cupiens. Hunc tamen palam & pertinaciter inimicitias exercentem, cum Cæsare, nemo civium Romanorum ab ædibus suis exclusit, in domo Pollionis Asinii consenuit. Nunquam tamen Augustus cum hospite inimici sui expostulavit, nisi quod quodam tempore illi dixit, *Θνητὸ θρεῖς*, id est, alis bestiam, sive viperam. Mox Pollionem parantem excusare se, interpellavit, dicens; *Fruere mi Pollio, fruire.* At cum Pollio nondum securus diceret; Si jubes Cæsar, protinus illi interdixam domo mea. *An istud*, inquit Augustus, *me facturum putas, qui vos redegerim in gratiam?* Fuerat enim antea Timageni

M

iratus

a Dignitas vilescit in plures diffusa. *b* Cultus. *c* Frugalitas. *d* Lenitas mira.

iratus Pollio, nec aliam habebat desinendi causam, nisi quod illi Cæsar irasci cœperat. Utriusque malevolentiam boni consuluit Principis clementia.

60. COENABAT Augustus apud Atedium sive Vedium Pollionem: fregerat quidam è servulis vas crystallinum, illico iussus est ab Atedio rapi, & murænis objici. Puer ad Cæsaris pedes confugit nihil aliud petiturus, quam ut aliter periret, Cæsar motus novitate crudelitatis, & puerum dimitti, & crystallina omnia ante se frangi iussit, & his pro puero compleri piscinam. Amicum autem graviter increpavit: *a E convivio*, inquit, *rapi homines imperas, & navi generis pœna lacerari. Si calix tuus fractus est, viscera hominis distrahentur? Tantumne tibi placebis, ut ibi aliquem Ducijubeas, ubi Cæsar est?*

61. IN cognitione quadam, cum Æmilio Eliano Cordubensi inter cætera crimina illud vel maxime objiceretur, quod male loqueretur de Cæsare, conversus ad accusatorem: *b Velim*, inquit, *hoc mihi probes, efficiam ut Elianus sciat me quoque linguam habere, plura enim vicissim de eo loquar.* His minis contentus, nihil postea de illo inquisivit.

62. TYBERIO frequenter per literas iracunde querenti de his qui de Augusto male loquerentur, rescripsit, ne ea in re nimium indulgeret ætati suæ: *c Satis enim est*, inquit, *si hoc habemus, ne quis nobis male facere possit.*

63. FILIOS suos nunquam populo commendavit, nisi cum hac exceptione: *d Si merebuntur.* Honorem non auctoritati, sed meritis tribui volens.

64. JULIAS filiam ac neptem relegarat, post etiam Agrippam prius adoptatam, *e* post ob sordidum ac ferrox ingenium abdicatum. Ad omnem horum mentionem solet exclamare versu Homérico:

Αἶψ' ὄψεσθαι ἄχαμός τε μῆρ' αἶν, ἄρνός τ' ὀπολέασθαι.

O utinam cœ'ebis vixissem, orbisq; perissem.

Nec aliter illos appellabat, quam tres vomicas, seu tria

car-

a Sanities castigata. b Lenitas. c Lenitas. d Modeste.

e Liberi mali.

carcinomata sua. Suorum enim mortem levius ferebat quam dedecora. Quin & testamento cavit, ne si quid accidisset Juliae & nepti, sepulchro suo inferrentur.

65. INDIGNE ferebat aliquid de se componi nisi serio, *a* & à præstantissimis: admonebatque prætores ne paterentur nomen suum commissionibus mimorum aut histrionum obsolescere: hac quidem in parte Alexandrum Magnum referens. Decet ubique Principis auctoritatem sartam tectam præstare.

66. INSULAM quandam Capreis vicinam, in quam è Comitatu Cæsaris secedere solent, *b* qui cuperent otari, solitus est ἀπραγὸπολιν appellare ἀπραγία enim sonat negotiorum vacuitatem.

67. CUM sentiret imminere mortem, admissos amicos percunctabatur, ecquid ipsis videretur minimum vitæ sat commode transegisse, sentiens de fabula vitæ peracta, & adjecit carmen peractis comoediis accini solitum:

Δότε κέρον, καὶ πάντες ἡμῶν μετῶν χάρις ἡτυπήσατε.

C. JULIUS CÆSAR.

I. C. JULIUS CÆSAR cum Syllam fugeret etiamnum adolescens, incidit in piratas Cilices: ac primum ubi pro redemptione summam quam ab eo peterent pronuntiaissent, derisit prædones, velut ignaros, quem cepissent, seque duplum daturum pollicitus est. *c* Deinde cum asservaretur donec adferretur pecunia, imperavit illis ut silerent, nec sibi dormienti obstrepent. Eisdem orationes & carmina quæ scribebat recitare solet, quæ cum illi non satis probarent, stupidos ac barbaros appellabat, cumque risu minitabatur se illos acturum in crucem, quod & perfecit. Apportatis enim pecuniis quas piratæ pro redemptione pacti fuerant dimissus, contractis ex Asia viris ac navibus, comprehendit eosdem prædones, ac suspendit: sed prius jugulatos, ne severitas careret clementia. An non heic statim agnoscis indolem Alexandri Magni, cui nihil mediocre satis esse posset?

M 2

2. CUM

a Majestas nominis. *b* Otium. *c* Indoles excelsa.

2. CUM Romæ Maximi Pontificis dignitatem ambiret, competitore Quinto Catulo primæ apud Romanos dignitatis ac potentæ viro, matri ipsum ad fores deducenti: *a* Hodie, inquit, ô mater, aut Pontificem Maximum habebis filium, aut exsulem. Excelsa indoles, omnisque repulsæ impatiens.

3. POMPEJAM uxorem, quod sinistra fama laboraret, quasi cum Clodio rem habuisset, repudiavit quidem. Cæterum cum Clodius hoc nomine reus perageretur, Cæsar citatus testis, nihil mali de uxore dixit. At cum accusator diceret. Cum igitur cum illa fecisti divortium? *b* Quoniam oportet, inquit, Cæsaris uxorem etiam à calumnia puram esse. Præter argutiam responsi laudari potest & civilitas, quod repudiatæ conjugis famæ pepercit.

4. CUM Alexandri Magni res gestas legeret, non tenuit lachrymas: atque ad amicos: *c* Hoc, inquit, ætatis qua nunc sum, Alexander devicit Darium: mihi vero ad hunc usque diem nihil præclari facinoris gestum est. Suetonius tradit id accidisse cum prætor jure dicundo conventus obiens, apud Gades in templo Herculis vidisset Alexandri Magni statuam. Utinam hoc ingenium ad moderati potius quam ad maximi Principis æmulationem properasset.

5. CUM in Alpibus oppidulum quoddam frigidum præteriret, ambigentibus amicis, an illic etiam essent seditiones, contentionesque de principatu, substitit, ac secum aliquandiu cogitavit, mox: *d* Mallem, inquit, hic primus esse, quam Romæ secundus. Hoc nimirum est quod à Lucano poëta scriptum est, nec Cæsarem potuisse pati priorem, nec Pompejum potuisse ferre parem.

6. FACINORA quæ quoniam periculo obnoxia sunt & magna *e* gerenda esse dicebat: at de his non consultandum, quod ad hæc perficienda plurimum habeat momenti celeritas. Expensio vero periculi revocat hominem ab audacia.

7. CUM

*Fiducia sui. b Civilitas. c Ambitio. d Principatus
- amor. e Adulatio.*

7. CUM ex Gallia Provincia adversus Pompejum tenderet, Rubicone amne transmissio, dixit, *Omnia jacta est alea* : significans se de summa rerum velle periclitari. Is enim fluvius Galliam ab Italia dirimit.

8. CUM Pompejus relicta Roma perfugisset ad mare, Metellus arario præfectus, Cæsari volenti illinc pecunias tollere, obstitit, & ararium clausit. At Cæsar illi mortem minatus est. Ea vox cum Metellum reddidisset attonitum : *a Hoc*, inquit, *ô adolescens, dictu mihi difficilius fuit quam factu*. Sentiens se vel nutu posse quem vellet occidere, cum secum duceret armatas cohortes.

9. DYRRACHIi expectabat ut illuc è Brundisio milites mitterentur : id cum tardius fieret, clam omnibus conscensa scapha exigua tentavit transmittere Pelagus, cum navigium undis obrueretur, gubernatori jam animum despondenti, quis esset aperuit, dicens : *b Confide fortuna sciasque te Cæsarem vehere*. Tanta erat animi præstantia, quasi fortunam ac Deos in manu haberet. Ac tum quidem tempestate ingravescente vetitus est quod instituerat peragere. Milites autem ubi rescivere factum, concursum fecerunt ad Cæsarem, graviterque ferebant si alias expectaret copias, velut ipsis diffusus.

10. CÆTERUM commissa pugna Pompejus vicit, sed victoriam non est persequutus, verum sese recepit ad exercitum. Tum Cæsar : *c Hodie*, inquit, *penes hostes erat victoria, at non habent ducem qui victoria sciat uti*.

11. CUM Pompejus instructam aciem apud Pharsalum inibi consistere, & hostem operiri jussisset : *d Cæsar* dixit illum errasse, qui vim, impetum, ac divinum afflatum animorum ad incurSIONem paratorum mora relaxasset. Adeo Cæsari non modo certamen erat cum Pompejo de fortuna belli, verum etiam de bel-landi peritia.

12. CUM Pharnacem primo congressu vicisset,

M 3

ami-

a Mina potentum. b Amicus imperterritus. c Vix victoria. d Mora noxia.

amicis scripsit : *a Veni , vidi , vici ,* summam rei gestæ celeritatem indicans.

13. POSTEA quam milites qui Scipionem in Africa sequebantur fugissent , & Cato victus sibi necem Uticæ conscisset , *Invideo ,* inquit Cæsar , *ô Cato tibi mortem istam , quando tu mihi salutem tuam invidisti.* Cæsar existimabat sibi summæ gloriæ futurum , si vir tantus , cum bello victus esset , ipsi vitam deberet. At Cato maluit honestam mortem , quam oppressâ publicâ libertate cuiquam servire. Proinde mortis illius gloriam Cæsar invidebat Catoni , quod is Cæsari servati Catonis laudem invidisset.

14. NONNULLI quoniam suspectos habebant Antonium ac Dolabellam , monebant ut ab illis sibi caveret. At ille : *b Non istos ,* inquit , *metuo rubicundos & obesos , sed graciles illos ac pallidos ,* ostenso Bruto & Cassio. Nec fefellit illum suspicio : ab illis enim occisus est.

15. CUM inter cœnandum ortus esset sermo , quod genus mortis esset optimum , incunctanter respondit , *Inopinatum ,* & quod optimum judicavit , ipsi contigit.

16. IN prælio quodam , Martiæ legionis aquiliferum jam ad fugam conversum , faucibus apprehensum in contrariam retraxit partem , dextraque ad hostem porrecta : *Quorsum ,* inquit , *tu abis ? Illic sunt cum quibus dimicamus.* Ac manibus quidem unum militem corripuit , voce tam acri legionum omnium trepidationem discussit , vincique paratas vincere docuit.

17. IDEM postea quam Publius Mimus in scena superasset omnes , & in his Laberium , ita pronuntiavit : *Favente tibi Cæsare victus es Liberi à Syro.* Publius enim conditione servus , natione Syrus erat. Longe à tergo relinquitur , qui favente iudice superatur.

18. CÆSAR cum Romæ videret peregrinos quosdam locupletes , canum ac simiarum catulos in gremio circumferentes , eosque habere in deliciis , percunctatus est . *c Num apud illos foemina parerent liberos : sentiens nullos catulos esse jucundiores infantibus.* Refert

Plu-

a Celeritas conficiendi. b A crassis minus periculi.

c Liberis pro simiis.

Plutarchus in vita Periclis : tametsi non indicat cujus Cæsaris hoc dictum sit, suspicor esse Augusti.

19. C U M milites suos videret expectatione hostium perterritos , pro concione dixit : *a* Scitote paucissimus his diebus Regem adfuturum cum X. legionibus , equitum XXX. levis armaturæ C M. elephantis CCC. Proinde desinant quidam querere ultra, aut opinari, mihi que compertum habeam credant , aut quidem vetustissima navi impositos , quocunque vento , in quascunque terras jubeto avari. Nova ratio terrorem excutiendi , non infitendo minuendove , sed amplificando terroris materiam , ut certi de gravi periculo sumerent animos tanto periculo dignos.

20. P R O F E R E N T I B U S in medium , quod Sylla dictaturam deposuisset , cum Cæsar perpetuam gereret, quod minimum aberat à tyrannide , respondit : *b* Syllam nescisse litteras , eo que dictaturam deposuisse. Dictant grammatici discipulis , cum præeunt , aut recitant scribenda, huc alludens dixit illum nescisse litteras.

21. C U M triumphans subællia tribunicia præteriret , Pontius Aquila non assurrexit unus omnium : id adeo indigne tulit , ut proclamaret : *c* Repete ergo Aquila à me Rempublicam tribunus : nec deinde per continuos aliquot dies cuiquam quidquam pollicitus est , nisi sub hac exceptione , Si tamen per Pontium Aquilam licuerit.

22. P O P U L O per adulationem Regem ipsum salutanti , *d* Cæsar, inquit, sum , non Rex. Maluit privatum nomen, quam regium invidiæ obnoxium.

23. Q U I D A M è turba statux Cæsaris coronam lauream imposuerat , *e* candida fascia præligatam : at cum tribuni detracta fascia hominem in vincula duci jussissent , Cæsar graviter increpitos eos potestate privavit , idque ne regnum affectare videretur , caussatus est, per illos sibi recusandi gloriam fuisse ademptam.

24. Q U O N I A M Cæsar multos externos in senatum allegarat , *f* libellus propositus est : Bonum factum , si

M 4

quis

a Audacia ex periculis. *b* Potestas abdicata. *c* Honos negatus. *d* Modeste. *e* Caussatio. *f* Scommma.

quis Senatori novo curiam monstrare velit. Significabat quisquis is fuit, peregrinos illos ne viam quidem ad curiam nosse nisi commonstraretur.

25. QUIDAM Bruti statuae subscripsit, Utinam viveres: *a* quod opera Bruti Tarquinius Rex urbe depulsus esset. Cæsaris statuae subscripserant hos versiculos:

Brutus quia Reges ejecit, consul primus factus est:

Hic quia consules ejecit, Rex postremus factus est.

26. CUM undique viderentur imminere insidiæ, atque admoneretur ut sibi caveret, respondit: *Satius subire semel quam semper cavere.* Significans eum non vivere, qui vivit in perpetuo mortis metu.

27. C. CÆSAR post attritos Tigurinos, ad urbem quandam sociorum proficiscens, cum audisset Helvetios in itinere occurrere, in locum quendam munitum se recepit. Ibi congregatis copiis, instructaque acie, equus illius cui solet insidere adductus est: *b* Hoc, inquit, post victoriam utar in persequendis hostibus; & pedes aggressus est Helvetios.

28. CÆSARE jam palam multa vi præterque leges agente, Confidius admodum natu grandis libere dixit, ideo non venire Senatores, quod illius arma timerent. Huic cum Cæsar dixisset: *c* Quin igitur tu eodem metu te domi contines? Me, inquit, Confidius, senectus intrepidum facit. Cum enim vitæ pauxillum superlit, non est cur magnopere sim sollicitus.

29. C. CÆSAR Pomponio militi vultus ostentanti ore exceptum in seditione Sulpicianæ, quod se passum pro Cæsare pugnantem gloriabatur? *d* Ne unquam fugiens respexeris, inquit. Tale quiddam Macrobius adscribit Augusto Cæsari, Quintilianus C. Cæsari.

30. IDEM cum testis ad exaggerandam injuriam diceret, femina sua à reo ferro petita: *e* Quid enim faceret, inquit, cum tu galeam & loriceam haberes? Non ignorabat cur illam partem potissimum vulnerare voluisset,

a Tyrannis. b Animose. c Senectus animosa. d Salse.

e Salse.

luisse, sed hoc dissimulato joculari maluit. Galea & lorica omnia tegit præter femina.

31. IDEM Metello obsistenti ne pecunias ab ærario tolleret, ac leges id fieri vetantes proferenti: *a* Non idem, inquit, armorum ac legum tempus est. Quod si hac pati non potes, nunc quidem hinc abscede, ac postea quam peractis fœderibus arma deposuerimus, tunc si videbitur, & plebis patronum age.

32. IDEM dicere solitus est, sibi idem esse consilium adversus hostem, *b* quod plerisque Medicis contra morbos corporum, fame potius quam ferro superandi. Nam Medici non nisi tentatis omnibus ad sectionem descendunt. Hic mos & hodie manet apud Italos, adversus omne morbi genus indicunt in ediam: Huic simile est, quod dicere solet Domitius Corbulo, hostem dolabra, id est, sensim esse vincendum. Securis statim incidit, dolabra paullatim idem efficit.

33. CONFLAVIT Cæsari magnam invidiam, quod quidam ex his quos Romam miserat, stans in Senatu, simul atque cognovit Cæsari Senatum non dare prorogationem, manu capulum percutiens: *c* At hic, inquit, dabit. Vim Reipublicæ minitans.

34. SYLLA præturam adeptus comminatus est Cæsari, se sua in illum potestate usurum: *d* Jure, inquit, Cæsar ridens, tuam potestatem appellas, quam tuo ære mercatus es: notans Syllam quod eum Magistratum largitionibus sibi parasset.

35. MARCUS TULLIUS libro de Officiis tertio scribit, Cæsarem hos versus ex Euripidis Phœnissis semper habuisse in ore:

e Εἴπερ γὰρ ἀδικεῖν χρεὶν, τυραννίδ' ὀμίλει,
Καί λισσιν ἀδικεῖν, τ' ἄλλα δὴ δὴ σεβεῖν χρεῖων.

Hos ipse vertit hoc pacto:

Nam si violandum est jus, regnandi gratia
Violandum est, aliis rebus pietatem colas.

36. CUM Africam petens, in egressu navis pro-

M 5

lapsus

a Arma nesciunt leges. *b* Fame vincere. *c* Vis pro jure. *d* Potestas emptæ. *e* Imperator nescit pietatis jura.

lapius esset, omen sinistrum vertit in melius, dicens: *Teneo te Africa*. Frontinus id factum putat in conscensu navis, eumque dixisse: *Teneo te terra mater*. Huc opinor alludens, quod cum quodam somnio perturbatus esset, quo sibi visus constuprare matrem, conjectores interpretati sunt, portendi totius orbis imperium.

POMPEJUS MAGNUS.

1. CN. POMPEJUS cognomento Magnus, tam carus fuit populo Romano, quam pater fuerat invisus. Is etiamnum adolescens, totum se Syllanæ factioni addixit: cumque nec Magistratus esset, nec Senator, magnum tamen ex Italia contraxit exercitum. Hunc cum Sylla ad se venire jussisset. *a Non absque spoliis*, inquit, *nec incruentas Imperatori copias exhibebo*. Nec prius ad illum venit, quam multis conflictibus hostium Duces superasset. Jam tum egregii Principis, & ad res magnas nati. Specimen dedit. Noluit adducere numerum, sed militem virtute spectatum.

2. JAM vero creatus Imperator cum à Sylla missus esset in Siciliam, *b non strenuum modo*, verum etiam justum Ducem agere coepit. Cum enim audisset milites in profectionibus ab itinere deflecentes, vim facere ac rapere, temere palantes ac circumcursitantes supplicio affecit: quos vero prænisiisset ipse, horum gladiis anuli signum impressit, ne quem in via læderent.

3. MAMERTINOS, quod hostium partibus adhaerissent, universos interficere statuerat. *c At Sthenius* ejus civitatis Princeps Pompejum adiit his verbis. Non æquum facis Pompei, qui propter unum noxium multos innoxios occidere pares. Atqui ego ipse sum ille, qui & amicis persuasi, & inimicos coëgi Marianas sequi partes. Heic Pompejus viri fortem animum admiratus, dixit se ignoscere Mamertinis à tali persuasus viro, qui patriam suæ ipsius vitæ antetulit: simul & civitatem & Sthenium liberavit. In Sthenio habes exemplum, quem

a Indoles excelsa. b Militis innoxii. c Amor Patriæ.

quem animum erga Rempublicam oporteat gerere principem, si periculum incidat: in Pompejo placibilitatis documentum, qui pietati maluerit habere honorem, quam indulgere iræ?

4. CUM in Lybiam adversus Domitium transisset, cumque ingenti prælio superasset, militibus ipsum Imperatoris titulo consalutantibus, negavit se eum honorem admissurum, quoad hostium vallum staret erectum. *a* Hoc audito milites, licet ingens obstaret pluvia, impetu facto hostium castra adorti expugnarunt. Recusavit honorem nondum factis meritum.

5. AB ea victoria reversum Sylla cum aliis honoribus excepit, tum Magni cognomen ipse primus illi contulit. At cum Pompejus his non contentus vellet triumphum agere, non passus est Scylla, eo quod nondum esset ordinis senatorii. Cæterum cum Pompejus iis qui aderant dixisset, ignorare Syllam, *b* quod plures adorarent solem orientem quam occidentem. Sylla exclamavit, Triumphet. Horrui juvenis animum, & indies crescentem gloriam, nec dubitavit illi cedere, quem videbat nemini cedere posse.

6. INTERIM Servilius vir inter optimates clarus indignabatur Pompejo concessum triumphum, atque etiam milites complures constabant ne triumphus ageretur: non quod inviderent Pompejo, sed munera quædam poscebant, quasi largitionibus ab ipsis esset emendus triumphus. Alioqui milites minabantur se direpturos pecuniam quæ in triumpho ferretur, eoque Servilius GlauCIAque suadebant, ut eam potius inter milites divideret quam diripi sineret. Verum ubi Pompejus respondit, se citius omisurum triumphum, quam militibus blanditurum, simulque laureatos fasces eis objecit, ut illinc inciperent direptionem. *c* Nunc, inquit Servilius, te Pompei vere magnum video, dignumque triumpho. Non judicabat esse speciosum triumphum, nisi qui citra ambitum, citraque largitiones benefactis redderetur.

7. ROMÆ mos erat, ut equites qui legitimum

M 6

tem-

a Honor promeritos juvat. *b* Sol oriens. *c* Animose.

tempus militassent, equum in forum deducerent ad duumviros quos censores appellant, & commemoratis expeditionibus ac Ducibus sub quibus meruissent, pro meritis aut collaudarentur aut vituperarentur. Itaque Pompejus cum esset consul, ipse equum ad censores Gallium ac Lentulum deduxit: quibus ex more percunctantibus, an omnia militaria munia obisset: *a Omnia*, inquit, *sub me ipso Imperatore*. Significans se sic gessisse Ducem, ut nihilo secius omnes militis partes gnaviter præstaret. Idem & Imperator bonus, & miles strenuus, qua laude nulla Principi potest major contingere.

8. CUM Sertorii litteras in Hispaniis interceptisset, in quibus erant inclusa complurium Ducum epistolæ, *b* Sertorium ad novandas res statumque civitatis immutandum Romam invitantium, exussit omnes, ut improbis daret poenitentiae locum, & in melius mutandi consilia facultatem. Hoc ut inter moderate prudenterque facta merito recenseretur, ita non video quid faciat inter apophthegmata. Quanquam ejusmodi multa reperiuntur in Plutarchi collectaneis. Si prodidisset nomina, jam metu poenae sese ad vim manifestam parassent. Simulque deferens silentium hostium litteris, docuit quantum sit crimen, alienas resignare literas, aut quod tibi per litteras obsignatas creditum est, sub dium efferre.

9. PHRAATI Parthorum Regi per legatos ab ipso postulanti, ut Euphratem Romanæ ditionis terminum esse vellet: *c Immo*, inquit, *illud magis postulandum, ut Romanorum fines à Parthorum regio justitia dirimat*. Significans Romanis non esse præscribendum quousque debeant proferre imperium, à quo propagando non montes aut flumina debeant arcere: sed ibi demum fore fines Romanæ ditionis, ubi jus non esset ulterius procedere.

10. CUM Lucius Lucullus post obita militiæ munia sese voluptatibus dederet, ac sumptuose viveret, Pompejum interim reprehenderet, quod præter ætatem multis

a Dux & idem miles. b Clementer. c Justitia dirimit fines.

multis negotiis appeteret implicari: *a* *Magis*, inquit, *præter ætatem est, senem deliciis vacare, quam imperium gerere.* Graviter taxavit illorum sententiam, qui putant senibus nihil agendum, cum decorum sit Rempublicam gubernantem, vel stantem mori. Luxus autem & otium in juvenibus stultitia est, in senibus crimen.

II. *Æ G R O T A N T I* Pompejo medicus præscripserat ut turdis vesceretur. Cumque hi quibus datum erat negotium negarent inveniri, non enim erat tempus quo genus hoc avium capi solet, admonuit aliquis, apud Lucullum inveniri posse, qui turdos toto anno soleat alere: *b* *Itane*, inquit Pompejus, *nisi deliciis deditus esset Lucullus, nequaquam viveret Pompejus?* Contemptoque medico, cibis parabilibus usus est. O vere masculum animum, qui ne vitam quidem deliciis acceptam ferre sustinuit.

12. *C U M* ingens rei frumentariæ Roma esset prænuria, Pompejus titulo quidem annonæ Procurator, re autem vera maris terræque Dominus declaratus, in Africam, Sardiniam ac Siciliam navigavit, multaque frumenti vi collecta properabat ire Romam: verum cum ingenti tempestate oborta naucleri detrectarent navigationem, ipse primus navem ingressus iussit ancoras tolli, clamans: *c* *Ut navigemus urget necessitas, ut vivamus non urget.* Significans patriæ periclitantis habendam rationem potius quam privata incolumitatis. Si quidem Reipublicæ sublevandæ curis immori pulchrum est, at patriam in extremo discrimine nostra cessatione deferri, turpissimum est. Heic monemur non animalia bruta tantum omiſſa libertate venire in servitutem, verum etiam homines indomitos fame domari. Docemur item, publicæ salutis privatam incolumitatem posthabendam esse.

13. *C U M* jam detecta esset Pompeji cum Cæsare simultas, ac Marcellinus, ut Plutarchus, aliorum iudicio Marcellus, unus ex eorum numero quos Pompejus evexisse putabatur, à Pompejo ad Cæsarem transtulisset

M 7

ani-

a Otium turpe. *b* Deliciarum contemptus. *c* Patria
vita curior.

animum, adeo ut non veritus sit in Senatu multa in Pompejum dicere: hunc ita compescuit Pompejus: *a Non te pudet, inquit, Marcelline ei maledicere, cujus beneficio ex muto factus es facundus, ex famelico eo productus, ut vomitum non teneas?* Graviter objecit ingratitudinem homini, qui hoc ipsum quod habebat dignitatis, auctoritatis & eloquentiæ, abutebatur in eum cui debebat acceptum ferre. Nam hoc turpissimum ingratitudinis genus est, sed tamen heu nimium vulgare.

14. CATONI acerbius insectanti Pompejum, quod cum ipse sapius prædixisset potentiam Cæsaris indies crescentem nulli bono fore populari civitatis gubernationi, sed potius ad tyrannidem tendere: Pompejus ita respondit: *b Tua, inquit, Cato, magis accedunt ad divinationem, at mea magis accommoda sunt amicitia.* Sentiens Catonem incerta loqui, quod nemo possit rerum humanarum exitum liquido præscire: se vero ea sequutum, quæ tum temporis amicitia quæ sibi cum Cæsare intercedebat, postulabat. Certum erat quid debebatur amico: incertum erat an amicus illi futurus esset inimicus. De amico vero humanius est bene sperare, quam divinare pejora.

15. DE se libere profitebatur, quod omnem Magistratum quem gesserat, *c* & citius esset nactus quam ipse exspectasset, & citius deposuisset quam ab aliis exspectatum esset. Quod cito suscepisset Imperium, vel fortunæ fuit, vel præmaturæ virtutis: quod mature deposuit, animi moderati erat, non ad tyrannidem spectantis, sed ad Reipublicæ commodum.

16. POST prælium in Pharsalicis campis habitum, in Ægyptum profugit: cumque è tiremi descensurus esset in scalmum piscatorium ab Ægypti Rege missum, conversus ad uxorem ac filium, nihil aliud dixit quam illud Sophocleum:

Πρός δὲ τύραννον ὅστις ἐμπορεύεται,
Κεῖν ἔστι δ' ἔλπε' καὶ ἐλπίδες μολῇ.
*Quisquis Tyranni ad tecta demigraverit,
Fit servus illi, liber et si venerit.*

Præ-

a Ingratitudo. *b* Divinatio futurorum. *c* Moderate.

Præfagisse videtur imminens exitium. Ubi descenderat in scapham ictus gladio, semel tantum emisit suspirium & ob voluto capite præbuit se occidendum.

17. POMPEJUS impatiens Tullianæ dicacitatis, inter amicos dicere solet: *a* Cupio ad hostes transeat Cicero, ut nos timeat. Notavit illius ingenium, quo dicitur hostibus fuisse supplex, in amicos contumax. Hoc Pompeji dictum ita refert Quintilianus. *Transi ad Cæsarem, & me timebis.*

18. IDEM rebus infoeliciter gestis adversus Cæsarem, & ad summam desperationem redactus, in tentorium venit attonito similis, nec aliam vocem emisit quam hanc, *ἐκὼν ἐς παρεμβολῶν*, Ergo in castra: sumptaque veste præsentī fortunæ accommoda, clam profugit.

19. COMPOSITO Siciliæ tumultu, ac civitatibus quæ defecerant placide receptis, soli Mamertini postulabant audiri, recitantes leges quasdam ipsis olim à Romanis concessas: *b* Non desinetis, inquit, nobis accincti gladiis recitare leges? Significans jure agere volentibus non esse opus armis.

20. IDEM cum ex litteris Senatus intellexisset, omnia quæ Sylla armis obtinuerat, in ipsius potestatem esse tradita populi suffragiis centuriatis, percussio femore dixit: *c* Pro nunquam finienda pericula, quanto satius erat obscurum nasci, si a militaribus curis nunquam dabitur recedere, nec hac exuto invidia licere cum uxore ruri vitam degere. Magnam potentiam ambit inexpertus, odit expertus: sed deponere tutum non est.

21. QUIBUSDAM se videre negantibus quo modo posset Cæsaris impetum sustinere, hilari vultu vertit illos hac de re esse sollicitos: *d* Nam simul ac, inquit, solum Italia pede pulsavero, exsiliē affatim equestres pedestresque copia. Præsens quidem animus, si fortunæ respondisset.

Jam si nondum te cepit hujus convivii satietas, addemus ex oratorum numero aliquot eximios.

PHO.

a Molesta dicacitas. *b* Armata preces. *c* Tadium gloria. *d* Fiducia fallax.

P H O C I O N *Atheniensis.*

1. PRIMUM igitur accipe Phocionem Atheniensem genere, sed Lacedæmonium & morum integritate, & orationis breviloquentia. Socratem in hoc referebat, quod nunquam visus est cuiquam neque flere, neque ridere, tanta erat animi constantia. Huic in concione sedenti quidam dixit; Videre cogitabundus ô Phocion: *a Recte*, inquit, *conjectas. Cogito enim si quid queam detrahere his quæ dicturus sum apud Athenienses*: Alii solliciti sunt ut quam plurima dicant; quo videantur disertī: illi diversa erat cura, nimirum ut quæ ad rem faciebant, verbis quam paucissimis complecteretur.

2. CUM oraculum proditum esset Atheniensibus, in ea civitate unum esse virum qui cunctorum sententiis adversaretur, ac populus vociferans juberet illum inquiri, Phocion semet prodidit, dicens: *b Ego sum ille, quem designat oraculum. Nam uni nihil placet omnium quæ vulgus vel facit, vel dicit. Quid heic primum admireris, impavidumne viri animum, an clementiam, qui non passus sit suspicionem ad innocentem aliquem devolvi: an singularem sapientiam, qua perspexit inconditam multitudinem, quoniam affectibus agitur, nihil sani nec agere, nec loqui.*

3. QUODAM die orationem habens apud Atheniensem populum placebat omnibus, cumque videret ab omnibus pariter sermonem approbari, conversus ad amicos. *Quid*, inquit: *Nam mali quippiam dixi imprudens?* Adeo persuasum habebat, nihil placere vulgo, quod à recto iudicio proficiscitur.

4. CUM Athenienses ad sacrificium quod apparabant, ex more peterent à civibus ut conferrent aliquid, ac cæteris conferentibus, frequenter esset appellatus Phocion: *c Puderet*, inquit, *si vobis adderem, & huic nihil redderem*: ostenso creditore. Plerique sunt qui putent optime collocatum, quod impenditur templis ac
sacri-

a Sententiosa breviloquentia. b Vulgi nihil sanum.

c Quod superest, sacris impendendum.

sacrificiis epulisve Divorum : at vir ille perspicax sensit, multo sanctius esse , reddere quibus debeas : quid sensurus de his , qui fraudata conjuge ac liberis exstruunt sacrificiis structuras regias , & horum otio alendo magnam facultatum partem impendunt ?

5. DEMOSTHENI Rhetori dicenti ; Occidente, Phocion, Athenienses , si quando cœperint insanire, hunc in modum respondit : *a Me quidem, si insanire cœceperint , at te si ad sanam mentem redierint.* Demosthenes enim pleraque ad gratiam apud populum loquebatur , & blanda potius quam salubria.

6. CUM Aristogiton calumniator jam condemnatus in carcere moriturus esset, rogaretque Phocionem ut se inviseret, amicis non sinentibus ut ad hominem iret : *b Et ubi quis , inquit , libentius Aristogitoni loquatur ?* Amicorum argumentum argutissime torisit in diversum : significans se non ire ut sceleroso patrocinaetur , sed ut ejus merita calamitate frueretur.

7. CUM Byzantiis irascerentur Athenienses , quod Charetem , qui cum exercitu subsidium suæ civitatis missus esset adversus Philippum, noluisent recipere : ac Phocion dixisset , non esse irascendum sociis diffidentibus , *c* sed Ducibus quibus fides non haberetur , ipse Dux electus est : atque ipsi fidentibus Byzantiis effecit , ut Philippus re infecta discederet : Diffidentiam Byzantium in Charetem Ducem rejecit , qui talis erat , ut non videretur tutum sese illius fidei committere , Prudentiæ est in fido diffidere : at Phocioni probatæ opinionis viro non dubitarunt sese credere.

8. ALEXANDER Macedonum Rex centum talenta dono miserat Phocioni : is vero percunctatus est eos qui pecuniam adferebant : *d Quid ita , cum essent Athenienses permulti , sibi uni illa mitteret Alexander ?* Illis respondentibus. Quoniam unum te judicat virum & honestum & bonum. Ergo sinat, inquit, me talem & haberi , & esse. Ut scite arreptum ab illis argumentum torisit ad occasionem recusandi muneris : Jam quis heic non

a Pulchre retortum. b Malos invisere in carcere jucundum. c Fides in Duce. d Corruptela munerum.

non admiretur incorrupti pectoris sinceritatem ? pauper erat Phocion, nec doni magnitudine quidquam movebatur. Simul autem indicat illos qui cum Rempubli-
cam administrant, tamen à capiundis muneribus non temperant, nec bonos esse viros, nec tales haberi debere.

9. CUM Alexander ab Atheniensibus posceret sibi triremes exhiberi, ac populus nominatim flagitaret adesse Phocionem ut quid consuleret proferret, surgens inquit: *a Consulo igitur, ut aut armis superetis eos, aut superantium amici sitis.* Compendio suavit nihil Alexandro negandum, nisi confiderent se iratum posse armis opprimere. Quibus si ille videretur superior, non esse provocandum animosum juvenem, & repulsæ impatientissimum.

10. RUMOR incerto auctore obortus erat de morte Alexandri, b moxque Rhetores prosilierunt, hortantes ne cunctarentur, sed ilico bellum susciperent. Phocion expectare iussit, donec certius aliquid cognosceretur. Nam si, inquit, hodie mortuus est, & cras & perendie mortuus erit. Graviter oratorum præcipitem temeritatem coercuit.

11. CUM Leosthenes civitatem Atheniensium ad bellum perpulisset, c magnificis spebus ad nomen libertatis ac principatus erectam. Phocion illius verba dicebat esse cupressis similia, quæ sublimes cum sint ac pulchræ, fructum non habent. Nihil potuit dici accommodatius in sermonem splendide magnificeque pollicentem, sed infrugiferum: quemadmodum cupressus arbor sublimi compositoque in conum vertice procul egregium quiddam polliceri videtur, ad vix ulla sterilior.

12. CÆTERUM cum initia belli cessissent feliciter, ac civitas ob secundum nuntium Diis sacrificans grataretur: rogatus Phocion, an hæc ita gesta noller: *d Hæc quidem, inquit, gesta vellem, sed illa decreta.* Sentiens etiam inconsulta consilia nonnunquam feliciter cede-

- a Idem faciendum erat de Turcis. b Præcipitatum consilium. c Magnifica promissa, sed inania. d Optima decernenda.

cedere: id quoties accidit, gratulandum quidem esse Reipublicæ, non tamen ideo non semper utendum optimis consiliis. Fortassis & illud sensit Phocion, non esse protinus fidendum primis successibus, sed totius negotii eventum declaraturum, quale fuisset ipsius consilium.

13. CUM Macedones irrupissent in Atticam, ac maritima illius depopularentur, Phocion eduxit juvenes ætate florentes: quorum multis ad ipsum concurrentibus, hortantibusque ut colle quodam occupato ibi collocaret exercitum: *a* *ô Hercules*, inquit, *quam multos video Duces, milites vero perpaucos*: notans juvenilem temeritatem, quæ Duci præire conaretur, cum militis sit, non dare consilium, sed ubi res postulabat bonam navare operam. Attamen commisso prælio vicit, & Nicionem Macedonum Ducem superavit. At non multo post tempore bello devicti Athenienses, ab Antipatro acceperere præsidium.

14. CUM vero Menillus præsidii Dux, Phocioni pecunias dare vellet, indignatus Phocion dixit: *b* *Nec illum Alexandro meliorem esse, & causam deteriore ob quam nunc accepturus esset, cum tunc non accepisset*. O nullis muneribus expugnabilem animum.

15. ANTIPATER dicere solet, cum duos haberet Athenis amicos, neque Phocioni unquam persuasisse, ut acciperet, neque Demadem unquam dando explevisse. Hic erat Demades, qui valebat extemporali dictione, cum Demosthenes non nisi descripto diceret.

16. PHOCION Antipatro petenti, ut in gratiam suam faceret quiddam pugnans cum justitia. *Non potes*, inquit, *ô Antipater, Phocione simul & amico & adulatore uti*. Amicus obsecundat quousque patitur æquum & honestum. Nec enim amicus ab amico quod injustum est petere debet. Adulator autem ad quidvis obsequitur.

17. CUM populus Atheniensis flagitaret ut Phocion copias in Bæotiam educeret, eamque rem Phocion

a Militis officium. c Incorruptus animus.

cion non fore è Republica judicaret, edixit ut quotquot essent in civitate ab ephebis usque ad sexagenarios se sequerentur. Heic reclamantibus senioribus, & ætatem excusantibus. Nihil, inquit, *absurdi meo edicto continetur, cum ipse natus annos octoginta una cum ipsis Dux profecturus sim.* Hac arte temporarium multitudinis calorem retudit.

18. POST Antipatri obitum, cum Atheniensium Respublica ad gubernationem populotem redisset, Phocion in concione capitis damnatus est. Atque hujus quidem amici cæteri qui simul cum illo damnati fuerant sientes ducebantur, Phocion autem tacitus ibat. Cui ex inimicis quispiam factus obvius, post convicia in faciem exspuit. Tum Phocion ad Magistratus respiciens: *a Non hunc, inquit, compescet aliquis indecore se gerentem?* Vir sanctissimus etiam moriturus publicæ disciplinæ curam habebat. De tam atroci contumelia questus non est, nec flagitavit vindictam adversus eum qui præter leges sæviret in hominem damnatum, tantum cohiberi jussit exemplum bonis moribus adversum, & immane facinus non aliud quam indecentes mores appellavit.

19. EX his qui cum Phocione erant morituri, quidam indignans complorabat sortem suam. Quem ita consolatus est Phocion: *b Non tibi, inquit, Euippe, sive ut quidam legunt Thudippe, satis est cum Phocione mori?* Phocion non tantum innocens, verumetiam præclare de Republica meritis ducebatur ad mortem. Magnum itaque solatium oportebat esse cum Phocione innocente mori innocentem.

20. DENIQUE cum illi poculum cicuta temperatum porrigeretur, percunctatus est quispiam, si quid filio vellet dicere. Nam is aderat: Ego, inquit, *tibi fili precipio, atque etiam obsecro, ne quid ob hujus rei memoriam Atheniensibus male velis.* Cæteris morientibus præcipuum solatium esse solet spes vindictæ, huic illud curæ fuit, ne filius patris injustam necem ulcisceretur, maluitque illum in patriam quam in patrem servare pietatem.

21. NI-

a Patientia. b Solatium mortis.

21. N I C O C L I petenti, ut sibi ante Phocionem venenum haurire liceret: *a* Tametsi durum hoc, inquit Phocion, tamen concedendum est ei cui nihil unquam in vita negavi. Phocion Nicoclem inter amicos fidissimum unice adamarat, eoque molestum erat videre illum morientem. Eam molestiam ut vitaret Nicocles, petebat ut ipse prior biberet. Et hac in re commodavit amico.

22. C U M bibissent omnes, solusque Phocion superesset, consumpto ab aliis veneno, carnifex negabat se daturum nisi numerarentur duodecim drachmæ: tanti enim venire cicutæ unciam. Phocion itaque ne per illius contentionem mora fieret morti, accito ad se cuidam ex amicis: *b* Quandoquidem, inquit, Athenis ne mori quidem gratis licet, quæso dato huic pretium.

23. C U M Demosthenes multa maledicta faceret in Alexandrum, jam Thebis imminentem. Homérico versu ex Odysseæ *a*. illum corripuit:

Σχέτλιε τίππ' ἐδέλεις ἐρεδίζεμεν ἄγειον ἄνδρα;
Cur libet irritare virum miserando ferocem?

M. TULLIUS CICERO.

1. M. T U L L I U S, cum ob Ciceronis cognomen dicteriis incessetur, ab amicis admonitus ut aliud sibi cognomen adscisceret, respondit, *c* se Ciceronis nomen illustrius effecturum, quam esset Catonum, Catulorum, aut Scaurorum. Nam hæ familiæ cum primis illustres erant apud Romanos, cum Tullius esset novus homo. Cognomen autem ideo patebat cavillis, quod à cicere vilissimo legumine dictum videretur. Quasi vero non & Fabii à fabis, & Lentuli à lente cognomen habuisse viderentur. Parum illustris est, qui præter imagines & cognomen nihil habet nobilitatis: pulcherrimum autem nobilitatis genus est, quam sibi quisque propriis virtutibus conciliat. Nec fefellit M. Tullium. Ciceronis enim nomen hodie decantatius est, quam trecenti Catuli aut Scauri cum suis stemmatibus, statuis & imaginibus.

2. C U M

a Amicitia. *b* Empta mors. *c* Nobilitas virtute parata.

2. CUM poculum argenteum Diis dicaret, prænomen ac nomen literis signavit, *a* sed pro Cicerone, ciceris figuram insculpsit, nihil refugiens cavillatorum interpretationem.

3. ORATORES qui inter dicendum vociferantur, dicebat claudis esse similes, *b* qui sic ad clamorem, ut illi ad equos confugerent. Hoc genus homines & hodie videre est, qui cum sentiunt se causa inferiores, ad furiosa jurgia confugiant, ut quoniam rationibus persuadere non possunt, improbitate metuque extorqueant.

4. CUM Verres, qui filium habebat parum pudice flore ætatis utentem, Ciceronem ut parum virum accinædum incesset conviciis. *c* Ignoras, inquit, quod liberis intra fores conviciandum sit. Significans hoc convicium non in ipsum competere, sed in conviciatoris filium. Parentum autem est objurgare liberos, sed intra domesticos parietes, nec ea convicia sunt eliminanda. Eliminat autem, qui aliis impingit, quod ipsius domi committunt liberi.

5. METELLO nepoti objicienti quod Cicero testimonio suo plures occidisset, quam patrocínio servasset: *d* Plus enim, inquit, mihi fidei est quam eloquentia. Mira solertia convicium retorsit in laudem. Siquidem in teste spectatur fides, in patrono valet eloquentia.

6. RURSUM Metello percunctanti Ciceronem, quis ipsius esset pater, nimirum ignobilitatem exprobrans. *e* Ad istam, inquit, percunctationem ut respondere sit difficilius, mater effecit tua. Nam Metelli mater audiebat parum pudica. Quin & ipse Metellus matrem referens, levior erat & inconstans, & affectibus serviens. Cicero convicium à patre ad matrem transtulit. Tum enim incertus est pater cum mater non eum uno consuetudinem habet.

7. IDEM Metellus cum Diodoro, quo Rhetorices

a Cicer pro Cicerone. *b* Clamosus orator. *c* Salse retortum. *d* Retortum in laudem convicium. *e* Salse retortum.

ces magistro fuerat usus, defuncto sepulchro ejus cor-
vum lapideum imposuisset : *a Justum*, inquit Cicero,
præmium retulit. Nam volare ipsum docuit, non dicere :
notans Metelli levitatem & inconstantiam. Corvus
avis est αμφο.

8. V A T I N I U M inimicum, & alioqui sceleratum
M. Tullius audierat obiisse diem : post cum audisset il-
lum vivere : *Male pereat*, inquit, *qui male mentitus est* :
significans Vatinius indignum qui diutius viveret.
Omne quidem mendacium malum, sed hoc menda-
cium bis erat malum, quia bonos viros in falsum gau-
dium conjecerat. Dictum tamen erat ambiguum, quod
dici poterat & de illo quem mori nolles.

9. C U M orante M. Tullio quidam creditus Afer
genere diceret. Non audio : hoc sermone negans se
probare quod dicebatur. *Atqui*, inquit Cicero, *aurem*
habes perforatam. Solet enim ea gens habere perforatas
aures, unde suspenderet anulos ac gemmas, quæ nunc
collo digitisque gestamus. Ea foramina quo modo fiant
docet Celsus.

10. C. P O P I L I U S qui jurisperitus videri vole-
bat, cum indoctus esset ac stupidus, citatus in contro-
versia quadam testis respondit se nihil scire. Tum Cice-
ro : *b Putas*, inquit, *fortassis te de jure interrogari*.

11. H O R T E N S I U S orator defensionis mercedem
à Verre acceperat Sphingem argenteam. Is cum M. Tul-
lio obliquius quiddam & involutius loquuto dixisset.
Non didici solvere ænigmata : *c Atqui*, inquit Cicero,
Sphingem habes domi. Nota est fabula de monstro Sphin-
ge, quæ præmiis propositis edebat ænigmata, non sol-
ventibus mors erat præmium.

12. C U M Voconium forte obvium haberet cum
filiabus tribus insigniter deformibus, tacite ad amicos
dixit versiculum Græcum :

d Φοίβε ποτ' ἐκ ἐώντων ἔσπερην τέκνα.

Phæbo haud finente hic semina vit liberos.

Sentiens illum invito Apolline liberis operam dedisse,
sive

*a Salse. b Nihil scire. c Sphinx domi. d Deformi-
tas exprobrata.*

sive quod Apollo pulcher à Poëtis fingitur, sive quod oriente sole foetus existiment concipi feliciores.

13. CUM Faustus Syllæ filius, ob æris alieni magnitudinem supellestem suam proscripsisset: *a* Hanc, inquit, proscriptionem magis approbo, quam paternam. Luffit ambiguo verbi. Proscribuntur res, quæ in auctione vñnum exponuntur, & proscribuntur homines, à quovis jugulandi: quo crudelissimo genere Sylla quam plurimos cives proscripserat.

14. POMPEJO ac Cæsare inter se dissidentibus, Cicero: *b* Quem fugiam, inquit, scio: quem sequar, nescio: sentiens ambos non pro Reipublicæ libertate, sed pro principatu dimicare.

15. POMPEJO vitio dabat, quod civitate deserta Themistoclem potius quam Periclem fuisset imitatus, cum illis res nequaquam pares essent, his essent. Themistocles enim fugit ad Persas, Pericles mansit Athenis.

16. CUM ad Pompejum venisset, ac venisse poeniteret, rogatus ubi Pisonem generum reliquisset: *c* Apud tuum, inquit, socerum. Cæsarem designans. Perinde quasi notatus esset Cicero, quod à genero suo disjunctus esset, relaxavit illum quod ipse cum suo socero bellum gereret.

17. CUM quidam à Cæsare ad Pompejum transfugiens, *d* diceret se festinandi studio equum reliquisse, Cicero dixit, illum melius de equo quam de se statuisse: sentiens longe rectius facturum fuisse, si & ipse mansisset apud Cæsarem.

18. CUIDAM nuntianti, Cæsaris amicos esse tristes: *e* Hoc dicis, inquit, illos Cæsari male cogitare. Irripit adulantem nuntium, quasi Cæsariani rebus suis diffiderent, metuerentque Pompejum.

19. POST Pharsalicum confictum cum fugisset Pompejus, Nonius quidam dicebat, septem adhuc aquilas superesse, proinde bono animo essent hortabatur: *f* Recte, inquit Cicero, hortareris, si nobis cum grac-

culis

a Focue ex ambiguo verbi. *b* Neutra pars placet. *c* Salse.

d Argute. *e* Interpretatio. *f* Bellum cum graculis.

culis bellum esset. At ille aquilas dixit, vela Romana aquilis insignita.

20. CUM Cæsar rerum potitus Pompeji statuas dejectas honorifice reposuisset: *a Cæsar*, inquit Cicero, *dum Pompeji statuas reponit, sua stabilit*: sentiens illum hoc non in Pompeji gratiam facere, sed ut sibi clementiæ simulatione favorem apud cives conciliaret, atque hoc pacto suum regnum constabiliret.

21. ADEO vero sollicitus erat M. Tullius benedicendi, *b* tanque anxium huic rei studium impendit, ut cum causam oraturus esset apud centumviros, jamque dies instaret, Erota servum manumiserit, eo quod nuntiasset cognitionem in posterum diem fuisse prorogatam. Et hoc aliquis inter apophthegmata adiecit, cum non sit.

22. CUM Cicero in Pompeji castra venisset, dicentibus: Sero venisti: *c Minime*, inquit, *sero, nam nihil heic adhuc parati video*. Allusit ad eos qui sero veniunt ad convivium. Jocus est ex ambiguo. Sero venit qui tarde venit, & sero qui post tempus.

23. CUM Pompejus Gallum quendam quod ad ipsum à Cæsare transfugerat, civitate Romana donasset: *d Hominem*, inquit, *bellum qui Gallis civitatem promittit alienam, cum nostram nobis non possit reddere*.

24. POST Cæsaris victoriam interrogatus Cicero, cur in electione partium errasset: *e Præcinctura*, inquit, *me fecit*: sentiens se non sperasse, victoriam à molli & effœminato staturam. Cæsar enim ita toga præcingebatur, ut laciniam trahens mollium in morem incederet: unde Sylla Pompejum admonere solet, caveret a puero male præcincto.

25. IDEM apud Damasippum cœnans, cum convivor mediocri vinum apposuisset, idque convivis à vetustate cupiens commendare diceret. Bibite Phalerum hoc, quadraginta annorum est: *f Bene*, inquit, *fert ætatem*. Hoc modo de homine loqui solemus, cuius

N
formæ

a Clementia simulata. b Benedicendi studium. c Nil parati. d Apertum convivium. e Male præcinctus. f Vinum vetus.

formæ viribusque non multum detrahit ætas. At ridiculum erat vinum ab immodica vetustate commendare.

26. CUM Lentulum generum suum, exiguæ staturæ hominem prælongo gladio videret accinctum: *a Quis*, inquit, *alligavit generum meum gladio?* Videbatur homo gladio alligatus, non gladius homini.

27. CUM Quincti fratris clypeatam imaginem in provincia quam is rexerat ingentibus lineamentis, à capite usque ad pectus, ex more vidisset: *b Frater*, inquit, *meus dimidijs major est quam totus.* Erat enim Quinctus pusillæ staturæ.

28. CUM Tullia Ciceronis filia concitatus incederet quam deceret foeminam. Contra Piso gener lentius quam deceret virum, ambos eodem dicto taxavit, filia præsentem genero dicens: *c Ambula ut vir.*

29. IN Vatinium qui paucis diebus consul fuit, ita jocatus est: *Vatinii anno magnum ostentum fuit, quod eo consule nec bruma, nec ver, nec æstas, nec autumnus fuisset.* Nam his horis annus totus distinguitur, quarum unaquæque tres menses occupat. Nescio an hoc ipsum sit quod aliter refert Pollio in Marino tyranno. Consul qui sex pomeridianis horis consul fuerat, joco Ciceronis aspersus est. Consulem habuimus tam severum tamque censorium, ut in ejus Magistratu nemo pransus sit, nemo coenaverit, nemo dormierit. Nisi forte videtur hoc magis ad Caninium Revilum pertinere.

30. RURSUS exostulanti Vatinio, quod Cicero gravatus esset ipsum languentem invisere: *d Volebam*, inquit, *in tuo consulatu venire, sed me nox occupavit.* Hæc talio videri poterat. Nam antea Vatinius Ciceronem gloriantem, quod ipsum Respublica suis humeris reportasset, ita taxarat: *Unde ergo tibi varices?* Varices enim non sedentium, sed stantium aut ambulantium crura solent occupare.

31. CANINIUS Revilus unico tantum die consul fuit: is rostra cum adscendisset, pariter & honorem iniit consulatus & pejeravit: in quem fertur illud Ciceronis,

2070-

a Nulla proportio. b In pusillum. c Incessus decorus.

d Vatinius in Ciceronem.

λογος δὲ ὧν ἐστὶν *est Caninius consul*. In eundem jecit illud : *a Hoc consequutus est Revilus*, ut quareretur quibus consuli-
bus consul fuerit. Solet enim annorum numerus consu-
lum nominibus designari. Revilus autem & consul fuit
nec ullum habebat annum. Rursus illud: *Vigilantem ha-*
bemus consulem, qui toto consulatu suo somnum non vidit.

32. C. CÆSAR multos in senatum legerat eo or-
dine indignos, & in his Laberium ex equite Romano
mimum. Hic cum in senatu M. Tullium præteriret, se-
dem quærens: *b Recepissē*, inquit Cicero, *te, nisi an-*
guste sederem. Simul & illum respuens, & in novum se-
natum jocus, cujus numerum Cæsar supra quam fas
erat auxerat. Nec hoc dicterium inultum tulit Laberius.
Demiror, inquit, si sedes anguste, qui soleas duabus se-
dere sellis: obijciens illi levitatem, quod lubricæ fidei
nunc his nunc illis partibus adhæreret.

33. I D E M cum ab hospite suo P. Manlio rogaretur
ut decurionatum privigno ipsius expediret: assisten-
te frequentia civium dixit: *c Si jus habebit Pompejus,*
difficile est: Cæsaris in legendo senatum notans fa-
cilitatem.

34. A B Androne quodam Laodiceno salutatus, cum
adventus causam percunctatus intellexisset illum pro pa-
triæ libertate legatum ad Cæsarem venisse, græcis verbis
expressit publicam servitutem: *ἐὰν ὀπιτηχῆς, καὶ περὶ*
ἡμῶν πρέσβευσον, id est: *d Si impetras, etiam pro nobis*
legatus esto, siue pro nobis orato.

35. C U M M. Lepidus in senatu dixisset, patribus
conscriptis, ne dicam circumscriptis: *e Ego*, inquit Ci-
cero, *non tanti fecissem ὁμοιόπῳτων*. Affectavit Lepidus
schema vocum similiter desinentium quod Rhetores
ὁμοιόπῳτων vocant. At satius erat schema perdere, quam
senatum offendere. Quanquam in his verbis non tan-
tum est *ὁμοιόπῳτων*, verum etiam *πρῶτοντομασία* sche-
ma priore jucundius.

36. C U M quidam candidatus, qui coquo patre na-
tus credebatur, coram Cicerone suffragium ab illo pete-
ret:

N 2

a Consulatus brevis. b Duabus sedere sellis. c Obliquus
jocus. d Libertas oppressa. e Schema male affectatum.

ret: *a* Ego quoque, inquit, tibi favebo. Ex quo colligitur, cocc à coco & quoque conjunctionem, aut eodem, aut simillimo fuisse sono.

37. CUM accusator Milonis ex argumento temporis colligens, Clodio à Milone structas insidias, subinde rogaret, quo tempore occisus esset Clodius, Cicero respondit: *b* Sero: voce ancipiti significans, è Republica fuisse futurum, si Clodius multo ante fuisset interfectus.

38. C I C E R O nuntiata morte Vatini, cum ejus tumoris patum certus esset auctor: *c* Interim, inquit, usura fruar: sentiens se temporario gaudio de morte Vatini fruiturum, quemadmodum qui pecuniam mutuo accepit, ad tempus ea perinde ac sua fruitur.

39. M. C O E L I U M melius objicientem crimina quam defendentem, *d* bonam dextram, malam sinistram habere dixit: huc alludens, quod in pugna dextra gladium tenemus, sinistra clypeum: gladio ferimus, clypeo defendimus.

40. J U B I U M Curtium, quo junior videretur, multa de annis ætatis suæ mentientem, ita redarguit: Ergo, inquit, cum una declamabamus, non eras natus.

41. F A B I Æ Dolabellæ dicenti, se triginta annos habere: *e* Verum est, inquit. Nam hoc jam viginti annos audio. Volebat illa junior videri, quam erat. Itaque Cicero elusit illam simulata assensione, significans interim illam esse quinquagenariam.

42. O B J U R G A N T I B U S quod homo sexagenarius puellam virginem duxisset: *f* Cras, inquit, mulier erit. Jocans hoc probum mox eluendum. Nam postridie non poterat objici quod virginis esset sponsus.

43. I D E M g in Curionem semper ab ætate sumentem orationis exordium ita lusit, ut diceret, illum quotidie facilius habere procemium, videlicet ætate in dies magis ingravescente.

44. R U R S U S in Vatinium qui cum pedibus æger esset,

a Focus ex similitudine. *b* Sero. *c* Gaudium temporarium. *d* Melior dextra. *e* Assensio simulata. *f* Virgo mulier. *g* Exordium ab ætate.

esset, volebat tamen videri commodioris valetudinis factus, dicebatque jam se bina millia passuum ambulare: *a Dies enim*, inquit, *longiores sunt*. Hoc Fabius tribuit Ciceroni, Macrobius Augusto. Narratur & hodie quiddam non minus facetum, si modo accederet vetustatis commendatio. Miles quidam in convivio jactabat sibi balistam esse, quæ jaculum excuteret ad spatium nulli credibile, reclamantibus convivis omnibus, affirmabat famulum suum id vidisse factum. Accersito famulo percunctatus est illum, an non ipse vidisset quod narraret. Tum famulus: Verum, inquit, narras here, sed tum vento secundo miseras sagittam.

45. C I C E R O audito falso rumore de Vatinii morte, cum Ovinium libertum ejus interrogasset: *b Rectene omnia*, atque ille respondisset: Recte, *Mortuus est*, inquit. Significans non omnia recte habere si ille viveret.

46. I D E M cum testis, Sexti Annalis reum legisset, & instaret identidem accusator rei. Dic Marce Tulli si quid potes de Sexto Annali: protinus recitare coepit versus ex Ennii sexto Annalium libro: *c Qui potes ingentis causas evolvere belli*. Scripsit enim Ennius Annales, & accusator dicebatur Sextus Annalis.

47. R U R S U S in Accium hominem callidum & versutum, cum is in causa quadam suspectus esset, senarium ex vetusto quopiam Poëta torfit. Nisi qua Ulysses rate evasit Laërtius. *d Ulysses vaser navi & Charybdim & Scyllam evasit*, sic Accius astutia sua è judicii periculo elapsus erat.

48. S I M I L I T E R lusit in quendam, qui cum prius habitus esset stultissimus, post adeptam hereditatem primus rogabatur sententiam. *Cujus*, inquit, *hereditas*, quam vocant sapientiam. In versu pro facilitas, mutavit, hereditas. Apud Poëtam enim versus sic habet: Cujus facilitas, quam vocant sapientiam. Significavit autem hereditatem illi pro sapientia contigisse, & ob hereditatem jam habitum sapientem.

N 3

49. C U M

a Podagra. b In Vatinium. c Ab inexpectato.

d Versus detortus.

49. CUM mater M. Bruti Servilia pretiosum ære parvo fundum abstulisset à Cæsare, qui bona civium subiciebat hastæ, ita jocatus est Cicero: *a Et quidem, inquit, quo melius emptum sciatis, emit hunc fundum Servilia tertia deducta.* Serviliæ autem filia dicebatur Junia Tertia, eademque C. Confidii uxor, lasciviente dictatore tam in matrem quam in filiam. Ex ambiguo jocatus est Cicero: potuit enim intelligi tertia pars pretii deducta. Deducitur autem uxor aut scortum.

50. IDEM ænigmate lusit in matrem Pletorii, qui Fontejum accusabat: *b* dicens eam dum viveret, ludum, mortuam Magistros habuisse: notans quod dum viveret, infames ad eam foeminæ commeare solent, post mortem ejus bona veniebant. Sermo videtur & absurdus, & præposterus. Nam qui ludos habent, ipsi Magistri sunt, & discipulos habent. Magistri autem dicuntur non solum qui docent, verum etiam qui regunt.

51. IN *c* nomen Verris jocatus est, quasi sic dictus esset, quod omnia verreret, hoc est, nihil reliqui faceret homo furax. Quo genere jocandi quidam furem pro Tullio Tollo dixit; nec defuerunt qui pro Tiberio dixerent Biberium.

52. DE C. Cæsare dicere solet: *d Quoties hujus astutiam & ambitionem video sub humanitatis specie latitantem; metuo Reipublicæ tyrannum: rursus cum comas molaliter fluentes, & ipsum uno digito scalpentem caput intueor, vix animum inducere possum, ut tantum facinus animo concipiat.*

53. IDEM objicientibus quod à reo pecuniam accepisset, qua magnificas quasdam ædes esset empturus: *e Fatebor, inquit, accepisse me, si emero.* Eas cum esset mercatus, exprobrantibus vanitatem. *An nescitis, inquit, boni patrisfamilias esse, dissimulare si quid constituerit emere?*

54. C I C E R O N I cum Crasso similtas erat. Cum igitur alter è Crassi filiis non dissimilis cuidam nomine Digno, atque hinc populi suspicio in Crassi uxorem, quasi

a Tertia deducta. b Salsæ. c Focus ex nomine. d Ingenium varium. e Mendacium illusum.

quasi cum Digno rem habuisset, in senatu præclaram habuisset orationem, rogatus Cicero, qualis ei videretur: *a Dignus*, inquit, *Crasso*: tecte alludens ad nomen Digni: jocus lepidior est, si more Græcorum dicas, Dignus Crassi, ut intelligas duos esse Crassios, alterum adulterum, alterum illi similem Crassi filium.

55. C I C E R O Munatio reo patrociniatus fuerat, atque ille absolutus. Post cum Munatius Sabinum Ciceronis amicum rerum perageret, iratus Cicero exprobravit illi beneficium: *b An tu*, inquit, *Munati illud judicium tua opera effugisti, an potius mea, qui multum caliginis tribunalibus effudi?*

56. C U M Marcum Crassum pro rostris laudasset magno populi applausu, & eundem post ex eodem loco acribus convitiis incesset. Quid, inquit Crassus, an non me nuper ex hoc ipso loco laudasti? *c Laudavi*, inquit, *sed exercendi gratia argumentum infame declamans*. Solent enim Rhetores tractare materias ἀδδξες, velut cum laudant Busyridem, aut febrim quartanam, aut ingratitudinem.

57. I D E M cum Crassus dixisset, Neminem Crassorum Romæ vixisse diutius annis L x. deinde poenitens ejus sermonis diceret. Quid mihi accidit ut hoc dicerem? M. Tullius: *d Sciebas*, inquit, *Romanos hoc libenter audituros, & ista via venisti ad Rempublicam gubernandam*: duo significans, & Crassiorum nomen invisum esse Romanis, & illum non virtute, sed blandiendo proVectum ad honores.

58. C R A S S O dicente, Stoicorum esse dogma, virum bonum esse divitem: *e Vide*, inquit Cicero, *ne magis hoc sentiant, sapientis esse omnia*. Tecte notans Crassi avaritiam, cui nihil esset satis.

59. C R A S S U S in Syriam profecturus, malens Ciceronem amicum quam inimicum relinquere, officiose salutato dixit, se apud illum velle cœnare, quem Cicero alacriter excepit. Post aliquot dies quidam amicorum

N 4

ege

a Jocus ex nomine. *b* Eloquentia victor non causa.

c Ex eodem ore frigidum & calidum. *d* Acerbe.

e Avaritia.

egerunt apud Ciceronem, ut cum Vatinius quoque rediret in gratiam: *a Num, inquit, & Vatinius mecum cœnare vult?* Significans illum cœnam ambire potius quam amicitiam.

60. R U R S U S in Vatinium qui scrophas habebat in cervice, id est morbi genus, cum causam quandam ageret: *b Tumidum, inquit, habemus oratorem.* Asiatici dicti sunt tumidi.

61. C Æ S A R statuerat agros Campanos militibus dividere: id cum complures in curia moleste ferebant, tum L. Gellius, homo extremæ senectutis, dixit hoc non futurum se vivo: *c Exspectemus, inquit Cicero, non enim postulat longam dilationem:* significans illum esse morti proximum.

62. A D O L E S C E N S quidam accusatus quod patrem placenta venenata sustulisset, cum stomachabundus minaretur se probris laceraturum Ciceronem: *d Hoc, inquit Cicero, Malim quam placentam:* ancipiti dicto parricidium illi obijciens.

63. P. S E X T I U S Ciceronem cum aliis aliquot ad causæ patrocinium adhibuerat: cumque ipse vellet omnia dicere, nec cuiquam dicenti locum daret, ubi jam constaret illum à iudicibus absolvendum, ferreturque sententia: *e Utere, inquit Tullius, hodie tempore, nam cras privatus eris:* notans hominem quod in causa suo arbitratu solus egisset omnia.

64. C U M M. Appius in proœmio diceret, se magnopere rogatum ab amico, ut in causa clientis adhiberet curam, eloquentiam & fidem: hic Cicero: *f Adeone ferreus homo es, ut ex tam multis qua rogavit amicus, nihil prestes?*

65. M. A Q U I L I U M duos habentem generos, sed ambos exsules, Adrastum appellavit, quod solus locum tueretur: alludens ad Græci nominis etymologiam.

66. L. C O T T A censore, qui vini avidissimus habebatur, cum Cicero consulatum petens sitisset, bibissetque

a Reditus in gratiam. b Morbus exprobatu. c In senem. d Tectum crimen, e Loquacitas. f Erisio.

ferque septus undique amicis: *a Recte*, inquit, *timetis ne censorem habeam insensum, quod aquam bibo*. Simulavit Cicero se credere, ob id circumstare frequentes amicos, ne censor videret illum bibentem aquam. Simile enim simili amicum.

67. CUM M. Coelius, qui credebatur è parentibus non liberis natus, epistolam apud senatum clara firmaque voce recitasset: *b Ne miremini*, inquit Cicero, *nam hic unus ex his est, qui proclamant: significans illum fuisse præconem, & hoc usu contigisse ut esset vocalis*. Solent autem servi venales voce præconis commendari.

68. MEMMIO cuidam vituperanti Catonem Uticensem, dicentique quod totas noctes ebrius esset: *c At illud*, inquit Cicero, *non addis, cum totos dies aleam ludere*: civiliter excusans Catonem, qui totum diem Reipublicæ negotiis dabat, nocturnas aliquot horas sumebat laxando animo.

69. C. CÆSARI in senatu enixè defendenti causam filiae Nicomedis beneficiaque Regis in se commemoranti: *d Remove*, inquit, *isthac oro, quoniam notum est quid ille tibi, quid tu illi dederis*. Jocus est ex ambiguo verbi. Nam dat qui confert beneficium, & dat mulier quæ sui facit copiam. Unde illud Martialis. Vis dare, nec dare vis.

Male audiebat Cæsar, quod in Bythinia Nicomedi Regi fuisset obsequentior, quam pudicitix leges postulabant.

70. M. CALPIDIUS Gallum accusavit, M. Tullio defendente: cumque accusator affirmaret, se testibus, chirographis, quæstionibus probaturum, sibi à reo fuisse præparatum venenum: sed interim rem tam atrocem, remisso vultu, languida voce, ac reliquo gestu parum concitato pronuntiaret. M. Tullius: *Tu*, inquit, *nisi fingeres M. Callidi, sic ageres?* Ex actione sic colligens, illum non ex animo loqui.

71. IDEM in Isauricum ita ludit: *e Miror quid sit*,
N 5
quid

a Censor bibulus. b Vocalitas. c Jocus ex addito. d Scomma ex ambiguo. e Scomma ex ambiguo.

quod pater tuus homo constantissimus te nobis varium reliquit. Jocus ex ambiguo vocis : nam varius dicitur parum animo constans : varius item qui vestigiis plagarum notatus est. Vulgatum autem erat , hunc Isauricum aliquando à patre cælum loris , inde illud M. Coëlii prætoris non dictum , sed factum , cujus cum sellam curulem consul Isauricus fregisset , alteram posuit loris intentam , tacite minitans illi atque exprobrans , quod à patre loris cælus esset.

DEMOSTHENES Orator.

1. PYTHEAS Demostheni objecit , quod ipsius enthymemata *a* lucernam olerent : significans illum non nisi descripto , & ad lucernam elucubrata dicere. Quod dictum ita retorisit Demosthenes , ut diceret , non eodem pretio sibi & illi constare lucernam : notans quod ille nocturnis conviviis indulgeret , plus impendens luxui quam ipse studio.

2. ALIIS immodicum eloquentiæ studium objicientibus , ita respondit : *b* Eloquentiæ studium declarare hominem popularem : contra negligere studium eloquentiæ , esse eorum qui dominari populo quererent , ut qui hoc agerent , non ut persuaderent dicendo , sed ut vi cogerent.

3. DE PHOCIONE quoties in concione dicturus assurgeret , *c* ad amicos proximos dicere solet Demosthenes , rationum ipsius securim surgere. Nam Phocion erat in dicendo brevis , sed acutus. Solet autem fere à Demosthene dissentire.

4. POPULUS Atheniensium à Demosthene flagitabat ut quendam accusaret : id cum recusaret , coepit populus in illum , ut solet , vociferari. Tum surgens : *d* Vos me viri Athenienses , consultorem habetis vel inviti , calumniatorem autem non habebitis etiamsi velitis.

5. DEMOSTHENES *e* unus fuerat ex decem quos Athenienses legatos ad Philippum Macedonem miserant. Itaque postea quam Æschines & Philocrates , quos præcipue fuerat complexus Philippus , à legatione reversi ,

a Lucernam olet. *b* Eloquentia popularis. *c* Sermo brevis. *d* Consultor non calumniator. *e* Laudes depravata.

reversi, cum aliis multis nominibus prædicarent Regem, tum his præcipue, quod esset formosus, facundus, & ad bibendum strenuus, Demosthenes ita cavillatus est, ut diceret, in his laudibus nihil esse dignum Rege. Nam primam esse fœminarum, alteram sophistarum, tertiam spongiarum.

6. DEMOSTHENES clypeo suo literis aureis inscripserat, ἀγαθὴ τύχη, id est, a bona fortuna. At tamen cum ad pugnam ventum esset, illico projecto clypeo aufugit. Id cum illi probro daretur, quod ῥέψα-
αις esset, elusit vulgato versiculo:

Ἀνὴρ ὃ φεύγων ἐν πάλιν μαχίσεται.

Id est:

Vir qui fugit, rursus integrabit prælium.

Indicans utilius esse patriæ, fugere quam in prælio mori. Mortuus enim non pugnat, at qui fuga quæsitv salutem, potest in multis præliis patriæ usui esse.

7. CUM Alexander pacem hac lege deferret Atheniensibus; si cives octo sibi dederent, inter quos erat Demosthenes: Demosthenes apologum retulit de lupo, qui hac lege pacem obtulit ovibus, si canes dederent: lupi nomine signans Alexandrum: canum, eos qui tum populi rem curabant, ovium, plebem Atheniensium. Addidit & illud: b *Ut mercatores, inquit, exiguum frumenti in paropside specimen deferunt; per hoc ingentes acervos vendere cupientes: ita vos si traditis.*

8. CUM ab Areopagitis damnatus, elapsus è carcere fugeret, & haud procul ab urbe obvios habuisset aliquot diversa factionis homines, primum abdere sese voluit: sed cum illi nominatim Demosthenem appellantes juberent esse bono animo, & viaticum insuper offerrent, graviter ingemuit, dicens: c *Qui possum hanc urbem relinquere, in qua tales habeo inimicos, quales amicos vix in alia sum inventurus?*

9. INTER fugiendum fertur subinde respiciens ad arcem Palladis, sublatiis manibus dixisse: d *ô Pallas urbium domina, cur tribus infauitissimis bestiis delectaris, no-*

N 6

etua,

a Fuga excusata. b Pauci pro omnibus. c Patria desiderium. d Populus nocentissima bestia.

Etua, dracone, & populo? Noctua cum sit avium inauspicatissima, tamen Palladi sacra est: quemadmodum & draconem habet pro gestamine: populus autem bellua est multorum capitum, pessimam gratiam referre solita optime de se meritis, velut Socrati, Phocioni, Scipioni, & aliis compluribus.

10. A D juvenes quos habebat familiares, dicere solet: *a* Sibi gnaro jam quantum invidia, metus, calumnia ac discriminis sit exspectandum ad Rempublicam accedenti, si ex duobus alterum sit eligendum, citius in exitum iturum, quam ad suggestum aut tribunal.

11. C U M exsularet in Artadia, Pytheasque pro Macedonibus dixisset, ut domum in quam lac venale importatur aliquid habere mali suspicamur, ita civitatem esse morbidam, ad quam mitteretur Atheniensium legatio: Demosthenes eam sententiam ita retorsit: *b* Ut lac pro sanitate agrotantium importatur, ita Athenienses pro salute civitatum adesse, dicens. Id ubi rescivit populus Atheniensium, protinus illum ab exilio revocarunt.

12. C U M redeunti ab exilio navis esset missa, multique Magistratus ac cives obviam issent, sublati in coelum manibus dixit, *c* sibi in patriam reditum honorificentiorum contigisse quam Alcibiadi, quod ille coactis civibus redisset, ipse persuasis.

13. P O S T E A, quam Demosthenes metu Antipatri profugisset in Calauriam insulam, seque in Neptuni templo contineret, & Archias ex tragœdiarum histrione potens, illi blandis sermonibus persuadere conaretur, ut sese in Antipatri fidem committeret, non modo nihil passurum mali, verum etiam amplissimis muneribus honorandum: *d* In scena, inquit, mihi nunquam placuisti histrio, neque nunc persuadebis orator. At ubi commotus Archias minaretur, se detracturum illum e templo: Tandem, inquit, oracula Macedonica aperuisti. Nam prius histriorum more simulabas.

14. F E R T U R aliquando Corinthum navigasse Demosthenem, illectum fama nobilissimi scorti Laidis, ut

a Rempublicam fuge. *b* Exul in patriam pius. *c* Spem tamen grata. *d* Acerbs.

ut & ipse famoso amore potiretur. *a* At cum illa pro nocte stipularetur drachmarum decem millia, deterrius magnitudine pretii, mutavit sententiam, dicens: *ἐκ ἀπορίῳ πρὸς τὴν μετανοήσας*, id est, *non emo tanti pœnitere*: significans inhonestæ voluptati paratam esse comitem pœnitentiam.

15. C E L E B R E est Pythæ dictum, orationes Demosthenis olere lucernam, quod noctu scriberet, meditareturque quæ dicturus esset. In id cum alius quispiam, qui ob furti suspicionem vulgo male audiebat, petulantius inveheretur: *b* Scio, inquit Demosthenes, nos tibi molestos esse, qui noctu lucernam accendimus. Fures enim amant tenebras.

16. I D E M adversus Demadem clamantem, Demosthenes me corrigere vult, sus Minervam: *c* *An ista*, inquit Demosthenes, *Minerva anno superiore in adulterio deprehensa fuit*. Adulterium objecit Demadi, cum Minervam Poëtæ faciant virginem.

17. I D E M Atheniensibus flagitantibus ut consuleret, obstitit dicens, *ὅσων τὰ γὰρ*, id est, *d* *Non sum coactus in ordinem*. Significans se non servire populi affectibus, sed suo arbitratu facere quod faciendum judicasset.

18. A N C I L L A quædam depositi nomine pecuniam acceperat à duobus hospitibus, hac conditione, ut eam utrisque simul redderet. Horum alter post tempus, aliquod lugubri veste & squalidus socii mortem simulans, decepta muliere nummos abstulit. Eo facto supervenit alter, & depositum repetere cœpit. Cum mulier anxia de laqueo cogitaret, Demosthenes ei patronus adfuit, qui ut in advocacionem venit, sic aggressus est petirorem: *e* *Mulier*, inquit, *parata est depositi fidem solvere, sed nisi socium adduxeris, facere id non potest: quoniam ut ipse pradicat, hac dicta lex est, ne pecunia alteri sine altero numeretur*. Hoc ingenio servavit miseram, elusitque nebulonum conspirationem, qui hoc egerant, ut eandem pecuniam bis acciperent.

19. C H I D A M percunctanti, quid esset in eloquen-

N 7

lia

a *Magno empta voluptas. b* *Salse. c* *Acerbe. d* *Fertiler. e* *Callide.*

tia præcipuum, respondit: *a Hypocrisis*, hoc est, actio. Roganti quid proximum, respondit: *Actio*. Roganti quid tertium, nihil aliud respondit quam *Actio*: tantum tribuens pronuntiationi, ut in ea totum situm existimaret. Actio autem multa complectitur, vocis moderationem, oculorum vigorem, vultus habitum, & totius corporis gestum.

20. CUM Athenienses gestirent Harpalo ferre suppetias, jamque in Alexandrum armarentur, derepente apparuit Philoxenus, quem Alexander maritimis negotiis præfecerat: heic cum populus metu attonitus consilescebat: *b Quid facerent*, inquit Demosthenes, *si solem videant*, qui non possunt obtueri lucernam? Ita populo temerarios motus exprobravit.

21. QUIBUSDAM arbitrantibus Demadem jam desuisse malum: *Jam enim*, inquit, *saturum videtis, veluti leones*. Erat pecuniarum avidus Demades, leones autem mitiores sunt saturi.

22. CUM à quodam convitiis incesceretur: *c Committor*, inquit, *in certamen*, in quo qui superior evaserit, inferior est & qui vicerit, victus est.

23. IDEM cum audiret oratorem quendam immodice vociferantem. Non, inquit, quod magnum est, bene est: sed quod bene est, magnum est. Hoc & aliis adscribitur. Sunt qui & convivia prolixa, ac plurimis instructa missibus existiment lauta.

a. Actio totum. b Temeritas. c Graviter.



APOPTHEGMATA VARIE MISTORUM.

LIBER V.



QUIDEM statueram aliquot selectis, quos superioribus libris retuli, esse contentus: sed quoniam invitabat aridens undique dictorum memorabilium copia, simulque veniebat in mentem, quam avidum ac famelicum hujusmodi deliciarum convivam acceperissem, visum est quantum missum addere, reperito ordine, quem Plutarchus sequutus est.

CYRUS Major.

PERSÆ amant homines adunco naso, quos Græci gryphos appellant, eoque pulcherrimos esse putant, eo quod Cyrus, quo non alius Regum populo fuit carior, ejusmodi specie nasum habuerit. Est autem duplex gryphorum genus, unum cui statim à fronte nasus insurgit, quod Aristoteles putat esse signum impudentis animi, & ad corvos refert: alterum, cui curvatura nisi à fronte separata est, sed circa medium intumescit, & ad extremum tendens unci speciem præbet: id Aristoteles putat esse notam magnanimitatis, & ad aquilam pertinere.

I. CYRUS autem dicebat: *Qui sibi nollent prodesse, cogi ut alius sint usus*: significans fervili animo natos, sibi que inutiles eo imperio adigendos, ut aliorum commodis inserviant. Vulgus autem putat homines aquilino naso, & ad suum commodum cum primis attentos, & imperio magis quam servituti natos, unde & Poëtæ veteres aquilæ regnum in omne avium genus tribuunt. Sed idem dicebat: *a Neminem debere suscipere prin-*

a Princeps qui virtute præcellit.

principatum, nisi melior his in quos susciperet. Sentiens hoc esse principis unicum munus, aliis prospicere, & publicis consulere commodis: id autem non potest, nisi qui sapientia, vigilantia animique integritate ceteris antecellit. Hoc vero non præstat nativitas, sed institutio recta & rerum usus.

2. CUM Persæ, quoniam regionem habebant montuosam asperamque, cuperent eam campestri ac molliore commutare, non passus est Cyrus, dicens: *a Quemadmodum plantas ac femina, sic hominum mores ad regionis habitum immutari.* Sentiens se velle duros homines & laboribus accommodos. Nam mollis & fertilis regio molles & ignavos gignit homines

3. CYRUS abstinebat à conspectu Pantheræ: & Araspo dicenti mulierem esse insigni forma, dignam Regis oculis: *b Ob isthuc ipsum, inquit, magis est ab illa abstinendum. Etenim si nunc tuo obtemperans consilio il' an adiero cum vacat, fortassis illa mihi persuasura est ut ad ipsam frequenter commeam, etiam cum non vacabit, ei que assideam neglectis serius negotiis.* Scite retorsit argumentum, regis functionis memor.

D A R I U S.

4. DARIUS Xerxis pater, in sui laudem dicere solet, *c* sese præliis ac rebus asperis reddi prudentiorem. Atqui talis prudentia nimio constat Reipublicæ. Præstat Principem è philosophiæ præceptis haurire sapientiam potius, quam experimentis miseram, ut vocant, colligere prudentiam.

5. IDEM cum tributum indixisset subditis, accersitos provinciarum Præfectos percunctatus est, cum aliis de rebus, *d* tum de tributis, essentne gravia: cum illi respondissent esse mediocria, iussit ut singuli dimidium exigent. Quod præfectis moderatum videbatur, Regis æquitati visum est dimidio plus satis. Maluit enim suos beneficio sibi conciliare, quam exarmatos subigere. Strategematis autem gratia in hoc sita est, quod:

duplum

a Deliciae emolliunt. b Caste. c Fortuna adversus prudentes facit. d Favor arte captatus.

duplum imperavit ejus quod destinarat accipere. Si dimidium imperasset, nec quidquam remisisset, latuisset benignitas: nunc exacta dimidians, effecit ut omnes sentirent beneficium.

6. C U M aperuisset prægrandum malum punicum, & quidam ab eo sciscitaretur, cujus rei tantum numerum habere optaret, quantus illic inesset granorum, respondit, *Zopyrorum.* *a* Is erat vir bonus ac Dario fidus amicus. Significans Regi nihil prius aut carius esse debere probis ac fidis amicis. Tametsi Herodotus libro quarto refert hoc fuisse dictum de Megabyze.

7. I S Zopyrus sibi nares & aures præcidit, itaque dissimulans quis esset, ad Babylones transfugit, fingens se à Dario crudelissime tractatum. Babylonii persuasi commiserunt illi præfecturam. Ille nactus occasionem Dario civitatem tradidit. Postea Darius sæpenumero dicere solet: *b* *Se malle unum Zopyrum integrum, quam centum Babylones capere.* Eret opulentissima civitas Babylon, tamen unum amicum centum Babylonibus anteposuit. Ab hoc animo quantum absunt Principes quidam, qui sannionem, aut equum, aut canem pluris faciunt, quam probum, fidelem, ac doctum amicum? Hujus factum damnans Rex dicebat, quod turpissimo facto pulcherrimum nomen imposuisset. Videbatur enim mira fides in Regem, cum illum summa afficeretur tum jactura tum molestia.

S E M I R A M I S.

8. S E M I R A M I S regina, quæ Babylonem condidisse dicitur, monumento quod sibi pararat inscripsit: *c* *Quisquis Rex pecunia egerit, aperto monumento quantum voluerit capiat.* Darius potitus ea civitate, titulo credens saxum ingens quo claudebatur monumentum, vix amolitus, nihil quidem invenit pecuniarum, sed ex altero saxi latere hoc inscriptum reperit: *Ni vir malus esses, & pecunia inexpleribis, haudquaquam mortuorum loculos*

a Amico fido nihil pretiosius. *b* Fidus amicus. *c* Avaritia delusa.

los moveres. Quanquam hoc aptius inter strategemata, sives inter *ῥαλοῖα* commemorandum erat.

X E R X E S *Alter.*

9. **I N T E R** Xerxen Darii filium & Arimenem fratrem de regno erat contentio. Itaque cum Xerxes intellexisset fratrem ex Bactrianorum regione descendere, misit illi munera, & iis quibus ea mandarat perferenda, jussit ut ipsius verbis illi dicerent: *a* *Hu in presentia te honorat frater tuus Xerxes: quod si Rex fuerit declaratus, eris apud ipsum omnium primus.* Hac humanitate delinitus Arimenes contentionem remisit, ac fratri regnum adepto protinus adorationis honorem exhibuit, eique diadema imposuit. Xerxes autem illi proximum ab se locum dedit. Nec hoc video cur inter apophthegmata debeat recenseri, cum Plutarchus recenseat. Simile quiddam de Jacob & Esau legitur in Hebræorum literis. Ira contentioque melius solvitur blandis verbis & benignitate, quam repugnando.

10. **I D E M** iratus Babyloniiis, quod à se defecissent, postea quam illos in potestatem suam redegerat, *b* interdixit ne ferrent arma, sed psalteriis tibiisque canerent, scorta alerent, cauponas haberent, ac sinuosis tunicis uterentur, quo voluptatibus evirati non molirentur denuo defectionem. Nec hoc inter apophthegmata commemoraturus eram, ni Plutarchus recensuisset.

11. **C U M** importarentur ad illum Atticæ caricæ venales, negavit se illas esurum, donec regione potitus esset quæ illas ferret. Tam ingens erat excelsi pectoris *c* fiducia sui.

12. **C U M** vidisset universum Hellespontum navibus suis constratum, omnia litora atque Abydenorum plana hominibus referta, jactavit se beatum, moxque fudit lachrymas. Tam subitam mutationem admiratus Artabanus Regis patruus, qui dissuaserat eam expeditionem, ausus est rogare causam. Tum Xerxes. *Subiit,* inquit,

a *Humanitas plus valet quam vis.* *b* *Delicia.* *c* *Fiducia sui.*

inquit, *animum meum cogitatio, quam brevis sit hominum vita, quando ex tam numerosa multitudine post annum centesimum nemo superfuturus est.*

13. I D E M Græciæ bellum indicturus, convocatis omnibus Asiæ principibus dixit. *Ne viderer meo tantum consilio hoc aggressus contraxi vos: ceterum mementote mihi parendum magis quam suadendum.* Vox bis tyrannica, & quod Principum conventu pro fucō abuteretur, & quod negotium multo periculosissimum sua unius cupiditate verius quam consilio susciperet.

14. I D E M cum à trecentis Lacedæmoniis ad Thermopylas vexatus esset, a tantum militum ducens multitudinem, hoc se deceptum agebat, quod multos quidem homines haberet, milites autem perpaucos. Sentiens nos perinde referre quam multos educas, sed quam exercitatos.

15. GRÆCORUM exploratores in exercitu comprehensos nullo affecit malo, quin potius iussos b omnem lustrare exercitum illæsos dimisit. Sit & hoc singularis fiduciæ exemplum: cur apophthegma dici debeat non video.

A R T O X E R X E S.

16. A R T O X E R X E S Xerxis filius, cognomento Longimanus, quod alteram manum haberet longiorem, dicere solet: c *Regalius esse addere quam adimere.* Sentiens Principe dignius esse, honorem & opes eorum quibus imperant augere potius quam imminuere.

17. I D E M permisit, ut ex his qui secum venabantur, qui possent ac vellent, ante Regem jaculum emitterent. d *Sit hoc comitatus exemplum: quid ad apophthegma pertineat non video.*

18. A T is quam in venatu fuit comis, tam erat mitis in disciplina militari. e *Nam Ducibus qui deliquissent, pro eo quod solent flagris cædi corpora, iussit ut pro corporibus vestis illis detractæ caderentur, utque pro eo quod solet illis velli caput, tiara deposita velleretur.*

a Turba inutilis. b Fiducia. c Liberalitas Regum.

d Comitatus in venatu. e Clementer.

retur. Nec hoc quidem ad apophthegmatum fodalitatem pertinet.

19. CUM Satibarzanes Artoserxis à cubiculis quidam minus justum ab ipso peteret, sentiretque Rex illum hoc facere sollicitatum triginta Daricorum millibus, quaestori ærarii sui mandavit, ut Daricorum triginta millia ad se deferret, ea dedit Satibarzani dicens: *a Accipe*, inquit, *ô Satibarzanes. Nam hac tibi cum dederò non ero pauperior, injustior futurus, si tua quæ petebas fecissem.* Commentus est Rex egregius, ut nec amicum contristaret, nec à justo deflecteret.

C Y R U S Junior.

20. CYRUS Junior Lacedæmoniis ut secum societatem inirent potius quam cum fratre, hac oratione sese commendavit: *Ajebat sibi cor longe gravius esse quam fratri, plus illò meri bibere, meliusque ferre quam illum.* Nam illum vix in venatu posse in equo sedere, ut non excutiat in rebus acerbis, ne in sella quidem. Sciebat enim Lacedæmoniis invisos esse molles ac timidos. Hortatur insuper ut viros ad se mitterent, polliciens se peditibus daturum equos, equitibus currus, agrum possidentibus se daturum vicos, vicos qui haberent eos, se facturum urbium dominos: cæterum auri argenti quæ vim tantam, ut non possent numerare, sed pendere cogentur. Nimirum hoc erat quod dixit Artoserxes, regalius esse addere quam adimere. Si quis Princeps nunc talia polliceretur, vereor, ne totam Germaniam brevi visuri simus vacuum.

21. CYRO conflicturo cum hoste loco qui dicitur Cunax, Clearchus suasit, ut se post Macedones contineret, nec sese in belli discrimen conjiceret: *b Quid ais*, inquit, *Clearche? jubesne ut cum regnum appetam, regno me indignum ostendam?*

22. PHOCÆIS ex Ìonia, parentibus honestis orta, ingenueque educata, ad Regis cœnam cum aliis mulieribus admissa, Regios jocos ac lusus hilariter excipientibus, nec refugientibus ab illo tangi, sola tacite in-

a. Justo & comiter. b. Animosè.

ingressa ad lectum constitit, nec vocanti Cyro paruit. Cubiculariis autem tentantibus illam adducere. Flebit, inquit, quisquis horum mihi manus admove-rit. Ob hæc cum à cæteris agrestis & incomis haberetur, Cyrus gaudens, & cum risu versus ad illum qui mulieres adduxerat. *a* Non intelligis, inquit, te hanc unam ingenuam & incorruptam adduxisse? Postea ad hanc in primis adjecit animum, uniceque adamavit, sapientem appellans. Apud Barbaros, mulieres attigisse, constuprasse erat.

ARTOXERXES *A'ter.*

23. ARTOXERXES hujus Cyri frater, cognomento Memor, non solum seipsum affatim præbuit adire volentibus, *b* verum uxorem legitimam jussit sublatiis curris aulæis vehi, ut iis qui eam conventam vellent, etiam in itinere pateret aditus. Laudo quidem affabilitatis exemplum, sed quid hæc ad apophthegmata?

24. IDEM cum pauper quispiam insigni magnitudine malum obtulisset, hilariter accipiens: Per *Mithram*, inquit, (sic enim Persæ solem appellant) *hic mihi talis videtur esse, ut si quis ei committat civitatem, possit eam ex parva magnam reddere.*

25. RUSTICUS quidam videns ad Regem varia deferri donaria, *c* nec aliud habens quod largiretur, utraque cava manu haustam è proximo flumine aquam illi obtulit vultu alacri. Rex latatus, jussit illi dari phialam auream, ac mille Daricis donavit hominem.

26. IN fuga quadam cum direpto illius com meatu, aridis ficis & hordeaceo pane vesceretur: *d* Dii boni, inquit, cujusmodi voluptatis hæcenus in expertus fui?

27. CUM Aclides Japson multa in Regem licenter, & contumeliose diceret, *e* hæcenus tum ultus est maledicum, ut per tribunum militum denuntiaret, ei
licere

a Pudice. *b* Affabilitas. *c* Munus in tempore.
d Fames condimentum. *e* Maledicere Regi, non tutum.

licere in Regem quæ vellet dicere, sibi vero in illum licere quæ vellet & dicere, & facere.

28. TERIBAZUS in venatu Persicam vestem dilaceratam ostendit, consulens quid faciendum esset: respondente Rege, aliam induendam. Tuam igitur, inquit, mihi tradas oportet. Rex suam tradidit, dicens: *a* *Dono do tibi hanc vestem, sed gestare prohibeo.* Teribazus vir minime quidem malus, sed levis præcipitisque consilii, neglecta Regis monitione vestem induit, mulieribus etiam ex auro donis quæ à Rege acceperat exornatam. Hoc cæteris omnibus indigne ferentibus, nam ridere nefas erat, Rex effuse ridens. *Tibi, inquit, ut mulieri aurum, ut insano Regium amictum ius potestatemque concedimus.*

29. ARTOXERXIS jam siti deficienti, Peribarzanes eunuchus cum aliud non liceret, *b* à rustico quopiam sordidum utrem detulit, putris aquæ cotylas octo continentem. Eam aquam cum Rex totam ebibisset, rogatus, ecquid illi placuisset ille potus: Deos testatus est, se nunquam vinum potasse jucundius, nec ullam aquam quamvis purissimam sibi visam suavio-rem. Ac post nactus eum hominem qui eunucho aquam dederat, è paupere divitem fecit. Tanti refert in tempore dare munus.

30. PARYSATIS Cyri & Artoxerxis mater præcipere solet, *c* ut Rex palam ac libere loquuturus, verbis byssinis uteretur, *d* hoc est, magnificis ac mollibus, quo sermonis blandities rei mitigaret asperitatem. Reges bysso vestiuntur, sed talem decet esse Regis orationem, qualis est amictus.

O R O N T E S.

31. ORONTES Artoxerxis Regis gener, cum irato Rege rejectus & condemnatus esset: *e* *Quemadmodum,* inquit, *supputatorum digiti nunc infinitum numerum, nunc unum tantum possunt ponere: sic Regum amici*
nunc

a *Fatis omnia licent.* *b* *Munus in tempore datum.*

c *Diffident interpretes.* *d* *Severitas verbis temperata.* *e* *Favor Regum temporarius.*

nunc quid vis pollent , nunc quam minimum. Olim digitis subducebatur ratio , quemadmodum nunc calculis.

M E M N O N *Dux.*

32. M E M N O N quo tempore bellum gerebat adversus Alexandrum pro Dario Rege , militem quendam mercenarium multa convitia petulanter jacentem in Alexandrum hasta percussit : *a Ego, inquit, te alo, ut pugnes cum Alexandro, non ut illi maledicas.*

Æ G Y P T I I.

33. Æ G Y P T I O R U M Reges , juxta regionis illius consuetudinem , *b* judices ad iusjurandum adigebant , ut etiam si quid Rex juberet eos judicare , quod justum non esset , ne judicarent. Tanti referre putabant , ut populus justos haberet judices. Porro potentiae ferociaeque Regiae opposita est iusjurandi religio : quod adactum videri non poterat , cum ab ipsis Regibus exigeretur. At qui fieri potest , ut civitas judices habeat incorruptos , ubi judicandi potestatem magno vendit Princeps ?

P O L T Y S.

34. P O L T Y S Traciae Rex Trojani belli tempore , *c* cum Trojani pariter & Graeci legationem ad ipsum misissent , auditis utrisque pronuntiavit , ut Alexander redderet Helenam , & à se pro una duas formosas abduceret uxores. Sapuisset Paris si hoc fecisset. Nam una satis fructus habuisset duas novas , & patriae consulisset. Quis autem non miretur Graecorum humanitatem , quibus sat erat futurum , si tantum redderetur quae cum adultero tamdiu dormierat ?

T E R E S.

35. T E R E S Sitalci pater dicere consuevit : *d Quoties esset in otio, nec militia exerceretur, se nihilo meliorem esse equisomibus. Hæc vox quid aliud sonat, quam barbaricam*

a Maledicentis. b Judices incorrupti. c Amor insanus. d Belli studium.

ricam immanitatem, quasi pacis tempore desit quod agat bonus Princeps?

C O T Y S *Thracia Rex.*

36. C O T Y S ei qui dono miserat pardalim, a vicissim dono misit leonem, malam bestiam æque mala re pensans.

37. C U M b esset natura celer ad iram, sævusque castigatorem qui in ministerio deliquissent, hospes quidam ad illum detulit vascula fragilia tenuiaque, sed scite curioseque calata, tornoque elaborata. At is hospiti quidem dedit munera, cæterum vascula omnia confregit, demirantibus cur id faceret. Ne, inquit, *æviam in eos qui fructuri erant.* Prudentis est, naturæ suæ morbum agnoscere, & vitio materiam præripere.

38. I D E M ubi cognovit quod Athenienses honoris gratia, civem ipsum suæ civitatis declarassent, pro auxilio quod illis adversus Darienses impenderat, gratiam reponere studentes. *Per Jovem, inquit, & ego illis vicissim mea gentis jus dabo.* Sentiens nihilo minus honorificum esse Thracem, quam Atheniensem appellari.

I D A T H Y R S U S *Scythia.*

39. I D A T H Y R S U S Scytharum Rex, in quem arma movit Darius, suavitatem Ionum regibus, c ut Historici pontis junctura soluta fugientes sese in libertatem vindicarent: qui cum id facere recusarent, ne violarent fidem qua Dario erant obstricti, vocavit illos frugum mancipia, & *ἀσπασα*, hoc est, qui fugere nollent. Nam hæc non minima laus est servorum, nolle fugere si liceat: at nolle tyrannicam servitutem commutare libertate, si detur opportunitas, animi servilis est.

A T E A S *Scythia.*

40. A T E A S hunc in modum scripsit Philippo: *d Tu quidem imperas Macedonibus bellandi peritis, at ego Scythis, qui & cum fama & cum siti pugnare valeant.*

Signi-

a Par pari. b Ira subducenda occasione. c Servitus grata. d Miles durus.

Significans hac parte Scythas ad bellum esse magis idoneos.

41. I D E M *a* cum fricaret equum suum præsentibus Philippi legatis, percunctatus est illos, num idem faceret Philippus. Sentiens se tanto meliorem bello quam esset Philippus.

42. I D E M cum Ismeniam tibicinem optimum in bello cepisset, *b* iussit illum canere, ac cæteris admirantibus ipse iuravit per ventum & Acinacen, sibi jucundius esse, audire hinnitum equi.

S C Y L U R U S *Scythæ.*

43. S C Y L U R U S octoginta liberos masculos habens, cum esset moriturus fasciculum jaculorum singulis porrexit, iussitque rumpere. Id cum singuli recusassent eo quod videretur impossibile, ipse singula jacula exemit, atque ita facile confregit omnia, filios admonens his verbis: *c* Si concordēs eritis, validi invictique manebitis: contra, si diffidiis & seditione distrahemini, imbecilles eritis & expugnati faciles. Non potuit Scythæ magis Scythice rem ob oculos ponere.

G E L O *Syracusanus.*

44. G E L O Siciliæ Tyrannus, debellatis apud Imram Carthaginensibus, *d* in pacis fœdere compulsi illos & hoc acceptis conditionibus adscribere, ne posthac filios suos Saturno immolarent. Solet enim ea gens infantes suos ænex Saturni statux cavæ, & intus incensæ, in sinum ponere, qui velut in Dei complexu enecabantur. Id ut Saturno gratum putarent effecit fabula, quæ narrat illum omnes uxoris filios devorare solitum. Nam & Jovem devoraturus erat, nisi pro puero saxum supposuissent.

45. I D E M Syracusanos frequenter ad *e* agriculturam educere solet, sed non aliter instructos, quam si ad bellum irent, quo simul & agri meliores redderentur cultura, nec ipsi deteriores fierent otio.

O

Et

a Rex equum fricans. *b* Scythæ ἄρχος. *c* Concordia fratrum. *d* Pictas. *e* Agricultura militaris.

Et hoc strategema dici meretur potius quam apophthegma.

46. EXIGEBAIT pecuniam à suis civibus, quos ubi videret tumultuantes, *a* ait se petere mutuo, quippe redditurum. Ita volentes dederunt, atque ille peracto bello reddidit. Hoc artificio perfecit, ut pecunia non deesset ad bellum necessaria, nec cives haberet minus benevolos.

47. IN convivio cum lyra circumferretur, cæterique ordine canerent: *b* nam id apud Græcos honestum habebatur, ipse equum iussit induci in convivium, facileque ac leviter in illum insiliit: significans hoc esse regalius quam lyra canere.

48. CUM Athenienses condiciones pacis à Gelone delatas recusarent, multaque de suæ gentis antiquitate præstantiaque jactarent, Gelo respondit oratori. *Hospes Atheniensis, apud vos qui præsent habetis, qui subsint non habetis.* Proinde quando totum retinere mavultis quam partem cedere, quam ocysissime hinc abire, renuntiaturi Græciæ, ver illi ex anno inaruisse: significans optimam ac florentissimam copiarum partem illis defuturam. Suum enim exercitum veris nomine signavit.

H I E R O N.

1. HIERON qui Geloni successisset in regnum, *c* neminem qui libere apud se loqueretur importunum aut molestum esse dicebat: cæterum qui arcanum efferrent, eos existimabat etiam illos lædere, apud quos effutirent, eo quod odimus non solum illos qui efferunt, verum etiam eos qui audierunt quæ nollemus illis audita esse.

2. QUIDAM exprobrabat illi oris graveolentiam. *d* At ille cum uxore expostulavit, quod id sibi nunquam indicasset. Tum illa: Putabam, inquit, viros omnes ad eundem olere modum. Eximium pudicitæ argumentum, quæ nulli viro tam vicina fuerit, ut oris halitum sentire posset, præterquam uni marito.

3. XENOPHANI Colophonio de paupertate sua

a Solertèr. b Artes Regia. c Garruli. d Pudicitia.

querenti, quod ægre duos aleret famulos: *a* *At* *Ho-*
merus, inquit, *quem tu carpis, etiam mortuus alit plus-*
quam decem hominum millia, & tu qui illo videris do-
ctior, unus non alis duos? Erant illis quoque temporibus qui carpendis illustrium virorum operibus gloriam aucuparentur.

4. *I D E M* Epicharmo comico Poëtæ, quod præsen-
 te ipsius uxore dixisset quiddam inhonestum, mulctam
 dixit. *b* Epicharmus Siculus erat, juxta regionis natu-
 ram plurimi joci. At Rex tantum judicavit esse tribuen-
 dum reverentiæ conjugio, ut crimen existimaret, au-
 diente uxore jocari lascivius.

5. *I D E M* cum aliquot è familiaribus occidisset,
 paucis post diebus Epicharmum vocavit ad cœnam, cui
 ille minimum libere: *c* *At nuper*, inquit, *cum immo-*
lares amicos, non me vocabas. Solent qui sacrificant splen-
 didum epulum apparare, adque id rogare amicos. Pe-
 riculosa libertas, quæ plus laudis adfert ferenti quam
 dicenti.

DIONYSIUS.

1. *DIONYSIUS* cum Magistratus per literas forte
 crearentur, *d* & ipsi contigisset litera M. dicenti cuidam
 per jocum *μωρολογεῖς*, id est, Morio es Dionysi: *Immo*,
 inquit, *μοναρχέω*, *Monarcha* ero. Et adeptus Magistra-
 tum protinus Imperator electus est à Syracusanis. Ma-
 gni erat animi, quod illo joco non offenderetur, con-
 tentus omen literæ fecus interpretari.

2. *CUM* autem in initio regni regia ipsius obsidere-
 tur, conjuratis in illum civibus, & amici auctores essent
 ut imperium deponeret, ni mallet captus interfici: ille
 conspiciens bovem à coquo mactatum illico concidere,
 dixit: *e* *Cum mors adeo brevis sit, annon absurdum sit*
nos metu mortis tale regnum relinquere? Quanta regnandi
 libido pectus illius occuparat, qui principatum morte
 bene emi putarit?

3. *CUM* intellexisset filium cui principatum reli-
 cturus

O 2

a Carptores aliena fama. *b* Caste. *c* Libertas stulta.

d Omen commode interpretatum, *e* Regnandi dñcedo.

Eturus erat, ingenui viri conjugem adulterasse, iratus interrogavit, an unquam tale quidquam in patre comperisset. Hic adolescens. Tu enim, inquit, non habebas patrem Regem: *a* Nec tu, inquit Dionysius, *filium Regem habiturus es, ni talia perpetrare desinas.* Tyrannis in filio dignum exheredatione crimen judicabat adulterium, qui hodie magnatum ludus est.

4. R U R S U S cum ad filium ingressus conspexisset vasculorum aureorum & argenteorum magnam vim, exclamans: *b* Non est, inquit, in te regius animus, qui his poculis quæ à me tam multa accepisti, neminem tibi amicum feceris. Sentiens absque civium benevolentia regnum nec parari, nec teneri. Benevolentiam vero maxime conciliat benignitas. At juvenis rerum imperitus, putabat esse felicius habere argentum & aurum quam amicos.

5. E X E G E R A T pecunias à Syracusanis, deinde cum videret illos lamentantes, obsecrantes, ac negantes se habere quod darent, indixit alteram exactionem, idque iterum ac tertio fecit. At postea quam ubi majorem summam imperasset, audiret illos in foro obambulantes ridere, & scommata in Regem jacere, jussit præfectos ab exigendo quiescere: *c* Nunc enim, inquit, nihil habent, postea quam contemnunt nos.

6. M A T R I suæ præter ætatem nubere cupienti: *d* Civilia, inquit, ò mater jura violari possunt, natura jus nequaquam. Significans contra naturam esse, si vetula quæ jam parere non potest, nubat. At hodie nubunt septuagenariæ.

7. C U M in aliorum scelerum patratores severe animadverteret, *e* vestium furibus parcere solet, ut Syracusii cœnare inter se & inebriari desinerent. Solent enim lopodytæ, id est, vestium fures in balneis frequentibusque conviviis venari. Quemadmodum autem in balneis vestes deponuntur, ita in conviviis summæ vestes abjici solent, ut togæ, palliaque.

8. H O S-

a Adulterium in Regis filio. *b* Liberalitas regia.

c Nudus non metuit. *d* Nuptiæ intempestivæ.

e Temulentia castigata.

8. HOS P E S quidam ajebat se velle cum Dionysio privatim colloqui : Demonstraturum enim quo modo posset præscire quinam ipsi molirentur insidias. Rex admisit hominem, jussitque dicere semotis arbitris. At ille : *a Da mihi, inquit, talentum, ut existimeris à me audisse insidiatorum indicia.* Dedit, ac simulavit sese audisse, admiratus hominis commentum. Nam fucus ille vehementer utilis erat ad deterrendas insidias. Sunt qui narrant Maximilianum Cæsarem simili arte simulasse magicas artes, indusia, gladiosque fortunatos, genios anulis inclusos, quo facinorosis & hostibus esset formidabilior.

9. C U I D A M percunctanti num esset otiosus : *b Absit, inquit, ut hoc mihi unquam accadat.* Sensit turpissimum esse Regi vacare unquam à Reipublicæ negotiis. Ubi sunt igitur qui bonam diei partem alea nugisque transigunt.

10. C U M ad eum delatum esset, *c* duos adolescentes inter pocula multa convitia tum in ipsum, tum in ejus tyrannidem dixisse, ambos vocavit ad cœnam, & animadvertit alterum largius potum multa nugari, alterum raro cauteque bibere : illum dimisit, ut qui natura vinolentus per temulentiam maledicus fuisset : hunc interfecit, ut qui studio malevolus & hostis esset. Præclaram exemplum prudentissimi Principis, sed quid hoc ad apophthegmata ?

11. E X P O S T U L A N T I B U S quibusdam, quod honore dignaretur, cæterisque præferret hominem improbum ac civibus invisum : *d Volo, inquit, esse quem me magis oderint.* Agnovit ingenium multitudinis, si sit in quem invidiam odiumque derivent, mitiores sunt in Principem. Eoque videas nonnullos Monarchas quibusdam, quos tamen ex animo non ament, plurimum dignitatis & auctoritatis permittere, ut ipsi tutiores sint à furore multitudinis : qui si exstiterit, habent victimam qua civium iram mitigent.

12. C O R I N T H I O R U M legatis ad se missis donaria prout mos est obtulit : quæ cum illi negaret se

O 3

acce-

- a Fucus utilis. b Otium Rege indignum. c Elrictati condonatur. d Invidia in alium derivata.*

accepturos, eo quod lex esset apud ipsos vetans, ne legatione fungentes munera acciperent à Principe: *a Rem*, inquit, *absurdum facitis, qui quod unum bonum habet tyrannis, hoc tollitis, dum docetis etiam beneficium à Tyrannis accipere periculosum esse.* Ille gravem contumeliam iudicabat oblata reculare munera, cum hac una re Tyranni se possint aliis commendare. Tyrannidem enim adeptis superest ut potentiae invidiam munificentia comitateque leniant.

13. CUM audisset quendam *b* aurum habere domi defossum, id ad se deferri iussit. Verum postea quam is suffuratus auri paullulum in aliam urbem commigrasset, ibique mercatus esset agrum, revocato Dionysius totum aurum reddidit, ut qui jam divitiis uti coepisset, desinissetque rem utilem inutilem reddere. Satis declaravit, se non aurum alienum appetisse, sed hominis morbum sanare voluisse: simul usum auri legitimum demonstravit, si in agcultationem impendas potius quam in usuram.

14. DIONYSIUS dicere solet, *c* se à sapientibus amicis sibi cavere quando certum haberet, ne ex his quidem esse quenquam, qui imperare mallet quam servire.

15. IDEM cum intra Regiam sacrum ex more perageretur, præcoque, sicut consuevit precaretur, ut per multa tempora inconcussum duraret imperium: *d Non tu desines*, inquit, *abominanda nobis imprecari?* Sentiens potius à Diis optandam bonam mentem, quam ea quæ nihil conferunt ad hominis felicitatem.

16. T E S C H A Dionysii soror nupta Polyxeno, *e* postea quam maritus metu tyranni profugerat, & Rex sororem accusaret, quod conscia fugæ mariti non indicasset. Adeone, inquit, Dionysii me vilem abjectique animi foeminam iudicas, ut si sensissem illum moliri fugam, non me illi navigationis & omnium fortunarum comitem additura fuero?

17. EGRE-

a Tyrannidem mitigat liberalitas. b Auro bene uti.

c Sapientes invisi Tyrannis. d Quid optandum à Deo. e Uxor casta.

17. EGREGIUM quendam citharoedum magnificis promissis ad se pellexit, jubens ut quam optime caneret. Nam quo scitius caneret, hoc plus laturum pramii. Cum ille per dies aliquot accurate cecinisset, nec quidquam daret Rex, coepit flagitare mercedem. Tum Dionysius asseverat, se mercedem quam pollicitus fuerat, bona fide solvisse. Qui, inquit ille, ne nummus quidem mihi datus est. *a At dedi*, inquit Dionysius, *voluptatem pro voluptate*. Neque enim ego te minus delectavi spe, quam tu me cantu.

18. IDEM admiratus egregiam fidem Damonis & Pythiae: *b Rogo*, inquit, *ut me quoque in vestram amicitiam recipiatis*. Alteri Tyrannus destinarat diem necis, cumque is pauculos dies petiisset rerum domesticarum ordinandarum gratia, hac lege impetravit, ut alter vas amici fieret ea conditione, ut si ille non redisset ad diem praescriptum, hic plecteretur. Rediit autem ad diem, mori malens quam amicum fallere. Ita servatus est uterque ac Regis amicitia decoratus. Tantum valet egregia virtus etiam apud Tyrannos.

19. SACRILEGIA sua solet facietis dictis obtegere. Locris Proserpinæ templum spoliarat: mox cum classis illius secundo vento navigaret: *c Videtis*, inquit, *quam prospera navigatio à Diis immortalibus detur sacrilegis?* Ex hoc colligens, aut non esse Deos, aut illis non esse molestia sacrilegia.

20. JOVI Olympio detraxit magni ponderis aureum amiculum, quo cum Hieron è manubiis Carthaginensium ornaverat, proque detracto aureo laneum illi pallium injecit, ita cavillans: *d Aureum amiculum aestate grave est, hyeme frigidum, laneum ad utrumque anni tempus accommodatius esse*.

21. EPIDAURO Æsculapio barbam auream detraxit, quod negaret decorum, patrem Apollinem imberbem, ipsum vero barbatus conspici. Æsculapius fingitur Apollinis filius. Apollinem autem semper imberbem facit Theologia Poëtica, Æsculapium

O 4

barba-

a Par pari. b Amicorum fides. c Impietas felix.

d Faceta rapacitas.

barbatum: *a* significans in Medico-multarum rerum
 usum.

22. **MENSAS** aureas atque æreas Diis dicatas è
 fanis sustulit. *b* Has inscriptio ex more Græcorum te-
 stabatur esse bonorum Deorum, ne quis manum ad-
 moliretur. At ille cavillatus est se Deorum bonitate
 uti. Nam boni Dii dicuntur, quod omnibus bene fa-
 ciant.

23. **I D E M** victorias aureas, pateras, & coro-
 nas: *c* quæ simulachra porrectis manibus sustinebant;
 velut offerentia, tollebat dicens, se oblata accipere,
 non eripere: addens, perabsurdum esse, à quibus
 quotidie bona flagitamus, ab his ultro porrigentibus
 nolle accipere.

D I O N Y S I U S Junior.

1. **D I O N Y S I U S** Junior dicere solet, se multos
 alere Sophistas, non quòd illos admiraretur, sed quod
 per illos admirabilis esse studeret. Sciebat populum de
 illis tanquam de viris doctis magnifice sentire, hac per-
 suasione callide abutebatur ad conciliandum sibi mul-
 titudinis favorem. Eadem arte fortasse Principes qui-
 dam alunt in palatiis suis viros eruditionis & sancti-
 tatis opinione venerabiles, ut populus arbitretur ho-
 rum consiliis geri pleraque.

2. **C U M** Pollyxenus dialecticus Dionysio diceret.
 Ego te convinco: *d* Nimirum verbis, inquit, at ego te
 reipsa convinco, qui tuis relictis me meaque colas. Signifi-
 cans illum à schola ad aulam, à Philosophis ad Tyran-
 num transisse, non facturum nisi hanc vitam illa judi-
 casset beatior.

3. **P O S T E A** quàm regno fuit expulsus, cuidam
 dicenti. Quid tibi Plato & Philosophia profuit: *e* *Ut*
tantam, inquit, *fortuna mutationem facile seram*. Neque
 enim sibi manus admovit, quod alii solent, sed Corin-
 thi ludum literarium aperuit.

4. P E R-

a Barbatum Medici. *b* Anathemata. *c* Ludibrium sa-
 crilegio additum. *d* Res verbis efficacior. *e* Philo-
 sophia in adversis.

4. **PERCUNCTANTI** qui factum esset, ut cum pater ipsius tenui fortuna ac privatus sibi Syracusanæ civitatis principatum paraverit, ipse Regis filius, & regnum hæreditate acceptum amiserit: *a Quoniam*, inquit, *pater rerum potitus est, cum jam in odium venisset popularis gubernatio: ego, cum invidia laboraret tyrannis, principatum suscepi.*

5. **ALTERI** cuidam hoc ipsum percunctanti, compendio respondit. *Pater, inquit, mihi regnum suum reliquit, non fortunam.* Non omnia omnibus æque feliciter cedunt.

A G A T H O C L E S.

1. **AGATHOCLES** figulo patre natus fuit. Is vero cum Sicilia potitus esset, Rexque declaratus, solitus est in mensa fictilia pocula juxta aurea ponere, eaque juvenibus ostendens dicere: *b Cum antea talia fecerim, commonstratis fictilibus, nunc per vigilantiam ac fortitudinem talia facio, commonstrans aurea.* Non puduit pristinae, sed gloriosius existimavit regnum virtute partum, quam si hæreditate obvenisset. Nam Regem nasci nihil magni est, at regno dignum se præstitisse maximum est.

2. **CUM** obsideret urbem quandam, quibusdam & muro convitia in ipsum jaculantibus, dicentibusque. *Figule, unde militibus tuis persolves stipendium?* Ille placidus ac ridens respondit: *c Cum hanc cepero.* At cum urbe vi potitus esset, venderetque captivos. *Si me, inquit, denovo convitiis affeceritis, apud heros vestros querar de vobis: civiliter illis exprobrans & intempestivam maledicentiam, & servitutem maledicentiæ præmium.*

3. **ITHACENSIEUS** nautas ipsius apud eum deferentibus, quod ad insulam appellentes pecora quædam abegissent: *d At noster, inquit, Rex cum venisset ad nos, non modo pecuditus abreptis, verum ipso etiam pastore exoculato recessit.* Alludens ad fabulam de Ulyssæ, qui Cyclopem Polyphemum excæcavit.

O S

DION.

a Prudenter. b Dignitas industria parta. c Maledicentia. d Lepide.

D I O N.

1. D I O N qui Dionysium regno expulit, cum accepisset Calippum, cui & inter hospites & amicos suos fidebat maxime, sibi molire insidias, non potuit inducere animum ut illum convinceret, dicens. *Mori satius esse quam vivere, si non ab hostibus tantum, verum etiam ab amicis cavendum esse.* Dignus erat optimis amicis, qui mori prius habuerit, quam amico diffidere.

2. I D E M exsul cum Preodoti Magarensis opera opus haberet, & ad ædes illius veniens videret illum ob negotiorum magnitudinem ægre quenquam admittere, amicis ob id indignantibus dixit: *a Quid hunc incusamus? Nonne & ipsi cum Syracusis essemus eadem faciebamus?*

A R C H E L A U S.

1. A B Archelao in convivio quodam familiaris quidam, sed parum humanus petiit sibi dari poculum. Archelaus autem illico mandavit puero, ut hoc poculum daret Euripidi. Id factum admiranti postulatori: *b Tu quidem, inquit, dignus eras qui peteres, nec acciperes: ut hic dignus erat qui acciperet vel non petens.* Significans alteri hoc tribuisse regiam familiaritatem ut auderet quidvis petere: at Euripidis boni viri pudorem hoc mereri, ut ultro donaretur aliquid.

2. I D E M tonsori garrulo subinde roganti, quomodo te rado, ô Rex: *c Silendo, inquit.* Alter aliud responsum exspectabat, & hinc dicti lepos. Quidam sunt in curatione morosi. Archelao satis erat si sileret. Nobis autem interdum etiam cum ebriis pariterque loquacibus res est.

3. C U M Euripides in convivio formosum illum Agathonem amplecteretur, deosculareturque, cui jam barba provenire cœperat, Archelaus amicis dixit: *d Ne miremini: nam pulchrorum etiam autumnus pulcher est.* Civiliter excusavit amicum apud amicos.

4. T I-

a Modeste. b Ab altero petiitum, alteri datum. c Garrulitas. d Civiliter.

4. T I M O T H E U S citharoedus cum ingens præmium ab Archelao sperasset, *a* ac minus speratis accepisset, palam illum incusabat: proinde aliquando canens hanc particulam. Tu vero terræ filium argentum laudas: nutu Regem denotavit, at Archelaus succinuit: *Tu vero petis.* In Græcis verbis plus est gratiæ ob vocum affinitatem, αἰνέεις, αἰτεῖς, id est, laudas, petis. Turpiter petit, qui non probat quod petit.

5. C U M à quodam aqua conspersus esset amicis illum adversus eum qui hoc fecerat inflammantibus: *b* Immo, inquit, non me conspersit, sed eum quem me esse putavit. Quid hac moderatione civilius? Hoc exemplo facile decet ignoscere, qui licet in præpotentem, tamen imprudentes delinquant.

P T O L E M Æ U S Lagi filius.

1. P T O L E M Æ U S Lagi filius plerumque apud amicos & cœnare solet & dormire. *c* Quod si quando illos vicissim acciperet cœna, amicorum rebus utebatur, commodato sumens ab illis pocula, aulæ & mensas. Ipse vero sibi non parabat plura quam exigeret necessitas, sed regalius esse dicebat ditare, quam divitem esse.

2. I D E M cum peragranti Ægyptum, comitibus non consequentis, cibarius in casa panis datus esset, negavit ullum cibum unquam sibi visum suaviorem. Ad erat enim optimum *d* condimentum fames.

3. C U M grammaticum notasset inscitiae, quarens ab eo quis esset Pelei pater, vicissimque audisset, dic tu prius quis sit Lagi pater: amicis invitantibus ad tantæ improbitatis vindictam. *e* Si regium est, inquit, non pati ut à quoquam dicto attingatur, nec illud regium est, quengquam dicto laceffere. Inique petit vindictam qui prior laceffivit, cujuscunque dignitatis fuerit. Nec suæ dignitatis meminisse debet qui referitur, cum ejus prærogativam laceffendo deposuerit.

a Apte retortum. *b* Leniter. *c* Frugalitas regia.
d Fames condimentum. *e* Lenitas Regia.

XENOPHANES.

1. XENOPHANES Lagi filius, cum ipsi Herimoneus timiditatem objiceret, quod nollet secum iesseris ludere: *a* Fateor, inquit, *me non solum meticulosum, verum etiam vehementer meticulosum, sed adversus inhonestam.* Honestam formidolositas est, quæ detestet à turpibus.

DEMETRIUS Antigoni filius.

1. CUM Rhodum obsideret Demetrius, & in suburbio cepisset tabulam quandam Protogenis clarissimi pictoris opus, in qua pinxerat Jalyfin, id est, Bacchum, Rhodiis per caduceatores obsecrantibus ut tabulæ parceret, respondit: *b* *Se citius patris imagines quam eam picturam aboliturum.* Tantum honoris habuit arti Rex.

2. IDEM foedere cum Rhodiis isto, helepolim, id est, machinam quandam à capiendis urbibus ita dictam, *c* apud illos reliquit, quæ simul & Regis magnificentiam, & illorum fortitudinem testaretur. Nec hoc inter apophtegmata recensendum erat. Cæterum monumentum illum admonerebat, Rhodum à Demetrio magnifice oppugnatam, ac Rhodios fortiter patriam defendisse.

3. ATHENIENSIVM qui defecerant urbem cum cepisset, eaque graviter rei frumentariæ penuria laboraret, protinus convocata concione dilargitus est illis frumentum gratis. Cumque his de rebus loquens apud populum barbarissimum commisisset, vocem quampiam secus quam oportuit pronuntians, & quidam è confessu quomodo sonanda fuisset dictio loquentem interpellans admonuisset: *d* *Tro hac,* inquit, *correctione altera quinquaginta medimnorum millia vobis addo.* Utrum in hoc potius miremur benignitatem in eos qui modo fuerant hostes: an civilitatem, qui corrigentis officium non tantum boni

con-

a Timiditas laudata. *b* Honos arti habitus. *c* Helepolis. *d* Victor benignus.

consultuit, verum etiam tanta mercede dignum existimavit?

4. D E M E T R I U S cum Megaram occupasset, a Stilbontem Philosophum accersitum rogavit, num quis militum aliquid rerum abstulisset: Nullus, inquit. Neminem enim vidi qui scientiam raperet. Sentiens sola animi bona non esse bellorum violentiæ obnoxia.

5. R U R S U S cum Demetrius abductis omnium civium servis Stilbonti diceret: b *Civitatem vestram liberam vobis relinquo.* Recte, inquit Stilbon, nullum enim in civitate servum relinquis.

6. L I S I M A C H O Demetrium impetente convitiis, dicenteque: c *Lamiam sibi visam meretricem de scena tragica prodeuntem, hæc erat amica Demetrii magnifice culta.* Demetrius respondit, meretricem Lamiam esse modestiorem, meliusque moratam, quam ipsius Penelopen: conjugem illius notans.

7. C U M Legatis à Demetrio ad Lyfimachum missis, Lyfimachus per otium narraret aliquando, quo modo coactus ab Alexandro cum ferocissimo leone colluctatus fuisset, & cicatrices ostenderet in cruribus ac brachiis è feræ ungulis relictas, legati dixerunt. d *Et noster Rex graves feræ Lamiæ morsus in collo gestat: notantes suaviorum amatoriorum vestigia, simul alludentes ad Lamiam belluam.*

8. N E M O Demetrio fuit utraque fortuna exercitior. Itaque solet in fortunam illud Æschyli dicere:

e. *Σὺ τοι μ' ἐρυσας, τὸ μὲ καταθεῖν μοι δοκεῖς.*

Id est:

Tu me extulisti, tu ipsa rursus dejicis.

9. C U M Erasistratus Demetrio Antiochi filii mentem qua mori destinarat, indicasset, simulque falsus esset, hujus affectionis causam esse amorem: Demetrius qui adolescentem unice adamabat, per omnia multis cum lachrymis coepit obtestari, ut illius incolumitati consulere: f *Cum Erasistratus addidisset, immedi-*

O 7

cabile.

a *Philosophus bonus habitus.* b *Salve.* c *Lamia meretrix.* d *Lamia Regis* e *Fortuna vicissitudo.* f *Pietas mira in filium.*

cabile malum esse, quod in ipsius uxorem deperiret : hoc audito Demetrius multo vehementius cœpit obtestari, ut ob salutem filii cederet illi suam conjugem. Ista, inquit, ô pater, tibi facile dicuntur, sed aliud diceres, si tuam conjugem Stratonicem adamaret. Heic cum Rex Deos comprecaretur, ut liceret amorem filii commutare, & à medici conjuge in suam transferre nihil se non facturum, si modo liceret servare filium : Erasistratus patris dextram amplexus. Nihil est, inquit, ô Rex, in quo jam Erasistrato indigeas. Etenim cum & pater sis & maritus & Rex, optimus eris tuæ familiæ medicus. Non enim in conjugem meam, sed in Stratonicem tuam Antiochus deperit. Post hæc Demetrius edixit, ut Antiochus Rex, Stratonice quam filio cessit, Regina nominaretur.

10. I N machinis bellicis in tantum ingenio arteque præcelluit, ut merito de illo jactatum sit, Demetrii machinas magnitudine sua etiam amicis stuporem, pulchritudine vero etiam hostibus adferre voluptatem.

A N T I G O N U S Secundus.

1. A N T I G O N U S secundus, a cum Demetrius pater esset captus, ipsique per amicum in hoc missum mandasset ne curaret, si quid scriberet à Seleuco compulsus, neque civitates illi cederet, ultro scripsit ad Seleucum, cedens illi totam ditionem, seque obsidem offerens, si Demetrius pater dimitteretur. Heic pietas certabat cum pietate. Pater sui negligens, volebat parci filio, filiique regno : filius contra patris libertatem & regno & seipso priorem habuit.

2. C U M pugnaturus esset adversus Ptolemæi milites, gubernatorque admoneret plures esse naves hostium : *b Pro quot*, inquit, *navibus supputas quod ego heic præsto sum?* Sentiens ad victoriam plurimum habere momenti, si strenuus Imperator præsens regat exercitum. Ptolemæus autem tum suis non aderat.

3. C U M aliquando cederet hostibus imminentibus, ajebat.

a *Pictus in patriam.* b *Oculus domini.*

a aiebat se non fugere, sed utilitatem à tergo sitam persequi. Sentiens non esse turpe fugere, quoties magis expedit hosti dare locum quam conferere manus. Dicti gratia in hoc est, quod cum fugere & persequi sint contraria, ille fugiens interpretabatur se persequi magis quam fugere. Persequimur enim hostem, & persequimur id quod studiose expetimus.

4. A D O L E S C E N T I cuidam qui patrem habuerat fortem, quanquam ipse non admodum ut videbatur, bonus erat miles, postulanti ut patris stipendia caperet: b *At ego, inquit, o adolescentule, non ob patriam, sed ob proprias cujusque viri virtutes mercedem ac munera dare soleo.* Hoc sermone juvenem exstimulans, ut patris fortitudinem æquaret, si quantum ille capere solet, vellet accipere. Apud Græcos major est dicti gratia ob vocum affinitatem, ἀνδραγαθίας πατραγαθίας, quæ vox posterior ad prioris imitationem efficta est.

5. Z E N O N E defuncto, quem unum ex Philosophis maxime suspiciebat, dicere solet, c gestorum suorum theatrum esse sublatum, quod ad illius viri judicium potissime componeret suas actiones, quem unum pro multis hominum millibus habebat.

L Y S I M A C H U S.

6. L Y S I M A C H U S in Thracia superatus à Dromacheta, cum ob sitis impatientiam tum se, tum exercitum dedisset, postea quam bibit jam factus captivus. O Dii, inquit, quam brevis voluptatis gratia me ex Rege feci servum.

De Philippo quod heic habebatur, referetur suo loco: neque enim hoc est apophthegma Lysimachi, sed Philippi.

7. I D E M offensus libertate Theodori, dixit illi: d *Quoniam istis eras moribus, patria te ejecit.* Sane, inquit, quod me ut Semele Bacchum ferre non posset. Sentiens se majorem esse quam ut à malis ferri posset, à quibus tamen non tam suo quam ipsorum malo pulsus esset,

a Fuga excusata. b Sua quisque virtute commendetur.

c Placere bonis. d Exilium excusatum.

esset. Semele Bacchum conceperat ex Jove fulminante, cumque foetum igneum ferre non posset, infans exlatus est, & Jovis femori insutus.

A N T I P A T E R.

8. A N T I P A T E R cum didicisset Parmenionem ab Alexandro interfectum, dixit: *a Si Parmenio struxit insidias Alexandro, cui fidendum est? Si non struxit, quid agendum?* Erat Parmenio velut alter Alexander in rebus militaribus. Si tantus amicus fefellit, non est tutum cuiquam amico fidere: si Alexander nihil commeritum sustulit, præstat à Regum negotiis abstinere.

9. D E Demade Oratore jam grandævo dicere solet: *b Demadis ut immolata victima, nihil superesse præter linguam & ventrem.* Nam venter ex hostia abjiciebatur, & lingua dabatur præconi. Ita senex Orator tantum loquebatur. Loquacitas enim crescit cum ætate. Tradunt autem Demadem luxui gulæ fuisse deditum, unde & Phocionis reprehendit frugalitatem.

A N T I O C H U S *Tertius.*

10. A N T I O C H U S tertius scripserat civitatibus, *c ut si quid per literas juberet, quod adversaretur legibus, ne curarent, perinde quasi ipso nescio scriptum esset.* Interdum enim Principes dum metuunt quosdam offendere, scribunt quæ fieri nollent. Quidquid autem pugnat cum legibus, hoc velut insciente Principe tentatum haberi decet, cum ipse nihil aliud sit quam legum Minister.

11. I D E M cum Dianæ Sacerdotem vidisset supra modum eleganti forma, *d continuo solvit Ephe^o, veritus ne vis amoris aliquid ipsum facere compelleret, quod fas non esset.* Immane quantum absunt ab hujus ethnici Principis religione Christiani milites, qui Deo dicatas virgines consuprate pro ludo ducunt.

A N -

a Amicitia Regum. b Venter & lingua. c Juste. d Pudice.

A N T I O C H U S *Quartus.*

12. A N T I O C H U S cognomento Accipiter, *a* cum fratre Seleuco pro regno bellum gerebat. At ubi Seleucus à Galatis victus, nusquam appareret : sed interfectus in prælio crederetur, deposita Antiochus purpurea, pul- lam vestem induit : rursus paullo post cum audisset il- lum esse incolumem, pro lato nuntio Diis immolavit, fecitque ut civitates ipsi subditæ coronas gestarent. So- lent fratrum iræ, si quando inciderint, esse acerrimæ, solet regni cupiditas nihil impium aut nefarium ducere. At hic hac moderatione regnum ambiit, ut fratrem vel- let incolumem. Quanquam non video cur debeat hoc inter apophthegmata recenseri.

E U M E N E S.

13. E U M E N E S insidiis petitus à Perseo, credebatur extinctus. Is rumor cum Pergamum esset perlatus, Attalus ejus frater imposito sibi diademate, ductaque fratris uxore, regnum occupavit. Cæterum cum audis- set illum vivum, ut solet, profectus est illi obviam una cum satellitibus hastam gestans. Eumenes autem aman- ter illum amplexus dixit in aurem : *b Ne festines duce- re prius quam me mortuum videris* : nec præterea per omnem vitam ullam offensi animi significationem vel dicto vel facto dedit : quin etiam moriens fratri & uxo- rem & regnum reliquit. Cujus animi memor Attalus, cum multos ex se liberos haberet, nullum tamen regno educavit, sed Eumenis filio postea quam adolevisset, ad- huc vivens principatum tradidit.

P Y R R H U S.

14. P Y R R H U S Epirotarum Rex cum à filiis etiamnum pueris interrogaretur. Cui nostrum relin- ques regnum ? *c Quicumque*, inquit, *vestrum acutiorem habuerit ensẽ* : significans se non atati daturum princi- patus successionem, sed virtuti. Hoc stimulo liberos omnes ad certamen fortitudinis excitavit.

15. IN-

a Pietas in fratrem. b Humanitas fratrum. c Virtus succedit.

15. INTERROGATUS uter melior tibi-
bica videretur, Python ne an Charisius: *a Poly-*
sperches, inquit. Is erat egregius Dux exercitus. Con-
tempnit artem imbellem, & utrique prætulit strenuum
Ducem.

16. BIS cum misso cum Romanis prælio vicerat,
sed desideratis compluribus amicis ac Ducibus: heic
Pyrrhus: *b Si uno*, inquit, *adhuc prælio Romanos viceri-*
mus, actum fuerit de nobis. Quod victi solent dicere, hoc
dicebat victor, declarans victoriam magno emptam non
esse victoriam, sed calamitatem.

17. CUM à Sicilia solveret, frustratus ejus videlicet
potiundæ spe conversus ad amicos: *c Cujusmodi*, inquit,
palastram reliquimus Romanis & Carthaginensibus: signi-
ficans se certamen hoc cruentum & operosum libenter
aliis cedere. Interdum felicius est non assequi, quam
nimio mercari quod ambis.

18. PYRRHUS ei cui delectum militum commi-
serat, dixisse fertur: *d Tu grandes elige*, ego eos for-
teis reddam. Significans institutione fieri bonum mi-
litem. Fertur autem Pyrrhus disciplinæ militaris opti-
mus fuisse magister.

19. IDEM dicere solet, plures urbes Cineam ora-
tione subegisse, quam ipse cœpisset armis. Erat autem
Cineas Thessalus, vir magni ingenii, qui audito De-
mosthene ad illius æmulationem se contulerat, sed vim
præcipue exprimens. Confirmatum est itaque quod di-
cit Euripides:

e Πᾶν ἔξαίρετ' λόγος,

Ὅ καὶ σίδηρος πολέμων δράσειν ἄν.

Id est:

Cuncta sermo conficit,

Quæcunque ferrum efficere possit hostium.

20. CUM rebus feliciter gestis domum redisset, &
à suis aquila diceretur: *f Per vos*, inquit, *aquila sum.*
Cur enim non essem, cum vestris armis veluti pennis sub-
lever?

a Ars imbellis. b Victoria magno emptæ. c Magno
paranda. d Institutio. e Eloquentia vii. f Aquila
in nubibus.

lever? Modestissime gloriosi cognominis laudem in suos milites transferens, vitavit invidiam.

21. IN Ambracia cum amici suaderent, ut quendam maledicum multa in ipsum blaterantem expelleret: *a Satius est*, inquit, *ut heic apud paucos nobis maledicat quam apud omnes obambulans.*

22. CUM Athenas venisset, & ingressus arcem Palladis rem divinam fecisset, eodem die descendens ex arce, collaudavit quidam Atheniensium erga se fiduciam, cæterum admonuit, si scaperent, ne posthac cuiquam Regum portas aperirent. *b* Significans omnibus Regibus natura invisam populi libertatem.

23. METON quidam, cum in concione Tarentini tractarent de bello suscipiendo, deque Pyrrho adsciscendo, sumpta corona & lucerna, præcedente tibicine velut ebrius commessabundus venit in forum, atque ut fit, aliis applaudentibus, aliis ridentibus, nonnullis etiam ad canendum hominem invitantibus, processit in concionem, ac tanquam cantaturus adstitit. Silente vero turba dixit: *c Recte facitis viri Tarentini, qui joculari ludereque dum licet, qui velint, permittiti. Atqui si sapitis, omnes hac ludendi libertate fruemini prius quam Pyrrhus adveniat. Nam tum non nostræ, sed illius arbitrio vivendum erit.*

24. CINEAS ut Pyrrhum à bellandi studio revocaret, sic per otium cum illo colloquutus est, Romani feruntur bellacissimi, sed his superatis quid dein agemus Pyrrhe? *d Tum Italiam*, inquit Pyrrhus, *totam occupabimus.* Heic denuo Cineas, quid Italia subacta? *Sicilia*, inquit Pyrrhus, *proxima est.* Tum Cineas. Num hic erit militiæ finis? *Nequaquam*, inquit Pyrrhus, *sed hac tantum praeludia sunt ad res majores: Superest Lybia & Carthago.* Recte, inquit Cineas: nam his potitus facile & Macedoniam recipies, & Græciæ dominaberis. Sed deletis omnibus quid tandem faciemus? Hic arri-dens Pyrrhus: *Tum*, inquit, *otium agemus, ô beate, & quotidie Cothon erit, mutuisque sermonibus nos invicem delecta-*

lecta-

a Moderate. b Reges non admittendi. c Sapiens sub stulti persona. d Consilium prudens.

lectabimur. Tum Cineas : At quid vetat , ô Rex , quominus nunc jam isto otio , isto Cothone & mutuis sermonibus perfruamur ? Nunc enim citra negotium superpetit nobis ea facultas , quam per sanguinem , per molestias , per pericula tum nostra tum aliorum sequimur , incerti an assecuturi.

25. CUM Pyrrhus Rex falsas adventus sui causas prætens Laconicam invasisset , diripissetque : Lacedæmoniorum legatis expostulantibus quod non indicto bello Laconicam invasisset : *a* Nec vos, inquit, Spartani, quod facturi estis, prius aliis denuntiatis.

IN victoria Tarentina Romanorum militum virtutem ac Ducum prudentiam admiratus exclamavit. *O quam facile erat orbis imperium occupare , aut mihi Romanis militibus , aut me Rege Romanis.* Ita Florus in Epitomis lib. 1.

A N T I O C H U S.

26. ANTIOCHUS ille qui bis exercitum duxit adversus Persas , cum in venatu quodam feram insequitur , aberrans ab amicis ac famulis in casam pauperum quorundam, quibus ignotus erat , introiit : atque inter coenam injecta mentione Regis audivit quod cætera quidem probus esset, sed plerasque functiones mandaret amicis improbis , ipse ad eorum facta connivens : tum quod immodico venandi studio frequenter necessaria negligeret. Ad hæc tum temporis nihil respondit , nec quis esset prodidit : verum ubi diluculo satellites venissent ad casam , jamque agnosceretur , allata purpura, simul cum diademate : *b* Age, inquit, ex quo vos indui , heri primum vera de meipso audiui. Nam fere hoc studio est his qui vivunt in aulis Principum, ne quid audiant nisi blandum auribus.

27. IDEM cum urbem obsideret Hierosolymam , *c* Judæis ad maximum illud festum celebrandum septem dies petentibus , non solum eos concessit , verum etiam tauros auratis cornibus adornatos , magnamque thymia-

a Inexpectato. *b* Reges raro verum audiunt. *c* Benignitas in hostes.

miamatum & aromatum vim usque ad portas urbis cum pompa solemni deduci jussit, traditaque illorum Sacerdotibus hostia ipse in castra rediit. Judæi vero Regis benignitatem admirati, protinus à festo peracto in fidem illius sese dederunt. Hoc ut bellum est strategema, ita nihil habet apophthegmatis, unde probabile est à studioso quopiam adjectum in Plutarcho.

28. A N T I O C H U S cum à L. Scipione ultra Taurum montem submotis imperii finibus, Asiam provinciam, vicinasque ei gentes amisisset, gratias egit populo Romano, quod magna parte curarum per eos liberatus esset. Intellexit vir prudens, ubius hominis animum quamvis vigilantem, non posse tot negotiis parem esse.

GRÆCORUM DUCUM A P O P H T H E G M A T A.

T H E M I S T O C L E S.

1. T H E M I S T O C L E S cum esset adolescens, in computationibus ac mulierum amoribus volutabatur. At postea quam Miltiades factus Imperator apud Marathonem devicisset Barbaros, jam nullus offendit illum quidquam agentem præter decorum. Percunctantibus autem unde sic esset repente mutatus: *a Miltiadis*, inquit, *trophæum non patitur me dormire, neque cessare*: Gloriæ studium excussit amorem voluptatum clavuum, ut ajunt.

2. I N T E R R O G A T U S utrum Achilles esse mallet, an Homerus: *b Dic ipse prius*, inquit, *utrum mallet esse victor in Olympiis an præco, qui victores pronuntiat*: sentiens multo præstantius esse res egregias gerere, quam gestas celebrare, Homerum præconi conferens.

3. C U M Xerxes ingenti illa classe descenderet in Græciam, *c Themistocles metuens ne Epicydes Demagogus, homo turpiter lucri avidus ac formidolosus,*
si na-

a Gloriæ studium. b Pracones Poëta. c Corruptela minorum.

si nactus esset imperium perderet civitatem, pecunia data illi persuasit, ut à militari præfectura abstineret. Nec hoc quidem video cur inter apophthegmata debeat commemorari.

4. ADIMANTUS abhorrens à pugna navali, ad Themistoclem qui Græcos huc hortaretur incitaretque ita loquutus est. O Themistocles, qui in certaminibus ante alios profiliunt, mos est flagris cadere. Cui Themistocles: *a Sic est Adimante, ut dicis, sed nec eos, qui se subducunt, coronat quispiam.* Adimantus notavit in Themistocle præcipitem audaciam, ille vicissim illum insinulavit formidolositatis, qui cum oportunitas invitaret, detrectaret pugnam.

5. CUM Eurybiades baculum sustulisset in Themistoclem obstrepentem *b Percute, inquit, sed tamen audi: præfens animus, & suo fidens consilio.*

6. IDEM cum Eurybiadi non persuaderet, ut in angustiis committeret, navale prælium, clam ad Barbarum misit qui illum hortaretur, ne formidaret Græcos fugam adornantes. *c Persuasus Rex prælio superatus est, nimirum pugna commissa loco Græcis commodissimo.* Post hæc denuo misit ad illum qui monerent ut quam posset ocyslime fugeret ad Hellespontum, Græcos enim de solvendo ponte cogitare: hæc callide, quo cum hoc ageret ut Græcos servaret, Regis incolumitati prospicere videretur. Hoc ingenio Græciam à Barbaris liberavit non minore gloria, quam Miltiades retulerat ex Marathoniam victoria.

7. SERIPHIO cuidam objicienti, quod non ex sese, sed ob urbis nobilitatem celebris esset: *d Vera, inquit, prædicat. Neque enim ego si Seriphius essem, clarus essem, neque tu si Atheniensis: non infitiatus est urbis celebritatem nonnihil facere ad illustre nomen, sed illum esse tam ignavum, ut etiam si fuisset natus Athenis, nihilominus fuisset obscurus futurus.*

8. ANTIPHATES adolescens qui prius Themistoclem amantem fugerat ac fastidierat, ubi vidit illum gloria

a Retortum crimen. b Fiducia. c Exsul in patriam prius. d Obscuritas.

gloria celebrem potentiaque magna pollentem , ultro adiit illum blandiens : cui Themistocles : *a* *O adolescens , sero quidem ambo , sed tamen sapere cœpimus : sentiens illum non arripuisse occasionem sese offerentem , sibi vero non vacare per negotia talibus affectibus indulgere.*

9. SIMONIDI petenti ut in negotio quodam sententiam injustam pronuntiaret : *b* *Neque tu, inquit, bonus Poëta fueris si prater musicae modulos caneres ; neque ego Princeps bonus, si contra leges pronuntiem.*

10. FILIUM quem mater adamabat atque in deliciis habebat , plurimum omnium Græcorum posse colligebat hunc in modum : *c* *Athenienses , inquit, dominantur Græcis , ego Atheniensibus , mihi mater , matri filius.*

11. CUM ex procis filia virum probum diviti prætulisset , quibusdam hoc admirantibus : *d* *Malo , inquit , virum absque pecunia , quam pecuniam absque viro. Vir strenuus facile parabit pecuniam , ignavo pecunia inutilis est.*

12. CUM prædium venderet , iussit præconem hoc addere , *e* *quod bonum haberet vicinum : sentiens juxta Hesiodum , ex bono vicino plurimum esse utilitatis, ut contra, ex malo noxæ plurimum.*

13. ATHENIENSIBUS ipsum contumelia afficientibus : *f* *Quid tumultuamini, inquit, adversus eos, à quibus sæpenumero fuistis affecti commodis ? Ajebat autem se similem platanis , sub quarum umbra accurrunt homines afflicti tempestate , & easdem simul ut rediit serenitas vellunt , convitiisque petunt : sentiens hunc esse populi morem , ut in belli periculis implorent opem fortium virorum , in pace contemnant ac vexent eosdem.*

14. IN Eretrienes ita cavillari solet , ut diceret eos similes piscium, qui gladioli vocantur , quippe qui gladium quidem haberent, cor autem non haberent : notans

a *Occasio neglecta. b* *Iuste. c* *Affectus privati. d* *Vir pecunia potior. e* *Vicinus bonus. f* *Ingratitudo.*

tans illorum ignaviam , *a* quod armatis non adesset animus.

15. POSTEA quam Themistocles primum Athenis , mox tota Græcia depulsus , ad Persarum Regem confugisset , admissus iussus est dicere : at ille respondit , orationem similem esse picturatis stragulis. *Nam quemadmodum , inquit , illæ dum extenduntur , ostendunt imagines , dum contrahuntur , calant easdem & abolent : itidem fit in oratione.* Petiit autem anni spatium , ut interim Persicam linguam suo arbitrio perdisceret , ne Regi per interpretem cogeretur , ea quæ sentiret explicare. Diffusus est interpreti , qui dum quædam omittit , quædam addit , quædam aliter narrat , perdit orationis gratiam. Ubi vero multis muneribus à Rege est honoratus , citoque factus dives , dixit suis : *O pueri , perieramus , nisi perissemus.* Perire videtur qui cogitur exulare , at Themistocli feliciter cessit exilium.

16. CUM Xerxes expugnatis Thermopylis crudeliter tractasset Astum , *b* & hac fama perterriti classarii cogitarent de repetenda domo , idque plerique suaderent , solus Themistocles obstitit , dicens eos universos hostibus fore pares , dispersos vero perituros. Ita Probus Æmylius.

17. THEMISTOCLIS pædagogus dicere solet. *c* Nihil , inquit , mediocre futurus es ô puer. Nam aut magnum bonum eris Reipublicæ , aut magnum malum. Generosa indoles , si accedat recta institutio , magno bono est patriæ : sin ad vitia degeneret , ingens adfert malum.

18. QUONIAM *d* adolescens feroci mutabilique ingenio videbatur mirantibus mutatos mores dicere solet , asperos & indomitos pullos in optimos equos evadere , si quis illis adhibeat disciplinam rectamque institutionem.

19. AD Olympiæ celebritatem profectus cum in stadium processisset , omnes neglectis certaminibus oculos in ipsum intenderunt , in eoque contemplando
diem

a Armata timiditas. b Conjunctæ vires. c Nil medium. d Institutio.

diem totum consumpserunt, ac Themistoclem illum cum plausu & admiratione peregrinis ostenderunt. *a* Ea re latus vir gloriæ cupidissimus dixit amicis, se eo die laborum quos pro Græcia suscepisset, omnium fructum amplissimum reportasse.

20. I D E M facilitate motum multos civium sibi conciliarat, atque hinc popularem potentiam adeptus. Itaque cuidam ipsū admonenti, bene principatum geres Athenis, si cunctis æqualis & communis esse voles, respondit: *b* *Nunquam ei sella insederim, unde nihilo plus à me ferrent amici quam alieni.*

21. I D E M ludum præteriens in quo diceretur esse professio, rogavit quid is profiteretur: cum responsum esset, artem memoriæ, dicens: *c* *At ego malim artem obliviscendi.* Vox hæc digna fuit eo qui linguam persicam intra annum potuit ediscere. Et sunt, quorum obliuio nobis gravior sit quam memoria. Facile meminimus quæ volumus, at non licet oblivisci quæ volumus.

22. C U M aliquando theatrum peteret, interroganti cuidam cujus vocem esset libentissime auditurus. *Ejus*, inquit, *a* *quo artes meæ quam optime canerentur.* Ingenue fassus, se magno gloriæ studio teneri. Solent autem olim musici in publico victorum illustrium laudes canere.

23. C U M aliquando ad mare visendi cadavera gratia accessisset, ac torques armillasque passim disiectas videret, ipse quidem præterit, sed amico qui sequebatur dixit: *d* *Collige tu tibi, nam tu Themistocles non es.* Ne tam obvia quidem præda commoveri potuit, ut quidquam ageret indignum egregio Duce, cui gloriæ debet esse satis magnum virtutis præmium.

24. C U M apud Andrum argentum peteret: *e* *Duos*, inquit, *ad vos adduco Deos: Vim ac Suasione*: Significans si minus impetraret suadendo, se vi erepturum. At illi responderunt apud se quoque duas magnas esse Deas. Inopiam & impossibilitatem, per quas non liceret dare quæ petebat.

P

25. A U

a *Gloria Ducis.* *b* *Æqualitas.* *c* *Memoria.* *d* *Præda contempta.* *e* *Dii, Vis & Suasio.*

25. A B Artabano Regis Persarum satrapa rogatus, quem Græcorum diceret advenisse. *a* Hoc, inquit, ante Regem nemo sciet Artabane. Senserat Artabanus è colloquio non esse vulgarem hominem: Themistocles autem ignotus esse studuit, donec se Regi suapte oratione commendaret. Rex audito Themistocle precatus est Deum suum Arimenum, eam mentem immittere pergeret hostibus suis, ut hujusmodi viros à se expellerent.

A R I S T I D E S.

1. A R I S T I D E S cognomento justus, semper suo unius præsidio fretus Rempublicam administrabat, à sodalitatibus abhorrebat, velut ab amicorum potentia, quæ ad injuriam aliis inferendam adderet animum. *b* Quantum ille vir abhorruit ab omni factione, qui non ob aliud vitabat amicitias, quam ne per illas adigeretur ad aliquid faciendum quod justum non esset, aut cogeretur abstinere ab eo quod judicasset Reipublicæ conducere. Nunc mundus undique plenus est sodalitatibus, sed titulis plausibilibus ac religionis lenocinio commendatis. Nec his fortasse dedisse nomen expedit viris insigni virtute præditis, eo quod major pars, quæ fere deterior est, sæpe cogit facere quod nollent, aut abstinere ab eo quod erat factu optimum.

2. C U M Athenienses eo concitati essent, ut Aristidem ostracismo, id erat damnationis genus quod testulis peragebatur, in exilium agerent, ac rusticus quidam illiteratus testulam ad eum deferens jussisset ut Aristidis nomen inscriberet: *c* Nostine, inquit Aristides, Aristidem? Cum ille negasset se nosse, moleste tamen ferre, quod justus cognomine diceretur: siluit Aristides, & nomen suum inscripsit testulæ, ac reddidit. Tam leni animo ferebat injustam damnationem. Gravissimum autem vitæ innocenter actæ testimonium, è tanta multitudinem neminem exstitisse qui aliud objiceret quam justum cognomen, quod ipse tamen sibi non imposuerat.

3. E R A T

a Optimi ejiciuntur. *b* Factiones: & fidelitates. *c* Lenitas.

3. **ERAT** illi similtas cum Themistocle. Huic cum delectus esset collega ad peragendam legationem *ε* *υ*s, inquit, *Themistocles ut in his montibus similtatem deponamus?* Nam si videbitur, reversi illam resumemus. Privatos affectus publicæ posthabuit utilitati. Ex his enim fere omnis humanæ vitæ perniciēs nascitur.

4. **CUM** Græcis tributa indixisset, tanto pauperior rediit, quantum absumpserat in peregrinatione. *a* Atqui in tali genere functionis solent alii messē opimam metere. Eo magis ille cavit, ne quid suspitionis ejusmodi conflaret sibi: proinde suis impendiis rem gessit.

5. **CUM** hi versus, quod de Amphiarao scripsit Æschylus, in theatro recitarentur:

β Οὐ γὰρ δοκεῖν ἄριστος, ἀλλ' ἐν δέλτῳ,
Βαθεῖαν αὐλάκα δ' ὅφρ' ἐνὸς καρπύρου:
Ἀφ' ἧς τὰ κεδνὰ βλαστάνει βελδύμελα.

Id est:

*Neque enim videri, at esse studet vir optimus,
Segetem profundam mente studiosa colens,
Consilia quando hinc germinant salubria.*

Torus populus in Aristidem vertit oculos, agnoscens hoc laudis in eum competere.

6. **E CONCIONE** quadam, in qua frustra Themistocli obstiterat, discedens clara voce testatus est, *c* res Atheniensium incolumes esse non posse, nisi & ipsum & Themistoclem in barathrum conjicerent: prius habens in carcerem ire, quam ob duorum similtatem minus recte consuli publicis commodis.

7. **QUENDAM** reum egerat: *d* at cum iudices post Aristidis accusationem nollent audire reum, sed protinus ad suffragia, quibus eum damnarent, properarent, Aristides supplex pro reo intercessit apud iudices, ut eum juxta legum præscripta diligenter audirent. Tanta erat in viro legum æquique observatio.

8. **CUM** inter duos privatos causam cognosceret, & alter quo Aristidem irritaret in adversarium, extra

P 2

cau-

a Integritas. *b* Sanctitas non ficta. *c* Similtas Magistratum. *d* Equitas.

causam multa commemoraret, quibus ille læsisset eum, Aristides interpellans hominem: *a Ista nunc*, inquit, *missa fac bone vir*, & *si quid te læsit eloquere*: tibi enim in *præsentia*, non mihi *iudex* sedeo.

9. FUIT & procurator fisci, quod munus cum sanctissime gessisset, tamen à Themistocle delatus est, ac repetundarum damnatus. Sed optimatum favore non solum illi multa remissa est, verumetiam eidem redditus est muneri: quod per simulationem sic administravit, ut omissa pristina severitate, lenem se, facilemque præberet iis qui publico malo gaudent ditescere. Horum opera factum est, ut populus tertio munus summis favoribus idem deferret Aristidi. Tum ille: *b Ob integre gestum munus damnastis*, nunc quoniam præter equum multa concessi civitatis expilatoribus, honore dignum iudicatis. Hoc igitur honore delato, plus mihi dedecoris asserri puto, quam damnato ac multato irrogastis. Norat quibus artibus posset fieri gratiofus apud populum, nisi maluisset justus esse quam plausibilis. Simile quiddam apud Terentium facit Demea.

10. CUM iret exulatum sublatis in cœlum manibus Deos comprecatus est, c sic prosperarent res Atheniensium, ut illis Aristides nunquam veniret in mentem. In rebus enim afflictis solet populus ad egregios viros confugere, id quod evenit. Siquidem tertio post anno cum Xerxes Atticam adoriri statuisset, Aristides ab exilio revocatus est.

II. THEMISTOCLES in concione dixit, se reperisse consilium quod summopere pertineret ad dignitatem Atheniensium, sed id ejus esse generis, ut proferri non expediret: populus censuit ut uni Aristidi indicaret, si is probaret, probaturos omnes. Cum igitur Themistocles indicasset Aristidi, se de incendenda Græcorum navali statione cogitare: sic enim fore, ut Athenienses toti Græciæ dominarentur. Aristides ad populum prodiens dixit: *d Themistoclis consilio nihil esse utilius*, sed eodem nihil inhonestius. Hac audita voce, populus

a Extra causam. b Damnata integritas. c Vindicta neglectus. d Auctoritas.

palus vetuit ne super ea re in posterum verba faceret Themistocles. Heic certe populus quiddam Philosophicum præstitit, repudiens utilitatem cum turpitudine conjunctam: simulque declaravit quanta sit spectatæ virtutis auctoritas, qui non dubitarit Reipublicæ fortunam unius judicio committere.

12. CUM Themistocles irrideret Aristidis consilium, hoc agentis ut sensus esset in tuto, dicens eam laudem non esse viri, sed scrinii tuto servantis aurum: deinde summam boni Ducis laudem definiret, scire ac præsentire hostium consilia. *Et isthuc*, inquit, *ô Themistocles faciendum est, sed in primis oportet habere manus abstinentes, atque hac egregii Ducis præcipua laus est.* Hoc sermone taxavit Themistoclis rapacitatem.

13. CUM Aristides duceretur ad supplicium, quidam inimicus expuit illi in faciem: ille nihil aliud quam absterfit faciem, & subridens ait Magistratui comitanti: *Admone istum, ne postea tam improbe oscitet.* Huic simillimum est quod adscribunt Phocioni.

14. M A R C U S Imperator triduum commoratus Smyrnæ, quoniam nondum videret Aristidem, misit Quinctilios qui illum stipatum adducerent. Cur, inquit Cæsar, te sero videmus? *Quoniam*, inquit, *consideratio quedam me impediabat.* Tum Cæsar hominis simplicitate delectatus. Quando, inquit, audiam te? *Hodie*, inquit, *propone, & cras audi.* Non enim sumus de numero vomentium, sed exacte loquentium, licet ne, ô Imperator, adesse familiares dictioni? Licebit, inquit Cæsar, est enim negotium publicum. Rursus Aristides. *Concedatur*, inquit, *illis tum acclamare, tum applaudere quantum possunt.* Heic arridens Cæsar. *Istuc*, inquit, *in te situm est.*

15. I D E M dixit, Arimaspsas esse cognatos Philippi, quod ea gens gignat unuculos.

M Y R O N I D E S.

16. M Y R O N I D E S creatus Dux exercitus adversus Boeotos, edixit ut Athenienses exirent. Cum autem adesset congregandi tempus, Ducesque mone-

rent nondum omnes adesse : *a* *Ad*sunt, inquit, *qui pugnaturi sunt*. Hos itaque cum videret promptos, hostem aggressus vicit : sic interpretans eos qui ob ignaviam non studuissent tempestive adesse, ne in pugna quidem bonam operam navaturos.

P E R I C L E S.

17. **P E R I C L E S** quotiescumque belli Dux creatus esset, chlamydem induens apud se dicere consuevit : *b* *Attende Pericles, quod gesturus es Imperium in liberos, et Græcos & in Athenienses*. His dictis se vir cordatissimus hortabatur ut moderate gereret principatum. Magni ingenii est imperare liberis : at Græci plusquam liberi tunc erant : postremo inter Græcos liberrimi Athenienses.

18. **S U A D E B A T** Atheniensibus ut Æginam tollerent, veluti Pyrei pituitam, *c* quod inde suspicaretur bellum oriturum. E corpore malos humores tollere medicorum est.

19. **A M I C O** roganti ut pro se falsum diceret testimonium, cui adjunctum erat jusjurandum, hoc est, perjurium, respondit. *d* *Se quidem amicum esse usque ad Aram* : sentiens aliquousque gratificandum amicis, sed citra violationem religionis.

20. **M O R I T U R U S** hoc nomine sibi gratulabatur, *e* quod ipsius causa nullus Atheniensium pullam vestem induisset : significans se nulli causam mortis fuisse, nec ulli diem ab ipso capitis dictum. Pullati sunt, qui mortuum lugent : & olim capitis reum amici pullati pullatum comitabantur.

21. **P R Æ T O R** collegam sortitus est Sophoclem Poëtam : cumque simul navigarent, ac Sophocles conspecto formoso puero dixisset. En quam speciosus puer : *f* *Decet, inquit, Æ Sophocles prætorem non modo manus, sed & linguam habere continentem*.

22. **C U M** Thucydides vociferaretur apud populum adversus Periclem, quod in picturas ac statuas summorum

- a* Ignavi non expectandi. *b* Imperium in liberos.
c Noxia tollenda. *d* Usque ad Aras. *e* Potentia innoxia. *f* Pudice.

ram artificum profunderet Reipublicæ census, ipse as-
furgens rogavit populum. *a* *Videreturne multum impen-*
diffe? quo respondente plurimum. *Age*, inquit; *sint*
igitur hac mihi impensa, non vobis, atque ipsis donariis
Deorum meum tantum nomen inscribam. Hæc vox subi-
to mutavit animum populi, jussitque ut publicis im-
pensiis pergeret, nec ullis parceret sumptibus. Tan-
tum valuit animus præsens, & sermo aculeatus.

23. CUM devictis Samiis Athenas reversus pro con-
cione laudasset eos qui in bello ceciderant, cæteræ ma-
trona redeuntem è concione coronis ac vitris decora-
runt. *b* Elpinice Cimonis soror propius accedens dixit
illi, Præclara sunt ista quæ gessisti, & coronis decoranda,
qui nos tot fortibus viris spoliasti. Ad hæc aliaque con-
vicinia nihil commotus Pericles, tantum arrisit, nec aliud
respondit quam versiculum Archilochi:

Οὐκ ἄν μύροιτι θεῶς ἐῴσ' ἀλείφειο.

Id est:

Unguento anus cum sis caveto inungier.

Significans publica negotia non esse curanda vetula.
Tam enim hoc indecorum quam turpe foret eam un-
guentis uti. Aut sensit indecorum esse jam anui mariti
desiderio teneri.

24. SUBITO oborto solis defectu cum Pericles vi-
deret alios multos, sed præcipue classis gubernatorem,
vehementer perturbatos, chlamyde sua textit gubernato-
ris faciem interrogavitque: *c* *Numquid hoc horrendum*
ostentum existimares? illo negante. *Quid interest*, inquit,
igitur, nisi quod clamyde majus est id quod nunc tenebras in-
ducit. Sensit vir prudens interventu lunæ nobis abscon-
di solem, quemadmodum opposita chlamys impedia-
bat aliorum aspectum: nullum autem esse ostentum,
quod natura fit.

25. PERICLES Ariphroni volenti publico præ-
conio quæri Alcibiadem, quod adolescens clam domo
egressus ad amicum Democratem se contulerat, obstitit
dicens: *d* *Si forte nobis inscius perit, præconio nihil aliud*

P 4

aqetur

a Gloria stimulus. *b* Aliena curare. *c* Animoso.

d Civiliter.

agetur quam ut uno tantum die citius manifestum fiat illum interisse : sin saluus, ne per omnem quidem vitam saluus esse poterit. Civiliter exclusit Pericles adolescentis infamiam, quam nunquam potuisset eluere.

26. PERICLES a cum à populo vocaretur frequenter, non auscultavit dicens : *ἀκούω πάντες εἰμι*. Sentiens se non esse cogendum in ordinem, nec pro quolibet è media plebe habendum.

A L C I B I A D E S.

1. ALCIBIADES etiamnum puer, cum in palaestra nexu quodam constrictus esset, unde se non posset explicare, manum colluctatoris mordicus arripuit : illo dicente, Mordes Alcibiades ut foeminae solent. b Immo, inquit, ut leones. Hoc de Lacone quodam ante commemoratum est, sed in diversam sententiam. Jam tum agnoscere erat animum cedere nescium.

2. HABEBAT canem quendam insigni pulchritudine, emptum drachmarum septem millibus : huic amputavit caudam, ac per urbem obambulare passus est. Demirantibus cur id faceret : c Ut hoc, inquit, de me loquantur Athenienses, nec alterius rei sint curiosi. Notat ingenium populi : de claris viris libenter loquimur male, illi morbo suppeditavit materiam leviolem.

3. PUER ludum literarium ingressus poposcit Iliadem Homeri, d cumque ludimagister negasset sibi esse quidquam Homeri, impegit illi pugnum, & abiit : declarans impudenter eum docere literas, qui non semper Homerum haberet in sinu. Quid ille facturus erat, si pro Homero quis porrexisset illi Michaëlem Modistam aut Floristam ?

4. CUM aliquando Periclem inviseret, & accepisse illi tum non esse otium, propterea quod perpenderet quo pacto posset Atheniensibus reddere rationem : e Nonne satius fuerit, inquit, cogitare qui fieri possit ut non reddat rationem ? Notans ita rem gestam, ut non facile possit reddi ratio : proclivius
autem

a Auctoritas. b Utcumque vincere. c Fabulae populi.

d Ludimagister. e Ratio reddita populo.

autem esse in totum effugere rationem , quam bene reddere.

5. **A C C I T U S** ab Atheniensibus è Sicilia ut diceret causam capitis , abdidit sese , dicens , cum esse fatuum , qui vocatus in jus quærat elabi cum liceat vitare ne eat. *a* Sentiens consultius esse non committere se periculo , quam dare operam ut ingressus periculum temet expedias. Dictum Græcis sonat jucundius ob vocum affinitatem , φυγῆν & ἀποφυγῆν. Græcis autem ἀποφυγῆν δίκῃ dicitur , qui iudicium sententiis absolvitur : φυγῆν , qui vitat aut fugit.

6. **C U I D A M** autem dicenti. Non fidis patriæ de te iudicaturæ ? *b* Ego sane , inquit , ne matri quidem : vererer enim ne insciens pro albo calculo nigrum immitteret.

7. **N U N T I A N T I** quod ipse cum comitibus morte damnatus esset Athenis : *c* At nos , inquit , demonstrabimus illis Alcibiadem vivere : simulque sese ad Lacedæmonios contulit , ac bellum Decelicum , ab urbe Decelia cognominatum , excitavit in Athenienses.

8. **I M B U R U S** Philosophiæ præceptis voluptates ac artes indecoras aspernatus est , disciplinas liberales semper amplectebatur. Lyram hoc argumento rejiciebat , quod vocem hominis imitaretur : ex quo colligere licet , olim qui lyra caneant , simul & voce cecinisse : plectrum , quod habitum formamque liberalem immutaret in illiberalem : tibia duplici nomine damnabat , & quod sic mutaret oris habitum , ut vix à familiarissimis agnosceretur qui caneret , & quod homini propriam adimeret vocem , loquendique facultatem eriperet. Nemo enim potest simul & inflare tibia & loqui : *d* Carent igitur , inquit , Thebanorum filii , qui dicere nesciunt : nobis autem Atheniensibus , ut à majoribus accepimus , gentis Princeps est Pallas & Apollo , quorum illa fistulam confregit , hic tibicinem excoriavit. Proditum est prisorum fabulis , Palladem ad speculum tibia canentem , offensam oris deformitate , projectam comminuisse tibia , Apollo Marsyam canando victum excoriavit.

P 5

T I.

a Periculum vitare satius. *b* Diffidentia. *c* Vindicta.
d Amor ob malum.

T I M O N *Atheniensis.*

9. T I M O N Atheniensis, quem *μισάνθρωπον* appellat Lucianus, cum erga ceteros esset inhumanissimis moribus, fugeretque consuetudinem hominum, solum Alcibiadem adamabat, *a* exosculabaturque. Id admiranti Apemanto, causamque roganti, respondit, ideo sibi carum esse adolescentem, quod perspicere illum aliquando magno malo fore Atheniensibus.

10. A P U D hunc cum cœnaret Apemantus, nam & ipsum ob morum similitudinem admittebat, diceretque pulcherrimum ô Timon, hoc nostrum convivium: respondit Timon: *b* *Ita sane, si tu non adesses.*

11. I D E M aliquando prodiit in concionem, factoque silentio cum omnes magnum quiddam expectarent, quod insolens esset Timonem concionari, dixit: *c* *Viri Athenienses, post ades meas hortulus est, in eoque ficus, unde multi jam sese suspenderunt. Eo in loco constitui structuram ponere: proinde visum est hoc publicitus denuntiare, ut si qui etiam velint se suspendere, maturent prius quam arbor excidatur.*

L A M A C H U S.

22. L A M A C H U S castigavit quendam è Ducibus, qui deliquerat nescio quid: & cum ille dixisset. Non iterum isthuc committam. *Ne possis quidem*, inquit, *in bello peccare bis.* Error enim in bello mors est.

I P H I C R A T E S.

13. I P H I C R A T E S quod furore patre natus existimaretur erat contemptui, ac tum primum opinionem sibi paravit, postea quam ipse saucius, hostem una cum armis correptum vivum in triremem suam deportavit. Is cum in amicorum ac sociorum agris haberet exercitum, ac nihilo minus & vallum jaceret, & fossam foderet accurate, cuidam dicenti. Quid metuimus? ait: *d* *Pessimam esse Duci vocem; haudquaquam putaram.*

a Inhumaniter. *b* Inhumaniter. *c* Cantie adversus omnia. *d* Contemptus.

ram. Significans in tranquillissimis rebus interdum existere periculum, quod nullus exspectasset. Adversus inopinatos igitur casus prospexit suis copiis, ne si quid accidisset, dicere cogeretur, non putaram. Hoc Latini transferunt ad Scipionem.

14. CUM instrueret aciem adversus Barbaros, a dicebat se vereri ne hostes non nossent Iphicratem, quo nomine solet alios hostes terrere. At alii dant operam, ne quis norit Ducem.

15. CAPITIS postulatus dixit calumniatori qui litem intendebat: b *Quale est quod facis homo, cum instet bellum, Reipublica persuades ut de me consultet, ac non potius mecum?* Sentiens id temporis maxime opus esse civitati consilio operaque Iphicratis.

16. HARMODIO prisci illius Harmodæ abnepoti, generis probrum per convicium objicienti: c *Meum, inquit, genus à me habet originem, tuum vero in te desit.* Hoc imitatus est Cicero.

17. ORATORI cuidam in concione hunc in modum ipsum interroganti. Quis es ut tam sublimes geras spiritus? num eques, aut sagittarius, aut scutatus, aut pedes? d *Nihil horum, inquit, sed qui his omnibus imperare didici.* Sentiens pulchrius esse bonum præstare Ducem quam quemvis militem.

18. IDEM censebat, e militem & divitiarum & voluptatum avidum esse oportere, dicens illum audacius pericula subiturum, quo suis cupiditatibus supeditaret.

19. IDEM in causa obrutus eloquentia patroni qui Aristophontem defendebat: f *Adversariorum, inquit, melior est histrio, sed mea fabula melior.* Ut fabula nonnunquam exploditur vitio histrionis, ita sæpe melior causa vincitur à pejore patroni infantia stultitiave.

X E N Æ N E T U S.

20. XENÆNETUS Dux civibus exprobrantibus, sibi quod Imperator exercitus fugisset in bello:

P 6

181

a Nomen habet momentum. b Intempestiva. c Nobilitas vera. d Dux bonus. e Miles dives. f Eloquentia victrix.

a *At vobiscum*, inquit, *ô capita*: probrum cum exprobrantibus communicans, neque enim Dux persistere potest absque militibus. Et turpiter objicit alteri vitium, a quo ipse non est immunis.

T I M O T H E U S.

21. T I M O T H E U S dicebatur Dux fortunatus. Huic invidentes nonnulli pinxerant civitates ultro se reti implicare ipso dormiente. Hac contumelia nihil offensus Timotheus civiliter respondit: *b* *Si tantas urbes capis dormiens, quid facerem vigilans?*

22. A U D A C E quodam milite vulnus Atheniensibus ostentante. *c* *Et me*, inquit, *pudivit, quod cum ego in Samo Dux vester essem, catapulta telum prope me ceciderat*. Significans hoc vulnus illi non factum in prælio cominus pugnanti, sed procul. At bono Duci adeo cavendum, ut ne prope quidem jaculum ullum possit accidere. Vulnus gladio factum fortitudinem arguit, telo factum catapultæ, indiligentiæ signum est.

23. C U M oratores Charetem commendarent, censes, talem creari debere Atheniensium Ducem: *d* *Non Ducem*, inquit, *Timotheus, sed qui Duci suas stragulas portet*.

C H A B R I A S Dux.

24. C H A B R I A S dicere solet eos optime Ducis munere fungi, qui res hostium quam maxime cognitatas haberent.

25. I D E M proditionis accusatus est una cum Iphicrate. Cum autem ab Iphicrate objurgaretur, quod cum esset in periculo, tamen ad gymnasium itaret, solitaque pranderet hora: *e* *Ergo*, inquit, *si quid secus de nobis statuerint Athenienses, te squalidum ac famelicum, me vero pransum & unctum occident*.

26. Q U I N & illud dicere solet. *f* *Formidabiliorem esse cervorum exercitum duce leone, quam leonum duce cervo*.

a Probrum commune. *b* Scomma contemptum. *c* Cautio. *d* Magnus non fortis. *e* Miser ante tempus. *f* Dux egregius.

cervo. Sentiens totam belli fortunam pendere à virtute prudentiaque Ducis.

H E G E S I P P U S.

27. CUM Hegesippus cognomento Crobelos, Athenienses in Philippum irritaret, quidam è concione succlamavit. Itane bellum nobis invehis Hegesippe? *a* *Nā per Jovem, inquit, & pullas vestes, & publicas exequias, & orationes funebres, si victuri sumus liberi, nec imperatis Macedonum parebimus.* Significans libertatem bene enim magno, nec sine negotio posse servari.

28. PYTHEAS cum adhuc esset adolescens, accessit in concionem contradicturus decretis quæ tum de Alexandro condebantur. Huic cum quidam dixisset. Tu cum sis juvenis audes de rebus tantis loqui? *Atqui, inquit, quem vos suffragiis vestris Deum facitis, me junior est.*

P I S I S T R A T U S.

29. PISISTRATUS Atheniensium Tyrannus, cum aliquot amici qui ab ipso defecerant Phylem occupassent, venit ad illos stragulas in sarcinam colligatas. ipse portans. Cæterum illis quid sibi vellet percunctantibus: *b* *Ut, inquit, si persuasero, reducam vos, si non persuasero, maneam vobiscum: ob hoc enim veni cum sarcinis.* Egregius animus, qui noller sine amicis nec regnare, nec vivere.

30. CUM mater apud ipsum esset delata, quod adolescentem quendam deamaret, furrimque cum eo congregaretur, & quidem frequenter præ metu Pisistrati negante sui copiam, adolescentem vocavit ad cœnam: peracta cœna rogavit quo modo habitus esset, cum ille respondisset: *Suaviter: c* *Hac, inquit, tibi contingent quotidie; si matri meæ placueris.* Admodum civiliter & maternis indulgit affectibus, & adolescentem omni terrore liberavit.

31. THRASYBULUS Pisistrati filiam amabat, eamque cum haberet obviam, in publico osculatus est: ob id uxori maritum in Thrasibulum irritanti:

. P 7

Si

a. Libertatem magna emenda. b. Solenter. c. Civiliter.

a Si illos, inquit Pisistratus, qui nos amant habemus odio, quid faciemus iis qui nos oderunt? Ac virginem adamantem Thrasybulo dedit uxorem.

32. COMESSATORES quidam in Pisistrati uxorem inciderant multaue lascive in illam tum fecerant, tum dixerant. Postero vero die jam decocta temulentia Pisistratum adierunt cum lachrymis orantes veniam. Tum Pisistratus: *b* Vos quidem in posterum date operam ut sitis sobrii, uxor vero mea heri nequaquam usquam prodiit ex adibus. Humanitatis erat, quod ignovit adolescentibus: pietatis, quod uxoris honori consuluit, negans tale quidquam in illam factum esse.

33. CUM alteram uxorem ducere statuisset, liberis ipsum percunctantibus nunquid in ipsis haberet de quo quareretur: *c* Nequaquam, inquit, immo ob id potius alteram duco, quod collaudem vos, cupiamque mihi & alios istiusmodi liberos nasci.

34. DEMETRIUS Phalereus Ptolemaum Regem adhortari solet, sibi pararet libros, de regno, deque militari imperio gerendo tractantes, eosque evolveret, propterea quod ea de quibus amici non audent admonere Reges, in libris scripta habeantur.

35. CUM exularet, ac Thebis inglorius humiliisque viveret, audissetque Craterem Philosophum, qui ipsum inviseret, multa placide prudenterque de moderate ferendo exilio differentem: *Male sit*, inquit, *negotii ac occupationibus, per quas hactenus talem virum non licuit cognoscere.*

N I C O S T R A T U S Dux.

36. N I C O S T R A T U S Argivus, cum ab Archidamo sollicitaretur, tum ingenti promissa pecunia, tum cujuscunque vellet Lacænae conjugio, ut Cromnum traderet, respondit: *d* Archidamum non ducere genus ab Hercule, quod Hercules obiens orbem soleat improbos afficere supplicio, ipse contra ex probis faceret improbos. Lacedæmonia.

a Civiliter. *b* Civilitas prudens. *c* Retortum miris.

d Degeneres.

monii vero hoc nomine potissimum gloriantur, quod originem ducunt ab Hercule.

E P A M I N O N D A S.

1. S u b Epaminonda Thebano Duce nunquam venit, *a* ut exercitum invaderet tumultus Panicus, qui subito præter causam interdum oboriri solet: eum quoniam à Pane Deo credunt immitti, Panicum appellant.

2. D I C E R E solebat, pulcherrimum esse genus mortis in bello mori, *b* quod hæc mors primum cum laude fortitudinis conjuncta sit, modo bellum geratur pro patria: deinde brevis, non diu crucians hominem, aut paullatim extabefaciens.

3. I D E M dicere solet, *c* militum quibus arma gerenda sunt corpus exercitatum esse oportere, non solum athletice, verumetiam militariter. Nam athletæ tantum hoc agunt, ut corpore sint robusto: at militem oportet corpus habere expeditum & agile. Unde & vehementer obesis infensus erat, adeo ut hujusmodi quendam expulerit ab exercitu, dicens, quod vix clypei tres quatuorve tegerent ipsius ventrem, per quem nunquam vidisset sua pudenda.

4. I P S E tam tenui victu utebatur, ut aliquando vocatus ad coenam à vicino, cum reperisset bellariorum, opsoniorum & unguentorum apparatus, confestim abierit, dicens: *d* Ego te sacrificare putabam, non deliciari & illudere.

5. C u m coquus collegis Epaminondæ de impendiis aliquot dierum rationem redderet, *e* non alia de re indignabatur quam tantum fuisse consumptum olei: demirantibus autem collegis, negavit se offendi sumptu, sed moleste ferre tantum olei exceptum intra corpus hominum. Sentiens oleum esse natum foris unguendo corpori, non intus explendo. Inunctum reddit corpus firmitus & injuriæ patientius: infusum in viscera, reddit delicatius ac segnius.

6. C u m

a Providentia. *b* Mors in bello. *c* Obesæ miles. *d* Frugalitas. *e* Frugalitas.

6. CUM festum diem celebraret civitas, omnesque computationibus & libidini indulgerent, Epaminondas cuidam è familiaribus factus est obviam squalidus & cogitabundus. Admirante illo roganteque quid tandem esset rei, quod solus ad eum affectus modum obambulet: *a Ut vobis*, inquit, *omnibus ebrios ac socordes esse liceat.* O vocem Principe dignam. Tum maxime vigilandum est Principi, cum populus maxime indulget genio. At non oportet ipsi unquam vacare genialiter vivere.

7. HOMINI contempto qui leve quiddam admitterat Pelopida pro eo deprecante, *b non* ignovit, sed *amica* pro illo rogante dedit veniam: dicens ejusmodi munera à scortillis accipi oportere, non à militibus. Paratus erat ad ignoscendum, sed quemadmodum non quævis damus omnibus, ita spectandum est cui in qua causâ gratificemur.

8. CUM Lacedæmonii copias in Thebanos educerent, variaque Thebanis ferrentur oracula, quorum alia victoriam illis pollicebantur, alia diversa prædicebant, iussit bene promittentia ad dextram tribunalis poni, contraria ad lævam. Atque omnibus hunc in modum dispositis, surrexit, dixitque: *c Si volueritis parere Ducibus, & conglomerati in hostem tendere, hæc vobis sunt oracula, ostensis melioribus: quod si ad conflictum segnes timidique fueritis, hæc oracula vobis reddita sunt, ostensis deteriora pollicentibus.* Mire nec oraculorum contempsit auctoritatem, nec animos militum his deijci passus est: sed interpretatus est Deum prospera polliceri strenuis, infausta timidis, quasi à nobis pendeat rerum eventus.

9. RURSUS CUM copias admoveret castris hostium, tonitru facto, militibus percunctantibus quid putaret portendere Deum: *d Attonitos*, inquit, *esse hostes, quod cum tales agros haberent in propinquo, in talibus castra metarentur.* Solertia Ducis non solum terro-

rem

- a Sobrius Princeps. b Personæ respectus. c Oracula à nobis pendent. d Ostentum commode interpretatum.*

tem exemit animis militum, verum etiam commoda interpretatione addidit alacritatem.

10. Ex omnibus quæ præclare & honeste gessisset in vita, illud sibi dicebat esse jucundissimum, quod utroque parente vivo Leuctrica pugna vicisset Lacedæmonios. Vir pius non tam sibi gratulatus est eam obrigisse gloriam, *a* quam hanc voluptatem ex se contigisse his quibus vitam suam acceptam ferebat.

11. Cum alias solitus esset uncto corpore hilarique vultu prodire in publicum, postridie ejus diei, quo feliciter pugnatum est in Leuctris, processit squalidus ac summissus. Amicis autem sciscitantibus, ecquid illi molesti accidisset: *b* Nihil, inquit, sed heri sensi me plus æquo mihi placuisse, ejus gaudii intemperantiam hodie castigo. Adeo metuit arrogantiam vir Bœotus ac militaris, & nos non idem faciemus, quoties secunda fortunæ aura res nobis succedunt.

12. Cum videret hoc agere Lacedæmonios, ut eam calamitatem tegerent, *c* Epaminondas ut palam faceret quanta fuisset illius cladis magnitudo, non quibuslibet permisit cadavera tollere, sed ut quæque civitas sua auferret. Ita factum est ut appareret plusquam millenos Lacedæmonios interiisse. Hoc strategema pro apophthegmate forsitan adjecit aliquis.

13. JASON Thessalorum Rex venerat Thebas, belli socius futurus. Is cum Epaminondæ vehementer egenti aureorum duo millia misisset, aurum non recepit, sed ipsam Jasonem intuius: *d* Injustis, inquit, imperias ipse deterior. Ipse vero quinquaginta drachmis à cive quodam acceptis mutuo, pro viatico exercitus, invasit Peloponnesum. Sentiebat iniquas esse divitias, quæ possessorum reddunt deteriorem: at viri fortes gloria virtutis præmio contenti sunt.

14. Rursus cum Artaxerxes Persarum Rex ipsi tria Daricorum millia misisset, Diomedontem Cyzicenum asperius increpuit, si tantam navigationem suscepisset corrupturus Epaminondam, eumque jussit hæc verba.

a Pietas. *b* Secundis moderate gaudendum. *c* Gloria.

d Gloria potior.

verba ad Regem referre : *a Si favet commodis Thebanorum, habiturus est Epaminondam amicum gratis : sin minus, hostem.* Quid hoc animo incorruptius, non alio spectante quam ad patriæ comoda ?

15. CUM Argivi Thebanorum essent socii, Atheniensium oratores in Arcadiam missi vituperarunt utramque gentem, & Callistratus Rhetor Orestem & Oedipodem civitatibus exprobrabat. Nam Orestes Argivus fuit, Oedipus Thebanus. Interim surgens Epaminondas : *b Fatemur, inquit, apud nos fuisse qui patrem occiderit, apud Argivos qui matrem necarit, sed eos qui hoc patrarunt nos expulimus, Athenienses receperunt.* Tanto compendio convicium retorlit in auctores.

16. IN Spartanos qui multa magnaue crimina Thebanis objiciebant : *c Hi nimirum fecerunt, inquit, ut brevilloquentia uti destiteritis.* Solent Lacedæmonii de brevilloquentia gloriari, sed à Thebanis multis affecti calamitatibus multa dicere coacti sunt, de illis conquerentes.

17. POSTEA quam Alexandrum Pheræorum Tyrannum Thebanis infensum, Athenienses sibi fecissent amicum ac socium, isque polliceretur illis se perfecturum ut minam carniū emerent semiobolo, videlicet significans se tantum pecudum ac jumentorum addaturum è præda : Epaminondas subjecit : *d At nos, inquit, Atheniensibus ad coquendas istas carnes ligna gratis suppeditabimus.* Nam silvas ipsorum succendemus, si se plus satis admisceant nostris negotiis.

18. CUM studeret Boeotos, otio dissolutiores, continenter in armis habere, simul ut Boeotiæ creatus est Imperator, his verbis illos adhortatus est : *e Post-hac consultate viri, nam si ego militia præfectum agam, vobis militandum est :* adiunxerat illis spem otii sub tali Imperatore.

19. REGIONEM quandam supinam & campestem belli orchestram appellabat, veluti theatrum unde late pateret prospectus. *f Eam dicebat obtineri non posse,*

a Patriæ comoda. b Integre. c Misera multiloquia.

d Mna. e Militia laboriosa. f Vigilantia.

posse, nisi manum semper scuti loro insertam haberent. Nam quæ montibus cincta sunt, minore negotio tuemur. Campestris Regio quoniam pater omnium incursionibus, armis tuenda est.

20. CUM Chabrias circa Corinthum paucos Thebanos sub moenibus avidius pugnantes prostravisset, atque ob id trophæum erexisset, Epaminondas deridens hominem dixit: *a* *Heic sane decebat non trophæum, sed Hecatæum erectum esse.* Veteres enim ante portas in triviis congruenter Hecates imaginem statuere solent, vel ad indicandam viam, vel in gratiam sepulcorum.

21. CUIDAM nuntianti, quod Athenienses exercitum novis instructum armis in Peloponnesum misissent: *b* *Quid, inquit, num igitur gemit Antigenidas, si Tellis novas habet tibias?* Tellis autem erat tibicen pessimus, Antigenidas optimus. Significabat Athenienses frustra novis armis instructos, cum his nescirent uti.

22. SCUTATUM militem senserat à captivo quodam magnam pecuniarum vim accepisse. Huic Epaminondas: *c* *Mihi, inquit, redde clypeum, tibi vero cauponam emito, in qua vitam degas.* Posthac enim noles eodem modo subire periculum, quippe jam unus de numero divitum ac beatorum. Recte judicavit, timidum, ut est in proverbiiis, esse Plutum. Magis enim metuit mortem, qui domi habet unde possit suaviter vivere.

23. INTERROGATUS quem arbitraretur Ducem præstantissimum, seipsumne an Chabriam an Iphicratem: *d* *Id, inquit, judicatu perdifficile est donec vivimus.* Alludens ad illud Solonis, neminem dicendum beatum ante obitum. Quandiu vivit homo, potest & ad meliora proficere, & ad deteriora degenerare.

24. CUM è Lacedæmone reversus, cum suis collegis capitis postularetur, ut qui præter legem, Boeoticæ præfecturæ menses quatuor adjecisset, jussit, ut Duces in ipsum rejicerent crimen tanquam vi compulsi. Ipse autem pro se dixit, se non habere sermones factis meliores: sentiens ipsas res gestas reo patrocinari debere.

Quod

a *Trophæum ridiculum.* *b* *Arma indigna viri.* *c* *Miles ditatus.* *d* *Finis vitæ spectandus.*

a Quod si, inquit, omnino dicendum est aliquid apud iudices, peto ut cum me occiderint, columna damnationis titulum inscribant, quo Græci videant, quod Epaminondas Thebanos nolentes coëgerit Laconicam, quæ per quingentos annos capi non poterat, ac Messenam incoluerat annis CCXXX. igni ferroque populari, tum Arcades inter se conciliare, resque illorum componere, denique Græcos libertati restituere. Nam hæc illo tum Imperio gesta sunt. His auditis iudices discesserunt multum ridentes, ac ne calculos quidem de illo colligere voluerunt. Quod totius causæ periculum à Ducibus in se unum recepit, dubites humaniusne factum sit an animosius: simul autem docuit quantam fiduciam homini præstet egregiorum meritorum conscientia.

25. IN suprema pugna apud Matineam fauciatus, *b* delatusque in tentorium, vocavit ad se Daiphantum, post illum Iollidam, ubi audivit eos viros interisse, iussit omitti bellum cum hostibus, quandoquidem iam exercitus Duces non habebat: ac verbis ipsa res testimonium præbuit, quod Epaminondas optime nosset cives suos. Et hoc videtur apophthegmatibus adjectum.

26. MENECLIDES invidens Epaminondæ gloriæ, suavitatis populo ut pacem haberent bello potio-
rem. Cui Epaminondas: *c* Fallis, inquit, cives tuos, qui otii nomine eos ad servitutem vocas. Pax enim bello paratur, nec eam tueri licet, nisi cives sint ad bellum instructi.

27. EIDEM exprobranti quod non duxisset uxorem: *d* Nullius, inquit, consilio, ô Meneclida, hac in re minus uti velim quam tuo. Notans illum quod uxorem haberet parum secundæ famæ.

28. RURSUS eidem objicienti quod Agamemnonis gloriam æmularetur: *e* Falleris, inquit, nam ille totius Græciæ præsidii usus decem annis vix unam cepit urbem, ego unius hujus urbis præsidii, uno die profligatis Lacedæmoniis totam Græciam liberaui.

29. CIVIUM suorum injurias patientissime ferebat,

a Fiducia meritorum. *b* Ducis præcipua victoriæ spes.

c Pax bello parta. *d* Morsus rectus. *e* Agamemnone major.

bat, dicens, *esse nefas irasci patriæ: quemadmodum parentum injurias ulcisci pietas vetat.*

30. P E L O P I D Æ increpanti quod nullos tolleret liberos, male in hoc consulens patriæ: *a Vide*, inquit, *ne tu pejus consulas, qui talem patriæ filium relicturus sis.* Habebat enim Pelopidas filium improbum & infamem. *Mihi*, inquit, *Leuctrica pugna pro liberis erit, nunquam interitura.* In hoc enim suscipiuntur liberi, ne pereat nostri memoria. At hoc melius præstant egregia facinora: nam liberi frequenter offuscant parentum gloriam.

31. C U M sentiret vulnus esse lethale, non prius ferrum eduxit, quam audisset Thebanos vicisse: *b Tum satis*, inquit, *vixi, invictus enim morior:* & educto ferro protinus efflavit animam.

32. V A L E R I U S narrat illum quæsisse, an ipsius clypeus esset salvus: ut audivit salvum, rogasse an hostes essent devicti. Cum audisset penes Thebanos esse victoriam, ita loquutum militibus. *Non finis commilitones vitæ meæ, sed melius & altius initium advenit. Nunc enim vester Epaminondas nascitur, quia sic moritur.*

33. C U M illi per invidiam & contumeliæ gratia sordidus quidam & contemptus. *c Magistratus* delegatus esset à populo Thebano, non aspernatus est dicens, non solum Magistratum ostendere virum, sed virum vicissim ostendere Magistratum: itaque gessit, ut deinceps tanquam honestum munus à multis ambiretur, cum antea nihil aliud fuerit, quam cura sordes & stercorea ex angiportis ejiciendi.

34. I D E M cuidam egeno mandavit, ut à quodam ex amicis ipsius talentum peteret, petiit & accepit. Amico percunctanti cur id jussisset: *d Quoniam*, inquit, *ille cum vir sit probus, inopia premitur: tu vero dives es, multa de publico depeculatus.* Epaminondas ipse pauper hac ratione subvenit egenti. Bonorum enim probum est, virum probum egere necessariis.

35. T E M P O R E belli Leuctrici cum accepisset quen-

a Benefacta pro liberis. b Mors generosa. c Vir Magistratum ornat. d Benigniter.

quendam strenuum virum periisse morbo, per jocum dixisse fertur: *a Unde fuit illi moriendi otium in tantis negotiis?* Frequenter autem non minima morbi pars est imaginatio metusve morbi. Hunc languorem solet excutere negotiorum ardor.

PELOPIDAS.

1. PELOPIDAS in præfectura rei militaris Epaminondæ collega, cum amici dicerent illi rei necessaria, videlicet colligendi pecunias, nullam esse curam: *b Ita per Iovem*, inquit, *necessaria, sed huic Nicomedi*: ostendens hominem claudum ac mancum. Sensit fortibus viris nihil esse opus pecunia.

2. UXORI quæ ipsum ad bellum proficiscentem rogabat muliebriter ut servaret seipsum: *c Alii*, inquit, *ut isthuc faciant monendi sunt*. Nam Princeps ac Dux hortandus est potius ut servet cives. Vox Imperatore digna, cujus est civium multorum salutem suæ unius incolumitati anteponere.

3. CUM è militibus quispiam qui videret Lacedæmonios per angustias montium adventare, dixisset Pelopidæ, incidimus in hostes: *d Qui potius nos in illos*, inquit, *quam in nos illi?*

4. AB Alexandro Phæreorum Tyranno præter fœdera captus ac vinctus Pelopidas, convitia congeffit in fœdifragum: ut autem iratus ille dixit, Mori properas: *e Admodum*, inquit, *quo magis in te exasperentur Thebani, tuque citius des pœnas violati fœderis, Diis pariter atque hominibus invisus*.

5. THEBÆ Tyranni uxor adiit Pelopidam, dixitque se mirari quod vinctus esset tam hilarius: *f At ego*, inquit, *magis te miror, quod non alligata feras Alexandrum*.

6. POSTEA quam Epaminondas Pelopidam liberum reduxisset, aiebat se gratiam habere Alexandro, per quem experimento comperisset, se non tantum ad bellum, sed etiam ad mortem bene animatum esse.

7. CUM

a Otium. b Pecunia contempta. c Dux aliorum servator. d Animose. e Libere. f Mortis contemptus.

7. CUM Pharsali congressus esset cum Alexandro Phœæorum Tyranno, milites admonuerunt, duplo plus Theſſalorum eſſe cum Alexandro, quam ipſe Thebanos haberet: *a* Tanto, inquit, melius nobis erit, plures enim vincemus. Hoc & alteri cuidam adſcribitur.

8. DE eo Plutarchus Sympoſiacon libro ſecundo refert quiddam per quam feſtivum. Convivium agitans cum collegis Ducibus, in fine convivii bibit acetum. Percunſtantibus num id conduceret ad ſanitatē: *b* Neſcio, inquit, illud ſcio, bonum eſſe ad hoc, utiquis meminerit domeſtica diata, ſive domeſticorum negotiorum, ſentiens conducere adverſus crapulam, & conferre ſobrietati: ſimul indicans ſe domi parciffimo victu agere ſolitum.

MANIUS CURIUS.

9. MANIUS Curius nonnullis arguentibus quod ex agris bello partis partem exiguam unicuique militum diſtribuiſſet, magnam vero Reipublicæ, optavit à Diis, ne quando exiſteret quiſquam Romanus, cui ager exiguus videretur, qui poſſet alere dominum. Sentiens cum non eſſe Romano dignum nomine, qui plus appetereſſet quam quod ad victum frugalem ſatis eſt.

10. SAMNITES poſtea quam ab illo fuerant devicti, venerunt ad Manium Curium, ac magnam auri vim offerebant, atque id temporis forte rapula coquebat illis fictilibus. Reſpondit autem Samnitium legatis hunc in modum: *d* Nihil opus eſt auro talem cœnanti cœnam: ſibi vero potius eſſe aurum poſſidentibus imperare, quam aurum habere.

C. FABRITIUS.

11. C. FABRITIUS cum audiſſet Romanos à Pyrrho devictos, ad Labienum verſus: *e* Pyrrhus, inquit, non Epirota vincerunt Romanos. Sentiens unius Ducis ingenio victoriam acceptam ferri oportere, non virtuti militum. Hoc pacto Romani nominis ignominiam

a Generoſitas. *b* Frugalitas. *c* Agri modus. *d* Aurum ſpretum. *e* Dux gregius.

niam elevarit, qui cum Epirotis essent virtute superiores, hoc solo erant inferiores, quod non haberent Ducem Pyrrho similem.

12. CUM Pyrrhus pro redimendis captivis multum auri misisset, aurum quidem non accepit Fabritius. Postridie vero Pyrrhus maximum elephantum emisit, qui ignaro Fabritio à tergo subito barriens appareret. Id ubi factum est, respiciens Fabritius ac ridens: *a Me, inquit, nec aurum heri, nec hodie bellua fecit attonitum.* Sentit Pyrrhum hoc de industria egisse, ut quoniam auro bonisque verbis deliniri non poterat, iminani voce belluæ terreretur. Sed expertus est Pyrrhus animum undiquaque inexpugnabilem.

13. PYRRHO vero hortanti ut Fabritius apud se ageret, Imperii socius futurus: *b Ne tibi quidem isthuc expedierit,* inquit: *Nam si Epirotæ nostrum utrumque pernorint, mihi Regi quam tibi parere mallent.*

14. F A B R I T I O jam consuli misit epistolam Pyrrhi medicus, qua promittebat se Regem veneno necaturum si juberet. At eam epistolam auctore non prodito ad Pyrrhum remisit, jubens illum sibi cavere, qui pessimus esset judex, tum amicorum, tum hostium. *c* Sentiens eum eos habere pro hostibus quos amplecti debebat si satis novisset, & hos pro amicis ducere, qui pejus illi vellent quam hostes.

15. CÆTERUM ubi compertis insidiis Pyrrhus medicum egisset in crucem, *d* Fabritio captivos gratis remisit. At Fabritius noluit eos gratis recipere, sed parem captivorum numerum remisit, ne à Pyrrho proditi veneficii mercedem accepisse videretur, negans se hoc indicium fecisse Pyrrhi causa, sed ne Romani viderentur dolis hostem occidere, ut qui viribus superare non possent.

16. F A B I U S Maximus quoniam cum Hannibale configere detrectabat, sed mora copias illius & pecuniarum & commeatus egentes attenuabat, sequens illum per aspera montuosaque, ac subinde obiter sese oppo-

a Ammus inexpugnabilis. b Fiducia sui. c Fides in hostem. d Nihil gratis.

opponens, à nonnullis per ludibrium dicebatur, Hannibalis pedagogus: hoc convitio nihil commotus pergebat suum institutum sequi, dicens apud amicos: *a Qui disteria convitiisque metuat, eum sibi videri timidiores his qui fugiunt hostes.* Sensit hoc turpius esse timiditatis vitium, quo levius est periculum. Nihil autem levius dictis, quæ qui formidat, quo modo sustinebit impetum hostium?

17. C U M de Minutio illius collega, quoniam nonnullos hostes dejecerat, *b* multus esset ortus rumor, tanquam de viro nomine Romano digno, ait, se magis secundam Minutii fortunam, quam adversam pertimescere. Sentiens illius temeritatem periculosissimam esse Reipublicæ, quam si rerum successus attolleret, in extremum discrimen adducturum universum populum Romanum, sed adversis casibus futuram moderationem.

18. P A U L O post cum Minutius hostium insidiis septus in summo esset periculo, ne cum suis copiis periret, Fabius è monte movens exercitum venit illi auxilio, multisque trucidatis hostibus ipsum eripuit. *c* Hoc factò Hannibal ad suos dixit. Nonne vobis sæpenumero prædixi fore, ut illa montana nubes nobis aliquando tempestatem immitteret? Hoc Hannibalis non Fabii dictum huc aliunde suspicor adscriptum.

19. P O S T calamitatem quam Romani acceperant apud Cannas, creatus Imperator cum Claudio Marcello *d* viro audaci, semperque gestienti cum Hannibale configere Fabius potius sperabat futurum, ut si pugna abstineret, Hannibalis exercitus dictu temporis deficeret. Id sentiens Hannibal, dixit, se magis formidare Fabium à pugna quiescentem, quam Marcel-lum pugnantem. Nec hoc est Fabii apophthegma, sed Hannibalis.

20. M I L E S quidam Lucanus delatus erat Fabio, quod noctu frequenter è castris clam excederet, amore cujusdam sceminæ, Fabius cum audisset illum alioqui

Q in

a Convitia contempta. b Temeritas. c Facete.

d Cunctatio.

in rebus belli præclarum esse virum, jussit clam apprehensam mulierem quam amabat miles, ad se perducere, quæ simul ut adducta est, jussit accersi virum, ad quem ita locutus est: *a* *Haud clam nobis fuit, te præter legem militarem abnoctare à castris: at ne id quidem prius nos latuerat te probum esse militem, proinde errata ante bene gesti condonamus, ceterum posthac eris nobiscum: nam habeo fidejussorem.* Et productam mulierculam illi commendavit.

21. T A R E N T I N O S Hannibal præsidio imposito tenebat arce excepta: Fabius itaque dolo quam longissime exercitum suum abduxit ab urbe, quam ubi cepisset diripuisseque, scribæ percunctanti, quid de templorum simulachris statuisset: *b* *Relinquamus, inquit, Tarentinis Deos iratos.*

22. C U M M. Livius sibi postulare acceptum ferri, quod Fabius cepisset urbem Tarentinam, videlicet quod in arce præsidium habuisset: cæteris jactantiam hominis deridentibus: *c* *Vera, inquit Fabius, narras: nam nisi tu civitatem amisisses, nequaquam ego recepissem.*

23. F A B I O jam sene filius illius consul factus est, qui cum publicitus multis audientibus habuisset orationem, Fabius consensu equo præcedebat. Cum autem juvenis lictores misisset, qui patrem juberet equo descendere, alii quidem factum hoc averſati sunt: at Fabius ab equo desiliens, non habita ætatis ratione accurrit, ac filium complexus: *d* *Euge, inquit, fili, sapi qui intelligas quibus imperes, & quam magnum magistratum susceperis.*

24. C U M Minutius gloriaretur, ipsius opera multum majestati Fabianæ dignitatis decessisse: *e* *Si sciperes, inquit Fabius, Minuti, reputares tibi cum Hannibale certamen esse potius quam cum Fabio.*

25. D I C E B A T absurdum videri, si cum equos & canes venaticos familiaritate ciboque cicuremus potius quam catenis ac verberibus: homines feroces animo, non humanitate ac beneficiis nobis conciliemus, sed

a Error meritis condonatis. *b* Facete. *c* Jactantia elusa.

d Consulatus majestas. *e* Graviter.

sed asperiores in illos simus quam agricolæ sunt in caprificos ac malos silvestres & oleastros, qui has non protinus excidunt, sed insitione docent mitescere.

26. **FABIVS** Maximus congiariorum exiguitatem notans, *a* dixit non esse congiaria, sed heminaria. Congiaria dicuntur dona quæ dantur populo. Congius autem mensuræ genus est, qua multo minor est hemina. Ad mensuram igitur alludens, negavit esse congiarium, sed heminarium.

H A N N I B A L.

27. **HANNIBAL** à Minutio quem insidiis obsecderat, per Fabii copias depulsus, ubi redisset in castra, dixisse fertur: *b* *Eo pralio victum à se Minutium, se autem à Fabio fuisse superatum*, videlicet ex eadem pugna victus & victor rediit. Perierat enim Minutius, ni Fabius succurrisset.

28. **CUM** Marcellus aliquot diebus continenter cum Hannibale conflixisset vario Marte, dixit Hannibal, *c* sibi rem esse cum hoste, qui nec victus nec victor nosset quiescere.

29. **CUM** Fabius simili arte recepisset Tarentum, quali Hannibal ceperat: *d* *Et Roma*, inquit Hannibal, *suum habet Hannibalem*.

30. **CUM** Romanorum Legati conditiones pacis retulissent apud Carthaginienses, & Gisco quidam ausus esset suadere bellum cum Romanis redintegrandum, Hannibal indigne ferens, hominem imbellem de rebus arduis loqui, adhuc dicentem è suggesto deturbavit. Hoc factum tam violentum in libera civitate demirante & indignante multitudo, Hannibal consensu suggesto dixit: *e* *Neminem mirari debere, si qui à primis statim annis Carthaginem reliquisset, interim astatem omnem in bellis & armistransegisset, minus nosset urbanas consuetudines*: hoc præfatus pacem suadere coepit, & persuasit.

31. **CUM** adesset dies quo primam pensionem exigebant

Q²

a Humanitas cietur optime. *b* Victor & victus. *c* Per-
tinacia vincit. *d* Dolus dolum vincit. *e* Militaris ferocia.

gebant à Poënis Romani , *a* totus populus ad tributimentionem ingemuit , at Hannibal interim effuse risit. Ea de re increpatus ab Hasdrubale Hedo , negavit eum risum fuisse gaudentis , sed aliorum seras & inanes lachrymas deridentis , quæ nunc in leviore malo manarent , cum antea potius manare debuerint , quo tempore Romani classes , arma & amplissimarum victoriarum spolia Poënis detraherent , ac Leges victis imponderent.

32. CUM Hannibal apud Cannas felicissime pugnasset , amicis suadentibus ut fugientem hostem insequens in urbem irrumperet , non obtemperavit. Quam rem Barca Carthaginensis adeo indigne tulit , ut exclamarit : *b* Vincere scis Hannibal , victoria uti nescis. Hoc dictum Titus Livius tribuit Maharbali.

33. HANNIBAL Gisconi nuntianti sibi admirabilem videri Romanorum instructorum ad pugnam numerum : *c* Immo aliud , inquit , mirabilius te fugit. Quidnam hoc esset sciscitanti Gisconi. Quod ex tam numerosa , inquit , hominum multitudine , nullus appellatur Gisco. Is Ducis jocus multum timoris detraxit , multumque alacritatis addidit militibus.

34. IDEM profugiens apud Antiochum Regem agebat. Is ostendit illi suum exercitum Barbarico apparatu magnifice instructum , sed ad prædæ magis quam ad bellum. Hæc omnia cum diligenter esset contemplatus Hannibal , rogavit Antiochus , num hæc omnia satis essent futura Romanis. Tum Hannibal : *d* Plane satis arbitror , etiam si avarissimi sint Romani. Ludit Poënus ab inexpectato : Rex de prælio sciscitabatur , iste respondit de prædæ. Quid enim aliud est miles imbellis , auro , argento , cæterisque rebus ad prædæ invitantibus instructus ?

35. IDEM adhuc puer , *e* cum quæreretur de finiendo odio inter Romam & Carthaginem , pedem infixit solo , ac pulvere suscitato tum demum finem belli fore dixit , cum altera pars in habitum pulveris esset

a Lachryma sera. *b* Uti victoria. *c* Ridicule. *d* Exercitus prædæ aptus. *e* Odium pertinax.

esset redacta. Agnoscas ingenium exitio Romanæ gentis natum.

36. I N T E R Scipionem Africanum & Hannibalem ortus est sermo de præstantia Ducum: Cumque Scipio rogasset quem primum esse censeret, respondit: *a Alexandrum Magnum, quem secundum, Pyrrhum Epirotarum Regem: quem tertium, seipsum nominavit. At quid, inquit Scipio, si me vicisses? Tum, inquit, me neque secundum, neque tertium, sed omnium primum censuissem.*

37. H A N N I B A L bibiturus venenum quod in eum usum paratum habebat, dixit: *b Solvamus ingenti cura populum Romanum. Aut ut Livius refert. Solvamus diutina cura populum Romanum, quando mortem senis expectare longum censet. Id postremo male habebat hominem, quod Romanis jam non posset aliquo pacto molestus esse.*

38. P O S T victoriam Cannensem, si Hannibal recta petisset Romam, poterat in Capitolio prandere: sed frui quam uti victotia maluit, Campaniam ac Tarentum peragrans: ubi mox & ipse & exercitus ardore adeo elanguit, ut verissime dictum sit, Capuam Hannibali fuisse Cannas. *c Siquidem invictum apibus, indomitam armis, Campania sole, & Bajæ fontibus calidis tepentes subegerunt. Refert Florus.*

S C I P I O M A J O R.

1. S C I P I O senior si quando vacans à negotiis bellicis in literis versaretur, dicere solet, *d se nunquam minus esse otiosum, quam cum esset in otio. Sensit se id temporis non dare animum otio in voluptatibus, sed de Reipublicæ commodis multa suo cum animo tractare.*

2. P O S T E A quam Carthaginem Novam quæ erat Hispanorum, armis ceperat, milites quidam virginem eleganti forma captam adduxerunt, eique tradiderunt. Hic illi: *e Libenter acciperem, inquit, si privatus es-*

Q 3

sem,

a Præstantia. b Odium pertinax. c Voluptas emollit indomitos. d Otium sapientis. e Imperator castus.

sem, non Imperator. Juvenis insigni puellæ forma corrumpi non potuit, quo minus meminisset quid deceret Imperatorem. At multi sunt hodie, qui ob hoc ipsum sibi credunt tum licere, tum decora esse omnia, quod sunt Imperatores.

3. R U R S U S cum obsideret oppidum humili loco situm, prominente illic Veneris templo, jussit illuc profiteri vadimonia, tanquam tertio post die jus ibi redditurus. *a* Et quod se facturum prædixit, fecit urbe capta: tanta erat fiducia victoriæ.

4. I N Sicilia percunctanti cuidam, qua re fretus classem educere pararet in Africam, ostendit viros armatos trecentos sese exercentes, præterea turrim excelsam mari imminentem, & ait: *b* Nullus horum est qui non conscensa turri semet in mare præcipitaturus sit, si jussero: sentiens non perinde referre quam numerosam educas multitudinem, modo fortis Dux educat exercitatos & dicto audientes.

5. U B I trajecit in Africam, ac terra potitus hostium castra concremasset, Carthaginenses missis Legatis foedus cum Scipione pepigere, pollicentes se & elephantos camelosque, & naves, & pecunias daturus. *c* Cæterum postea quam Hannibal abnavigasset ex Italia Carthaginem, cœpit illos conventorum poenitere, eo quod jam animum recepissent. Id audiens Scipio, negavit se etiam si ipsi vellent, pacta servaturum, nisi prius imperatis adderent talentorum quinque millia, hoc nomine quod Hannibalem accersissent.

6. A T postea quam Carthaginenses vi adacti Legatos de foedere ac pace ad Scipionem misissent, jussit eos qui venerant protinus abire, tanquam non auditurus eos prius quam L. Terentium ad se perduxissent. Erat autem Terentius Romanus, *d* vir probus & humanus, qui in bello captus à Pœnis detinebatur. Quem ut adduxerant, Scipio pro tribunali sedens hominem apud se collocavit: moxque auditis Legatis bellum dissolvit. Porro Terentius tanti beneficii memor triumphan-

a Fiducia eventus. *b* Miles dicto audiens *c* Animam præsens. *d* Humaniter & grate.

phantem Scipionem sequebatur pileatus, velut illius libertus: quin & Scipione mortuo ad exequias multum exhibuit, aliaque ad funeris celebritatem pertinentia studiose procuravit. Sed de his posterius. Heic in Scipione quidem habes exemplum beneficii candide simul & honorifice collati, in Terentio vero memoris animi specimen.

7. POSTEA quam Romani trajecerant in Asiam adversus Antiochum Regem, isque Legatos ad Scipionem de pace misisset: *a* Id, inquit Scipio, prius factum oportuit, non nunc cum & frenum & sessorem recepisti. Alulit ad Apologum de equo & sessore, notiozem quam ut heic sit commemorandus.

8. SENATUS decreverat ut pecunias sumeret ex arario: at cum quaestores ararii negarent se eo die aperturos: *b* Ipse, inquit, aperiam, quando mea causa clauditur, qui tanta pecuniarum vi repieverim ararium. Vacua non clauduntur, eo Scipio per jocum dicebat, sibi hoc laboris suscipiendum ut aperiret, qui fuisset in causa ut tam diligenter clauderetur, ut quaestores diei spatium quaerent ad recludendum. Exemplum ingentis fiducia meritis quasitæ.

9. CUM à petiliis tribunis plebis, multis nominibus accusaretur apud populum Romanum, nihil ad crimina respondit, tantum hoc dixit: *c* Hoc die, Quirites, Hannibalem & Carthaginem devici: proin ipse sumpta corona in Capitolium ascendo, Jovi Optimo Maximo sacrificaturus: si quis de me suffragium ferre velit, ferat. Hæc locutus ascendebat ad Capitolium relictis accusatoribus, nondum perorata causa. Tantum valet egreriorum in Rempublicam meritorum fiducia, ut repente judicii rigor versus sit in ovationem, & reus pro supplice egerit triumphantem.

10. SCIPIO Africanus quibusdam calumniantibus, quod parum strenuus pugnator esset: *d* Imperatorem, inquit, me mater, non bellatorem genuit. Significans in Imperatore plus habere momenti solertiam

Q 4

a Frenum receptum. *b* Fiducia meritorum. *c* Fiducia meritorum. *d* Generose.

lertiam ac prudentiam in consiliis, quam vires in præliis.

11. I D E M dicere solebat, *a* hosti non solum esse dandam viam fugiendi, verum etiam muniendam: docens moderandam esse victoriam, nec sæviendum in eos qui contra ferre arma destitissent.

12. I D E M militi cui scutum erat elegantius ornatum. *b* Non miror, inquit, quod scutum tanta cura ornaris, in quo plus habeas præsidii quam in gladio: significans illum ignavum militem. Clypeus tuetur, sed gladius fortitudinis organum est. Quanquam hoc idem de altero Scipione narratur inferius.

13. I D E M dicere solet, *c* ii quibus sunt equi ferociores tradunt eos domitoribus, ut his facilioribus possint uti. Sic homines secundis rebus effrenatos, sibi que prædentes tanquam in gyrum rationis ac doctrinæ duci oportere, ut perspectæ rerum humanarum imbecillitate, varietateque fortunæ, reddantur moderatiores.

14. D I C E R E solet, in re militari turpe verbum esse. *d* Non putaram: quod aliis in rebus interdum locus datur male instituta posterioribus consiliis melioribus corrigere: cæterum quæ ferro peraguntur, ea non oportet temere aggredi, quod hic error fere est inemendabilis. Idem dictum locum habet & in his, quæ semel facta mutari non possunt, ut in ducenda uxore, in sacris ordinibus.

15. C U M hoste dicebat non esse confliendum, nisi aut invitaret occasio, aut urgeret necessitas: quod incogitantis sit, oportunitatem oblatam negligere, & extremæ ignaviæ sit, tum non præstare fortem animum, cum audacia spem præbet incolumitatis, formidolositas nihil aliud quam certum promittit exitium.

T. Q U I N C T I U S.

1. T. Q U I N C T I U S ab ipso protinus initio clarus fuit, ut prius quam esset ædilis, aut tribunus militum,

a Clementer. *b* Ignavia. *c* Graviter. *d* Providentia.

e Quando bellandum.

tum, aut prætor, consul factus sit. Porro missus Imperator adversus Philippum, suavit ut veniretur in colloquium. At cum Philippus posceret obsides, eo quod ille multis Romanis comitatus esset, ipse vero solus: *a Ut solus sis, inquit Quinctius, ipse fecisti, qui amicos & cognatos tuos occideris.*

2. U B I Philippum bello vicerat, in Isthmiis præconio iussit evulgari, se Græcos suæ libertati suoque juri permittere. *b* Quotquot autem Romani temporibus Hannibalis capti serviebant apud Græcos, cum horum singulos Græci quingentis drachmis emissent, gratis Quinctio donarunt: qui & ipsi Romæ triumphantem Quinctium secuti sunt pileati, quod facere solent è servitute manumissi. Et hoc miror à Plutarcho inter apophthegmata commemorari.

3. A C HÆ OS meditantes expeditionem adversus insulam Zacynthiorum, monuit ut caverent, *c* ne more testudinum caput extra Peloponnesum proferentes, venirent in periculum. Testudo enim intra testam tutissima est.

4. C U M Antiochus Rex cum numerofo exercitu venisset in Græciam, omnesque reddidisset attonitos & militum numerus & armaturæ varietas, Quinctius hoc sermone metum ademit Achæis: *d Cum, inquit, essem in Chalcide cœnans apud hospitem meum, mirabar carniarum copiam, cum essent omnia tecta nive: at hospes respondit, ea omnia nihil aliud esse quam suis domesticæ carnes, tantum apparatu & conditura diversa. Ne vos igitur, inquit, admiremini Regis copias, cum auditis hastatos, cataphractos, pedites, equites & sagittarios. Nam hi omnes Syri sunt, armatura inter se differentes.*

5. I N Philopœminem Achæorum Ducem, qui multos haberet equites & armatos, sed pecuniarum indigus, ita ludebat: *e Philopœmen, inquires, manus habet & crura, ventrem non habet.* Ac tali quidem specie corporis erat Philopœmen. Quinctius autem equites & pedites armatos, manus & crura Ducis appellabat, sed

Q 5

quo-

a Libere. b Clemens victor. c Tutum consilium.

d Ofentatio inanis. e Salse.

quoniam non haberet quo aleret militem, negabat illum habere ventrem.

C. DOMITIUS.

6. C. DOMITIUS, sive ut Livius lib. 7. Decad. 4. Cn. Domitius, *a* quem Scipio major pro se Lucio fratri in bello adversus Antiochum Legatum dederat ubi contemplantus esset hostium phalangem, exercitus præfectis hortantibus ut confestim aggredereetur, negavit tempus sufficere ad hoc, ut tot millibus trucidatis ac direptis impedimentis, in castra reversi sua curarent corpora. Sed hoc ipsum postridie se tempestive facturum dixit. Ac postero die congressus, quinquaginta millia trucidavit. Vir strenuus non dubitavit de victoria, spatium modo temporis gerendæ rei par eligebat.

P. LICINIUS.

7. P. LICINIUS consul, *b* Imperator equestri pugna superatus à Perseo Macedonum Rege, bis mille & octingentos milites amisit, partim interfectos, partim captos. Ubi vero post pugnam Perseus mitteret Oratores acturos de foedere, ac pace, Licinius qui victus erat, victori præscripsit, ut si pacem vellet, quæ haberet in sua potestate, daret in fidem Romanorum. Ne calamitas quidem fortissimi viri spiritus potuit imminuere. Ne ignoravit Perseus quibus cum viris ipsi res esset, eoque fecit victor quod victi solent facere.

PAULUS ÆMILIUS.

8. PAULUS ÆMILIUS cum iterum peteret consulatum, repulsam tulit: cæterum cum bellum adversus Persecum, *c* ac Macedones, imperitia segnitieque Ducum in longum duceretur, eidemque consulatum detulissent, negavit se illis habere gratiam: non enim se ob id tum designatum Imperatorem, quod ipse desideraret imperium, sed quod ipsi Imperatorem.

9. E FORQ domum reversus cum filiam puellam
nominatam

a Fiducia eventus. *b* Animose. *c* Necessitate delatus honor.

nōmine Tertiam reperisset lachrymantem, rogavit quid haberet. Illa respondente, Perseus nobis interiit: Id erat nomen catelli, quem puella habebat in deliciis: *Sit felix*, inquit, *ô filia, omen accipio*: moxque in bellum profectus pulcherrimum de hoste triumphum egit.

10. I N exercitu vero cum multam confidentiam *a* ac loquacitatem comperisset militum officia Ducum sibi vindicantium, resque non necessarias curantium, iussit illos quiescere, nec aliud quidquam agere, quam ut enses suos acuerent, cætera sibi fore curæ. Nocturnas autem excubias iussit illos sine lanceis & gladiis agere, quo nimirum adempta spe depellendi hostem, tanto acius pugnarent cum somno.

11. C U M per loca prærupta irrupisset in Macedoniam, vidissetque instructam hostium aciem, exhortante Nasica ut protinus invaderet hostem. *b* *Facerem*, inquit, *si tua essem ætatis, sed multarum rerum experientia prohibet, ne ex itinere statim cum instructa acie congrediar.*

12. D E V I C T O Perseo, cum epulum exhiberet victorale, *c* dicebat, ejusdem esse artis & aciem bene instruere, & convivium exhibere, illam, ut hostibus sit quam maxime formidabilis, hoc, ut amicis sit jucundissimum.

13. C U M Perseus captivus deprecaretur, ne in triumpho duceretur: *d* *Isthuc*, inquit, *in te situm erat*: significans illi licuisse in bello perire, aut certe vincere.

14. E X pecuniarum infinita vi reperta in castris hostium, ipse quidem nihil sibi sumpsit. *e* Tuberoni tamen genero phialam pondere quinque drachmarum, fortiter gestæ rei præmium dedit. Atque hoc primum ajunt argenteum vasculum in Æliorum domum fuisse ingressum. Meminit hujus Plinius libro 33. cap. 11. Quanquam ait fuisse duo pocula, nec Tuberonei nominat, sed Cajum Ælium.

15. E X quatuor liberis masculis quos susceperat,

Q 6

duos

a *Disciplina militaris.* *b* *Dux usque rerum callidus.*

c *Arts convivii.* *d* *Severe.* *e* *Frugalitas.*

duos antea dederat in adoptionem. *a* Ex duobus autem qui remanserant in familia, alter quinque ante triumphum diebus interiit, annos natus quatuordecim: alter quinto post actum triumphum die, annos natus duodecim. Ob id populo luctum ac mœrorem cum illo iungente, ipse prodiens ad multitudinem, dixit se post tam continuos rerum successus aliquid magni mali à fortuna exspectasse: se vero nunc de patriæ incolumitate securum esse factum, nihilque timere periculi, postea quam fortuna prospere gestarum rerum invidiam in suam domum impingente, ipse pro omnibus dependisset.

16. Uxor erat illi Papyria, Mafonis viri consularis filia, quam cum longo tempore domi habuisset, exque eâ pulcherrimam sobolem sustulisset, inclytum illum ac maximum Scipionem Æmilianum, repudiavit: & amicis divorcium vehementer dissuadentibus, porrexit calceum, dicens: *b* *Hic calceus nonne novus est, nonne pulcher est? at nemo vestrum novit, qua pedem meum torquent.*

17. PERSEO sese ad victoris pedes abjicienti, vocesque degeneres emittenti: *c* *Cur, inquit Paulus, fortunam crimine liberas, sic te gerens, ut superiore etiam fortuna videaris indignus? Cur meam dedecoras victoriam ac rerum à me gestarum gloriam obscuras, tam abjectum te demonstrans, ut indignus appareas, quem populus Romanus haberet hostem.*

18. IDEM dicebat, Imperatorem, *d* si minus ætate, certe moribus senem esse oportere: sentiens non esse præcipitanda consilia, quod solent juvenes, sed moribus utendum esse senilibus.

CATO SENIOR.

1. CATO SENIOR in concione suafurus de frumento viritim dividendo, ita præfatus est: *e* *Perdificile esse ad ventrem auribus carentem verba facere: ventriera dixit quod ageretur de populi victu.*

2. AJE-

a Patria caritas. *b* Calceus qua torqueat. *c* Temeritas.

d Generose. *e* Venter surdus.

2. A J E B A T se mirari, quo modo servari possit ea civitas, *a* in qua pluris veniret piscis, quam bos. Præcipuus luxus olim erat in piscibus, unde legimus multum sex millibus emptum.

3. O B J U R G A N S aliquando summam uxorum impotentiam: *b* Omnes, inquit, homines uxoribus dominantur, nos omnibus hominibus, nobis autem uxores: hoc modo colligens, mulieres esse rerum omnium dominas.

4. D I C E R E solet, se malle pro collato beneficio nullam reportare gratiam, *c* quam pro maleficio perpetrato non dare poenam. Significans nihil esse periculosius impunitate, quæ semper ad deteriora invitat.

5. I D E M dicebat, se omnibus peccantibus ignoscere, præterquam sibiipsi. *d* Multum dissimilis illi Mævio, qui carpens alios sibi condonabat omnia. Sibi ignoscit, quem non poenitet admissi: de se poenas sumit, qui cura pensat quod incogitantia commissum est.

6. E X H O R T A N S autem Magistratus ad sumendas poenas de his qui delinquerent, dicebat eos qui maleficos prohibere possent nec facerent, lapidandos esse: sentiens illos de universo populo pessime mereri, quod ad scelerum licentiam invitarent improbos.

7. A J E B A T sibi magis placere, *e* juvenes qui rubescerent quam qui pallescere, quod rubor arguat probam indolem, pallor non item.

8. D I C E B A T *f* sibi invisum esse militem, qui ambulans moveret manus, pugnans moveret pedes, clariusque sterteret quam inclamaret, pessimum autem Imperatorem, qui sibi non posset imperare.

9. M A X I M E existimabat: oportere unumquemque seipsum revereri, quod nullus unquam à seipso discedat. Ita fieret, *g* ut quidquid aliis testibus non auderemus facere, idem solos facere puderet.

Q 7

10. C O N-

a Luxus. *b* Uxorum imperium. *c* Impunitas mala.

d Severus in seipsum. *e* Pudor. *f* Miles bonus.

g Sibi quisque testis.

10. **C O N S P I C I E N S** multorum erigi statuas. *a* Malim, inquit, ut de me quarant homines, quamobrem Catoni non sit posita statua, quam quare sit posita: sentiens se malle res præclaras gerere, ut olim scientes illum promeruisse statuam, mirentur non esse positam.

11. **A D M O N E B A T** ut qui potentes essent, *b* parte uterentur sua potestate, quo semper uti possent: sentiens potentiam clementia comitateque fieri diuturnam, ferocia brevem.

12. **Q U I** virtutem honore suo fraudarent, *c* eos dicebat ipsam virtutem à juventute auferre: sentiens præmiis animos juvenum ad virtutem accendi, quæ si detrahas, ipsa virtus elanguescit.

13. **M A G I S T R A T U M** aut judicem dicebat, *d* nec pro justis orandum, nec pro injustis exorandum. Sensit culpam esse judicem, si ut justis æqui sint, orandi sunt, cum oporteat ultro favere bonis: pro injustis orare fortassis humanitatis est: at exorari, est à justitia deflectentis.

14. **I N J U R I A M** etiam si facienti nihil adferat periculi, universis tamen periculosam esse dicebat: *e* sentiens impunitæ injuriæ exemplum omnibus minari injuriam. Etenim si liceat impune lædere, nullus erit tutus ab improborum violentia.

15. **S E N E C T U T I** cum multa adsint probra, dicebat non esse addendum malitiæ dedecus: *f* sentiens senectutem multis nominibus vulgo male audire, veluti cum audit deformis: edentula, lusciosa, imbecillis, obliviosa, indocilis. Hæc ferre satis est, ut non accedat crimen improbæ vitæ, quod omnibus quidem foedum, sed seni foedissimum. Alii narrant hoc ab illo dictum in senem obvium vitæ contaminatæ. *Ne ætatis tuæ malis addas turpitudinem.*

16. **I R A T U M** *g* ab insano nulla alia re differre dicebat, quam mora temporis: sentiens iram brevem esse infinitam.

17. **E O S**

a Statuarum gloria. *b* Potestas moderata. *c* Honor virtutis. *d* Justitia. *e* Impunitas. *f* Senectus. *g* Ira.

17. **E O S** qui fortuna moderate, sobrieque uterentur, dicebat minime peti invidia: *a Non enim*, inquit, *nobis sed bonis qua nos circumstant*, invident homines. Externa bona extra hominem sunt, at insolenter utendi vitium intra hominem est, qui eo sibi conflant invidiam, vere sint invidiosi.

18. **Q U I** in rebus ridiculis seriam operam ponerent, *b* eos dicebat in seriis fore ridiculos: significans assuetos ridiculis, ob habitum collectum, in seriis negotiis ita se gerere, ut non solum rideantur, sed etiam derideantur.

19. **P R Æ C L A R A S** actiones agebat præclaris verbis occupandas, ne à gloria defluant. Argutius est quod vertit Philelphus, aliud, ut opinor, exemplar sequutus. Honestas actiones, honestis actionibus occupandas, hoc est, benefacta benefactis addenda, ne si definamus bene facere, obsolescat priorum benefactorum memoria.

20. **C I V E S** inculcabat, quod semper iisdem committerent Magistratum: *c Videmini enim*, inquit, *aut vilem habere Magistratum, aut judicare paucos esse dignos Magistratu*. Quorum alterum erat male sentire de publica potestate: alterum, male sentire de civibus.

21. **Q U E N D A M** qui agros mari vicinos ob luxum vendere coactus est, *d* agebat se mirari, quasi plus posset quam ipsum mare: quod enim illud vix paullatim alluebat, ille facile devorarat.

22. **C E N S U R A M** petens, cum ceteros competitores videret supplices, *e* populoque blandientes, ipse clamabat populo opus esse medico austero, validisque remediis: proin eligendum, non qui jucundissimus esset, sed qui inexorabilis. Atque hæc dicens, ante omnes censor creatus est. Agnovit populus morbum suum, eoque Cato plus valuit objurgando, quam ceteri blandiendo.

23. **Q U A N D O** docebat juvenes intrepide pugnare, sæpenumero dicebat, verba plus quam gladium, & voces

a Invidia quo modo vitetur. b Ridiculis assuescere. c Hos non semper iisdem d Lureo, e Severitas.

voces plus quam manuum hostes in fugam vertere , attonitosque reddere. *a* Nolebat militem in pralio mutum esse, sed atrocibus dictis , clamore , vultusque truculentia terrere hostem.

24. *B E E L L U M* gerens cum his qui Boetim fluvium accolunt , *b* cum in discrimen adductus esset propter hostium multitudinem , & Celtiberi quidem offerrent suppetias , si darentur talenta ducenta : Romani vero non sinerent illum mercede pacisci cum barbaris : dixit errare Romanos, eo quod si vicissent , reddituri fuerint non de suo , sed de bonis hostium : sin victi fuissent , jam non fore , nec à quibus peteretur , nec qui peterent.

25. *Q U A M V I S* autem complures urbes cepisset , *c* tamen agebat se hisce diebus quos inter hostes egit , nihilo plus sumplisse quam quæ ex hostium agris comedisset, bibissetque.

26. *C U M* cuique militum argenti libram distribuisset , ait : *d* *Satius esse multos habentes argentum , quam paucos habentes aurum è militia domum redire.* Nam Duces non alia re quam gloria auctos è provinciis redire oportere. Sensit rem sat feliciter gestam , si tanta militum multitudo redeat incolumis , ut ex distributis manubiis exigua portio ad singulos redeat , potius quam si multis desideratis pauci redeant ex præda locupletiores. Quoniam autem rerum prospere gestarum gloria redit ad Duces , hac portione par est illos esse contentos , sive multum sit prædæ, sive parum.

27. *I N* militia quinque feros habebat , quorum unus tria captiva corpora emit. *e* Quod ubi sensit rescisse Catonem , prius , quam in ejus conspectum veniret , seipsum laqueo præfocavit. Adeo quæstum odebat in milite , adeo veniam desperabat qui peccaverat. Nec hoc videtur apophthegma.

28. *H O R T A N T E* Scipione Africano , ut Achæorum exsulis opitularetur , quo illis in suam patriam redire liceret : simulabat ejus rei sibi nullam esse curam.

a Vox in bello. *b* Argute. *c* Abstinencia Ducis. *d* Redditus è bello. *e* Severitas.

ram. Cæterum in senatu cum hac de re multa verba fierent, assurgens ait: *a* Perinde quasi nihil habeamus quod agamus, sedemus de seniculis aliquot Græcis disputantes, utrum à nostris an illius regionis vespillonibus efferantur.

29. C U M Posthumius Albinus historiam Græce conscripisset, & ob id veniam peteret ab auditoribus, Cato irridens. *b* Danda, inquit, erat venia, si Amphysionum decreto coactus Græce scripisset. Hoc aliquanto secus narrant Gellius & Macrobius.

30. P O P U L U M Romanum gregi pecudum conferre solebat, quæ singulæ nemini obtemperant, universæ autem gregis ducem sequuntur. *c* Sic & vos, inquit, quos nemo vestrum privatim in concilium adhibere vellet, ab his heic congregati vos agi ducique finitis. Notans populum, quod deterrimis committeret Magistratus.

31. A J E B A T populum Romanum non tantum purpuræ, verum etiam virtuti plurimum conducere, *d* Quemadmodum enim tinctorum eum potissimum colorem inducunt, quo vident homines maxime delectari: ita juventus ad ea studia potissimum incumbit, quibus populus desert honores. Honos enim non solum alit artes, verum etiam virtutem. Hoc pacto monebat populum, ut Magistratus his demum committerent, qui de se virtutis specimen dedissent, ita fore ut quam plurimi sese ad egregia studia conferrent.

32. H O R T A B A T U R juvenes ut qui virtute & æquitate ad dignitatem pervenissent, *e* ne turpiter ad deteriora degenerarent: sin ambitu ac violentia, ad meliorem frugem se referrent: ita futurum ut & illi gloriam augerent, & hi benefactis maculam abolerent.

33. Q U I Magistratum eundem frequenter ambi-
rent, *f* eos dicebat velut ignaros vitæ, ne aberrarent lictores qui præcederent semper quærere. Solent enim lictores præire Magistratum, non ut viam ostenderent, sed honoris gratia.

34. I N

a Senes neglecti. *b* Latinus Græce. *c* Populus qualis.
d Honos alit virtutem. *e* Consilium optimum. *f* Modus in honoribus.

34. I N inimicum quendam probrosæ vitæ : *a* Huius , inquit , mater cum Deos orat ut sibi filius sit superstes , non precatur , sed imprecatur : sentiens illam & sibi & Reipublicæ precari magnum malum.

35. C U M Eumenes Rex Romam venisset , & à senatu honorifice exceptus , clarissimorum civium frequentia stiparetur , Cato non dissimulabat tantum Romanorum erga illum studium sibi suspectum esse ; ipse vitans Regis consuetudinem. Hoc quibusdam admirantibus ac dicentibus. Eumenem virum esse probum , ac amico in populum Romanum animo. *b* Sint ista vera , inquit , attamen illa bellua , natura ferox canis est : sentiens omnes Reges , utcumque pro tempore simulent , natura tyrannos esse , ac Democratiæ infensos. Romæ autem Regis nomen erat invisissimum.

36. D I C E B A T ideo sibi ab inimicis conflari invidiam , quod quotidie noctu surgens rei familiaris rationibus neglectis Reipublicæ consuleret : *c* notans ingratitudinem populi.

37. C U M tres essent designati qui Legati proficiscerentur in Bithyniam , quorum unus podagra teneretur , alter caput haberet vulneribus confossum , tertius vecordia laborare videretur , Cato ridens dixit : *d* Populi Romani legationem nec pedes habere , nec caput , nec cor.

38. C U M impetratum esset de restituendis Achaorum exsulibus , Polybius & hoc ad senatum retulit , ut restitutis apud suos pristini honores ac Magistratus redderentur. Hic Cato rogatus sententiam dixit : *e* Polybius idem facere videtur quod fecit Ulysses , qui Cyclopi speluncam repetere voluit , quo pileum & cingulum quæ illic per oblivionem reliquerat , reciperet : significans abunde multum esse , quod exulibus datus esset in patriam reditus , essetque periculum ne dum pristinos honores repetunt , etiam à reditu excludantur.

39. A J E B A T stultos prudentibus plus adferre utilitatis quam prudentes stultis. *f* Prudentes enim dum

a Filius improbus. *b* Rex infensus Democratiæ. *c* Pietas in patriam. *d* Salse. *e* Pusilla curare cum periculo. *f* Nova sententia.

dum facile vident errata stultorum, eaque vitant, fieri cautiore: at stultos non item quæ à prudentibus recte fiunt, quia non vident, posse imitari.

40. V I D E N S *a* quendam vehementer obesum, mirabatur cui usui tale corpus esse posset Reipublicæ, cuius inter guttur & inguen omnia venter occuparet.

41. L U R C O N I *c*uidam ambienti inter Catonis familiares recipi, negavit, dicens, se cum eo non posse vivere, *b* qui plus sciperet palato quam corde.

42. A M A N T I S animum dicebat in alieno corpore vivere: quod hodie quoque celebratur, animam illic potius esse ubi amat, *c* quam ubi animat.

43. T R I A per omnem vitam accidisse dixit, *d* quorum poenituisset: primum, si quid arcani foeminae credidisset: secundum, si quopiam navigio vectus esset quo pedestri itinere pervenire licuisset: tertium, si quis dies ipsi per negligentiam absque fructu effluxisset.

44. A D tribunum plebis qui veneficii infamia laborabat, iniquam ferentem legem: *e* *Adolescens*, inquit, *nondum scio utrum haurire quod temporas, an approbare quod scribis deterius sit*: sentiens & legem quam parabat, exitiosam esse Reipublicæ.

45. A Q U O D A M multis nominibus infami vexatus: *f* *Impar mihi*, inquit, *tecum certamen est*. Nam ut tibi & male audire & maledicere facillimum ac promptissimum est, ita mihi maledicere insuave, male audire insolitum.

46. A R U D Athenienses cum quæcumque Cato brevissimo sermone expedierat, ea vix longo verborum ambitu redderet interpretes, dictum est, Græcis orationem è labiis, Romanis ex corde proficisci.

47. A D O L E S C E N S quidam patris vita defuncti inimicum mox in jus vocavit, ultusque est, quem Cato obvinum comiter amplexus. *g* *Sic oportet*, inquit, *non agnis hadisve, sed è malorum lachrymis ac damnationibus parentum exsequias celebrare*.

48. C U M

a Obesus. b Palato sapere. c Amor. d Poenitenda.

c Salse. f Maledicentia. g Pietas in patrem.

48. CUM quidam Catoni dixisset. Eamus deambulatum: & adolescens quidam interpellasset dicens. Quid opus erat de? *a Immo*, inquit Cato, *quid opus erat te?* Una litterula mutata, significavit ipsum potius esse supervacaneum in vita, quam de, in verbo.

49. CATO percussus ab eo qui arcam ferebat, cum bajulus diceret, Cave, rogavit nunquid ferret prater arcam. Nam quod ad arcam attinebat, *b* serum erat dicere, Cave. Simulavit itaque se moneri de alio quopiam onere quam de arca, unde cavendum esset. Simile est quod de Diogene trabe isto retulimus.

50. CATO senior quibusdam efferentibus hominem inconsulte audacem, & in rebus bellicis strenuum, ait plurimum referre, utrum quis virtutem magnam magno aestimet, an vitam non magis faciat: *c* sentiens non eos statim esse fortes, qui quovis modo vitam contemnunt, sed qui tanti faciunt virtutem, ut hujus gratia vitam alioqui caram negligant. Nam semet in vitæ discrimen conjicere, aut infeliciū est, & quos vitæ jam tædet, aut immanium & belluis similium.

51. CATO in Albidium qui luxu facultates prodegerat, denique & ædes devorarat, *d* novissime consequutum incendium, quod reliquum erat absumpsit, ita jocatus est, ut diceret cum fecisse proterviam. Id erat priscum sacrificii genus, in quo si quid superfuisset, servari religio erat, sed igni cremabatur.

52. CATULUS Censor Catonem sibi arctissima junctum necessitudine rogavit, ut quendam ipsius judicio obnoxium, erat enim quaestor, missum faceret. Ille hunc in modum respondit: *e Turpe est nos qui juventuti recte instituenda auctores esse debemus, à lictoribus irrideri nostris.* Negavit asperius quod injuste petebatur.

53. DE spe sic prædicasse narratur auctore Plutarcho, quod quæ magna essent, pusilla faceret, quæ pusilla, prorsus nulla: sentiens, opinor, de periculis. *f* Victoriæ spes extenuat omnia quæ solent à bello detertere.

54. COM-

a Curare frivola. *b* Admonitio sera. *c* Fortitudo vera.

d Profusio. *e* Severe. *f* Spes fallax.

54. **COMMÉMORANTUR** ejusdem quadam velut oracula de re rustica. Dicebat fortissimos viros ac strenuissimos milites, & agricolis gigni, minimeque male cogitantes. Prædium ne cupide emas. In re rustica operæ parcas, in agro emendo minime. Quod male emptum est, semper poenitet. Agrum paraturos ante omnia intueri oportet aquarum vim & vicinum. Æstinare oportet quo modo niteant contermina. Malus est ager cum quo dominus luctatur. De bono domino melius emitur fundus. Agro ut homini quavis quaestuosus, si idem sumptuosus sit, non multum superesse. Idem interrogatus quis esset certissimus quaestus, respondit: *Si bene pascat*, quis proximus: *Si mediocriter pascat*: quid tertium: *Si bene vestiat*: quid quartum, respondit: *Arare*. Cuidam autem subjicienti quid foenerare: *Quid*, inquit, *hominem occidere*? Dixit agricolam oportere vendacem esse non emacem. Fundum in adolescentia sine cunctatione conferendum, non nisi confito agro ædificandum, ac tum quoque cunctanter: optimum esse aliena infania frui. Eum qui bene habet, sæpius ventitare in agrum, frontemque domini plus prodesse quam occipitium. Hunc agri modum servandum, ut neque fundus villam quærat, neque villa fundum. Satius esse minus ferere, & minus arare. Latifundia perdidere Italiam. Villicum quam proximum domino cordi esse debere, & tamen sibi metipsi non videri. Coli rura ergastulis pessimum esse, ut quidquid agitur à desperatis. Nihil minus expedire, quam agrum optime colere.

55. **CUM** Catoni causam in foro agenti. Lentulus attracta pingui saliva in mediam frontem quantum poterat exspuisset, absterfit Cato faciem ac dixit: *a Affirmabo omnibus Lentule, falli eos qui te negent os habere*. Os habere negantur quos nihil pudet: id cum eo facto maxime declarasset Lentulus, tamen Cato ludens profiteretur illi esse os, non quod erubesceret, sed quod ore multam purulentiam ejaculeretur.

56. **QUIDAM** mane surgens reperit caligas à foricibus
a Patienter.

cibus arrosas : hoc ostento , turbatus , consuluit Catonem quid mali portenderetur. Ille vero : *a Non est*, inquit, *ostentum*, quod sorices arroserunt caligas, sed si caliga arrossissent sorices, id demum fuisset ostentum.

57. DICERE solet , pecuniam pedibus compensari : sentiens, ni fallor, sumptuosum esse ad villam procul dissitam crebro proficisci , sed hoc impendii pedibus pensari, si dominus impiger pedes inviset fundum suum. Refert M. Tullius in oratione pro L. Flacco.

CATO UTICENSIS.

1. CUM Catoni qui post dictus est Uticensis, etiamnum puero vitio daretur taciturnitas : nec enim cum pueris exercebatur , nec à quoquam audiri volebat, ait : *b Carpent taciturnitatem, modo vitam probent*. Et addidit : *Tum demum abrumptam hoc meum silentium, cum ea loqui potero, quæ sunt indigna silentio*.

2. CUM partes in conviviis sortirentur , nec illi favisset fors, amicis hortantibus ut primus omnium caperet , *c ε καλῶς*, inquit, *ἐκ ἀκέρους ἀρεῶς ὄντης*, id est, *non decet in vita Venere*. Tam natura justus erat , ut præter sortem amicorum favore noluerit uti. Veneris jactus felix erat in talis.

3. CUM M. Tullius Murenam defendens , multa falsè diceret in paradoxa Stoicorum , ridentibus cæteris tandem & Cato exhilaratus , proximis dixit : *d Dii boni, quam ridiculum habemus consulem*. Stoicorum philosophiam Cato præcipue sequebatur , puer nactus hujus sectæ præceptorem.

4. CUM in senatu de Catilinæ conjuratione tractaretur , redditæ sunt Cæsari literæ. Id ubi sensit Cato , suspicans à conjuratis venire , clamare cœpit ut palam recitarentur. Id ne fieret , Cæsar Catoni literas tradidit. Erant autem ab Servilia Catonis sorore , amatorix parumque pudicæ. Eas ubi legit Cato rejecit in Cæsarem dicens : *e Accipe ebrie*. Nec aliud loquutus rediit ad sermonem intermissum.

5. HOR-

a Superstitio irrisa. b Taciturnitas. c Juste. d Consul ridiculus. e Leniter.

5. HORTENSIVS à Catone petiit, ut Portiam filiam suam Bibulo nuptam sibi traderet in matrimonium, pollicens se marito, *a* redditurum simul atque ex ea prolem suscepisset. Id cum multis rationibus illi persuasisset, Cato respondit, se quod ad ipsum attineret, libenter gratificaturum amico, verum hoc non audere à Bibulo petere. Tum Hortensius nudans animum suum, petiit Martiam ipsius Catonis uxorem. Jam enim sibi Cato ademerat mariti prætextum. Assensus est Cato, ut id fieret volente patre conjugis. Ipsoque Catone præsentem facta sunt sponsalia.

6. IN forum veniens cum Thermo conspicatus Castoris templum armatis occupatum, omnesque fori aditus à gladiatoribus obsideri, ipsumque Metellum una cum Cæsare : *b* *O* timidum, inquit, hominem, qui adversus unum tantam armavit multitudinem.

7. POMPEJUS quo suam factionem redderet firmiorem, per Munatium petiit, ut Cato neptium duarum alteram filio suo daret. Cato jussit reversum Munatium Pompejo renuntiare : *c* *Se* quidem per mulieres capi non posse, benevolentiam tamen illius sibi gratam esse : amicitiam etiam, qua quavis affinitate firmior esset, polliceri, si qua Reipublica conducerent, sequeretur. Caterum adversus Rempublicam nunquam daturum obsides. Neptes in matrimonium datas, obsidum nomine signans. Sunt qui narrent non neptes, sed filias in matrimonium à Pompejo petitas.

8. MUNATIO quærenti quod in Cypro Catonem adire cupiens parum civiliter repulsus esset, *d* cum nihil esset negotii, sed intus cum Canidio fabularetur, sic se purgavit, ut diceret se vereri, ne juxta Theophrasti sententiam nimia amicitia causam aliquando daret odio.

9. LAUDATUS à senatu quod populi tumultum oratione sua prorsus sedasset. At ego, inquit, vos P. C. nequaquam laudo, qui me prætorem in tanto periculo deseruistis.

10. CATO ipso die comitorum quendam è sponsoribus

a Proliis amor. *b* Auctoritas. *c* Factio vitata. *d* Nimia familiaritas.

foribus damnavit, ac pecuniam illi traditam in alium transtulit. At populus admiratus Catonis justitiam, damnato pœnam remisit dicens: *a Satis dedisse pœnarum, quod à Catone damnatus esset.*

11. **MULTIS** P. Sulpitii ingratitude inculpantibus, quod Catoni de se optime merito opposuisset competitorem, Cato sic excusavit, dicens: *b Minime mirandum, si quod quis maximum bonum duceret, id alteri nollet concedere.*

12. **CUM** Cæsar Ariminium occupasset, & ad Pompejum summa rerum in urbe translata esset, Cato dixit: *c Si mihi ista prædicenti credidissetis P. C. nec unum nunc timeremus, nec ab uno spes nostra penderent.*

13. **CUM** Pompejo res infelicitè cederent, & ad Cæsarem inclinaret victoria, *d* Cato dicebat in rebus divinis multum esse caliginis, quod Pompejo præter jus agenti fuissent omnia prospera, causam Reipublicæ tuenti nihil succederet.

14. **CUM** deploratis rebus amici hortarentur Catonem, ut ad Cæsaris clementiam confugeret, respondit: *e Victorum esse, & eorum qui deliquissent supplicare, Catonem, nec victum, nec captum esse, qui se per omnem vitam invictum prestitisset, ac Cæsarem honestate justitiaque longe superasset: Cæsarem potius victum captumque esse, qui bellum quod diu negasset se moliri, adversus patriam nunc id egisse convictus esset. Proinde pro se Cæsarem orarent qui vellent, pro Catone neminem orare debere.*

15. **CUM** M. Octavius duas habens legiones haud procul ab Utica, à Catone postularet ut inter ipsos de Imperio statueretur, Cato Legatis nihil respondit: verum ad amicos conversus: *f Quis jam miretur, inquit, rem male gestam esse, cum in ipsa morte in nostris videatis dominandi cupiditatem? Significans ambitione Ducum bellum infelicitè cessisse.*

16. **CUM** in senatu pro victoria quam Cæsar ex Usipetis Tenēterisque Germanis retulerat, de supplicatione decernenda ageretur, sententiam dixit: *g Cæsarem hostibus esse*

a Grave damari à probis. *b* Civiliter. *c* Providentia. *d* Dei consilia arcana. *e* Animosè. *f* Ambitio. *g* Libere.

esse dedendum, quo Romana civitas à perfidia expiaretur, deinde execrationes in auctorem verterent.

17. R U R S U S cum in senatu Pompejo, cui parum alioqui favebat, decerneret Imperium, dixit: *a Talium virorum esse, ingentia Republica inferre mala, eademque depellere: tempori consilium accommodans.*

S C I P I O M I N O R.

1. S C I P I O N E M minorem narrant annis quinquaginta quatuor quibus vixit, *b* nihil emisse nihil vendidisse, nihil ædificasse, libras autem argenti triginta treis, auri duas in ampla domo reliquisse, idque cum potitus esset Carthagine, militesque ditasset, plus ceteris Ducibus omnibus.

2. P O L Y B I I sequens præcepta, dabat operam ne quando è foro rediret domum, prius quam sibi quocunque modo quempiam eorum in quos incidisset, *c* familiarem & amicum reddidisset: sentiens, nullam esse homini possessionem meliorem.

3. J U V E N I S etiamnum tantam habebat opinionem fortitudinis & prudentiæ, *d* ut Cato Senior interrogans de his qui apud Carthaginem militarent, in quibus erat & Scipio junior, Homericò versu responderit:-

Ille sapit solus, volitant alii velut umbra.

De Tiresia dictum est, apud Homerum Odyssæ *κ*.

4. C U M Romam venisset, *e* revocatus est ab exercitu, non ut ipsi gratificarentur, sed quod per illum cito Carthaginem se capturos esse crederent.

5. P O S T E A quam sese intra muros urbis receperat, *f* Carthaginensibus ex arce sese defendentibus, ac Polybius suaderet ut in mari, quod interjacebat non valde profundum, murices spargeret ferreos, aut tabulas aculeatas injiceret, ne transmissio mari hostes pro aggeribus pugnarent: ajebat esse ridiculum, cum mœnia teneant, & intra urbem essent, dare operam ne cum hostibus confligerent.

R

6. U B I

a Prudenter. b Frugalitas. c Amici. d Catoni testimonium. e Utilitas. f Fortiter.

6. UBI civitatem comperit statuis Deorum Græcæ-
nicis, *a* ac monumentis è Sicilia deportatis differtam,
per præconem edixit, ut qui illarum essent urbium agno-
scerent illa, ac referrent domum. De pecuniis vero nec
servum nec libertum passus est quidquam capere, ac ne
emere quidem, cum alioqui quilibet passim ferrent,
agerentque.

7. C. LÆLIO, quem inter amicos maxime carum
habebat, *b* consulatum ambiens cum faveret percun-
ctatus est Q. Pompejum nepotem, an & ipse consulatum
peteret. Credebatur autem is Pompejus tibicinis esse fi-
lius: cum Pompejus negasset se petere, quin etiam pol-
liceretur se Lælium ambientem deducturum ac simul
cum illo ambiturum suffragia: dum credunt promitten-
ti, & hunc expectant, decepti sunt. Renuntiatum est
enim ipsum in foro circumire candidatum, ac civium
prehenfare dextras. Ob id cæteris indignantibus, Scipio
ridens: Næ, inquit, *nos egregie stulti sumus, qui perinde
quasi Deos precaturi simus, non homines, jam dudum tempus
terimus, tibicinem expectantes.* Solet enim in sacris tibi-
cen dare signum comprecandi Deum, quasi jam adesset.

8. A. P. CLAUDIO, qui Scipioni in ambienda cen-
sura competitor erat, jactante se quod ipse citra nomen-
clatorem cives omnes nominatim salutaret, cum Scipio
propemodum nosset neminem: *c Vera narras, inquit
Scipio, non mihi studio fuit, non ut nossem multos, sed ne cui-
quam essem ignotus.* Nomenclatorum laus est, quamplu-
rimos nosse: at egregii Ducis est ob egregia in Reipub-
licam merita, nulli civium ignotum esse, jussitque ci-
ves cum bellum esset cum Celtiberis, à quibus ambo
fuerant in bellum missi, vel legatos, vel tribunos mili-
tum testes ac judices utriusque virtutis statuerent, qui ei
bello interfuissent.

9. CENSOR creatus adolescenti cuidam equum
ademit, quod eo tempore quo Carthago oppugnabatur,
splendide coenatus libum in urbis similitudinem figu-
ratum, cui Carthagini nomen indiderat, convivis diri-
piendum proposuisset. Juvene vero causam sciscitante,

cui

a Honos arti habitus b Facete. c Nobilitas vera.

cur equo privatus esset : *a* Quoniam , inquit Scipio , me prior Carthaginem diripuisti.

10. C. L I C I N I U M prætereuntem cum vidisset : *b* Hunc , inquit , virum scio pejerasse , verum quoniam nullus illum desert , non possum simul & accusator esse & iudex. Sit hoc in censore moderationis & iustitiæ exemplum.

11. C U M jam tertium à senatu fuisset emissus , quo , ut tradit Clitomachus , Urbes atque homines cernat bene legibus actas , utque gentium , civitatum & ac Regum inspector esset : postea quam pervenit Alexandriam , navique egressus capite pallio tectus incederet , Alexandrini undique accurrentes flagitabant , ut caput nudaret , faciemque id desiderantibus ostenderet. Cum se nudasset , clamore , & plausu testati sunt gaudium suum : cumque Rex Alexandriæ vix interim ob delicias ac mollietiem corporis æquaret Romanos incedentes , Scipio , voce submissa Panætio insusurravit in aurem. Jam , inquit , Alexandrini , nonnihil ex nostra peregrinatione fructus ceperant , quibus per nos contigit videre Regem ambulantiem. Nam Athenæus ex auctoritate Posidonii scribit , Ptolomæum perquam obeso corpore , nunquam antea pedibus ambulasse.

12. E R A T illi peregrinationis comes unus amicus Panætius Philosophus , & famuli quinque , quorum uno peregre defuncto , quoniam alium nolebat emere , è Roma accersit qui defuncti locum impleret.

13. C U M Numantini viderentur inexpugnabiles , ut qui multos Romanorum Duces superassent , populus Scipionem iterum consulem fecit ad suscipiendum hoc bellum. & Cæterum cum multi gestirent exire in militiam , idque senatus fieri vetuisset quasi Italia futura esset deserta , ac ne pecunias quidem ex ærario sumere passus est , sed vectigales proventus , quorum tempus nondum excesserat , assignavit. At Scipio pecunijs quidem sese negavit egere , suas enim & amicorum satis futuras. De militibus negatis questus est , bellum enim esse difficile. Quod si priores , inquit , ob hostium fortitudinem toties

R 2

victi

a Gloria. *b* Iudex non accusat. *c* Rex segnis. *d* Frugalitas. *e* Pecunia contempta.

victi fuerunt, difficile bellum est; quia cum talibus pugnamum erit: *ſeu ob civium noſtrorum ignaviam, aequè difficile eſt, quia talium opera in bello ſumus uſuri.*

14. POSTEA quam venit in caſtra, multamque illic licentiam, laſciviam, ſuperſtitionem ac luxum offendiffet, divinos ac ſacrificos cum lenonibus protinus ejecit: quin & vaſa omnia juſſit amoliri excepta olla, veru & poculo fictili. *a* Ex argenteis poculum librarum non amplius duarum permiſit, ſi quis habere vellet: balneis uti vetuit. Qui ungerentur, juſſit ut ipſi ſeſe fricarent. Jumentis enim, quia manibus carent, opus eſſe alio à quo fricentur. Edixit ut milites ſtantes pranderent obſonium non igni coctum, coenarent autem diſcumbentes, panem aut pultem ſolam, & carnes aſſas ſive elixas. Ipſe vero ſago circumtectus obambulabat per exercitum, dicens, ſe lugere exercitus dedecora.

15. CUM Memmii cujuſdam tribuni militum jumenta interceptiſſet, vaſculis lapideis refrigerando vino paratis, ac poculis Tetricleis, hoc eſt, operoſe factis onuſta: *b* *Mihi quidem, inquit, ac patria dies triginta, tibi ipſi vero per omnem vitam, cum talis ſis, teipſum inutilem reddidiſti.* Significans bellum quod pro patria gerebatur menſem fortasſe duraturum. Parum autem eſſe quod tum militem præſtaret inutilem, ſed multo gravius, quod ſi pergeret eſſe talibus moribus, perpetuo civis inutilis eſſet futurus.

16. ALTERI cuidam ſcutum pulchre ornatum oſtendenti: *c* *Scutum quidem, inquit, o juvenis, bellum eſt, at decet virum Romanum in dextra potius quam in ſiniſtra ſpem collocare.* Clypeus ſiniſtra geritur, gladius dextra.

17. CUIDAM vallum geſtanti, qui ſe dicebat onerè vehementer premi: *d* *Nihil mirum, inquit, quando iſti ligno magis quam gladio fidis.* Significans ideo vallum plus habere ponderis, quia plus apud illum valeret. Quod ſi gladiis fiderent milites, nihil eſſet opus vallis.

18. CUM videret hoſtes deſpondere animum, *e* ajebat ſeſe ut tuto vinceret, mora temporis emiſſe, addens bonum

a *Disciplina militaris.* *b* *Luxus damnatus.* *c* *Spes in clypeo.* *d* *Valli fiducia.* *e* *Vincere ſine cade.*

bonum Ducem perinde ut Medicum , nonnisi in extrema curatione ferrum adhibere. Nihilominus per occasionem adortus Numantinos, terga illos dare compulit.

19. CUM seniores Numantini victis suis ignaviam exprobrarent, a qui nunc eos fugissent, quos toties in fugam verterant, Numantinus quidam respondisse fertur: Nunc quidem oves eadem sunt, sed alius pastor: significans Scipionem Ducem esse causam mutatæ fortunæ bellicæ, licet eidein essent milites.

20. NUMANTIA capta, cum iterum triumphasset Scipio, incidit illi controversia cum Cajo Graccho, tum pro Senatu tum pro belli sociis. Id moleste ferens populus, tumultuabatur: Scipio vero consensu suggesto: *b Me, inquit, nec astrorum vociferatio unquam terruit, nec tumultus hominum terrebit, quibus I! aliam scio non matrem esse, sed novercam:* significans eos qui publicis patriæ commodis obstreperent, non esse vere Italos, sed alienigenas, Valerius refert illum dixisse. *Nunquam eos me tuam solutos, quos huc alligatos adduxi.* Denotans eos ad ductos fuisse captivos, qui in victorem ferocirent.

21. IIS vero qui Graccho aderant vociferantibus occidendum esse Tyrannum. Merito, inquit Scipio, qui patriam oppugnant, me prius volunt è medio sublatum: Neque enim Romam posse cadere, stante Scipione, neque Scipionem vivere, collapsa Roma. In hoc catalogo multa admixta sunt, quæ non sunt apophthegmata.

22. SCIPIO Africanus consulatum appetebat; c verum ubi sensit Pompejum amicum aliis favere candidatis, ipse à petitione destitit, dicens eum consulatum sibi non tam gloriæ futurum si adipisceretur, quam molestum & inauspicatum, si refragante Pompejo consequeretur. Maluit consulatum cedere, quam amicum perdere. Vide num hoc dictum sit de Scipione Africano, Metello, & Cn. Pompejo.

23. CUM in Africa Pompeji partes sequutus res parum prospere gessisset, & Hispaniam petens intellexisset navim qua veheretur ab hostibus captam, gladio præcordia sua transverberavit. Deinde Cæsarianis militibus

R 3

litibus

a Dux omnia facit. b Libere. c Moderate.

liibus quarentibus ubi est Imperator? *Imperator*, inquit, *bene habet*. Suprema vox, morientis declaravit animum meliore fortuna dignum. Et hoc dictum videtur de Scipione ultimo, cognomento Metello.

CÆCILIVS METELLVS.

1. CÆCILIVS Metellus, cum loco munito cogitaret admoveere exercitum, *a* ac centurio dixisset ipsi: Si decem modo hominum jacturam facere velis, capies locum. Interrogavit eum, num ipse de numero decem unus esse vellet. Hoc & alteri tribuitur.

2. TRIBUNO militum cuidam è junioribus percunctanti Metellum quid esset factururus: *b* *Si ejus rei*, inquit, *scirem mihi tunicam esse consciam, exutam in ignem conjecissem*.

3. CUM Scipioni viventi fuisset inimicus, *c* mortem tamen illius graviter tulit, jussitque filios ut subeuntes pheretrum funus Scipionis efferrent, addens, se Romanæ civitatis nomine gratiam habere Diis, quod Scipio apud alios non esset natus. Sentiens Romam non futuram fuisse incolumem, si talem Ducem habuissent hostes. Simultatem oportet morte finire, amicitiam non item.

C. M A R I U S.

4. C. MARIUS obscuro genere natus, *d* facinorum militarium commendatione ad Rempublicam accessit. Ac primum majorem petiit ædilitatem. Ubi sensit ea spe frustrari sese, eodem die minorem ambiit: & hac frustratus, haud tamen desperavit, se Romanæ civitatis primatem fore: docens quantum in rebus humanis valeat improbitas.

5. CUM in utroque cruce varices haberet, *e* nullis vinculis alligatus præbuit sese medico secandum, ac nec suspirio emisso nec adductis superciliis, chirurgi curationem pertulit. Cæterum cum medicus ad alterum crus transfret secandum, vetuit dicens, curationem non esse tanto dignam cruciatu.

6. LU-

a Argute. *b* Silentium Ducis. *c* Simultas à rogo dependenda. *d* Improbata cura. *e* Curatio morbo gravior.

6. **LUSIUS** Mario ex sorore nepos, cum Marius iterum consul esset, *a* vim admonuit militi cuidam adolescenti, nomine Trebonio: at is Lusium interfecit. Id factum multis inculantibus, non infitatus est adolescens se Ducem suum interfecisse, sed causam addidit ac probavit. Marius itaque cum jussisset adferri coronam, pro facinore in bello præclare gesto dari solitam, Trebonio imposuit: gravi exemplo monens ceteros, ne simili modo tentarent adolescentium pudicitiam, quando non solum absolvit, verum etiam coronavit eum, qui & Imperatoris cognatum & Ducem suum ferro necasset.

7. **CUM** castrametatus esset adversus Teutonas, in loco qui minimum habebat aquæ, militibus dicentibus se sitire, ostendit illis flumen proxime hostium vallum labens: *b Illinc*, inquit, *vobis potus sanguine venalis est.* At illi jusserunt, ut se quo vellet duceret, donec liquidum haberent sanguinem, nec totus adhuc præ siti dirigisset.

8. **MILLE** Camerinos, *c* qui se in bello adversus Cimbros, strenuos viros præstitissent, honore Romanis æquavit, idque præter omne jus. Ad eos vero qui factum hoc reprehendebat, respondit, se ob armorum strepitum legum vocem exaudire non potuisse.

9. **IN** bello civili cum fossâ cinctus obsideretur ab hostibus, continuavit sese, tempus expectans opportunum. Propedio autem Siloni dicenti: Si magnus es Imperator ô Mari, descende in conflictum: *d Immo tu*, inquit, *si magnus es Imperator, coge me nolentem ad certamen venire.*

CATULUS LUCTATIUS.

10. **CATULO** LUCTATIO in bello Cimbrico juxta flumen Athesim exercitum habente, *e* cum Romani viderent Barbaros transire conantes, retrocesserunt, quandoquidem illorum impetum sustinere non poterant: ipse celeriter ad fugientium primos contulit,

R 4

ut

a Severe & pudice. b Sitis. c Arma non audiunt leges.

d Retortum. e Callide.

ut non hostes fugere, sed Ducem sequi viderentur. Hoc strategema est, non apophthegma.

C. P O P I L I U S.

11. C. P O P I L I U S missus erat ad Antiochum Regem, epistolam ferens à senatu, & qua jubebatur, exercitum ex Ægypto abduceret, nec Ptolomæi filios orphanos regno spoliaret. Cum vero Rex illum per medium exercitum ad se accedentem procul humaniter salutasset, non resalutato Rege literas reddidit: quibus lectis cum Antiochus diceret se consultaturum, datumque responsum. Popilius virga quam tenebat, ducta linea cinxit Regem, dicens: *Heic igitur stans consulta & responde.* Omnibus viri spiritum admirantibus, postea quam Antiochus spopondisset se facturum quæ Romanis viderentur, ita demum salutavit illum & amplexus est Popilius.

L U C U L L U S.

12. L U C U L L U S cum in Armenia cum decem millibus armatorum, & mille equitibus adversus Tigranem tenderet, centum quinquaginta hominum millia habentem in exercitu, pridie nonas Octobris, quo die prius Scipionis copię delectæ fuerant, quodam admonente, quod Romani diem illum ut nefastum & inauspicatum metuerent: *b Ergo, inquit, hodie alacriter pugnemus, ut hunc quoque diem ex nefasto funestoque Romanis hilarem & auspicatum reddamus.*

13. A T cum Romani cataphractos præcipue formidarent, bono animo illos esse iussit: plus enim negotii futurum in spoliandis illis quam in vincendis. Significans plenam armaturam nihil profuturam hosti in pugna, cum esset ignavus, sed victori profuturam ad prædam. Cumque primus in collem ascendisset, speculatus hostium tumultus exclamavit: *c Vicinus commilitones:* simulque impetu facto in hostes, cum nemo irruentis impetum sustineret, quinque tantum Romanos qui ceciderant, amisit, hostium vero centum millia trucidavit.

14. L U

a Animose. b Superstitionis contemptus. c Fortiter.

14. LUCULLUS Imperator ad direptionem incitantibus, *a* dixit se malle unum militem Romanum ex hostium manibus eripere, quam universas hostium fortunas sibi vindicare.

15. ARCHELAO qui iterum à Mithridate defecerat, asseveranti, si in Ponto Lucullus conspiceretur, fore ut omnia subderentur Imperio Romano: respondit Lucullus: *b* Non cedo Archelae venatoribus audacia, ut relictis feris ad vacua illorum lustra progrediar. Jam enim Mithridates Pontum reliquerat.

16. ROMANI cum in pugna cum Tigrane, *c* hostium peditum centum millia trucidassent, paucis equitum fuga servatis, cum ex ipsis non amplius centum essent vulnerati, interfecti quinque, dicebant sese erubescere, quod in tam vilia mancipia strinxissent ferrum.

17. CUM oeconomus Lucullo cœnam modicam apparasset, accersitum objurgavit, illo dicente. Non putabam sumptuoso apparatu opus esse cum solus esset cœnaturus. *d* Quid au, inquit Lucullus, an ignorabas apud Lucillum hodie cœnaturum Lucillum?

18. CUM Græcos quosdam per dies aliquot magnifice tractasset, atque illi dicerent, se mirari quod tantum impendiorum sua causa faceret: *e* Nonnihil, *ô* hospites, vestra causa, sed maxima pars Luculli gratia.

S Y L L A.

19. SYLLA cognomento Felix, inter felicitates suas, duas præcipuas ducebat, alteram quod Pium Metellum haberet amicum, *f* alteram quod urbem Athenarum non subvertisset.

20. CUM Sylla defectus necessariis cogreretur etiam Diis dicata tangere, Caphin amicum Delphos miserat, ut pecunias ac donaria ad se perferret. Quibusdam vero dicentibus intra templum auditum citharæ sonitum, quod ostentum interpretabantur, quasi Apollo citharædus indignaretur, Caphis audita per-

R 5

scripsit

a Cura militis. *b* Animosè. *c* Hostis pudendus. *d* Splendide. *e* Splendide. *f* Felicitas.

scripsit Syllæ, cui facete rescripsit Sylla: *a* *Quin tu Calphi potius interpretaris istud esse signum gaudentis & exultantis Dei, quam indignantis? Itaque perinde ut Deo hilariter tribuente, tu quoque bono animo pecunias accipe.*

21. CUM ad sociale bellum magnis cum copiis missus esset circa Limernam, *b* è vasto terræ hiatu magnus ignis emicuit cujus flamma ad cœlum perveniens constitit. Id vates interpretati sunt quod vir bonus, ad spectu eximius & admirandus, principatum adeptus præsentibus turbis civitatem liberaturus esset. Hoc audito Sylla. *Ille, inquit, ego sum.* Nam illi erat peculiare, comam habere auream, ignique concolorem: nec se ait suæ virtutis pudere, qui res tam multas tamque præclaras gessisset.

22. CUM milites in bello sociali Albinum virum prætorium fustibus mactassent, *c* Sylla tam atrox facinus impunitum reliquit, dicens se illis posthac promprioribus usurum in præliis, dum peccatum fortiter gerendo rem studebunt pensare.

23. CUM Athenienses ad Syllam duos tresve mississent de pace tractaturos, atque illi nihil adferrent quod ad incolumitatem civitatis faceret, sed Theseum, Eumolpum, & res adversus Medos gestas verbis inanibus jactarent: *d* *Abite, inquit, ô beati, istasque orationes nobiscum referte: non enim discendi cupidus huc missus sum à populo Romano, sed ut rebelles subvertam.*

24. APRIL. Orchomenum cum milites longius evagarentur, ordinibusque perturbatis fugam caperent, Sylla ex equo defiliens, arrepto vexillo in hostem convolat, ita vociferans: *e* *Mihi quidem, ô Romani milites heic pulchrum est mori: vos interrogati quo loco Ducem vestrum amiseritis, meminertis dicere, apud Orchomenum.* Hac voce suos revocavit.

25. CUM Mithridates Syllæ processisset obviam, dextramque porrexisset, Sylla non resalutavit, sed perunctatus est, num à bello desisteret his conditionibus, quas cum Archelao pactus esset. Obticescente Mithridate.

a Ostentum commode interpretatum. *b* Fiducia sui.

c Scelerosissimi. *d* Militariter. *e* Animosè.

date. *a* Quibus pace opus est, inquit Sylla, eos priores loqui. convenit, victori silere satis est. Rursus cum Mithridates variis coloribus excusaret quæ gesta fuerant. Olim, inquit, audi vi, nunc experior te singulari eloquentia præditum, qui tam nefariis factis colorem invenire potueris.

26. L U C I U S Sylla cognomento Felix, cum cogitaret de occidento C. Cæsare, amicis ne id faceret dehortantibus, indignum enim esse talem necare puerum: *b* Decipitis, inquit, si in hoc puero non videtis multos inesse Marios. Deprehendit in eo excelsam indolem nullis honoribus satiandam, ut qui vixdum pubescens sacerdotium ambierit. Idem populum Romanum subinde monere solet, caverunt puerum male præcinctum.

M. A N T O N I U S.

1. M. A N T O N I U S filium habebat ex Fulvia. Is puer Philotæ dederat ingentem vasorum vim: quæ cum ille recusaret accipere, *c* metuens ne pater tantam filii liberalitatem non probaret. Quid times, inquit, puer, accipere? An nescis eum qui dat, filium esse Antonii?

2. I P S E Antonius cum esset prodigiose profusus, dicere solet: *d* Amplitudinem Imperii Romani non per ea quæ acciperet, sed per ea quæ daret illustrari. Ea vox excelsi animi videri poterat, nisi ab Antonio fuisset profecta.

3. G E M I N I U S in Græciam profectus ad Antonium, quoniam suspectus erat Cleopatæ, quod eo venisset Octaviæ causam acturus, diu repulsus ac variis modis delusus, tandem in convivio iussus causam adventus dicere, ita respondit: *e* Cætera, inquit, Antoni, sobria sunt orationis, nec hujus temporis, verum illud unum & sobrius & ebrius scio, bene successura omnia si Cleopatra remittatur in Ægyptum. Moxque Romam se recepit, metuens sibi ab Antonio. Nam Cleopatra in convivio gratias egit, quod rem aperte dixisset, nulla usus circuitione. At sic agere gratias, erat minari malum. Sciebat Geminius quam esset illis invisa veritas.

4. C U M Antonius appareret classe cum Cæsare con-

R 6

fuge.

a Victor ferrox. *b* Providentia. *c* Filius patri similis.

d Liberalitas. *e* Libere.

figere, *a* quidam tribunus militum vir fortis, & armis exercitatus Antonio prætereunti corpus suum multis cicatricibus insignitum ostendit, dicens, ô Imperator, cur his vulneribus aut huic gladio parum fidis, in lignis fragilibus spem reponis? Sine Phœnices & Ægypti classe pugnent, nobis Romanis terram da, in qua consuevimus vel hostem vincere, vel mortem oppetere.

5. CLEOPATRA metuens Antonii sævitiam confugit in monumentum demissis cataractis, misitque qui dicerent, illam spontanea morte perisse. Id credens Antonius, & ipse sibi parans adferre vim, dixit. *b* ô Cleopatra, non doleo quod te caream, nam mox una futuri sumus, sed quod ego tantus Imperator fortitudine victus sum à femina. Victum se putabat, quod illa prior spontaneæ mortis gloriam occupasset.

6. CUM Augustus eam inviseret, exigeretque ab illa rationes, Selencus unus è procuratoribus ipsius indicavit aliquid esse subtractum ab ipsa. Illa in procuratorem insiliit, & arrepto hominis crine crebris ictibus pulsavit os. Hæc cum Augustus ridens conatus esset inhibere, illa: *c* An non, inquit, permolestum est, ô Cæsar, cum tu me digneris invisere, servos meos hieram incusare, quod nonnihil muliebrium ornamentorum subtraxerim, non ea quidem mihi, sed ut Octaviæ & Liviæ munuscula dem? Hoc commento persuasit Cæsari se de vita cogitare, cum mori decrevisset.

C A S S I U S.

7. CASSIUS etiamnum puer, Faustum Syllæ filium, inter æquales de patris Monarchia gloriantem non tulit, sed colaphos impegit. Ejus rei cognitionem cum Pompejus ad se recepisset, accitis ambobus pueris, Cassius ausus est dicere: *d* Eja Fauste, aude rursus coram hoc ea verba proferre, quibus irritatus in te fui, ut iterum, tibi percellam os. Inerat Cassio nativum quoddam odium Tyrannidis, ut jam tum appareret illi non defuturum animum ad interficiendum Cæsarem.

8. I D E M.

a In terrestri prælio apparet virtus. *b* Mors spontanea.

c Callide. *d* Indoles in puero mira.

8. IDEM cum Rhodum insulam vi cepisset, & in ingressu salutaretur Rex atque Dominus: *a Nec Rex sum, inquit, nec Dominus, sed Regis ac Domini interfector.*

M. C R A S S U S.

1. M. C R A S S U S ille dives, *b* magnam servorum turbam domi alebat, quorum præcipuam agebat curam, discentibus adstans, interdum & ipse docens eos; dicens hanc oportere præcipuam esse patrisfamilias sollicitudinem, quod sint rei familiaris animata instrumenta. Idem sensit Aristoteles.

2. H Æ C vox probata est, *c* sed illa damnata, quod negabat quenquam pro divite habendum, qui non posset privatis facultatibus legionem alere.

3. Æ G R E ferens Pompejo Magni cognomen delatum, decretumque triumphum, Romano cuiquam dicenti. Jam aderit Pompejus Magnus: *d Quantus tandem?* inquit: sentiens illum corpore ceteris parem, animo nihilo majorem.

4. C U M Pompejus & Crassus in consulatu collegæ decessuri essent Magistratu, Cneus Aurelius quidam subito in forum procurrens clamavit sibi visum in somnis Jovem jussisse, ne prius se Magistratu abdicarent, quam in gratiam redissent. Idem flagitante populo Pompejus nihil motus est, at Crassus surgens ultro collegæ dextram porrexit, dicens: *e Nihil, o Quirites, me indignum facturus mihi videor, si prior cum Pompejo in gratiam rediero, quem vos etiamnum impuberem Magnum cognominastis, cuique prius triumphum decrevistis, quam in Senatum allectus esset.*

5. I N Parthos proficiscens cum Deiotarum extremæ jam senectutis, novam urbem condere videretur. *f Quid est,* inquit, o Rex hoc rei, quod cum hora diei jam adsit duodecima, novam urbem exstruere institueris? Ad hæc attidens Deiotarus. Immo quid tibi in mentem venit Imperator, ut cum haudquaquam sis, ut videtur,

R 7

ma-

a Tyrannidis osor. b. Servorum cura. c Divitiarum modica. d Invidia elevat. e Reconciliatio. f Senex ædificator.

matutinus, tamen in Parthos cum exercitu properes? Nam id temporis Crassus sexagesimum agebat annum. Hora quæ nobis duodecima est in meridie, olim erat extrema diei.

6. CUM Parthi per legatos denuntiassent, ut suæ ætati consulens à bello abstinere, insolenter respondit: *a In Seleucia istis mandatis responsum dabimus.* Hic Agissis legatorum unus sublata manu mediam palmam ostendens, Prius, inquit, in hac manu nascentur setæ quam tibi Seleuciam conspiciendi sit futura potestas.

7. CONFLICTURO tum Parthis exta è manibus deciderunt: hoc cæteris ut inauspicatum ostentum interpretantibus, ac prælium dissuadentibus: *b Huiusmodi,* inquit, *incommoda, multa nobis senectus adfert. At arma mihi nunquam è manibus ceciderunt.*

8. CUM Publius Crassi filius fortissimè in bello & pugnasset & cecidisset, hostes caput juvenis hastæ impositum gestantes proxime ad Romanos accedebant, insultantes rogantesque quo genere juvenis ille fuisset ortus, neque enim fieri posse, ut ex patre tam ignavo & imbelli talis filius nasci posset. Hoc tam tristi spectaculo nihil commotus Crassus, per omnes ordines concionatus est clamans: *c Meus hic privatus dolor est Romani, mea hac calamitas, meus hic peculiaris luctus, cæterum publica civitatis salus & gloria in vestra incolumitate vestraque virtute sita est.*

9. MARCELLO ac Domitio Pompejum in Senatu rogantibus, num proximis comitiis petiturus esset consulatum. *d Forte,* inquit, *petam, forte non petam.* Rursus idem percunctantibus. *A bonis,* inquit, *civibus petam, à malis nequaquam.* Cum hæc responsa ut ambigua ac superba multos offenderent, Crassus idem percunctantibus respondit. *Si è Republica fore judicavero, petam: sin minus, à petendo abstinebo.*

S E R T O R I U S.

10. SERTORIUS cum Pompei milites varie dispulso superasset multis occisis, audivissetque adventare Me-

a. Militaria. b Senex bellator. c Fortiter. d Ingenue.

Metellum cum aliis copiis, diremit prælium, revocatisque suis dixit : *a* Ego puerum hunc nisi supervenisset anus illa, verberibus castigatum domum remissem : Pompejum pueri nomine signans, Metellum vetulum anus.

11. I D E M sæpe victor ad Pompejum Metellumque misit, offerens se paratum redire in urbem si sibi permitteretur : *b* dixitque malle se Romæ ignobilissimum civem, quam exulem omnium aliarum civitatum Imperatorem nominari.

12. A D M O N E R E solet suos ne quid in convivio, & præter decorum vel fieret vel diceretur, præsertim à jurgiis & obscœnitate temperare. Nec ipse quidquam tale sustinebat vel audire, vel videre.

M. B R U T U S.

1. M. B R U T U S rebus in summam desperationem addactis, *d* cum è Ducibus atque amicis paucos apud se haberet, sublati oculis in cœlum stellis plenum, dixit hunc versiculum Græcum è tragœdia quapiam.

Ζῶ μὴ λάθοι σὲ πῶντ' ὅς αὖτις κακῶν.

Id est :

Ne te latuerit, ô supreme Jupiter,

Horum malorum quisquis auctor exstitit.

Velut imprecans Cæsari vindictam à Diis. Volumnius narrat illum & alterum dixisse carmen, sed negat se meminisse.

2. Q U O D A M ex his qui aderant præcipue monente ut illinc fugeret Brutus : *e* *Prorsus*, inquit, *fugiendum*, sed *manibus*, non *pedibus* : significans morte spontanea vitandam Cæsarianorum tyrannidem.

3. C U M inter conjuratos deliberaretur, *f* an una cum Cæsare occidendus esset Antonius, Brutus dissuasit, dicens, hoc negotium quod pro legibus ac jure susciperetur, oportere omni catere injuria. Noluit vir optimus cædem in plureis proferri. At hæc clementia male cessit illis.

4. U L.

a *Vetulus Dux.* *b* *Patria dulcis.* *c* *Convivia pudica.* *d* *Ultio Deorum.* *e* *Mors designata.* *f* *Clementer.*

4. ULTIMUM praelium initurus, dehortantibus quibusdam ne se tanto discrimini committeret. *a* *Hodie*, inquit, *aut recte erit; aut nihil curabo*. Significans se aut victorem fore aut non victurum. Moirs autem adimit omnium malorum sensum.

5. Hujus *b* uxor Portia Catonis filia, postea quam sensit conspiratum de Casare interficiendo, ea nocte quæ præcessit diem in quo Cæsar occisus est, egresso cubiculum Bruto, cultellum tonsorium velut unguium ressecandorum gratia poposcit, coque quasi forte de manibus elapso seipsam graviter vulneravit. Mox Brutus clamore ancillarum in cubiculum revocatus, objurgare eam cœpit, quod tonsoris præripuisset officium. Heic illa clam marito. Noc hoc, inquit, temere feci: nam experiri volui, si quod constitutum est, parum cessaret ex sententia, quam æquo animo me ferro sim peremptura.

6. IDEM dixit, sibi videri eum ætatis florem male collocasse qui nihil negaret. Inutilis est verecundia, quæ obstat quo minus negemus obsequium ad inhonestam vocanti.

a *Aut vincere aut mori.* *b* *Fides uxoria.*



APOPHTHEGMATA VARIE MISTORUM.

LIBER V I.



N his quæ sequuntur, clarissime adolescens, miraberis quædam dicta, nec Scythiæ nec Cyclopibus digna: sed memento tum exceptis aliquot non homines, sed mera portenta, rerum summam tenuisse, siue quod tales militum temeritas adscisceret, siue quod immodica potestas, nisi adsit animus Philosophiæ præsidii diligenter præmunitus, tales reddat. Quanquam & ab illis prodigiose malis quædam dicta gesta que sunt non indigna imitatione. Postremo turpitudinis alienæ species velut in theatrum producta, deterret à vitiis, & ad virtutis studium exstimulat ingenia non omnino deplorata. Hunc igitur postremum librum puta esse mentis secundæ bel-laria, in quibus quædam apponuntur ut tollas, quædam ut gustes, nonnulla ut spectes tantum. Malo enim te suaviter affectum, quam saturum onustumque dimittere. Quod si quædam apponentur levia ridicula-que mimorum, coquorum, equisonum, scurrarum ac meretricum, decet omne convivium hilaritas: sed præcipue mensas secundas. Quanquam & à levissimis personis nonnunquam dicuntur, quæ nemo sapiens contemnat. Nec ignoras, olim moriones, saltatriculas, & simios sub convivii finem induci solere. Non laboro si adsit hilaritas, modo absit omnis obscœnitas. Fortassis existet qui desideret ordinem, & hoc & si quid aliud videbitur reprehensione dignum, excusabit secundarum mensarum libertas.

TIBERIUS CÆSAR.

I. TIBERIO Cæsari cunctanter & ægre susci-
pienti

pienti delatum Imperium, *a* quidam in os ausus est dicere. Cæteri quod pollicentur, tarde præstant: tu quod præstas, tarde polliceris. Notata est illius simulata cunctatio, detrectantis quod cupiebat.

2. CUIDAM à quo fuerat Dominus appellatus, denuntiavit, *b* ne se amplius contumeliæ causâ nominaret. Quanta modestia in tanto Principe? Nunc quidam nihil audire possunt, nisi sacras majestates, gratiosas celsitudines, & reverendissimas dominationes.

3. IDEM dicentem, sacras tuas occupationes interpellavit, *c* iussitque non sacras dicere, sed laboriosas. Rursum alterum dicentem, se ipso auctore adisse Senatum, correxit, auctore mutans in suasore.

4. CUM jocis, convitiis, famosis criminibus ac rumoribus frequenter impeteretur, amicis ad ultionem hortantibus respondit. *d* In civitate libera linguam mentemque liberas esse debere.

5. QUIN & Senatu de hujusmodi criminibus ac reis flagitante: *e* Non tantum, inquit, habemus otii, ut implicare nos pluribus negotiis debeamus. Si hanc fenestram aperueritis, nihil aliud agi finetis.

6. DIOGENES grammaticus sabbatis Rhodi disputare solitus. *f* Tiberium ad se venientem ut ipsum extra ordinem audiret, non admisit, sed per servulum suum in septimum distulit diem. Is cum Romam venisset, & pro Cæsaris foribus adstaret, cupiens illum salutare, Tiberius iussit ut post septimum annum rediret. Nec alia pœna tantam grammatici superbiam ultus est.

7. PRÆSIDIBUS onerandas tributo provincias suadentibus scripsit: *g* Boni pastoris esse tendere pecus, non deglubere: hoc est, lanam non pellem detrahere.

8. QUONIAM tyro in castris avidius bibebat vinum, *h* militari joco pro Tiberio, Claudio, Nerone, dictus est, Biberius, Caldus, Mero.

9. THEODORUS Gandareus Tiberii in rhetoricis præ-

a Libere. *b* Modeste. *c* Modeste. *d* Leniter. *e* Leniter. *f* Civilis ultio. *g* Exactio moderata. *h* Jecus ex depravatione.

præceptor, *a* animadvertens in puero sanguinarium ingenium sub specie lenitatis latitans, subinde inter ob-
jurgandum appellavit illum *πηλὸν αἷματι συμπεφυ-
μένον*, id est, lutum sanguine maceratum. Hic initio
principatus miram lenitatem præ se tulit, sed progressu
temporis ad immanem crudelitatem devenit.

10. CUM audisset quendam è reis nomine Carvi-
lium sibi mortem conscisse prius quam esset damnatus,
exclamavit: *b* *Carvilius me evasit*. Adeo leve suppli-
cium esse judicabat mortem.

11. CUM custodias recognoscentem quidam roga-
ret ut supplicium maturaret, respondit: *c* *Nondum te-
cum redii in gratiam*. Humanitatis officium ducens, si
damnatum cito occidisset.

12. TIBERIUS perspecto Caligulae ingenio, *d* fe-
ro ac malefico, subinde prædicabat, se natricem Reipu-
blicæ & Phaëtonem orbi terrarum educare. Natrix ser-
pentis genus est.

13. TIBERIUS Cæsar & illud dixisse fertur,
e cum hominem sibi videri ridiculum, qui sexagesi-
mum prætergressus annum, manum porrigeret Medico.
Sentiens hominem tam grandem, oportere jam scire
quo modo sibi mederi debeat. Porriguat manum Me-
dico, qui consulunt illum, explorantem pulsus ve-
narum.

C. C A L I G U L A.

1. COMMENTARIOS ad matris fratrumque
suorum calumnias pertinentes, *f* ne cui postmodum
delatori testive maneret ullus metus, convectos in fo-
rum, & ante clare testatus Deos, neque legisse se neque
attigisse quidquam, concremavit. Quin & libellum de
sua salute oblatum non recepit, contendens sibi nihil
admissum cur cuiquam invisus esset. Negavit se delato-
ribus aures habere. Hæc boni Principis videri poterant,
nisi fingerentur.

2. CUM audiret, forte Reges qui officii causa in
urbem

a *Crudelitas testis*. *b* *Crudelitas*. *c* *Crudeliter*. *d* *In-
dolens malefica*. *e* *Medicina*. *f* *Surdus delatori*.

urbem advenerant, inter se super cœnam de nobilitate generis concertantes, exclamavit Caligula: *a De Cælo venit nobis Rex: & adjecit carmen Homericum:*

Εἰς κοίτην ἐξω εἰς βασιλίδις.

Id est:

Unus Dominus sit, unus Rex.

Nec multum abfuit, quin statim diadema sumeret, speciemque principatus in regni formam converteret.

3. **L I V I A M** Augustam proaviam suam appellare consuevit: *b Ulysses stolatum, vafriciem ac fraudulentiam illius notans, hoc tantum interesse, quod ut fœmina stolam gestaret.*

4. **D I C E B A T** se nihil magis in sua natura probare, quam *ἀνδραφεισίαν*, hoc est, inverecundiam: *c* Pudor enim ut multis ad honestas actiones obstat, ita nonnunquam improbæ mentis homines à turpibus revocat. Vox carnifice quam Imperatore dignior.

5. **A N T O N I Æ** aviæ pro sua auctoritate monenti ut quædam secus ageret: *d Memento, ait, mihi omnia in omnes licere.* Talia portenta tum Principum titulo pertulit mundus: quæ non commemorarem, nisi ut ex his Principibus prodigiosæ feritatis horror incutiatur.

6. **C U M** destinasset interficere fratrem suum, eumque suspicaretur sese medicamentis præmunire, ita locutus est: *e Antidotum adversus Cæsarem?* Timebat ille venenum, quasi Cæsar non posset alio quovis modo trucidare, quem vellet extinctum.

7. **V I R** quidam prætorius valetudinis causa secesserat in Anticyram petito à Cæsare comœatu. *f* Is cum sæpius peteret prorogari comœatum, mandavit interfici, & adjecit, necessariam sanguinis esse missionem, cui tamdiu non profuisset helleborum. Solent enim Medici in morbis validioribus venarum incisione uti. Et in Anticyram navigabant quibus opus erat purgatione.

8. **I L.**

a Tyrannica vox. b Versutia. c Imprudentia.

d Vox Tyrannica. e Crudeliter & impie. f Crudeliter.

8. ILLUD è tragicœdia subinde jactabat. *a* Oderint dum metuant. Hanc ne quis miretur, ejusdem vox fuit : Utinam populus Romanus unicam cervicem haberet. Hanc emisit infensus turbæ faventi Venetæ aurigarum factio- ni, cum ipse faveret Prasinæ.

9. LUXU prodigioso utens, ut calidis frigidisque unguentis lavaretur, pretiosissimas margaritas aceto li- quefactas sorberet, convivis ex auro pates & obsonia apponeret. nummos non mediocris summæ è fastigio basilicæ Juliæ per aliquot dies spargeret in plebem. Li- burnicas naves gemmatis puppibus, versiculoribus velis fabricaretur, subinde dicebat : *b* Aut frugi hominem esse oportere, aut Cæsarem.

10. IN auctione Apronius quidam vir prætorius dor- mitans capitis motu nutabat. *c* Id animadvertens Cali- gula, præconem admonuit ne illum sibi nutantem præ- teriret, ne hoc monere desist, donec ignorantibus tredecim gladiatores sestertium nonagies addicerentur.

11. ALEAM ludens, plus mendacio, *d* atque etiam perjurio lucrabatur : & quodam tempore proxi- mo collusori demandata vice sua, progressus in atrium domus, cum prætereuntes duos equites Romanos locu- pletes, sine mora corripere confiscarique jussisset, exulta- bundus in domum rediit, glorians se nunquam prospe- riore alea usum.

CLAUDIUS CÆSAR.

12. GRÆCULUS quidam causam agens apud Claudium Cæsarem, *e* inter altercandum per calorem hanc vocem in illum emisit, *κὶ σὺ γέρον ἐὶ καὶ μωρὸς*, id est, *et tu senex es et stultus*. Usque eo summa potestas ob stultitiam & passim, & propalam evulnerat, ut hæc in os dixerit, non senator, sed ignotus Græculus, & dixerit impune.

13. CUM censor equites recognosceret, & in his reperisset juvenem probri coopertum, sed quem pater probissimum affirmabat, sine ignominia dimisit. Id

amicis

a Hostis populi. *b* Profusio. *c* Focus insanus. *d* Ra-
pacitas. *e* Libere.

amicis mirantibus : *a* Habet , inquit , censorem suum .
Auctoritatem suam in parentem transtulit .

14. ALIUM corruptelis adulteriisque famosum nihil aliud quam monuit , ut aut paucius ætaturæ indulgeret , aut certe cautius , addiditque : *b* Quare enim ego scio quam habeas amicum ? ô censorem gravem .

15. NARCISsum ab epistolis , & Pallantem à rationibus sic adamavit , ut eos non solum amplissimis præmiis , *c* verum etiam quæstoriis prætorisque ornamentis decreto senatus ornari libenter passus sit : ad hæc tantum rapere & acquirere , ut illi querenti de fisci exiguitate quidam non absurde dixerit . Abundaturum fiscum , si à duobus libertis in consortium reciperetur . Hos Plinius fatetur & Crasso fuisse ditiores .

16. CUM cuidam notam oppositam deprecantibus familiaribus , ademisset : *d* Litura tamen , inquit , exstat . Sentiens etiam remissa culpa manere tamen infamiæ prioris vestigium . Alludens ad scripturam , quæ licet spongia deleatur , aut graphio radatur , relinquitur tamen lituræ rasuræque vestigium .

17. HIC temulentus aliquando dixit , sibi fatale esse ut conjugum flagitia ferret , deinde puniret . *e* Ea vox terrorem non mediocrem iniecit Agrippinæ .

S E X T U S N E R O .

1. IN Cn. Domitium Sexti Neronis atavum , *f* cui cognomen fuit Ænobardo , L. Crassus orator dicebat , non esse mirandum quod æneam haberet barbam , cui os ferreum , cor plumbeum esset . Os ferreum obiciens propter summam impudentiam , cor plumbeum ob ingenii stuporem . Quidam illum pro Nerone Ænobardum appellarunt , atque hoc erat unum è duobus convitiis quæ indignissime tulit : alterum erat , quod increpitus esset malus citharædus .

2. CUM ex more cuiusdam capite damnati causæ subscripturus esset Sextus Nero . *g* Utinam , inquit , *literas*

a Pater iudex . *b* Lenitas prava . *c* Peculatus dissimulatus . *d* Infamia non deletur . *e* Ebrietas loquax .
f Focus ex nomine . *g* Clementer .

teras nescirem. Vox parcimoniam humani sanguinis promittens, si ex animo prodisset. Seneca lib. De clementia 2. refert fuisse Burrum cohortium præfectum, qui cum esset animadversurus in duos, petiit ut Nero subscriberet, qui cum cunctaretur & recrastinaret, Burrus instans protulit chartam: tum Nero: *Vellem*, inquit, *nescire literas.* At hæc indoles clementiam pollicens, in prodigiosam crudelitatem evasit.

3. P U E R U M Sporum exsectis testibus in muliebrem naturam transfigurare conatus est. Addita dos, additum flammeum, addita celeberrima nuptiarum solennitas. Quid multis? palam pro uxore habuit. Hinc fertur cujusdam non inscitus jocus. Bene agi potuisse cum rebus humanis, si Domitius Neronis pater talem habuisset uxorem. Sentiens exitio totius orbis natum Neronem. Is nunquam fuisset natus, si pater Spori similem habuisset vice conjugis.

4. N U N Q U A M cuiquam officium delegavit, nisi hæc adjiceret: *a Scis quibus mihi est opus, & hoc agamus, ne quis quid habeat.* Vox prædone quam Principe dignior.

5. Q U O D A M in colloquio proferente Græcum versiculum:

Ἐμὲ θανόντος γαῖα μυχθεῖτο πύρι.

Id est:

Me mortuo terra misceatur incendio.

Subjecit: *b Immo, ἐμὲ καὶ ζῶντος, id est, me etiam vivo.* Quibus portentis aliquando committitur Respublica?

6. C M M nihil flagitiorum sibi non permetteret, *c* elatus tanto rerum successu, dicebat neminem Principum ante ipsum scisse quid sibi liceret. Verum qui hoc dixit, sensit tandem quid vicissim liceat populo in malum Principem.

7. C U M incendiasset urbem, spectabat, dicens se flammæ pulchritudine delectari, atque interim suam canebat Halosin, hoc est Trojanæ urbis excidium, quod descripserat.

8. I S I D O R U S Cynicus transeuntem in publico
clara
a Rapacitas. b Crudeliter. c Licentia Principis.

clara voce corripuit, *a* quod Naupli mala bene cantaret, sua bona male disponderet. Nauplius erat Palamedis pater, qui filii præter meritum damnati necem magno Græcorum exitio est ultus. Solet autem Nero tragœdias cantare.

9. NOTATUS est & à Dato Attellanarum histrione, qui recitans canticum quoddam, ὕμνευε πατέρ, ὕμνευε μήτερ, *b* ita demonstravit, ut bibentem natan-temque faceret, exitium C. Claudii & Agrippinæ significans. Nam Nero C. Claudium veneno sustulit, Agrippinam naufragio. Et in clausula cantici recitans, Orcus vobis ducit pedes, gestu senatum notavit histrio, subindicans illis a Nerone imminere perniciem.

10. A MATHEMATICIS audierat fore, ut aliquando deiceretur Imperio, eoque Græcum Iambicum dimetrum identidem usurpabat: τὸ τέχνην πᾶσα γῆ τέλει. Id est: Terra quævis artem alit. Putans se tantum profecisse in arte canendi, ut etiam si exigeretur, in quavis regione ob Musices peritiam posset haberi in pretio. Cumque imminentibus qui illum insequerentur de salute desperans, cogitaret sibi vim adferre, subinde dicebat: *Quantus artifex perco.*

11. QUONDAM theatro clam illatus, *c* Scenico cuidam populo placenti invidit, eique nuntium misit qui diceret, illum abuti Cæsaris occupationibus.

12. QUONDAM ex annonæ caritate quidam distescebant aulici, *d* multum & hinc invidiæ Neroni conflatum est: Cum forte accidisset, ut in publica fame diceretur Alexandrina navis appulisse, jactatum est illam advexisse pulverem luctatoribus aulicis. Quo dicto simul notatum est, in Cæsare rerum scenicarum studium, & monopolia quorundam per Cæsaris favorem publico damno lucrantium.

13. STATUÆ ejus à vertice currus appositus est cum inscriptione Græca. *e* Nunc demum agon est, trahetandem. Notatum est in Cæsare aurigandi studium, simulque denuntiatum periculum.

14. AL-

a Libere. b Libere. c Scenicus Principis. d Monopolia facta. e Princeps auriga.

14. ALTERI cuidam statuae & ascopera alligata est cum hoc titulo. *a* Ego quid potui? Sed tu culleum meruisti. Solent olim parricidæ culleo insui, & Nero matrem occiderat. Culleus itaque sese excusans dicit. Ego quid potui? paratus si quis te insuat: sed si ve insuaris, si ve non, tu tamen culleum meruisti. Potest hoc & ad Reipublicæ personam accommodari.

15. COLUMNIS statuarum illud adscriptum est, *b* Galli te cantando excitarunt. Indignissime tulerat Galliarum defectionem, proinde decreverat Gallos omnes Romæ agentes contrucidare, provinciamque exercitui diripiendam tradere.

16. NOCTU quidam simulabant se sævire in servos, *c* petebantque vindicem. Vindex autem erat defectionis in Neronem Dux. Et hoc joco notabatur jam non ferenda Cæsaris Tyrannis.

17. CUM ex oratione Neronis qua in Vindicem perorabat, recitaretur in senatu, daturus poenas sceleratos, ac brevi dignum exitium facturos, exclamatum est ab universis: *d* Tu facies Auguste. Quæ vox bifariam potest accipi. Tu facies ut dent poenas, aut tu dabis poenas.

18. IN Oedipode fabula, *e* quam Nero novissimam recitavit, in versu decidisse legitur:

Θάψεν μὲ ἄνωγε σύλγῃ μὲντήρ, πατήρ.

Id est:

Fussit mori me mater, & pater.

Nam & Oedipus patrem occiderat insciens, matrem uxorem duxerat. Ita Nero sciens Claudium patrem occiderat, matrem constupratam interfecerat, & Octaviam uxorem indignis tractarat modis.

19. DESPERATIS rebus noctu adiit hospitium singulorum de fuga consulturus: cum fores omnium oclusas reperisset, reversus in cubiculum comperit & custodes diffugisse direptis etiam stragulis, & amota veneni pyxide, quam in extremum casum paraverat: mox Mirmillonem nomine Spiculum requisivit, vel alium

S

quem-

a Parricidium exprobratum. *b* Salse. *c* Salse. *d* Ambigue dictum. *e* Omen exitii.

quemlibet, cujus manu periret: ac nemine reperto:
a Ergo ego, inquit, nec amicum habeo, nec inimicum?
 Decretum erat eam belluam publico orbis odio immolare.

20. IN fuga cum Phaon libertus hortaretur, *b ut* in specum egesta harena conderetur, negavit se vivum sub terram iturum.

21. A QUAM è lacuna villæ cuidam subjecta potaturus manu hausit: *c Et hic est, inquit, Neronis decocta.* Nam repererat ut aqua decocta gratiam haberet crudæ, immissa in poculum nive.

22. UBI sensit equites appropinquare, quibus mandatum erat ut illum vivum attraherent, versum Homericum protulit:

Ἰππῶν ἀνυπόδων ἀμφὶ κλύπος ἔατα βάλλει.

Id est:

Simulque ferrum jugulo adegit.

23. INGRESSUS Centurio cum semianimem reperisset, & penula ad vulnus apposita simularet se venisse in auxilium, nil aliud respondit quam, *d Sero, & Hæc est fides.* Serino ambiguus est: potest intelligi sero venisse, qui jam ad morientem venerat: & sero venit, qui in hoc venit ut vivum attraheret. Item hæc est fides, potest esse expostulantis de fide amicorum. At Nero sensit, se nihil illius verbis credere, ejusque rei argumentum esse vulnus in jugulo lethale.

24. CUM genethliaci Chaldæi Agrippinæ matri Neronis respondissent, imperaturum quidem filium, sed occisurum matrem: *e Occidat, inquit, modo imperet.* Tam impotens erat in foemina dominandi sitis, & habuit quod optavit.

25. EADEM cum jussu Neronis occideretur, ac Centurio ferrum in mortem distringeret, ventrem ostendens clamabat: *f Hunc percute, hic est ferro fodiendus, qui portentum illud genuit.*

26. NERO in magna erat invidia, quod Burrum

Prin-

a Destitutus undique. b Sepultura vivi. c Deliciæ versa in amatorem. d Neronis extremæ voces. e Ambitio. f Fertiter.

Principem virum crederetur occidisse, veneno faucibus illito, quasi remedium adhiberetur. Ad hunc cum Nero visendi gratia venisset, averfatus est illum Burrus cui scelus jam erat intellectum, multaque percunctanti nihil aliud respondit quam: *a Ego bene me habeo.* Mira etiam in moriente lenitas.

27. I D E M in Claudii stultitiam subinde jocabatur productione syllabæ, cum diceret: *b Postea quam defuit inter vivos morari*, prima syllaba producta. Moros enim Græce fatuum sonat, inde finxit morari pro stultum agere, quemadmodum nos à Poëta poëtari, à juvene juvenari.

28. S U N T qui putent hoc clam & inscio etiam Seneca fuisse decretum, *c* ut occiso Nerone occideretur & Piso, mox Imperium Senecæ deferretur. Interea vulgabantur verba Flavii, qui dixerat. Ad dedecus nihil referre si citharædus dimoveretur, & tragoædus succederet. Nero cithara, Piso tragico ornatu canebat. Sensit utrumque pariter indignum Imperio.

29. C U M de conjuratis agerentur quæstiones, *d* Subrius Flavius tribunus interrogatus à Nerone, quibus causis adductus ad oblivionem sacramenti processisset. Oderam te, inquit, nec quisquam tibi fidelior militum fuit dum amari meruisti: odisse cœpi, postquam paricida matris & uxoris, auriga & histrio & incendiarius exstitisti. Negant in ea conjuratione quid quam accidisse Neroni gravius, qui ut ad patranda facinora promptus erat, ita audiendi quæ patraret insolens.

30. E O D E M tempore Sulpitius Asper Centurio percunctanti Neroni cur in eadem suam conspirasset. *e* Non aliter, inquit, tot flagitiis tuis subveniri poterat.

31. V E S T I N U S consul, cum eodem die omnia munia consularia obisset, *f* è convivio repente ad mortem raptus est. Convivæ nihil aliud quam exitium expectabant. Horum pavorem irridens Nero, dixit illos satis supplicii luisse pro epulis consularibus. Dicas

S 2

hoc

a Leviter. b Focus in mortuum. c Salse. d Libere.

e Libere. f Focus crudelis.

hoc à Clemente dictum, si cætera Neronis facinora spectes.

32. NERO matrem occiderat, unde Africanus quidam ita consolatus est hominem. Orant te Cæsar Galliæ tuæ, ut felicitatem tuam fortiter feras.

O T H O.

1. OTHO Sylvius Imperator, cum in augurando tempestas esset orta, atque ipse graviter prolapsus, identidem obmurmurasse dicitur, *α τί μοι ἐν μακροῖς αὐλοῖς*, id est, *quid mihi cum longis tibiis?* sentiens se frustra sacrificiis & piaculis conari placare manes Galbæ. Sed de hoc plura nobis dicta sunt in Chiliadibus.

2. IDEM ubi jam mori destinasset, sensit eos qui ab ipso deficere & abire cœptabant, pro desertoribus corripere ac detineri: vetuit ne cuiquam fieret injuria dicens: *β Adjiciamus vitæ & hanc noctem*, & in profundam vesperam usque patente cubiculo, si quis adire vellet, potestatem sui conveniendi fecit.

3. MULTIS Othonem rogantibus, *γ* ne deposito Imperio exercitum ac Rempublicam defereret, quidam è gregariis militibus sublato ense dixit, Scito Cæsar sic pro te omnes animatos esse, moxque se ipsum jugulavit.

4. OTHO jam destinata morte Coccejum fratris filium ad se vocatum sic adhortatus est extremis verbis: *δ Οἱ filii habuisse te patrum Cæsarem, nec prorsus obliviscaris; nec admodum memineris.* Noluit illum prorsus oblivisci, ne defereret curam suorum: rursus noluit valde meminisse, ne mortem patrui ulcisceretur.

VESPASIANUS Pater.

1. FLAVIO Vespasiano cum adolescens quidam gratias ageret pro impetrata præfectura, quoniam unguento fragabat, & nutu contemptus est, & graviter increpitus: *ε Μάλlem*, inquit Vespasianus, *ἄλλium ὀβολῖσσεσ*: mox & literas concessas revocavit.

2. DE

α Omen exitii. β Mors destinata. γ Fides in milite.

δ Moderate. ε Unguentum olere.

2. D E jurgio quodam inter senatorem & equitem Romanum ita pronuntiavit, *a* ut diceret non oportere maledici senatoribus, remaledici civile fasque esse. Prærogativam enim dignitatis ipse sibi ademit qui laceffivit.

3. I D E M de Licinio Mutiano notæ impuditiæ viro, clam apud communem amicum conquerens, addidit clausulæ: *b* *Ego tamen vir sum*: Notans obrectatorem esse parum virum. Simile est illud Maronis:

Parcius ista viris tamen objicienda memento.

4. S A L V I U S Liberalis, *c* cum in defensione divitis rei oblique mordens dixisset. Quid ad Cæsarem, si Hipparchus sestertium millies possidet? Notans Vespasianum velut inhiantem rei facultatibus. Cæsar non modo non offensus est, verum etiam dictum approbavit, quasi simpliciter prolatum.

5. Q U O N I A M rapacissimum quemque promovere solet, *d* ut mox ditatos condemnaret, vulgo dictus est officarios suos habere pro spongiis, quod veluti spongas & siccos madefaceret, & humentes exprimeret.

6. R U S T I C U S quidam quoniam gratuitam libertatem suppliciter petens à Cæsare, *e* repulsus est, non veritus est clare dicere. Vulpes pilos mutat, non mores: exprobrans illi naturæ rapacitatem, quasi mercede data concessurus fuisset, quod gratuito negabat.

7. A C O N S U L A R I viro Menstruo Floro monitus plaustra potius quem plostra dicenda, *f* postridie illum pro Floro Flaurum salutavit: civiliter alludens ad illius curiosam admonitionem. Veteres in quibusdam pro diphthongo sonabant o, ut Clodius pro Claudius.

8. M U L I E R quædam dixerat se deperire amore Vespasiani, ei perductæ cum pro concubitu sestertia quadraginta donasset, rogante dispensatori quo titulo vellent eam summam rationibus inferri, dixit: *g* *Vespasiano adamato.*

S 3

9. I N

a Venia laceffito. *b* Leniter. *c* Leniter. *d* Rapacitas.

e Avaritia in Principe. *f* Lepide. *g* Festive.

9. IN quendam proceræ staturæ, sed improbius natum, *a* torfit illud carmen Homericum :

Μακρὰ βίβας, κραδίων δολιχόπιον ἔλχος.

Id est :

Longam hastam quatiens, diductis passibus ibat.

10. IN Cerylum libertum, sed prædivitem, qui ut aliquando subterfugeret jus fisci Imperialis, *b* coepit se pro ingenuo ferre, eoque mutato nomine pro Cerylo dici voluit Laches, torfit versiculos ex fabula quapiam ut opinor :

ὦ Λάχης Λάχης,
Εἴπ' ἂν ὀπποδάνης, αὐτὸς ἔσση Κήρυλλο,

Id est :

ὦ Laches Laches,

Ubi mortem obieris, rursus eris tum Cerylus.

Significans illi nihil profuturum immutatum nomen.

11. QUIDAM è caris Vespasiani ministris apud ipsum pro quodam, *c* quem fratrem suum esse simulabat, intercedebat, ut illi procuratio committeretur. Id sentiens Cæsar, candidatum solum ad se vocavit, exegitque pecuniam quam ille suffragatori suo pepigerat, ea accepta innox ordinavit. Hujus rei ignarus minister, rursus interpellavit pro fratre. Cui Vespasianus : *Alium, inquit, tibi fratrem quære, hic quem tuam putas meus est.*

12. IN itinere quodam mulio defiliit quasi calceaturus mulas, *d* sed revera, ut adeundi litigatori spatium moramque præberet. At Cæsar dolum suspicatus, interrogavit mulionem quanti calceasse, pactusque est lucri partem. Hoc si fecit ut suos corrigeret, civitas fuit : sin ut eo emolumento fieret ditior, sordidum erat.

13. INSTITUERAT vestigal è lotio. Super hoc à filio monitus dissimulavit, donec prima pensio esset soluta. Eam pecuniam admovit ad filii nares, sciscitans num odore offenderetur. Negante illo : *e* *Atqui hac, inquit, è lotio est.*

14. LEGATIS nuntiantibus, decretam illi publice

a Focus ex Homero. *b* Lepide. *c* Avare. *d* Sordide.

e Sordide.

blice non mediocris summæ statuam, jussit ut eam continuo ponerent, & cavam ostendens manum: *a* Ecce, inquit, *paratâ basis*. Significans ut eam pecuniam quam in statuam decrevissent impendere mortuo, vivo darent in manum.

15. CUM Cæsarum mausoleum repente patuisset, *b* tum stella crinita apparuisset, alii interpretantibus Cæsaris interitum portendi, ille facete interpretatus est, prius ostentum ad Juliam Calvinam pertinere, quod ea esset de gente Augusti: posterius ad Parthorum, sive ut Aurelius victor tradit, Persarum Regem, qui capillatus esset.

16. CUM morbus ingravesset, dixit: *c* Puto Deus fio: significans se moriturum. Solent enim extincti Cæsares publicis cæremoniis in Deorum cœtum referri.

17. CUM vehementer angeretur vitiatis intestinis, nihilo secius Imperatoriis muneribus fungebatur, adeo ut lecto decumbens audiret legationes, & amicis hortantibus ut sibi parceret, respondit: *d* Imperatorem stantem mori oportere.

T I T U S , Vespasiani filius.

1. VESPASIANUS filius cum admoneretur ab amicis, quod plura polliceretur interpellantibus quam præstare posset, respondit: *e* Non oportet quenquam à Cæsaris colloquio tristem discedere.

2. SUPER cœnam aliquando recordatus, quod eo die nemini quidquam præstitisset, memorandam illam meritoque laudatam vocem edidit: *f* Amici diem perdididi.

3. IDEM dicere solet, *g* se maximum falsarium esse potuisse, quod omnium chirographa quæ vidisset facillime imitaretur.

4. CUM febre correptus lectica à loco in quo tum erat transferretur, dimotis plagulis cœlum suspexit, questusque est sibi inmerenti vitam eripi, *h* cum nul-

S 4

lum

a Avere. *b* Ostentorum interpretatio. *c* Focus in morte. *d* Stantem mori. *e* Cæsaris affabilitas. *f* Benignitas. *g* Dexteritas. *h* Cæsar innocens.

lum per omnem vitam exstaret factum cuius poeniteret, uno dumtaxat excepto. Id cuiusmodi fuerit, nec ipse prodidit, nec quisquam conjectare potuit. O Cæsarem longissima vita dignum.

DOMITIANUS.

5. DOMITIANUS Cæsar initio principatus quotidie sibi secretum horarium sumere consuevit, *a* nec interim aliud quam muscas captare, easque stilo præacuto configere: ut cuidam interroganti, essetne quis intus cum Cæsare, Vibius Crispus lepide responderit. Ne musca quidem.

6. JUSSEBAT edicto excidi vineas, quod studio colendi vineta, negligerentur arva. *b* Hoc edictum revocavit ob sparsos libellos, in quibus habebantur hi versiculi:

Κἄν με φάγῃς ὅττι ζίζαν, ὅμως ἔτι καρποφορήσω,
Ὅσον ὅτι πείσῃ καί σπερι θυομένη.

Hoc Epigramma fertur in hircum arrodentem vitem: Hircus autem Baccho immolabatur, quod admorsu lædat vineam. Ad Cæsarem accommodarunt, pro σπερι *πράγῃ* mutant *καί σπερι*.

7. NOTANS Metium quendam sibi immodice placentem, dicere solitus est: *c* *Vellem tam formosus esse quam Metius sibi videtur.*

NERVA COCCEJUS.

8. QUONIAM sub Nerva Coccejo bono Cæsare multorum nomina falso deferebantur: *d* Fronto consul palam dixisse fertur: malum esse eum imperare, sub quo nemini quidquam concessum sit: sed longe pejus sub eo vivere, sub quo maxima sit licentia quibuslibet, inhumanitatis est, si Princeps nihil indulgeat amicis ac familiaribus, sed perniciosum est, illis licere quidquid libet.

TRAJANUS.

9. TRAJANUS aliquando in convivio proposuit amicis,

a Lepide. *b* Mina in Principem. *c* Lepide. *d* Princeps indulgens.

amicis, ut decem nominarent, quibus crederent rerum summam recte delegari posse. Cum illi silerent: *a* Decem, inquit, à vobis posco, ego unicum habeo Severianum. Solum illum Imperio dignum judicans.

H A D R I A N U S C Æ S A R.

1. M O R I E N S dixit illud vulgatum: *b* Turba medicorum Cæsarem perdidit. Arbitror illum huc detorsisse Græcorum proverbium:

Πολλοὶ στρατηγοὶ καρίαν ἀπώλεσαν,

Πολλοὶ δ' ἰατροὶ τὴ βασιλῆα ἀπώλεσαν.

Quanquam & hodie verum est, turbam medicorum multis causam esse mortis.

2. I N senatu frequenter dicere solet, *c* se sic gesturum principatum, ut sciret rem populi esse, non suam privatam. Nimirum attigit hoc, quod unum distinguit Regem à Tyranno.

3. I M P E R A T O R creatus adeo contempsit inimicos, ut uni quem habuerat capitalem, forte obvio dixerit, *d* Evassisti. Principibus in privatis offensis debet esse satis, potuisse ulcisci.

4. I N colloquiis etiam humillimorum mire civilis erat, *e* eosque detestari solet, qui hanc humanitatis voluptatem ipsi inviderent hoc prætextu, quod dicerent, Principis majestatem ubique servandam.

5. D I O N Y S I U S Milesius Sophista insignis, *f* in Heliodorum quem Hadrianus Cæsar unice amabat, torsit hoc dictum. Cæsar potest honorem ac pecunias largiri, rhetorem facere non potest. Cæsar enim Heliodorum studio verius quam iudicio fecerat Magistratum epistolarum.

6. R O M Æ cum in spectaculo populus clamore flagitaret, ut aurigam qui placuerat, liberum esse juberet, per tabellam respondit: *g* Iniquum esse quod peterent. Si enim servum alienum libertate donaret, fieret injuria domino. Dicas hunc abhorruisse ab omni violentia.

S 5

7. S E-

a Unus eximius. *b* Medicorum turba. *c* Princeps.

d Clementia. *e* Affabilitas. *f* Animi bona.

g Jusse.

7. SEVERIANUM & Fuscum hujus nepotem, eo quod moleste ferre viderentur Commodum Lucium Imperii successorem designatum, jussit occidi: quorum ille nonagenarius erat, hic annos natus decem & octo. Senex autem cum esset jugulandus, poposcit ignem, incensoque thure dixit: *a Vos Dii testor me nihil sceleris commisisse, nec aliud imprecor Adriano, nisi ut cum volet mori, non possit.* Idque evenit, adeo ut Barbarus conductus qui ferro mortem pro beneficio daret, auferit.

8. QUIDAM canescens ab eo quiddam petierat, & repulsus est. Is cum aliquanto post idem peteret, sed capillitio nigro (nam id tinctura fecerat) Cæsar agnoscens faciem: *b Jam isthuc, inquit, negavi patri tuo.*

9. QUODAM tempore cum servum suum videret inter duos senatores ambulantiem, misit qui illi colaphum impingeret, diceretque: *c Noli inter eos ambulare, quorum adhuc potes esse servus:* simul senatoriæ dignitati consulens, & servi castigans insolentiam, quam de Cæsare hero sumpserat.

10. COMMODUM Ælium Verum iterum consullem fecerat, eumque Imperio destinaverat: quem cum cerneret nec animo nec corpore satis validum, dicere solet: *d In caducum parietem nos inclinavimus, ac perdidimus quater millies H.S. quod populo ac militibus pro adoptione dedimus.* Vere præsensit Commodum inutilem Imperio, sed sero.

11. FLORUS hos versiculos scripserat in Cæsarem:

*e Ego nolo Cæsar esse,
Ambulare per Britannos,
Scythicas pati pruinas.
Cui Cæsar respondit:
Ego nolo Florus esse,
Ambulare per tabernas,
Latitare per popinas,
Culices pati rotundos.*

Sen-

a Vota morientis. b Lepide. c Servi Principum elati.

d Impar principatui. e Honesti labores.

Sentiens se honestas occupationes præferre inutili turpique otio.

12. D I C E R E solitus, sibi molestum esse, si quem videret tristem, *a* cum tamen omnes doctos vexaret quæstiunculis, sed vexatos donavit aliquo munere.

13. C U I D A M uxor sua per literas exprobrarat, *b* quod lavacris ac voluptatibus detentus ad se redire nollet. Id per frumentarios resciverat Imperator. Itaque commeatum petenti, exprobravit & lavacra & voluptates. Tum ille: Num & tibi ô Cæsar scripsit uxor mea quod mihi? Notans curiositatem Principe indignam.

14. S U B mortem his versibus lusisse dicitur:

*c Animula, vagula, blandula,
Hospes comesque corporis,
Quæ nunc abibis in loca,
Pallidula, rigida, nudula,
Nec ut soles dabis jocos.*

15. A J U N T illum ex Matheseos peritia præscisse futura, ac Verum non fore longævum Virgiliano carmine prædixisse:

*d Ostendent terris hunc tantum fata, neque ultra
Esse sinent.*

16. C U I D A M illos Virgilii versus ad Verum accommodanti. Manibus date lilia plenis, &c. cum irratione respondit: *e Ego mihi divum adoptavi, non filium.* Huc alludens, quod Imperatores referri soleant in numerum divorum, sed à rogo.

17. A D alterum ipsum consolari volentem hoc argumento, quod diceret genesim Veri non esse recte collectum, eoque spem esse illum diu victurum: *f Isthuc,* inquit, *tu facile dicis, qui patrimonii tui non Reipublicæ quæris heredem.* Sentiens magni referre, ut bonus Princeps quam diutissime vivat.

18. T R A N S E U N T E M mulier quædam appellavit: Audi me Cæsar. Is cum respondisset:

S 6

Non

a Princeps nulli molestus. b Curiositas. c Lusus in morte. d Præscientia. e Brevis avi. f Principis delectus.

a Non est otium: Illa clamavit. Noli ergo Imperare. Ad hanc vocem restitit, & audivit mulierem. Hoc & alii tribuitur, neque quidquam vetat, idem à pluribus vel dici, vel fieri.

COMMODUS ÆLIUS VERUS.

1. ÆLIUS cum esset peregrinis voluptatibus deditus, uxori conquerenti dixit: *b Patere me per alias exercere cupiditates meas.* Uxor enim dignitatis nomen est, non voluptatis.

2. CUM morbo gravaretur, *c sæpe dicere solet, Principem sanum mori debere, non debilem,* quod superiores Imperatores plerique violenta morte periissent, eamque mortem ut brevem simul & inexpectatam C. Cæsar optavit & obtinuit.

ANTONINUS PIUS.

3. AURELIUS Commodus M. Antonini filius cum in extremis à parente moneretur, ne Barbaros jam attritos sineret vires recipere, respondit: *Ab incolumi quamvis paullatim, negotia perfici posse, à mortuo nihil.* Vera quidem sententia, sed vox impia erat parentis extrema monita contemnentis, ac morienti velut insultantis. Refert Sext. Aurelius Victor.

4. ADAMABAT illam Scipionis celebratissimam sententiam, subinde dicens: *Se malle unum servare civem, quam mille hostes occidere:* pacem videlicet bello præferens, & in ipso bello sentiens hanc oportere primam esse Ducis curam, ut quam minima civium jactura paretur victoria.

5. CUM Apollonius Rhetor è Chalcide accitus ad Tybeberinam domum, in qua tum Cæsar habitabat, à Cæsare vocatus ut illi M. Antoninum traderet instituendum, dixisset: Non magister ad discipulum, sed discipulus ad magistrum venire debet: risit hominis magniloquentiam, dicens: *d Facilius fuit*
Apol.

a Libere. Hoc superius tribuitur Phitippo Macedoni pag. 221. apoph. 31. b Uxoris reverentia. c Mors Principis. d Magniloquentia irrisa.

Apollonio è Chalcide venire Romam, quam ex adibus suis in palatium. Merces Apollonium attraxerat Romam, non Reipublicæ studium.

6. C U M M. Antonius fieret educatorem suum mortuum, & adolescens ab aulicis ministris revocaretur à declaratione pietatis erga nutricium: *a Permittite*, inquit Antonius, *prius illi ut homo sit, neque enim vel Philosophia vel Imperium tollit affectus.*

7. Q U O N D A M cum Omuli visens domum, ac miratus columnas porphyreticas, *b quæisset unde eas haberet*, Omulus ei respondit. Cum in ædes alienas veneris, & surdus & mutus esto. Sentiens eum in alieno privato non oportere esse curiosum. Hoc tam libero joco non est offensus Imperator.

8. M. A N T O N I N I uxor Faustina male audiebat vulgo. Itaque hortantibus amicis, ut eam repudiaret, si nollet occidere, respondit: *c Si uxorem*, inquit, *dimittimus & dotem.* Dotis nomine signans Imperium, quod ab socero volente Hadriano adoptatus acceperat.

9. N I H I L solitus est agere nec in bellicis negotiis, nec in civilibus, de quo non prius conferret cum gravibus viris, dicens: *d Æquius est, ut ego tot talium amicorum consilium sequar, quam ut tot tales amici meam unius sequantur voluntatem.* Multum abhorrens à quorundam ingenio, qui consulto pileo suo, dicunt. Vos sedulo consulitis, sed aliud mihi suadet pileum meum.

10. C A S S I U M senatorium virum occidi passus est, non jussit occidi: post etiam extinctum doluit, dicens: *e Voluisse se sine senatorio sanguine Imperium transigere.* Mira clementia in affectatorem Imperii.

11. B I D U O prius quam moriretur, admissis amicis aperuit sententiam suam de filio, eandem quam Philippus de Alexandro dicens: *f Se a quo animo mori, cum filium relinqueret.*

S. 7

12. A L I O

a Humane. b Libere. c Dos regnum. d Consilium multorum. e Clementer. f Filius solatium mortis.

12. ALIO quodam die dixit amicis: *a* *Quid me fletis, ac non magis de communi morte pestilentiaque cogitatis?* Philosophia docuerat hominem & mortem contemnere, & res humanas ridere. Parentibus autem abire dixit: *Si jam me dimittitis, vale vobis dico, vos præcedens.* Facete petiit ab amicis discedendi veniam, ac veluti peregre profecturus iussit illos valere: submonens interim fore, ut illi præcedentem sequerentur.

13. ROGATUS cui filium commendaret: *b* *Vobis, inquit, si promeretur, & Diis immortalibus.* Favorem noluit suæ auctoritati tribui, sed filii meritis.

SEVERUS Imperator.

1. DE Severo sic judicavit Senatus, illum aut nasci non debuisse, *c* aut non debuisse mori, quod cum crudelis esset, tamen Reipublicæ videretur admodum utilis ob alias virtutes.

2. CUM milites Bassianum Severi filium, qui post Antonius Caracallus dictus est, Augustum consalutassent, eo quod pater pedibus æger bellum moraretur, iussit se deferri ad tribunal, simulque adesse omnes tribunos, centuriones, Duces & cohortes, quibus auctoribus hoc acciderat, sisti deinde & filium qui Augusti nomen non recusarat. *d* Hic cum in omnes ejus facti auctores jussisset animadverti, excepto filio, omnesque ante tribunal prostrati rogarent veniam; Severus manu caput contingens: *Tandem, inquit, sentitis caput imperare, non pedes.*

3. CELEBRATUR & hoc illius dictum: *e* *Omnia fui, sed nihil expedit:* sentiens sese ex humili per literarum ac militiæ officia plurimis gradibus favore fortunæ ad Imperii fastigium fuisse perductum; sed nihil feliciter cessisse, aut nulla in re sibi placuisse.

4. ULTIMA verba dicuntur hæc fuisse: *f* *Turbatam Rempublicam ubique accepi, pacatam etiam Britannis relinquo. Senex & pedibus æger firmum Imperium Antoninis meo relinquens si boni erunt, imbecillum si mali.*

5. SYM-

a Mors peregrinatio. *b* Modeste. *c* Natura varia. *d* Auctoritas. *e* Omnia expertus. *f* Virtus Principis.

5. SYMBOLOM tribuno dari iussit: *a Laboremus.* Pertinax ad Imperium adscitus dederat, Militemus. Illi placuit belli omen, huic pacis. Sublato namque bello reditur ad agricolationem & opificia. Otium in pace delicias alit, & omne flagitiorum genus.

6. EPIGRAMMA quod in laudem Pescennini Nigri fuerat adscriptum illius statutz ad vivum effictæ, cum præfecti suaderent eradendum, Severus noluit, dicens: *b Si talis fuit, sciant omnes qualem vicerimus: si talis non fuit, putent nos omnes talem vicisse.*

PESCENNINUS NIGER.

1. PESCENNINUS Niger consiliariis addidit salaria, ne gravarent eos quibus assidebant, dicens: *c Judicem nec dare debere, nec accipere.* Utinam hoc exemplum imitentur hi, qui vendentes officia spoliant judicem, assessoribus interim raptò vivendum est.

2. IN Ægypto cum limitanei milites vinum ab Imperatore peterent: *d Nilum*, inquit, *habetis & vinum quaritis?* Ajunt enim aquam Nili tantæ esse dulcedinis, ut accolæ vina non desiderent.

3. CUM milites qui à Saracenis victi fuerant, dicerent: Vinum non accepimus, pugnare non possumus: *e Erubescite*, inquit Cæsar, *illi qui vos vincunt, aquam bibunt.* Nam Saracenis etiam hodie gustare vinum nefas est.

4. PALÆSTHINIS rogantibus ut ipsorum censitio levaretur eo quod regio esset gravata, satis inclementer respondit: *f Vos terras vestras levare vultis, ego etiam aërem vestrum censere cuperem.*

5. IMPERATORI creato, cum quidam ei panegyricum in ipsius laudem conscriptum recitare veller, dixit: *g Scribe Marii laudes, vel Hannibalis, aut alterius Ducis egregii vita functi ut eum nos imitemur.* Nam vivos laudare irrisio est, præsertim Imperatores, à quibus speratur, qui timentur, qui possunt necare, qui possunt

sunt

a Industria. b Moderate. c Integre. d Aqua pro vino. e Severe. f Dure. g Vivi docendi non laudandi.

sunt proscribere. Adjecit illud : *Se vivum placere velle , mortuum etiam laudari.*

6. ROGATUS quid sentiret de Scipionibus, *a* respondit, illos sibi videri felices magis quam fortes, quod uterque domi juventutem parum sancte transegerat : sentiens Imperatorem per omnem vitam in Reipublicæ negotiis versari debere, nec à domesticis deliciis ad Imperium accersi.

ANTONINUS CARACALLUS.

7. ANTONINI Caracalli noverca, cum esset pulcherrima, veluti per imprudentiam corpus magna ex parte nudavit. Cumque dixisset Caracallus : *b Vellem scilicet* : Si libet, inquit illa, licet. An nescis te Imperatorem esse, & leges dare, non accipere ? Ea mulieris vox Caracallum ad detestabile facinus pertraxit.

8. CUM Antoninus Caracallus ambitiose sibi multa cognomina adfereret, *c* Germanici, Parthici, Arabici, & Alemanici nomen adscriberet, Helvius Pertinax filius Pertinacis belle jocatus fertur. Adde etiam, inquit, si placet, Geticus Maximus, quod Getam fratrem occidisset.

9. BASSIANUS præfectus suadebat Caracallo, ut ad mitigandam invidiam parricidii, fratrem Getam appellaret divum : *d* Sit, inquit, divus, dum non sit vivus, & fratrem in divos retulit. Nescit pietatis jura regnandi cupiditas.

ANTONINUS GETA.

10. CUM Antonini Getæ pater Severus destinasset omnes diversarum partium occidere, inter suos dicere solitus est : *Hostes vobis eripio adeo consentiente Bassiano, ut liberos etiam illorum suaderet necari.* Geta puer interrogavit quantus esset occidendorum numerus : cum pater edidisset, rogavit num isti haberent parentes ac propinquos : cum responsum esset, habere, & quidem multos : *e. Plures ergo, inquit, in civitate tristes futuri sunt, quam*
lati

a Graviter. *b* Licentia Principum. *c* Salse. *d* Impie.
e Prudenter.

lati quod vicimus. Valuisset cordatum pueri dictum, nisi quorundam crudelitas obstitisset.

11. BASSIANO tum joco tum serio dicenti, omnes cum liberis occidendos, Geta puer dixit: *a Tu qui nulli parcis potes etiam fratrem occidere.* Id dictum tunc contemptum est, post cognitum est fuisse vaticinium. Nam parricidium postea commisit.

ANTONIUS HELIOGABALUS.

12. SÉNATUM adeo contempsit, *b* ut eos interdum appellaret togata mancipia, veluti qui pristinae dignitatis præter togas nihil retinerent.

13. AMABAT sibi pretia rerum quæ mensæ apparabantur majora dici quam essent, *c* hanc esse dicens convivio orexim, quod magis illa juvant quæ pluris emuntur, ut ait Satyricus.

14. HUIUS privato cum quidam luxum illius admirans diceret. Non times ne fias pauper? *d Quid, inquit, melius, quam ut ipse mihi hæres sim & uxori meæ?*

ALEXANDER SEVERUS.

1. ET urbem, & provincias, & aulam suam purgavit hominibus non necessariis, dicens: *e Malum pupillum esse Imperatorem, qui ex visceribus provincialium homines non necessarios, nec Reipublicæ utiles aleret.*

2. IN templis argenti minimum, auri ne guttulam quidem aut bracteolam posuit, subinde repetens illud Persianum: *f Dicite Pontifices in sanctis quid facit aurum:*

3. NEGABAT se passurum, *g* ut ipsius dispositiones ab aulicis suis venderentur, id quod solent aliorum Principum liberti & eunuchi. Eoque nunquam illum fefellit quod proposuerat.

4. ASSESSORIBUS designavit sua salaria, *h* quanquam dicebat illos potissimum promovendos, qui per se Rempublicam gerere possent, non per assessores.

a Libere. b Tyrannice. c Cara. d Profusio. e Supervacua officia. f Aurum in templis. g Constantier. h Vicarii graves.

fores. Unumquemque hoc agere debere quod nosset. Prudentissimus juvenis sensit, hoc esse præcipuum hulus omnium Rerumpublicarum, quod omnia munia per vicarios administrantur, interdum alteros ac tertios. Præfectus urbis habet vicarium, & is vicarius rursus alterum, & hic rursus alium. Ac frequenter is qui & honore & salario fruitur, minime omnium idoneus est ad functionem obeundam. Annotent hoc Principes, qui subinde coguntur exactionibus gravare populum.

5. **DESCRIPTUM** habebat, quid cui præstitisset: qui nihil aut minimum petissent, eos appellabat, dicens: *Quid est cur nihil petis? An me tibi vis fieri debitorem? pete, ne privatus de me queraris.* Agnoscebat Principem debere recte suo fungentibus officio, nec æquum judicabat ut probe suo defunctus officio, privatus egeret.

6. **MILITIBUS** diligenter prospexit, de comæatu, dicens: *a Se magis servare milites quam seipsum, quod in his sita publica salus esset.* Facilius est enim invenire novum Imperatorem, quam novum & exercitarum militem.

7. **OVINIUS** Camillus antiquæ familiæ senator, homo delicatissimus rebellionem moliebatur Tyrannidem affectans. Id cum Alexandro renuntiatum esset, statimque probatum, ad palatium eum rogavit, eique gratias egit, quod Reipublicæ curam quæ bonis viris recusantibus imponi solet, sponte reciperet. Mox ad senatum processit, ac tanti sceleris conscientia trepidum, consortem Imperii appellavit, in palatium recepit, ornamentis Imperialibus, & melioribus quam utebatur ipse, decoravit, profectionis comitem adhibuit. *b* Cumque Imperator ipse pedibus iter faceret, invitavit & Ovinium deliciis asluerum ad laborem, quem post quinque millia passuum cunctantem equo sedere iussit. Cumque post duas mansiones equo etiam fatigatus esset, carpento imposuit. Hoc quoque respicientem, ac Imperium tadio laborum recusantem, denique & mori paratum dimisit, ac militibus à quibus Cæsar præcipue dili-

a Militum cura. b Clementer.

diligebatur, commendatum ad villas suas tuto abire iussit. Sic illi commonstravit, quid esset gerere Imperium.

8. HONORES juris & gladii nunquam vendi passus est, dicens: *a Qui emit & vendat necesse est.* Hoc ethnicus & juvenis, quid jam decet Principes Christianos?

9. CUM Christiani locum quendam qui publicus fuerat occupassent, contra popinarij dicerent, eum sibi deberi, rescripsit: *b Melius esse, ut quomodocumque illic Deus coleretur, quam popinariis dederetur.*

10. IN expeditionibus si quis de via in alicujus possessionem deflexisset, pro qualitate loci fustibus aut virgis coedebatur, aut alioqui condemnabatur. Si dignitas personæ tales pœnas non recipiebat, gravissimis contumeliis afficiebatur, cum diceret: *c Vellesne hoc in agro tuo fieri quod facis in alieno?* Clamabat sæpius quod à Christianis audierat, idque per præconem quoties aliquem emendabat, dici jubebat. *Quod tibi fieri nolis, alteri ne feceris.* Quid nunc dicemus de militibus Christianis, qui sive quo eant, sive redeant, furantur, rapiunt, constuprant, pulsant, abigunt pecora, pertusis vasis sinunt effluere vinum? Quid multis? Crudelius tractant suos quam hostes. Et hoc hodie, si superis placet, appellatur jus militare, & ad hæc connivent Principes.

11. VIGILANTER providit ne tribuni Ducesve quidquam fraudarent de stipendiis militum, dicens: *d Miles non timet nisi vestitus, armatus, calceatus, & satur, & habens aliquid in zonula:* sentiens militem cum aliquid habet, metuere ne perdat, sed mendicitas ad omnem desperationem vocat armatum.

12. CUM Antiochiam venisset, ac milites qui lavacris ac muliebribus deliciis vacaverant, in vincula duci iussisset, orta seditione ab ea legione cujus socii erant in vinculis, tribunal adscendit, ac vinctis omnibus ad tribunal adductis, circumstantibus militibus & quidem armatis, graviter illos admonuit ut meminissent Romanæ

a Sancte. b Pie. c Miles innoxius. d Militum cura.

manæ disciplina. Cum loquentem milites tumultu interpellarent, nihil conterritus, jussit ut tales voces ederent adversus hostes, non adversus Imperatorem, minatus exhortationem, nisi quiescerent. Ad hæc cum vehementius etiam fremerent, ac ferro quoque minarentur: *a Deponite*, inquit, *dexteras, contra hostem erigendas si fortes estis, me ista non terrent.* Cum non desinerent fremere, exclamavit. *Quirites, discedite atque arma deponite.* Mox omnes non armis tantum, sed & sagulis militaribus depositis recesserunt, non in castra, sed in varia diversoria. Post tamen ejus legionis militibus fidelissimis usus est.

13. FURTI suspicione infames nec intueri sustinebat, adeo ut cum Septimius Arabinus, qui famosus crimine furtorum sub Heliogabalo fuerat liberatus, inter senatores Principem salutatum venisset, exclamarit: *b O numina, ô Jupiter, ô Dii immortales: Arabinus non solum vivit sed etiam in Senatum venit: fortassis de me sperat, tam fatuum, tam stultum me esse judicat.*

14. DICERE solet, solos fures de paupertate conqueri, dum ita student scelera vitæ suæ tegere. Jactabat & sententiam notam furibus, *ô πολλά ἡλέψας, ὀλίγα δ' ἔς ἐκέρδυσται.* Id est: *c Qui multatulerit, pauca dederit, effugit.* Notans quosdam, qui tantum furantur, ut sit quo corrumpant judicem aut auctorem.

15. CUM Mammea mater uxorque Memmia objicerent quod nimia civilitate redderet potestatem molliorem, respondit: *d Sed securiorem, atque diuturniorem:* significans malum diuturnitatis custodem esse metum.

16. VERONTIUM Thurinum familiarem, e quod his qui petebant aliquid à Cæsare, vendidisset suum patrocinium, mentiens interim multa, convincendum curavit, & convictum damnatumque in stipite alligari jussit, supposito igni ex humida materia,

a Severe. b Odium furum. c Corruptela. d Regni stabilitas. e Fumi venditor.

eria, præcone clamante: Fumo punitur, qui fumos emendit.

17. G E M M A S omnes quas reperit, in palatio, vendidit, & aurum in ærarium contulit, dicens: *a Viris gemmas usui non esse, matronas autem regias contentas esse habere uno reticulo, atque in auribus, & baccato monili, & corona in qua sacrificarent, & unico pallio auro sparso, & cyclade, quæ plus sex uncis auri non haberet.* Hic cultus odie vix sufficit negotiatorum uxoribus.

18. C U R S O R E nunquam utebatur nisi servo suo, dicens: *Ingenuum currere nisi in sacro certamine non debet: cocos item, piscatores, fullones, & balneatores non habuit nisi servos suos: nolens quenquam ingenuum sordidis ministeriis dehonestare.*

19. A M I C O S & cognatos, si malos comperisset, puniebat. Id si vetus amicitia aut necessitudo non patiebatur, à se dimittebat: dicens. *b His carior est mihi nota Respublica.* Significans privatos affectus utilitati publicæ posthabendos.

M A X I M I N U S.

1. M A X I M I N U S accepta legione, nullum laborem defugere solet, dum milites exercet, eisque propiciat. Cum autem tribuni quidam eum reprehenderent, dicerentque. *Quid tantopere laboras, cum ejus loci jam sis ut Ducatum possis accipere?* *c Ego vero, inquit, quo major fuero, hoc magis laborabo.*

2. E X E R C E B A T lucta milites suos, multos ad terram prosternens. Itaque cunctis invidentibus, tribunus quidam vasti corporis notæque virtutis, atque ob hoc ferocior, dixit: *Quid magni facis, si tribunos tuos milites vincis?* Tum Maximinus: *d Vis ne congregiamur?* Cum prodisset, palma pectori impacta supinum rejecit, continuoque dixit: *Date alium, sed tribunum.*

3. C U M nimium fideret corporis viribus, quidam in theatro ipso præsentè Græcos versus recitavit, quorum hæc est sententia: *e*

Ele-

a Cultus Augustarum. b Reipub. prima cura. c Industria. d Robur corporis. e Libere.

*Elephas grandis est, & occiditur,
Leo fortis est, & occiditur,
Tigris fortis est, & occiditur,
Cave multos, si singulos non times.*

Qui ab uno non potest occidi, à multis occiditur.

4. MAXIMUS senior nunquam ad oscula pedum quenkum admisit, dicens: *a* *Dii prohibeant, ut quisquam ingenuorum pedibus meis oscula figat.* Et ubi sunt interim, qui non solum ingenuos, verum etiam summos Monarchas ad oscula non pedum, sed calceorum, non dicam admittunt, sed invitant & quodammodo cogunt?

G A L I E N U S.

1. GALIENUS provinciarum defectionem, quasi levissimarum rerum jacturam joco solet eludere. Cum enim nuntiatum esset Ægyptum defecisse: *b* *Quid, inquit, sine lino Ægyptio esse non possumus?* Cum vastatam Asiam Scytharum incursionibus accepisset. *Quid, inquit, sine aphronitris esse non possumus?* Perdita Gallia arripit, dixitque. *Non sine trabeatis sagis tuta Respublica est?* Pessimi Principis voces, cui quidquam carius est Republica. Aphronitrum aut est spuma nitri, quod in Asia laudatissimum concresebat.

2. JUNIOR patris mortem inultam reliquit. *c* Itaque cum Rex Persarum quasi captivus per pompam duceretur, quidam scurræ miscuerunt se Persis, diligentissime scrutantes omnia, & cujusque vultum mira inhiatione contemplantes. Qui interrogati quid agerent: Patrem inquirunt, Principis quærimus: notantes à Galieno neglectum fuisse. Id ubi delatum est ad Principem, scurras vivos exuri jussit. Exemplum impietatis in Cæsare, periculosa libertatis in scurris.

3. CUM taurum ingentem in arenam misisset, prodissetque ad eum feriendum venator, *d* neque productum decies potuisset occidere. Cæsar coronam venatori misit: mussitantibus cunctis quid rei esset, quod homo

igna-

a Modeste. *b* Respublica neglectus. *c* Libertas exitiabilis. *d* Lepide.

ignavissimus coronaretur, Galienus per curionem dici iussit. *Taurum toties non ferire difficile est.* Ludens significavit, grave discrimen toties tauro occurrere, etiam si non ferias.

4. QUIDAM hujus uxori gemmas vitreas pro veris vendiderat, re comperta mulier flagitavit vindictam. Cæsar iussit hominem corripere, quasi leoni objecturus. Dein in caveam, dum impostor & populus expectat terribilem leonem, profiliit capus. Cunctis rem tam ridiculam mirantibus, per curionem dici iussit: *a Imposturam fecit, & passus est.* Eadem opera fefellit impostorem, & irrisit uxorem.

5. CUM patrem Valerianum audisset extinctum, vocem laudatissimam sine laude usurpavit, dicens: *b Sciebam patrem meum esse mortalem.*

M A R I U S.

1. DE Mario Tyrannorum septimo dictum est, *c* quod uno die factus est Imperator, alio visus est imperare, tertio interemptus est à milite, qui percussurus illum dixerit. Hic est gladius quem ipse fecisti. Fuerat enim opifex ferrarius. Alludit autem interemptor ad illud proverbium:

Tuo te gladio jugulo.

S A T U R N I N U S.

2. SATURNINUS Tyrannorum XXI. cum milites illi peplum Imperiale imposuissent, advocata concione de seipso dixit: *d Commistones, bonum Duce[m] perdidistis, & malum Principem fecistis.* Ante fuerat Dux egregius, sed quoniam in Imperio fuerat severior, ab iisdem à quibus Imperator factus fuerat, interemptus est. Non quivis ad quodvis munus idoneus est.

Z E N O B I A.

3. ZENOBIA XXVIII. mulier variis nominibus merito laudata, cum ab Aureliano capta in conspectum illius ducta fuisset, isque dixisset. Quid ô Zenobia ausa

es no-

a Pæna ridicula. b Impie. c Imperium breve. d Ingenue.

es nobis insultare Romanis Imperatoribus? *a Imperatorem, inquit, te agnosco qui viceris, Galienum, Aureolum, reliquosque Principes non putavi.*

AURELIANUS.

4. CUM Tyanam venisset, eamque occlusam reperisset, iratus dixit: *b Canem in hoc oppido non relinquam.* Hac voce milites erecti sunt in spem prædæ, & Heradamon Tyanensis, metu ne cum cæteris occideretur, prodidit civitatem. Qua capta Aurelianus Heradamonem patriæ proditorem occidit. Militibus ex Cæsaris promisso direptionem oppidi flagitantibus respondit: *Agite, canem me negavi relicturum, canes omnes occidite.* Hoc pacto & proditori mercedem rependit, & militum avaritiam elusit. Videtur autem hic sermonis color sumptus ab Hebræis, in quorum literis Reges qui minantur internecionem, negant, se quenquam relicturos, usque ad mingentem ad parietem: canem hac periphrasi significantes.

DIOCLETIANUS.

5. DIOCLETIANUS adhuc privatus dicere sollet: *c Nihil esse difficilius quam bene imperare.* Id Flavius Vopiscus in Aureliano tradit se audivisse à patre suo, & addunt causam. Colligunt, inquit, se quatuor aut quinque, simul consilium ad decipiendum Imperatorem capiunt, dicunt quid probandum sit. Imperator qui domi clausus est, vera non novit, cogitur hoc tantum scire quod illi loquuntur: facit iudices, quod fieri non oportet: amovet à Republica quos debet retinere. Ita, ut dixit Diocletianus, bonus, cautus, optimus venditur Imperator. At vulgus ad Imperatoris titulum satis esse putat nasci, aut eligi: nasci, utcunque: eligi, emptis suffragiis, ac solemnibus cæremoniis confirmari.

TACITUS.

6. TACITUS Imperator fratri petierat consulat-
tum,

a Animose. b Clementer. c Imperare difficile.

tum, nec impetravit. Ea repulsa adeo non fuit offensus, ut vehementer etiam lætatus sit, dicens: *a Scis senatus, quem Principem fecerit.*

P R O B U S.

7. PROBUS cum multa Barbarorum loca purgasset latrociniiis, ubi pervenisset ad Isauros, dixit, ab illis locis facilius arceri latrocinia quam tolli. Sentiens esse dandam operam ne latronibus illuc esset aditus, *b* neve juvenes latrocinari discerent. Itaque loca omnia quæ angustum haberent aditum veteranis concessit addens ut eorum filii ab anno decimo octavo ad militiam mitterentur, ne ante latrocinari discerent quam militare. Hoc tum recte Probus, cum multum interesset inter militiam & latrocinium, nunc frivolum est.

8. NON patiebatur militem esse otiosum, sed multa opera militari manu perfecit, dicens: *c Annonam gratuitam militem comedere non debere.*

9. IDEM dixisse fertur: *Brevi milites necessarios non habebimus.* Sperabat tantam pacem, ut nihil opus esset exercitu. Hanc mentem utinam Deus immittat omnibus nostri seculi Principibus.

F I R M U S.

10. FIRMUS Imperator vini patientissimus fuisse legitur, *d* citra ebrietatem. Quondam à Barbaro vexillario provocatus ad bibendum, duas vini situlas hausit, & postea toto convivio sobrius fuit. Cum vero Barbarus diceret. Cur non & facem ebibisti? *Stulte*, inquit, *terra non bibitur.*

B O N O S U S.

11. BONOSUS Imperator prodigiose bibax fuisse legitur, de quo Aurelianus sæpe dicere solet. *Non ut vivat natus est, sed ut bibat.* Sobrietas in primis decet Principem.

a Leniter. b Sancte. c Miles otiosus. d Vini patiens.

A P O P H T H E G M A T A

V A R I E M I S T A.

1. MILITES aliquot Tarentini inter cœnandum multa liberius dixerant in Pyrrhum Regem. Res ad eum delata est: acciti sunt juvenes, ac periclitabantur omnes, cum factum nec negari posset, nec defendi. Tum unus illorum dexterioris ingenii: *a Immo*, inquit, *Rex*, & *ista diximus*, & *longe acerbiora dicturi fueramus*, nisi nos *lagena defecisset*: linguæ petulantiam in temulentiam rejiciens. Ac mox ira Principis in risum versa dimissi sunt. Quis neget hoc dictum fuisse bene collocatum?

2. LONGUS Sulpitius insigniter ipse fœdus, eum contra quem in judicio liberali aderat, dixit, ne faciem quidem habere liberi hominis. Cui respondens Domitius Afer: *b Na tu ex animi mei sententia longe*. Qui malam faciem habet, liber non est. Si ideo liber non erat cujus agebatur causa, quod deformis esset: nec ipse Sulpitius habendus erat pro libero cum esset fœdissimus.

3. JUNIUM Bassum hominem cum primis dicacem, *c vulgus* asinum album appellabat, quod feliciter esset stupidus ac ridiculus. Alba enim veteres felicia vocabant.

4. PHILIPPUS orator in male olentem: *d Video*, inquit, *me à te circumveniri*: sentiens se malo odore undique oppleri, cum circumvenire dicatur qui dolo fallit.

5. CESELLIUS consultori dicenti. Navim dividere volo: *e Perdes*, inquit. Ille de pretio navis mercibusque consulebat, hic aliud respondit. Nam ipsam dividere navim, est navim perdere. Macrobius ita refert. *Si dividis, nec tu nec socius habebitis*. Erat autem duorum negotiatorum communis navis.

6. VECTIUS Valens cum à Claudio Cæsare immine-

a Dextre. b Retortum. c Albus asinus. d Maleolus. e Libere.

mineret periculum , atque interim Silius cum Messalina domi vindemiæ simulacrum omnium lasciviarum genere celebrarent , conscendit præaltam arborem , & in ea prospectantis specie stabat : interrogantibus quid adspiceret , respondit : *a Tempestatem ab Ostia atrocem.* Id si ve joco dixit , si ve forte lapsa vox est , in præsigium vertit. Mox adfunt à Cæsare nuntii qui vindictam parant. Is Silius erat adulter , cui clam nupserat Messalina , quam Cæsar dissimulanter confirmatis nuptiis supplicio affecit.

7. F A V O R I N U S Philosophus in adolescentem præscarum & jam obsoletarum vocum affectatorem : *b Curius* , inquit , & *Fabritius dilucide cum suis fabulati sunt neque Auruncorum , Sicanorum , aut Pelasgorum , qui primi Italiam incoluisse leguntur , sed ætatis suæ verbis locuti sunt : tu vero perinde quasi cum matre Euandri nunc loquaris , verbis jam olim desitis uteris . Quod si intelligi non vis quæ loqueris , non hoc abunde consequeris tacens ?*

8. F I C U S Philemoni paratas , & in conspectu ejus positas asellus comedebat , puer inclamatus ut asinum abigeret , sero venit , itaque consumptis omnibus : *c Quoniam* , inquit , *tam tardus fuisti , da nunc merum asello.* Interim risus obortus hominem senem præfocavit.

9. C. J U L I U S Helio mancipi sæpius obstrepenti sibi dixit : *Etiam ostendam qualis sis :* & Helio instanti ut ostenderet qualis esset , Julius digito demonstrabat Gallum in Mariano scuto Cimbrico depictum , nodis distortum , ejecta lingua , buccis fluentibus , cui maniceps tum simillimus est visus. Taberna autem erat apud forum , ac scutum illud signi gratia positum. Ingens omnium risus consequutus est. Expectarant enim ut aliquid in mores illius objiceret.

10. J U B A querenti quod ab illius equo esset aspersus : *d Quid tu* , inquit , *an me hippocentaurum putas ?* Deridens eum qui quod equus commiserat , domino sessori imputaret , quasi idem animal esset equus & sessor , quales finguntur hippocentauri.

T 2

11. C. C R A S-

a Periculum prævisum. b Obsoletorum affectatio.

c Risus interimens. d Jocosè.

11. C. C R A S S U S militem videns sine gladio currentem : *a* *Heus*, inquit, *commilito*, *pugno bene uteris* : festiviter taxans inermem militem, cui pro gladio pugno sit utendum.

12. P U B L I U S videns Publium Mucium hominem malevolum & invidum, solito tristiores : *b* *Aut Mutio*, inquit, *aliquid accidit mali*, aut alteri cuiquam *aliquid boni* : sentiens illum non minus alienis commodis, quam suis incommodis uri.

13. P U B L I U S natione Syrus, cum herus ipsius servum hydropicum in area jacentem increpans interrogaret quid illic ageret, lepide pro servo respondit : *c* *Aquam calefacit*.

14. I D E M cum super cœnam esset orta jocosa quæstio, quodnam esset molestum otium, & alius aliud opinaretur, respondit : *d* *Podagrici pedes*. Otium ut rem suavissimam expetunt omnes, sed otium podagrici cum summo cruciatu conjunctum est.

15. F A U S T U S Syllæ filius, in sororem quæ eodem tempore cum duobus adulteris haberet consuetudinem, Fulvio Fullonis filio, & Pompejo cognomine Macula, facetissime lusit : *e* *Mirror*, inquit, *sororem meam habere maculam, cum fullonem habeat*.

16. S E R V I L I U S Geminus cœnans apud Lucium Mallium qui Romæ pictor insignis habebatur, cum videret filios illius deformes : *f* *Haud similiter*, inquit, *Malli fingis ac pingis*. Et Mallius : *Non mirum*, inquit, *in tenebris enim fingo, luce pingo*.

17. M. V O T A C I L I U S Pitholaus in C. Servilium, qui uno tantum die consul fuit, ita lusit : *g* *Ante Flamines, nunc consules diales sunt*. Abusus est vocæ, diales, quasi à die deducta sit, ac non magis à Jove, cui Flamines instituebantur.

18. L A P I D A T U S à populo Vatinius gladiatorum munus editurus, impetrarat ab ædibus edictum, ne quis quid in arenam mitteret, nisi pomum. Per id tempus
forte

a Miles sine gladio. *b* Invidia. *c* Hydropicus. *d* Otium molestum. *e* Focus ex nomine. *f* Pingere, fingere. *g* Brevis potestas.

forte Cæselius consultus à quodam num nux pinea pomum esset : *a* Si in Vatinium, inquit, missurus es, pomum est. Nam ea nux, & dura & gravis pro lapide esse poterat. Martialis pineam nucem appellat pomum hoc disticho :

*Poma sumus Cybeles, procul hinc discede viator,
Ne cadat in miserum nostra ruina caput.*

19. CUM Publius Clodius diceretur iratus Decimo Valerio, quod ipsi mutuum petenti non dedisset : *b* Quid, inquit, mihi amplius factururus es, nisi ut Dyrrhachium eam ac redeam? Exprobrans illi Ciceronis exilium, ab ipso procuratum, quod tamen populi ac bonorum virorum studio brevius fuit quam volebat Clodius.

20. CUM Brutus junior fundos ædesque paternas luxu prodegisset, & in his etiam balnea, & in sermone quodam diceret se frustra sudare : *c* Non mirum, inquit Crassus, nuper enim existi è balneis. Lufit ex ambiguo : exit è balneo qui lavit, & exit qui vendidit, alterique cedit.

21. JAM Brutus cum in accusatione C. Flanci duos lectores excitasset, & alteri de Colonia Narbonensi Lucii Crassi, qui reo Bruti aderat, orationem legendam dedisset, alteri de lege Servilia, ex his demonstrans, illum sibi pugnantia scribere : Crassus vicissim tres Bruti patris de jure civili libros tribus legendos dedit, in quorum primo erat. Forte evenit ut in Privernate essemus. Heic Crassus : *Audis Brute, pater testificatur se tibi fundum Privernatem reliquisse.* In secundo libro scriptum erat : In Albano eramus ego & Marcus filius. Heic rursus Crassus : *Norat hanc gurgitem, metuebat, ne cum is nihil haberet, nihil esse ei relictum putaretur.* Tum ex tertio recitatum est. Cum in Tiburti assedimus ego & Marcus filius. Tum Crassus : *Ubi sunt hi fundi Brute, quos tibi pater publicis commentariis consignatos reliquit? Quod nisi puberem te jam haberet, quartum librum composuisset, & se etiam in balneis lotum cum filio scriptum reliquisset.* Ita Crassus duos lectores adversum se à Bruto

excitatos , tribus adversus ipsum productis ultus est. Hoc urbanitatis exemplum refert M. Tullius , quod non adstringitur paucis verbis , sed per orationem fufum est.

22. P H I L I P P U S causam agens , cum pusillus testis prodisset : *a Licetne*, inquit , *rogare* ? Cum quaestor properans dixisset : Licet, modo breviter. Heic Philippus. *Non accusabis , per pusillum rogabo*. Primum in testem risus obortus est, sed mox in iudicem Lucium aurificem conversus, qui sedebat ipso teste brevior.

23. V A R G U L A cum eum candidatus A. Sempronius cum Marco fratre suo complexus esset : *b Puer*, inquit , *abigemusas* : levitatem ac molestiam complementium significans, sed ridicule magis quam urbane.

24. N E R O quidam in servum furacem ita jocatus est, *c ut diceret solum esse cui domi nihil sit, nec signatum, nec occlusum*. Id si de frugi servo dicas , laus est : si de furaci , jocus. Intelligimus enim illi nec seras nec signa ob stare quo minus furetur. Scrinia claudimus , olim & cadi lagenæque solent ob signari.

25. S P U R I O Carvilio graviter claudicanti ex vulnere ob rem publicam accepto , & ob claudicationis vitium in publicum prodire verecundanti , mater dixit : *d Quin prodis , mi Spuri , & quotiescumque gradum facis , toties tibi tuarum virtutum venit mentem*.

26. D E Calvino Glaucia claudicante dixit quidam : *e Non claudicat , sed clodiat*. Veteres Clodium dixere pro Claudio. Hinc jocus in eum qui Clodio favebat.

27. P U B L I U S Blessus Junium hominem nigrum, *f macilentum & repandum* , fibulam ferream appellavit ob colorem , duritiem , & incurvati corporis similitudinem.

28. V A T I N I U S reus à calvo accusatore in invdiam vocatus , quod candido sudario frontem tergeret : *g Quanquam*, inquit , *sum reus , tamen & panem candidum*

a Focus ex ambiguo. b Muscas abige. c Furax.

d Claudicatio honesta. e Clodicare. f Resupini.

g Delicatus reus.

dum edo : crimen diluens ut duplicaret. Solent autem rei prodire squalidi.

29. CUM in triumpho C. Cæsaris oppida eburnea fuissent circum lata, ac paucis post diebus in triumpho Fabii Maximi lignea deportarentur, Chrysippus ludens dixit eas esse thecas oppidorum Cæsaris. Solent enim res pretiosæ ligneis thecis muniri.

30. EMPEDOCLES cum in arena Mirmillonem retiarius sequeretur, nec feriret. *Vivum*, inquit, *caperet vult*. Sic in venatu qui cupit animal vivum, cavet ne vulneret.

31. AUGUSTUS videns equitem in spectaculis bibentem, misit qui illi suis verbis diceret: *a Ego si prandere volo, domum eo*. Respondit eques: *Tu enim non times ne perdas locum*. Augustus sensit indecorum esse illic in publico bibere. Eques per jocum sic interpretatus est, Cæsarem sine damno posse discedere è theatro, quod locus ipsi servetur non item equiti.

32. MANIUS Curius Campatium de theatro exeuntem interrogavit, num spectasset, Campatius stultitiam hominis sic irrisit: *b Non*, inquit, *sed in orchestra pila lusi*. Quid aliud fecisset in theatro, nisi ut spectaret: Quasi quis è balneo exiens rogetur an lavisset. Sed multo absurdus est, in orchestra pila ludere.

33. JUNIUS Bassus Domitiæ Passanii quærenti, quod ei sordes objiciens dixisset, illum veteres calceos vendere: *c Nunquam mehercule*, inquit, *istuc dixi, sed dixi emere solere*. Atqui multo sordidius est emere quam vendere veteres calceos. Sic irrisit mulierem, ut pro eo quod objiciebatur, subjiceret aliud illo molestius.

34. EQUES Romanus objicienti Augusto quod patrimonium devorasset: *d Meum*, inquit, *putavi*. Simulans errore factum quod criminabatur, ac sentiens interim non esse crimen, si quis sua suo profundat arbitrio.

35. CASSIUS Severus cum objurgaretur à præ-tore, quod ejus advocati Lucio Varo Epicureo Cæsaris

T 4

amico

a Libere. b Jocus ab absurdo. c Convitium mutatum in pejus. d Libere.

amico convitium fecissent : *Nescio*, inquit, *qui convitiari sint*, & *puto Stoicos fuisse* : huc alludens, quod inter Epicureos & Stoicos maximum dissidium est. Nam Epicurei felicitatem hominis voluptate metiuntur. Stoici præter honestum nihil dicunt in bonis.

36. IDEM cuidam obijcienti, quod Proculejus ei domo interdixisset : *a Nunquid*, inquit, *ego illuc accedo* ? Elusit objectionem : nam in jus vocari solent, qui contra prætoris interdictum adeunt locum, non is qui paret interdicto : simul innuens, se nequaquam teneri domus illius desiderio.

37. TRACHALUS Suellio cuidam inter argumentandum dicenti : *b Si hoc ita est, is in exilium* : per jocum subjecit : *Si non est, redis*.

38. CATULUS Philippo oratori dicenti. Quid latras, respondit : *c Furem video* : convitium latrandi in ipsum retorquens, notans hominis rapacitatem.

39. CATULUS cum orator quidam malus, qui in epilogo se putabat movisse misericordiam, postquam assedit, rogaret hunc, videreturne movisse misericordiam : *d Ac magnam quidem*, inquit. *Neminem enim esse putotam durum, cui non oratio tua miseranda visa sit*.

40. THEODOTUS Regis Ægypti præceptor, aliis censentibus esse recipiendum Pompejum, aliis non recipiendum : neutris assentiens dixit, recipiendum, sed occidendum : addens jocum : *e Mortuos non mordere*. Atque hujus sententia vicit, tuta suadens magis quam honesta.

41. SCIPIO in Nevium quendam. *Quod hoc*, inquit, *Nevie ignavius* ? Lufit è contrario mutata litterula.

42. M. SCIPIO Maluginensis ex sua centuria renuntiavit Acidinum consulem, cumque præco dixisset. Dic de L. Manlio. Ego, inquit Scipio, *virum bonum egregiumque civem esse arbitror*. Præco expectabat suffragium pro Manlio, Scipio respondit, quasi de moribus illius interrogatus. Nescio an hic Acidinus, nomine & prænomine dictus sit L. Manlius, cumque Scipio pos-

a Salte. b Irrisio. c Retortum dictum. d Depravatum. e Mortui non mordent.

stremum ad nomen tantum expressisset, præco admonuit, & illa addenda. Hinc Scipio jocandi occasionem arripuit.

43. S C I P I O major Corinthiis pollicentibus se illi statuas posituros eo loco quo erant aliorum Imperatorum, *a* respondit sibi displicere turmales. Sentiens in turba occultari quod additur. Turma proprie equitum est in bello. Id transtulit ad statuas armatas.

44. S C I P I O Æmylianus apud Numantiam iratus C. Metello, dixit: *b* Si quintum pareret mater ejus, asinum fuisse parituram. Tarditatem mentis ac deformitatem corporis illi, fratribusque ejus exprobrans.

45. S C I P I O cum ei M. Flaccus multis probris objectis P. Mucium judicem tulisset: *c* Ejero, inquit, iniquus est. Huic vocicum esset admurmuratum. *Ab*, inquit, patres conscripti, non ego mihi illum iniquum ejero sed omnibus. Expectabatur ut purgaret quod dixerat, sed aggravavit. Licet rejicere judicem reo inimicum seu iniquum, hoc est, male volentem, sed multo magis eum qui nulli æquus est.

46. C A M Africano illi majori corona sæpius in convivio imposita rumperetur. Licinius Varus accommodanti dixit: *d* Noli mirari si non convenit, caput enim magnum est. Sentiens hominem esse præpotentem, cui non quævis corona congrueret.

47. D O M I T I U S Afer Manlium Suram, multum in agendo discursantem, salientem, manus jactantem, *e* togam dejicientem ac reponentem, non agere dixit, sed satagere. Actio enim oratoris est. Satagit autem qui frustra misereque conatur.

48. A F E R Didio Gallo, qui provinciam ambitiosissime petierat, mox impetrata ea querebatur quasi coactus esset: *f* Age, inquit, aliquid & pro Republica elabora. Jocus est ab ironia, simulque allusum illuc est, quod Magistratum magno studio ambisset.

49. A F E R orator egerat causam adversus liberum Claudii Cæsaris, Quidam ex adverso conditionis

T 5

ejus-

a Turmales. *b* Contumeliose. *c* Excusatura in pejus.

d Apta. *e* Agere satagere. *f* Ironia.

eiusdem, cuius erat litigator cui adversabatur Afer, exclamavit: *a Itane tu semper in liberos Cæsaris dicis: videlicet illi metum injicere cupiens ex nomine Cæsaris: subjecit Afer: Nec me Hercule quidquam proficio. Notans illum post alios liberos existere, contra quem dicere cogeretur.*

50. I D E M in quendam patronum imperitum, sed splendido vestitu se venditantem litigatoribus, lepide dixit: *b Homo in agendis causis bene vestitus.* Lulit ab inexpectato. Nam auditor pro vestitus expectabat, instructus aut exercitatus.

51. I D E M cum qui diversam partem agebant, *c* subinde repeterent, Celsinam hoc dicere: cum probe novisset foeminam præpotentem, tamen simulans se credere, Celsinam virum esse, rogavit quis esset ille Celsina: obiter notans illorum ineptiam, qui tantum auctoritatis, opum gratia tribuerent foeminæ, ut illius dicta toties citarent pro testimoniis.

52. D O M I T I U S Afer cum haberet ingratum litigatorem, ipsius conspectum vitanti, ne cogeretur agnoscere patroni beneficium, in foro per nomenclatorem dixit illi: *d Amasne me quod te non vidi? Tecte exprobrans ingratitudinem, cui gratum esset non videri à benemerito, ne cogeretur illi gratias agere.*

53. I D E M dispensatori qui cum ad reliqua non responderet, dicebat subinde: Panem non comedi, & aquam bibo: *e Pasce*, inquit, & redde quod debes. Non agebatur quid edisset, aut bibisset, sed quid deberet. Permisit igitur ut se quo modo vellet, pasceret, modo solveret quod debebat.

54. I D E M candidato dicenti, semper domum tuam colui: *f Credo*, inquit, & verum est, cum posset palam negare. Candidatus enim hoc ad gratiam fingeat.

55. L. G A L B A Scurra cuidam pilam negligenter petenti: *g Petis*, inquit, tanquam Cæsaris candidatus. Hujus competitores negligentius ambiebant, vel quia metue-

a Salse. b Ab inexpectato. c Dissimulanter. d Ingratitudo. e Aliena à causa. f Confessio per ironiam. g Ex ambiguo.

metuebant Cæsarem repulsæ impatientem, vel quia desperabant se assequuturos tali competitore, vel quia sic illi blandiebantur. Jocus est ex ambiguo, petitur pila quæ repercutitur, & petitur Magistratus.

56. I D E M cui coenaculum perpluebat, cuidam commodato roganti penulam dixit: *a Non possum commodare, nam domi maneo.* Significans domi maxime opus esse penula. Solent alii secus excusare, non possum commodare penulam, ipse exeo.

57. I T E M alteri roganti usum penulæ: *b Si non pluit, inquit, non est tibi opus: si pluit, ipse utar.* Dilemmate excusavit officium.

58. I D E M Mæcenatem acceperat convivio, cumque sentiret illum velle ad ipsius uxorem ludere, simulavit se dormire, quo magis liceret Mæcenati quod libebat. Interea cum accessisset aliquis volens quædam è mensa tollere, ibi Galba: *c Infelix, inquit, huic dormio, non tibi.* De quo plura retulimus in Chiliad.

59. G A L B A quodam jactante quod in Sicilia murænam quinque pedes longam emisset victoriato. *d Nihil, inquit, mirum: nam ibi tam longe nascuntur, ut his piscatores pro restibus utantur.* Mendacium evidentiore mendacio derisit.

60. I N Galbam oratorem eloquentia clarum, & sed gibbo deformem ita lusit M. Lælius, ut diceret ingenium Galbæ male habitare. Nam animi domicilium est corpus.

61. I N eundem acerbius etiam Orbilius grammaticus, qui prodierat testis contra reum cui Galba aderat. Hunc ut Galba confunderet, finxit se nescire quod grammaticus esset, & convitio locum captans interrogavit. Quid artium facies? *f In sole, inquit Orbilius, fricare gibbos soleo.*

62. M A N I U M Curium accusator ejus ad concitandam invidiam in Sipario, id est velaminis genus, pinxerat omnibus locis, aut in nervo nudum, aut ab amicis redemptum ex alea, hoc agens ut omnibus per-

T 6

sua-

a Ex absurdo. b Excusatio. c Dissimulatio. d A mendacio manifesto. e Deformis ingeniosus. f Retortum.

suaderet quam is esset perditæ deditus aleæ. Hoc crimen ridicule infirmitas est Manius. *Ergo*, inquit, *nunquam vici*. Alter intelligi volebat, Curium assidue lusisse aleam. Curius eo torfit, quasi infelicitas esset opprobriata. Non est verisimile, qui frequenter ludit tessleris, nunquam vincere. Refert Fabius.

63. QUIDAM humiliori liberius adversus ipsum multa loquenti: *a Colaphum*, inquit, *tibi dicam*, & *formulam scribo*, quod caput durum habeas. Pro diem tibi dicam, dixit colaphum tibi dicam: & in capite duro lusit amphibologia. Siquidem durum caput habet pervicax, & durum caput habet qui offendit manum percutientis. Allusit autem ad morem eorum qui quempiam in jus vocant, quorum est & diem reo præscribere, & *cui* in jus vocetur misso libello exprimere.

64. QUIDAM interrogatus quid sentiret de eo qui fuerat in adulterio deprehensus: *b Tardus*, inquit, *mihi fuisse videtur*. Ludens ab inexpectato, significansque quod non fugisset in tempore.

65. QUIDAM deploranti quod uxor sua se de sicu suspendisset: *c Rogo*, inquit, *des mihi surculum ex illa arbore ut inferam*: per suspensionem ludens, cum vellet intelligi sibi molestam esse uxorem.

66. QUIDAM mirantibus quod humile candelabrum emissit. *Pransorium erit*, inquit: eludens jocosum mendacio, ne parvus videretur. In conviviis utimur humilioribus candelabris, ut exactius pervideamus quæ sunt apposita.

67. DIGNUS erat nominari, qui de quodam illo laudato veluti laudans dixit: *d Quid huic abest*, nisi *res & virtus*? Similis jocus hodie apud Gallos vulgarissimus fertur, cum ajunt. Sum totus tuus, excepto corpore & bonis.

68. SYBARITA quispiam iter faciens per agros, cum videret quosdam fodientes, dixit se spectando illos fodientes rupturam capere. Ad hanc vocem auditam quidam ita respondit. *At mihi! te audienti latus dolet*.

Tanta

a Ridicule. *b* Ab inexpectato. *c* Uxor molesta.

d Exceptio jocosæ.

Tanta erat Sybaritarum mollities , ut nullum opificium in civitatem admitterent , quod cum strepitu exerceretur , quod genus sunt fabrorum ferrariorum & lignariorum. Atque adeo ne gallum quidem gallinaceum in civitate fas erat alere , ne quid esset quod illis somnum interrumperet. Jocus autem in hoc erat ; quod agricola probabilius dixit , sibi ex tam stulta voce dolere latera , quam Sybarita dixerat , se ex fossorum ligone sentire rupturam. Latera dolent loquenti , non audienti : & rupturam patitur graviter laborans , non spectator. Commemorat hoc Athenæus in duodecimo.

69. C U M testis qui se dicebat à reo vulneratum , interrogaretur an cicatrices haberet , ingentem in femore cicatricem ostendit : tum adversarius : *a Latus* , inquit , *erat oportunius* : significans illum vulnere lethaliore dignum.

70. S I C U L O cuidam Scipio prætor patronum causæ dederat hospitem suum , hominem nobilem , sed egregie stultum. Hic Siculus : *b Quæso* , inquit , *prætor* , *adversario meo da hunc patronum* , *deinde mihi neminem dederis*. Sentiens illum tam insigniter stultum , ut illo diversam partem adjuvante , posset etiam nullo patrocinate vincere.

71. Q U I D A M videns Favonium , cum nulli adessent famuli , Pompejo per omnia inservientem , usque ad pedum lotionem , pronuntiavit Græcum versiculum :

ε Φδὲ τοῖσιν ἡδοναίσιςιν ὡς ἅπαν καλέν.

Id est :

Claris viris ut est decorum quidlibet ?

72. Q U I Scipionis gloriæ invidebant , dicere solent , illum esse egregiorum facinorum histrionem. Lælium vero collegam illius gestorem. Alludentes huc quod alius est actor fabulæ , alius auctor. Sentiebant Scipionem præclaras res gerere , *d* sed Lælii consiliis.

73. I N Metiochum nimis in Republica sedulum , nihilque non agentem , illa jactata sunt :

T 7

Mn

a Salve. b Patronus malus. c Obsequium humile.

d Consiliarius.

a Μητιόχος μὲν στρατηγεῖ, Μητιόχος δὲ τὰς ὁδούς,
 Μητιόχος δὲ ἄρτους ἐποπλεῖ, Μητιόχος δὲ τ' ἄλλὰ τε,
 Μητιόχος δὲ πάντα κείται, Μητιόχος δὲ οἰμώξεται.

Id est:

*Metiochus Dux est, at idem Metiochus curat vias,
 Metiochus molit farinas, Metiochus panes coquit,
 Metiochus fit cuncta solus, Metiochus ploraverit.*

Est aliquid pauca bene agere. Notat Martialis quendam ardelionem qui nihil non faciebat belle, cum nihil faceret bene.

74. QUIDAM Atheniensis indisertus, sed factis strenuus & artis peritior, cum alius oratione facunda meditataque multa præclare polliceretur: *b* Viri, inquit, Athenienses, quæ iste magnifice disseruit, ego re efficiam.

75. SYLLA cum Præneste oppidum armis cepisset, decrevissetque quidquid erat civium trucidare, hospitem suum iussit excipi, hoc beneficio pensare volens hospitii communicati gratiam. At ille contra libere: *c* Nolo, inquit, patriæ meæ extinctori debere vitam: simulque turbæ civium sese admiscuit, & cum illis trucidatus est.

76. IDEM cum ipsi libellum malus Poëta de populo subiecisset, quod in eum epigramma fecisset, tantummodo versibus alternis longiusculis, statim ex his rebus quas tum vendebat, iussit ei præmium tribui, sub hac conditione, ne quid postea scriberet. Existimabat ille etiam mali Poëtæ operam aliquo dignam præmio. Simul autem & silentium redemit ab eo qui scribere nesciret: quemadmodum facetus quidam apud nos si quando incidisset in malum tonsorem, dabat duplum pretium, hac lege ne rediret.

77. SERVUS quidam ab hero Chio negotiatore profugerat. Rogatus cur fugisset: *d* Quoniam, inquit, cum adsint bona, mala querit. Solet enim herus ille vinum mustum primæque suavitatis vendere, ipse interim non bibens nisi subacidum ac vapesceus.

78. SER-

a Ardelio. *b* Facere præstantius, quam dicere. *c* Patria caritas. *d* Parsimonia sordida.

78. SERVUS quidam interrogatus quid ageret dominus: *a Exspectat*, inquit, *donec vinum fiat acidum*. Habebat herum perparcum, qui non prius sinebat bibi vinum quam acuisset. Ita fiebat, ut familia semper acidis ac vapidis vinis uteretur.

79. QUIDAM servum fugitivum insequens, cum ille in pistrinum se proripuisset: *Ubi*, inquit, *alibi te reperire maluisssem?* Servi maxime oderunt pistrinum, eoque detruduntur ob gravissima peccata.

80. THESSALUS quidam interrogatus, quidnam essent Thessalorum deterrimi: *b Qui*, inquit, *à bellicis negotiis otium agunt*. Barbari nesciunt uti pace.

81. EQUISO quidam interrogatus, quid maxime saginaret equum: *c Oculi*, inquit, *Regis*. Sentiens equum optime curari, si dominus frequenter adsit. Idem vult illud celebre. Frons occipitio prior est.

82. NESTOR apud Sophoclem ad Ajacem se convitiis incessentem ita loquitur:

d Οὐ μέμφομαι σε, δρῶν γὰρ βέλτικῶς λέγεις.

De te queror nil, male loquens facis bene.

Aliquid concedendum est viris fortibus, deque Republica bene meritis: & bene pensat linguæ vitium, qui factis egregius est.

83. CUM Ægyptii qui diu fuerant in præsidio, nec à quoquam dimittebantur, conspirassent ut in Æthiopiam se conferrent, ac Psammetichus Rex eo cognito, consecutus eos obtestaretur, ne patrios Deos, uxores ac liberos desererent, quidam illorum ostenso membro genitali, respondit: *e Ubicunque hoc esset, ibi & liberos & uxores fore.*

84. OLIM indivitem epulis apud Ægyptios unus quispiam cadaver ligneum, sed quam proxime ad verum effictum ostendit singulis, dicens: *f In hunc intuens pota & oblecta te, talis post mortem futurus*. Dubites quo animo id fecerint, utrum ut moderatius fruerentur volupta-

a Parsimonia sordida. b Otium. c Domini presentia. d Vitia pensata. e Crassa veritas. f Mortis memoria.

luptatibus, conditionis suæ memores, an avidius, utpote mox obituris.

85. P U E R quidam apud Platonem educatus, cum ad patrem ex intervallo redisset, eumque vidisset effusius ridentem, admiratus dixit: *a Se tale nihil unquam apud Platonem vidisse.* Tanta res est, jam inde à teneris virtuti assuescere.

86. R H O D I U S quidam ministro Romani Imperatoris multa vociferanti ferociter: *b Non curo*, inquit, *quid eis dicas, sed quid ille taceat.* Loquacitas caret affectu, taciturnitas habet certiora consilia.

87. Æ G Y P T I U S bajulus gestans quiddam velis opertum, cuidam sciscitanti quid portaret: *c Ideo*, inquit, *obvelatum est, ne scires, tu vero cur curiose vestigas quod occultatum est?* Solent vectigalium redemptores explorare sarcinas. Ægyptii autem dicti sunt *ἀποπόει*.

88. B Y Z A N T I U S quidam cum moechum in uxore deformi deprehendisset: *d Miser*, inquit, *quid opus erat Sapragoræ dote?* Significans fœminæ tam deformi non futurum fuisse qui concumberet, nisi dote conductum. Nunc nacta esset gratis adulterum, quid opus erat Sapragoræ marito dare dotem, cum esset qui gratis hoc faceret?

89. Q U I D A M somniarat se videre ovum ex lecti cubicularis fascia pendens illigatum. Id somnum retulit ad conjectorem. Is iussit ut eo loco foderet, defossam enim esse thesaurum. Fodit & invenit, & argenti paululum detulit ad conjectorem, de auro dissimulans. Tum conjector. *e Quid? nihilne de vitello?* Somniator invenerat aurum argento circumdatum in ovi speciem, nec id latuit conjectorem.

90. P H I L O S O P H U S quidam Pythagoricus à futtore emerat phecastia, calceamenti genus, non præsentibus nummis. Paucis post diebus redit ad tabernam redditurus pretium, cumque clausam diu pulsaret januam, fuit qui diceret. Quid perdis operam tuam?

Sutor

a. Assuescendum optimis. b. Minæ inanes. c. Gloriositas.

d. Adulterium. e. Nihil de vitello.

Sutor ille quem quæris, elatus combustus est : & addidit jocum in Pythagoricum : *a* *Id nobis quidem molestum est, qui in æternum nostros amittimus : tibi minime, qui scis futurum ut renascatur.* His auditis Pythagoricus treis denarios invita manu domum retulit, subinde manu concutiens, velut de lucro gestiens. Post cum hunc animi affectum reprehendisset, redit ad tabernam, & ait sibi : *Ille tibi vivit, ut redde quod debes : simulque per clostrum qua se commissura laxaverat, treis denarios in tabernam immisit, poenas à seipso exigens improbæ cupiditatis, ne assuesceret alieno.* Prudenter ille quidem qui morbo suppullulanti statim occurrit.

91. V O P I S C U S in divo Aurelio refert apophthegma scurræ cujusdam, qui dixerit : *b* *In uno annulo bonos Principes omnes sculpi posse.* Sentiens, esse magnum Imperatorum numerum, sed in his perpau-
cos bonos.

92. R E X quidam, cujus nomen supprimitur, nominari alioqui dignissimus, cum ipsi porrigeretur diadema, tenuit aliquandiu manu dixitque : *c* *O nobilem magis quam felicem pannum, quem si quis penitus cognoscat, quam multis periculis, solitudinibus ac miseriis sit refertus, ne humi quidem jacentem tollere dignetur.*

93. P R O C O N S U L quidam Romanus in Sicilia conspiciens quendam adolescentem admodum sui similem, rogavit similitudinis causam, cum pater suus nunquam adisset Siciliam : *d* *At meus, inquit, Romanam frequenter accessit.* Jocum retorfit Siculus, nihil veritus secures ac virgas proconsulis. Simillimum huic dictum in Augusto.

94. Q U I D A M dixit eum qui primus populo Romano dedit epulum & congiarium, *e* exitii causam illi fuisse. Unde Cæsar Augustus cogitavit aliquando de tollendis hujusmodi largitionibus. Insincerus favor est, qui donis emitur, quæ si minuas, ingens murmur : si tollas, seditio gravis oritur.

95. P H I L I P P U S Macedonum Rex, quoniam

a *Lucri aviditas. b Bonorum paucitas. c Principatus sollicitares. d Retortus jocus. e Largitio.*

niam pleraque dando perfecit potius quam bellando, jactatum est in illum : *a Non Philippum , sed Philippi aurum subegisse Graciam.* Ita Plutarchus in vita P. Æmilii.

96. R O M U L U S primus urbis Romanæ conditor, legitur vini fuisse parcissimus. Is ad coenam vocatus, cum ibi minimum bibisset, eo quod postridie negotium haberet, dicunt illi familiares : *b Si ad istum modum bibant omnes homines, vinum esse vilius.* Ille respondit. *Immo vero carius, si quantum quisque volet bibat, nam ego bibi quantum volui.*

97. P O R S E N A demiratus egregium animum Mutii Scævola, qui iratus dextræ suæ in stringendo ferro errasset, foculo inpositam eam exuri passus est, dixit illi : *c Revertere ad tuos Muti, eisque refer, te, cum vitam meam petieris, à me vita donatum.*

98. T A R Q U I N I U S Superbus jam exul factus dixisse fertur. Se tum denique cognovisse quos habuisset amicos fidos, quos infidos, cum neutris gratiam referre posset. Qui commodi gratia sunt amici, sublata commodi spe deferunt amicitiam. Sed amicos secundæ res parant, adversæ probant.

99. H O R A T I U S rediens ad suos, trium Curiatorum fratrum quos occiderat, spolia gestabat, quorum uni desponsa fuerat Horatii soror virgo. Illa agnoscens sponsi paludamentum quod ipsa manibus suis confecerat, solvit crines, ac fletu sponsum mortuum inclamat. Horatius sororem gladio transfigit, dicens : *d Abi hinc cum tuo præpropere amore, oblita fratrum mortuorum, vivique, oblita patriæ.* Tantum valuit amor laudis & patriæ gloria.

100. C U M Collatinus cum paucis familiaribus ad Lucretiam venisset à Sexto Tarquinio vi stupratam, quaerenti viro ex more, Satin salvæ ? *e Minime,* inquit Lucretia, *quid enim salvi mulieri amissa pudicitia ? Vestigia alieni viri Collatine in lecto sunt tuo. Sed corpus tantum violatum est, animus insons est, mors testis erit :* his dictis

cul-

a Auro pugnare. b Sobrietas. c Clementer. d Amor gloriæ. e Pudicitia conjugalis.

cultrum quem abditum habebat in corpore infixit, & collapsa est moribunda.

1. C. PLAUTIUS consul de Privernatibus qui à Romanis desciverant, ad senatum retulit: ac variantibus sententiis, quidam privernatum legatos percunctatus est, quam poenam viderentur meruisse: *a Eam*, inquit, *è legatis unus, quam merentur qui se libertate dignos censent.* Hic consul. Quid, inquit, si vobis poenam remittimus, qualem vobiscum pacem habituri sumus? *Si bonam dederitis*, inquit, *& fidelem & perpetuam, si malam, haud diuturnam.*

2. A P A P Y R I O Curfore viro impigro equites ausi sunt petere, ut pro re bene gesta relaxaret aliquid laboris. Quibus ille: *b Ne nihil, remissum dicatis, remitto, ne utique dorsum demulceatis cum ex equis descenderitis.* Hoc non erat remittere laborem, sed equo curando aliquid adimere. Nisi forte sensit quosdam milites delicatiores, post equitandi laborem jubere solitos sibi defricari tergum. Hoc operæ Papyrius suis remisit.

3. R O M A N I dicebant prima Gallorum prælia plusquam virorum esse, *c* postrema minus quam foeminarum: quod primo impetu feroces essent, mox demitterent animos.

4. C U M exercitus Romanus terga daret Samnitibus, M. Attilius consul equo prævectus ad portam castrorum edixit, ut quicumque miles ad vallum tenderet, siue Samnis esset, siue Romanus, pro hoste haberetur. *d Quo pergis*, inquit, *miles? Heic arma & viros invienes, nec vivo consule tuo nisi victor castra intrabis. Proinde elize, cum cive an cum hoste pugnare malis.*

5. S A G U N T O a Pœnis contra fœdus oppugnato, Romani legatos misere Carthaginem, in quibus erat Q. Fabius, exploraturos an id publico consilio factum esset. Ad id cum quidam Carthaginiensium Princeps ferocius respondisset, Romanus sinu ex toga facto: *e En*, inquit, *vobis bellum & pacem apportamus, utrum placet sumite:* cum Pœni ferocius reclamarent, daret utrum
vel.

a Libere. b Severe. c Prima coitio. d Severe.

e Animose.

veller, Romanus effuso sinu. *Bellum*, inquit, *damus*. Responderunt pœni, se accipere, eoque animo gesturos, quo ille daret.

6. MARTIUS Coriolanus in bello adversus Volscos, cum rogaretur ut labore ac vulneribus æger sese in castra reciperet: *a* *Non est*, inquit, *viâtoris laborare*: moxque hostem fugientem infectatus est. Victoriæ dulcedo excutiebat omnem molestiæ sensum.

7. CUM ob bene navatam operam ante prædæ divisionem è singulis rebus, equis, & captivis, denos sibi eligere juberetur, insuper & equo pulcherrimo donatus à consule: *b* *Lator*, inquit, *à consule laudari*: *equumque fortitudinis præmium lubens accipio*, cetera non tam decora quam mercedem non accipiam: fuitque communi reliquorum sorte contentus. Nec aliud extra ordinem petiit, quam ut Volscus quidam vir probus & æquus, quo hospite & amico fuerat usus Coriolanus, non venderetur captivus, sed suæ libertati relinqueretur. Huic animo contemptori pecuniæ, & hospitis memori, magis applausum est quam victoriæ.

8. CUM Coriolanus merito iratus ingrato populo Romano, exitium urbi moliretur, nec a legatis, nec à sacerdotibus exorari posset. Veturia mater una cum uxore filii ac liberis in castra venit. In cujus complexum cum accurreret Coriolanus: *c* *Sine*, inquit illa, *prius sciam, utrum ad hostem an ad filium venerim, & utrum captiva an mater in castris tuis sim*. Hæc aliaque cum dixisset, matrem complexus. *Expugnasti*, inquit, *& vicisti iram meam. Patria te mihi quamvis merito invisam, hujus precibus dono*.

9. ATTILIUS Regulus, qui fuit primo bello Punico bis consul, ajebat. *d* *Neque sæcundissimis locis agrum insalubrem parandum, neque effœtis saluberrimum. Frustra salubris est locus, ubi peritur fame. Et frustra fertilis est, ubi non licet vivere*.

10. T. MANLIUS Torquatus consulatum magno consensu recusavit, excusans adversam valetudinem.

ocu,

a *Victoria dulcis.* *b* *Honor potior mercede.* *c* *Pietas.*

d *Salubritas juncta sæcunditati.*

oculorum, sed instautibus cunctis: *a A'ium*, inquit, *Quirites, querite, cui mandetur istum honorem. Nam si me suscipere coëgeritis, nec ego mores vestros ferre, nec vos meum Imperium perpeti poteritis.*

11. C. FIGULUS in petitione consulatus repulsam passus est. Id eo gravius tulit, quod patrem haberet bis consulem. Ad hunc cum postridie comitiorum complures venissent consulendi gratia (nam erat juris civilis peritissimus) omnes dimisit, ita præfatus: *b Omnes consulere scitis, consulem facere nescitis.*

12. M. DRUSUS tribunus plebis, non contentus L. Philippum consulem præcipitasse in carcerem, quod se loquentem ausus esset interpellare, cum senatus ad eum misisset ut veniret in curiam: *c Cur non potius*, inquit, *senatus ad me venit ut Hostiliam vestris propinquam? Quid consecutum?* Tribunus senatus auctoritatem despexit, senatus tribuni verbis paruit.

13. C. FIMBRIA procurarat ut Scævola in funere C. Marii jugularetur, quem ut cognovit ex vulnere recreatum, apud populum deferre instituit. Rogantibus quid optimo innocentissimoque viro esset objecturus: *d Objiciam*, inquit, *quod parcius corpore telum recepit: quasi hoc ipsum crimen esset non perisse.*

14. CUM M. Tullius in senatu dixisset incendium à Catilina excitatum: *e Sentio*, inquit Catilina, *idque si aqua non potuero, ruina extinguam. Vex non hominis, sed furia.*

15. MANLIUS Torquatus cum è Macedonia venissent legati, graves querelas deferentes de filio ejus Decio Syllano, qui eam provinciam obtinuerat, à senatu petiit ne quid ea de re statuerent, prius quam ipse causam cognovisset. Cum senatus illi cognitionem detulisset, domi sedit solusque utrique parti per totum bidduum vacavit, tertio die pronuntiavit in hanc formam: *f Cum Syllanum filium pecunias à sociis accepisse probatum sit,*

a Severe. b Ingratitudo. c Arrogantia felix. d Improbitas. e Vox impia. f Severitas.

ſir, & Republica eum & domo mea indignum judico, priuſque è conſpectu meo abire jubeo.

16. A U L U S Fulvius filium ingenio, literis & forma florentem, quoniam in Catilinæ caſtra properabat, ex itinere retractum occidit, dicens: *a Ego te non Catilina aduerſus patriam, ſed patriæ aduerſus Catilinam genui.*

17. M. C A S T R I T I U S Placentiæ Magiſtratum gerens, Cn. Carboni conſuli jubenti decretum fieri, quo ſibi obſides à Placentinis redderentur, non paruit atque adeo minitanti dicentique. Multos habeo gladios, reſpondit: *b Et ego annos*; declarans ſe ſenectutis præſidio fretum, non metuere gladios.

18. C E S E L I U S cum nec triumviris obtemperaret, & multa libere de C. Cæſaris temporibus loqueretur, admonentibus amicis ut ſibi caveret: *c Dua*, inquit, *res ſunt, quæ cæteros reddunt formidoſos, mihi maximam ſuppeditant fiduciam, ſenectus & orbitas.* Senex cito periturus eſt etiam ſi nemo occidat. Et orbus nec habet quos curet, nec habet quibus timeat. Solet enim ultio in liberos propagari.

19. C U M navis qua Granius prætorius quæſtor vehabatur, in Scipionis Metelli poteſtatem veniſſet. Scipioque cæteris direptis quæſtori ſalutem polliceretur, quæſtor ita reſpondit: *d Cæſaris milites ſalutem dare, non accipere ſolent.* Tantum locus pugione ſeſe confodit. Hos animos Cæſar ſuis inſpiraverat.

20. G R A N I U S præco patrono malo cum dicendo vocem obtudiſſet, ſuaſit ut ſimul ac domum rediſſet, frigidum muſum biberet: cum is reſpondiſſet. Perdam vocem ſi id fecero: *e Melius eſt*, inquit Granius, *perdere vocem quam reum.*

21. I D E M cum P. Naſica tum conſul, cujus juffu juſtitium in medio foro edixerat præco Granius, rogaret eum domum deſcendentem, quid triſtis eſſet, an quod auſtiones eſſent: *Immo vero*, inquit Granius, *quod legiones*: notans eum quod armis rem gereret. Libera ſane vox præconis in conſulem, ſed

a Severitas patris. b Fiducia ſenectutis. c Fiducia ætatis & orbitatis. d Animofe. e Patronus malus.

sed eximia moderationis exemplum, hoc impune licuisse præconi.

22. IDEM Druso tribuno plebis homini potentissimo, sed multa in Rempublicam molienti, cum ab eo, ut sit, salutaretur his verbis. Quid agis Grani? *Immo vero* inquit, *tu Druse quid agis*: Utrumque refertur à M. Tullio in oratione pro Cn. Plancio.

23. M. LUCULLUM quod Bruti & Cassii partes sequutus fuerat, M. Antonius occidit. Hujus mortem cum Volumnius, qui vivum familiariter coluebat, sine fine deploraret, ad Annium pertractus ait: *a Jube me protinus ad Luculli corpus ductum occidi. Neque enim illi extincto superesse debeo, cum ei infelicitis militia auctor exstiterim.*

24. C. FURIUS Cresinus è servitute liberatus, cum è parvo admodum agello largiores multo fructus perciperet quam ex amplissimis vicini, in magna invidia erat, quasi fructus pelliceret veneficiis. Quamobrem illi dicta dies est à Sp. Albino Curuli. Reus metuens damnationem cum in suffragium oporteret ire tribus, omnia instrumenta rustica in forum attulit, adduxit & filiam validam bene curatam ac vestitam, ferramenta egregie facta, graves ligones, vomeres ponderosos, boves saturos, postea dixit: *b Veneficia mea, Quirites, hæc sunt, nec possum vobis ostendere, aut in forum producere lubricationes vigiliasque & sudores.* Omnium sententiis absolutus est. Meminit hujus & Plinius lib. 18. cap. 6.

25. Q. FLAVIUS apud populum reus actus accusante C. Valerio, c cum quatuordecim tribuum suffragiis damnatus esset, proclamavit se innocentem opprimi, cui Valerius æque clara voce respondit, nihil sua referre nocens an innocens periret. Ea vox tam violenta reliquas tribus reo conciliavit, itaque reus quem prostratum credebat, absolutus est.

26. POMPONIUS Atticus in funere matris quam extulit nonagenariam, d ipse natus annos sexaginta septem, gloriatus est, quod nunquam cum matre in gratiam

a Amice. b Industria lucrosa. c Ira impotens. d Tranquillitas.

riam redisset, nunquam cum sorore fuisset in simultate, quam prope æqualem habuit. Hanc vocem se ab ipso audisse scripsit Cornelius Nepos. Plus autem est non redisse in gratiam quam non fuisse in simultate. Matrem nunquam offenderat: inter ipsum & sororem etiam si quid incidit offensarum, nunquam exierunt in simultatem, quæ tamen inter fratres & sorores frequenter acerrime solent existeret.

27. A M I S S A classe circa Siciliam. Pœni de pace cum Romanis ineunda consultabant: Amilcar negabat se audere ire ad consules, ne idem accideret ipsi à Romanis, quod Pœni fecerant Cornelio Asinæ consuli, cui legato catenæ sunt injectæ. Hanno melius sentiens de fide Romana, profectus est. Cui liberius exponenti causam tribunus militum minitans dixit: *a Et illi posse accidere, quod accidisset Cornelio consuli.* Hic uterque consul tribuno filere iussit. *Isto*, inquit, metu Hanno te fides nostræ civitatis liberat.

28. S A M N I T I B U S consultantibus quid de legionibus Romanis apud furcas Caudinas inclusis fieri deberet, Herennius Pontius suavit, ut inviolatæ dimitterentur. Postero die eadem de re consultus, respondit ad unum usque delendas: *b* Sentiens aut clementer magno beneficio demerendos hostes, aut irreparabili jactura vires illorum comminuendas. Neutrum sequutus est exercitus, sed sub jugum missus contumelia magis illos in se provocavit.

29. M. B I B U L U S in Syria duos egregiæ indolis filios amisit à Gabinianis militibus Ægypti occisos. *c* Horum interfectores Cleopatra ad illum victos misit, ut in eos pro arbitratu suo animadverteret: at ille eos protinus intactos ad Cleopatram reduci iussit, dicens ejus vindictæ potestatem non suam, sed senatus esse debere.

30. C. S U L P I T I U S Gallus uxorem repudiavit, quod aperto capite fuisset foris: *d Lex*, inquit, *tibi*

meos

a Fides hostium legatis servata. b Hostis aut perdens, aut demerendus. c Moderate. d Severitas in uxorem.

meos unius præfinit oculos, quibus formam tuam approbes, his ornamenta comparato, his esto speciosa, aliis velle videri formosam, in suspitione & in crimine hæreat necesse est.

31. T I B E R I O senatum ingrediente, surgens adulator quidam exclamavit, esse libere loquendum, nec reticenda quæ ad Rempublicam attinerent. Erectis ad hanc vocem omnibus, ipso etiam Tiberio attento: *a Audi*, inquit Cæsar, in quo te reprehendimus omnes, licet nullus audeat palam fateri. Impendis te ipsum nobis, corpus tuum diurnis nocturnisque laboribus & curis pro Republica conficiens. Hujusmodi multa cum diceret, sub libertatis prætextu turpiter adulans, C. Severus subjecisse fertur. *Ista tanta libertas hunc hominem dabit exitio.*

32. C U M in senatu variantibus sententiis Cato censeret perpetuam dictaturam, ut Tyrannicam potentiam è Republica tollendam, Bibulus cum esset Pompejo inimicus, primus in senatu rogationem tulit, ut unicus consul Pompejus decerneretur. *b Aut enim*, inquit, *Respublica ab imminente procella per illum liberabitur, aut optimo parendum erit.* Egregius animus qui privatam simultatem posthabuit Reipublicæ commodis. Eam sententiam Cato dixit se ab alio dictam comprobare, licet ab ipso non debuerit proficisci.

33. R U T I L I U S cum aliquando Romæ adisset Musonium, rogavit, Dic mihi, Musoni, Jupiter Servator quem tu imitaris num fœneratur? Notans illius inopiam, qui cogeretur interdum accipere mutuum. Ad hoc arridens Musonius. *At ne fœnerat quidem Rutili.* Turpius est ad fœnus dare quam accipere. At Rutilius, cum ipse faceret quod gravius est, objecit illi quod erat levius.

34. V A L E R I O Publicolæ Jovis ædem dicanti, jamque ex more postem tenenti, Marcus illius frater, derepente funestum nuntium ingessit dicens. O consul, filius tuus morbo periit in castris. Ob eum nuntium moestis omnibus, Publicola nihil commotus: *c Cadaver*, inquit, *quolibet abjicite*: simulque dedicationem sollempni ritu peregit. Nec tamen verum erat perisse

V

filium,

a Adulans libertas. b Decorum persona. c Fortiter.

filium, sed data opera factum est, ut à dedicatione revocaretur, atque is honos ad alium transfiret. Quamquam Livius libro ab urbe condita secundo hoc aliquanto diversius narrat.

35. C E S E T I U S eques Romanus, cum à Cæsare filium abdicare juberetur, quod is tribunus plebeis cum Marullo collega ei invidiam movisset regni affectati: *a Citius*, inquit, *Cæsar tu mihi omnes filios meos accipies, quam ego ex his unum nota pellam mea.*

36. T I T U S Labienus equiti strenuo de præda Gallica aurum donavit. Id videns Scipio dixit equiti: *b Habebis donum viri divitis.* Hac voce audita, eques aurum ad pedes Labieni adjecit. Idem cum audiret Scipionem dicentem, Imperator te armillis argenteis donat, alacer gaudio abiit. Miles aurum contempsit, honorem amplexus est.

37. Q. F A B I U S Minutius, hortante filio ut locum idoneum paucorum jactura caperet: *c Visne*, inquit, *tu ex illis paucis esse?* Admonens non esse boni Ducis, ullius militis incolumitatem contemnere.

38. F A B R I T I U S Cineæ Epirotarum legato, magnam auri vim dono offerenti, recusavit accipere, dicens: *d Se malle imperare aurum habentibus quam habere aurum.*

39. M. L I V I U S fuso Hasdrubale, nonnullis suadentibus ut hostes ad internecionem insequeretur. *e Aliqui*, inquit, *& supersint, qui de victoria nostra nuntium hostibus perferant.*

40. V A R R O Paulli collega, quoniam ex Cannensi pugna quæ Romanis fuit infelicissima, *f* superfuit, honores à populo delatos recusavit, dicens felicioribus Magistratibus opus esse Reipublicæ. Cum animum gereret inculpatum, fortunæ suæ Reipublicæ ultro poenas dare voluit, vir ob hoc ipsum summis dignus honoribus.

41. C U R I U S devictis Sabinis cum ex senatus consulto

a Pietas in filium. b Honor pretio prior. c Vitam nemo contemnit. d Auri contemptus. e Clementer. f Virtus infelix.

fulto ei ampliaretur agri modus, *a* quem consummati milites accipere solent, recusavit, & gregalium portione contentus fuit, dicens, esse malum civem, cui non esset satis id quod ceteris esset satis.

42. HORTENSIVS orator ob cultum mundiorum, ac gesticulationes in dicendo molliores, crebro male audiebat in ipsis etiam judiciis. Sed cum Lucius Torquatus, homo subagrestibus & infestivis moribus, cum apud concilium de causa Syllæ queretur, non jam histrionem illum diceret, sed gesticulatricem, Dionysiamque notissime saltatriculæ nomine compellaret: tum voce molli demissaque Hortensius: *b* *Dionysia*, inquit, *Dionysia* malim equidem esse, quam quod tu Torquate ἀμυρος, ἀγροδαιρος, ἀπρόσιτος. Id est: inelegans, agrestis, aditu difficilis. Periculose maledicit alteri, cui vel idem vel simile, vel diversum, sed deterius vitium potest obijci.

43. IDEM gloriari solet, quod nunquam bello civili interfuisset, refert M. Tullius epistola ad Cælium lib. 2.

44. L. CRASSUS orator de Menenio homine prælongo dixit, *c* quod quoties in forum descenderet, caput ad Fabii fornicem offenderet. Jocus est ab hyperbole. Nam arcus Romæ tam alti sunt, ut vix hasta possis contingere curvaturæ summum.

45. IDEM Censor Cn. Domitio collegæ exprobranti quod ob murænam in vivario mortuam lachrymasset: *d* *At tu*, inquit, *cum uxores tres extuleris, nullam emisisti lachrymam*. Scite retorisit convitium. Notavit illum quasi curasset uxorum mortem. Et alioqui turpius est, in uxoris funere non flere, quam ob murænam emittere lachrymas.

46. IDEM Cn. Domitius L. Crasso collegæ exprobravit quod censor tanti habitaret, eo quod in porticu domus haberet columnas hymetias, pro domo ejus milia nummum identidem promittens. Crassus ut erat præsentis ac festivi ingenio, rogavit collegam quanti ipse

V 2

domum

a *Æqualitas*. *b* *Affabilitas*. *c* *Prælongi*. *d* *Re-*
torsum.

domum suam æstimaret. Is respondit : Sexagies fester-
tio. Rursum Crassus. *a* Quanto igitur, inquit, eam mi-
noris æstimas, si decem arbusculas succidero? Eæ fuerunt
loti patula ramorum opacitate lascivæ; cum Domitius
respondisset, tricies festeratio : Uter, inquit Crassus, no-
strum luxuriosior, egone, qui decem columnas centum milibus
nummum emi, an tu qui decem arbuscularum umbram tri-
cies festeratium æstimas? Ita est ingenium hominum, ad
aliena vitia perspicax, ad sua cæcum.

47. L U C I U S Philippus consul L. Crasso summæ
dignitatis & eloquentiæ viro, manum injici jussierat,
eo quod vocem illius indigne ferret, qua dixerat, sibi
alio senatu opus esse. At Crassus rejecto lictore : *b* Non
es, inquit, mihi tu Philippe, consul, quando ego tibi non
sum senator.

48. L. C R A S S U S Mummium cognomento Di-
visorem, *c* dixit ita sibi nomen invenisse in campo
Martio, quemadmodum Neoptolemus invenerat ad
Trojam.

49. L. C R A S S U S cuidam roganti num molestus
esset illi futurus si bene mane ante lucem ad eum veni-
ret, cum respondisset. Non eris molestus, & ille subje-
cisset. Jubebis igitur te suscitari? Crassus : *d* At tu cer-
te negaras te fore molestum. Venire non erat molestum,
sed suscitari molestum. At percunctator hoc ipsum qua-
rebat, an si mane veniret consulturus, futurus esset mo-
lestus. Crassus per jocum sic interpretatus est, ut si ve-
niret mane, ne molestus esset.

50. I D E M apud Perpennam judicem defendebat
Aculeonem, quem accusabat L. Ælius Lamia homo de-
formis. Is cum interpellaret odiose : *e* Audiamus, in-
quit Crassus, pulcellum puerum. Huic dicto cum esset
arrisum. Ingenium, inquit Ælius, ipse mihi fingere potui,
formam non potui. Tum Crassus, Audiamus igitur, in-
quit, disertum. Multo arrisum est vehementius.

51. L. F O R C I U S Nasica cum ex more conceptis
verbis à Catone censore rogaretur. Habesne uxorem ex
animo

a Crimen retortum. *b* Potestas spreta. *c* Ex nomine
jocus. *d* Festiviter. *e* Irrisio.

animi tui sententia? *a* Habeo, inquit, *at hercle non ex animi tui sententia.* Verum ob eum jocum intempestivum multa illi dicta est.

52. **SCRIO** Nasica cum ad Poëtam Ennium venisset, eique ab ostio quærenti Ennium, ancilla dixisset eum domi non esse, Nasica sensit illam hoc domini jussu dicere, & illum intus esse. Ac tum quidem dissimulans abiit. At paucis post diebus cum ad Nasicam venisset Ennius, cumque à janua quæreret, exclamat ipse Nasica, se domi non esse. Tum Ennius. Quid? Ego, inquit, non agnosco vocem tuam? Hic Nasica: *b* *Næ tu homo es impudens, ego cum te quærerem ancilla tua credidi, tu mihi non credis ipsi?*

53. **IDEM** Nasica quibusdam dicentibus, res Romanas jam in tuto esse, extinctis Carthaginienfibus, & Græcis in servitutem reductis: *c* *Immo, inquit, nunc demum summo in periculo sumus, postea quam nulli supersunt, quos vel timeamus, vel vereamur.* Sensit inimicos per occasionem utiles esse nobis, per quos non licet impune secureque negligentes esse.

54. **IDEM** cum ædilitatem curulem adolescens peteret, *d* ac ut candidati solent, manum cujusdam operæ duratam prensaret, rogavit hominem, num manibus ambularet. Hoc dicto rusticanæ tribus suspicantes sibi exprobratam paupertatem, effecerunt ut repulsam ferret. Tantum obfuit focus intempestivus.

55. **IN** Gallico triumpho, milites hos versiculos jactabant in Cæsarem:

e *Urbani servate uxores, mæchum calvum adducimus.*

Anro in Gallia stuprum emisti, heic sumpisti mutuum.

Notabant quod in provincia agens alienas uxores auro corruperit, Romæ non emerit, sed mutuum sumpserit, quod uxor ipsius male audiret de Clodio. Nisi forte quiddam obscœnius intelligi voluerunt. Nam Suetonius aliquanto post commemorat, quod Curio pater in oratione quadam appellat illam, omnium mulierum virum, & omnium virorum mulierem.

V 3

56. **C. GRÆC-**

a *Focus intempestivus.* *b* *Lepide.* *c* *Otium inutile.*

d *Focus intempestivus.* *e* *Impudicitia.*

56. C. GRACCUS ad quendam Cornelie matris obtestantem : *a* Tu, inquit, Corneliam vituperare audes quæ Tiberium peperit ? Et adjecit : *Qua fronte te Cornelie comparas, an tu peperisti ut illa ? Atqui nemo civis ignorat, diutius illam sine viro fuisse, quam te virum.* Is in quem hæc dicebantur, male audiebat de mollitie.

57. P O P U L U S Romanus Carbone pollicente quippiam, *b* & addente jusjurandum cum execratione, populus vicissim juravit se illi non credere. Probis viris & injuratis habenda fides, levibus ne juratis quidem. Refertur ad id versus Menandricus :

Τρόπος ἐστ' ὁπείδων πωντὲ λέγοντος, & λόγος.

Id est :

Suadet loquentis vita, non oratio.

58. S I L E N U S senex, à Mida captus, rogatus est quid esset homini optimum : diu silentium tenuit, tandem adactus ut diceret, respondit : *c* Optimum esse nunquam nasci, proximum quam ocysissime aboleri, atque hoc pretio dimissus est. Hujus dicti præter alios meminit Ovidius lib. Metamor. 11.

59. J U L I I Drusi ædes Publicolæ pluribus ex partibus patebant vicinorum prospectui. Hoc incommodum faber se quinque talentis correcturum pollicebatur, effecturumque ne pars aliqua esset obnoxia prospectui. Tum Drusus : *d* Decem, inquit, dabo, si talem reddas domum meam, ut undiquaque pateat omnium oculis, quo non vicini tantum, sed omnes cives perspicere possint qui modo domi meæ vivatur.

60. M. S E R V I L I U S dissuasurus legem quam ferebat M. Pinarius : *e* Dic mihi M. Pinari, inquit, si contra te dixero, num mihi maledicturus es, ut cæteris soles ? *Ut sementem*, inquit Pinarius, *feceris, ita & metes* : per allegoriam minitans illum male auditurum, si malediceret.

61. L I B O cum Servilio Galbæ dixisset, quando tandem Galba exibis de triclinio tuo ? mox audit.

Cum

a Pietas in matrem. *b* Diffidentia. *c* Vita misera.

d Vita pura. *e* Maledicus male audit.

a Cum tu de cubiculo alieno. Libo notavit Galbam, quod L. Scribonio tribuno plebis iudices ferret familiares suos, & conviviis corruptos. Galba vicissim illum notavit adulterii.

62. C E L E B R A T U R & Glauciae dictum in Metellum. *Villam habes in Tiburto, cortem in palatio.* At cors villæ solet esse contigua. Notavit autem illum, quod multos sibi cibo largitionibusque devinciret, quod idem aliis verbis Libo objecit Galbæ. In corte aluntur animalia domestica.

63. C U M Sextus Titius se Cassandram esse diceret, ob conjecturam opinor, quod illa esset fatidica: *b Multos, inquit Antonius, posses Ajaces tuos Oileos nominare:* notans illius impudicitiam. Nam Ajax Cassandram de templo Palladis raptam vi constupravit.

64. C U M Gallus qui testimonium ferebat contra Pisonem, dixit innumerabilem pecuniam Magio præfecto datam: idque Scaurus tenuitate Magii redargueret: *c Erras, inquit, Scaure, ego enim Magium non conservasse dico, sed tanquam nudus nuces legeret, in ventrem abstulisse.* Correxerit sermonem suum Gallus, sed ita ut crimini corruptelæ crimen adderet luxus.

65. M. C I C E R O, M. Tullii pater dicebat Italos similes esse Syrorum venalium, quorum ut quisque sciret optime Græce, ita esse nequissimum. *d Sentiens una cum literis Græcorum mores ad Latinos demigrare.* Unde quod M. Tullius fuit iniquior Græcæ nationi, propemodum videri possit illi fuisse hæreditarium.

66. T E S T I O Penario mos erat in dicendo mentum intorquere. Is cum adversarium urgeret, ut diceret, si quid vellet. *e Dicam, inquit, si nucem fregeris.*

67. H U I C simillimum est quod de Vespasiano patre narrat Suetonius, cum scurram multa in alios jacentem, provocasset ut in se quoque diceret aliquid: *f Dicam, inquit, ubi ventrem exonerare desieris:* allu-

V 4

dens

a Retortum convitium b Focus è fabula. c Correctum in pejus. d Græcorum mores. e Ridicule. f Focus ex specie corporis.

dens ad formam Cæsaris, qui faciem habebat nitentis. In cuiusmodi hominem locus extat Martialis.

Utere lactucis, ac mollibus utere malvis,

Nam faciem duram Phæbe cacantis habes.

68. C. FABRITIUS P. Cornelium hominem ut putabatur avarum & furacem, sed egregie fortem ac bonum Imperatorem suo suffragio fecerat consulem. Huic cum Cornelius ex more gratias ageret, quod immemor simultatis ipsum fecisset consulem, bello præfertim magno & gravi: *a Nihil est*, inquit, *quod mihi gratias agas, si malui compilari quam venire.* Compilamur furto, veneunt bello capti. Proinde inimico favit, cuius dexteritate sperabat fore, ne Romani venirent in manus hostium.

69. SCÆVOLA Septumulejo Anagnino, cui pro capite C. Gracci, aurum erat repensum, roganti ut se in Asiam præfectum duceret: *b Quid tibi vis*, inquit, *insane? tanta malorum est multitudo civium, ut tibi hoc confirmem, si Romæ manseris te paucis annis ad maximas pecunias esse perventurum.* Notavit avaritiam hominis, præfecturam non ob aliud ambientis, nisi ut spoliaret Provinciales, ac ludens finxit, id citius consequuturum Romæ. Hoc dictum Pannius in Annalibus adscribit Africano Æmiliano, qui dictus fuerit Iron.

70. Q. SCÆVOLA Publii filius, cum postulasset ut fundus cuius emptor erat, sibi semel indicaretur, idque fecisset venditor, dixit se pluris æstimare, & adiecit pretio centum millia. *c Exemplum integritatis vix hoc seculo credibile.*

71. C. PUBLICIUS solitus est dicere P. Mummius, cuius temporis hominem esse. Sentiens illum dexteritate facilitateque ad omnem vitæ statum esse accommodum. Eodem sensu Pollionem Asinium omnium horarum hominem legimus. Et Tiberius Cæsar duos familiaris ab ipso dilectos, omnium horarum amicos vocare solet.

72. AFRICANUS censor tribu movebat Centurionem, qui in Paulli pugna non adfuerat: ille cum

dice-

a Compilari Venire. b Furax magistratus. c Iuste.

diceret se custodiæ causa in castris remansisse, roga-
retque cur ab eo notaretur. *Non amo*, inquit Afri-
canus, *nimum diligentes*. Dissimulavit Centurionis
ignaviam, & accusavit nimum diligentem custo-
diam.

73. L I V I U S Salinator cum Tarentum amisisset,
arcem tamen retinuit, multaue ex ea prælia præclare
gessit. Cum autem post aliquot annos Fabius Maximus
id oppidum recepisset, rogavit eum Salinator, ut me-
minisset se opera ipsius. Tarentum recepisse: *a Quid*
ni, inquit Maximus, *meminerim*: *Nunquam enim ego*
recepissim, nisi tu perdidisses. Jocus hinc est, quod Maxi-
mus diversum ex alterius verbis excepit, quam ille vo-
lebat. Refert M. Tullius lib. de Oratore. 2. Plutarchus
in vita Fabii Maximi, tametsi hic M. Lucium appellat,
nec addit Salinatoris cognomen.

74. I D E M cum bellum adversus Asdrubalem ge-
sturus urbem egrederetur, monitus est à Fabio Maxi-
mo ne prius cum hoste confereret, quam vires ani-
mumque illius cognosceret. Is respondit se primam
quamque occasionem pugnae arrepturum. Percunctan-
tibus, quid ita properaret: *b Ut quam celerrime*, in-
quit, *aut gloriam ex hostibus victu aut ex civibus prostra-*
tis gaudium capiam. Virtus & ira sermonem hominis in-
ter se partitæ sunt, illa triumphi avida, hæc injuste
damnationis memor.

75. M A N C I A cum audisset Antonium censo-
rem, cui male volebat, à M. Duronio de ambitu postu-
latum: *c Aliquando*, inquit, *tibi tuum negotium agere*
licebit. Censores in aliorum mores inquirunt, at qui
reus est, habet ex se quod agat.

76. Q. O P I N I U S consularis cum esset adolescen-
tulus, male audivit. Is Ægilio homini festivo, qui vi-
debatur mollior, nec erat, sic exprobravit molliem:
d Quid tu Ægilia mea, *quando ad me venies cum tua lana*
& colo? Lepide retorxit Ægilius. *Non pol*, inquit, *audeo*,
nam me ad famosas venit mater accedere. Alter simulabat

V 5 -

ora-

a Ex verbis aliter exceptu. b Ultio. c Salse. d Ab
imitatione persona.

orationem velut ad foeminam, alter accepta persona simulationem vertit in irrisionem.

77. INTER falsa commemorat & illud M. Tullius ex Nevio apud quem filius dicit patri. Quid ploras pater, isque respondet: *a Mirum ni cantem, condemnatus sum.* Indignatus senex submorosus rogari cur ploreret, quasi damnatus magis cantare debuisset. Perinde quasi quis interroget ægrotum: cur suspiras, aut cur decumbis?

78. SCAURUS accusabat Rutilium ambitus, cum ipse consul esset factus, ille repulsam tulisset, & in tabulis ejus ostendebat literas A F P R. easque sic interpretabatur, actum fide P. Rutilii. Contra Rutilius dicebat illis significari, ante factum, post relatum. Tum C. Caninius eques, qui Rutilio aderat, exclamabat. Neutrum illis literis declarari. Cum Scaurus, dixisset. Quid igitur? festiviter in ipsum torisit: *b Emilius fecit, plectitur Rutilius.* Probabilius enim erat illum ambitum commisisse qui obtinuerat, quam qui repulsus erat, simile quiddam memoratur de Beda, quem Venerabilem dicunt. Huic Romam profecto cum ostendisset has literas saxo insculptas S. P. Q. R. quibus significari volunt, Senatus populusque Romanus, ac velut hospes rogaretur, quid sibi vellent illæ literæ, dissimulans dixit. *Stultus populus querit Romam.*

79. M. SCAURUS cum pro rostris accusaretur, quod à Rege Mithridate ad prodendam Rempublicam pecuniam accepisset, ita causam suam egit: *c Iniquum est, Quirites, cum inter alios vixerim, apud alios me rationem vitæ reddere. Sed tamen audebo vos interrogare: Varius Sucronensis ait M. Emilium Scaurum mercede corruptum populum Romanum prodidisse, M. Emilius Scaurus huic culpæ se affinem esse negat, utri creditis? Nominato tantum actore & reo populus accusationem repulit.*

80. C. M. B. M. M. I. U. S. cum accusaret Bestiam reum, qui patronus erat Scaurus, ac forte funus quoddam

a Submorosus jocus. b Literarum interpretatio. c Actoritas persona.

dam duceretur: *a* Vide, inquit, Scaure, mortuus rapitur, si potes esse possessor: notans Scaurum, qui male audiebat quod Phrygionis Pompeji bona sine testamento possideret.

81. CUM Silus testis læsisset Fisonem reum, cui Crassus aderat, prolato crimine, quod se in eum dictum audisse dicebat. *Potest fieri Sile*, inquit Crassus, *ut is unde te audisse dicis, iratus dixerit.* Annuit Silus. *b Potest etiam*, inquit, *fieri, ut tu non recte intellexeris.* Cum id quoque toto capite annuisset Silus, ut se Crasso daret, subjecit Crassus: *Potest etiam fieri, ut omnino quod te audisse dicis, nunquam audieris.* Hoc adeo præter expectationem, ut Silum testem omnium risus obrueret.

82. C. LÆLIUS cuidam malo genere nato, obijicienti sibi quod indignus esset suis majoribus: *c At Hercule*, inquit, *tu tuus dignus es.* Id si dicas bono viro ex bonis prognato, laus est: sin malis ex malo prognato, grave convitium est.

83. M. CINCIVS quo die legem de donis ac muneribus tulit, C. Centoni prodeunti, ac satis contumeliose interroganti. Quid fers Cinciole? *d Ut emas*, inquit, *si uti velis*: notans illum quod donatis & commodaticis rebus uti gauderet. Allusit autem ad illud decantatum imprimis. Emere malo quam rogare. Ad hæc, amphibologia est in verbo ferte: fert enim qui promulgat legem, & fert qui portat aliquid venale.

84. M. LEPIDUS cum in campo sese exercentibus ipse in herba recubisset: *e Vellem*, inquit, *hoc esset laborare.* Hujus generis est Terentianum illud. Quam vellem mos esset amicis etiam noctu operam dare. Optat enim adolescens quod fieri non potest.

85. CUM M. Lepidus censor M. Antistio Pyrgensi equum ignominie causa ademisset, & amici vociferantes quærent, quid ille patri suo responsurus esset, cur ademptum sibi equum diceret, cum optimus colonus, parcissimus, modestissimus ac frugalissimus esset. Di-

V 6

cat,

a Hæredipeta. *b* Ab inexpectato. *c* Ex iisdem verbis retortum. *d* Irrisio retorta. *e* Ab impossibili.

cat, inquit, *me nihil horum credere. In simili argumento luit Augustus, sed civilius. Dic me tibi displicuisse.*

86. POMPTONIUS vir insignis multis vulneribus in bello acceptis, cum ad Mithridatem adductus ab eo quaereretur, an si curaret eam, veller sibi esse amicus. *a Situ*, inquit, *Romanis amicus fueris, me quoque amicum habebis.*

87. SPURINA haruspex admonuit C. Caesarem, caveret discrimen ingens quod ultra Calendas Martias non proferretur. Eo die cum iret in senatum, Spurinæ forte obvio. *b Quid ais*, inquit, *nonne venere Calenda Martia? Venere*, inquit, *sed nondum prateriero.* Nam eodem die cæsus est Caesar.

88. SPARTACO in Crassum omnes moventi copias, quidam equum dono obtulit. At ille: *c Si videro*, inquit, *plurimos ex hoste equos habiturus sum. Si victus fuero, nec hic mihi futurus est usus: simulque cum dicto equum gladio transverberatum interemit.*

89. CUM Pompejus gravi laboraret invidia propter immodicam potentiam, & ob vulnus fascia linea tibiam vinctam haberet, dixit aliquis: *d Quid refert ubi gestet diadema, in capite an in crure?* Nam candidum amiculum olim erat insigne Regum.

90. QUONIAM Fabius cunctando eludebat hostem, cum Marcellus viribus urgeret Hannibalem, *e ille* dictus est clypeus Romanorum, hic ensis: quod illi præcipuum studium fuit, ne quid cladis acciperent Romani, alteri ut hostem perimeret.

DIVERSORUM GRÆCORUM

APOPHTHEGMATA.

91. ANYTUS amicorum Alcibiadis unus, cum ad coenam rogarat: ille recusavit, *f sed* domi bene potus cum famulis commissabundus irrupit, stansque ad ostium coenaculi iussit famulos vasa diripere, & ad suas ædes deferre, qui fere dimidium asportarunt: aliis con-

vivis.

a Fides erga patriam. b Divinatio. c Barbarice.

d Potentia invidiosa. e Clypeus Rom. Fabius.

f Amicitia fiducia.

vivis Alcibiadis violentam superbiam criminantibus, Anytas dixit, illum humaniter egisse, cui cum totum auferre licuerit, dimidium ipsi reliquisset.

92. H I P P O M A C H U S aliptes cum aliquandò videret adolescentes quos exercebat, è foro carnes effe-
rentes, dicebat, se procul agnoscere suos esse discipu-
los: *a* quod institutio reluceat in omnibus dictis ac
factis hominis.

93. Q U I B U S D A M laude vehementibus procerum
que inpiam, ac prælongis manibus hominem, tanquam
ad pugilum certamen idoneum. *Sane*, inquit, *si pen-*
dens in alto corona esset detrahenda.

94. D E M A D E S orator vita defuncto Alexandro
dixit: *b* *Se videre exercitum Macedonum Principe orba-*
tum Cyclopi similem. Sentiens turbam militum, nisi ad-
sit Dux cordatus ac vigilans, nulli esse usui, quemad-
modum Polyphemus adempto oculo, frustra vastum
corpus ac vires habebat immanes.

95. I D E M quæstor, populo huic persuaso ut iis
qui ab Alexandro desciverant, triremes auxiliares mit-
terent, jubentique ut illico pecanias depromeret: *c* *Pa-*
rate sunt, inquit, *pecunia, ô viri Athenienses, quas in con-*
gios deposueram, ut singuli mina dimidium acciperetis, ve-
rum si has mavultis in hunc usum erogari, per me quidem
ut vestris sicuti libet utamini licet. Hoc sermone fregit im-
petum populi, nolentis illa distributione spoliari. Sic
interdum ut indomitæ belluæ, arte ad meliora consilia
avocandus est populus.

96. P R A N D E N S apud Phocionem, cum appara-
tum admodum tenuem videret: *d* *Demiror*, inquit,
ô Phocion, te Rempublicam administrare, cum possis ad
istum prandere modum. Bis errans, & quod lucri tantum
causa putaret adeundam Rempublicam, & quod luxum
probaret in eo, cui maxime conveniebat sobrietas: Sed
Demades alios è suis moribus æstimabat. Erat enim &
pecuniarum avidus, & luxui deditus.

97. C U M vidisset Philippum largius potum cum

V 7

ami-

a *Institutio.* *b* *Turba sine Duce.* *c* *Arte tractata plebs.*

d *Sobrietas.*

amicis saltasse per mediam captivorum turbam, eisque petulanter exprobrasse suam calamitatem, libere dixit: *a Cum ô Rex fortuna tibi Agamemmonis personam imposuerit, non pudet te factis agere Thersiten?* Ea vox totum Regem in diversum vitæ genus immutavit.

98. CUM Athenienses vellent Alexandro divinos honores decernere: *b Videte*, inquit, *ne dum cælum custoditis, terram amittatis.* Alexander enim ambiebat monarchiam. Absurdum autem erat eos sic alium donare cœlo, ut ipsi terra sua pellerentur.

99. JOGARI solet in Demosthenem, *c* quod cæteri quidem oratores dicerent ad aquam, ipse vero & scriberet: taxans eum quod nunquam nisi de scripto diceret, tum esset *ὁ δ' ἐγγράμμος*. Contra Demades ut largius bibebat, ita valebat extemporali dictione. Rhetores olim dicebant ad clepsydram.

100. ONOMADEMUS Chius posteaquam adversam factionem superasset. *d* quibusdam consentibus omnes diversæ factionis urbe pellendos: negavit expedire, dicens se vereri, ne omnibus inimicis ad unum ejectis, inter amicos existerent dissidia. Sentiens sic esse multorum ingenium, ut si desint inimici in quos naturæ malitiam exercean, amicos impetant.

1. SIMONIDES Pausaniæ Lacedæmoniorum Regi subinde de rebus à se gestis glorianti, tandem & Simonidem per irrisionem hortanti, ut aliquid sapienter ipsum admoneret: *e Moneo*, inquit, *ut te meminervis hominem esse.*

2. IDEM reprehendentibus quod ad quæstum scriberet, jogari solet, sibi duas arcas esse domi, *f* alteram pecuniæ, alteram gratiarum: priorem se reperire plenam, alteram semper vacuam.

3. IDEM cum cæteros laudando venaretur, ut aliquid darent, interrogatus cur non & Thessalos captaret: *g Stupidiores sunt*, inquit, *quam ut à me falli possint.* Qui quærunt cui imponant, ad stupidos eunt. At qui tam erant stupidi, ut non sentirent ingenium poë-

ma-

a Libera monitio. b Libere. c Lepide. d Inimici utiles. e Libera admonitio. f Mercedis amor. g Stupidi.

matum illius, nec tangerentur amore nominis in posterum transmittendi, non poterant ab illo falli.

4. IDEM interrogatus quam ob rem, cum esset extremæ senectutis, tamen attentus esset ad rem: *a Quoniam*, inquit, *malim moriens inimicis relinquere, quam vivus carere amicis*: taxans instabiles hominum amicitias, qui consequuti quod volunt, negligunt amicum, iidem dum sperant, observiunt.

5. LYCURGUS orator objiciente quodam, quod se pecunia redemisset à calumnia, non est infitatus, sed clarissima voce populum appellans: *b Bene habet*, inquit, *vir Atheniensis, quandoquidem tot annos in Republica versatum dedisse me, non accepisse pecuniam criminantur obrectatores*.

6. THUCYDIDES ab Archidamo Lacedæmoniorum Rege interrogatus, uter esset in palæstra superior, ipse an Pericles: *c Postea quam*, inquit, *ego hominem pugnando dejeci, ille se negat cecidisse*: itaque vincit, & spectatores à sua sententia dejicit: sentiens se bonis rationibus esse superiorem, sed Periclem eloquentia vincere, & quocunque vellet agere multitudinem. Nam Thucydides vir præpotens diu in administranda Republica adversatus est Pericli. Eam contentionem Archidamus palæstram appellavit.

7. DARIO totius regni viribus subinde impetum faciente, *d Scythæ* paullatim cedentes, ad ultimas solitudines pervenerant. Interrogati tandem ab eo quem fugiendi finem essent facturi, responderunt se nec agros, nec villas, nec urbes pro quibus dimicarent habere: cæterum cum ad parentum suorum monumenta perventum esset, tum denique sciturum Darium, quo modo Scythæ soleant præliari.

8. ALEXANDER statuerat Lamsacum diruere. Ad id tendenti cum Anaximenes Alexandri præceptor veniret obviam extra muros deprecaturus suæ civitatis perniciem, Alexander suspicans quid esset petiturus: *e Juro*, inquit, *me non facturum quod petit*.
Anaxi

a Callide. b Integritas. c Eloquentia certamen.

d Pietas in parentes. e Ingeniose.

Anaximenes. Tum Anaximenes: *Peto*, inquit, ut *Lam-
facum* dicas. Captus erat Alexander, & jurejurando
compulsus est servare, quos demoliri statuerat.

9. ALEXANDER consulto oraculo monitus est,
ut cum qui sibi portam egresso primus occurrisset, in-
terfici juberet: occurrit Agaſo, jussus est arripi. Rogan-
ti quid commeruisset, responsum est ita jussisse Deum:
a Si ita est, inquit, *ô Rex*, *aliud designavit oraculum.*
Nam asinus tibi prior occurrit. Agaſo enim sequitur
asinum ut impellat, alioqui non secuturum. Alexan-
der delectatus hoc commento, asinum pro homine
occidit.

10. AMASIS Ægypti Rex ab amicis admonitus,
quod perfunctus negotiis forensibus potaret, omnique
voluptatum genere solveretur, respondit: *b Qui arcus
habent*, eos non intendere nisi cum opus est: quos si sem-
per intendant, rumpendos esse, ac ne tum quidem fore
usui, cum exigit usus. Ita qui nulla relaxatione curas
suas solvunt, aut mente captos, aut corpore male affe-
ctos evadere.

11. CONSPICIENS quendam amisso filio lu-
gentem: *Si tunc*, inquit, *cum nondum esset*, non dolebas:
ne nunc quidem doleas cum non est.

12. PSAMMENITUS Ægyptiorum Rex à Cam-
byse regno pulsus est. Ejus filiam ancillari veste indutam
cum aliquot nobilium virginibus Cambyſes mitti jus-
ſerat ad hauriendam aquam, ut hoc spectaculo paren-
tum captivorum animos discruciaret. Cæteris indigne
ferentibus, solus Psammenitus demisit oculos. Mox
jussit Duci filium illius cum aliis plurimis ejusdem æta-
tis, vinctis cervicibus & ore frenato. Atque hoc etiam
spectaculo solus Psammenitus ad lachrymas commotus
non est. Idem cum vidisset familiarem quendam exu-
tum opibus mendicantem obambulare, hoc spectaculo
adeo commotus est, ut ingenti fletu hominem amicum
compellans, caput suum barbarico more caderet. Ea re
cognita, cum Cambyſes per nuntium causam sciscitare-
tur, cur in liberorum calamitate tacitus, unius seniculi
cala-

a Solerter. b Relaxandus animus.

calamitatem tam impotenter ferret, respondit: *a Fili Cyri, domestica mala graviora sunt, quam ut lachrymas recipiant: at amicus deplorandus erat, qui è multis opibus ad summam inopiam redactus est, idque in extremo senectutis limine.*

13. C R O E S U S Lydorum Rex à Cyro captus, b hoc argumento pacem bello prætulit, quod pacis tempore filii sepelirent patres, in bello contra patres sepelirent liberos.

14. I D E M cum videret Cyri milites per urbem captam discurrentes, percunctatus est Cyrum, quid agerent. Cumque is respondisset. Diripiunt urbem tuam, opesque tuas populantur: *c Nequaquam, inquit, ô Rex, nihil jam heic meum est, tuum est quod diripiunt. Ea vox commovit Cyrum, ut suos à direptione revocaret.*

15. C U M Cambyfes se cum patre Cyro conferret, d amicis illum patre præstantiorem affirmantibus, Croesus respondit, illum nondum patri æquandum, qui nondum reliquisset filium. Sentiens & hoc esse non infimum erga Rempublicam meritum, si non solum ipse te præstiteris egregium virum, sed aliquem tui similem gignas educesque patriæ.

16. M E G A B Y Z E S cum apud Hellespontios agens audisset quod Chalcedonii decem & septem annis urbem condidissent ante Byzantios, e dixit Chalcedonios id temporis fuisse cæcos, qui cum adesset locus urbi condendæ multo commodior, deteriorem elegerint. Hoc dicto scribit Herodotus Megabyzen apud Hellespontios immortalem sui memoriam reliquisse. Quod si verum est, erat tum temporis mira dictorum charitas.

17. S I M O N I D E S interrogatus utra res esset optabilior, divitiæ an sapientia: *f Dubito, inquit, ut qui videam sapientes frequentare divitum fores: innuens Philosophos verbis quidem contemnere divitias, sed retamen eas captare.*

18. E U-

a Fortiter. Amanter. b Pax bello potior. c Prudenter.

d Proles debetur patriæ. e Locus eligendus urbis.

f Divitia,

18. EURIPIDES, cum populus Atheniensis tumultuaretur, *a* offensus sententia quadam in illius tragoedia quæ tum agebatur, & auctorem efflagitaret ut eam mutaret, progressus in scenam dixit se ut populum doceret, non ut ab eo disceret, fabulas solere componere. Eruditio sibi conscia contempsit multitudinis iudicium.

19. IDEM apud Alcestidem tragoediarum scriptorem aliquando questus est, quod summo tridui labore adnixus non potuisset nisi tres versus absolvere. Contra Alcestidi glorianti quod ipse perfacile centum absolvisset uno die: *b* *At tui*, inquit, *ad triduum modo, mei in omne ævum duraturi sunt.*

20. EURIPIDES cuidam dicenti, Carmen condidisti ex modis ad tripudium accommodis, alio dictum hoc ridente: *c* *Ni stupidus esset*, inquit, *non risisset, quod res serias Lydiis modis temperarim.* Lydii modi lasciviores sunt. Porro quæ per se tristitia sunt, ea decet arte exhilarare. Refert hoc Plutarchus in libello *περί τῆς ἀνέχειν*. Cum Euripides choream agentibus succinvisset cantionem quandam modulatam, unus illorum risit. Cui Poëta. *Ni stupidus esses & expertus affectuum, haudquam risisses me canente Mixolydium.*

21. ALEXIS Poëta Callimedontem rhetorem, ut deliciis deditum taxavit his versibus:

d Ὅτι πῆρ πάτεραι μὲν πᾶς τις δοποθήσκειν θέλει,
Ὅτι πῆρ ὅ μήτεραι, Καλλιμέδων ὁ κλέρεται.
*Pro patria vel quilibet velit mori,
At metra amore, Callimedon solus cupit.*

Perit Latinis joci gratia, nam *πάτεραι* patriam significat, *μήτεραι* non matrem, sed vulvam vel piscem sonat. Pisces olim erant in deliciis.

22. CUIDAM videnti ipsum jam senio fessum ægre lenteque incedere, ac roganti quid ageret. *Paulatim*, inquit, *morior, siue pedetentim morior.* Significans senes non vivere: sed lente mori.

23. MENANDER centum & quinque fabulas scri-

a *Fiducia artis.* *b* *Fiducia artis.* *c* *Temperantia.*

d *Luxus.*

scripſiſſe traditur, ex quibus tantum octo vicit. Itaque cum à Philemone longe impari, favore populi ſæpenu-
mero vinceretur, forte illi factus obviam dixit: *a Quaſo Philemon, bona venia dic mihi, cum me vincis non eru-
beſcis.* Victi ſolent erubescere, at ſic vincere Menander
judicabat erubescendum.

24. P H I L O X E N U S Poëta cum audiſſet ſuos
verſus à laterariis perperam recitari, lateres ipſorum
comminuit dicens. *Vos mea corrumpitis, ego viciſſim
veſtra.*

25. P H I L I P P I D E S Poëta comicus Lyſimacho
cum primis carus fuit ac familiaris: cui cum Lyſi-
machus offerret liberalitatem ſuam, diceretque. Quid
vis tibi impartiam rerum mearum? *b Quodcumque vo-
les,* inquit, *modo ne arcani quippiam:* ſignificans eſſe
periculolum noſſe magnatum arcana, quorum ſi quid
effutias, actum eſt de capite: quanquam & alioqui ſo-
lent odiſſe conſcios eorum quæ nolint efferri.

26. A C T I U S Poëta interrogatus cur non ageret
cauſas, cum in tragædiis optime tractaret argumenta:
c Quoniam, inquit, *in tragædiis ea dicuntur quæ ipſe vo-
lo, in foro adverſarii dicerent quæ minime vellem.* Idem
fit in dialogis, ubi qui ſcribit opus, unicuique tribuit
orationem qualem putat eſſe commodam, in judiciis
ſecus fit.

27. A N T I G E N I D E S Thebanus Iſmenix disci-
pulo cum ſcite canens populo minus probaretur: *d Mi-
hi,* inquit, *cane & Muſis:* admonens prorsus eſſe con-
temnendum imperitæ multitudinis iudicium, cum ar-
tis abunde magnum præmium ſit ipſa conſcientia.

28. L E O Byzantius cum à civibus accuſaretur, ad-
hortantibus nonnullis ut ad hoſtes confugeret, in con-
cionem prodiens: *e Ego,* inquit, *à vobis cives mei, quam
vobiſcum interfici malo.*

29. C U I D A M obijcienti oculorum infirmitatem,
cum exprobrator eſſet gibbo deformatus: *f Humanum,*
inquit, *opprobraſti vitium, cum ipſe Nemefim in tergo*
portas.

*a Populi iudicia. b Secreta Regum. c Poëtica fictio.
d Fiducia artis. e Pietas in patriam. f Recriminatio.*

portes. Nemefim appellavit vitium, quo vicissim ipse possit redargui.

30. ÆSCHYLUS Poëta Tragicus aliquando spectans Isthmia certamina, cum alter pugilum esset cæsus, totumque theatrum exclamaret. O Chium Jovem fudisti: *a* Vide, inquit, *cujusmodi sint hominum mores, cæsus fileat, & spectatores vosiferantur.* Solent isti ob dolorem exclamare. Hic contra, qui dolebat, filebat, qui læsi non erant, clamabant.

31. PYTHO rhetor Byzantius cum esset supra modum obeso corpore, prodissetque in concionem suasurus concordiam Byzantiis seditione civili tumultuantibus, statim populi risus obortus est ex ipso corporis habitu. At ille risum vertit in rem seriam: *b* Ridetis, inquit, cives? *Cum tale corpus habeam, uxorem habeo multo me obesorem, & tamen concordēs quodvis grabatulum capit ambos, discordes ne tota quidem domus.* Hoc proœmio usus, ingressus est orationem.

32. PYTHO Atheniensibus ob res feliciter gestas ipsum admirantibus ac prædicantibus quod Coryn Regem interemisset: *c* Diis, inquit, habenda est gratia, quibus auctoribus hoc facinus præclare gestum est. Nam ipse nihil aliud quam manum & operam meam commodavi. Eventus rei in manu Dei est, & huic debetur gratia si quid feliciter cesserit. Sed interim vult nostram operam accedere.

33. LYSANDER Lacedæmonius militem qui de via deflexerat castigavit. Ei dicenti ad nullius rei rapinam se ab agmine recessisse: *d* Ne speciem quidam, inquit, rapturi præbeas volo.

34. THRASYBULUS cum moliretur exigua manu civitatem Atheniensium à triginta tyrannorum dominatu liberare, cuidam è consciis dicenti. Quantas gratias tibi debebunt Athenæ per te libertatem consequutæ? *e* Dii faxint, inquit, ut quantas ipse illis debeo, videar retulisse. Significans neminem patriæ parem referre gratiam, etiam si vitam impendat.

35. CUM

a Præposterī mores. *b* Concordia. *c* Deo debetur gratia.

d Integritas militis. *e* Pietas in patriam.

35. CUM Gorgias sophista recitaret in Olympicis ludis apud Græcos orationem de concordia, Melanthus quidam: *a Hic*, inquit, *de concordia totius Græciæ disse-*
git, qui sibi, uxori & ancilla tribus dumtaxat ut concorditer
vivant nondum persuasit.

36. THEODORUS Atheniensis cognomento *Ἰδεῖν*, dicere solitus est, se doctrinam auditoribus dex-
tra porrigere, sed illos sinistra accipere. Sentiens illos
benedicta in malam accommodare partem.

37. STRATOCLÉS Atheniensis cum de parta
victoria nuntium acceperet, protinus ad populum re-
tulit, utque supplicatio Diis immortalibus decerneretur
persuasit. Aliquanto post cum certior nuntius ad-
ferretur acceptæ cladis, populo indignante quod de-
lusus esset: *b Ecquis*, inquit, *vestrum quidquam damni*
accepit, quod totum hoc triduum mea opera hilares lati-
que fuistis.

38. THERAMENES unus triginta Tyrannorum,
domo in qua multi accumbebant in cœnantes illapsa,
solus incolumis evasit. Hanc ob rem cum ab aliis felix
prædicaretur, ille magna exclamans voce: *c O fortuna*,
inquit, *cui me occasione servas?* Sensit vir prudens se
non esse servatum, sed majori malo reservatum. Nam
aliquanto post interfectus est.

39. IDEM cum iussu Tyrannorum porrectam vene-
ni potionem fortiter hausisset, quod ex ea superfuerat
sic illisit solo, ut clarum sonum ederet, reddensque ser-
vo publico qui eam tradiderat: *d Critiæ*, inquit, *propi-*
no. Vide igitur ut hoc populum continuo ad illum perferas.
Erat is Critias è triginta Tyrannis crudelissimus.

40. CELEBRATUR Jasonis Thessali dictum,
quo se purgare solet iis quibus molestiam aut vim attu-
lisset. Qui magnis in rebus se justitiæ cultorem habere
velit, cum in parvis interdum illam violare oportet.
Velut in bello quo tuta sit Respublica, agri aut ædificia
quorundam civium interdum perduntur.

41. CLEON postea quam Reipublicæ administra-
tio-

a Pax domestica. b Voluptas temporaria. c Fortuna.
d Fortiter.

tionem capeffere destinaffet , *a* testatus est se jam omnium amicitiarum vincula velle folvere , quod amici plerumque obftant , ne liceat ubique rectum tenere clavum.

42. INTER Neronem & Thrafeam graves intercedebant inimicitia; , verum cuidam multa criminose jactanti de Thrafea , dicentique caufam ab illo perperam effe judicatam , obftitit Nero exclamans : *b* *Utinam me tam Thrafea diligit , quam est judex rectus & æquus.* Hostis hosti testimonium perhibuit , de fama periclitanti : nullum autem gravius testimonium , quam inimici de inimico.

43. NERO sibi compararat aulaum quoddam infigne , tum pretio , tum pulchritudine. Id videns Seneca : *c* *Declarasti , inquit , te effe pauperem.* Caufam rogante Nerone. *Quoniam fi isthuc amiseris , inquit , non poteris aliud parare simile.* Evenit ut illud aulaum naufragio periret. In hoc autem profecerat Senecæ admonitio , ut Nero jacturam adamatæ rei ferret moderatius. Qui nummum habet unicum , quo amiffio non queat alterum promere , pauper est. Tutiffimum igitur est mediocribus ac parabilibus delectari.

44. SERVUS Dolabellæ cum interrogaretur an dominus ejus auctiorem proposuiffet , *Domum , inquit , vendidit.* Luxum heri notans , cum id falsum effet. Qui domum vendidit , non opus habet ut servum exponat auctioni.

45. PLANCUS cum in caufa quadam adeffet amico , velletque testem moleftum perturbare , interrogavit quo fe artificio tueretur. Sciebat enim illum effe fuctorem. At ille lepide retorquens in Plancum : *d* *Gallam , inquit , subigo.* Id quidem futorium habetur instrumentum , fed teftè exprobrabat illi adulterium cum Mevia Galla , quo nomine Plancus male audiebat.

46. POST Mutinensem fugam , percunctantibus quid ageret Antonius , quidam è familiaribus ejus refpondiffet fertur : *e* *Id quod canis in Nilo , bibit & fugit.*

a Privatus affectus. *b* Testimonium inimici. *c* Mediocritas. *d* Arte retortum convitium. *e* Bibit & fugit.

it. Constat enim in Ægypto canes è Nilo currentes libere : nimirum metu crocodilorum eo in flumine egnantium.

47. LUCIUS Cæcilius, cum C. Cæsar aliis qui tecum pila lusitabant centum sestertia daret, illi unus summx dimidium ? *a Quid*, inquit, *num ego una manu ludo ac non duabus* ? Si officium erat colludere, non minus præstiterat ille quam cæteri.

48. LABERIUS ex equite Romano factus minus, annos jam natus sexaginta, huc adigente Cæsare, in actione quadam induxit habitum Syri, qui veluti flagris cæsus, ac proripienti se similis exclamabat : *b Porro Quirites libertatem perdidimus.*

49. AC PAULO post adjecit. *Necesse esse multos timeat, quem multi timent.* Ad has voces populus universus oculos & ora convertit in Cæsarem, intelligens illius impotentiam his dictis lapidatam. Hoc modo qua licuit Laberius ultus est sortem suam.

50. TITUS quidam studiose pila ludere solet, sed idem noctu signa sacra frangere putabatur, hunc cum gregales in campo desiderarent, *c Vespa* Terentius hoc colore excusavit, ut diceret illum fregisse brachium. Nam Divorum imagines brachiis gestabant donaria. Huc allusit Vespa.

51. PYLADES histrio Augusti temporibus celebris, cum Hylas discipulus, quem ad æqualitatis contentionem provexerat, in scena canticum quoddam saltaret, cujus clausula erat, *d ἡ μέγαν Ἀγαμέμνονα*, id est, *magnum illum Agamemnonem*, ac sublimem veluti metiretur, è cavea proclamavit, *οὐ μακρὸν ἢ μέγαν ποιεῖς*, id est, *tu longum facis non magnum*. Tunc populus efflagitavit ut Pylades idem canticum saltaret iterum. Cumque ad locum venisset quem reprehenderat, expressit Agamemnonem cogitandum: nihil magno Duci magis convenire ratus quam pro omnibus cogitare. Ea res magnum Ducem facit, non proceritas corporis.

52. IDEM Hylam negligenter saltantem Oedipodem

a Lepide. b Libere. c Ex ambiguo teste. d Rex cogitandus.

dem hac voce castigavit, *τὸ βλέπεις*, id est, *tu vides* :
a cum ille Oedipodem jam cœcum exprimere debuerit.

53. IDEM Pylades cum saltans Herculem furem nonnullis incessum histrioni convenientem minus servare videretur, depolita persona ridentes increpuit dicens : *ὁ μωρὸν μαινόμενον ὀρχεῖμαι*, id est, *stulti furem salto*. Significans hoc ipsum quod videbatur indecorum, maxime decorum esse.

54. APPIUS homo dicax usque ad scurrilitatem, Cajo Sextio dixit : *c* *Cœnabo apud te, nam uni locum esse video* : notans illum quod luscus esset. Cui Sextius ex tempore. *Manus*, inquit, *lava & cœna* : teste objiciens illi impudicitiam, aut certe rapacitatem.

55. APPIUS major cum in senatu ageretur de agris publicis, ac premeretur Lucilius ab his qui à pecore ejus depasci publicos agros dicerent : *Non est*, inquit, *Lucili pecus illud*, *erratis*. Hactenus defendere videbatur, sed adjecit : *Ego liberum puto, qua lubet pascitur* : Jocus est ab inexpectato. Expectabatur enim ut probaret hoc pecus non esse Lucilii, sed alterius cujuscumque, ac reum sublevaret, nunc irrisum gravabat.

56. APPIUS populo Romano exprobrabat, sibi acceptum ferri debere quod ex muto & elingui facundum haberet consulem : de L. Volumnio collega sentiens. Ibi L. Volumnius : *d* *Quam mallem*, inquit, *tu à me strenue facere, quam ego abs te scite loqui didicissem*.

57. APPIUS Claudius dicere solitus est : *e* *Populo Romano longe melius committi negotium quam otium*. Sentiens multitudinem bellis excitari ad virtutem, in pace defluere ad voluptates ac luxum, ex quibus nascitur Rerumpublicarum ac regionum exitium.

58. ISCHOMACHUS mimus cum primis celebris, medico percunctante rusticum qui ob ingurgitationem male habebat, num ad vomitum cœnasset : *e* *Nequaquam*, inquit, *sed in ventrem*. Jocus Græcis festivior est, quod *eis* sonat pariter & in, & usque ad, *eis* ἔμετον, *eis* κοιλίαν.

59. ITEM

a Imitatio mala *b* Decorum. *c* Ab inexpectato.

d Facta dictis potiora. *e* Otium inutile. *f* Ridicule.

59. I T E M cum mendica quædam ventris tormina præteretur, ac medicus percunctaretur, num haberet in ventre: *a Qui potest*, inquit, *cum triduo nihil comederit?* Et hujus dicti festivitas jucundior est Græcis, quibus in ventre habere dicitur quæ fert uterum. Nam id medicus percunctabatur, an esset gravida.

60. A N T I O C H O cui cognomen erat ὀπίστανος, id est, *b illustris*, Polybius invertit nomen, appellans illum ὀπίστανον, id est, *insanum*, quod cum infimis quibusdam plebejis atque etiam cum hospitibus præter regiam dignitatem voluptatibus indulgeret.

STRATONICUS.

1. STRATONICUS citharædus, natione Atheniensis, non minus festivis dictis quam arte musica celebris, ad quietem iturus assidue jubebat puerum sibi infundere vinum, *c non quod sitiam*, inquit, *sed ne sitiam.*

2. I D E M cum se contulisset Corinthum, anicula quædam diu attente illum inspexit, nec dimovebat ab illo oculos admiranti similis: cumque ille dixisset. Quid vis mater, & quam ob causam me sic adspicis? *d Denique*, inquit, *sic te mater decem menses pertulit in utero, cum hac civitas unicum tantum diem habens te doleat.*

3. I D E M navigarat in Pontum ad Regem Berisadem, ubi diu moratus voluit illinc in Græciam aufugere: cum id Rex videretur non passurus: *e Bene*, inquit Stratonicus, *cogitas ô Rex, qui statueris heic manere:* suam fugam subindicans, ac Regis consilium probans, quasi & ille de migrando cogitasset, & ipse nonnisi gravibus causis commotus pararet abitum.

4. I D E M Byzantii cum citharædus quispiam belli cecinisset procemium, cætera minus feliciter, surrexit, *f ac præconis in morem pronuntiavit*, quisquis indicarit citharædum qui bene cecinisset procemium, drachmas accipiet mille.

5. I D E M interrogatus, quinam essent in Pamphylia miserrimi: *Phaselitæ*, inquit, *sed addebat, in toto*

X

orbe

a Ab ambiguo. b Nominis depravatio. c Sitim prævenire. d Meleste. e Facite. f Initum bellum.

orbe miserrimos esse Sidetas. Utraque gens est in Pamphylia. Phaselitarum sordes proverbio notatae sunt, Phaselitarum sacrificium : quod falsis pisciculis sacrificarent Diis. Miseros dixit parcos.

6. I D E M interrogatus utri essent barbariores. *a* Boeoti an Thessali, nominavit Elæos : significans hos utrisque barbariores, cum illi haberentur barbarissimi. Hoc erat lepidius, si ab Elæo fuisset proposita quaestio, ut forte fuit.

7. I D E M aliquando trophæum cum erexisset, hunc inscripsit titulum: *b* *Adversus male canentes cithara*. Notans tales ubique quam plurimos esse quos ipse vicisset.

8. I D E M percunctanti quod navigiorum genus esset tutissimum, longorum an contra, *c* respondit, ea quae subducta sunt. Significans nullum vectorem in ulla navi tutum esse, nisi cum navis protracta est in siccum, quod olim hybernis mensibus fieri solet.

9. I D E M Rhodi cum artis suae specimen edidisset, neque quisquam plausu aliove gestu signum favoris dedisset, abscessit illinc dicens: *d* *Cum id quod nullo constet impendio non praestetis, qui sperem me à vobis premium accepturum?*

10. I D E M Ptolomæo Rege de musica cum ipso contentiosius differente: *e* *Aliud est*, inquit. *O Rex sceptrum, aliud plectrum*. Significans non esse regium de Musica cum Musico disputare.

11. I D E M invitatus aliquando, ut audiret citharædum canentem, postea quam audierat, recitavit illum versiculum Homeri:

f Τῷ δ' ἔτερον μὲν ἔδωκε πατήρ, ἔτερον δ' ἀνένδυσεν.

Id est:

Huic dedit hoc pater altitonans, verum abnuvit illud.

Cuidam roganti, quo pacto? exposuit:

Male cithara canere dedit, bene canere negavit.

12. I D E M cum trabes delapsa quendam è convivis occidisset, dixit, *g* ἄνδρες δυνώ εἰσὶ δέσι, εἰ δὲ μὴ εἰσὶ, δυνώ

a Barbaries. *b* Citharædi mali. *c* Ab inexpectato.

d Applausus. *e* Decorum. *f* Alius alio praestat.

g Ex vocum affinitate.

δοκῶ εἶπαι. Id Latine reddi non potest: Jocus est ex amphibologia: δοκῶ sonat trabi, si subscribas jota, & sine hac sonat opinor. Viri opinor Dii sunt, quod si non sunt, trabi sunt, nisi forte δοκῶ legendum acuto accentu, ut intelligas, trabes sunt.

13. IDEM Seriphi agens, hospitem suum percunctatus est, ob quam causam illic homines juberentur vertere solum: cum ille respondisset, flagitiosos apud Seriphios exilio multari: a *Quintu quoque*, inquit, *aliquid flagitii committis, ut ex his locorum angustiis emigres?* Notans regionem esse incommodam, & oppidum frigidum.

14. IDEM cum Rhodi ageret, taxans ejus gentis luxum delitiasque, b dicebat illos ædificare perinde quasi essent immortales, obsonare quasi breve tempus victuros. Avidius enim fruimur his, quæ brevi scimus auferenda.

15. DE Phaone malo tibicine dixit, quod non caneret harmoniam, sed Cadmum. Phaon autem cum se gereret pro tibicine, jactaretque se Megaris habere chorum: c *Nugari*, inquit Stratonicus, *non habes, sed haberis*: Significans illum discipulum esse potius quam Magistrum, aut chorum ipso doctiorem esse.

16. IDEM Stratonicus ajebat, d se vehementer de-
mirari Satyri Sophistæ matrem, quæ illum decem menses tulisset, quem nulla civitas decem dies ferre posset.

17. IDEM cum Satyrum accepisset apud Ilium peregrinari, festiviter in illum retorfit illud proverbio jactatum, e *In Ilio semper mala*: Ludens ex ambiguo vocis. Aliter enim mala dicuntur quæ misera tristiaque sunt, aliter homines mali.

18. IDEM Minnaco fabro, ut opinor, secum de musica disceptanti: f *Non animadvertis*, inquit, *te supra malleum loqui*. Simillimum est huic illud Apellis. Ne futor ultra crepidam.

19. IDEM cum quendam sibi notum haberet obvium calceis pulchre extersis, specie laudantis vituperavit: dicens: g *Nunquam calceos tam belle potuisse abstergi, nisi absterfisset ipse*.

X 2

20. IDEM

a Exilium optabile. b Luxus. c Citharædus malus. d Molesti. e Ilio mala. f Ultra malle. g Laudando vituperare.

20. I D E M cum forte venisset Miletum, quæ tum à convenis inhabitabatur, vidissetque omnia sepulchra titulos habere peregrinorum: *a Abeamus*, inquit, *hinc puer, nam heic hospites videntur mori, civium nullus.*

21. I D E M Zetho de musica differenti, *b Te unum*, inquit, *nequaquam oportet de musica loqui, qui tibi nomen omnium à Musis alienissimum elegeris, te ipsum pro Amphione appellans Zethum.* Amphion, ut est in fabulis, cantu citharæ condidit Thebas, at Zethus frater rusticus fuit. Apparet illum sibi mutasse nomen.

22. I D E M cum docerei Macedonem quendam, nec ille quidquam proficeret exasperatus in discipulum: *c In Macedoniam*, inquit, pro eo quod alii dicunt *eis μάχαριαι*, si cui precantur exitium. Obiter notavit & Macedonica gentis barbariem.

23. I D E M cum videret facellum malo sordidoque balneo vicinum, anathematibus pulchre exornatum, postea quam è balneo exiit male lotus: *d Non miror*, inquit, *hic multas pendere tabulas.* Quisquis enim hic lavit, illic suspendit tabulam veluti servatus. Indicans magnum esse, si quis è tali balneo exisset incolumis. Alludit autem ad morem nautarum ac militum è mari belloque servatorum.

24. I D E M cum egrederetur Heracleam civitatem, portas ac moenia circumspiciebat: percunctanti vero cuidam quid circumspiceret: *e Pudet*, inquit, *si videar exire è lupanari:* notans corruptos ejus civitatis mores. Sunt ejus nominis civitates multæ, sed de Heraclæa Thraciæ sensit opinor.

25. I D E M in eum, qui cum prius fuisset olitor, postea factus musicus de arte secum contenderet: pronuntiavit senarium Græcum vulgo celebrem:

Ἄδεις τις ἢ ἐκαστος εἰδεῖν τέχνην.

Id est:

Quam quisque novit artem, eam canat licet.

Mutato verbo detorsit ad jocum quod est in proverbio, *ἔρδεις τις, &c.*

26. I D E M

a Convena. b A nomine. c Macedonia. d Balneum sordidum. e Civitas Lupanar.

26. IDEM cum in Maronia potaret cum quibusdam, dicebat se posse scire ad quem locum spectaret civitatis, si recta facie ipsum ducerent. Cum duxissent, rogassentque quo spectaret. *a Ad cauponam*, inquit. Sentiens totam civitatem nihil aliud esse quam cauponam. Itaque quocunque verteretur testis oculis, sciebat se spectare cauponam. Maronia Ciconum civitas est didita negotiationi.

27. IDEM cum in Arcadia malam terram, ac sal-
sam aquam balneator exhiberet, jocatus est, se terra
marique obsideri. Apparet in balneis terræ fuisse usum,
qui nunc est fullonibus.

28. IDEM cum apud Sicyonios vicisset adversum se
cithara certantes, consecravit in Æsculapii templo tro-
phæum cum hac inscriptione. *Stratonicus à male citha-
ra canentibus*. Hoc si idem est cum eo quod paullo ante
memoravimus, miror ab eodem authore eodem in loco
bis idem referri; referuntur enim hæc apud Athenæum.

29. IDEM quendum qui male cecinerat rogavit, cujus
esset cantio: cum ille respondisset: *Carcini b Multo
magis*, inquit, *quam homini*. Carcinus enim Græce can-
crum sonat. Est autem eadem vox cantoris cujusdam
nomen, quem notant Græcorum proverbialia.

30. IDEM cum puer illius in balneo cum balneatore
litigaret de pecunia. Nam mos erat, ut hospites plures
lavarent quam cives: *c Scelerate*, inquit, *puer ob as me
propemodum Phaselitem reddideras*. Nam hoc accedit in
Phaselide, de qua gente male sentiebat tanquam sordida.
Proin ministrum objurgans, notat gentis malitiam.

31. IDEM cuidam laudanti ipsum, ut aliquid ab
eo acciperet: *d Ego*, inquit, *major mendicus sum*: sen-
tiens non esse musicorum dare laudanti, sed accipere à
laudatis.

32. IDEM cum doceret in civitatula per quam exi-
gua, jocatus est mutatione literæ. Non est πόλις, sed
πόλις, id est: *e Non est civitas, sed vix*. Sentiens vix
dignam nomine civitatis.

X 3.

33. IDEM

*a Antverpia. b A nomine. c Phaselita. d Mendicus
à mendico. e Depravatio nominis.*

33. IDEM cum esset Pallæ, & ad puteum descendisset, rogavit num esset aqua potabilis: cum dixissent qui aquam hauriebant. Nos istam bibimus: *a Non est igitur*, inquit, *potabilis*: quod illos videret pallidos luridosque. Nam id interpretabatur malæ valetudinis argumentum, quam ex aqua contraxerant.

34. IDEM cum audisset nixus matris Timothei Regis, *b Si*, inquit, *opificem peperisset, non Deum, quales emisisset voces?* Iridens quorundam fœdam adulationem, qui Regum filiis tribuebant divinitatem, vox parientis Regem æque miserabilis sit ac parturientis quemlibet plebejum. Ipse autem Stratonicus filius erat opificis.

35. IDEM Polyidæ glorianti quod discipulus ipsius Philopas canendo vicisset Timotheum: *c Miror*, inquit, *si ignoras, quod discipulus tuus condit decreta, Timotheus autem leges.* Jocum captans ex ambiguo vocis. Nomos enim Græcis & legem sonat, & modulos cantionis. Itaque periculosum est Regem vincere.

36. IDEM Psaltæ cuidam molestius obstrepenti, *ψαλλ' ἐς κόρακας* dixit pro *βαλλ' ἐς κόρακας*, *d* abi ad corvos: ludens unius literæ mutatione,

37. IDEM cum vidisset Propin citharoedum Rhodium, corpore quidem magnum, sed arte pusillum, percunctantibus qualis videretur, respondit proverbiali dicto: *e Nullus, malus, magnus, piscis.* Singulis verbis hypostigme separatis, alium efficiens sensum, de quo dictum est in Chiliadibus.

38. IDEM cum in ludo suo haberet piætas Musas novem, Apollinem unum, discipulos autem tantum haberet duos, rogatus à quodam quot haberet discipulos: *f Cum Diis*, inquit, *X I I.* De hujus joci genere nobis alibi dictum est.

39. IDEM versans apud Malissam cum videret templa multa, homines paucos, stans in medio foro, clamavit: *g Adire templa.*

40. IDEM apud Abderitas agens, conspicatus illic
singula

a Res verbis contraria. b Regum nativitas. c Certare cum Rege. d Ex mutata litera. e Magnus stultus. f Cum Diis. g Templa vacua.

singulis civium singulos esse præcones, adeo ut prope-
modum major esset præconum numerus quam civium,
à cœna cœpit per civitatem summis pedum digitis in-
gredi, demissis in terram oculis. Percunctantibus au-
tem Abderitis, quid mali repente accidisset illius pedi-
bus, ita respondit: *a Cætera quidem belle valeo toto cor-
pore, & ad cœnam curro celerius ipsi adulatoribus: illud
unum metuo, ne ingrediens præconis pedem offendam. Sen-
tiens illic præconum plena omnia.*

41. I D E M cum in sacrificio malus quidam tibicen
esset cantaturus: *b Bene ominandum est, inquit, libantes
precemur Deos. Significans opus Deorum auxilio ut be-
ne caneret.*

42. C I T H A R O E D U S quidam malus Stratonici-
cum excipiebat convivio, atque super cœnam ostentabat
illi autem suam. Erat autem apparatus splendidus. Ita-
que Stratonicus cum illo canente non haberet, qui cum
loqueretur, confregit poculum & poposcit majus. Id
cum accepisset cum multis cyathis, soli calicem osten-
dit, moxque sese vino ingurgitavit & obdormiit. Cum
forte supervenissent aliquot commissabundi, cantori qui
convivium exhibebat noti, Stratonicus expergescens fa-
ctus est ebrius. At illi cum intellexissent, quod multum
assidueque bibendo fuisset inebriatus, Stratonicus com-
pendio respondit. *Hic insidiator & sceleratus cantor, me
veluti bovem ad præsepe, dum cœna accipit, occidit. Boves
multo cibo saginantur priusquam mactantur.*

43. I D E M in citharædum imperitum, cui nomen
erat Cleon, sed vulgo dicebatur bos: *c Oim, inquit,
asinus lyra dictum est, nunc bos est lyra.*

44. I D E M Rhodios cum videret deliciis dissolutos,
& calido potu utentes, appellavit albos Cyrenæos, &
civitatem illorum appellavit procorum civitatem, quod
colore quidem differrent à Cyrenæis, qui nigri sunt,
luxu & voluptatum studio similes. Sic hodie quidam
appellant albos Mauros. Ejusdem feruntur & alia libe-
re fallæque dicta, in quibus dicitur imitatus Simoni-
dem & Philoxenum. Si rogas quod libertatis præmium

tulerit, offenso Nicocle Cypriorum Rege, venenum bibit & mortuus est. Hic primus fertur auxisse chorodorum numerum, & harmonias docuisse, & diagramma reperisse.

45. PHOENICIDES cum apponeret pisces in convivio, sed his dumtaxat qui dedissent symbolum, dixit: *a Mare quidem esse commune, sed pisces in eo natos eorum esse qui emissent.*

46. THEOCRITUS Chius posteaquam Diocli lurconi perisset uxor, & in funebri coena quam illi parabat, nihilo secius opsonia voraret, flens interim. *b Desine miser, inquit, nihil profeceris, opsoniis indulgens.* Sentiens illi semper flendi fore materiam, si pergeret deliciari. Olim vesci piscibus pro deliciis habebatur, & infami vocabulo dicebantur opsophagi. Nunc ea res magna est sanctimonia.

47. IDEM cum Anaximenes esset dicturus, ita praefatus est: *c Incipit verborum flumen, mentis gutta:* significans illum esse multiloquum, sed minime sapientem.

48. IDEM cum duceretur Antigonus Regem, atque hi qui ducebant, juberent hominem bono esse animo, fore enim incolumem simul atque venisset ad oculos Regis: *d Omnem, inquit, spem salutis mihi adimitis:* mordens Regem quod luscus esset. Rex audito joco, jussit hominem agi in crucem

1. CHIROSOPHUS Dionysii adulator, cum videret Regem cum aliquot familiaribus ridentem, ipse quamquam longo abesset intervallo, nec audiret, pariter risit. Rogavit Dionysius num audiret quæ dicerentur: negavit. *e Cur igitur, inquit, rides? Quoniam persuasum habes quidquid isthuc est quod inter vos agitis, esse aliquid ridiculum.* Ridicula Græcis dicuntur interdum non deridenda, sed festiva.

2. ARCADION adulator odio Philippi Macedonis sponte deseruit patriam. Evenit autem, ut Philippo Delphis agente adesset. Eum Rex accersitum rogavit, quo-

a Empta. b Luxus. c Loquacitas. d Focus intempestivus. e Ex ambiguo.

quousque fugies Areadion? *Donec*, inquit, *pervenero*, *ubi nemo norit Philippum*. Quis non miretur eam libertatem in adulate? Sed hac libertate delectatus Rex, vocavit illum ad cenam, itaque cum eo in gratiam reddiit. Quanquam libertati suberat adulatio, subindicans Philippum nusquam non esse celebrem.

3. MELANTHUS Alexandri Pheræi parasitus, interrogatus quomodo fuisset interfectus Alexander: *a Percoxam*, inquit, *in meum ventrem*. Sentiens idem vulnus etiam suo inflatum ventri, cui jam erat esuriendum, mortuo qui consueverat alere.

4. IN Archippum Atheniensem Ducem, contrahitis & incurvis humeris, jecit scomina, dicens eum, & *αρεστέρας & πόλεως ἀλλὰ κεκυρῆας*. Nam locus Latinis verbis reddi non potest. Quanquam legendum arbitror *αρεκεκυρῆας*. Id est, *non antestetisse, sed antecubuisse*. Stat enim qui erecto est corpore, *αερώμῃ* qui se ante alium incurvat.

5. INTERROGATUS quid sentiret de tragœdia Diogenis, *b* negavit se vidisse, quod esset obiecta verborum involucris. Notans ambitiosa verborum copia rem obscurari. Refert Plutarchus *αὐτὸν & ἀκέρειν*.

6. AGIS Argivus adulator videns Alexandrum ingentia munera dedisse cuidam ridiculo, exclamavit: *c O rem vehementer absurdam*. Quum Alexander hæc voce excitatus dixisset. Quid tu ais? Fateor, inquit Agis, me pati non posse, quum videam vos è *fove* prognatos omnes pariter assentatoribus delectari. Siquidem & Jupiter Vulcanum habet pro morione, & Hercules Cecropibus, & Bacchus Silenis delectari consuevit. Tales videmus & apud te magni fieri. Pestilentissimum adulationis genus, sub libertatis imagine blandiri.

7. SEVERUS Imperator quum è Britannia rediret, non solum victor, sed etiam in æternum pace fundata, volvens animo quid ominis sibi occurreret, Æthiops quidam è numero militari, claræ inter scurras famæ, ac jocorum celebrium, cum corona è cupressu

X 5

facta

a Ventris studium. b Verborum ampulla. c Libertas adulatorix.

facta ei occurrit. Cæsar & coloris, & coronæ tactus ordine, nam cupressus funebilis est, iratus iussit hominem submoveri. At scurra discedens pejus omen addidit lingua, dicens: *a Totum fuisti, totum vicisti, jam Deus esto victor.* Scurræ jocus vaticinium erat, nam Cæsar aliquanto post periit.

8. PRAXASPES Cambyzen Regem admonuit, ut parcius vino indulgeret. Turpem enim esse in Rege ebrietatem, in quem unum omnium essent coniecti oculi, cui Rex? *b Ut scias, inquit, quam mihi nunquam excidam, approbato etiam post vinum & oculos & manus in officio esse.* Bibit deinde solito largius, jamque vinolentus jubet objurgatoris filium produci, allevataque supra caput sinistra manu stare: tunc in cor adolescentis figit sagittam, nam id dixerat se petiturum: recisoque pectore jaculum cordi infixum ostendit patri, rogans num satis certam haberet manum. *At ille negavit. Apollinem potuisse certius mittere.*

9. NICESIAS Alexandro abigenti muscas, quod ab illis diceret se morderi: *c Magis, inquit, ab aliis quam plus tui habent, gustato sanguine.* Adulatores notavit, ut omnibus muscis plus surgentes.

10. CLISOPHUS Atheniensis adulator, Philippo increpanti cur semper aliquid peteret: *d Obliviscor, inquit.* Lepidus jocus, sed pugnans cum laudatissima sententia, beneficii accepti meminisse, dati oblivisci oportet.

11. IDEM à Philippo donatus equo saucio, vendidit, & ab eo post interrogatus, ubinam esset equus: *e Ex vulnere, inquit, illo confectus est.* Ludens ex ambiguo. Nam περπαλά, sonat venditus est & confectus est.

12. IDEM Philippo jacenti in ipsum scommata, & admodum hilari: *f Ergo posthac, inquit, te non alam:* lepide invertens rem. Nam Reges in hoc alunt parasitos ut illorum dictis exhilarantur. Quod si ipsi Reges per se norint ludere, & in alios ridicula dicere, nihil opus sit parasitis, quum ipsi norint parasitos agere. Alio-

a Omen. b Impius adulator. c Muscas Regum. d Petax. e Petax. f Ex inversione.

Alioqui parasiti magis alunt Reges, quam Reges parasitos. Quanquam Plutarchus in Sympotiacis, ita refert, *α' ἐγώ σ' τρέφω*, id est, *a non ego te alo*. Notans Regem quod versa rerum vice, pro Rege ageret morionem. Tu me alis, ut ridiculis dictis te exhilarem, non ego te.

13. BITHYS parasitus quum Lyfimachus Rex vestii ipsius curasset affigendum scorpionum ligneum, aut ut Plutarchus ait, rubetam, pulchre assimilatum vero, perturbatus resiliit. Ridentibus omnibus ubi dolum sensit: *b Et ego, inquit, te vicissim terrebro Rex*. Quum ille dixisset fac. *Da mihi, inquit, talentum*: exprobrans Regi sordes & parsimoniam.

14. PHILOXENUS, cui cognomen Pternocopis, patria Corinthius, orto sermone quod turdi magno venderentur, quum forte adesset Corydus, qui male audiebat, quod corpus suum ad quæstum prostituisset: *c Atqui ego, inquit, memini fuisse tempus, quo Corydus obelo parabatur*. Ludens ex ambiguo. Nam Corydus etiam aviculæ nomen est.

15. IDEM opinor, dixit: *d Eas esse jucundissimas carnes quia carnes non sunt, & suavissimos pisces qui pisces non sunt*. Idem dixit. *Amœnissimam esse navigationem juxta terram, & ambulationem juxta aquam*.

16. PHILOXENUS Poëta Dionysio recitante sua carmina, quum alii per assentationem laudarent, exclamavit: *e Abducite me in lapidicinas*. Subindicans hoc esse tolerabilius quam audire laudareque tam mala poemata: nam antea Rex offensus miserat illum in lapidicinas.

17. IDEM interrogatus quum in tragoediis induceret mulieres malas, quum Sophocles eas induceret bonas, argutissime respondit: *f Quoniam, inquit, ille tales inducit, quales esse deberent, ego quales sunt*.

18. IDEM apud Pythonem prandens appositis oleis, quum paulo post inferretur patina piscium, percussio vasculo quod habebat oleas, Homericum hemistichium

X 6

dixit,

a Salse. b Parsimonia exprobrata. c Ex nomine.

d Mediocritas grata. e Libere. f Argute.

dixit, *μείσιζεν δ' ἐλάαν*, id est, *a scutica incitavit*, ut traherent. Nam de auriga dictum est. Sensit autem Philoxenus oleas quamprimum auferendas, alludens interim ad Græcam vocem ἐλαῶν, quæ sonat olearum, & ἐλάαν quod sonat trahere currum aut aliquid simile.

19. I D E M vocatus ad convivium, quum esset appositus ater panis. *Cave*, inquit, *multos apponas, ne facias tenebras*. Nigra enim obscurant: & atras tenebras dicimus, quum color albus plurimum habeat lucis, unde & oculis noxius.

20. C O R Y D U S parasitus compotante ipsi meretricula, cui nomen erat Gnome, quum vinum deficeret, ipse iussit *Imponi duos supra centum obolos, Gnomem autem conferre quantum populo videretur*: notans illam ē populo quæstum facere.

21. I D E M quum Plyctor citharoædus lentem forberet, ac lapidem lenti admixtum manderet. *O miser*, inquit, *etiam lenticula te ferit*. Significans illum dignum qui ab omnibus lapidaretur, posteaquam lens illi lapidem incusserat.

22. I D E M quum apud Ptolemæum Mattya, cibi laudatissimi genus circumferretur, sed apud Corydum semper deficeret: *b Utrum*, inquit, *Ptolemæ sum ebrius, an videor tibi videre ista circumferri*? Admonens se nihil aliud quam spectatorem esse Mattyæ. Ebriis autem omnia videntur versari in gyrum.

23. I D E M Chærephonti parasito dicenti, non possum ferre vinum: *c Ne id quidem*, inquit, *quod in vinum*. Sentiens illi non esse quod impenderet in vinum. Fert autem qui tolerat, & fert qui confert pretium.

24. I D E M quum Chærephon nudus in convivio distenderetur: *d O Chærephon*, inquit, *nunc te veluti Lecythos intueor, quousque plenus sis*. In Lecythis vitreis apparet, quousque plenæ sunt, si eximantur ē thecis. Ita in cute illius apparebat expletio totius corporis.

25. I D E M quum Demosthenes ab Harpalo poculum

a. A carmine Homeri. b Spectator convivii. c Ex ambiguo. d Veracitas.

lum ingens dono accepisset: *a* Hic, inquit, alios Acrothonas, hoc est, bibulos appellat, quum ipse magnam patenam attraxerit. Cothon cyathus est fictilis. Attrahit qui accipit donum, & attrahit vinum qui bibit.

26. I D E M solitus nigros panes inferre in convivium, quum alius intulisset nigriores, dixit, *b* illum non inferre panes, sed panum umbras, ob immodicam nigredinem.

27. P A U S I M A C H U S in parasitum qui ab ancilla alebatur, dicebat, *c* illi qui cum annu consuetudinem habebat, diversum quiddam accidere atque ipsi vetula. Nam illum semper aliquid ventre concipere, illam nunquam. Sentiens illum subinde fieri saturum, illam manere sterilem.

28. C I N E S I A S videns Alexandrum magnum à pharimaco quod sumpserat vehementer turbatum: *d* Quid, inquit, nobis faciendum est, quum vos Dii talia patiamini? Quum Alexander ægre sustulisset oculos: Quales, inquit, Dii sumus, metuo ne Dii invisi.

29. P A N T A L E O N in Arsinoen Lyfimachi uxorem vomere solitam, torisit hunc versiculum:

e Καὶ οὐ κατάρχεαι, τὴν δὲ ἐμὰ σὺν εἰσέγων,

Id est:

Dominare pravis, qui hanc vomentem induxeris.

Quod ubi rescivit Lyfimachus, in mustelæ cavea inclussit hominem, ac tanquam feram circumferri iussit, aluitque usque ad mortem. Huic certe bonum dictum male cessit.

30. A R C E S I L A U S quum Apellem Chium ægrum invisens etiam egere sensisset, postridie revisit illum decem drachinas secum adferens & proxime assidens. Hic nihil est, inquit, præter Empedoclis elementa, ignem & aquam, terram, atque volubilis ætheris orbes. Ac ne cubas quidem, inquit, satis commode, simulque moto cervicali, furtim subjecit pecuniam. Hanc quum ancilla quæ ægrotanti administrabat, reperisset, & Apelli narrasset, ille ridens: *f* Disseream,

X 7

inquit,

a Munera. *b* Umbra. *c* Vetula concubinus. *d* Dii miseri. *e* Libertas infelix. *f* Bepigne.

inquit, nisi hoc Arcesilai furtum est, κλέμματα à κλέπτω, quod Græcis & cœlo significat & furor.

31. **A P E L L E S** quum vidisset tabulam à Proto- gene pictam, quam Demetrius in bello servarat depre- cantibus Rhodiis, aliquandiu præ stupore tacitus eam est contemplatus, tandem in hanc vocem erupit: *a* *Ingens labor ac mirandum opus, desunt tamen Gratia, quæ hoc aliaque ejusdem auferant, atque in cœlo reponant.* Eam ta- bulam Protogenes nondum absolverat.

32. **Q U U M** Megabyzes aliquando in officinam Apellis venisset, cœpissetque nescio quid de pingendi arte loqui. Appelles non ferens Regem de his judican- tem quæ non didicerat: *b* *Quamdiu, inquit, filebas, omnes te ob aurum, purpuram, ac diadema venerantes ma- gnum virum esse putabant: nunc pueri mei qui colores te- runt, ob inscitiam te rident.* Plinius pro Megabyze ponit Alexandrum Magnum.

33. **P I C T O R I** parum perite de celeritate glo- rianti, & ostensa tabula dicenti, hanc modo pinxi: *c* *Etiam si tacuisses, inquit Apelles, res ipsa loquitur quod eam ex tempore subito pinxeris.*

34. **A P E L L E S** quum Laidem adhuc virginem vidisset ex Piræo ferentem aquam, admiratus insignem formam, duxit illam in convivium sodalium. Cæterum irrisus ab illis quod pro meretrice virginem adduxisset in convivium: *d* *Ne miremini, inquit, ego eam alo, ut aliquando fruatur. Nam priusquam totum excesserit trien- nium, eam formosam reddam.*

35. **I D E M** dicere solet: *e* *Sibi cum Protogene omnia esse paria, aut illi etiam meliora, uno se prestare, quod ille manum de tabula nesciret tollere.* Sentiens Protogenem peccare nimia diligentia, quam morosam appellant, quæ frequenter officit, non pictori tantum, sed & ora- tori. Huic vitio affinis fuit vir eximie doctus Paulus Æmylius Veronensis, qui sibi nunquam satisfaciebat, sed quoties recognoscebat sua, mutabat pleraque: di-
ceres.

a Opus immortalitate dignum. *b* De arte artifex.

c Celeritas inepta. *d* Spes boni futuri. *e* Morosa diligentia.

ceres opus non correctum, sed aliud: idque subinde faciebat, quæ res in causa fuit, ut citius elephantî pariant quam ille quicquam edere posset. Nam historiam quam edidit, plus quam triginta annis habuit præ manibus. Et suspicor huc adactum ut evulgaret. Nec multum abfuit ab hoc vitio Thomas Linacrus Anglus, vir undequaque doctissimus.

36. NUNQUAM tam occupatus fuit, ut diem prætermitteret, in quo nihil omnino pingeret artem exercens. Unde subducens sese à negotiis dicere solet: *a* *Hodie nullam lineam duxi.* Quæ vox abiit in proverbium, de quovis officio prætermisso.

37. IDEM tabulas in pergula proponere solet, postque eas latitans, quid prætereuntes reprehenderent auscultabat. Sutor quidam reprehendit, quod in crepidis pauciores uia intus fecisset ansas: tulit hoc tacitus Apelles: postridie cum idem circa crus aliquid notaret, Apelles indignatus prospexit denunciâns illi: *b* *Ne sutor ultra crepidam judicaret.* Quod & ipsum in proverbium venit.

38. PROTOGENES Rhodi vivebat. Eo Apelles videndi ejus causa profectus est, continuoque petit officinam, in qua tabulam magnæ amplitudinis in machina aptatam picturæ anicula quædam custodiebat. Ea Protogenem negavit esse domi, rogavitque à quo quæsitum diceret reverso. *c* Ab hoc, inquit Apelles, arreptoque peniculo lineam ex colore duxit summæ tenuitatis per tabulam. Reverso Protogeni quæ gesta erant anus indicavit. Ac lineam ille contemplatus, continuo dixit. Profecto Apelles Rhodum venit. Nec enim in alium cadit tam absolutum opus. Mox induxit alio colore lineam illa subtiliorem, anique mandavit, ut si rediret hospes, diceret ostensa linea. Hic est quem quæris. Reversus Apelles, & vinci erubescens, tertio colore lineas secuit, nullum relinquens amplius subtilitati locum. Protogenes victum se confessus in portum devolat, hospitem quærit, domumque ducit: victus.

a. Artis exercitatio. b. Judicare de arte aliena. c. Elinae judicare.

victus victorem. Ex minimo vestigio artifex agnoscit artificem.

39. AGATHARCHUS pictor sese iactabat de pingendi celeritate, quum Zeuxis diutius immoraretur operi. At Zeuxis respondit: *a Ea quæ cito fiunt, cito periret contra, quæ paulatim exacta cura absoluerentur, ætatem ferre.* Juxta Valerium ita respondit. Diu pingo, quia pingo æternitati. Cito nata, cito pereunt: diu elaborata, ferunt ætatem. Beta cito nascitur, buxus paulatim.

40. ZEUXIS certamen artis exercuit cum Parrasio. Quum enim Zeuxis tam scite effinxisset uvas, ut in scenam aves advolarent, Parrasius detulit linteam pictum ita veritate representata, ut Zeuxis alitum iudicio tumens, flagitaret tandem remoto linteo ostendi picturam. Mox intellecto errore: *Vicisti, inquit, Parrasi.* Nam ego aves fefelli, tu artificem. Rari candoris inter artifices exemplum.

41. IDEM postea pinxit puerum uvas ferentem, ad quas cum aves advolassent, processit iratus operi: *b Uvas, inquit, melius pinxi quam puerum. Nam si hæc consummassem, aves puerum timere debuerant.* Ingenuitatis exemplum. At aves viderunt in puero nullum esse motum, itaque aut mortuum aut dormientem arbitrata sunt.

42. SCOPAS Thessalus statuarum artifex demiranti cur in ædibus suis tantum haberet rerum supervacanearum & inusitatarum: *c Imo his, inquit, supervacaneis felices sumus ac beati, non illis necessariis.* Quum ea quæ sunt vitæ necessaria sint suapte natura pretiosissima; tamen quia quotidiana sunt, multisque communia, contemnuntur. Cæterum quanti sint pretii declarat extrema necessitas, quæ si incidat, quilibet libens omnes gemmas, aulæ & aurum suum uno pane commutet: cætera magis ad ostentationem pertinent quam ad salutem. Suspicio hunc eundem esse de quo refert M. Tullius libro de Oratore secundo. Quum cœnaret Crannone in Thessalia Simonides apud fortunatum hominem & nobilem,

a Cito nata non durant. b Imitatio. c Supervacua.

bilem, cecinissetque id carmen quod in eum scripssisset, in quo multa de laudibus Castoris & Pollucis admiscuerat, quod ornandi gratia Poëtae solent facere, Scopas dixit, dimidium se ejus quod pactus esset pro carmine daturum reliquum peteret à suis Tyndaridis quos æque laudasset. Quidam soli volunt laudari. Evocatus est Simonides per duos juvenes, qui nusquam postea visi sunt, interim ruina conclavis Scopas obtritus est cum suis convivis, incolumi Simonide.

43. POLYCLETUS statuarius dicere solet: *a Eorum epificium esse molestissimum, quibuscumque lutum perveniret ad ungues: plastas opinor ac figulos notans.* Admonuit autem eas artes exercendas, unde non conspurcatur opifex. Tale nimirum philosophiæ studium.

44. IDEM duas statuas eodem argumento fecerat, alteram ad artis judicium, alteram ad opinionem vulgi, & ad cuiusvis prætereuntis judicium. Ambabus perfectis admittit turbam. Prior illa quam ex arte fecerat magnopere laudata est. Altera non item. Tum Polycletus: *b Atqui scitote, inquit, quod hanc quam tantopere laudatis, ego feci: eam quam vituperatis, vos fecistis.* A populo factam dixit, quam ad judicium populi fecerat. Vicit tamen artis species imprudentes. Si moniti fuissent, utram ad illorum judicium finxisset, eam prætulissent.

45. ARATO destinanti Tyrannorum communi odio abolere tabulam insignis artificii, quæ Aristratum in curru victorem habebat, Nealces supplex intercessit, ut opus incolume servaretur, dicens: *c Cum Tyrannis non cum Tyrannorum imaginibus belligerandum esse.*

46. QUUM Philippus locum quendam Ithomatam non minus munitum, si præsidium imponderetur, quam erat Acrocorinthus occupasset, & sacrificio peracto per vatem ad ipsum exta essent delata, accepta Arato ac Demetrio Phario demonstravit: & ipse animi dubius rogabat eos quid exta portenderent, utrum Messeniis locum redderet, an retineret. Hic Demetrius arri-

dens:

a Philosophia ars. b Populi fiducia. c Honor

artu.

dens: *a* Si animum, inquit, vatis geris, locum dimittes: *in Regis*, utroque cornu bovem retinebis. Peloponnesum bovis ænigmate signans, quam facile tueretur, si duas arces præsidio tueretur. Aratus autem rogatus à Philippo suam sententiam dicere, post diuturnum silentium hunc in modum respondit. Permulti sunt ô Philippe Cretensium montes, permulti Bœotiorum ac Phocensium tumuli terra prominentes, item plurimi Acarnaniorum, partim in mediterraneis, partim in oris maritimis siti, qui natura munitissimi sunt: & tamen quum horum nullum ceperis, omnes tamen sponte imperata faciunt. Latrones rupes & saxa incolunt, ac præcipitiis se tuentur: Regi autem nihil benevolentia firmitus aut munitius esse potest.

47. PHILIPPUS Arato venenum dandum curarat, quod non repente occideret, sed lenta tabe consumeret. Id ubi sensit Aratus, nec inveniretur remedium, dissimulavit, & ingressus cubiculum uni tantum ex familiaribus dixit: *b* O Cephæe, hæc sunt præmia Regiæ amicitiae. Non semper tutum Regibus optima dare consilia.

48. QUUM ex Atheniensium sociis quidam contumeliæ causâ rogasset captivum Laconem, num qui in prælio occubuissent fuissent strenui viri: Magni profecto, inquit Lacon: faciendum fufum, sagittam sentiens, si strenui ignavique discrimen nosset. Significans illic ubi res sagittis aut saxis agitur, nullum esse fortis & ignavi discrimen: sed ubi cominus res geritur, ibi deum apparet qui sint viri, qui non.

49. TURBO Adriani Cæsaris præfectus, admonitus ab eo, ut curam haberet suæ valetudinis, sibi que daret vacationem à negotiis, respondit: *c* Non decere Cæsaris præfectos nisi stantes mori. Ignavum esse sentiens in lecto decumbentem expirare.

50. IDEM quum adhuc nihil aliud esset quam centurio, & ante præfectos à Cæsare vocaretur in consilium: *d* Turpe est, inquit, ô Cæsar exclusis præfectis cum sententia agere.

51. MI.

a Divinatio. *b* Regum amicitia. *c* Otium. *d* Modeste.

51. **M I L O** Crotoniates athleta, jam senex quum vidisset athletas alios in curriculo sese exercentes, fertur inspexisse lacertos suos, lachrymansque dixisse: *a At hi jam mortui sunt.* Merito flevit, qui felicitatem corporis viribus metiebatur. Animi vigor serius senescit, si tamen senescit unquam.

52. **PHILIPPIDES** dictus *ἡμάρτορος*, quod uno die mille quingenta stadia conficiens Lacedæmonem pervenit. Idem, ni fallor, quum victoriam Atheniensium adversus Medos in Marathone partam, *b* senatui de pugna exitu sollicito nunciaret, *μέγα χαίρετε*, inquit, *νικῶμεν*, id est, *multum valete, vincimus, moxque expiravit.*

53. **PERSEUS** quum cuidam noto daret pecuniam, cautionem fecit in foro apud mensarium. Hanc diligentiam quum amicus admirans diceret. Adeone legaliter Persee? *c Scilicet*, inquit, *ut amanter accipiam, nec legaliter reposcam.* Fit enim sæpenumero, ut qui cum amico bona fide sine testibus ac syngraphis agunt, post cogantur cum eo legibus agere. Dicti nonnulla gratia est in Græcis, *νομικῶς & φιλικῶς.*

54. **TIMON** Atheniensis dictus *μυτάνθρωπος*, interrogatus cur omnes homines odio prosequeretur: *Μαλός*, inquit, *merito odi, ceteros ob id odi, quod malos non oderint.* Sentiens non esse vere probos, qui non de-testantur improbos.

55. **E I D E M** ascribunt quod dicere solitus sit: *d Duo præcipua esse malorum omnium elementa, avaritiam atque ambitionem.* Ambitio male profundit, quod male collegit avaritia.

56. **ALEXINUS** Sophista inter ambulandum multa mala dixit in Stilpontem Megarensē: cæterum ubi quispiam eorum qui aderant dixissent. Atqui ille te nuper laudavit. *e Per Iovem*, inquit, *vir enim optimus est ac præstantissimus.* Tam facile ex obtrẽtatore factus est laudator, non ob aliud nisi quod ab eo laudatus esset.

57. **G O R -**

a Animi bona. b Nuncius fidelis. c Cautio tuta.

d Malorum fons. e Laus conciliat amicos.

57. GORGIAS Leontinus Sophista centesimum septimum agens annum, rogatus quare tamdiu velit in vita manere. *a* Quia nihil, inquit, habeo, quod accensem senectutem.

58. SOCRATES dicitur eum execrari solitus. *Qui primus utilitatem à natura sejunxisset.* Naturam appellat honesti rationem hominì à natura insitam.

59. PHILOTINUS Medicus cuidam ostendenti digitum exulceratum, quum epar haberet tabidum, id enim ex colore apprehendit: *b* Non est tibi, inquit, ò bone periculum ab unguium vitio. Idem fere fit ab hominibus, ut de levioribus malis quærantur, graviora dissimulent.

60. ARCHYTA Tarentinus Pythagoricus dixit: *c* Nullam pestem capitaliorem hominibus à natura datam quam voluptatem, ex hoc enim fonte prodit quicquid est in hominum vita scelerum & calamitatum.

61. PRODICUS dicere solet: *d* Optimum condimentum esse ipsum ignem. Sentiens bono stomacho satis esse, obsonium esse coctum etiam si nihil accedat deliciarum.

62. MENENEMUS quum audisset quod frequenter ab Alexino laudaretur: *e* At ego, inquit, illum semper vitupero: declarans se non posse corrumpi laudibus, quo minus eum reprehenderet, qui reprehensione dignus erat.

63. CUIDAM qui in foro Romæ loricatus ambulabat, prætexens id se metu facere, perquam scite dixit Vibius Crispus: *f* Quis tibi sic timere permisit? Ludens ex inopinato. Expectabatur enim, ut objurgaret hominem quod præter consuetudinem Romanam armatus incederet. At ille increpuit hominem quod sic timeret, quum liceret manere domi si quicquid timeret.

64. QUIDAM deciderat in puteum profundum. Eum quum vidisset quispiam, commiserans hominem

a Senectus virilis *b* Malum dissimulatum. *c* Voluptas. *d* Frugalitas. *e* Laude incorruptus. *f* Ab inexpectato.

em dixit. Miser quomodo in puteum decidisti? Tum ille: *a Quid refert quomodo inciderim? hoc potius agendum, quomodo hinc possim educi.* Hoc refertur à divo Augustino.

65. MEDICUS quidam agrotanti dederat pharmacum, eoque sumpto convaluit agrotus. Evenit ut aliquando post ideim morbus recurreret, agrotus quum idem pharmacum quo prius convaluerat confugeret, nec sentiret remedium, accersit medicum admirans qui factum esset, ut eadem medicina quæ prius depulisset morbum, postea magis aggraveret. Hujus rei causam discipulanti Medicus facete respondit: *Fateor idem fuisse pharmacum, sed ideo non profuit, quia ego non dedi.* Sentiens Medicorum esse dare pharmaca, qui norunt quando & quomodo danda. Quæ profunt juveni, nocent seni, & contra: quæ juvant coelo tepido, lædunt frigidulo. Et hoc refertur ab Augustino.

66. EUCLIDI cum fratre similtas erat, is quum minitans dixisset: *b Despeream ni te ultus fuero:* Euclides contra. *Despeream, inquit, ni tibi persuasero.* Hoc dicto soluta est similtas, & reditum est in gratiam.

67. ARISTO dicere solet. *Eos ventos esse nobis molestissimos qui abstrahunt pallia.* Nam his contra ventos munimur. Ita gravissime lædunt amici, qui expiscantur arcana.

68. GNATHÆNA meretrix reprehensa à Stilpone Philosopho, quod adolescentes corrumpere. *c Tu, inquit, egoque Stilpon in eodem hæremus crimine, qui adolescentes tecum versantes inutilia quadam & amatoria Sophismata doces: ut nihil referat cum Philosopho verentur an cum meretrice.*

69. EADEM parasito quem alebat anus, eratque obeso corpore. Eleganter, inquit, ô adolescens es affectus corpore. At ille: Quid igitur futurum putas, si non secundus in lecto dormirem? *d Fame, inquit Gnathæna, perisses:* subnotans illum vetulæ concubitu ali. Jocus est ab inexpectato.

70. EA-

a Commiseratio in malis. b Reconciliatio. c Philosophus meretrici similis. d Ab inexpectato.

70. E A D E M quum Pausanias quidam nomine Laccus, saltans in cadum incidisset : *a* Laccus, inquit, in eadem incidit. Nam Græci laccum vocant quod nos lacum. Cadus & in lacum incidere solet, lacum in cadum incidere absurdum est.

71. E A D E M quum quidam vini paulum infudisset in psycterium, id est vasculi genus refrigerando vino paratum, diceretque hoc vinum sedecim annorum est : *b* Pusillum est, inquit, pro tot annorum ætate. Hoc ipsum ascribitur Phrynæ.

72. E A D E M quum in convivio duo adolescentes pro ipsa inter se pugnarent, victum ita consolata est : *c* Bono animo es puer, non enim est certamen coronarium, sed argentarium : sentiens in aliis certaminibus victorem ferre coronam, hic victori numerandam pecuniam, ut melior sit conditio victi quam victoris.

73. E A D E M ei qui filia ipsius minam dederat, nec postea quicquam adferebat ipsi, nihilo minus solito more ad eam ventitans : *d* Heus, inquit, puer, num putas te quemadmodum semel data mina ad Hippomachum padotribam, ita semper ad me commeaturum ?

74. E A D E M adolescenti qui sua sponte venerat ad convivium, præbuit his verbis. Cape, inquit, superbe : quum ille commotior dixisset. Qui superbus ? *e* Imo, inquit Gnathæna, quis te superbior, qui nec vocatus venias. Jocus est ex ancipiti : nec vocatus venit, qui non vocatus venit, quod est impudentiæ : & nec vocatus venire dicitur, qui vocatus venire recusat, quod est superbiæ.

75. E A D E M à duobus conducebatur, quorum alter erat miles, alter mastigias servus. Milite vero per contumeliam illam appellante lacum. *An*, inquit, quia duo amnes in me influunt, Lycus & Eleutherus ? Lycus & Eleutherus fluviorum nomina sunt sed illa allusit ad servum amatorem & liberum. Lupus esurit, liber arrogans est.

76. N I C O meretrix, cui cognomen erat capta, parasitum quempiam obviam habens à morbo gracilem.

Quam

a A nomine. *b* Parsimonia. *c* Certamen argentarium.

d Tetax meretrix. *e* Superbia.

Quam macilentus, inquit? Quum is respondisset. Quid me putas triduo comedisse? *a* Aut *lecythum*, inquit, aut *soleas*. Parasitus sentiebat se nihil aut minimum edisse, illa respondet quasi de cibi genere interrogata.

77. CALLISTION cognomento Ptochelena, quum à quodam esset conducta servo, isque quoniam æstivo tempore nudus accumberebat, ostenderet in corpore notas plagarum. Unde, inquit illa, miser? quum is dixisset, se puerum jure fuisse perfunctum. Tum illa: *Nimirum vitulino*: sentiens esse flagrorum vestigia. Ex carnibus vitulinis coqui faciunt jus, ex pelle vitulorum fiunt lora.

78. THAIS glorioso cuidam amatori, qui quum multa pocula sumpsisset commodato, diceret se velle illa confringere, aliaque parare: *b* Perdes, inquit, quod cuique proprium est. Ambiguo sermone notans esse commodatitia. Poterat autem intelligi, si consenter perire quod cuique poculo proprium est.

79. LAIS Corinthia cuidam amatori, qui misso sigillo jubebat illam venire: *c* Non possum, inquit, lutum est. Olim terræ genere signabant, at illa lutum esse dixit quasi ob lutum viarum non posset accedere. Lutum sigillum nihil morabatur, argenteum quærebat.

80. EADEM Myronem falsissime repulit, sed præstat hoc Aufonii verbis referre:

Canus rogabat Laidis noctem Myron.

Tulit repulsam protinus.

Causamque sensit, & caput fuligine.

Fucavit atra candidum.

Idemque vultu, crine non idem Myron,

Orabat oratum prius.

Sed illa formam cum capillo comparans,

Similemque non ipsum rata,

Fortasse & ipsum, sed volens ludo frui,

Sic est adorta callidum:

Inapte quid me quod recusavi rogas?

Patri negavi jam tuo.

Hoc videtur imitatus Imperator.

Leontium, quoniam ipsa cum amatore discumbente
ingres-

a Ab inexpectato. *b* Ex ambiguo. *c* Ex ambiguo.

ingressa est Glycera, & amator ad hanc videbatur proclivior, sedebat mœsta. Hanc quum notus quispiam appellasset dicens: Cur mœres Leontium? *Vierus*, inquit, *mibi dolet*, ὡς ἴσα Gracis uterum sive vulvam sonat, & eadem vox sonat, posterior: significabat autem posteriorem & Glyceram magis placuisse, idque sibi dolere.

81. ADOLESCENS quidam in Ægypto deperibat in Theonidem meretricem: quumque illa peteret ingentem mercedem, tandem adolescens somniavit se rem habere cum ea, atque ita liberatus est amore. Petit illa mercedem. Negante juvene itum est ad judicem. Bocchoris pronunciat ut juvenis in vasculo adferret tantum pecuniæ, quantum illa postularat. Juber adesse meretriculam, & umbra frui pecuniæ circumlatæ. Hoc judicium Lamia velut iniquum reprehendit: *Juvenis somnio liberatus est*, inquit, *ab amore: at umbra pecuniæ non exemit Theonidi pecuniæ amorem.*

82. PHRYNE jam anus dixit: *a A multis fecem emi propter vini gloriam.* Sentiens multos ideo secum congregari ut gloriari possent, cum Phryne rem habuisse, sicut vini magni nominis etiam fex emitur, ut jactare possint se tale vinum habere domi.

83. EADEM ætate florens in convivio cui complures aderant fœminæ, *b* quum juxta morem joci convivialis quod unus quispiam faceret, idem omnes facere cogerentur, prior manum bis aquæ immersam admovit fronti. Quoniam autem omnes erant fucatæ, aqua per lituram fucorum defluens, rugarum specie vultus omnium deformabat, quum ipsa interim Phryne quæ naturali forma pollebat, speciosior etiam appareret, diluta facie.

84. QUUM amatores, quoniam gratis non admittebantur, filiæ domum expugnaturi, vestes, ligones & balistas admoverent, Phryne prodiit: *c Quum ista*, inquit, *haberetis domi, quin potius afferebatis pretium?* Sentiens ita facilius expugnari meretricum ædes dando quam fodiendo.

85. PHRY-

a Vetula amata. b Fucata. c Pretium expugnat.

85. PHRYNE Praxilem à quo deamabatur rogavit, ut ex operibus quod haberet pulcherrimum sibi donaret. Promisit quidem amans, sed illa sensit artificem dissimulare quod esset optimum. Itaque subornavit servum qui Praxiteli in foro sua vendenti nunciaret, incendium in officinam incidisse, ac pleraque illius opera conflagrasse, non tamen omnia. Praxiteles exclamavit. *Nihil sibi relictum, si Satyrum & Cupidinem flamma corripuisset.* At Phryne occurrens iussit illum bono esse animo, nihil enim triste accidisse. Sed hoc commento deprehendit, in quod opus ille plurimum artis contulerat, & Cupidinem abstulit.

86. PHRYNE cuidam juveniliter jactanti quod multas haberet, se studio tristem exhibebat: ac roganti causam: *Ob hoc ipsum irascor*, inquit, *quod multis involutus fueris*: de plagarum notis sentiens, quas in illius corpore deprehendit, erat enim servus, at ille gloriabatur de puellis quibus potitus fuerat.

87. EADEM avaro cuidam amatori blandienti dicentique. Tu Praxitelis Venuscula es: *a Et tu*, inquit, *Phidia Cupido.* Blandimentum blandimento pensans, & obiter avaritiam homini cupido exprobrans. Nam Phidias à parsimonia nomen habere videtur.

88. EADEM cum insidiaretur pudicitiae Xenocratis, & in easdem aedulas ab illo esset admissa, ac precibus tandem impetrasset, ut lectuli partem qui illic unicus erat ipsi concederet: reversa ad illos, qui eam subornaverant, ac rogata quid profecisset. *Ego*, inquit, *à statua redeo non à viro.* Idem elegantius narrat Valerius Maximus. Pacta cum adolescentibus ut Xenocratem ad coitum sollicitaret: sese in illius probe poti lectulum coniecit. Postridie quum adolescentes exprobrarent quod tam formosa puella poti senis animum pellicere non potuisset, pactumque victoriae pretium flagitarent, facete elusit, dicens: se de homine non de statua cum illis pignus posuisse.

89. LAMIAM meretricem Demetrius Rex adamabat parum sobrie. Ea quum jam senescens in convi-

Y

vio

a Amator blandus.

vio tibiis cecinisset, Demo quæ & Mania dicta est, interrogata à Demetrio, quid videretur Lamia: *a Anus*, inquit: aliud respondens atque expectabat Rex, nam ille sciscitabatur; quam scite videretur canere.

90. R U R S U S appositis bellariis quum Rex diceret, vides quam multa mihi mittat Lamia? *Plura*, inquit, *tibi mittentur à matre mea, si velis cum ea dormire*. Notans anus solere donare iis à quibus subiguntur.

91. A N I C U L A Theophrasto licitanti quiddam, idque admodum Attice: *b Hospes*, inquit, *non vendo tanti*. Notans illum quasi non esset Atticus natura, qui supra modum affectaret Atticismum. Id enim solent hospites, dum in aliena lingua volunt videri disertum.

92. P H O C I O N I S cognomento Probi uxor dicere solebat: *c Suum mundum esse præclara gesta mariti*. Ita frugalitatem suam excusavit aliis matronis objicientibus quod parum pro dignitate culta esset.

93. Q U U M Cyperii adversus Astyagem Medorum Regem infeliciter pugnassent, mulieres in urbem fugientibus obviam ierunt, ac nudatis ventribus: *d Quo*, inquit, *ignavissimi ruitis? An nescitis vos huc iterum intrare non posse, unde semel naturæ lege egressi fuistis?* Inverso ordine matres animant mares, quæ solent à periculis avocare.

94. P O P P E A quæ prius adultera Neronis, mox repudiata Octavia mariti potens facta, *e* subornavit quendam ex Octaviæ ministris, qui ei servilem amorem objiceret. Ancillis Octaviæ ad quæstiones pertractis, quædam cruciatu victæ falsis annuerunt, quædam perstiterunt dominæ suæ sanctitatem prædicantes. Ex his una instanti Tigillino respondit castiora esse Octaviæ mulieria, quam os ejus. Significans illum esse fellatoribus obsequentem, aut cunnilingum.

95. C H I O M A T A Orthiagontis uxor, cum missio pretio à suis reduceretur, ac tribunus illam officii gratia ad flumen prosequeretur, clam mandavit uni servorum, ut Romanum illum se prosequentem occideret. Id ubi

caput

a Ab inexpectato. b Affectatio. c Mundus matrona. d Animose. e Animose.

caput præcisum sub veste tectum ad maritum detulit, & ad illius pedes abjecit, marito admirante dicenteque, num præclarum duceret servare fidem? *a Præclarum*, inquit, *sed hoc præclarius, unum dumtaxat qui mecum concubuerunt vivere.* Fœmina aliquanto prudentior Lucretia, quæ non sua, sed stupratoris nece testata est suam pudicitiam.

56. C A N N A Sinorito Galatæ nupserat. Eam Synorix juvenis præpotens adamabat, & clam interfecto Sinorito, de nuptiis Cannam sollicitare cœpit. Illa quo conjugis mortem ulcisceretur, dissimulavit dolorem, & conjugii spem præbuit. Tandem Synorigem ad se venire jubet in templum Dianæ, cui erat dicata, quasi vellet hanc esse conjugii testem, & adstans altari, ceu Deæ libatura è poculo bibit toxicum, moxque tradidit Synorigi: qui simul atque reliquum ebibisset, venerata Deam: *b Te*, inquit, *Dearum præstantissima testor, me hujus tantum diei gratia hæctenus Synorito fuisse superstitem.*

97. O L Y M P I A S Alexandri mater indigne ferens quod Alexander pateretur se dici filium Jovis: *c Non desinet*, inquit, *Alexander me Junoni invisam facere.* Solent enim uxores extremo odio persequi pellices.

98. E A D E M cum accepisset Alexandrum filium, ut alii, Philippum maritum, adamare fœminam à quâ putabatur amatoris venenis corruptus, accersivit ad se mulierem: cumque præter insignem formam comperisset in ea mores liberales, & ingenium egregie dextrum: *d Valeant*, inquit, *qui te insimulant beneficii. Nam tute quidem pharmacum in te ipsa ac philtro habes.*

99. E A D E M cum accepisset adolescentem quendam aulicum duxisse uxorem elegante quidem forma, sed famæ parum secundæ: *e Ille*, inquit, *non sapit, qui uxorem oculis, non etiam auribus duxerit.* Forma cernitur oculis, fama auribus deprehenditur. Quidam autem nec auribus, nec oculis, sed digitis ducunt, solam spectantes dotem.

Y 2

100. I N-

a Pudicitia matronalis. b Pudica uxor. c Jovis filius.

d Mores pro philtro. e Bona fama.

100. INTAPHERNIS uxor, Dario permittente ut unum ex suis eligeret, cujus vitam sibi donari vellet, fratrem elegit: demirante Rege causamque sciscitante: *a Alius*, inquit, *maritus, alii liberi, si Deus volet, possunt contingere*: alium fratrem parentibus vita defunctis non est quod sperem.

1. CORNELIA Graccorum mater, cum Campana matrona illius hospitio utens, ornamenta sua quibus illud sæculum nihil habebat pulchrius, ipsi ostenderet, traxit eam sermone donec liberi redirent è schola: *b Tum & hac*, inquit, *ornamenta mea sunt*. Sentiens matronæ nihil esse pulchrius, neque pretiosius, quam liberos recte educatos.

2. OMNIBUS Dionysio Tyranno exitium imprecantibus, una fœmina anus quotidie diluculo Deos comprecari solet ut esset incolumis sibi que superstes. Accita à Rege mulier rogata est, unde tanta in Regem benevolentia: *c Quoniam*, inquit, *cum puella essem, & gravem Tyrannum haberemus, optabam mortem illius. Eo interfecto deterior arcem occupavit. Et hujus exitium optabam. Nunc cum te habeamus, superioribus etiam graviores, vereor ne si tu pereas, succedat etiam deterior, eoque caput meum pro tua salute devoveo*. Tam facetam audaciam Dionysius punire erubuit.

3. CUCULO minores aviculas percunctanti, cur ipsam fugerent: *d Quoniam*, inquiebant, *susplicamur te aliquando futurum accipitrem*. Coccyx enim specie non multum differt ab accipitre. Cavendum ab his, qui Tyrannidis specimen moribus edunt. Hoc ad Lyriadem accommodavit Plutarchus in vita Arati.

a Frater marito potior. b Matronæ ornamenta. c In deterius omnia. d Tyranni species.

ILLUSTRISSIMO
PRINCIPIS
JUNIORI GUILIELMO

Duci Clivenſi, Juliacenſi, Montenſi,
Comiti Marchiæ & in Ravenspurgo, &c.

DES. ERASMUS ROTERODAMUS.

S. D.

A PUD Priscos illos, Illustrissime Princeps, non Græcos modo verum etiam Latinos, actoribus ac patronis causarum forensium certus aqua modus per clepsidras infundebatur, ne supervacanea verborum copia, cum iudicibus tadium adferret, tum ipsi etiam causa officeret, denique aliis agere volentibus aditum praecluderet. At non idem fieri solet in Philosophicis orationibus, in quibus tamdiu proferendus est sermo, quamdiu auditor alacriter haurit ea quæ dicuntur, præsertim si quæ dicuntur, conferunt vel ad liberalem eruditionem, vel ad bene beateque vivendum. Itaque per quam eleganter Plato Anthisthenem prolixius differentem admonuit his verbis. Videris, inquit, ignorare, quod orationis modus non est is qui dicit, sed is qui audit. Sic & Carneades cum esset in differendo vocalior, admonitus est à gymnasii Principe, ut vocem moderatius promeret: sed cum ille à gymnasiarcha peteret ut sibi præscriberet modum, sane quam apposite respondit. Istud quod à me petis,

rectius sumes ab auditoribus. Iam videmus quosdam non clepsydris, sed clepsammidiis metiri convivium, hoc ut fateor ad frugalitatis disciplinam utiliter fieri, atque etiam necessario, dumtaxat apud eos qui nesciunt unquam à mensa surgere, nisi hircudinum ritu sic destenti, ut tantum non crepent ac dissiliant: ita non conveniret opinor ei qui lautos & elegantes homines suaviter excipere vellet: sed hunc oporteret apparatus modum à conviviarum orexi petere. At ego in hoc argumento convivatoris personam indui, ac posteaquam coena tot instructa missibus, quot actus permittuntur comœdia, secundas mensas non omnino jejunas adjeceram, mihi videbar sic egisse partes meas, ut si non Lucullus quispiam, certe mundus ac lautus ἐστὶν ἄνθρωπος videri possem: atque adeo metuebam, ne apud frugalitatis amatores citius luxuriæ quam sordium crimen incurrerem. Verum simulatque prodiit opus, tanta aviditate distractum est, ut protinus à Typographo coeperit efflagitari denuo: sive hic est argumenti, sive quod magis arbitror, tuus ornatissime princeps Genius, quem confidimus non solum ditioni tuæ, sed & studiis fore felicem. Itaque prioribus sex libris recognitis & auctis, adjecimus duos, quos tu vel postcoenium vel pomenta sive ἐπιδορμίσματα sibi libet, vocare poteris, ne à convivii metaphora recedamus. VALE.

APOPHTHEGMATUM

LIBER VII.

THALETIS MILESII.



Æc præcipue celebrantur : *a Multa*
verba nequaquam arguunt sapientem opi-
nionem. Græcis carmen esse videtur :

Οὐ πτὰ πολλὰ ἔπι φρονίμῳ ἀπε-
 ρήνατο δόξαν.

Sapiens enim nonnisi cum res postulat,
 nec pluribus utitur verbis quam opus est. Quemadmo-
 dum Deus omnium sapientissimus, sermonis est par-
 cissimi.

2. U N U M quiddam divina egregium, *b* unum
 quiddam præclarum elige. Solves enim hominum lo-
 quacium linguas sine fine garrientes ἀπεραντολόγους :
 quod interpretes miror quare reddidit, non paucorum.
 Satius est ad parandam honestam famam unum quid-
 dam insigne prædicere, quam divinare de frivolis aut
 quibuscumque. Sapiens enim vates est optimus. Et præ-
 stat uno opere edito, sed egregio, parare famam erudi-
 tionis, quam minus accurate scribere de singulis.

3. R O G A T U S, quid esset omnium vetustissimum,
 respondit : *c Deus.* Cur ita? ὅτι ἀγρόνηλον, hoc est,
 nunquam esse cæpit. Quid esset pulcherrimum, ait: *Mun-*
dus. Est enim opus Dei, quo nihil est pulchrius. Quid maxi-
 mum: *Locus.* Caput enim omnia. Quid velocissimum :
Mens. Discurret enim per universa hominis cogitatio. Quid
 robustissimum : *Necessitas sive fatum.* Superat enim
 omnia. Quid sapientissimum : *Tempus.* Nam invenit
 omnia : hæc ænigmatum instar habent.

4. D I C E B A T nihil interesse inter vitam & mor-
 tem, ob id opinor, quod utraque res æque esset secun-
 dum naturam, nec mortem malam esse magis quam
 nativitatem. Cuidam vero obstrepenti, cur igitur, in-

Y 4

quit,

a Pauciloquium. b Unum eximium. c Ænigmata.

quit, tu non moreris, false respondit: *a Ob hoc ipsum quia nihil refert.* Potius enim habetur, quod accersitur.

5. PERCUNCTANTI utrum fuisset prius nox, an dies: *b Nox*, inquit, *non die fuit prior.* Ellusit ineptum percunctatorem. Si nox uno die præcessit diem, dies igitur fuit ante noctem. Nox enim finis est diei.

6. ROGATUS num lateret Deos homo injuste agens, respondit: *c Ne cogitans quidem.* Significans Deo nihil omnino esse occultum. At vulgus putat quæ corde volvunt, latere Deum.

7. ADULTERO sciscitanti, an abjuraturus esset adulterium: *d Non est*, inquit, *perjurium adulterio pejus.* Significans illum stulte dubitare de pejerando, qui facinus perjurio par non dubitasset committere. Eoque in atrocibus sceleribus nihil ponderis habet jusjurandum. Quisquis enim audet dare venenum, audebit & cum perjurio infitiari.

8. PERCUNCTANTI quid esset difficile: *e Se ipsum*, inquit, *nosse.* Atqui hoc vulgus putat esse facillimum. Aliena rectius perspicimus quam nostra, & sibi quisque adulator est.

9. ROGATUS quid esset facile: *f Alterum*, ait, *admonere.* Omnes recta consilia ægrotis damus. Interpretes perperam vertit, ab alio moneri, cum sit *ἄλλοι ὑπονομιζέω*, hoc est, *alteri dare consilium.* Quis enim est tam stupidus qui non admoneat alium? sibi pauci consulunt.

10. SCISCITANTI quid esset dulcissimum: *g Potiri*, inquit. Nam ea demum delectant, quæ contingunt expetita. Quæ ultro obijciuntur, non perinde juvant.

11. ROGATUS quo pacto quis facillime ferret infortunium suum: *h Si quis*, inquit, *videat hostes majoribus malis obnoxios.* Quidam enim ex contemplatione felicitatis alienæ suam calamitatem exasperant.

12. INTERROGATUS quo pacto quis optime iustif-

*a Argute. b Salse. c Deus omniscius. d Gravit-
ter. e Sapienter. f Admonitio facilis. g Potiri
dulce. h Patientia.*

justissimeque viveret. *a* Si, inquit, qui in aliis reprehendit, ea ne faciat ipse. In alienis enim erratis peripicaces sumus, ad sua quisque lusciosus est.

13. PERCUNCTANTI quis esset felix: *b* Qui corpore, inquit, sanus est, animo eruditus, siue castigatus. Cupiditates enim animorum morbi sunt.

14. DICEBAT amicorum absentium æque ac præsentium oportere meminisse. *c* Amicitia enim est animorum conjunctio, quos non dirimit locus, multi non amant nisi tantisper dum vident.

15. NON esse fucandam faciem, sed animum honestis studiis exornandum. *d* Quod hac forma veros conciliet ac perpetuos amicos.

16. VETUIT per injuriam ditescere. Quod lucrum fraude partum, damnum sit, non lucrum.

17. Μὴ ἀγβαλέτω σε λόγος τοῦς τοῦ πάρεως νεοί-
ω νεότηας. Id ita vertit interpres: *e* Ne te in jus vo-
cet sermo contra conjunctos tibi ac socios dictus. Ego ma-
gis arbitror Thaletem admonere, ne quid amicis qui-
bus fidimus committamus, quod si effutiant, pariat
nobis infamiam.

18. QUALE, inquit, præmium rependeris paren-
tibus tuis, *f* tale à liberis tuis expecta.

19. DIXIT facillimum esse Philosopho ditari si
vellet, idque tali facto probavit. *g* Omnem oleam an-
tequam florere cœpisset in agro Milesio cœmit. Anim-
adverterat enim præscientia quadam olearum uberta-
tem fore. Hoc pacto os obturavit, qui jactabant, in Phi-
losophis paupertatem non esse virtutis, sed necessitatis.
Hujus meminit Cicero lib. de Divin. I.

S O L O N Salaminus.

1. CUM Pisistratus occuparet Rempublicam, res-
que videretur ad manifestam spectare tyrannidem, ne-
que quisquam auderet illius conatibus obsistere, ipse
productis armis & ante aedes positus, cœpit inclama-

Y 5

re ci-

a Sapienter. *b* Felicitas vera. *c* Amicitia. *d* Amici
sultus. *e* Arcana nulli committenda. *f* Pietas in
parentes. *g* Prudentia.

re cives. At ubi Pisistratus ad illum mitteret qui percunctarentur, qua re fretus hoc auderet: *a Senectute*, inquit. Alios senectus reddit formidolosiores, illi conciliavit audaciam, quod parum vitæ superesset, etiamsi nullus occideret. Ita Plutarchus in commentario, an seni sit gerenda Respublica. Diogenes Laërtius rem aliquanto fusius narrat.

2. POST QUAM vidit rerum summam esse penes Pisistratum, arma deposuit ante curiam, dicens: *b O patria tibi & dictis & factis sum opitulatus*. Hoc pacto testatus sibi non defuisse voluntatem consulendi Reipublicæ, in Ægyptum navigavit.

3. A CROESO interrogatus an quem vidisset ipso beatiorem, Telum nominavit Atheniensem, privatum hominem, sed qui relictis liberis ac nepotibus bene institutis feliciter obiisset diem. Interrogatus dein cui post illum tribueret felicitatis elogium. Cleobin & Bitum Argivos fratres nominavit, qui cum summa pietatis laude defuncti fuerant. Indignatus Rex, nullo igitur loco me ponis? *c Ego*, inquit Solon, *facile confiteor te Regem opibus & imperio florentem: beatum non appellarim, prius quam feliciter hanc vitam absolveris*. Refert Herodotus in primo.

4. PRÆMIA decreta his qui in Olympiis aut Nemeis vicissent contraxit, *d* eaque maiora decrevit iis qui in bello pro patria fortiter occubissent: dicens illos & dum exercentur, magnis impendiis exerceri: & si vicerint, magis adversus patriam quam adversus hostes coronari: & cum senuerint, ad nihil utiles evadere, haud aliter quam detrita pallia, ut qui nec bello sint utiles, nec gerendæ Reipublicæ accommodi.

5. HUIUS attribuunt & illud longe celebratissimum, *e* leges aranearum telis esse similes: quanquam idem, & aliis adscribitur, nominatim Anacharsidi.

6. ILLUD argutissime dixit, *f* tyrannorum amicos calculis supputatoriis esse simillimos: qui ut arbitrio

sup-

a Senectus audax. b Pietas in patriam. c Ante mortem nemo beatus. d Sumptus inutilis. e Leges. f Amicitia Principum.

supputantis ponuntur, interdum valent multa millia, interdum minimum, interdum nihil.

7. **ROGATUS** quamobrem nullam legem tulisset in parridas: *a Non exspectabam*, inquit, *hoc scelus unquam in hac civitate posse committi*. Quod illa immania non existant, nisi ubi luxus regnat, nec ulla est legum reverentia. Refert hoc M. Tullius in oratione pro Sext. Roscio Amerino.

8. **INTERROGATUS** qui fieri posset, ut quam minimum injuriarum existeret inter homines. *b Si*, inquit, *qui injuria affecti non sunt, aequaleant atque hi qui affecti sunt*. Quisquis enim violat leges, non unum civem lædit, sed totam Rempublicam quod quidem in ipso est. At nunc dum aliis læsis aut quiescimus, aut gaudemus etiam, impunitas improborum in audaciam plurimos invitat.

9. **DICEBAT** opulentiam esse matrem saturitatis, saturitatem ferociæ ac violentiæ. Divitias comitatur luxus, luxus exit in tyrannidem, dum fœnum migrat in cornua.

PITTACUS *Mitylenæus.*

1. **HUIC** tribuitur illud decantatissimum: *c Dimidium plus toto*, de quo nobis satis dictum est in Chiliadibus.

2. **DE** eodem memorant exemplum clementiæ vix credibile. Tyrreum Pittaci filium Cumis in constricta sedentem faber quidam ærarius impacta securi occidit. Cumani homicidam vinctum miserunt ad Pittacum ut de eo supplicium sumeret. At ille cognita causa dimisit hominem dicens: *d Ignoscentiam esse potiore penitentia*. Sentiens utilius esse condonare, quam meminisse injuriæ & ulcisci. Sunt qui referant homicidam ab Alcæo fuisse dimissum cum elogio. *Melius est ignorare quam punire*.

3. **LEGEM** tulerat, ut qui per temulentiam sceleris aliquid commisissent. *e* duplo plecterentur. Solet

Y 6

let

a Graviter. b Συμπύθηα. c Modus. d Clementer. e Ebrietas.

let enim vulgus hominum, ebrietatis obtentu crimen extenuare. Id eo factum ferunt, quod insula vino abundaret.

4. CROESO percunctanti quod esset maximum Imperium, inquit, ποικίλε ζύγε, id est, *varii legi*, *leges innuens*. Nam olim in tabulis ligneis leges induebantur. Porro ubi summa est legum auctoritas, ibi est minimum tyrannidis.

5. PROBABA T victorias citra sanguinem partas : *b* Nam magno civium cruore emptas, hoc est, *Calatas*, ut vocant, non existimabat esse victorias.

6. HUIUS est illud πολυδρύναντον : *c Equales ducito* : cum ipse domi haberet opulentiores, ac proinde morosam & imperiosam. Id latius explicuimus in Chiliadibus.

B I A S Prieneus.

1. CUM ingenio suo patriam suam obsidione liberasset, Rex Alyattes intellecta viri prudentia protinus eum ad se accersivit. At is respondit : *d Εγὼ Αλυάττιω κελεύω κρόμυα ἐσθίειν* : id est : *Ego Aliatten jubeo cepas edere*. Quod perinde est ac si dixisset, jubeo illum plorare : extremum Regis contemptum professus. Attingimus & hoc in Chiliadibus.

2. EVENIT ut cum scelerosis quibusdam & impiis navi veheretur, cui cum ob exortam tempestatem periclitarentur, Deorum opem implorabant. Tum Bias, *e Silete*, inquit : *Ne vos heic illi navigare sentiant*. Deus impiorum precibus irritatur magis ad vindictam, quam ad opitulandum flectitur.

3. IMPIO cuidam sciscitanti quid esset pietas, nihil respondit. Roganti cur sileret : *f Quoniam*, inquit, *percunctaris de rebus nihil ad te pertinentibus*.

4. INTERROGATUS quod esset animal omnium maxime noxium : *g Si de feris*, inquit, *percunctaris, Tyrannus* : *si de mitibus, adulator*.

5. HÆC de septem Sapientum dictis arbitror esse satis,

a Legum auctoritas. b Victoria incruenta. c Conjugium par. d Salse. e Libere. f Salse. g Adulatio.

faris, vel quia sunt omnibus obvia, vel quia magna ex parte sunt fabulosa, vel quia pleraque sunt ejus generis, ut a quibus dici possint. Quid enim habet Cleobulus, cui inter sapientes numerari debeat?

ANTISTHENES *Atheniensis.*

1. ANTISTHENES ridere solet Athenienses subinde gloriantes quod essent autochthonones, hoc est, *a* indigenae, eo quod non aliunde eo commigrassent, nec patriam sedem mutassent unquam: dicens hos laudis illis esse cum testudinibus cochleisque commune. Nam & hac animantia nunquam mutant domicilium in quo nascuntur.

2. DISCIPULOS suos admonere solet, *b* ut sibi essent Socratis condiscipuli: declarans quam esset alienus ad inani gloria.

3. VOLUPTATEM in tantum execrabatur, *c* ut diceret, se male insanire quam voluptate affici, *μᾶλλον ἢ ἡδονῆς*, id est, *insaniam potius quam delecter*. Insaniam aufert medicus: voluptas cum æque mentem eripiat homini, vix sanabile malum est.

4. CUM his mulieribus habendam consuetudinem dixit, quæ beneficium beneficio pensent, *ἀνὰ χάριν ἑστέον*, id est, *d qua gratiam habitura sint*: sentiens abstinendum ab his quæ pretio vendunt inhonestam voluptatem, nec patiunt nec amant mutuum: aut à voluptuariis, deformibus ac male moratis, quæ gignunt foetus poenitendos:

5. CUM adolescens quidam Ponticus genere, se in numerum discipulorum illius recipi cuperet, patri quarenti quibus rebus esset opus: *e* Libro, inquit, novo, stylo novo, novaque tabella: significans animum à vitiis vacuum, studium vigil, & memoriam fidelem. Solent autem adolescentes voluptatibus ac deliciis occupatam mentem ad præceptorem adferre, quæ res fere in causa est ut minus proficiant: At philosophia totum animum sibi postulat.

Y 7

6. ADO-

a Salsæ. b Modeste. c Temperate. d Matrimonium.
e Docilitas.

6. ADOLESCENTI consulenti cuiusmodi uxorem ducere expediret: *a* Si formosam duxeris, inquit, habebis communem: sin deformem, habebis pœnam. Jucundius id eloquens Grace, quibus quod ad voces attinet, minimum interest inter καλὴν & πικρὰν: quod ad rem attinet, plurimum. Suadebat itaque media statique ut vocant forma ducendam, quæ nec fastidium viro moveret ob deformitatem, nec ob insignem formam peteretur ab adulteris. A. Gellius hoc dictum Bianti tribuit.

7. CUM accepisset Platonem de ipso male loqui, nihil commotus: *b* Regium est, inquit, cum feceris bene, audire male. Quanquam hoc idem aliis adscribitur. Excelli animi est, ingratitude hominum non deterreri à studio bene merendi de omnibus.

8. CUM Orphicis mysteriis initiaretur, ac sacerdos diceret illum bonis plurimis fruiturum apud inferos post hanc vitam: *c* Cur, inquit, ergo tu non abrumpis vitam? Significans non initiatis paratam esse beatam vitam à rogo, sed his qui pie sancteque vixerint. Et hoc, aut simillimum huic, aliis tribuitur.

9. CUIDAM opprobranti quod esset hybrida, hoc est, non è duobus ingenuis natus, sed ex patre Atheniensi, matre Phrygia: *d* Nec è duobus, inquit, luctatoribus natus & tamen luctator sum: Sentiens non tam referre, unde natus sis, sed qui sis. Is vere liber est, quem Philosophia liberum facit: & is vere Græcus est, quæ Græcorum disciplinis institutus est.

10. INTERROGATUS cur paucos haberet discipulos: *e* Quoniam depello illos, inquit, virga argentea. Sentiens ideo paucos venire, quod magna mercede doceret. Vulgus autem pluris facit pecuniam quam sapientiam.

11. ROGATUS quamobrem severus esset objurgator erga discipulos: *f* Et medici, inquit, erga egrotos: Significans se in vitia scivire, non in homines, nec vitia sanari blandiendo.

12. CON-

a Conjugium. *b* Generose. *c* Initiatio. *d* Genus. *e* Salse. *f* Severitas.

12. CONSPICATUS aliquando mœchum fugientem : insequentibus qui illum comprehenderent : *a Infelix*, inquit, *quantum periculum unico obolo vitare poteras* : Sentiens scorti congressu libidinem sedari potuisse, cum nunc de vita periclitaretur.

13. ΑΓΕΒΑΤ si ad alterutrum adigeret necessitas, satius esse in corvos incidere, quam in adulatores, *b εἰς κόρακας ἢ εἰς κόλακας*. Nam corvi non comedunt, nisi mortuos, adulator etiam vivos devorat. Et hoc alteri tribuitur.

14. ROGATUS quid esset mortalibus beatissimum : *c Felicem*, inquit, *mori*. Hæc sententia consentit cum illa Solonis. *Qui feliciter absolvit vitam, huic nihil sinistri potest accidere, quod felicitatem aegritudine aliqua contamine. At quibus res sunt secunda, si nihil magis optant, quam diuturnam vitam.*

15. AMICO cuidam deploranti, quod commentarios suos perdidisset : *d Oportuit*, inquit, *ista animo potius quam chartis inscribere*. Librorum fiducia frequenter in causa est, ut minus exerceamus memoriam. Intuto est, quod animo impressum est. Licet enim circumferre, & semper in promptu est.

16. DICERE solitus est : *e Non aliter ac ferrum absumitur rubigine, ita invidos suo ipsorum vitio contabescere*. Ferrum enim, etiamsi nemo lædat, ex se gignit unde corrumpatur.

17. VULGUS hominum è structuris, statuis, tropæis, ac libris sibi promittit immortalitatem. Antisthenes iis qui appeterent *f immortalitatem*, unicam viam ostendit, ut iuste pieque viverent.

18. ROGATUS quæ res portenderet civitatibus exitium : *g Cum in his*, inquit, *nullum esse potest bonorum ac malorum discrimen*. Sentiens eam Rempublicam non posse consistere, ubi nec esset honos virtuti, nec poena scelerosis. Hoc apud Homerum stomachatur Achilles : *ἐν δὲ ἡ πῆλη*.

19. CUM illi diceretur, quod à quibusdam impro-

a Adulterium. b Adulatio. c Felicitas vera. d Memoria. e Invidia. f Immortalitas nominis. g Honos virtutis.

probis laudatus esset: *a Vencor*, inquit, *ne quid imprudens fecerim mali*. Sentiens à talibus neminem laudati nisi ob malefacta.

20. F R A T R U M inter se *o* concordiam dixit quovis muro firmius munimentum. Id dictum & ad civium concordiam accommodari potest.

21. A D M O N E B A T ea esse paranda viatica, *c* quæ simul cum naufrago enatarent. Sentiens bonas artes ubique esse in pretio, nec posse à fortuna eripi. Idem adscribitur Aristippo.

22. O P P R O B R A N T I quod interdum cum improbis haberet consuetudinem: *d Et medici*, inquit, *cum ægroti versantur, nec tamen ægrotant ipsi*. Sentiens Philosophum ideo versari cum improbis, ut eos reddat meliores.

23. A B S U R D U M esse dicebat, triticum repurgari à lolio, *e* bellum ab inutili milite, & a Republica non discernere invidos. Significans invidos tam esse inutiles civitati, quam lolium est tritico, & ignavus bello.

24. R O G A T U S quid emolumenti cepisset ex Philosophia: *f Ut mecum*, inquit, *loqui sive vivere possim*. Doctus etiam si solus sit, non sentit iadium solitudinis, sed multa præclara suo cum animo versans, quasi secum loquitur: indoctis molestissima est solitudo, atque etiam inutilis.

25. C U M in convivio quidam diceret, Cane tibiis: *g Tu mihi eas infla*, inquit. Non recusavit obsequium, si ille vicissim obsequeretur. Sed interim indicavit non esse philosopho decorum tibiis canere.

26. C U M Diogenes ab ipso peteret tunicam, *h* iussit ut duplicaret pallium, sic eum tunicæ speciem præbiturum: admonens oportere paucissimis esse contentum.

27. R O G A T U S quæ disciplina cum primis esset necessaria: *i Mala*, inquit, *dediscere*. Id enim non modo primum est, verum etiam difficillimum.

28. Q U I

a Laus à laudatis. b Concordia. c Bona animi. d Solerter. e Graviter. f Solitudo. g Indecora. h Frugalitas. i Dediscere.

28. Q U I nos maledictis incesserent, *a* eos magis tolerandos dicebat quam qui nos lapidibus impeterent. Verba enim non lædunt, si quis contemnat. Vide verum forte hic sit sensus, tolerantiores esse qui convitia patienter ferrent, quam si quis lapidibus impetitus ferat. Quorundam enim dicta gravius fauciant quam lapides. Quod si indecorum esset gravi viro lapidibus repetere à quo petitus fuerat, æque indecorum sit in convitiantem regerere convitia.

29. I N V I S E N S Platonem adversa valetudine laborantem, vidit pelvim in quam vomuerat: *Bilem*, inquit, *Platonis video, fastum non video*. Solet enim, quemadmodum Diogenes, Platonis arrogantiam notare. Itaque cum in pompa quadam equestri, quidam equus crebro hinnitu ferociaque spiritus excelsos testaretur, eoque vehementer à Platone laudaretur, versus ad Platonem: *b. Videris*, inquit, *& tu bonus equus futurus*.

30. A D M O N U I T Athenienses, ut asinos æque atque equos deligerent ad agriculturam. Cum illi dicerent hoc animal esse alienum ab aratione: *c. Quid refert*, inquit, *cum in vestra Republica Duces sint qui nunquam dedicerunt administrandi rationem, sed hoc satis est, quod à vobis delecti sunt?* Sentiens multo absurdius esse, ei commendare Rempublicam qui gubernandi artem non tenet, quam si asinum pro equo adhibeas aratro.

31. C U I D A M dicenti. Plerique te laudant: *d. At quid*, inquit, *mali feci?* Significans quæ recta sunt semper paucissimis placuisse.

32. R O G A T U S à quodam quid faciendum suaderet, ut probus vir & honestus evaderet: *e. Si mala*, inquit, *quæ tibi adsunt, ab his qui noverunt didiceris esse fugienda*. Sensit, virtutis caput esse, caruisse vitiis. Id non à quolibet discendum: sed ab his dumtaxat, qui norunt quæ sint vera mala, quæ vera bona.

33. Q U O D A M prædicante deliciis: *f. Hosium*, inquit, *filiis contingat in deliciis vivere*: ut rem pestilentem,

a Moderatio b Fastus. c Electio Magistratuum.

d Vulgi iudicia. e Deducere mala. f Delicia.

tem, detestans, quod plerique pro summo bono amplectuntur.

34. QUIDAM adolescens curarat sese ex ære sculpendum, & ad eam imaginem sese conformabat. Huic Antisthenes: *a Si es possêt vocem edere, qua de re potissimum gloriaretur?* De pulchritudine, inquit adolescens. Non igitur, inquit, *erubescis, qui cum in animo gloriaris?* Significans magis gloriandum de bonis animi, quam de forma, quam haberet cum statua communem.

35. ADOLESCENTES quosdam Ponticos, *b* qui videndi Socratis gratia se contulerant Athenas, duxit ad Anyti domum, dicens, illum Socrate multo sapientiore, ut qui Socratem accusasset. Hoc dicto renovatum est civibus extincti Socratis desiderium & Anytum expulerunt.

36. ADOLESCENS quidam Ponticus *c* pollicebatur se rationem Antisthenis habiturum, si navis ipsius quæ salsamenta vehebat, appulisset. Antisthenes accepto novo vase, una cum adolescente ibat ad mulierem quæ vendebat farinam, & impleto vase coepit onustus discedere. Mulieri vero poscenti farinæ pretium, commonstrato adolescente. *Hic, inquit, dabit, si navis cum salsamentis appulerit.* Significans inanes esse in diem pollicitationes, cum farina quotidie sit præsentis pecunia emenda.

37. CUM Antisthenes ipse salsamenta per forum gestaret, id quibusdam admirantibus, quod Philosophus officio tam sordido fungeretur. Idque in publico, ac non potius servo delegasset. *d Qui, inquit, admiramini, hac mihi porto, non aliis.* Sentiens nullum esse sordidum obsequium quod sibi quis impenderet: dein non esse indecorum, cum portare salsamenta, qui salsamentis vesceretur.

38. CUIDAM objicienti quod Antistheni mater esset Phrygia: *e Et Deorum, inquit, mater.* Ridiculum arbitrans, cuiquam probro dari patriam, cum in damnatissimis regionibus, interdum nascantur felicissima ingenia.

39. D I -

a Forma. b Solerter. c Pollicitatio. d Argute. e Solerter.

39. DICERE solet, hostibus à Diis omnia optante bona, *a* excepta fortitudine: quod illa omnia quando futura sint eorum, qui fortitudine præcellent, non eorum qui possiderent, quod ob ignaviam tueri non possint. Sensit frustra parari bona, si quæ paravit, tueri nesciat.

40. SI quam vidisset mulierem egregie cultam, ibat ædes illius, *b* jubebatque virum proferre arma equum: quæ si placuissent, patiebatur mulierem indulgere deliciis, quod esset qui defenderet: sin minus, suadebat ut eum ornatum deponeret, ne prædaret aliis.

41. ANTISTHENE M quoniam multa conscripsit volumina, Timon appellare solet, παντοφῶν φλέγοντα, id est, *c ingeniosum nugatorem*. Non tamen dixit φῶν sed παντοφῶν, quod ingenio ad quidvis versatili varia tractaret argumenta, & in his quædam parum igna Philosopho.

42. HUIUS placita non indigna sunt quæ commemorantur, dicebat, πῶς ἀρετὴν εἶναι διδασκίμεναι, id est, *d virtutem disci posse*. Adversus eos qui putant nasci cum homine, aut naturæ affectus, studio vinci non posse.

43. Τὰς αὐτὰς διγλυεῖς εἶναι καὶ ἐραπέτας: *e Qui virtutis præditi sunt eosdem & nobiles esse*. Habent enim id, unde vera nascitur nobilitas. Adversus eos, qui majorem imaginibus, aut divitiis metiuntur nobilitatem.

44. VIRTUTEM sibi sufficere ad felicitatem, nec ulla re opus habere nisi robore Socratico. Socrates ad omnium rerum patientiam obduruerat. Imbellitas corporis impedit frequenter virtutis usum.

45. VIRTUTEM esse rem operum, non autem larimis verbis multisque disciplinis egere. Adversus eos qui juris ac Theologiæ pietatisque professionem studio reddunt difficillimam ac prolixam, perque vitam omnem nihil aliud quam de virtute disputant. Notat hoc Horatius. *g Virtutem verba putas, ut lucum ligna*.

46. S A-

a Fortitudo. b Fortitudo. c Loquacitas. d Studium.

e Nobilitas. f Tolerantia. g Virtus in actione.

46. SAPIENTEM sibi sufficere, *a* eo quod omni quæ sunt aliorum, sunt & hujus qui cum omnibus habet amicitiam, & amicitia facit omnia communia.

47. Ἀδδξίαν ἔῃ ἀγαθὸν ἴσον τῷ πόνῳ, id est, *b* *O*bscuritatem esse bonum par labori. Adversus illud Epicuri λάθε βιώσας. Multi student ignoti esse quo vivant in otio. At ignobilitas quoniam patet quorumlibet contemptui, non minus adfert negotiorum quam fama claritas, quanquam & hoc grave est onus.

48. ΝΕΓΑΤ sapientem vivere juxta leges ab hominibus institutas, *c* sed juxta normam virtutis: Sentiens non ideo quid faciendum aut vitandum, quia leges jubent aut verant: sed quia ipsa ratio dictat, hoc esse honestum, illud turpe. Leges non omnia præscribunt, ac virtutis regula docet ubique quid sit honestum, quid turpe. Coacta virtus, virtus non est.

49. QUIDAM censebant sapienti non esse ducendam uxorem, ipse contra censebat esse ducendam, *d* at non voluptatis, sed liberorum gratia, debetur hoc naturæ & patriæ. Sed cum optima indole præditis congregietur, ut ex bonis nascantur boni. Quin & amabit uxorem, non vulgari more, sed judicio: is enim vere & constanter amat, qui judicio amat. At sapiens optime dijudicat, quæ sint amore dignæ: adversus eos qui uxores se jactant habere pro matulis.

50. SAPIENTI nihil esse novum aut subitum, *e* eo quod quidquid homini potest accidere, sit jam præmeditatus, ut nunquam dicat. Non putaram.

51. Ἀξίερατος ὁ ἀγαθός, id est: *f* Dignus amari quisquis bonus est. Non est verus aut sincerus amor, nisi quem conciliat virtus.

52. ΑΙΕΒΑΤ homines virtute præditos eos sibi parare propugnatores, *g* qui & fortes sint & justi. Nolunt enim defendi si quid injusti admittant. Improbi contra fortes defensores quærunt, justos nolunt.

53. Ἀναρχίετον ὄπλον ἔῃ ἀρετὴ, id est: *h* Virtutem

a Sapiens. *b* Otium. *c* Virtus legibus non eget. *d* Conjugium. *e* Providentia. *f* Amor. *g* Justus. *h* Armata virtus.

esse armaturam, quæ detrahi non possit. Nam ensis clypeus excutiuntur, sapiens nunquam non armatus, eoque vinci non potest.

54. D I C E B A T esse satius cum paucis bonis pugnare adversus omnes malos, quam cum multis malis adversus *a* paucos bonos. Vel quia in bello non tam multitudo, quam virtus militum ac Ducum parit victoriam: vel quia præstat esse de numero bonorum, qui quoque pauci sunt, quam de grege malorum, quorum quoque plena sunt omnia.

55. O B S E R V A N D O S *b* esse hostes, quod hi vicini omnium sentiant si quid delinquas. In hoc igitur utiliores sunt nobis quam amici, ut errata nostra cognoscamus, & cognita corrigamus.

56. V I R U M justum pluris faciendum *c* quam cognatum. Arctiora enim sunt vincula virtutis, quam sanguinis. Et omnis bonus bono proximo cognatus est propter animorum similitudinem.

57. V I R I ac mulieris eandem esse virtutem. Idem sensit Socrates, *d* sexum muliebrem non minus esse docilem ad omnia virtutis munia, quam virilem, si pariter instituat. At vulgus sexum incusat quasi ad virtutem indocilem.

58. H O N E S T A sive *e* pulchra esse quæ bona sunt, turpia quæ mala, Stoicum est dogma: nihil expetendum præter virtutem, nihil fugiendum præter vitium: cum vulgo ingens probrium sit paupertas, magna gloria divitiis per fas nefasque partis abundare. Nec minus in cæteris præpostera sunt judicia vulgi.

59. O M N I A mala habenda pro peregrinis. Vulgus hominum ea tantum probat quibus assuevit: ab exoticis abhorret, *f* non quia per se mala sint, sed quia peregrina. At sapienti nihil peregrinum esse debet, nisi quod cum vitio conjunctum, neque enim ideo temulentia detestanda, quod alicubi non sit in usu, sed quod per se turpis. Nunc ex usu regionum de rebus judicat populus.

60. T u-

a Paucitas bonorum. *b* Utilitas ab hoste. *c* Cognatio virtutis. *d* Sexus. *e* Vere pulchra, *f* Consuetudo.

60. TUTISSIMUM esse murum a prudentiam, quod is nec collabatur, nec proditur. Nulla moenia tam sunt munita, quin machinis, aut suffossionibus, aut, ut nihil horum, prodicione capiantur. Sapientis decreta sunt inexpugnabilia.

61. CUM in theatro populus Atheniensium tumultuaretur ob versiculum recitatum :

b Τί δ' ἄγρ' ὦρ' ἔστιν, εἰ μὴ τοῖσι χερσὶν ἔστιν.

Id est :

Quic turpe ni videatur hoc utentibus.

Subjecit alterum :

Αἰγρὸν τὸ γ' ὦρ' ἔστιν, καὶ δόκη καὶ μὴ δόκη.

Id est :

Quod turpe, turpe est, siue credas, siue non.

Eleganter correxit inutilem sententiam. Refert Plutarchus.

62. QUIBUS DAM admirantibus Isineniam, quod esset insignis tibicen : c *Nequam*, inquit, hominem esse oportet, nam si bonæ frugis esset, non esset egregius tibicen. Judicabat eos non posse bonos viros evadere, qui tantum operæ Dionysiæcis artibus impendissent.

ANACHARSIS Scythæ.

I. HERMIPPUS scribit illum mox ut Athenas venerat adisse Solonis ædes : d Percunctanti famulo, quis & unde : jussisse, renuntiaret adesse Anacharsidem qui & Solonem videre, & si fieri posset, etiam hospes fieri cuperet. Solon per puerum respondit, in patria solere fieri hospites : significans inter Græcos & Scythas non esse jus hospitii. Ad hæc verba, quibus abigebatur Anacharsis perinde quasi jussus esset introire, ingressus est ad Solonem, dicens se jam esse in patria, & æquum esse ut hospitio jungerentur. Hujus responsi dexteritate delectatus Solon, lubens recepit hominem ad intimam familiaritatem, ex primo statim sermone deprehendens animum philosophicum, qui judicaret esse patriam,

a *Virtus tuta.* b *Virtus per se honesta.* c *Tibicen vir improbus.* d *Ingenue.*

am, ubicunque bene est homini, Cives enim mundi
 nus omnes.

2. R E V E R S U S *a* in patriam, conatus est ad Græ-
 rum instituta novare Scytharum leges. Eam ob cau-
 am à fratre in venatu sagitta percussus est. Moriens
 ait, se ob eruditionem incolumem à Græcia dimissi-
 um, per invidiam in patria perire. Græca sonent ju-
 cundius, *Ἀλλὰ τὸ λόγον, Ἀλλὰ τὸ φθόνον.*

3. D I C E B A T vitem ferre tres botros, *b* primum
 voluptatis, alterum ebrietatis, tertium molestiæ. Sen-
 tiens parum vini usum esse jucundum, quia sedat si-
 m: largiorem gignere temulentiam: largissimum pa-
 re rixas, cades ac morbos. Simile huic quod alibi
 actum est: Primum crateram pertinere ad litim, al-
 teram ad voluptatem, tertiam ad ebrietatem, quat-
 tam ad insaniam. Dictum erit jucundius, si cogites in
 cythia non esse vites.

4. A D M I R A B A T U R, qui conveniret, ut arti-
 ces apud Græcos certarent, *c* sed de his judicarent ar-
 tis expertes. Sentiens de artifice neminem recte judica-
 re, nisi artificem. In theatro certabant histriones, mi-
 ni, cantores & sophistæ, recitabant poëtæ: quorum
 artes cum populus nesciret, tamen aliis applaudebant,
 alios explodebant.

5. R O G A T U S qua ratione quis effugeret ne fieret
 inolentus. *d* Si semper, inquit, *præ oculis habeat ebrio-
 rum indecores mores.* Nihil enim similis insano quam
 ebrius. At ebrius existimat se decere omnia. In aliis
 spectandum quam foeda res sit temulentia.

6. A J E B A T se demirari qui conveniret ut Græ-
 ci, qui legibus suis violentiam & injuriam puniunt,
 e athletas ob hoc ipsum honorarent, quod se mu-
 tuo percuterent. Salse damnans crudelem populi vo-
 luptatem, ac in moribus inconstantiam. Quod enim
 injustum est, semper injustum est. Quanquam heu ni-
 mium Ethnicarum reliquiarum adhuc residet in mori-
 bus Christianorum, tamen illis prodigiosis voluptatibus

gla-

*a Patria perniciofa. b Vini parvus usus. c Vulgi ju-
 dicia. d Ex alijs exemplum. e Salse.*

gladiatorum, pugilum & athletarum deliciis liberati sumus per Christum.

7. CUM rogasset quendam quanta esset spissitudo tabularum nauticarum, isque respondisset, quatuor digitorum, *a Tantillum*, inquit, *absunt à morte qui navigant*. Notavit negotiatorum avaritiam, qui lucri gratia semet in manifestum vitæ discrimen conjiciunt. Scythæ nesciunt nautica commercia, sed pascuis ac venatu vivunt.

8. OLEUM dicebat esse venenum insaniam gignens, *b* eo quod athletas videret unctos in se invicem insanire. Nec olei usum, ut arbitror, noverant Scythæ, ut quod nec apud illos proveniret, nec aliunde importaretur, Athletæ non pugnant nisi uncti: putant enim corpus fieri robustius: at Scythia simulabat se credere, illis oleum esse causam insaniam.

9. AJEBAT se mirari, qui fieret, ut Athenienses qui prohiberent mentiri, *c* tamen in cauponum tabernis palam mentirentur. Qui vendunt merces emuntque lucri causa, fallunt quemcunque possunt, quasi quod privatim esset turpe, fiat honestum si publice facias in foro. At in contractibus maxime fugiendum erat mendacium. Sed tum maxime mentiuntur homines, cum maxime negant se mentiri. Apud Athenienses lex erat quæ jubebat ἐν ἀγορᾷ ἀψευδέειν.

10. ADMIRABATUR & illud, *d* quod Græci initio convivii cyathis pusillis uterentur, saturi majoribus: Sentiens potum non in illud adhibendum nisi ad sedandam sitim. Absurdum igitur esse, tum plus bibere, cum jam sitis esset sedata.

11. STATUIS atque imaginibus illius inscribebatur, γλώσσης, γαστρὸς, αἰδοδίων κρατεῖν, id est, *e lingua, ventri, pudendis temperandum*. Quod maximorum malorum causa sit lingua effrenis, & luxu nihil turpius, libido pecudem ex homine reddat.

12. INTERROGATUS num in Scythia essent tibiæ,

a Navigatio. *b* Athletæ insani. *c* Mendacium in contractibus. *d* Mos praposterus. *e* Continentia.

bia, respondit *a* ne vites quidem: Significans saltationes, reliquasque ejus generis voluptates è vinolentia nasci aliquæ.

13. P E R C U N C T A N T I quæ naves essent tutissimæ, *b* Quæ, inquit, in siccum protractæ sunt. Solent enim olim naves iis mensibus quibus mare navigabile non est, machinis quibusdam in siccum protrahi. Anacharsis sensit omnem navigationem esse periculosa. At ille de genere navigii percunctabatur. Sunt enim Liburicæ, onerariæ, actuarixque naves, aliaque diversi generis, in quibus alia est alia adversus tempestatem instructior.

14. A J E B A T se nihil admirabilius vidisse apud Græcos, *c* quam quod fumum in montibus relinquerent, ligna in civitatem conveherent. Sensit opinor de capnis, quæ ita siccantur vel sole vel igni in montibus, ut postea ardeant absque fumo.

15. R O G A N T I utrum arbitraretur plures esse portuos an vivos, *d* Navigantes, inquit, in utro numeroonis? Dubitans an hi essent inter vivos habendi, qui vitam undarum ac ventorum arbitrio commisissent.

16. E X P R O B R A N T I cuidam Attico quod natus esset in Scythia, *e* Mihi, inquit, probro est patria, *ti* patria. Egregie inculpatus est cui nihil potest obijci præter patriam. At quemadmodum laudi est, apud barbaros natum Græcorum disciplinas scire: ita turpe est apud Græcos natum ad barbaros mores degenerasse.

17. I N T E R R O G A T U S quid esset in homine pessimum, & quid optimum, respondit, *f* Lingua. Sentiens idem membrum plurimam adferre utilitatem, si recte ratione gubernetur: pestilentissimum esse, si secus.

18. D I C E R E solet, *g* præstare unicum habere amicum multi pretii, quam multos nullius pretii. Græca sonant jucundius, *ἓνα φίλον ἔχειν πολλὰ ἄξιον ἢ πολλὰς ἀνδρὸς ἀξίας.*

19. A J E B A T *h* forum esse locum mutuis hominum

Z

num

a Vinolentia. *b* Navigatio. Hoc idem ante tribuitur Stratonico. *c* ἀκαπνα. *d* Navigatio. *e* Acriter. *f* Lingua. *g* Amicus insignis. *h* Forum.

num fraudibus ac rapinis destinatum : notans mores vendentium per fas nefasque lucra venantium.

20. A B adolescente in convivio pulsatus, *a* Adolescens, inquit, *si nunc vinum non fers, ubi senueris aquam feres.* Moderationis erat, quod adolescentis proterviam vino imputavit. Qui vero bibunt intemperantius vinum, ea præsertim ætate cui magis convenit aqua, ii frequenter senes ob inopiam coguntur aquam bibere, aut ὕδρῳ ποτεῖν, cum ei ætati necessarius sit vini usus.

21. C U I D A M objicienti quod esset barbarus, *b* Anacharsis, inquit, *barbarus est apud Athenienses, sed vicissim Athenienses barbari sunt apud Scythas.* Græci, sed in primis Attici, quoniam apud ipsos florebant disciplinæ liberales ac leges politicæ, reliquas nationes contumeliæ causa nominabant barbaras, cum barbarum dicatur quidquid est peregrinum atque inusitatum. Nunc cum Græcia nihil sit barbarius, hæc philautia demigravit ad quosdam Italos quibus omnes aliæ nationes barbaræ sunt.

22. H U I C illud quoque tribuitur multo vulgatissimum : *c* Leges aranearum telis esse similes, in quibus infirmiora animalia hærent, valentiora percurrerent, ita leges humiles ac tenues constringunt, à potentibus impune violantur. Meminit Valerius.

23. Q U I D A M in convivio videns uxorem Anacharsidis, Uxorem, inquit, deformem duxisti Anacharsi. Hic Anacharsis, *Prorsus ita mihi videtur, inquit, sed heus puer infunde mihi meratius, ut eam reddam formosam :* indicans vinum adimere homini rectum iudicium. Refert Athenæus libro nono.

M Y S O N.

1. M Y S O N incertæ patriæ, μυτινθεων^Θ fuisse traditur, non alienus à moribus Timonis Atheniensis. Hunc cum quidam forte deprehendisset in solitudine ridentem, rogabat quid rideret cum esset solus, *d* Atqui ob hoc ipsum, inquit, rideo : subindicans sibi gratissimam esse solitudinem.

A N A-

a Patienter. *b* Barbaries. *c* Leges. *d* Solitudo.

A N A X A G O R A S *Clazomenius.*

1. C U M ab Atheniensibus esset damnatus exsilio, cuidam dicenti, Privatus es Atheniensibus, *a Immo illi*, inquit, *me*. Sentiens Atheniensibus magis opus esse Anaxagoræ quam contra, Qui præclaros viros ejiciunt è civitate, Rempublicam lædunt potius quam eos quos expellunt.

2. C U M in exsilio agenti nuntiata esset mors filiorum, *b Sciebam*, inquit, *me genuisse mortales*. Idem hoc tribuitur Xenophonti.

3. A B S E N S morti addictus est. Id nuntianti, *c Jam olim*, inquit, *istam sententiam tulit natura aequè in illos atque in me*. Sentiens Athenienses non minus addictos morti, quam esset is quem damnaverent. Aliis aliud mortis genus obtingit, sed omnibus eadem est moriendi necessitas.

4. C U I D A M moleste ferenti, quod non in patria sed peregre moreretur, *d Bono animo es*, inquit, *idem enim undelibet ad inferos descensus est*.

5. P E R I C L I S præceptor fuisse legitur, cui in administranda Republica magno fuit usus. *e* Verum cum Pericles negotiis intentus desisset agere curam Anaxagoræ jam ad decrepitam provecti senectutem, constituit inedia finire vitam. Id simul ut renuntiatum est Pericli, anxius accurrit, & argumentis, precibus, & lachrymis conatus est hominem à spontaneæ mortis proposito revocare, idque magis sui ipsius causa quam philosophi. Cui Anaxagoras resecta facie jam moribundus, nihil aliud respondit quam hæc, *O Pericles, & quibus lucerna est opus, infundunt oleum*: exprobrans illi neglectum amici, unde tantam capere poterat utilitatem. Lucerna curatur ob usum vulgarem, & talis consiliarius neglectus perit.

6. P O S T diutinam peregrinationem domum reversus, reperit patriam possessionesque suas desertas, *f Nisi*, inquit, *ista perissent, ego salvus non essem*: quod calamitas

Z 2

illum

a Animose. b Fortiter. c Graviter. d Mortis locus.

e Graviter. f Lucrum ex damno.

illum adegisset ad philosophiam. Rebus autem integris mansisset intra penates suos. Ita sæpenumero prospera sunt homini, quæ videntur adversa : & quod damnum putatur ingens, lucrum est maximum.

S T I L P O N Megarensis.

1. H A B E B A T filiam parum secundæ famæ : cui-dam itaque dicenti , Dedecorat te filia : *a Nihil magis,* inquit, *quam ego illam decoro.* Sentiens neminem alienis factis dehonestari, sed suis quenque moribus astiman-dum esse. Neque enim illa fuisset honestior ob patris celebritatem, nisi paternas virtutes fuisset imitata. Plu-rarchus in lib. De tranquillitate, pluribus verbis hoc idem enarrat. Nam Metrocli objicienti quod filiam ha-beret impudicam. *Utrum,* inquit, *hoc meum peccatum est an filia?* Cum Metrocles respondisset, illius peccatum, sed tuum infortunium, hunc in modum excepit Stilpo, *Quid ais? an non quæ peccata sunt, eadem sunt lapsus?* An-nuit Metrocles, *At lapsus,* inquit Stilpo, *quorum sunt, eorundem sunt & frustrationes?* Et hoc confessio Metrocle; Porro quorum sunt frustrationes, horum sunt & infortunia. Ita placido prudentique sermone demonstravit, filia dumtaxat esse infortunium, cuius esset peccatum, ac Cy-nici convitium nihil aliud esse quam latratum.

2. I N somnis visus est illi Neptunus iratus, quod non immolasset hecatombem quemadmodum mos erat. At philosophus hoc viso nihil perturbatus re-spondit, *b Quid ais Neptune?* Itane veluti puer huc ve-nisti cum tua querimonia, quod pecunia mutuo sumpta non expleverim nidore civitatem? Atqui pro rei familiaris mo-dulo sacrificavi tibi aquas aliquot. Ad hæc arridens Ne-ptunus, visus est illi porrecta dextra dixisse : In tuam gratiam ingentem aquarum proventum largiar civitati Megarensium. Quod & evenisse tradunt.

3. D E M E T R I U S Antigoni filius cum Megaram cepisset, jussit Stilponis domum servari indemnem. Ad-monitus igitur Stilpo, ut libellum daret rerum omnium

quas

a Argute. b Tranquillitas.

quas amisisset, *a* Ego, inquit, nihil bonorum meorum amisi, nam eruditio & eloquentia mihi sunt incolumes, quod hac vere sunt, οἰκεῖα, hoc est domestica propriaque bona. Idem hoc supra commemoratum est aliis verbis.

4. CALLEBAT argutias dialecticas, quarum una parum illi feliciter cessit. De statua Minervæ quam Phidias finxerat, ita percunctatus est, Num Jovis Minerva dea est? Cum responsum esset, Est. *b* At hac, inquit, non est Jovis, sed Phidiæ. Id cum esset concessum, collegit, Non est igitur hac dea. Ob hanc vocem apud Areopagitas impietatis reus peractus est. Ille vero sic conatus est elabi, ut diceret, non negasse illam esse deam, sed deum, hoc est, masculinum. Nam Θεός apud Atticos communis est generis. Attamen jussus est ire exultatum. Theodorus autem cognomento ὁ Θεός, his auditis dixit: Unde hoc novit Stilpo, nisi forte sublati vestibus inspexit Minervam?

5. CRATETI percunctanti num dii adorationibus & precibus delectarentur, *c* Istuc, inquit, ὁ στυλτε ne percuncteris in via, sed solum interroga: subindicans aut nullos esse deos, aut non sollicitari rebus humanis, sed non expedire tales voces apud multitudinem efferri, cui necessarium esset deorum metu contineri. Huic simillimum est quod tribuitur Bioni, qui eam quaestionem proponenti, versu Homérico, ni fallor, respondit:

Οὐκ ἀπ' ἐμῆς σκεδάσεις ὄχλον ταλαπείριε πρίσβυ;

Non abiges miserande senex turbam procul à me?

6. CRATES Cynicus ad propositam quaestionem non respondebat, sed pro responso crepitum ventris emisit. Hic Stilpo, *d* Sciebam, inquit, te quamvis vocem emissurum potius quam eam quam oportuit.

7. STILPO Crateti dedit caricam, simulque proposuit quaestiunculam. Cum Cynicus protinus nucem devorasset. *e* Caricam, inquit, perdidisti. Hic Crates, non caricam modo, sed & quaestiunculam, cujus illa fuit arrha. Sensitens se frustra captatum munusculo ad respondendum.

Z 3

8. V I -

a Honor virtutis habitus. *b* Argute infeliciter. *c* Non omnia vulgo proferenda. *d* Moderate. *e* Cynice.

8. V I D E N S Cratetem hibernis mensibus frigore rubentem, *a* δὲ κεῖς, inquit, μοι χρῆται ἔχειν ἱματίον καυρῶ. Lepos qui est in vocis ambiguo, latine reddi non potest. καυρῶ conjunctim sonat novo, & κ' ῶ disjunctim sonat & mente. Discrimen' auribus vix sentiri potest, scripto potest ostendi. Videris, inquit, egere pallio novo, sive pallio, & mente. Novum requirebat gelu, mentem Cynici stultitia, qui vestem non accommodaret tempori.

9. C U M omnium oculi coniecti essent in Stilpontem, Quidam, isti, inquit, Stilpo mirantur te ut belluam. *b* Nequaquam, inquit ille, sed ut verum hominem. Solent peregrinae bestiae in spectaculum produci. Vulgares homines nemo miratur. Sed philosophum plerique spectabant, non ut quemvis hominem, sed ut hominem verum. Nam id spectaculum est rarissimum. Obiter notavit interpellatorem, quod ipse non esset verus homo, nec spectatu dignus.

S I M O N Atheniensis.

1. H U N C Pericles ad se invitavit, pollicens sese omnia necessaria praebiturum. At Simon negavit se venditurum *c* libertatem. Delectavit hunc imago muris silvestris parvo viventis, potius quam domestici in summis deliciis, sed perpetua cum solitudine versantis.

M E N E D E M U S Eretrienfis.

1. C U M aliquando decretum tulisset ad populum, quidam ita tetigit illum, ut diceret, *d* non esse sapientis neque tabernaculum consuere, neque decretum scribere: subnotans quod ex patre coriario natus esset, ipse quondam ejusdem opificii. Nam olim tabernacula e pellibus captarum consuebantur.

2. C U I D A M sciscitanti num sapienti ducenda esset uxor. *e* Num ego, inquit, videor tibi sapiens? Cum annuisset, Ego, inquit, uxorem duxi. Supervacuum erat

a Lepide. *b* Dictum retortum. *c* Libertas. *d* Banaus magistratus. *e* Exempla sapientum.

rat de eo dubitare, quod videret factum ab eo quem iudicabat sapientem.

3. A N T I G O N O consulenti, deberetne ad commensationem quandam adire post silentium nihil aliud respondit, quam, *a Regu filius es.* Subindicans luxum indecorum esse regno natis. Aut potentibus licere quodlibet.

4. Q U E N D A M frivolis nugis obstrepentem rogavit num fundum haberet: ut is respondit sibi plurimas esse possessiones, *b Abi igitur,* inquit, *& illas cura, ne tibi eveniat, ut & illas perdas, & privatum elegantem amittas.* Notans illum ad dicendum non esse idoneum sed magis ad agriculturam.

5. A N I C O R E O N T E Cypri tyranno vocatus ad sollemne convivium cum Asclepiade amico ceterisque philosophis dixit. *c Si honestum est tales convocare viros, oportuit id quotidie fieri: sin minus, etiam tum frustra fieri.* Ad id cum tyrannus respondisset, diem illum esse sibi festum, eoque singulo quoque mense vacare audire philosophos: liberius respondit Menedemus, *Hoc postulare sacrificium, ut per omne tempus audiret philosophos.* Quid multis? Eo processit hominis libertas, ut nisi tibicen quispiam eos avocasset, perituri fuerint. In navi cum periclitarentur, Asclepiades dixit. Tibicinis modulatio servavit nos. Menedemi libertas perdidit.

6. P E R C U N C T A N T I cuidam Alexino an patrem cadere desisset, respondit, *d Neque cecidi, neque desii.* Cum alter subiecisset, oportere solvere ambiguitatem per *va* & *en*, aut affirmando aut negando: *Ridiculum,* inquit, *est vestras sequi leges, cum liceat in portis occurrere.* Alter captabat illum insidiosa percunctatione: sive enim respondisset, desii, sive non desii, agnovisset crimen. Ille hoc præsentiens exclusit sophisticum cavillum. Sic & Socrates apud Platonem objurgatur à sophistis, quod secus respondeat quam ipsis esset commodum.

7. C U M Bion acriter divinos insectaretur, ait il-

Z 4

lum

a Indecora. b Garrulitas. c Libertas periculosa.

d Argutia sophistica.

lum a trucidare mortuos , quod adversus illos studiose pugnaret , qui jam dudum essent explosi sepulchrique.

8. A D quendam dicentem, maximum esse bonum, si quis omnium potiri queat quæ optat. *Sed multo majus*, inquit, *bonum est, non optare nisi quod oportet.*

9. D I C E B A T plurimos navigare Athenas studiorum gratia: qui primum essent sapientes, deinde fierent philosophi, hoc est, sapientiæ, dein rethores: denique progressu temporis evadere idiotas. Meminit Plutarchus. *b Multum profecit qui didicit se nihil scire. Et infeliciter proficit, qui semper vergit in deterius.*

P L A T O Atheniensis.

1. C U M Plato ad tragicum certamen paratus, audito Socrate mutasset consilium, poëmata sua exussit, præfatus Homérico carmine:

c *Ἡραυτὲ θεόμειλ' ὦδε, Πλάτων νύτε σεῖο χαρίζε.*

Huc ades o Vulcane, Platoni nunc opus est te.

2. C U M Dionysio Hermocratis filio de tyrannide differens, ait d non statim esse præstantius quod unitantum sit utile, nisi & virtute cæteris antecelleret. Offensus tyrannus dixit, *οἱ λόγοι σε γεροντιῶσι*, id est, verba tua sapiunt senium. Contra Plato, *οἱ δὲ σε τυραννιῶσι*, id est, tua vero tyrannidem sapiunt.

3. A P U D Æginetas lex erat, ut si quis Atheniensis Ægynam venisset, capitalis esset. Huc cum esset deductus Plato ut venundaretur, capitis postulatus est à Carmendio qui legem eam tulerat, sed tempestivo cujusdam joco liberatus est. Ait enim legem habere, e *Si quis homo: at hunc esse philosophum.*

4. P L A T O dicitur ter navigasse in Siciliam, nec sine periculo, nec sine cavillis obtreptantium. Molon itaque qui gerebat hostilem in Platonem animum, negabat esse mirum, f si Dionysius esset Corinthi, sed si Plato in Sicilia. Nam tyrannum expulerat necessitas. Platonem invitabat ambitio, ut vulgus quidem interpre-

a *Fugulare mortuos.* b *Degenerare.* c *Potiera sectanda.* d *Libere.* e *Focus salubris.* f *Salse.*

pretabatur. Et tamen Dionysium esse Corinthi adeo mirabantur omnes, ut jam abierit in proverbium, de re inexpectata & incredibili.

5. ADOLESCENTEM quod lussisset aleam, graviter increpuit: qui cum dixisset. Sic objurgas ob rem parvam, *a At parvum non est*, inquit, *assuescere*. Tale quiddam subindicat Demea Terentianus in Adelphis: Mitto rem, consuetudinem ipsorum.

6. ROGATUS ecquod esset futurum ipsius monumentum, quemadmodum superiorum: *b Primum*, inquit, *parandum est nomen, ita monumenta futura sunt multa*. Sensit hominis memoriam optime servari in mentibus hominum, optimeque propagari scriptis viro-
rum eloquentium.

7. IRATUS servo cum eum castigare pararet, & forte interveniret Xenocrates, *c Flagella*, inquit, *hunc puerum, nam ipse sum iratus*. Sibi diffusus est homo philosophus, sentiens animi commotionem. At vulgus hominum tum maxime punit, cum irascitur.

8. RUSSUS alteri cuidam famulo sic comminatus est, *d Loris te caderem ni iratus essem*. Nihil iræ fidentum, sapuit Syrus ille Terentianus, qui se conjicit in angulum, edormiturum quod biberat villum. At ita minus sui compos est quam ebrietas.

9. CUM aliquando conscendisset equum, mox descendit dicens, *e Se vereri, μή ἱπποτορία λησθή, id est, ne equestri fastu corripereetur*. Superbum animal est equus, & equitare quiddam habet magnificum parumque philosopho dignum.

10. TEMULENTIÆ deditis suadebat, fuit potius ad speculum sese contemplarentur, ita fore, ut ab eo vitio recederent, conspecta fœditate.

11. NEGABAT oportere inebriari g præterquam in festis, in quibus ipse Deus vinum porrigit. Festos dies decet hilaritas, ebrietas semper fœda est.

12. SOMNOLENTIAM improbat, eoque

Z 5

scripsit

a Assuescere malis. b Immortalitas. c Moderate.

d Moderate. e Modeste. f Temulentia. g Hilaritas fœda.

scripsit in legibus, κοιμώμενος ἔδειξεν ἑαυτὸν ἀγίον, id est, *a* Nemo dormiens ulla re dignus est.

13. CUM à Dionysio fastidiretur, poposcit congregandi copiam: ea data hunc in modum differuit. *b* Si quem sentires in Siciliam appulisse hoc animo ut tibi malefaceret, qui tamen non data oportunitate nihil mali faceret, an hunc impune dimitteres? Cum Dionysius respondisset, Nequaquam ô Plato. Oporret enim hostium non facta solum, verum & amici propositum ulcisci. Plato subiecit, Tum si quis tibi benevolens venisset in Siciliam, ut tibi boni quippiam adferret, non faciat autem destitutus occasione, num par esset hunc nulla relata gratia contemptum abjicere? Dionysio percunctante quis esset ille, Æschynes, inquit, vir & morum sanctimonia cum quovis amicorum Socratis conferendus, & qui possit dicendo meliores reddere, cum quibus habeat consuetudinem. Is cum huc multum maris emensus adnavigarit, ut suam philosophiam sibi impertiret, hætenus neglectus est. Hæc tam commoda oratio effecit, ut rex & Platonem cui prius erat infensior amplecteretur, & Æschinem splendide magnificeque tractaret.

14. DIONEM ob formam & ob rerum gestarum magnitudinem cum plurimi fieret ab omnibus, admonuit, *c* caveret metueretque contumaciam, cui comes esset solitudo: Insolenter enim utentem rebus prosperis amici destituunt.

15. SI quando forte incidisset in eos qui præter decorum quippiam agerent, digressus consuevit dicere. *d* Nunc ubi ego talis? Nemo suam turpitudinem perspicit, sed sibi quisque assentator est. Ex aliis igitur discendum, quam indecora sint quæ præter honestatem geruntur.

16. E DISPUTATIONE discedens solitus est admonere discipulos, *e* Videte pueri ut otium in re quapiam honesta collocetis. Significans otium omnia mala docere adolescentes.

17. SOLET admonere, ut neque corpus sine ani-

a Vigilantia. *b* Commode dictum, *c* Ferocia. *d* Exemplum ex aliis. *e* Otium.

mo exerceamus, neque animum sine corpore, ut pariter utriusque curam habeamus. *a Nam alterum athletarum est, alterum inertium.*

18. R O G A T U S à Cyrenensibus ut ipsis leges scriberet, ac reipublicæ statum componeret, reculavit dicens. *b Perdifficile esse condere leges tam felicibus: indicans eos non facile parere salubribus monitis, qui successu rerum elati sibi felices viderentur.*

19. P O L U S sophista reperisse dicitur quasdam orationis delicias, veluti contraria inter se reddita membra comparia, similiter desinentia, quibus immodice putatur usus. His ornamentis cum se jactaret insolentius, Plato sic hominem taxavit, *c πῶλε ἵνα ὡρῶς εἰπω σε κατὰ σε*, id est. *c O Pole, ut te tuo alloquar modo.* Polus Græce sonat pullum equinum: ipso itaque statim nomine tetigit hominis arrogantiam. Imitatus est *δὲ ὁμοιόπῳτον: πῶλε σε κατὰ σε.*

20. A N T I S T H E N E M qui differendo fuerat prolixior, sic admonuit, *d Ignoras quod orationis modus sit non is qui dicit, sed qui audit.*

21. D I C E B A T in morte amicorum quiescendum esse *e* partim quod nondum liqueret, bonum esset an malum quod accidisset: partim quod acerbè ferenti nihil à luctu esset commodi. Tollitur enim dolor, si quis secum consideret, quale sit quod evenit.

22. I N Aristippum dixit, illi soli datum esse & panis & chlamyde uti, quod apud Dionysium in purpura saltavit. Ad id alludens Horatius: Omnis, inquit, Aristippum decuit color. Hoc dictum quidam tribuunt Stratoni.

XENOCRATES Chalcedonensis.

1. C U M Alexander magnus illi misisset ingentem pecuniarum summam, ex ea dumtaxat tres minas recepit reliquum referri iussit, dicens, *f ipsi pluribus esse opus, qui plures aleret.*

Z 6

2. P A S-

a Exercitatio. b Felicitas: intractabilis. c Affectata oratio. d Brevisiloquentia. e Luctus. f Pecunia contemptus.

2. PASSEREM qui fugiens imminentem accipitrem sese in Xenocratis sinum coniecisset, texit, fovitque, ac demulcens, dimisit dicens, *a* supplicem non esse prodendum.

3. A B I O N E dictis laceffitus, *b* Non sum, inquit, tibi responsurus, neque enim tragœdia cum à comœdia taxatur, dignatur eam responso. Nota est veteris comœdiæ licentia, in qua multa scommata jaciuntur & in ipsos poëtas, & fabularum personas: at tragœdia non dignatur vicissim humiles personas attingere.

4. A D quendam nec geometriæ, nec musices, nec astrologiæ peritum, ad scholam tamen ipsius commean-tem. *c* Abi, inquit, ansam philosophiæ non habes: hoc est, non es ad philosophiam docilis, nullis instructus disciplinis. Alii ferunt illam ita loquutum, *παρ' ἐμοὶ πόνος & ἀνέμεται*, id est, apud me vellus non maceratur: lana rudis non statim traditur vestiario, sed fulloni.

5. C U M Platoni Dionysius diceret, aliquis auferet tibi caput. Xenocrates qui tum Præceptor aderat. *d* Non prius, inquit, quam hoc: suum ostendens caput.

6. C U M in convivio cæteris multa garrimentibus solus nihil diceret, interroganti cur unus omnium sileret, *e* Quoniam, inquit, loquutum fuisse pœnituit aliquando, siluisse nunquam. Hoc Plutarchus in libello *τῶν τῶν ὁμῶν* tribuit Simonidi.

7. A L E X A N D E R ad hunc legatos misit cum aliquot talentis, quos ille in Academiam perductos parca tenuique cœna excepit. Postridie interrogantibus cui vellet adnumerari pecuniam, *f* Quid, inquit, Itane vos ex hesternæ cœnæ non intellexistis me pecunia non indigere? Philosophus Ethnicus rejecit à ditissimo liberalissimoque rege ultro delatam ingentem pecuniæ summam: & nunc pro sanctis haberi volunt, qui extremam professi paupertatem in tantum ut horreant etiam ærei nummi contactum non aliter quam viperæ, non referendis artibus venantur divitum ac pauperum liberalitatem.

8. D I-

a Innocentia. *b* Animose. *c* Docilitas. *d* Amicitia.

e Taciturnitas. *f* Pecunia contempta.

8. D I X I T nihil referre, *a* utrum pedes an oculos inferas in ades alienas: videlicet deterrens ab omni curiositate rerum ad nos nihil attinentium.

9. D I C E B A T *b* pueris aures esse muniendas foliis potius quam athletis: quod plus sit periculi ne puerorum aures occupentur pravis sermonibus, quam ne athletarum aures pateant ad ictus. Maxima, inquit Satyricus, debetur puero reverentia.

C R A N T O R *Solenfis.*

10. S E N A R I U M hunc ex Bellerophonte Euripidis probare solet. Οἱμοι, τῆδ' αἰμοι; ὦντά ται πεπόνδα μὲν.
c Eheu, quid heu? nobis quod hominum est accidit. Sensit quidquid ulli hominum accidit, hoc unicuique posse accidere. Nihil igitur nec inexpectatum videri oportere, nec intolerabile.

A R C E S I L A U S.

1. S I quando probabat aliquid, dicere solitus est, φημι ἰσθαι, id est, *d* ajo, sive *m*hi videtur, sive *f*ateor. Siquid displicebat, dicebat, ἔσυνεχεται δῆσεται τέτοις ὁ δέσναι, id est, *h*is non assentietur ille, nominato quopiam: simul & in asseverando servans modestiam, & in contradicendo, fugiens invidiam.

2. P E R C U C T A N T I qui fieret ut ab aliis sectis multi deficerent ad Epicureos, ab Epicureis nulli desciscerent ad alios, *e* Quoniam, inquit, ex viris galli fiunt, ex gallis viri nequaquam. Sentiens homines esse proniores ad voluptatem quam ad virtutem. Gallos dixit sacerdotes Cybelis eviratos. Porro voluptatem amplecti foeminarum est potius quam virorum.

3. C U M hospites quosdam una cum amicis acciperet convivio, cœna quidem apposita est, sed deerat panis, videlicet pueris oblitis emere. Hic ille ridens, *f* Quam, inquit, res est apta convivii apparandis esse sapientem: Sentiens philosophos in rebus vulgaribus minus sapere, quam idiotas. Sed interim dedit exemplum

Z 7

phi-

a Curiositas. *b* Pueri reverentia. *c* Fortiter. *d* Modeste. *e* Proclivitas ad deteriores. *f* Moderata.

philosophicæ moderationis, quis enim ibi non incanduisset ira.

4. **PAUPER TATEM** comparabat *a* Ithacæ patriæ Ulyssis, quod juxta Homerum aspera quidem esset, sed bona *καρποφόρος*, id, juvenum altrix: dum eos consuefacit frugaliter & continenter vivere, ad omnem virtutis functionem exercens.

5. **DICERE** solitus est, *b* quemadmodum ubi multi essent medici, ibi multi sunt morbi: ita ubi permulti leges essent, ibi plurimum esse vitiorum.

6. **DIVITEM** quendam immodice delicatum, capillitio arte composito, oculis volubilibus ac lubricis, cum is alioqui castus & integer haberetur, ita taxavit, *c* *Quid refert*, inquit, *adversus an aversus cinadi sitis?* Sensit mentis integritati corporis etiam habitum & cultum oportere congruere.

B I O N Borysthenites.

1. **PERCUNCTANTI** Antigono Homérico versu, *τίς πόθεν εἰς ἀνδρῶν; πόθεν τοι πόλις, ἥ δὲ τέχνη;* Sentiens Bion se traductum de generis ac gentis ignobilitate, respondit ingenuè. *d* *Pater meus libertus est*, cubito sese emungens: significans eum fuisse falsamentarium. Addebat illum Borystheniten fuisse genere, non facie, sed in fronte gestare scripturam amari domini: matrem fuisse è lupanari, cum cætera item nude commemorasset, adjecit versum Homericum.

Ταύτης τ' γένετ' ἄνθρωπος, τέτε παῖρος βύχουμαι εἶναι.

2. **CUIDAM** objicienti, quod adolescentem quendam ad se non pellexisset, *e* *Tenellus*, inquit, *caesus non attrahitur hamo*. Significans pueros delicatos non esse ad philosophiam accommodos.

3. **ALTERI** percunctanti quis esset maxime anxius, *f* *Qui in maximis*, inquit, *rebus cupit esse fortunatus*. Is enim mille curis distorquetur ut assequatur ardua, & assequutus æque torquetur ne amittat.

4. **ROGATUS**, esset ne ducenda uxor, *g* *Si de-*
for-

a Paupertas. *b* Legum multitudo. *c* Mollities. *d* Genus pudendum. *e* Docilitas. *f* Tranquillitas. *g* Conjugium.

mem, inquit, *duxeris, habebis pœnam: sin formosam, habebis communem*. In Græcis vocibus plusculum est iunditatis: *ποῦλον* & *κοῖλον*. Hoc Antistheni adscribitur. A. Gellius tribuit Bianti, lib. 5. cap. II.

5. SENECTUTEM dicebat *a* portum esse maiorum, quod omnes huc confugerent, sperantes miseriarum finem. Mori autem unicuique in promptu est. Id Ethnici quidam existimabant esse præclarum, Christiana pietas docet esse nefarium scelus.

6. GLORIAM dicebat esse *b* matrem annorum, ob id opinor, quod cum hominis vita sit brevis, honesta memoria in multa sæcula propagatur.

7. FORMAM dicebat esse *c* bonum alienum. Sentiens extra hominem esse, quod ipse sibi nec dare potest, nec tueri datum. Animi bona vere nostra sunt.

8. DIVITIAS dicebat esse *d* nervos actionum, quod sine his nihil agatur. Alius dixit nervos belli.

9. IN quendam qui prædia sua devoraverat, *e Amphiaraum*, inquit, *terra absorbuit, tu terram*.

10. AJEBAT magnum esse malum, *f* non posse ferre malum. Absque hoc enim nulli potest esse vita suavis.

11. DAMNABAT homines *g* qui sic exurerent, quasi sensu vacarent, sic adurerent quasi sentirent. Ob id, ni fallor, quod in bellis exuruntur omnia. Rursum si leviter attingantur ab igni, offenduntur. Id enim appellat adurere.

12. DICEBAT esse optabilius *h* suam messem alteri largiri, quam alienam decerpere. Sensit felicius esse dare quam accipere.

13. AJEBAT, *i* facilem esse ad inferos viam. Nam illuc homines abire clausis oculis. Morientibus enim clauduntur oculi.

14. ALCIBIADEM hoc elogio taxavit, *k* quod adolescens viros abduxisset ab uxoribus: juvenis factus uxores à viris.

15. RHO-

a Senectus. *b* Immortalitas. *c* Forma. *d* Divitia.

e Profusio. *f* Tolerantia. *g* Salsè. *h* Liberalitas.

i Mors facilis. *k* Libere.

15. RHODI cum Athenienses darent operam rhetoricis, ipse philosophiam docebat. Ob id reprehensus, ita respondit, *a Triticum adveni, & hordeum vendo.* Sentiens absurdum esse, ab ipso requiri deteriora, cum attulisset meliora. Nam philosophia veluti triticum cibum est hominum, hordeum equorum: simul innuens solum philosophum loqui, rhetores hinnire potius.

16. IN fabulis est, Danaidas puellas apud inferos huic addictas esse supplicio, ut pertusis vasis deferant aquam in dolium pertusum. Bion dicebat, *b* gravius fore supplicium, si integris vasis ac non pertusis idem facerent: tum enim irent onustiores.

17. CUI DAM immodice loquaci, ut sibi subveniret oranti, respondit, *c Abunde tibi morem geram, si advocatos miseris, non venias ipse.*

18. EVENIT ut cum scelerosis navigans incidere in prædones. Illis dicentibus, Actum est de nobis si agnoscamur, *d Et de me,* inquit, *nisi agnoscamur.* Bonis innotuisse salus est.

19. ARROGANTIAM dicebat esse *e* profectus obstaculum, indocilis enim est, qui mavult doctus videri quam esse.

20. IN divitem quendam sordidum ita loquutus est: *f Hic facultates suas non possidet, sed ipsum possident facultates.*

21. DIVITES sordidos dicebat *g* ita facultatum suarum curam habere, quasi essent propriæ: rursus ex iisdem nihil capere utilitatis, quasi essent alienæ.

22. AJEBAT *h* juvenes uti debere fortitudine, senes valere prudentia. Nam his rerum usus conciliavit sapientiam.

23. DICEBAT prudentiam tanto cæteris virtutibus antecellere quanto cæteris sensibus præstaret visus. Nam oculi prælucent toti corpori, nec ulla est virtus absque prudentia. Nam quomodo justus reddet cuique suum, nisi prudentia commonstret quid cui debeatur?

24. D O-

a Philosophia potior rhetorica. b Correctio. c Loquacitas. d Innocentia tuta. e Indocilis. f Avarus. g Divites sordidi. h Prudentia senilis.

24. DOCEBAT *a* nulli exprobandam esse senectutem, ad quam omnes optent pervenire. Absurdum est enim aliis probro dare, quod quis optat sibi contingere.

25. CONSPICIENS quendam tristi vultu qui habebatur invidus, *b* Νέσcio, inquit, *utrum tibi aliquid acciderit mali, an alteri boni quippiam*. Invidus enim non minus discruciat aliena felicitate quam suo infortunio.

26. IMPIETATEM dicebat *c* malam esse contubernalem fiducia, & adjecit versiculum Euripidis:

Δαλοί γδ ἄνδρα καὶν θρασὺς ὁμῶς περ ἦ.

Id est:

Servum facit quamvis feroculum virum.

Sensit ibi non esse libertatem, ubi est mala conscientia: nec eum posse libere loqui, cui crimen impietatis vere potest obijci: nec sui tranquillitate animi, qui numen habet iratum.

27. DICEBAT *d* amicos, quales quales essent, retinendos esse, ne videamur aut malos recepisse in familiaritatem, aut bonos rejecisse.

28. DICERE solitus est: *e* quemadmodum proci Penelopes, quoniam cum Penelope commisceri non potuerunt, cum illius ancillis rem habuerunt: ita qui philosophiam assequi non possunt, in aliis stivolis disciplinis semet exercent.

29. FAMILIARES suos admonebat, *f* ut hoc argumento putarent se profecisse in philosophia, si iurgantes & conviciantes perinde audirent ac si recitarent versus illos Homericos:

ὦ ξέν', ἐπεὶ ἄτε κακῷ ἄτ' ἄρ' ἐργι φωτὶ εἰσίκας,

οὐλέ τε κ' ἢ μέλα χεῖρε, θεοὶ νότοι ὄλβια δέειν.

Id est:

Quando vir haud nequam, nec stultius amice videris,

Permultum salve atque vale, Diu prospera donent.

L A-

a Senectus. *b* Invidia. *c* Securitas. *d* Prudentia.
e Gravitas. *f* Moderatio.

LACYDES *Cyrenais.*

30. ACCERSITUS ab Attalo rege, respondit, imagines eminus esse spectandas: innuens arctam assiduamque familiaritatem sæpe minuere virtutis admirationem.

CARNEADES.

31. CARNEADES fertur admodum fuisse vocalis. Itaque quodam tempore gymnasiarchus, id est, scholæ princeps, misit qui diceret, ne tantopere clamaret, cui respondit, *Da mihi vocis modum.* Ad quod rursus eleganter princeps, Modum habes, nempe auditores. Siquidem pro numero auditorum temperanda vox est.

32. DICERE solet, a divitum ac regum filios nihil recte discere præterquam equitare: quod his omnes adulentur, solus equus non curans regem gerat an privatum, tergo excutit quisquis equitandi fuerit imperitus.

ARISTOTELES *Stagirites.*

1. CUM Xenocratis æmulatione cœpisset habere scholam, hoc carmen usurpavit:

b Αἰχρὸν πωπᾶν, Χενοκράτῳ δ' ἑᾶν λέγειν, id est, Silere turpe, ac Xenocratem pati loqui. Alii pro Xenocrate ponunt Isocratem.

2. CALLISTHENEM discipulum liberius multa dicentem apud Alexandrum Homérico carmine admonuit:

c Νῦμος δὴ μοι τέκῃ ἔσσεαι, εἰ ἀγορεύεις.

Talia nate loquens haud multo tempore vives.

Nec male divinavit, nam libertas illi fuit exitio.

3. IN ius vocatus quod Hermiam mulierem quam amabat, hymno quasi deam celebrasset, calumniæ molestiam Homérico versu testatus est, in ipso statim defensionis initio.

Ὅχνη

a Principum institutio. b Æmulatio. c Libertas in-
tempestiva.

a Ο'χνη ἐπ' ὀχνη γινέσκει, σῦνον δ' ὅτι σύνα.

4. ROGATUS quid lucri facerent mendaces, b *Ut vera*, inquit, *loquentibus non credatur.*

5. INCREPANTI quod homini malo dedisset elemosynam, c *Non moror*, inquit, *sed hominem commiseratus sum.* Etiam improbis in necessitate succurrit vir bonus. Debetur enim hoc officium si non meritis illius qui juvatur, certe naturæ. Et bonus fieri potest qui malus est.

6. ILLUD amicis ac disciplinis inter differendum frequenter solet ingerere, d *Visum accipere lumen à circumfuso aëre, animum autem à disciplinis liberalibus.* Sentiens ingenium adolescentum mathematicis disciplinis acui, & ad reliqua philosophiæ mysteria reddi perpicax.

7. CREBRO taxabat Athenienses, e quod cum duas res, frumenta ac leges invenissent, frumentis uterentur, legibus nequaquam. Alludens ad Triptoleum Atheniensem, cujus ministerio Ceres usa est in ferendis legibus ac tritico.

8. ERUDITIONIS radices dicebat amaras esse, sed fructus dulces.

9. PERCUNCTANTI quid cito senesceret, f *Gratia*, inquit. Sentiens injuriæ memoriam esse tenacissimam, beneficii brevissimam.

10. INTERROGATUS quid esset spes, *Vigilantiis*, inquit, *somnium.* Multa sibi promittunt inania qui spe ducuntur. Et Maro, Qui amant, sibi somnia fingunt.

11. DIOGENES Aristoteli obtulit caricam, cogitans, si non acciperet, illum sententiam aliquam esse meditatum. At Aristoteles accepta carica, dixit, g *Et caricam & sententiam perdidit Diogenes.* Huic simillimum est, quod ante tributum est Crateri.

12. CUM iterum illi caricam porrigeret Diogenes, accepit, & sublato in cælum vultu more puerorum, Ma-

a *Calumnia ex calumnia*, ἰδούτ. n. b *Vanitas.* c *Benignitas in quaesus.* d *Lux animi.* e *Salse.* f *Beneficii oblitio.* g *Captatio.*

a Magnus, inquit, *Diogenes* : moxque illi reddidit caricam. Notans, opinor, ab illo captari laudem munificentia.

13. D I C E R E solet, *b* tria ad parandam sapientiam potissimum necessaria, naturam, *d* doctrinam, & exercitationem. Invita Minerva frustra laboratur : recte discitur à doctis : exercitatio consummat eruditionem.

14. C U M accepisset quendam in ipsum dixisse convitia. *c Absentem*, inquit, *vel loris cadat* : docens ea prorsus esse contemnenda quæ non lædunt, nisi quis se lædi putet.

15. P U L C H R I T U D I N E M dicebat quavis epistola efficacior ad commendationem. Sunt qui hoc adscribant Diogeni. Aristotelem vero *d* formam solum appellare donum, quia gratis contingit à natura. Eandem Socrates appellavit exigui temporis tyrannidem, quod formæ gratia mox deflorescat : Plato naturæ prærogativam, quod paucis contingat : Theophrastus silentem fraudem, quod absque verbis persuadeat : Theocritus eburneum detrimentum, quod grata quidem sit aspectui, sed multorum incommodorum causa. Carneades *ἄδδρυρόρητον βασίλειαν*, id est, regnum absque satellitio, quod formosi impetrent quidquid volunt, nulla adhibita vi. Refert Laërtius.

16. I N T E R R O G A T U S qua re differrent docti ab indoctis, *e Qua vivi*, inquit, *à mortuis*. Sentiens hominem absque litteris statuam esse verius, quam hominem.

17. D I C E B A T eruditionem in prosperis esse ornamentum, in adversis refugium. Parentes qui recte liberos suos instituisent, agebat multo honorabiliores esse iis qui tantum genuissent, quod ab his contigisset vivere, ab illis etiam bene vivere.

18. C U I D A M glorianti quod esset à magna celebrique civitate, dicebat hoc nihil referre, *f* sed an celebri patria dignus esset.

19. R O

a Captatio. b Doctrina quibus paretur. c Magnanime.

d Forma. e Erudite. f Salse.

19. **ROGATUS** quid esset amicus, *a Una*, inquit, *anima in duobus corporibus.*

20. **AJEBAT** quosdam homines ita parcere, quasi semper essent victuri: rursus alios *b* ita profunderere, quasi mox essent morituri.

21. **PERCUNCTANTI** qui fieret ut cum formosis diutius ac libentius contabulemur, respondit *c* eam percunctationem esse cæci. Cæcus enim non sentit formæ illecebram, nihilo magis quam colorum gratiam.

22. **PERCUNCTANTI** quid lucri cepisset ex philosophia, *d Ut ea*, inquit, *nullo imperante faciam, quæ vulgus facit metu legum.* Idiota à furto abstinere, quia lex minatur poenam: philosophus abstinere, quia per se turpe est, etiam si liceat impune.

23. **INTERROGATUS** quo pacto fieret, ut discipuli quam plurimum proficerent, *Si*, inquit, *præcedentes gnaviter insequantur, sequentes non morentur.*

24. **CUM** garrulus quispiam ubi multa nugatus esset apud Aristotelem, tandem dixisset, Fortassis obstrepo tibi nugis meis, *e Non horcle*, inquit, *neque enim adverti animum.*

25. **REPREHENSUS** quod munus dedisset improbo, *f Non homini dedi*, inquit, *sed humana sorti.* Hoc superius aliis verbis commemoratum est.

26. **ROGATUS** quomodo amici essent tractandi, *Quomodo*, inquit, *nos ab illis tractari cuperemus.*

27. **ERUDITIONEM** dicebat optimum esse viaticum ad senectutem. Nam cætera senem aut destituunt, aut gravant etiam.

28. **ILLUD** frequenter habebat in ore, *g ὡ φίλοι, ἔσθ' εἰς φίλους*, Sentiens multos esse amicos nomine, paucissimos aut nullos re.

29. **ADMONEBAT** *h* neminem de se debere prædicare, vel in laudem, vel in vituperationem: quod illud esset hominis vani & inanis, alterum stulti ac væcordis.

30. **IDEM**

a Amicus. b Profusio. c Caca percunctatio. d Virtus non cogitur. e Salse in garrulum. f Benignitas.

g Amicus rara res. h Modestia.

30. IDEM admonerat *a* ut voluptates contem-
plemur non venientes sed abeuntes, hoc est, non à
fronte, sed à tergo. Venientes enim fucata specie blan-
diuntur, abeuntes autem poenitentiam ac dolorem re-
linquunt.

31. DICEBAT Athletas, qui à libris arcentur,
omnemque vitam in cavillis scurrilibusque jocis transi-
gunt, *b* similes evadere gymnasiarum statuis, nempe
pingues & saxeos.

32. CUM jam natus annos fere sexaginta duos,
adeo laboraret ut admodum tenuis vitæ spes superesset,
convenerunt ad illum discipuli rogantes, ut ex ipsis
aliquem deligeret, qui in locum ejus succederet. Inter
auditores erant duo præcipui, Theophrastus Lesbius, &
Menedemus Rhodius. Aristoteles respondit, se quod
petebatur facturum, ubi daretur oportunitas. Paulo
post, cum rursus ad eum eadem de causâ convenissent,
dixit vinum quod biberet sibi parum esse commodum,
ac quæri jussit exoticum, vel Rhodium, vel Lesbium.
Id simul atque curatum est, gustato Rhodio dixit,
c Firmum hercle vinum & jucundum: Mox gustato Les-
bio. Utrumque, inquit, egregie bonum, sed Lesbium
suavius est. Id ubi dixit, nulli dubium fuit, quin le-
pide simul & verecunde successorem sibi ea voce, non
vinum delegisset: probavit utrumque, nec tamen audi-
toribus eligendi jus ademit. Sed Græcus sermo pluscu-
lum habet civilitatis: quod οἶνον, id est, vinum, apud
Græcos sit generis masculini: ut hæc vox, ὁ λέσβιος
οἶνος, possit & ad personam accommodari.

THEOPHRASTUS Eresius.

1. DICEBAT *d* potius esse fidendum effreni equo,
quam verbo incompósito. Nemo non metuit insidere
equo infreni, at plus est periculi à lingua effreni.

2. AD eum qui in convivio perpetuo fielebat. *e* Si,
inquit, indoctus es, prudenter facis: sin doctus es, impru-
denter. Jucundius effertur à Plutarcho: Si stultus es,
rem

a Voluptas. *b* Imperitia. *c* Civiliter. *d* Lingua.

e Silentium.

rem facis sapientem, si sapiens, stultam. Est aliqua sapientiae pars, silentio stultitiam tegere.

3. H A B E B A T semper in ore, *a* nullum esse sumptum pretiosiores tempore. Solum enim hoc recuperari non potest, & tamen vulgo nihil habetur vilius tempore.

4. I N quendam Cassandri amicum simis naribus jecit hoc scomma, *b* Demior, inquit, oculos tuos non canere, cum illis nasus sit additus: quod nasus fistulae speciem praeberet. Refert Plutarchus in Symposiacis.

DEMETRIUS *Phalereus.*

1. C U M audisset Athenienses fuisse demolitos statuas suas, quas illi posuerant, *c* At virtutem, inquit, non everterunt, cujus gratia illas posuerant.

2. D I C E B A T *d* supercilia pusillum esse corporis membrum, tamen totam offuscare vitam, insuaves enim sunt ad omnem vitae consuetudinem tristes ac superstitiosi.

3. A R I S T O P H A N E S in comœdia Plutum inducit cæcum. At hic dicebat non solum Plutum, id est, divitias, esse cæcum, verum etiam *e* Fortunam, Plutiducem: ut jam sit illud proverbii, Cæcus cæco dux. Fortuna sæpe largitur indignis sua munera.

4. Q U A N T U M in bello valeret ferrum, *f* tantum dicebat in Republica valere orationem. Illic enim res geritur viribus, heic persuasione.

5. C O N S P I C A T U S juvenem intemperantiæ deditum, *g* Ecce, inquit, quadratus Mercurius, habens *h* syrma, ventrem, pudenda & barbam. Sentiens illum non esse hominem, sed statuam, qualis in viis solet poni Mercurio: hoc illi dissimilem, quod effœminatorum more traheret vestem, quod deditus esset ventri ac libidini, quodque barbatus esset, cum nihil horum habeat Mercurius.

6. H O M I N U M fastuosorum *h* sublimitatem dicebat

a Temporis parsimonia. *b* Ridicule. *c* Animosè. *d* Superciliofi. *e* Fortuna cæca. *f* Orationis vis. *g* Indotus. *h* Ingenia erecta.

cebat amputandam, sed relinquendam sobrietatem. Talia enim ingenia non sunt desperanda; sed quod redundat, recidendum est.

7. A D M O N E B A T adolescentes, a ut domi parentes, in via obvios, in solitudine revererentur seipsos. Pudor teneram ætatem optime deterret à peccando, qui nusquam non adest, si quis revereatur seipsum.

8. A J E B A T b veros amicos in rebus lætis adesse vocatos, in adversis invocatos, & ultro. At vulgo fit secus.

9. P T O L O M Æ U M regem adhortari solet, c sibi pararet libros de regno deque militari imperio gerendo tractantes, eosque diligenter evolveret, propterea quod ea de quibus amici non audent admonere reges, in libris scripta habeantur.

10. C U M exsularet, ac Thebis inglorius humilifque viveret, audissetque Craterem philosophum, qui ipsum inviseret, multa placide prudenterque de moderate ferendo exilio differentem, d Male sit, inquit, negotiis & occupationibus, per quas hætenus talem virum non licuit cognoscere.

C R A T E S Thebanus, Cynicus.

1. V U L G O dictus est e *ὑπερπανόουτος*, id est, ostiorum apertor, quod in omnes domos irrumperet, & si quid displicuisset, reprehenderet Cynica libertate. Id cognominis hodie rectius in quosdam *πρωχρητύους*.

2. R O G A T U S quid illi è philosophiæ studio accessisset emolumenti, respondit:

f *Θέρμων τε χοίνιξ, καὶ τὸ μὲν ἐνὸς μέλειν.*

Id est:

Chœnix lupini, & absque cura vivere.

Sentiens se minimo contentum ob libertatem suaviter vivere.

3. A M O R E laborantibus ostendit remedia. g Amori,

a Reverentia. b Amicus in adversis. c Læctio utilis.

d Philosophia. e Curiositas. f Parvo contentus.

g Amoris remedia.

acquirit, medetur fames: *sin aliter, tempus: quod si
 &c his uti possis, laqueus.* Luxus fere alit amorem: tem-
 pus omnia aut tollit, aut certe mitigat. Hæc remedia si
 nihil profunt, superest laqueus, ut morbus finiatur
 impendio. Græca sonant jucundius, λιμός, χρόνος,
 εὐχῶ.

4. D I C E B A T a philosopho nulla re opus esse.
 loque pecuniam deposuit apud trapezitam hac condi-
 one, ut si liberi essent idiotæ, traderet eam illis: sin
 philosophi, nummos distribueret in plebem: quod
 indoctis opus esset pecunia, philosopho non opus,
 nec utilis.

5. C E L E B R A T U R illius ephemeris ad hunc
 habens modum, b Ponito coquo minas decem, medico
 drachmam, adulatori talenta decem, consiliario sumum,
 scorto talentum, philosopho triobulum. Notabat hominum
 cultitiam, qui in res honestas & cum primis necessarias
 minimum sumerent impendii, ad turpia prodigi.

6. F I L I U M Pasiclem, simul ut excesserat ex ephemeris,
 perduxit ad ancillæ domicilium, dicens, c Hoc tibi
 est patrium conjugium. Nam mœchi tragici præmia re-
 ceperunt exilia ac cædes, comici scortatores ex luxu ac te-
 nulentia lucrifaciunt insaniam. Sensit quasi tragicam
 esse rem adulterium, quod hujus fere atrox sit exitus:
 si scortis rem esse comicam, id enim non punitur sup-
 plicio capitis, sed tamen qui depereunt in meretricem,
 in comœdiis inducuntur insanis similes: at cum ancil-
 la tua rem habere, nihil est periculi. Hoc accipiat
 velut ab ethnico dictum.

7. C U M pro quodam supplicaret gymnasii princi-
 pi, procumbens attigit coxam illius pro genibus. Nam
 applices ex more genua contingebant. Indignant
 gymnasiarcho, d Quid, inquit, an non hæc æque tua sunt
 c genua? Notans obiter vulgi superstitionem, qui
 certa membra certis rebus dedicavit: velut aurem in-
 memorix, narium irrisioni, genua misericordix, cum hæc
 d totum hominem pertineant.

A a

8. N e.

a Philosophus non eget. b Sumptus præposterus. c Ve-
 nus parabilis. d Ridicule.

8. NEGABAT *a* inter homines quempiam inveniri posse, qui non aliqua in parte laberetur, addens nullum inveniri malum Punicum, in quo non sit aliquod granum supputre..

9. NICODROMUS citharoædus hujus dictis la-
cessitus, impegit illi pugnum in os & suggillavit. *b* At
Crates fronti imposuit tabellam in qua scriptum erat,
Nicodromus faciebat: itaque cum livore suo obambu-
lans traduxit citharoædum, festiviter alludens ad artifi-
cum morem, qui operibus suis inscribunt. Apelles aut
Phidias faciebat. Simile quiddam narratur de Dioge-
ne pulsato.

10. A M A G I S T R A T U oburgatus quod præter
leges ac morem Atheniensium sindone vestiretur, ait,
c *Quid si Theophrastum¹ vobis ostendam sindone amictum?*
diffidentes, ac ut ostenderet flagitantes, adduxit ad
tonstrinam: ostenditque Theoprastum, qui tum forte
tondebatur, linteo amictum, quod Græci à contegendis
humeris ὠμόλιον vocant: submonens omnibus ad
usum uti licere. Nam si per se turpe esset uti linteis, ne
in tonstrina quidem esset honestum.

11. D E M E T R I O Phalereo indignatus est quod
ipsi panes ac vinum misisset, dicens: *d* *Utinam fontes
etiam panes ferrent.* Sentiens vino philosopho nihil opus
esse, atque hoc ipsum esse submolestum, quod panis
æque parabilis esset ac potus.

12. E R A T corpore deformi, cumque in certa-
minibus nudatus ob id esset risui, sublatiis manibus
dicere solet, *e* *De oculis, ô Crates, reliquoque corpore
bono animo esto: nam istos qui nunc te derident, mox con-
spicies morbo contrahi, teque beatum predicare, ac sese
ignavia damnare.* Significans formam nihil facere ac
victoriam, sed robur ac laborum tolerantiam qua cate-
ros antecedeat.

13. R O G A T U S quo ad esset philosophan-
dum, *Donec*, inquit, *exercituum duces qui sunt, vide-
buntur esse agasones:* sentiens, opinor, ibi maxime opu
ess.

a Nemo sine vitio. *b* Facete. *c* Facetum. *d* Paucis
contentus. *e* Vires forma præstant.

esse philosophia, ubi qui populo præstant, stolidi sunt & indocti, & homines quibus imperant, habent pro finis.

14. EOS qui cum *a* adulatoribus viverent ajebat esse desertos non aliter quam vituli sunt inter lupos. Neque enim illos adesse quos oportet, neque cum iis qui adsunt habere societatem, cum sint insidiatores.

15. ALEXANDRO percunctanti num cuperet restitui patriam suam, *b* *Quid opus est*, inquit, *Fortassis eam alius Alexander restitutam diruet.*

16. DICEBAT se pro patria habere *c* gloriæ neglectum & paupertatem, in quæ nullum jus haberet fortuna. Ajebat se Diogenis civem esse, qui nullis invidiæ patebat insidiis. Opes enim ac nominis splendor conciliant invidiam.

17. METROCLEES hoc vitio laborabat, ut inter disserendum subinde crepitum ventris emitteret. *d* Eam ob causam domi mœrens sese continebat. Huic mederi studens Crates, de industria multum lupinorum devorat, ac Metroclis ædes adiit: Persuasitque nihil esse mali quod accidisset, immo potius fore prodigiosum, nisi homo humano more flatum ventris emitteret: atque interim ipse inter colloquendum crebro crepitum ventris edidit. Hoc pacto, & servavit pusillanimum, & discipulum sibi paravit.

18. QUENDAM deliciis luxique deditum ita per locum admonuit, *e* *Ne pro lenticula semper augens patiam in seditionem nos conjicias.* Sentiens è luxu cupediisque plerunque nasci dissidia. Lenticula philosopho ci- bus est, *λοπαὶς* carnes habet, & in divitum mensis circumfertur.

19. DIVITUM *f* opes dicebat esse similes ficis arboribus in præruptis locis, è quibus ut homines nihil caperent fructus, sed corvi tantum ac milvii: ita ex illorum facultatibus tantum alerentur scorta & adulatores. Refert Plutarchus.

20. MUNDUM muliebrem dicebat esse quod or-

A a 2

nat

a Adulatio. *b* Patria neglectus. *c* Tranquillitas tuta.

d Pudor inutilis. *e* Seditio. *f* Profusio.

nat foeminam : ornat autem id quod eam reddit compositiorem ac modestiorem, *a* Verum id non praestat, inquit, neque smaragdus, neque purpura, sed quacunque adderent vim ac speciem honestatis ac verecundiae, Graecis κόσμος & mundum sonat & ornamentum. Inde κοσμεῖν ornare.

EPICTETUS.

1. EOS qui barba & pallio, verbisque magnificis philosophos agebant, dicere solet esse philosophos ἀνδρῶν περὶ πένιν, μίχελι ἔλεγεῖν, id est factis procul, verbis tenuis.

2. IDEM conspiciens quendam impuris moribus audacem, confidenti lingua, improbo tamen studio philosophiae disciplinas contrectare, inclamabat Deum atque hominum fidem, his verbis increpans hominem, *O homo, vide quo mittas, num purgatum sit vas.* Nam si ad arrogantiam ista immiseris, interierint : si computruerint, in urinam aut in acetum vertentur, aut si quid his deterius. Sensit eruditionem esse perniciosam, si in animum inciderit pravis affectibus corruptum : & quod quaeque disciplina sanctior, hoc sit perniciosior, si contingerit improbo. Velut bono theologo nihil melius, malo nihil pestilentius.

3. IDEM philosophiae summam duobus verbis comprehendere solitus est, ἀνέχεσθαι καὶ ἀπέχεσθαι, id est, *b* sustine et abstinere : quorum prius admonet, ut mala quae incurrunt, æquo animo toleremus : posterius, ut à voluptatibus temperemus. Ita enim fiet ut nec adversis dejiciamur, nec prosperis corrumpamur. Refert Gellius lib. 17. cap. 19.

METROCLE S.

4. LIBROS suos exussit dicens.

c Ταῦτ' ἐστὶν ὀνείρων νεοτέρων εἰκαστάσματα.

Sunt inferorum haec somniorum imagines.

Sentiens esse nugas ac deliramenta quae scripserat.

5. DICEBAT res alienas emi pecunia, ut domum vestem.

a Ornatus mulierum. *b* Breviloquentia. *c* Modeste.

restemque , *a* sed disciplinas liberales emi tempore. Requirunt enim diuturnum studium , cum pecunia data statim fiat possessor fundi.

HIPPARCHIA *Metroclis soror.*

6. ADAMAVIT Cratetem , apud parentes militans se sibi conscituram necem ni philosopho nuberet. Ab hoc affectu cum nec parentum verbis , nec Crateris adamati suasu revocari posset , Crates surgens detractio pallio nudavit tergum gibbo deformatum , Ne quis circumveniat , inquit , hic est sponsus : & projecto baculo & pera , Hæc , inquit , dos est. Super his delibera , neque enim mihi conjux esse poterit , nisi cui placeat idem institutum. *b* Cum accepisset conditionem puella , mox substrato pallio cum illa congressus est , parentibus adstantibus. Itaque consummatum est Cynicum matrimonium.

7. THEODORUM impium , cui cognomen erat ἄθεος , hujusmodi sophismate constrinxit , *c* Quod faciens Theodorus non diceretur injuste agere , idem si faciat Hipparchia , non diceretur injuste agere. Cum annuisset ille , subjecit , Sed Theodorus seipsum percutiens non diceretur injuste agere , nec igitur Hipparchia si idem faceret. Ad id Theodorus nihil respondit , sed sustulit illius pallium , ut enudaret pudenda. Cum illa nihil hac re turbaretur , objecit ei versu Iambico , quod à muliebribus officiis ad vitile institutum defecisset :

Τίνι τὰς παρ' ἰσοῦς ἐκλιπῆσαι κερκίδας.

Radios apud telas reliquit fœmina. Quidam codices habebant τίνι , id est , cui , quidam , τύνι : legendum suspicor γυνῇ , ut omisso articulo legamus γυνῇ παρ' ἰσοῦς ἐκλιπῆσαι κερκίδας. Cui illa , *d* Num tibi videor male mihi consuluisse , quæ quod temporis impensura fueram telus , impendi disciplinis ?

Z E N O *Citticus.*

1. D I C I T U R consuluisse oraculum , quo pacto

A a 3

pol-

a Eruditio studio venalis. *b* Mulier Cynica. *c* Argutia mulieris. *d* Mulier crudita.

possit vitam optime instituere, respondit deus. *a ei ου γρηγορίζοιτο τοῖς νεκροῖς*, id est, si concolor fieret mortuis. Ille sentiens se vocari ad lectionem veterum, contulit sese ad philosophiam. Dicitur autem Zeno natura fuisse colore fusco. Studium ac victus parsimonia maciem & palliorem conciliat homini.

2. NEGOTIATOR purpuram vehens, naufragium fecit juxta Pireum, atque hac occasione sese contulit ad philosophiam, itaque solitus est dicere, *b Tum bene navigavi, cum naufragium feci*. Alii narrant, eum cum Athenis esset, audissetque merces perisse naufragio, dixisse, *Bene facis fortuna, quæ me ad philosophiam, (alii ad pælium) appellat*.

3. ANTIGONUS rex admirantibus quamobrem tanti faceret Zenonem, respondit, *c Quoniam cum multa à me acceperit, nunquam tamen emollitus est*. Ejus mortem cum audisset, ingemuit dicens, *Quale theatrum perdidit: Erat enim Zenon acerrimi judicii, & ab assentando alienissimus*.

4. IN quendam circa formæ curam studiosiorem quam diceret virum, cum imbricem lente ac circumspēcte transiret, *d Merito*, inquit, *suspectum habet lutum, in quo non potest seipsum ut in speculo cernere*.

5. CUM Cynicus quispiam dicens, in lecytho suo nihil esse olci, peteret à Zenone, Zeno negavit se daturum sed tamen abeuntem admonuit, *e expenderet uter ipsorum esset impudentior*. Postulatoris impudentiam impudenti negatione pensabat.

6. IPSE simul & Cleantes assidebant Charimoniæ, cumque sentiret affectum amoris, surrexit. Hoc admirante Cleanthe, *f Etiam à bonis*, inquit, *medicis audio, adversus inflationes optimum esse remedium quietem*. Subdixit se vir integerrimus, imminenti periculo.

7. QUI DAM in convivio accumbens Zenoni, eum qui sub ipso sedebat pulsabat pede, Zeno vicissim pulsabat illius genua, & ad ipsum converso,

Quid

a Studium. b Factura felix. c Integritas. d Molliores. e Par pari. f Continentia,

a Quid igitur putas hunc pati, qui infra te accumbit. Ita multi offenduntur, quamvis levi incommodo, cum alios ipsi majoribus afficiant, nec sentiant.

8. ELEGANTER ac polite loquentium *b* sermones aiebat esse similes pecuniæ Alexandrinæ, oculis blandienti, atque undique scripturam habenti more numismatis, nihilo tamen esse meliorem. Rursus qui magis studerent utilia dicere quam nitida, similes esse dicebat tetradrachmis, temere ac ruditer percussis, quæ sæpe picturatis illis nummis præponderarent. In nummo non spectatur elegantia sculpturæ, sed pondus ac materia: ita non refert quam sit elegans oratio, sed quam gravis & utilis.

9. AD Aristonem discipulum multa temere garrientem quædam etiam præcipitanter confidenterque, *c* Fieri, inquit, non potest, quin te pater ebrius profeminarit: oderat futilem loquacitatem, ipse in dictis tum brevis tum gravis.

10. QUODAM in convivio immoderatus vorante opsonia, neque quidquam aliis reliquum faciente, Zeno piscem ingentem qui apponebatur, è patina sustulit, quasi solus illum deveraturus. Cum alter intuens Zenonem, significaret se mirari impudentiam. *d* Quid, inquit, putas convictoribus tuis accidere quotidie, si meam opsophagiam ferre non potes?

11. ADOLESCENTEM curiosius quiddam quam pro ætate sciscitantem, adduxit *e* ad speculum, utque se contempleretur admonuit, Mox rogavit, an videretur tali vultui ejusmodi convenire quæstiones proponere.

12. QUENDAM dicentem sibi in multis discipulere Antisthenem, abusus Sophoclis dicto, rogavit nunqua haberet Antisthenes quæ placerent: ille respondit se nescire. Hic Zeno: *f* Et non te pudet, inquit, si quid ab Antisthene perperam dictum est, excerpere ac meminisse: si quid recte dictum, id ne animadvertere quidem,

A a 4

nec

a Admonitio civilis. *b* Oratio gravis. *c* Loquacitas.

d Admonitio civilis. *e* Ad speculum. *f* Carpendi morbus.

nec tenere : Idem morbus nunc habet plurimos qui in libris aliorum tantum ea venantur quæ carpant, bene dictorum nulla neque gratia neque memoria.

13. AD quendam dicentem, breves esse philosophorum sententias, *a Vera prædicas*, inquit, *oportet enim & syllabas illorum, si fieri possit, esse breves*. Veritas multis verbis non eget, & rectius meminimus, quæ paucis verbis comprehensa sunt.

14. QUODAM de Polemone narrante, quod alia proponeret, alia loqueretur: Zeno contracta fronte, *b Quanta*, inquit, *mercede erat contentus*? Subindicans, ni fallor, ut indiligentius disiceret, discipulorum parsimoniam fuisse in causa.

15. DICEBAT eos qui differunt similes esse oportere trægædiorum actoribus, quibus *c vox magna*, bonaque latera debent esse, cum os immodice non diducunt, quod faciunt ii, qui plurima loquuntur, sed supra vires. Dum enim os diducunt, declarant se fatagere verius quam agere.

16. IIS quæ recte dicerentur negabat esse relinquendum locum, velut præclaris artificibus ad spectandum. Contra, auditores dicebat adeo debere esse *d attentos* ad ea quæ differuntur, ut non vacet dare signum approbationis. Dum enim applauditur & acclamatur, perit aliquis audiendi fructus.

17. ADOLESCENTI cuidam multa garrienti, *e Aures*, inquit, *tux in linguam defluxere*: submonens adolescentis esse audire multa, loqui pauca.

18. ALTERI formoso dicenti, sibi non videri futurum ut sapiens amaret, *f Nihil*, inquit, *esset vobis formosis infelicius*. Quisquis enim docet, admonet, instituitque ad virtutem adolescentes, utique amat. Atque is demum verus est amor. Nam qui vulgo dicuntur amare, suum venantur commodum, cum incommodo adamati.

19. DICEBAT plerosque philosophos in multis *αἰσῶπρος εἶναι*, id est, non sapere, sed in fortuitis vulgaribus.

a Pauciloquus. b Obtrectatio. c Vox modesta. d Attentio. e Garrulitas. f Amor verus.

busque rebus esse imperitos : & adjiciebat illud Scapherī, qui cum animadverteret quendam è discipulis vehementer inflatum, percussio illo dixit, *a Bene non est in magno, sed in bene est magnum, & ἐν τῷ μεγάλῳ τὸ ὀφείτῃ, ἀλλὰ ἐν τῷ ὀτὸ μέγα.* Magnum enim est quidquid recte fit : at non statim bonum est, quod magnum.

20. A D O L E S C E N T I confidenter loquenti, *b Non dixerim, inquit, ὁ adolescens qua mihi succurrunt.* Subnotans è sermonis procacia colligi & morum impudicitiam.

21. A J E B A T hominibus *c* nihil magis deesse quam tempus : longe dissentiens ab iis qui bonam vitæ partem perdunt somno, temulentia, nugis & alea, quasi multum temporis supersit homini.

22. I N T E R R O G A T U S quis esset amicus : *d Alter, inquit, ego.*

23. S E R V U M in furto deprehensum cædi jussit : cumque is se sic excusaret ut diceret : sibi fuisse in fatis ut furaretur, *e Et cædi, inquit.* Servus allegabat fatum necessitatem ad excusationem commissi. Eam necessitatem retorfit & ad supplicium, quod ipsum etiam erat in fatis.

24. F O R M A M ajebat esse *f* vocis florem, aut contra : quemadmodum ab aliis refertur, vocem esse formæ florem. Nam loquentis orationem commendat forma, & rursus oratio composita gratiam addit formæ.

25. C O N S P I C A T U S cujusdam è familiaribus puellum notis lividum, *g Video, inquit, animi tui vestigia :* notans illius impudicitiam. In Græcis plusculum est gratiæ, quod θυμός & animum significet, & animi vehementem concitationem aut furorem. Erant autem, ut opinor, suaviis impressæ notæ.

26. I N Q U E N D A M unguentis delibutum, *h Quis est hic, inquit, qui mulierem olet ?* Significans effocinatorum esse unguentis uti.

A a 5

27. D I O-

a Graviter. b Garrulitas. c Temporis parsimonia.

d Amicus. e Salse. f Gratiior est pul. n. i. c. n.

g Nota infania. h Unguenta.

27. DIONYSIO cuidam dicenti, cur me unum omnium non corrigis. *a Non enim*, inquit, *tibi credo*: subindicans sibi non esse spem, illum si corripere fore meliorem.

28. ADOLESCENTEM multa temere garrientem hoc dicto corripuit, *b Ob id binas habemus aures*, *os unicum*, ut plurima audiamus, loquamur paucissima.

29. PTOLEMÆI legatis qui multos eruditos ad convivium invitarant, percunctantibus quid de ipso regi suo essent renuntiaturi, ait, *c Vidisse vos senem qui in convivio tacere noverit*. Cum enim ceteri ad ostentationem multa dixissent, unus Zeno perpetuum tenuit silentium.

30. PERCUNCTANTI quo pacto esset affectus erga convitia, *d Perinde*, inquit, *atque si legatus absque responso dimittatur*. Significans eos qui non habent quod respondeant, ad convitia solere confugere, eosque non plius oportere fieri quam si nihil esset responsum.

31. CUM Crates apprehenso Zenonis pallio eum à Stilponte retrahere niteretur, *e Commodissime*, inquit, *ô Crates, philosophum auribus teneas*: nam si per vim egeris, corpus erit apud te, animus apud Stilpontem.

32. UBI jam profecerat, tamen modestiæ gratia commeabat ad Polemonem, apud quem & in dialecticis exercebatur. Unde Polemon solitus est dicere, *f Non me clam est Zeno*, te per posticum irrepere, furarique dogmata, quibus Phœnicum more indutus es. Notans illum furtim discere gratis, quæ aliis esset venditurus.

33. CUM dialecticus quidam in sermone, quem illi *Δειζοντα*, id est, metentem appellant, ostendisset septem species dialecticas, rogavit quantum posceret mercedis: ac poscenti centum dedit ducentos. Tantus erat amor discendi.

34. CELEBRATISSIMAM Hesiodi sententiam solet invertere. Cum enim ille primas tribuat ei qui

a Libere. b Garrulitas. c Taciturnitas. d Moderatio. e Persuasio pro vi. f Discendi aviditas.

qui per se sapiat, secundas qui recte admonenti obtemperet, Zeno ordine inverso sic pronuntiabat :

a Κεῖν μὴ ἀνάνειν, ὅς οὖ ἐιπὼν τι πίπτει,
 Ἐσθλὸς δ' οὖ καὶ κεῖν, ὅς αὐτὸς πάντα νήσῃ.

Id est :

Optimus ille quidem qui paret recta monenti,

Sed probus ille quoque est, qui noverit omnia per se.

Addebat caussam, quod qui ex se nosset omnia, nihil haberet præter intelligentiam : at qui recte monenti pareret, præter intelligentiam haberet etiam affectum. Nam parere dicitur, qui quod dicit optimum esse, facit.

35. R O G A T U S, cur cum esset natura severus, in convivio tamen hilaresceret, lepide respondit, *b* *Et lupinum cum sit suapte natura amarum, tamen aqua maceratum dulcescere. Naturale est, cibo potuque rigato corpore, discuti tristitiam.*

36. D I C E R E solet, *c* satius esse labi pedibus quam lingua, eoque convivia quantum poterat vitabat, quod ibi solitus vino & aliorum fabulis provocatus, facilius labi posset.

37. D I C E B A T, τὸ οὖ, γίνεσθαι ὡς καὶ μικρὸν, & μὴν μικρὸν ἔτι, id est, *d* *ut aliquid fiat bene, nasci quidem paullatim, sed tamen non esse paullum.* Quanquam hoc quidam adscribunt Socrati.

38. Q U I B U S D A M sic excusantibus luxuriam suam, ut dicerent se ex eo quod abundaret facere sumptum, argutissime respondit, *e* *Ignosceretis ne coquo, si cum opsonia plus aquo salsa daret, diceret sibi copiam esse salis?* Sentiens victum non esse moderandum ex rerum copia, sed ex usu ac necessitate naturæ.

C L E A N T H E S *Affius.*

1. A N T I G O N O discipulo roganti cur sordidam operam præstaret hauriendo aquam è puteo, unde per jocum pro Cleanthe dictus est φρεάντης, ita respondit,

A a 6

Num

a *Correctio.* *b* *Hilaritas in convivio.* *c* *Lingua lubrica.*

d *Adde pusillum pusillo.* *e* *Profusio.*

a Num haurio tantum, an non & fodio, & rigo hortum, denique nihil non facio philosophia causa? Alius negasset factum, philosophus auxit quod objiciebatur, gloriæ sibi ducens quod ille vertebat probro.

2. COLLECTAM pecuniolam aliquando projecit coram familiaribus, dicens, *b* Cleanthes alterum Cleanthem alere posset si vellet.

3. ASINUS appellatus agnovit convitium, dicens, *c* se solum esse parem ferendæ Zenonis sarcinæ. Sive quod Zenoni non multum esset suppellectilis, sive quod unus illius austeritate nihil offenderetur.

4. CUIDAM illi probri causa objicienti quod esset timidus, *d* Ideo, inquit, minimum pecco. Bona est timiditas quæ deterret à turpibus, & reddit hominem circumspectum.

5. SUAM vitam divitum vitæ solet hoc nomine præferre, *e* Dum illi, inquit, pila ludunt, ego fodiens duram humum exerceo.

6. INTERDUM cum foderet, solet seipsum increpare. Id forte admiratus Ariston. Quem, inquit, crepas? Tum Cleanthes ridens, Senem, inquit, qui canos quidem habet, sed mentem non habet: seipsum innuens.

7. CUIDAM reprehendenti Arcesilaum, quod officia vitæ tolleretur, *f* Desine, inquit, hominem vituperare. Nam ille licet dictis tollit officia, tamen factis commendat. Id audiens Arcesilaus. Non moveor, inquit, adulatione. Hic Cleanthes, Scilicet, inquit, adulator tibi, dicente aliud loqui, aliud facere. Cleanthes mitigavit dictum obtestatoris, sed ita ut à crimine inconstantia non liberaret Arcesilaum. Turpissimum enim est philosopho secus docere quam vivere. Si vita proba est, cur docet diversa? Si doctrina sana est, cur eam secus vivendo refellit?

8. CUIDAM ab eo petenti dictum aliquod, quod crebro occineret filio suo, protulit illud ex Electra, *g* σίγα, σίγα λιπτόν ἔχῃ. id est, Tace, tace tenue vesti-

a Discendi aviditas. *b* Industria. *c* Tolerantia. *d* Timiditas laudata. *e* Labor. *f* Libere. *g* Silentium.

vestigium. Innuens pueris maxime convenire silentium.

9. CUM audisset à Lacone quodam probari laborem, delectatus eo dicto subiecit hemistichium Homericum:

a Αἵματος εἰς ἀγαθὸν φίλον τέκος,

Id est:

Sanguine præclaro satus es carissime fili.

10. DISSERENS adolescenti cuidam, quem videbat parum attentum, rogavit sentiret ne. Illo affirmante se sentire, b cur igitur ego non sentio te sentire? Solent enim qui intelligunt, oculis ac gestu, interdum & verbis significare se quæ dicuntur intelligere.

11. SOSITHEUS poëta coram populo Cleanthem præsentem hoc carmine proscidit. Οὐς Κλεάνθης μωρία βουλατῇ. Id est, Quos Cleanthis fatuitas agitat. Interpres vertit insania: unde pro moria legisse videtur μωρία. Nec tanto convitio tactus, quidquam mutavit de vultu, qua patientia delectati auditores, applaudentes philosopho, Sositheum ejecerunt. Cum Sositheus diceret, se poenitere quod illum aspersisset, respondit Cleanthes, c Absurdum fore, si cum poëta frequenter illudant Libero patri & Herculi, nec illi succenseant, ipse ob leve convitium indignaretur. De diis enim multa probrosa scripsere poëta, veluti cum Bacchum faciunt mollem, timidum, ac temulentum: Herculem faciunt servientem Omphalæ usque ad sandalio commitigatum caput.

12. PERIPATETICIS dicebat idem accidere quod d lyris, quæ cum aliis bene sonent, seipsas non audiunt. Sentiens opinor illos licet aliis verbis idem docere quod Stoicos, & tamen ipsos id non animadvertere. Potest & hic accipi sensus: Peripateticos præclare docere, sed vitam à doctrina discedere.

13. EX sententia Zenonis dicebat hominis mores è specie posse deprehendi. Id ut confutarent adolescentes aliquot faceti, cinædum in agro duratum adduxerunt ad Cleanthem, postulantes ut è specie de moribus

A a 7

pro-

a Labor. b Attentio. c Moderatio. d Vita à verbis dissentiens.

pronuntiaret. Reperit manus callosas & cutem sole adustam. Itaque cum aliquandiu siluisset, jussit hominem abire. Ille digressus sternutamento concussus est: mox Cleanthes, *a* *Habeo*, inquit, *hominem, Molis est*. Non enim facile sternutant, qui semper sub dio vivunt.

14. CONSPICIENS quendam solitarium ac secum loquentem, *b* *Haud*, inquit, *loqueris cum homine malo*. Quidam ita referunt. Vide ne cum homine improbo loquaris. Malis enim periculosa est solitudo.

15. AD quendam contumeliæ causâ objicientem senectutem, *c* *Et ego*, inquit, *abire cupio, verum ubi reputo me omni ex parte sanum, sive legendum est, sive scribendum, rursus maneo*. Significans se quidem haud quaquam esse vitæ cupidum, verum ob senectutem neminem debere è vita decedere, donec vires suppetunt ad vitæ munia.

16. INTUMUERAT illi gingiva, cui malo bidualo jejuniō sic medicatus est, ut jam veluti sano medici omnia consueta permitterent. Sed ille perseveravit abstinere, dicens sibi jam esse confectum viæ principium. Itaque periit.

17. SENTENTIAM hanc, Φίλοις τε δ' ἔναί, σῶμα γὰρ εἰς νόσους πεσόν.

Δαπάναισι σώσει.

Id est:

Largiri amicis, corpus in morbos cadens

Impendiis servare: correxit hunc in modum:

d Πόρναις τε δ' ἔναί, σῶμα γὰρ εἰς νόσους πεσόν

Δαπάναις ὀππείψαι.

Id est:

Donare scortis, corpus in morbos cadens

Impendiis conterere.

Prior enim sententia tendebat ad mollitiem, quam nudavit Cleanthes.

S P H Æ.

a Physiognomon. *b* Solitudo. *c* Senectus vegeta.

d Correctio.

S P H Æ R U S *Bosphoranus*,

Ceanthis discipulus.

18. CUM diceret, opinionem non cadere in sapientem, rex Ptolemæus cupiens hoc paradoxon ipsa re confutare, curavit mala punica veris simillima ex cera confecta apponi in convivio. Ad quæ cum Sphærus deceptus porrigeret manus, rex exclamavit, illum falsæ speciei fuisse assensum. Ad id dextre Sphærus, *a Non sc,* inquit, *assensus sum ut crederem esse mala punica, sed probabile putarem esse mala punica.*

19. REPREHENDENTI Mnesistrato, quod Ptolemæum non appellasset regem, *Immo,* inquit, *cum talis sit, tamen regem esse fateor:* indicans illum esse nomine regis indignum, se tamen cognominis honorem illi non invidere.

C R Y S I P P U S *Solenfis:*

1. DE hoc dictum est, si dii vellent uti dialectica, non alia usuros quam Chrysispea.

2. IN quodam opere toties citarat versus Euripidis ex Medea, ut ibi tota fabula fuerit inspersa. Hunc librum quidam portans, & rogatus quid ferret, *b Cry-* sippi, inquit, Medeam.

3. ERAT illi statua pro corporis modo tenuis at pusilla, quam eques vicinus fere occultabat: Unde Carneades per jocum dicere solet, *c* eum non esse Chrysippum, sed *κρύψιππον*. Nam Chrysippus ab aureo equo dicitur, Chrypsippus à *κρύπτω*, quasi dicas ab equo occultatum.

4. CUIDAM reprehendenti, quod non apud Aristonem cum pluribus daret operam philosophiæ, *d Nunquam,* inquit, *philosopharer, si cum pluribus auscultarem.* Dictum lepidius est apud Græcos, quod *πολλοὶ*, interdum sonat multi, interdum vulgus hominum. Sensit non statim esse optima, quæ placent cum plurimis.

5. AD dialecticum quendam Ceanthi multis ac

pro-

a Argute. b Salse. c Jocus ex nomine. d Pauci.

prolixis sophismatibus obstrepentem, *a* Desine, inquit, senem à magis ad rem pertinentibus avocare, sed vobis junioribus ista proponito.

6. IN conviviiis cætera quietus, tantum ex more agitabat crura. Unde famula quæ illi inserviebat, dicere solet, *b* Chryssippi sola crura inebriari.

P Y T H A G O R A S.

7. DICEBAT *c* vitam humanam esse similem pægyri, hoc est solemni hominum conventui: ad quem alii conveniunt certaturi, alii negotiaturi, non nulli spectatores modo futuri. Ac cæteros quidem omnes esse sollicitos, solum spectatorem tranquillum frui celebritate: hunc spectatorem ajebat esse philosophum, qui non ob aliud in hoc mundi theatrum prodidisset, quam ut naturas rerum ac mores hominum contempleretur.

8. ROGATUS à quodam, quando esset congregandum cum fœmina: *d* Cum voles, inquit, teipso fieri debilior. Multa Venus enervat hominem.

9. ADMONEBAT discipulos, ut quoties è negotiis diurnis vesperi domum ingrederentur, versiculum hunc apud se repeterent:

Πᾶν παρέβην; τί δ' ἔρεξα; τί μοι δέον ἐκ ἐτελεύτη;

10. AJEBAT in civitates *e* primum irrepisse delicias, mox saturitatem, deinde violentiam, postremo exitium.

11. THEANO Pythagoræ uxor, rogata quando mulier esset munda à viro, respondit, *A* suo semper, ab alieno nunquam. De Pythagoræ symbolis non pauca diximus in Chiliadibus, quo minus heic libuit ea repetere.

EMPEDOCLES Agrigentinus.

12. CUM videret cives suos deliciis deditos, sumptuose tamen ædificare, dixit: *f* Agrigentini sic indulgent voluptatibus, quasi posttridie morituri: sic ædificant quasi semper victuri.

HE-

a Juvenum est dialectica. *b* Facete. *c* Philosophus, mundi spectator. *d* Venus. *e* Graviter. *f* Graviter.

H E R A C L I T U S *Ephesus.*

13. D I C E B A T *a* injuriam magis extinguendam quam incendium. Ex levissimis offensis si negligantur, nascuntur atroces tragoediae, sed ad restringendum incendium accurrunt omnes, gliscenti vero simultati citius addunt irritamenta.

14. D I C E B A T cives non minus oportere pugnare pro legibus quam pro mœnibus. Quod absque legibus nullo pacto possit esse civitas incolumis, absque mœnibus possit.

15. R E M P. ut deploratam contempserit, eique dare leges cum rogaretur, recusavit. Secessit autem in templum Dianæ, ibique cum pueris ludebat talis. Circumstanti & admiranti populo, *b* Perditi, inquit, *an non praestat hoc agere, quam vobiscum Rempublicam administrare?*

16. I N T E R R O G A T U S aliquando, cur sileret, *ut vos*, inquit, *loquamini.*

X E N O P H A N E S *Colophonius.*

17. E M P E D O C L E dicente, sapientem inveniri non posse, *c* Et merito, inquit, *nam sapientem esse oportet, qui agnoscat sapientem*: notans illum qui hoc dicebat, suo vitio non invenire sapientem.

18. D I C E B A T, τοῖς τυράννοις ὀμνλεῖν ἢ ἡδίστη. Id est, *cum tyrannis congregiendum aut jucundissime, aut minime.* Nihil est violentius aure tyranni, ait Satyricus: apud bonos etiam principes admonendi libertas verbis placidioribus est temperanda. Id qui non potest, abste-
neat ab illorum congressu.

D E M O C R I T U S *Milesius.*

1. I G N O T U S venit Athenas, & colloquio de philosophia cum Socrate habito dixit, *d* Hic philosophus similis est Pentathalo, quod calleret naturalia, moralia, mathematica, ad hac disciplinas quas ἐγκύκλις vocant, denique omnium partium peritiam.

2. H U J U S fertur & illud, λόγῳ ἔργῳ σκίῃ, id est,
Oratio

a Initium obstandum, *b* Libere. *c* Salse. *d* Multifidus.

a Oratio operis est umbra. Significans ex egregiis factis nasci laudes hominum eloquentium, non contra. Primam oportet igitur esse curam factorum, gloria consequitur ultro.

3. D I C E R E solet, *b* si corpus animum in jus vocaret, haud quaquam futurum ut ille muneris male administrati crimen effugeret. Animus in corpore veluti præsidio collocatus est, & tamen pleraque mala corpori ab animo veniunt.

4. C U M arroderet cucumerem, sensit humorem esse mellei saporis, rogavitque famulam, unde emisset, illa nominavit hortum. Surrexit Democritus, *c Et duc me*, inquit, *eò, ac locum indica.* Demirante muliercula quid sibi vellet, *Ut*, inquit, *dulcedinis causam inveniam, inventurus, si locum inspexero.* Hic muliercula ridens: *Quiesce*, inquit, *ô bone.* Nam ego imprudens cucumerem immiseram in ollam mellitam. At ille offensus, *Molestus es*, inquit, *ego tamen incumbam, quarumque causam: quasi cucumeri peculiaris sit ac genuina dulcedo.* Sit hoc exemplum studii indefatigabilis.

5. D I X I T pretiosissimum impendium esse tempus, *d πολυτέλεστον ἀνάλωμα χρόνου.* Citat Plutarchus in vita Antonii. Quamquam hoc dictum compluribus tribuitur.

6. C U M apud Dionysium quæreretur quod æris genus esset omnium optimum, *e Ex quo*, inquit, *Athenienses statuas fecerunt Harmodio & Aristigiton:* nimium libere significans tyrannos è medio tollendos. Nam ob ejectos tyrannos Athenienses illis statuas erexerunt. Hoc, ni me fallit memoria, alteri cuidam adscribitur.

A N A X A R C H U S.

7. A N A X A R C H U S Abderites philosophus invisum habuit Nicocreontem Cypri tyrannum: itaque cum in cœna quadam Alexander rogasset, qualis illis videretur, *f Præclara*, inquit, *sed oportuit & Satrapæ*
cujus-

a Gloria ex benefactis. b Graviter. c Studium. d Temporis parsimonia. e Libertas immodica. f Libertas immodica.

ujusdam caput apponi : oculos detorquens in Nicocreontem qui aderat.

8. ALEXANDRO mortuo, cum Anaxarchus tempestate esset delatus in Cyprium, Nicocreon memor contumeliæ, philosophum arreptum in mortarium coniecit, ferreis pistillis contundi jussit. Hic illam vulgo celebratam vocem emisit, *τύπῃ τ' Ἀναξάρχου δούλακον, Ἀναξάρχου δ' ἔπληπεις*, id est, *a tunde Anaxarchi mantisam, nam Anaxarchum non percutis*. Sentiens corpus non esse partem hominis, sed animi domicilium tantum. Animus autem non potest tundi.

9. CUM videret ex Alexandri vulnere, quod ictu sagittæ acceperat, manare sanguinem, dixit versu Homérico: *Τὸ πὺρ μὲν αἷμα, καὶ ἐκὶ χώρ' οἶσα πέρτερ ἐξ μακάρων θεῶν*. Id est, *b Hic quidem sanguis est, non ille liquor, qualis divis solet ire beatis*. Admonens regem suæ conditionis, qui pro Deo affectabat haberi. Quanquam hoc quidam non ab Anaxarcho, sed ab ipso Alexandro dictum tradunt.

10. IN convivio cum Anaxarchus Alexandro propinaret, ostenso calice prædixit fore, ut vulnus acciperet, abutens ad id versu Homérico: *Βεβλήσεται τις θεῶν βροτῶν ἄλλ' ἄλλ' ἔχει*. Id est, *c Ferietur aliquis mox Deum humana manu*.

11. CUM à Cypriorum tyranno Nicocreonte torqueretur ut conscios proderet, post multa in regem dicta convitia, tandem per iracundiam & linguæ amputationem minanti. *d Non erit*, inquit, *effeminate adolescens hac quoque corporis mei pars tua ditionis*: simulque dentibus abscissam & commanducatam linguam in os ejus ira patens expuit.

12. CUM Alexandrum se ob Cliti necem discredulam videret, *e Clito*, inquit, *contigit justitia qua diis assidet*: persuadere cupiens quidquid a rege fieret, jus fasque esse. Nam & Alexander pro Deo se haberi sustinebat.

Z E N O Eleates.

13. ZENO accusatus quod conjurasset in perniciem
Nea-

a Fortiter. b Libere. c Divinatio. d Silentii fides.

e Adulanter.

Nearchi tyranni, cum in quaestionibus juberetur edere nomina conjuratorum, nominavit plerofque illi amicissimos. De his cum tyrannus sumpsisset supplicium, rogaretque num quis superesset etiam, *a Tu solus*, inquit, *Reipublica perniciēs*. Tandem & linguam dentibus inputatam in os tyranni, quod ob iracundiam habebat, exspuit.

14. CUM maledictis laceffitus incandesceret, reprehensus quod philosophus verbis improborum commoveretur, *b Si convitia*, inquit, *a quo animo admisero, ne laudes quidem sentiam*. Lapidis est non sentire di' crimen inter laudantem & vituperantem: sed philosophi est non ita commoveri, ut ab honesto recedat.

15. CUM ascenderet in theatrum cithara canente Amœbeo, versus ad discipulos, dixit: *c Eamus, ut pernoscamus, quam vocem, quemque concentum edant intestina, nervi, ligna, & ossa, quibus adest ratio, numerus & ordo*. Si in rebus inanimis tantum valent illa, quanto plus vabunt si in omni hominis vita servantur.

16. DICEBAT *d* è suis quenque insomniis apprehendere posse quantum in philosophia profecisset: si nihil illic vel appeteret vel faceret nefariæ rei. Tum enim animus in profunda tranquillitate constitutus veros affectus prœdit. Contra, quæ vigilantes non audent profari aut agere, ea noctu occurrunt in somnis.

P Y R R H O *Elienſis.*

17. DEPREHENSUS aliquando solus, ac secum loquens, rogatus quid solus ageret, *e Meditor*, inquit, *esse probus*. Sentiens ad id utilem esse solitudinem, inutilem turbam.

18. CUM objurganti sororem Philestam, quidam objiceret quod oblitus esset suæ professionis (docebat enim omnia esse indifferentia) sic elusit, *f Non enim*, inquit, *in muliercula declarabitur indifferentia*.

19. RURSUS cum canem invadentem repulisset, idem objicienti respondit, *g perdifficile esse prorsus hominem*

a Fortiter. b Ira sapientis. c Harmonia vite. d Somnorum observatio. e Solitudo. f Facete. g Homo.

animum exuere. Maluit agnoscere lapsum humanum, quam dogma rescindere.

20. I N tempestate conspiciens ceteros animo esse dejectiores cum ipse nihil moveretur, ostendit porcellum in navi secure edentem, dicens, *a* oportere sapientem eam animantis imitari securitatem.

21. A D M I R A R I solet illum Homeri versiculum præ ceteris, Οἷα περ φύλλων ᾗκει, τοῖσι δὲ καὶ ἀνδρῶν. Id est, *b* Tale quidem genus est hominum, quale est foliorum. Quod aliis defluentibus alii succedant: Sentiens in rebus humanis nihil esse diuturnum, aut stabile.

T I M O N Nicaus.

22. G A U D E B A T hortotum secessibus ac solitudine, unde Hieronymus Peripateticus de illo dixisse fertur, *c* Quemadmodum apud Scythas & qui fugiunt, & qui insequuntur, torquent sagittas: itidem inter philosophos, alios persequendo discipulos capere, alios fugiendo. Sequitur fama fugientem, & ob id ipsum avidius expetitur qui scholam vitat.

23. C U M vidisset Arcesilaum inter assentatores euntem, *d* Quid tu, inquit, venisti huc, ubi sumus nos, qui liberi sumus?

24. I N quendam omnia mirantem, ita ludit, *e* Quin & illud miraris, quod cum tres simus, quatuor habemus oculos. Timon enim luscus erat, unde & Cyclops dictus est, & discipulum habebat luscum Dioscoridem. Meminit hujus & Socrates alicubi apud Platonem.

X E N O P H O N.

25. D I C E B A T esse prudentis cordatique viri, etiam *f* ab inimicis utilitatem capere. Vulgatum est, neque solem, neque aquam, neque ignem magis utilem esse hominibus, quam amicos. Sed ingenii philosophici est, quemadmodum periti medici ex bestiis ac serpentibus noxiis utilia quædam remedia colligunt, ita ex inimicorum odio decerpere aliquid quod vertat in suum bonum.

26. D I-

a Securitas philosophica. *b* Vita furax. *c* Capere fugiendo. *d* Libertas. *e* Facete. *f* Utilitas ex inimicis.

26. DICEBAT tum inaxime *a* colendos esse deos, cum homini res sunt secundæ, ut cum incideret necessitas, confidenter illos imploremus, utpote benevolos jam & amicos. Recte Xenophon: sed vulgus hominum contra facit: in felicitate profunda est divorum oblivio: cum urget calamitas, tum deinum ad illos confugimus.

STRATO *Physicus.*

27. QUIBUSDAM objicientibus quod Menedemus plures haberet auditores quam ipse, *b* *Quid mirum, inquit, si plures reperiuntur, qui lavari cupiunt, quam ungi?* Unguntur qui se parant certamini. Subindicavit Menedemi philosophiam esse dilutam, ac facile inveniri qui audiant de virtute differentem, per paucos autem qui virtutem exerceant. Nam huc provocabat Strato.

PHOCION *Dux Atheniensis.*

28. HUNC cum pro concione dicentem quidam petulantissime maledicus interpellaret, multis convitiis in illum debacchans omisit quod coeperat, locumque dedit maledico. Postea quam ille vix dicendi fecisset finem, Phocion reversus in suggestum, placido vultu perinde quasi nihil esset dictum, coeptam orationem prosecutus est: *c* *De pedestribus, inquit, copiis audistis, superest ut de velitibus ac levis armatura milite dicam.*

29. CUM adhuc floreret Leosthenes, interrogatus ab oratoribus, quid ipse boni fecisset Reipublicæ. Nihil aliud, inquit, nisi quod donec ego vobis fui dux, nuli dicta est oratio funebris, sed omnes vita defuncti in majorum monumentis sepulti sunt. Alii jactabant cruentas victorias, Phocion existimabat egregii ducis esse, sic administrare rem militarem, ut nulli aut quam paucissimi cives perirent. Mos autem erat Athenis, eos qui in acie cecidissent, apud populum laudare, ac cenotaphia erigere.

a Divorum cultus. b Virtutis usus. c Moderate.

APOPHTHEGMATUM

LIBER VIII.

PRÆFATIO.

NUNC à philosophis ad sophistas, hoc est quod dici solet, ἀπὸ τῶν σοφῶν ἐπὶ τοὺς σοφιστὰς tranſeamus : quod genus hominum miror olim in deliciis fuiſſe : non vulgo tantum, ſed ſummis etiam principibus, cum nec eſſent germani poëtæ, nec ῥητορὶ rethores, nec ſynceri philoſophi, ſed tamen hominum omnium ſimii, tantum ad captandam auram popularem, ac linguæ modulatu deliniendas otioſæ multitudinis aures compoſiti, ſi paucos tamen excipias. Unde mirum quam horum dicta frigeant præ philoſophicis aut etiam poëticis, ut interdum & paraſiti & meretrices dicere videantur argutiora. Sed hic liber habet præterea variam dictorum ſatyram, in quibus forſaſſe reperiſſes juxta poëtam epigrammaticum, quædam bona, quædam mediocria, ſed mala plura. Verum ut moleſtus eſt convivator, qui præter modum laudat ea quæ apponit : ita civilitatis eſt partius extenuare appatatum : eo quod & qui laudat, & qui deſicit immodice, diverſa quidem via, ſed tamen pari ſtudio venari gratiam videatur. Sit igitur hoc lectoris judicium. Nos ſimpliciter τὰ παρ' ἡμῶν apponemus.

LEO *Bizantius ſophiſta.*

I. VENIT Athenas populo diſſidiis tumultuanti concordiam ſuaſurus. Ubi prodieſſet in ſuggeſtum corpore admodum puſillo, omnium riſus obortus eſt. Ille fortuitam occaſionem vertens in proœmium, a *Quid,* inquit, ὦ viri *Athenienſes*, ſi conſpiceretur uxorem meam, quæ tam puſilla eſt ut vix pertingat ad gēua mea. Ad hanc vocem cum major etiam populi riſus ſublatus eſſet,

a *Solerter.*

esset, subiecit. *At nos tam pusillos, si quando diffidemus, vix civitas Byzantium capere potest.* Ita ferme Plutarchus in præceptis politicis. Sed eandem fabulam multo aliter narrat Philostratus in Sophistis. Nempe cum prodisset ad populum dicturus de concordia, ipsa statim specie risum movit populo, quod obesus esset, ac ventris prægrandi. At ille nihil turbatus risu multitudinis. *Quid, inquit, ridetis viri Athenienses? Uxor mihi est me multo obesior, & tamen concordet unus capit lectulus, discordes ne tota quidem domus.* Quod refert Philostratus, & probabilius est & festivius.

2. CUM Philippus adornaret bellum adversus Byzanticos, Leo adiit illum percunctatus hunc in modum, *a Quid, inquit, accidit tibi Philippe, ut bellum instituas?* Ut, inquit, tua patria civitatum pulcherrima huc adducatur, ut intelligat se à me diligi, eo-que ad fores amasiorum meorum venio. Ad hæc Leo, *At qui redamari cupiunt, haudquaquam cum gladiis venire solent ad fores amasiorum. Amantes enim non egent bellicis instrumentis, sed civilibus.* Hoc dicto in diversum flexo regis animo patriam suam liberavit. Ita Philostratus.

3. PASIADI obijcienti lippitudinem oculorum, *b Corporis, inquit, vitium exprobras, haud videns filium tuum Nemefim bajulantem.* Erat enim Pasiadi filius contractis humeris. Nemefim autem dixit redargutionem insolentiae, quam veteres fingeant esse deam. Imprudenter in alterum torqueat convitium si in promptu sit quod ipsi vicissim obijciatur.

I O N *Sophista.*

4. DICEBAT rem morosam esse *c* ægrotationem. Nam ægrotis & uxor molesta est, & medicum incusant, & lectulum moleste ferunt. Et amicis autem, & qui accedit gravis est, & qui discedit molestus. Sic animus ægrotus & lætis & tristibus offenditur.

PRO-

a Admonitio commoda. b Convitium retortum.

c Animus ægrotus.

PROTAGORAS *Abderita a d d*.

5. DICEBAT *a* de diis nihil certo sciri, sint, an non sint: ob id libri illius in foro exusti sunt, quod do-
cerent impietatem. Ne quis arbitretur novi exempli
rem esse, quod nunc exurantur libri hereticorum.

6. EVATHLI discipuli dilemma quo modo apud
iudices in ipsum retorserit, notius est, quam ut sit hoc
commemorandum.

THEODORUS *Atheniensis,*
cognomento a d d.

7. OBJICIENTIBUS quod doctrina ipsius multi
redderentur deteriores, respondit, *b* id aliorum vitio ac-
cidere, qui doctrinam ipsius sinistra exciperent, cum ipse
dextera porrigeret. Hoc hominum genere hisce tempo-
ribus plenus est mundus, quibus nihil tam circumspecte
dici potest, quod non depravent, aut calumnientur. Re-
fert Plutarchus libro de animi tranquillitate.

FAVORINUS.

8. IN Favorinum sophistam hæc tria jaçtata sunt, ut
miranda, vixque credenda. *c* Cum Gallus esset, scire Gra-
e: cum Eunuchus, accusatum fuisse de adulterio, postremo,
quod cum imperatore similitatem gerens, viveret.

9. HUIUS æream statuam dejecerant Athenienses,
ut hominis Cæsari inimicissimi. Erant enim Athenien-
ses vestigales Hadriano Cæsari. Id postea quam ei nun-
tium est, nihil commotus dixit, *d* Utilius erat Socrati
ab Atheniensibus area privari statua, quam bibere cicutam.
Contempsit statux jaçturam, vita incolumi.

ÆSCHINES.

10. ÆSCHINES cum Rhodi exul recitaret ora-
tionem suam adversus Demosthenem, Rhodii demirati
sunt quod tali oratione fuisset damnatus ab Athenien-
sibus, *e* At desineretis, inquit Æschines, admirari,

Bb

si au-

a Impie. *b* Interpretatio sinistra. *c* Prodigiosa. *d* Ho-
nor detractus. *e* Civiliter.

si audissetis qua ad hac respondit Demosthenes: mira civilitate & se exemit à crimine, & iudices excusavit, damnationis injustæ causam rejiciens in violentiam eloquentiæ Demosthenicæ. Ita ferme Philostratus: Deincum recitatam Demosthenis orationem omnes supra modum admirarentur, Quid, inquit, si ipsam bestiam audissetis sua verba resonantem? Sentiens in Demosthene magnam Demosthenis partem abesse, si quæ scripsit ab alio recitarentur.

N I C E T E S.

11. N I C E T E S Smyrnæus sophista Telonæ cuidam in judicio vehementius incandescenti, dicentique. Desine latrare in me: admodum false respondit, *a* *Sitæ desinas mordere.* Nam utrumque canum est.

I S Æ U S Sophista.

12. I S Æ U S sophista Assyrius cum primam ætatem dicasset voluptatibus, simul ut ad virilem pervenit, velut alius subito factus, miram induit morum severitatem. Itaque percunctanti cuidam num illa, fœminam ostendens, videretur formosa, *πέπρωμαι*, inquit, *ὅς σε μῶν*, id est, *b* *desii laborare ab oculis.* Ab altero quopiam interrogatus, quis piscis, aut quæ avis esset ad vescendum suavissima? *πέπρωμαι*, inquit, *τῶντα πικρὰ ζῶν*, id est, *ista curare desii.* Et adjecit, *ζῶντα γὰρ τὸς Τανταλὸς κήπες τευγῶν*, id est, *c* *sensi enim me è Tantali hortis fructus celligere.* Subindicans omnes ejusmodi voluptate quibus juvenus capitur, nihil aliud esse quam umbra ac somnia, qualia de Tantalo fabulantur poëtæ.

13. L A C E D Æ M O N I I S periclitantibus, ac dicitate mœnibus cingenda consultantibus, Homericum carmen recitavit, *-d' Ἀπὸς ἄρ' ἀπὸς ἔπειθε, κόρυ κόρυ, ἀνέγχε δ' ἀνέγχε.*

Id est:

Scutum hæsit scuto, galeæ galea, atave viro vir.

Et adjecit:

Sic mihi state Lacedæmonii, & muris cincti sumus.

14. P Y

a Salse. b Pudice. c Sobrie. d Concordia.

14. PYTHONIS proditoris accusationem trius dictis absolvit, *a* Coarguam Pythonem, inquit, proditienis, oraculo à deo reddito, populo qui vincit, Philippo qui dimisit. Græca sunt lepidiora, ἐλέγξω πύθωνα, ἀναζώξω τὸν χρίσαντα πύθωνα, τὸν δῆσαντα δῆμον, ἀναζώξω τὸν φιλιππον. Neque enim Deus pronun-asset oraculo, nisi talis esset, neque populus vinxisset, nisi talis fuisset: neque rex abiisset, nisi eum cuius gratia venerat non reperiisset, aut rex è castris illum non dimisisset.

SCOPELIANUS.

15. SCOPELIANUS eos qui convitiis agerent, contumeliantes sese hoc pacto declarare animi magnitudinem, *b* aniculas appellare solet, non tantum ebrias, sed & rabidas.

16. POLEMONI objicienti quod inter dicendum pulsaret tympanum, *c* Tympanizo, inquit, sed Ajacis more: haud insitians se in agendis causis interdum uti verbis ac figuris vehementioribus, at non inani strepitu, sed ad causæ patrocinium accommodis.

DIONYSIUS *Sophista.*

17. DIONYSIUS sophista familiaribus dicere con-venit, mel summo digito, non cava manu gustandum esse. Sentiens voluptates quam parcissime admittendas.

POLEMON *Sophista.*

18. ANTONIUS imperator absente Polemo occuparat domum illius, velut omnium apud Smyrneos pulcherrimam. At Polemon noctu reversus è peregrinatione, pro foribus clamavit, se indigna pati, qui propriis ædibus arceretur. Cognovit imperator ac cessavit. Post ubi Romam venit Polemon, imperator civi-ter illi exprobrans quod acciderat, *d* Date, inquit Polemoni diversorium, nec quisquam illum ejiciat. Mox strigilio quidam tragœdiarum, ex Olympio Asiæ, cui

Bb 2

erat

a Brevilocus. *b* Convitia anicularum. *c* Vehementia in dicendo. *d* Libere.

erat præfectus Polemon, appellavit Antonium Casarem adversus Polemonem, quod protinus initio fabulæ ab illo fuisset ejectus è scena. Percunctatus est Cæsar, quo tempore fuisset ejectus: cumque is respondisset, circiter meridiem, admodum urbane respondit. At me quidem eiecit circa medium noctis, nec tamen appellavi judicem.

19. CUM laboraret morbo articulari, Pergami in templo obdormiit: huic apparuit Æsculapius, jubens ut à frigido potu abstineret: ad quem Polemon, *a O Preclare*, inquit, *quid autem si bovem curares*: subindicans jam diu assuetum duris, frustra vocari ad delicias.

20. PROCONSUL torquebat prædonem quendam, cumque dubitaret quod supplicii genus esset d illo sumpturus, superveniens forte fortuna Polemon *b Facere*, inquit, *illum ediscere veterum scripta*. Ipsi quidem Polemon multa edidicerat, sed in exercitatione nihil ducebat laboriosius ac molestius quam ediscere: eoque Fabius jubet hoc tædium protinus à pueris devorari.

21. OCCURRENS sophistæ cuidam, intestina manides pisces & alia quædam vilia portanti opsonia *c O vir egregie*, inquit, *non potest Darii & Xerxis animus recte actione exprimere, qui talibus utitur cibus*.

22. TIMOCRATI philosopho apud Polemonem dicenti. Favorinum esse loquacem. *d Et omnis*, inquit *anus*. Notans in Favorino corporis habitum, quod esset eunuchus. Visus est excusare vitium, sed re vera conduplicavit.

23. HISTORIONEM tragœdiarum qui in Olympiis, ô Jupiter, pronuntiaret, ostensa terra: ô terra manu in cælum projecta, submovit à præmiis (præfidebat enim ei certamini) dicens, *e hic manu commisso læcisumum*.

24. CUM articuli morbo lapidescerent, medicus admonuit ut effoderent, inciderentque Polemonis lapidicinas. Dicebatque. *f Comedendum est, manus non habet*

a Assuetudo. b Facere. c Cibus. d Salsè. e Gestus. f Focus in morbum proprium.

heo : ambulandum est , pedes non habeo : dolendum est , manus habeo & pedes.

25. CURARAT ut vivus inferretur sepulchro , ac miliariibus quibus datum erat negotium occludendi monumentum , *a* Obde. , inquit , obde , ne me sol cernat centem.

SECUNDUS *Sophista.*

26. TALE declarationis argumentum erat propositum. *b* Qui seditionem moverit , moriatur : qui sedarit , præmium ferat. Quidam & moverat & sedarit , petit præmium. Hanc questionem paucis absolvit. quod est prius ? movisse : quod posterius ? sedasse. Itaque prius da poenas moræ seditionis , ac deinde si potes , accipe præmium recte factorum.

GORGIAS *Sophista.*

27. GORGIAE sophistæ palam exhibenti sese ad respondendum quod cuique libuisset proponere , Xenophon non ille Socraticus , sed alius quidam invidens , diit illum , atque hanc proposuit questionem , Dic mihi , Gorgia , quamobrem fabæ ventrem inflent , cum vinem non inflent. Ad quem placide Gorgias , *c* Istiuc quidem tibi dispiciendum relinquo : ceterum illud jam olim cognitum habeo , terram adversus istiusmodi homines provocare feru'as.

28. DICEBAT *d* tragœdiam esse deceptionem , ut qui alterum decepisset , & eo qui non decepisset : qui deceptus esset , sapientior foret eo qui non esset deceptus. Fallit enim tragœdia tractans argumenta conficta : sed adeo scite , ut vera credantur. Justior autem ille videtur qui fallendo prodest : & sapientior est qui per veras fabulas discit , quid sit turpe , quid sit honestum. Refert Plutarchus de Poëtis audiendis.

HERODES *Sophista.*

29. HERODES in accusatorem , qui de causa pauca , de generis sui claritate multa jactarat , *e* Tu ,

B b 3

inquit.

a Industria. *b* Argute. *c* Frivola questiones. *d* Poësis fallacia bona. *e* Nobilitas in talis.

inquit, *nobilitatem habes in talis*. Romani siquidem nobilitatis signum gerebant in calceis. Id erat eburneum additamentum tali specie. Ita Plinius notat quosdam qui nihil haberent nobilitatis præter imagines. Rursus cum adversarius gloriaretur, quod in unam quandam Italiæ civitatem multa beneficia contulisset, *Idem ego*, inquit, *de me prædicare possem, si in universa terra caussam dicerem*. Significans se de innumeris civitatibus fuisse præclare meritum.

30. UXORIS Regillæ a mortem luxit impotentius, adeo ut picturas & ornamenta domus coloribus atraret, velis pullis tegetet, ac lepide Lesbio obscuraret omnia. Nam is funestus ac niger est. Quodam igitur die cum Lucius qui frustra conatus fuerat Herodi persuadere ut lugeret moderatius, pueros videret in fonte ædibus vicino lavantes raphanides, rogabat cui pararetur ea cœna: qui responderunt Herodi. Tum Lucius, Injuriam facit Regillæ, qui albis radiculis vescatur in atra domo. Id ubi renuntiatum est Herodi, amovit ab ædibus funestam speciem, ne apud probos viros traderetur.

31. IDEM Lucius cum Romam venisset, obviam factus imperatori Marco, b percunctatus est illum quo iret & cuius rei gratia: cui Imperator, Honestum est & seni discere, eo ad Sextum philosophum ut discam quæ nondum scio. Hic Lucius sublati in cœlum manibus, ô Jupiter inquit, jam senex tabellam gestans puerorum more comitat in ludum, cum noster rex Alexander triginta duos annos natus vita defunctus sit. Heic citius probari Cæsaris & studium & moderationem, quam Lucii libertatem.

32. DOLOREM ex prioris filiæ Panathenaidis obitu conceptum, utcunque lenierant Athenienses, intra urbem eam sepelientes, & obitus diem ceu funestum ex anno sustollentes. Cæterum cum Elpinicem alteram filiam exanimem indecore lugeret, projectus humi ac vociferans. c *Quas inferias tibi faciam filia, quid tecum sepeliam?* Superveniens Sextus philosophus, Ma-

a. Luctus immodicus. b Libere. c Luctus.

Maximum, inquit, munus dederis filix, si moderate lugeas.

33. VIGINTI pueris ob virtutem compluribus in locis statuas posuerat. Hac de re cum accusaretur à Quintiliis Græciæ præfectis, quod supervacaneis imendiis indulgeret, *a Quid, inquit, vobis incommodi est, ego ludo de saxis meis?*

34. VIDENS Quintilios Trojanos quidem esse, æterum à Cæsare plurimi fieri, dixit, *b Ego etiam Joem Homericum odi, quod Trojanis fuit amicus.* Nimium habere profitens, sibi molestum esse, quod Imperator tantum honoris haberet Quintiliis.

35. PROTEO Cynico sine fine ipsum convitiis inessente, *c Consenuimus, inquit, ambo, tu quidem male loquens, ego male audiens.* Sensit immedicabile malum esse, cui ille tam diu assueverat, & se modèratus ferre quod jam novum non esset.

36. ATHENIENSIBUS sic admirantibus hominis eloquentiam, ut dicerent illum esse de numero decem oratorum, nihil elatus est hac laude quæ videbatur maxima, tantum respondit, *d Certe Andocide sum melior,* sicut opinor, fuit sophista quispiam notæ vulgaris.

ANTIOCHUS Sophista.

37. ANTIOCHUS sophista cum male vulgo audiret, veluti formidolosus, quod nec prodiret in concionem, nec Reipublicæ munia capefferet, *e Non vos, inquit, metui, sed me ipsum:* agnoscens bilem suam vehementiorem quam ut cohiberi posset. Sensit idem Plato, qui sunt iracundioris ingenii ad disciplinas quidem esse idoneos, ad gerendam Reipublicam non item.

ALEXANDER Sophista.

38. ALEXANDER sophista legatione fungens pro Seleucia apud Antonium primum, vidensque illum minus attentum, clariore voce dixit, *f Ausculta me Cæsar.* Cæsar autem acerbitate confidentiaque vocis ex-

B b 4

aspe-

a Sumptus inanes. b Libere. c Maledicentia. d Me-
d ste. e Iracundia. f Improbitas.

asperatus. Ausculto, inquit, intelligoque te. Tu enim es ille qui colis comam, qui dentes candidas, qui polles ungues, qui semper oles unguentum.

HERMOGENES.

39. ANTIOCHUS hoc dicto taxavit Hermogenem, ut diceret *a* illum inter pueros esse senem, inter senes puerum: sive ob valetudinem ante tempus imbecillum, sive ob dictionis genus neglectius. Alii per jocum dicebant, illius verba plane juxta Homerum esse *πτερόεντα*, quod ea veluti pennas abjiceret.

PHILAGER.

40. ROGATUS quamobrem non delectaretur educandis pueris, *b* Quoniam, inquit, nec me ipse delector. Agnoscebat naturæ suæ vitium. Erat enim iracundus & morosus, eoque nec appositus ad teneram ætatem instituendam: cum hodie stulti parentes nullis libentius committant liberos suos, quam hujusmodi truculentis & asperis.

HADRIANUS *Sophista.*

41. HADRIANUS sophista in convivio sophistarum, ad quos adhibitus erat tanquam egregii cujuspiam arcani consors futurus, cum sermo fuisset ortus de characteribus dictionis, & in quo quisque præcelleret, & quid in quoque potissimum imitandum esset, *c* At ego, inquit, describam characteres, haudquaquam recensens incisiunculas, intellectulos, membra, aut rhythmos, sed me ipsum mihi imitandum proponens, omniumque inventa ex tempore proferens fluxu quodam orationis ac linguae permittam hac omnia. Quid de hoc Hadriani dicto judicandum existiment, viderint Critici: illud scio, Horatium non temere exclamasse, O imitatores servum pecus. Et hodie videmus quosdam qui se totos addixerunt exprimendo Ciceroni, frigidos & elumbes evadere. Quod si nec quos delectat illud orationis genus leve & *γλαρυρόν*, equidem nec obsto cuiquam

nec

a Sermo incompositus. b Iracundia. c Imitatio.

nec invideo. At ipse malim Epicteti rudem & indolentem phrasim, sed naturalem, quam Isocratis omni flosculorum genere picturatam. Hujus Hadriani dictionem Herodes sophista solet appellare *α κολοῦν μερά-
να ἀπὸ γύπτου*, id est, colossi magna fragmenta: simul in juvene notans orationem nondum satis compositam, simul laudans & vocis & animi magnitudinem.

42. QUIDAM è familiaribus miserat illi pisces in disco argenteo, picturato auro: at ille delectatus vasculo non remisit, tantum ei qui miserat respondit, *b Benefacis, quod etiam pisces*: quasi discus esset dono missus, pisces tantum novitatis gratia additi. Quidam autem dicunt id joco factum, ut castigaret discipuli vitium, qui sordidior esse dicebatur. Nam eo admonito discum reddidit. Cum essem apud Coloniam Agrippinam, senatus honoris gratia misit vinum in cantharis testaceis, nec eos repeti mos est, id admiratus, rogavi causam. Responsum est, olim vinum solere mitti cantharis argenteis: hoc honoris cum esset habitum cui-dam ex eorum numero, qui magnam nobilitatis partem existimant rapto vivere, postridie mane profectus est cum argenteis cantharis. *c* Re comperta misit ad illum senatus qui cantharos reposceret. At ille, Ultro, inquit, dono dedistis, & ego gratias egi. Hoc casu admoniti mutarunt consuetudinem.

PAUSANIAS Cappadox.

43. QUONIAM more suæ gentis crassa lingua sonabat confundens consonantes, breves producens, pro ductas corripiens, vulgo dictus est *d coquus*, qui prætiosa opsonia male condiret.

PROCLUS.

44. PROCLUS Naucratis filium habebat intemperantem, gallis gallinaceis, coturnicibus, catellis, & equis alendis indulgentem, quem pater adeo non increpabat, ut una cum illo potius juvenaretur. Quo

Bb 5

nomi-

a Colossi fragmenta. b Facete. c Facete. d Salse.

nomine cum ab amicis objurgaretur , *a* Citius, inquit, *desinet* , cum senibus colludens , quam cum equalibus.

A N T I P A T E R.

45. ANTIPATER Hierapolites cum ducturus esset Severi Cæsaris filiam , forma parum felici , & familiarium quispiam interrogaret , quando laturus esset τα ἀνακαλυπτήρια : sic appellabantur munera , quæ sponsæ amici defererebant sponso tertio die , quo sponsa debebat exhiberi spectanda : Hermocrates lepidissime respondit , ἐγκαλυπτήρια μὲρ ἔν τοιαύτῳ λαβὼν , id est. Encalypteria potius , cum talem ducat , ἀνακαλύπτω , est retego , ἐγκαλύπτω , tego. Quod deforme est , regi magis oportet quam reteri.

HERACLIDES Sophista.

46. SCRIPSERAT libellum , cui titulum indiderat πόνος ἐγκώμιον , id est , laboris laudatio. Eum cum Ptolemæus sophista forte obviis videret habentem præ manibus , rogabat quid moliretur. Cum ille respondisset πόνος ἐγκώμιον. Ptolemæus accepto codice deleuit π , & adjecit , Tempus est ut legas titulum encomii , reperitque scriptum , *c* ὄνος ἐγκώμιον. Ptolemæus huc allusit , quod si labor mereretur laudem , eadem opera laudandus esset asinus animal labori natum.

HIPPODROMUS Sophista.

47. HIPPODROMUS sophista Clementi tragicædiarum actori longe præstantissimo , cum apud Amphictiones optime re gesta negata esse victoria , quod Byzantius esset , atque id temporis Byzantium à Romanis obsideretur , prosiliens clamavit , *d* Valeant applaudentes , ac perperam de re judicantes , Ego , inquit , Clementi victoriam decerno. Cum alter histrio appellasset Cæsarem , obtinuit Hippodromi suffragium.

48. QUODAM tempore cum illi vehementer à

Græ-

a Argute. *b* Lepide. *c* Industria. *d* Judicium in-
corruptum.

Græcis applauderetur, multaque magnifica acclamarentur, in quibus illum æquabant Polemoni, Homérico versu respondit, *τί μ' ἀθανάτοις ἰσὺς εἶσαι;* id est, *a Quid me immortalibus æquas?* Simul & candidi hominis laudem auferens, qui Polemonem tam præclaro testimonio ornarit, & modestiæ, qui laudem invidiosam repulerit.

49. QUODAM tragœdiam appellante sophistarum matrem, correxit dictum, *b Ego*, inquit, *dico Homerum esse patrem*. Sive quod nimia sit tragicorum grandiloquentia, sive quod fons tragœdiarum sit Homerus. Pulchrius autem est ex ipso haurire fonte.

50. HOMERUM appellare solet vocem sophistarum, Archilochum spiritum, quod ille suppeditet verba splendida, hic acrimoniam & vehementiam.

QUIRINUS *Sophista.*

51. CUM ab Asiaticis reprehenderetur, quod in accusando mitior ac lenior esset quam ipsi docerent, *c Multo*, inquit, *satius est, ut vos meam accipiatis lenitatem, quam ego vestram crudelitatem*. Tumebant Asiatici rhetores, & immodicis delectabantur.

52. AMICIS ipsum de morte filii consolantibus, *d Quando*, inquit, *potius apparebo vir quam nunc?* Sentiens dolorem quidem esse acerbum, sed hoc fortitudinis laudem fore splendidior.

PHILISCUS.

53. PHILISCUS illaudatus rhetor, cum causam ageret pulchre vestitus, sed tumultu irruens in tribunalia, voce semimuliebri, lingua supina, quovis potius spectans quam ad ea quæ agebantur, aversatus dicentem imperator, studuit illi os occludere, totaque actione aquam intercipiebat, breves subinde percontatiunculas obijciens. Ad quas cum parum apposite responderet Philiscus, *e Virum*, inquit, imperator arguit cæsaries, rhetorem vox, Græca plusculum

B b 6

habent

a. Modeste. b. Homerus. c. Admonitio retorta. d. Fortiter. e. Pronuntiatio.

habent leporis, τὸν μὲν ἄνδρα δείκνυσιν ἡ κέμη τ' ὅρῃ το-
 εα φωνῇ. Notans illum, quod attonsa cæsaries decla-
 raret virum, sed oratio non declararet esse rhetorem,
 sed foeminam potius.

CASSIUS SEVERUS.

1. IN advocacione quadam, cum M. Pomponius
 Marcellus Latini sermonis molestissimus exactor, solœ-
 cismum ab adversario factum arguere perseveraret, a in-
 terpellatis iudicibus dilationem petiit, ut litigator suus
 alium grammaticum adhiberet, quod diceret sibi cum
 adversario non de jure, sed de solœcismo controver-
 siam futuram.

M. P O M P O N I U S.

M A R C E L L U S.

2. CUM ex oratione Tiberii Cæsaris quiddam re-
 prehendiſſet, contra affirmante Arteio Capitone id eſſe
 Latinum, & si non eſſet, futurum certe, *b Jam inde,*
 inquit, *mentitur Cápito. Tu enim Cæſar civitatem dare*
potes hominibus, verbis non potes. Editio Aldina corrupte
 legit, verba non potes. Hominibus datur civitas, qui
 recipiuntur in jus civium: verbis datur civitas, quæ re-
 cipiuntur in consuetudinem sermonis Romani. Quem-
 admodum multæ voces non Græcæ tantum, sed & Bri-
 tannicæ, & Gallicæ, & Perſicæ civitate Romana donatæ
 ſunt. Id publicus uſus poteſt, Cæſar non poteſt.

R E M N I U S P A L E M O N.

3. Iſ flagrabat libidinibus uſque ad infamiam oris:
 unde quidam in turba oſculum ingerentem, cum reſu-
 giens devitare non poſſet, dicto non inſaceto repulit:
c Vis tu, inquit, magiſter, quoties feſtinantem aliquem vi-
des obligurire?

E P I C U R U S Athenienſis.

4. I M P R O B A T iſtitutum Pythagoræ, qui cum
 do-

a Moleſte loqui. b Libere. c Salſe.

doceret : *a* amicorum communia esse omnia , jubebat ut discipuli quod quisque habebat, deponerent in commune , dicens, id esse diffidentium verius quam amicorum. Etenim si quis vere sit amicus, nihilo minus habeo pro meis quæ ille possidet , quam si deposuisset. Porro qui diffidit , aut non est ipse verus amicus, aut de alterius animo dubitat.

CTESIBIUS.

5. ARCESILAUS cum inviseret Ctesibium agrotantem, sensissetque hominem egere , clam crumenam pecuniis plenam subjecit cervicali : quam ut reperit Ctesibius, ait Ἀρκεσίλας τὸ το παίγριον, id est, *b* Arcefilai hic ludus.

EURIPIDES.

6. CELEBRATUR illud Euripidis dictum, *c* Unicum consilium rectum magnam militum manum vincere. Quo prudenter admonuit, non perinde referre quam numerosum educas exercitum, sed quam cordati sint exercitus duces. In bello siquidem longe plus habet momenti prudentia solertiaque , quam vires consilii expertes.

7. IDEM cuidam opprobranti graveolentiam oris, *d* Multa nimirum, inquit, in illo occulta computruerunt. Significans se posse continere arcana. Solent autem res in occulto congestæ computrescere.

DIONYSIODORUS Tibicen.

8. GLORIARI solet, *e* quod nemo pulsus suos audisset, neque in triremi, neque ad fontem quemadmodum Ismenia. Sentiens se nunquam captasse plausus sordidorum & imperitorum, sed sat habuisse probari paucis eruditis. Ita Laërtius in Cratete.

STRATHIAS.

9. COLAX Bianti stupido sic adulatus est, *f* Plus bibisti quam rex Alexander. Quod in Alexandro turpissimum

Bb 7

simum

a Amicorum communia. *b* Benignitas. *c* Ducum prudentia. *d* Silentium. *e* Laus à laudatis. *f* Adulatio.

simum erat, illi laudi tribuit. Neque enim statim laude dignum est, quod fit à principibus.

ALEXANDER MAGNUS.

10. CUM invitaretur ut Darii filias quas habebat captivas inviseret, prædicabantur enim puellæ admirabili esse forma, noluit ire, dicens, *a Sibi non committendum, ut cum viros vicisset, à mulieribus vinceretur.*

DUELlius.

11. DUELlius qui primus Romæ è navali pugna triumphum obtinuit, jam senex tremuloque corpore, in jurgio quodam audivit exprobrari sibi graveolentiam oris: rediit domum tristis, & exposulavit cum Bilia uxore, quam virginem duxerat: cur hujus vitii nunquam admonuisset, quo licuisset mederi. *b Admonuissem, inquit illa, nisi putassem omnibus viris ad eundem modum olere animam.* Et hoc apophthegma superius alteri tributum retulimus. Si Bilia vere sensit quod dixit, argumentum est insignis pudicitiae: sin finxit, magna est civilitas erga maritum, magna item tolerantia, quæ tam diu pertulerit hoc incommodum absque fastidio.

QUIDAM.

12. QUIDAM iratus agasoni volebat eum percutere: cumque is clamaret, Atheniensis sum: ad asinum versus, *c At tu, inquit, Atheniensis non es:* eique multas plagas inflixit. Meminit Plutarchus in libello de cohibenda iracundia.

PROMETHEUS.

13. CUM ignem è cœlis in terras deportasset, eumque primum visum Satyrus complecti vellet & exosculari: *d Heus, inquit, ni caves hirce, profecto dolebit tibi mentum.* Admonens etiam quæ natura pulcherrima sunt maximeque necessaria tamen fieri perniciosiora, nisi recte utaris.

BOS.

a Continentia. b Pudicitia conjugalis. c Facete.

d Usus rectus.

B O S.

14. B O S sub onere deficiens rogavit camelum conservum ut se oneris parte recepta sublevaret : cui recusanti , *a Immo*, inquit, & *mespsum* & *hæc omnia portabis*. Idque factum est mortuo bove. Ita Plutarchus in libro de tuenda bona valetudine.

P O R T I A M I N O R.

15. C U M laudaretur apud eum mulier quædam ut bene morata, quæ tamen iterarat matrimonium : *b Felix*, inquit, *ac pudica matrona non nubit nisi semel*. Non passa est illam inter bene moratas numerari, quæ citra necessitatem adscisceret alterum virum. Nam multas huc cogit egestas. Porro coitus gratia nubere, non est vere pudicarum. Eoque dixit, *felix*, excusans necessitatem.

A N N I A.

16. P R O P I N Q U I S admonentibus ut alteri nubere : esse enim illi & ætatem integram, & faciem bonam, quorum alterum spem faceret prolis, alterum promitteret amorem mutuum, *c Nequaquam*, inquit, *hoc faciam : si enim bonum virum nacta fuero, nolo timere ne perdam : sin malum, quid necesse est post optimum perpeti possim ?*

M A R T I A *Catonis filia minor.*

17. R O G A T A cur à morte mariti nollet iterum nubere, *d Quoniam*, inquit, *non invenio virum qui me magis velit, quam mea*. Non probavit conjugium, quod non conciliaret amor mutuus. Quæ ducitur dotis causa, conductum habet concubinum verius quam conjugem.

18. E A D E M cum diutius lugeret maritum, rogata quem esset habitura diem luctus ultimum : respondit, *e Quem & vitæ*. Sic illa Ethnica, magno sane cum dedecore plurimarum Christianarum, quæ viro nondum elato jam nupserunt.

V A.

a Anxia. b Pudicitia. c Pudice. d Nuptia dotis causa. e Pudice.

V A L E R I A.

19. V A L E R I A Messalarum soror, rogata cur amisso Servio viro, nulli vellet nubere, *a Quoniam*, inquit, *mibi semper vivit maritus Servius.*

P Y T H I A S.

20. P Y T H I A S Aristotelis filia rogata quis esset color pulcherrimus, *b Is*, inquit, *quem in ingenuus gignit pudor.* Agnoscas vel ex hoc dicto philosophi filiam. Solent autem foeminae aliis coloribus aliae delectari.

21. P H I L O S O P H U S quidam priscus, sed ἀνάνη, hujusmodi sermone Arfinoës reginae luctum compescuit. *c* Cum Jupiter, inquit, inter daemones rerum faceret partitionem? Luctus non aderat, sed distributione jam peracta venit. Huic igitur cum Jupiter aliquid honoris tribuere vellet, nec esset quod daret, quippe jam consumptis omnibus, tandem assignavit illi honorem qui mortuis impenditur, veluti lachrymas & mœrores. Quemadmodum igitur, inquit, ceteri daemones bene volunt iis à quibus coluntur, itidem & luctus. Quod si fuerit abs te contemptus ô mulier haud quaquam venturus est ad te: contra, si diligenter abs te colatur honoribus illi designatis à Jove, mœroribus ac lamentis, diliget te, semperque tibi suppeditabit aliquid earum rerum quibus abs te perpetuo possit honorari. Refert Plutarchus in consolatione ad Apollonium.

D E M O S T H E N E S Mitylenensis.

22. P U L S A V I T fores hominis musicae ac cytharae dediti: cumque is audito pulsu jussisset illum introire, *d Faciam*, inquit, *si prius alligaris cytharam.* Subnotans illum nihil aliud quam cythara canere. Refert Plutarchus Sympos. lib. 2.

A T T I L I U S.

23. D I X I T satius esse, otiosum esse, quam nihil
agere.

a Pudicitia. b Pudor liberalis. c Luctus. d Studium immodicum.

agere. Refert Plinius Junior ad Minutium Fundanum, *z Satius est enim, inquit, ut Attilius noster eruditissime simul & facerissime dixit, otiosum esse quam nihil agere.* Quamquam hoc dictum adscribitur Catoni seniori. Otiosus est, qui vacat ab externis actionibus: nihil agit, qui negotiis infrugiferis, nihil ad-beate vivendum con-ferentibus occupatur. Quemadmodum qui moluntur, nec satis succedit quod agunt, satagere dicuntur: ita nihil agunt, qui frustraneis actionibus tumultuantur. Plinius enim putat, eos qui militaribus negotiis distrahuntur, nihil agere: contra, qui se philosophiæ dedunt, otiosos esse.

24. D I C E R E solet, *b* ita adolescentes in foro auspicari, à caussis centumviralibus, ut pueri fissent in scholis ab Homero: quod utrumque sit maximum, cum oporteat paullatim per gradus ad id quod summum est, pervenire. Meminit Plinius ad Maximum.

PLINIUS MAJOR.

25. D I C E B A T *c* nullum esse librum tam malum qui non aliqua parte prodesset. Verum dixit de his qui morunt ex quibuscunque libris, si quid inest frugiferum excerpere. Sed sunt qui in libro quantumvis bono nihil venantur, nisi quod reprehendant.

26. I D E M cum recitatorem quiddam perperam pronuntiantem amicorum quispiam revocasset, & ut repeteret coëgisset, *d* Quid, inquit, an intellexeras? cum ille annuisset: cur ergo, inquit, revocabas? Decem annis versus ista tua interpellatione perdidimus. Tanta erat parsimonia temporis.

27. I D E M nepotem suum ambulantes videns, objurgavit: *d* Pateras, inquit, has horas non perdere. Nam qui lectica vehebantur, aut recitantes audiebant, aut libuisset, aliquid etiam enotabant, aut dictabant aliquid, quorum nihil licet ambulanti.

P A S-

a Nihil agere. *b* Profectus. *c* Lecticenis utilitas.
d Temporis parsimonia. *e* Temporis parsimonia.

PASSIENUS PAULLUS.

28. PASSIENUS Paullus eques Romanus, sed dubiæ sanitatis, cum recitans elegias suas sic auspicaretur, *a Prisce jubes*: Priscus labolenus qui tum aderat. Ego vero, inquit, non jubeo. Protinus ingens omnium risus coortus est. Fingunt enim poëtæ suo arbitrio quidquid libet. At Priscus non tulit poëticam fictionem.

THRASEA.

29. REFERENTE Plinio Juniore, dicere solet, *b Qui vitia odit, homines odit*. Sentiens nullum esse hominem, qui non multis vitiis sit obnoxius, licet aliis alii laborent. Ac sæpenumero accidit, ut qui alios insectantur, ipsi gravioribus madeant vitiis.

VIRGINIUS.

30. CLUVIUS historiographus sic affatus est Virginium, cujus res gestas attigerat, Scis Virgini quæ fides historiæ debeatur. Proinde si quid in historiis meis aliter legis ac velles, rogo ignoscas. Ad hæc Virginius, *c Tu ô Cluvi, tunc ignoras ideo me fecisse quod feci, ut esset liberum vobis scribere quæ libuisset*: Vox excelsi animi testis, & recte factorum conscientia contenti.

FRONTINUS.

31. VETUIT sibi exstrui monumentum his verbis, *d Impensa monumenti supervacanea est, memoria nostri durabit si vita meruimus*. Excelsi animi est, cum præclara gesseris, gloriam contemnere.

ARCHITAS.

32. ARCHITAS cum in agro comperisset quosdam è famulis admisisse quoddam, sentiens se commotiorem in illos, nihil quidem tum fecit, tantum abiens dixit, *e Fortunati, inquit, estis quod irascor vobis*.

AUFIDIUS MODESTUS.

33. QUINCTUM in morbo sibi dicentem manus esse
a Ridicule. b Homo. c Animose. d Animose. e Moderate.

esse frigidas, hoc scommate taxavit, *a Atqui calidas*, inquit, *è Provincia extulisti*: notans eum quod proconsul administrans provinciam, multa furatus esset. Meminit Plutarchus in Sympos. lib. 2.

Q U I D A M.

34. Q U I D A M imperatorem incusavit, *b* quod illius insidiis & otio somno fuisset privatus: videlicet quod illius benignitate *è* paupere factus esset dives. Refertur eodem loco.

Q U I D A M.

35. Q U I D A M Antigoni amicus cum ab eo petisset talentum, nec accepisset, postulavit ab eo deductores ac corporis custodes. Rogatus quamobrem, *c Ne*, inquit, *insidiis impetar*: affingens se talentum humeris ferre.

A R I S T A R C H U S *Theodectæ pater.*

36. D I C E R E solitus est, *d Olim vixerant septem sapientes, nunc haud facile totidem invenies idiotas*. Notans sophistarum turbam, qui se pro sapientibus jactabant, ut vix superesset qui profiteretur indoctum.

S E L E U C U S, *Rex.*

37. S U B I N D E dicere solet, *e* si multi scirent, quantum sit negotii, tantum modo tot epistolas scribere ac legere, nec humi projectum diadema tollerent. Hujus molestiæ nequicquam est rudis Erasimus, etiam si rex non sit.

C A N U S, *Tibicini.*

38. D I C E B A T homines ignorare, *f* quanto plus ipse canens voluptatis caperet, quam alii: alioqui auditores non darent mercedem, sed acciperent. Virtus jucunda est eam exercentibus: unde mirum est quosdam ad id mercede velle conduci ut bene vivant, cum ipsa virtus abunde magnum sui sit præmium.

L A M.

a Salse. b Jocosè. c Libere. d Salse. e Regum cura. f Facere.

L A M P I S *Negotiator.*

39. INTERROGATUS quo modo sibi parasset divitias, *a Magnæ*, inquit, *haud difficulter, exiguis vero cum labore ac tarde.* Sentiens initio paullatim magnaque vigilantia coram pecuniam. Cæterum parata jam ingenti sorte, facile est amplis lucris ditescere. Primum auctoritas ac fama tarde paullatimque nec sine negotio paratur. At qui jam innotuit, facile magnam assequitur laudem. Meminit Plutarchus in libello, An seni sit capeffenda Respublica.

I S M E N I A S.

40. I S M E N I A S tibicen canebat in sacrificio, cumque non litaretur, is qui conductus fuerat, arreptis tibiis canebat ridicule, & hoc canente litatum est. Incusantibus autem iis qui aderant, divinitus, inquit, contingit venuste canere, Hic Ismenias ridens, *b At me*, inquit, *canente dii voluptate capti commorabantur, te vero festinante illos abigere, arripuerunt hostiam.* Refert Plutarchus Symposiaca libro secundo. Conductitius ille sibi laudem arrogabat, quod ipso canente litatum sit, quasi dii magis delectati sint ipsius cantu quam Ismenia. Id lepidissime retorfit Ismenias: ideo non fuisse litatum, quod Dii gaudentes erudita musica, diutius amarent adesse sacrificio. At cum ille tam ridicule caneret, quasi studeret deos abigere, ne vacui recederent, arripuerunt victimam.

P A U S O N *Pictor.*

41. P A U S O N pictor receperat equum pingendum specie volutantis sese, & pinxit currentem. Indignante eo qui conduxerat. Pauson ridens, *c Inverte*, inquit, *tabulam*: eo facto jam non currere, sed volutari videbatur. Ita quædam errata quæ videntur maxima, minimo negotio corriguntur, si quis commode interpretetur. Refert Plutarchus in libello, cur Pythia vates desisset carmine reddere oracula.

42. S E R B I D I U S Scævola vir tum juris prudentia,

a Argute. b Facete. c Correctio.

tia, tum M. Antonini Imperatoris amicitia celebris, dicere solitus est, *a* jus civile vigilantibus scriptum esse, non dormitantibus. Sentiens juris prudentiam non sine summo studio percipi: quemadmodum Aristoteles, sic edidit libros naturalium ut non essent editi, nisi viva vox doctoris accederet. Refertur lib. Pandect. 42. Tit. quæ in fraud. cred. l. pupillus. Verum ut Scævola merito requirit studium ac vigilantiam à Jurisprudentiæ candidatis, ita nemo non improbabat sententiam Jodoci, qui Mechliniensis senatui præsedit. Nusquam enim non magna contentione tuebatur, neminem posse vel unius legis intelligentiam consequi, qui quidquam sciret in bonis literis. Et cum in convivio quodam mecum disputans incaluisse, addebat vix esse treis in orbe qui leges Cæsareas intelligerent. Aderat huic convivio Johannes Sylvagius Caroli tum regis Cancellarius, Georgius ab Halonio, Blasius jureconsultus, & alii non nulli. Fatebatur tamen Bartholum leges ad plenum intellexisse, cum constet illum tot locis hallucinatum esse.

P A P I N I A N U S.

43. BASSIANUS Antoninus imperator magna laborabat invidia, quod fratrem occidendum curasset. Eoque Æmilio Papiniano prætorii præfecto, ob eximiam Juris prudentiam summæ apud Romanos auctoritatis, negotium dederat, ut hoc facinus apud senatum defenderet. At is respondit, *b* multo facilius pericidium perpetrari, quam defendi. Ob hanc liberam vocem Bassianus occidit virum immortalitate dignum. Fui olim cum quodam Jureconsulto in aulicis negotiis diu multumque versato, qui dicebat sibi nihil esse gravius quam quod interdum palam iniqua animo reclamante cogeretur exsequi: nec id satis, cogeretur excogitare fucos, quibus quod erat iniquum videretur æquum. Sed hæc ipsi principes interdum non intelligunt, aliquoties ne sciunt quidem.

44. PRÆTORIIS viris ab imperatore Hadriano peten-

a Industria. b Libertas noxia.

petentibus, ut sibi de jure respondere liceret, rescripsit, *a* hoc munus non peti solere, sed præstari. Quare accingerentur si qui sibi fiderent, & populo sui specimen darent. Nam Augustus quo major esset jurisperitorum auctoritas, constituerat, ut qui respondere vellent, id ex auctoritate Cæsaris facerent, cum antea liberum fuisset respondendi munus subire quicunque sui fiduciam haberent. Sic & hodie creantur doctores medicinæ, juris, artium, Theologiæ, cum hoc nomen promeruisse sit pulchrius quam obrinuisse.

45. SALVIUS Julianus tum eximia juris cognitione, tum multorum principum amicitia clarus, solitus est dicere, *b* *Et si alterum pedem in sepulchro haberem, adhuc addiscere vellem.* Refertur Pandect. lib. 40. Tit. de fideicommissis. l. apud Julianum. Hæc sententia optimo jure placuit laudatissimis viris. Sed hodie passim audimus has voces: Jam adultus sum, serum est discere. Immo hoc turpius est nescire quæ cognitu digna sunt, quod adultus es.

46. CUM post cladem acceptam ad persas quidam ab Arcadia transfugissent, auxilia pollicentes, producti sunt in conspectum Xerxis. Ibi Persæ percunctantibus quid agerent Græci, responderunt eos celebrare Olympia, ac gymnastica equestriaque certamina spectare. Rursus percunctantibus quod esset certaminis præmium, responderunt coronam oleaginam. Hic Tritantechines Artabani filius, versus ad exercitus præfectum, *c* *Papæ*, inquit, *Mardonii*, in cujusmodi viros nos incitasti ad pugnandum, qui non pecuniarum gratia certamina agitant, sed virtutis ac laudis. Ea vox tum visa est timida, ut sæpenumero prudentia habetur pro ignavia. Refert Herodotus in Urânia.

47. CUM Xerxi nuntiatum esset, quam fortiter, quamque etiam feliciter Artemisia rem gessisset in pugna navali, dixisse fertur: *d* sibi foeminas fuisse viros, contra viros fuisse foeminas, quod parum dextre se gessissent. Refert Herodotus lib. 8.

48. ARI-

a Virtus præstanda non profitenda. *b* Industria. *c* Virtus sibi præmium est. *d* Præpostera.

48. ARISTO Chius dicere solet, *a* dialecticorum argutias similes esse telis aranearum, quod plurimum haberent artificii, minimum utilitatis. Nam is cum cæteris Cynicis putabat logicen ac physicen à philosophia submovendam, solam ethicen diligenter exercendam. Hujus sententiæ princeps fuit Socrates.

49. IDEM *κωινώτης* etiam, *b* dialecticorum subtilitates dicebat similes luto viarum, ad nihil utili, nisi quod ingredientibus impellit ad lapsum. An ille recte damnavit universam dialecticam, alii viderint. Illud experimentis compertum habeo, nullos magis aberrare a vero, quam qui superstitiose in hoc studiorum genere sunt versati.

50. DIOGENES convitiis laceffitus à quodam de crimine prodicionis infami, *c* Gaudeo, inquit, *me tibi factum inimicum, quando tu non hostes, sed amicos ladere soles.*

51. IDEM à calvo quodam maledictis adpersus, *d* Ego quidem, inquit, *tibi nullam facio injuriam, quin potius laudo capillos tuos, qui malam calvariam effugerint*: Subnotans illum non judicio, sed cæcæbri vitio maledicum esse.

52. LACON quidam gymnasiarchum ligna *ἄγρυπνα* exhibentem, facetissimo joco incusavit, dicens, *e* quod per eum ne lachrymas quidem illic effundere daretur. Fumus enim excutit lachrymas oculis. Aca-pna ligna inde dicta sunt, quod fumo careant.

53. ALIUS quendam quotidie convivantem, *f* plagiarium ac tyrannum appellavit, per quem tot annis nunquam vidisset mensam suam. Joci lepos est in fictione, Plagiarium appellavit, quod liberalitate sua homines sibi redderet obnoxios: tyrannum, quod per illum non liceret cuiquam domi suæ vivere.

54. QUIDAM ambientes amicitiae foedus inire cum Lacone, volebant se quocunque vellet vinculo adstringere, quo certius esset, amicitiam fore sinceram. Quibus ille, *g* *Una est*, inquit, *de amicitia certitudo, si etiam volentes*

a Nugax subtilitas. *b* Dialectica. *c* Salse. *d* Salse.
e Facete. *f* Facete. *g* Nulli fidendum.

lentes lādere non possent. Nam reliquæ omnes prorsus infirmæ sunt. Convenit cum illo Chilonis, sic habendum amicum, ut cogites illum posse fieri inimicum.

55. SOCRATI tribuitur & illud, *a* nec à mortuo petendum colloquium, nec ab avaro beneficium. Nam mortui aut non respondent, aut lādunt: ita avarus aut non dat quod rogatur, aut infeliciter cedit accipienti, quod datur animo inimico.

56. IDEM conspiciens prædivitem quendam, sed indoctum, *b* Ecce, inquit, *aureum mancipium.* Indoctus servus est & cupiditatum, & eorum quæ possidet.

57. CONSPICIENS quendam quibuslibet citraque delectum elargientem, *c* Male, inquit, *pereas, qui ex gratis cum sint virgines, facias scorta.*

58. AJEBAT sibi videri, *d* quod dii semper riderent, spectantes inanes hominum curas, quorum cum omnia sint exigui temporis ac momenti, tamen non pari cura tractantur. Sic enim tumultuantur homines, quasi & magna sint & perpetua, quæ heic geruntur.

59. INTERROGATUS quare non scriberet libros, *e* Quoniam, inquit, *chartæ iis qui scripturi sunt, pluris essent emendæ.* Socrates nihil scripsit in vita, judicans librorum copiam officere studiosis sapientiæ.

T R A J A N U S.

1. T R A J A N U S Imperator initio procuratores habebat rapaces, qui provinciales calumniis expilabant. Quorum unus fertur, unumquenque divitum sic convenire solitus, Quid habes? Unde habes? Hæc ubi didicerat, addebat tertium, Pone quod habes. Sed admonitus à Pompeja Plotina uxore, cohibuit ejusmodi vexationes provinciarum, addens vocem optimo jure laudatam: *f Fiscum esse lienem, quod eo crescente, reliqui artus contabescant.* Sensit optimus princeps iniquum esse, sic explere fiscum unius, ut nihil habeant subditi, præsertim cum boni principis sit, quidquid habet populus.

2. D I O -

a Graviter. b Dives indoctus. c Profusio. d Vita inanis. e Librorum multitudo. f Fiscus lien.

2. **DI O G E N E S** Cynicus interrogatus de quodam adolescente qualis videretur, *a* Arcadem esse respondit. Sive significans illum esse stupido ingenio, sive ut eruditi quidem malunt, mollem & pathicum, quod Arcades ferantur glandibus victitare: teste epigrammate:

Πολλοὶ ἐν ἀρχαδίᾳ βαλανοζῆγοι ἄνδρες ἔασιν.

Glans autem apud Latinos interdum obscœnam habet significationem.

3. **S C I P I O** super cœnam interrogatus, quem egregium imperatorem habitura esset Respublica si quid ipsi humanitus accidisset, *b* *Vel hunc*, inquit: Marium intuens, jam tum in illo perspicuens ingenium maximis rebus natum. Refert Eutropius libro quinto.

4. **C U M** Syllana crudelitas magna licentia sæviret in capita civium, nam occisi feruntur supra novem milia, percussoribus libere per urbem vagantibus, ac cæteris metu attonitis, **Q.** Catulus palam ausus est dicere Syllæ, *c* *Cum quibus tandem victuri sumus, si in bello armatos, in pace inermes occidimus?* Eutropius.

5. **C. CALIGULA** frequenter exclamare solet, *d* *Utinam universus populus Romanus unicam cervicem haberet.* Talia portenta tulit olim mundus pro Monarchis. Eutropius refert.

6. **T R A J A N U S** Cæsar solitus est dicere, *e* principes omnes multum abesse à Neronis quinquennio. Nam Domitius Nero primis annis quinque summa cum laude gessit imperium, prius quam ad Caligulæ avunculi sui crudelitatem appelleret animum.

7. **S E R G I U S** Galba in gravissimis bellis severissima disciplina habuit milites suos, adeo ut simul atque venisset in castra, protinus vulgaretur ille Trochaicus. *f* *Disce miles militare, Galba est, non Getulicus.*

8. **O T H O** Sylvius cum videret aut deponendum imperium, aut magna civium strage tuendum, statuerat sponte mori: & amicis ac militibus hortantibus, ne

C c

tam

a Salse. *b* Indoles. *c* Libere. *d* Vox tyrannica. *e* Degeneratio. *f* Disciplina militaris.

tam cito de belli eventu desperaret, *a* negavit sibi suam vitam esse tanti, ut hac de causa bellum civile nasceretur. Quis non miretur hunc animum in principe ethnico, eoque XXXVII, annos nato?

9. N E R V A Coccejus in cœna cui assidebat Vejentio qui sub Domitiano consularem dignitatem fuerat adeptus, sed multos clam apud illum detulerat, cum orta Catuli mentione, qui calumniator insignis fuerat, diceret, Quidnam faceret Catulus, si Domitiano supervixisset? Junius Mauritius respondit, *b* Nobiscum, inquit, cœnaret. Satis libere submonens imperatorem quod Vejentonem haberet familiarem, simillimum Catulo, quem ut calumniatorem execrabatur.

10. O P T I M O jure laudibus vehitur illa vox Trajani, qui amicis incusantibus, quod parum memor imperatoris majestatis, nimium esset omnibus expositus respondit, *c* Talem præstabo imperatorem privatis, qualem optarem ipse privatus.

11. F L A V I U S Vespasianus cum admoneretur ab amicis ut caveret à Metio Pomposiano, quod de hoc rumor increbuerat, fore ut aliquando regnaret, non solum sibi non metuit ab illo, sed & consulem fecit. Id admirantibus amicis, *d* Erit, inquit, olim *memor* tanti beneficii.

12. T I T U S Vespasianus cum à duobus clarissimi ordinis esset in ipsum conjuratum, ac facinus processisset, ut jam infitiri non possent, deduxit in spectaculum, atque inter illos medius confedit: ac petiit de industria mirmillonum gladiis, velut exploraturum aciem, unum uni, & alterum alteri commisit, tanquam provocans ad id quod moliebantur, illis autem percussis, & animi præsentiam admirantibus, *e* Videtis ne, inquit, principatum fato dari, frustra que tentari facinus peritiundi spe, vel amittendi metu.

13. I D E M fratrem Domitianum insidias molientem, non est ultus, sed his verbis admonuit, *f* Quod opus te parricidio petere, quod me volente obventurum es,

immo

a Pietas in rempublicam. *b* Libere. *c* Comitatus in principem. *d* Beneficentia conciliat amicos. *e* Constanter. *f* Clementer

mmo quod jam habes, imperii particeps? Haud temere in Christiano reperias tantum mansuetudinis.

14. JULIUS Maximus proditione militum interfectus est, una cum filio Diadumeno etiamnum puero: quo tempore conclamatum est à militibus: *a Ex pessimo genere ne Catulum quidem esse relinquendum.* Allusisse videntur ad Græcam parœmiam, *ῥήματα ἐς πατέρα τείνας, παῖδας κατὰείπῃ.*

15. CONSTANTIUS Chlorus amicis admonentibus, quod in augendo fisco videretur indigentior, respondit, *b* publicas opes rectius à privatis haberi, quam intra unum claustrum reservari. Bonus princeps qui magis à suis diligitur quam timetur, habet quid cives possident.

16. JULIANUS imperator eunuchos, coquos, tonsores ejecit è palatio. Rogatus quam ob causam, negavit sibi opus esse eunuchis, cum uxor decessisset, nec opus esse coquis, quod simplicissimis cibis vesceretur. De tonsoribus dixit, unum multis sufficere.

17. VALENTINIANUS nondum imperator templum Fortunæ ingrediens cum Juliano, hinc atque inde stantibus ædituis, qui aquam introeuntibus asperrent: ubi vidit in chlamyde purpurea guttam aquæ, igno percussit ædituum: *d Hoc*, inquit, *non est purificare, sed inquinare.* Nam illi tales aspersiunculas appellant purificationes.

18. THEODOSIUS junior tam admirabili fuit genii lenitate, ut cum ab amicis rogaretur, quamobrem neminem eorum à quibus lædebatur, supplicio vitis afficeret, *e Utinam*, inquit, *mihi liceret & mortis ad vitam revocare.* Ad privatas injurias oportet principem esse facilem ad ignoscendum, in iis quæ lædunt Rempublicam, docet esse severum.

19. IDEM cum in amphitheatro Constantinopolis sederet spectator, & populus damnatum efflagitis clamaret, Crudeli bestię artifex objectus pugnet: impescuit immitem turbæ vocem, dicens, *f Ne sci-*

Cc 2

tis,

a Crudeliter. b Princeps carus. c Famulitium superfluum. d Libere. e Clementer. f Clementer.

tu, inquit, *quod nos consuevimus clementer spectare*: inuens ubicunque adest princeps illic oportere omni mitius geri.

20. XANTIPPE de Socrate marito prædicare sollet, *a* quod semper vidisset illum eodem vultu revertentem domum quo exierat. Argumentum vere constantis animi, cum alii domo egressi, si quid accidit tulle, redeant turbidi: si quid læti, gestientes.

21. PYTHAGORAS posteaquam venerat Philiu-tem & cum Leonte Phlyasiorum principe docte & copiose quædam differuisset, Leon ingenium & eloquentiam hominis admiratus quæsiuit ex eo, qua maxime arte confideret: cui Pythagoras respondit: *b* *Se nulla quidem artem scire sed esse philosophum, id est, sapientem studiosum.* Hujus verecundia sapientis cognomen arguens, quo se prius venditarant σοφοί, vertit in titulum modestiæ.

22. ANTIPATER Cyrenaicus mulierculis quibusdam cœcitatem ipsius deplorantibus, *c* *Quid agis* inquit, *an vobis nulla videtur voluptas nocturna?* Non omnes cœci sumus, nec tamen lamentamur. Halitus animus quo se delectet, etiam occlusis sensibus. Effusum Antipatri conveniebat fœminis, omnia voluptate metientibus.

23. ASCLEPIADES non ignobilis nec inexcitatus philosophus, cuidam interroganti, quid incommodi cœcitas ipsi attulisset, *d* *Ut uno*, inquit, *puero abulem comitator.* Significans sibi minimum esse molestam cœcitatem corporis, cum animo cerneret.

24. THEODORUS Lyfimacho mortem minitanti, *e* *Præclaram*, inquit, *rem effecisti, si Cantharidis consecutus es.* Cantharis insectum est minutum quidem: quod tamen lethale gerit venenum. Itaque mortem homini minantur, nihil minantur magis cum idem possit contemptissimum animalculus scorpius.

• T H R

a Constantia. *b* Modeste. *c* Fortiter. *d* Fortiter.
e Fortiter.

THRASEA.

1. THRASEA dicere solitus est, *a* suscipiendas esse causas, aut amicorum, aut destitutas, aut ad exemplum pertinentes: amicorum, quod ex lege gratiarum amicorum communia sunt omnia: destitutas, quod in his potissimum & constantia agentes & humanitas cerneretur: ad exemplum pertinentes, quia plurimum referret bonum an malum ducem haberent. Frequenter enim bonæ causæ vitio patronorum videntur. Expediit autem ad bonos mores, ut in judiciis succumbat pravitas, superet innocentia. Refert Plinius in epistola ad Quadratum.

2. POLLIO dicebat, *b* Commodo agendo factum est, ut saepe agerem: sed saepe agendo factum est ut minus commode, quia scilicet assiduitate nimia facilitas magis quam facultas, nec fiducia sed temeritas paratur. Quod accurate factum velimus, raro faciendum est. Hac ratione luci videntur Itali quidam eruditi, qui licet pulchre calleant Latine, tamen vix unquam adduci possunt ut in familiari congressu Latine loquantur. At si quando compellit necessitas, dicunt exacte, quasi que de scripto. Novi Venetiæ Bernardum Ocricularium civem Florentinum, cujus historias si legisses, dixisses alterum Sallustium, aut certe Sallustii temporibus scriptas. Nunquam tamen ab homine impetrare licuit, ut mecum Latine loqueretur: subinde interpellabam, surdo loqueris vir præclare, vulgaris linguæ vestris tam sum ignarus quam Indicæ. Verbum Latinum nunquam quivi ab eo extundere.

3. CUM Antipater intra Lamiam à Græcorum copiis esset conclusus, ac velut ob res feliciter gestas Athenienses diis immolarent victimas: Demosthenes ad quendam amicorum nomine Agelistratum, ait sibi non eandem esse cum cæteris sententiam. *c* Novi enim, inquit, Græcos stadium pugnare, & scire & posse, Dolichon autem non item. Dolichus autem continet viginti

Cc 3

qua-

a Officium bene collocandum. *b* Accurate potius, quam saepe. *c* Perseverantia.

quatuor stadia. Notavit suos quod protinus una contenti victoriola, deponerent bellandi studium, cu oporteat ejusmodi successibus non frui, sed uti ad maj rum rerum occasionem.

4. **Q**UODAM tempore vox Demosthenem int concionandum defecit ob multitudinis fremitum. objicientibus ita respondit, *a* *Histriones è voce judica par est, oratorem è mente.* Græca jucundius sonant: *ἡ κριτικὴ δὲ τῆς ἀρετῆς ἐν τῷ φωνῆς, τὰς δὲ ῥήτορας ἐν τῷ γνῶμης.* Histrion servit populo, orator consulit. Ille d lectat, hic prodest. Ad bene consulendum non refe quam sis vocalis, sed quam oportuna suadeas. Acto voce opus est, quæ vincat multitudinis fragorem: or tor talis esse debet, ut populus ipsum ultro tacitus attentus auscultet.

5. **I**DEM Epicli opprobranti quod semper dicitur meditaretur, *b* *Erubescerem*, inquit, *optimo jure, si ta ta multitudini consulens dicerem ex tempore.* Quod a præclarum esse ducunt subito & ex imperato dicere, i vir cordatus judicabat esse temeritatis.

6. **Q**UODAM tempore cum populus obstrep ret dicenti, ait se breve quiddam velle illis narrare. Facto multitudinis silentio, *c* *Adolescens*, inquit *quidam æstivo tempore asinum conduxerat ab Athenis M geram usque. Sole vero circa meridiem vehementer aestua te, uterque volebat subire umbram asini, sed uterque ali rum prohibebat: hic dicebat asinum conductum, non un bram: alter contendebat per conductionem & asini & un bra jus esse facturum.* Atque hæc loquutus Demosthene abiit è suggestio, populo vero retinente, ac narratio nis finem flagitanti, *De asini*, inquit, *umbra audi cupitis, de rebus seriis loquentem audire non vultis.* Retu limus hoc in Adagiis.

7. **L**YCURGUS rhetor ob generis nobilitate liberior erat in dicendo, quam ut populus interdum ferre posset. Itaque cum aliquando populi strepitu ex ploderetur è suggestio, exclamavit *d* *ô Cercyrea scutice* quan

a. Clamori. b. Extemporalis dictio. c. Asini umbra. d. Libere.

quam multis talentis digna es? Notans populum à quo ejiciebatur, magnæ quidem auctoritatis ac nominis, sed inutilem rebus gerendis. De Cercyrea scutica dictum est nobis in proverbiiis.

8. I D E M forte obvius Xenocrati qui à Telone oborto collo pertrahebatur in metœcium, quo in loco carcer erat Athenis, fuitem impegit in caput Telonæ, ac Xenocratem quidem liberavit, Telonem vero tanquam indigna patrantem in carcerem conjecit. Id Lycurgi factum ab omnibus collaudabatur. Itaque post aliquot dies Xenocrates factus obviam Lycurgi liberis, *a* *Cito*, inquit, *ô puer retuli gratiam patri tuo, qui vulgo laudatur quod in re difficile tulerit auxilium.* Sentiens laudem esse præmium recte factorum, & eam demum opitulationem esse gratam, quæ adfertur in ipso discriminis articulo. Fuisse enim illi patrocinator est, non oratione. Nimirum hoc est, *Βοηθῆσαι μόγῃς.*

9. O B J I C I E N T I B U S quod eloquentiæ studio rhetoribus daret mercedem, *b* *Si quis*, inquit, *profiteatur se filios meos mihi redditurum meliores, non mille drachmas, sed omnium facultatum dimidium effunderem.* Plurimum ab hominum vulgo discrepans, qui perisse existimant quod liberis instituendis impenditur.

10. I N T E R leges quas tulisse fertur, hæc erat una, Ne qua mulier maritata proficisceretur Elusinem. Id statuit, veritus ne à divitibus dato pretio corrumpenterentur: addita est pœna drachmarum sex millia. Ei legi cum uxor Lycurgi non obtemperasset, sycophantis qui deprehenderant ac detulerant dedit talentum. Ea res cum illi postridie vitio daretur apud populum, *c* *Atqui ego*, inquit, *dare conspectus sum, non accipere.* Quidam ferunt leges ad quæstum. Hanc notam à se depulit, qui nec in uxoris gratiam voluit abrogare legem, sed mulctam de suo dependit.

11. I S O C R A T E S inter familiares dicere solitus est, *d* *se quidem docere decem minis, cæterum qui*

C c 4

iptum

a Audacter. *b* Studiose. *c* Civiliter. *d* Natura bona.

ipsum docuisset audaciam & vocalitatem, mercedis loco daturum decem millia. Nam vocis exilitas & animi timiditas reddebant Isocratem ad dicendum inutilem. Hæc autem quoniam naturæ sunt non artis, à præceptoribus dari non possunt.

12. PERCUNCTANTI qui fieri posset ut cum ipse non esset ad dicendum accommodus, alios redderet idoneos: *a Quoniam cotes, inquit, ipse quidem secare non possunt, ferrum tamen reddunt acutum.* Hoc videtur imitatus Horatius:

Fungat vice cotis, acutum

Reddere quæ ferrum valet, exors ipsa secandi.

13. INTERROGATUS quid esset rhetorica. *b Ex parvus, inquit, facere magna, ex magnis parva.* Est enim hæc nonnulla rhetorices pars, amplificare & extenuare, qua de re diligenter præcepit Fabius. Sed præstigii genus est, quod respondit Isocrates. Quin illud potius artis est, quæ magna sunt ita tractare, ut auditori quoque magna videantur, & contra.

14. IN Convivio Nicocreontis Samiorum tyranni, cum à convivis juberetur dicere, *c His, inquit, in quibus ego valeo, nunc non est tempus: in his vero quæ hæc tempus requirit, ego non valeo.* Recusavit inter pocula dicere, qui apud sobrios de rebus seriis differere consueverat.

15. UBI conspexit Sophoclem tragœdiarum scriptorem sequi puerum quendam forma illius captum, *d Oportet, inquit, ô Sophocles, hominem non manus tantum apud se continere, verum & oculos.* Vox homine Christiano non indigna.

16. EPHORUM Cumanum qui scholam ipsius reliquit nullo profectu, atque ob id à patre Demophilo denuo missus est, ut ab integro data mercede discipulum ageret, *e δίτρον* appellabat. Diphros enim Græcis dicitur currus, quod duos ferat, pugnantem & aurigam. Tales opinor olim fuisse cathedias (nam *δίτρον* interdum & cathedram sonat) quæ duos cape-

rent,

*a Modeste. b Exaggeratio. c Tempestive. d Caste.
e Tarditas.*

rent , quales adhuc videmus episcoporum veteres , quæ capiunt præfulem & assessorum. Apud R. D. Guilielmum Archiepiscopum Cantuariensem servatur hujusmodi sella , quæ dicitur fuisse beati Thomæ Acrensis. Item Roffæ in Ecclesia Cathedrali similis adhuc visitur. Isocrates autem ex vocis etymologia captavit jocum in stupidum discipulum , qui bis attulerit mercedem : *δίπλῳ* enim dici videtur, *διπλὸν τὸ δῖς πέπειν*, id est, à bis ferendo.

17. C N. P I S O juvenis etiamnum Manilium Crispum reum egit , evidenter nocentem : eumque licet præpotentem multis , ac magnis criminibus urgebat , quod videret illum eripi gratia Pompeji qui Pisoni reo aderat. Itaque cum Pompejus velut exprobrans juvenilem temeritatem Pisoni , qui non vereretur nobilem & opulentum , atque ipsi cum primis amicum , ad judices pertrahere , dixisset , Quineadem opera me quoque accusēs : intrepide respondit Piso , *a Da vades Rei-publicæ te , si postulatus fueris civile bellum non excitaturum , tuum nomen prius , quam Manili , deferam*. Hic elegans epiphonema subjicit Valerius Maximus , Eodem , inquit , judicio duos sustinuit reos , accusatione Manilium , libertate Pompejum : & alterum lege peregit , alterum professione.

18. T H A L E S Milesius interrogatus quantum distaret à mendacio veritas , *b Quantum* , inquit , *oculi ob auribus*. Sentiens ea demum esse indubitata fidei quæ contuemur oculis , rumoribus ac fabulis hominum haud tuto credi. Eodem pertinet Homericum figmentum de somniis , quorum quæ subvolant per portam corneam , vera sint : quæ per eburneam , vana. Corneæ portæ involucro designans oculos ob coloris similitudinem : eburnæ os , ob candorem dentium.

19. I S O C R A T E S ad patrem qui dicebat se cum filio non misisse , nisi unicum mancipium , *c Abi igitur* , inquit , *& habebis duo*. Id bifariam potest intelligi. Reditu domum apud me relicto filio , quem

C c 5

post-

a Libere. b Rumores. c Instructio.

posteaquam ita formaro, ut tibi non minus dicto sit audiens, quam quilibet servorum tuorum, pro uno mancipio habebis duo. Aut, abi domum, ac puta tibi ea pecunia quam pactus es pro filio instituendo, jam me quoque tuum esse factum, ut non minori curæ mihi futurus sit tuus adolescens, quam si tuum esset mancipium. Simile quiddam tribuitur & Aristippo.

20. CN. LENTULUS Marcellinus consul in concione graviter questus est de Magni Pompeji immodica potentia. Hujus orationem cum populus clara voce acclamans approbasset, *a* *Acclamate, inquit, acclamate Quirites dum licet: jam enim vobis impune facere non licebit.* Significans illius potentiam brevi eo magnitudinis evasuram, ut nulla in re tutum esset ullo patto resistere, si quid illi collibuisse.

21. HELIUS Mancina Formianus, libertini filius, ultimæ senectutis, L. Libonem apud Pompejum accusabat, in quo certamine Pompejus Liboni favens, Helio & generis humilitatem & senium exprobrans, dixit illum ab inferis remissum, ut claros viros accusaret. Hoc convitium incunctanter retorfit hoc modo, *b* *Non mentiris, inquit, Pompei: plane ab inferis reversus sum. Sed dum illic moror, vidi Cn. Domitium Anobarbum deplorantem, quod summo genere natus, vita inculpatissima, patriæ amantissimus, in ipso juventutis flore tuo jussu esset occisus. Vidi pari claritate conspicuum Brutum, ferro laceratum, querentem id sibi prius perfidia, deinde etiam crudelitate tua accidisse. Vidi Cn. Carbonem acerrimum pueritiæ tuæ bonorumque patris tui defensorem, cum tertium consul esset, catenis quas tu illi injici jusseras, vinctum obtestantem, se adversus omne fas & nefas, cum in summo esset imperio, à te equite Romano trucidatum. Vidi eodem habitu & quiritu, pratorium virum Perpennam savitiam tuam execrantem, atque hos omnes eadem voce indignantes, quod indemnati sub te adolescentulo carnifice cecidissent. Has Mancinæ voces, fortassis aliquis temeritatem appellet citius quam libertatem. Scitum est, quod sub-*
nectit

a Libere. b Libere.

neſcit Valerius. Eo tempore & fortiffimum erat Pompejo maledicere, & tutiſſimum. Fortiſſimum ob ſummam potentiam, tutiſſimum ob revocatam veterum facinorum invidiam.

22. DIPHILUS tragoediarum actor, cum in ludis Apollinaribus ad eum verficulum veniſſet, Miſeria noſtra magnus eſt: *a* directis in Pompejum Magnum manibus pronuntiavit. Actio in tantum placuit populo, ut aliquoties fuerit revocatus, nec hiſtrio veritus eſt iterare ſimili geſtu. Dubites utrum potius mirari conveniat, actoris audaciam an populi. Simili audacia uſus eſt in eadem fabula, cum ventum eſſet ad eum verficulum: Virtutem iſtam, veniet tempus quo graviter gemas, tamenſi mihi videtur carmen eſſe mutilum. Suſpicor addendum, Serva virtutem iſtam, aut aliud ſimile verbum, ut ſit verſus Trochaicus.

23. SERGIUS Galba C. Julium conſummatis victoriis in foro juſ dicentem hujusmodi dictis auſus eſt interpellare: *b* C. Juli Caſar pro Cn. Pompejo Magno quondam genero tuo in tertio ejus conſulatu pecuniam ſpondi, quo nomine nunc appellor. Quid agam? Num dependam? Hac voce palam illi exprobrans quod Pompeji bona vendidiſſet, cui fuerat affinitate junctus. Aequum autem videbatur, ut qui bona generi vendiderat, ea dependeret, quæ nondum orto inter illos bello fuiſſent contracta. Caſar hac invidia commotus, æs alienum Pompeji è fiſco reſolvi juſſit.

24. CUM Philippus Macedonum rex cognitionem exerceret parum ſobrius, ac perperam adverſus mulierem quandam tuliffet ſententiam, illa ſentiens errorem eſſe vini non regis, exclamavit: *c* Provocarem, inquit, ad Philippum ſed ſobrium. Excuffit regi muliebre convitium temulentiam, adegitque ut expergefactus cauſſam eandem animo præſentiore cognosceret. Heic dubites utrum potius admirari debeas ſceminæ libertatem, an tanti principis humanitatem. Simile quiddam & ante retulimus, ſed ſub viri perſona.

25. SCIPIO Æmilianus creatus cenſor addito col-

C c 6

lega

a Libere. b Libere. c Libere.

lega Mummio, viro magnæ quidem nobilitatis, sed vitæ dissolutioris, pro rostris dixit *a* se ex maiestate reipublicæ omnia gesturum, siue cives sibi dedissent collegam, siue non dedissent: innuens satius fuisse non habere collegam censuræ, quam talem collegam.

26. P. RUTILIUS amico cuidam rem injustam petenti pernegabat. Cumque is commotus per summam indignationem diceret: Quid ergo, inquit, mihi opus est tua amicitia, si quæ rogo non facis? *b* Immo, inquit Rutilius, quid mihi opus est tua, si quid inhonestæ rei propter te facturus sum?

27. CUM M. Bruto tota fere Lusitania sese dedisset, sola urbs Ciania pertinaciter arma retineret, tentatum est per Bruti legatos ut data pecunia perseverarent esse sui juris. Verum his populus Cianensis uno ore respondit, *c* si ferrum à majoribus relictum, quo urbem tuerentur, non aurum quo libertatem redimerent.

28. JULIANUS Imperator, ni fallor, cum in frequenti turba quidam ipsam his verbis appellaret adversus adversarium suum: Thalassius inimicus pietatis tuæ nostra per vim eripuit, *d* Agnosco, inquit, ab illo me fuisse laesum, proinde dic illi ut mihi potiori in amico prius satisfaciatur: mandavitque præfecto ne prius cognosceretur illorum negotium, quam ipse cum Thalassio rediret in gratiam. Quod alter adduxerat ad maturandam vindictam, Cæsar torfit in cunctationem.

29. CYRUS rex rogatus ab hospite quid ad prandium apparari juberet, *e* Nihil aliud, inquit, quam panem: nam spero me propè Crinum cœnaturum. Mira frugalitas in rege barbaro, cui panis erat pro opsonio, & sitim aquæ spe deferebat in cœnam. Refert Ammianus.

30. SIGISMUNDUS imperator, Alberti focer, cum aliis multis nominibus, tum illo præcipue commendabilis fuit, quod ut ipse linguarum ac literarum peritiam amavit, ita viros eruditione præstantes semper ornare ac provehere studuit. Quo nomine cum à Ger-

manis

a Libere b Juste, c Fortiter. d Præter spem. e Frugalitas..

manis principibus qui latinas litteras oderant, reprehenderetur, quod homines obscuro genere natos ob litterarum commendationem foveret: *a* Quid ni, inquit, eos amem, quos natura ceteros antecellere voluit? Germani plurimum tribuunt generis nobilitati, at vir prudens intellexit in eruditis esse quiddam stemmatis præstantius. Illi habent ædium parietes clypeis & imaginibus depictos, hi animum habent optimis disciplinis exornatum. Porro ut natura animus præstantior est corpore, ita ornamenta ingenii longe pulchriora sunt externæ nobilitatis insignibus. Qui nihil aliud habet quam majorum imagines, opinione nobilis est verius quam re. At qui virtute præditus est, unde manat etiam illa vulgaris nobilitas, germanam ac nativam habet nobilitatem.

31. P L A T O dicere solet *b* spes esse vigilantium somnia. Ad quod allusisse videtur Virgilius, cum ait, An qui amant ipsi sibi somnia fingunt? Nam dictum mirum est quam varias imaginationes patiantur in animo suo, qui vehementer sperant aliquid. Atque his incanis simulachris perinde semet oblectant, ac si jam tenerent quæ sibi pollicentur.

32. S C O P E L I A N U S sophista, quoniam somni parcissimus noctem existimabat studiis & exercitationi mentis accommodam, subinde solitus est exclamare, ὦ νύξ, σὺ γὰρ δὴ πλείστον σοφίας μετέχεις μίρον τεῶν, id est, *c* O nox, nam tu sane maxima ex parte consors es sapientiæ deorum. Habet enim hominis mens in alto illo silentio, corporis sensibus jam seriatis, aliquid divinitatis, si sese intenderit ad rerum sublimium speculationem.

33. C U M Alexander Thebanorum mœnia diruisset, Phryne meretrix pollicita est se suis impendiis reposituram, modo cives paterentur hoc insculpi elogium. Ἀλέξανδρος μὲν κατέσκαψεν, ἀνέστησε δὲ ἐρύμην, id est, *d* Alexander quidem subvertit, sed Phryne restituit. Hæc merito quis dubitet, utrum sit admiratione dignius: an quod scortum corporis usura tantas opes

C c 7

col-

a Honor eruditioni debitus. *b* Spes. *c* Nox apta contemplationi. *d* Gloria amor.

collegerit : an quod tanto nominis amore teneretur, ut titulum tam care voluerit emptum. Nam ut præclarus est restituere, quam demoliri : ita speciosior fuisse laus Phrynes scorti quam Alexandri regis.

34. PYTHAGORAS videns quendam à discipulis attentiores curando corpori, idque agere ut obelus esset ac nitida cute, *a* Hic, inquit, non desinit sibi carcerem molestiorem struere. Sensit hominem esse animum corpori ceu carceri inclusum, quod quo reddas habitus, hoc magis gravatur animi vis.

35. PLOTINUS philosophus Platonius, Amelio pictori roganti, ut corporis formam pateretur effingi, non passus est, *b* Quid, inquit, an non satis est nobis hanc imaginem circumferre, nisi & imaginis imaginem relinquamus posteris ostendendam? Judicavit cum Pythagora corpus esse thecam mentis, utcunque eam exprimentem, minimum autem hominis videre eum, qui nihil aliud videt quam corpus.

36. SOPHOCLES jam extremæ senectutis, à filiis accusatus est dementiæ. At is pro apologia iudicibus recitavit fabulam, quam proxime scripserat, rogans num ea videretur delirantis. Fertur & hoc dixisse : *c* Si sum Sophocles, non deliro; si deliro, non sum Sophocles: Sentiens in eruditis ac sobriis animi vim non elangescere, sed revigescere potius usu & exercitatione.

37. ÆLIANUS sophista scripsit in Gymnidem tyrannum. Hunc cum Philostratus Lemnius ostendisset legentem indignabundo & concitato similem, percunctatus est, quid argumenti esset præ manibus : *d* Scribo, inquit, Gymnidis accusationem. Laudarem, inquit Philostratus, si viventem accusasses. Id enim erat viro dignum, nam lacerare defunctum, cuius in promptu est.

38. DIOGENES in caupona prandens Demosthenem forte prætereuntem invitavit ut accederet. Id cum ille pudore recusaret. *e* Erubescis, inquit, Demosthenes.

a Obesitas. *b* Corpus hominis umbra. *c* Senectus sana.

d Larvas insectari. *e* Rhetores servi populi.

cauponam ingredi? Atqui heic herus tuus quotidie versatur, innuit oratores nihil aliud esse quam mancipia populi, nec esse par, ut illic pudeat servum populi videri, ubi populus assidue viveret.

39. IDEM quibusdam admirantibus carmen illud Hesiodi:

Οὐδ' ἄν βῆς δ'πόλοιτ' εἰ μὴ γείτων κακὸς εἴη.

Id est:

Ne bos quidem pereat, ni vicinus sit malus.

a Atqui Messenii, inquit, simul cum bubus perieri, vobis vicinis. Exprobravit Atheniensibus ignaviam, qui Messeniis vicinis adversus Lacedæmoniorum vim non fuerint opitulati.

40. CUM Aristoteli graviter affecto medicus quidam præscriberet cum auctoritate, nec ullam adferret rationem, b Ne me, inquit, perinde curaris, ut bubulum aut fessorem, sed prius doce me causam cur ista præscribas, atque ita demum habebis obsequentem. Docens viris cordatis non ita imperandum, quemadmodum imperamus asinis.

41. ALCIBIADES Socrati miserat munus præclarum, id cum Socrates videretur recusaturus, Xanthippe dissuasit, asseverans donum esse magnificum, & indignum quod respueretur. Tum Socrates, c Alcibiades, inquit, hac mittit ambitiose, & nobis nostra est ambitio. Sentiens interdum esse magnificentius magna contemnere, quam magna largiri.

42. ZOILUS interrogatus, quamobrem ita studeret omnibus maledicere, d Quoniam, inquit, maledicere cum cupiam, non possum. Expedita malitia morbum ingenue confitentis & amantis.

43. GNATHÆNA meretrix adolescentem, qui fama ipsius illectus ex Hellesponto venerat in Atticam, essetque in convivio loquacior, ita compescuit: An non dicebas, inquit, te ex Hellesponto huc profectum? Cum annuisset. Et qui sit, inquit, ut primariam ejus regionis civitatem non noveris? percunctanti, quam?

a Salse. b Imperium humanum. c Facete. d Maledicentia.

quam? *Sigæum*, inquit Gnathana, atque ita civiliter admonuit illum silentii. Nam *σιγάειν* Græce silere est, inde dictum videtur Sigæum.

44. PHILIPPUS rex multa quæstus apud Romanorum legatos de moribus & calumniis Thessalorum, tandem elatus ira, hanc vocem adjecit, *a* nondum omnium dierum solem occidisse. Hæc sermo non Thessalis modo, verum etiam Romanis suspectus, utriusque gentis fremitum excitavit Titus Livius 4. Decad. lib. 9.

45. ALEXANDRI mater Olympias cum audisset filii cadaver insèpultum fuisse abjectum, inter lamenta dixit hoc quoque: *b* *O* *fi* *i* *tu* *qui* *studebas*, *æ* *i* *particeps* esse, huc toto impetu properans, ne is quid *m* *potiri* *valuisti* *quæ* *sunt* *mortalium* *omnium* *communia*, *terra* *ac* *sepult* *ra*. Alexander vivos ambiebat divinos honores: defuncto nec ultimus ille contigit honores quem quivis homo persolvit homini, quamlibet humili. Narrat enim Q. Curtius & Plutarchus, Alexandri corpus multis diebus insèpultum jacuisse ob graves procerum concertationes de successione principatus. Fuit & alter Alexander Epiri rex, Olympiadas frater, cujus corpus amne in hostium castra devectum est, itaque ab his fœde laceratum, unius tamen mulieris opera sepultum est, licet mutilum. Refert Titus Livius Decadis 1. lib. 8.

46. POLLIO Romulus qui centesimum excefferat annum Augusto percunctanti, qua tandem ratione illum corporis animique vigorem servasset: *c* *Intus*, inquit, *mulso*, *foris* *oleo*. Tradit Plinius naturam hominibus duos dedisse liquores optimos: oleum foris adhibendum corpori, vinum intus. Mel autem ob humidam calidamque vim admodum senibus accommodum est. Nunc mel in totum à mensis submovimus, & oleum corpori infundimus.

47. CATO Uticensis dixit, *d* C. Cæsarem sobrium accessisse ad evertendam Rempublicam. Id Quintilianus

a Minaciter. *b* Deus insèpultus. *c* Senectutis alimonia. *d* Acute.

nus ita refert, ut putet nihil dici significantius. Sensit enim illum hoc jam olim animo agitasse, quod postea fecit.

48. PLATO tantum tribuebat Aristoteli, ut cum ille forte fortuna non adesset in Academia, exclamarit, ἀπῆστιν ὁ τ' ἀληθεύας φιλοσοφῶνς, id est, *a* abest veritatis philosophus. Rursus cum alio tempore abesset, dixit, ὁ ὤς ἐπεὶ ἦλθεν, *non venit intellectus*: innuens se ab illo uno intelligi.

49. ARISTOPHONTEM Æschines tradit, apud Athenienses gloriari solitum, *b* quod cum nonagies quinquies esset vocatus in jus, semper fuerit absolutus. At Cephalus homo popularis justius gloriabatur, quod cum plura decreta scripsisset, quam alius suorum temporum quisquam orator, tamen nunquam coactus sit causam dicere. Certius innocentiae signum est, ita rem gerere, ut nemo velit accusare, quam si postulatus elabaris è judicio, elabuntur interdum & nocentes, at qui absolvitur, licet poenam effugiat, cicatricem tamen criminis circumfert.

1. QUIDAM accusatus quod patrem pulsasset, hoc modo defendit impium facinus, *c* Et ille, inquit, patrem suum verberavit, & hic, ostenso filio, me verberabit, postea quam adoleverit. Adeo nobis hoc gentilitium est. Videmus hoc fere vulgo evenire, ut qualis quisque fuerit in parentes, tales experiatur in se liberos.

2. ALIUS quidam cum à filio pertraheretur, ventumque esset ad limen domus, *d* Desine, inquit, fili, nam & ego patrem hucusque. Agnovit se meruisse qui sic a filio tractaretur, tantum postulavit ut esset æqua retaliatio.

3. HERACLITUS philosophus in seditione rogatus, ut ad populum sententiam diceret, quo pacto civitas redigi posset in concordiam, *e* consensu suggesto poposcit calicem aquæ frigidae, & paululum farinae

a Ingenium. *b* Innocentia illibata. *c* Institutio liberorum. *d* Exemplum reciprocum. *e* Locus seditionum patens.

rinæ insperfit, mox de Glechone admisit, id est vel pulegii silvestris vel leguminis genus. Dein epoto calice discessit, nec verbum addidit: hoc pacto innuens ita demum civitatem carituram seditionibus, si repudiatis delitiis assuescerent parvo contenti esse. Et hic Heraclitus suo respondit nomini. Nam σκοτεινός dictus est, id est, tenebrosus. Referatur & hoc inter ἀποφθέγματα.

4. S I M O N I D E S Cæus in convivio rogatus à Pausania Lacedæmonio ut aliquid proferret quod resperet sapientiam, ridens, *a* *Memineris*, inquit, *te hominem esse*. Ea vox tum quidem contempta est Pausaniæ: verum post ubi Chalcoëæ fano inclusus obsideretur, fame ac frigore moriturus, ter inclamavit Cæum hospitem, qui prudenter admonuisset.

5. D I O G E N E S cum Rhodios quosdam adolescentes elegantiore cultu conspexisset, dixit τὴν ἔτῃ βῆν, id est, *b* *hic factus est*. Rursum cum vidisset Lacedæmonios substripta tunica parce sordideque cultos, ἄλλῃ, inquit, ἔτῃ τὴν ἔτῃ βῆν, id est, *hic alius factus est*. Significans non minus peccare eos qui ad ostentationem sordide vestiuntur, quam qui splendido vestitu sese jactitant. Unde scitum est illud divi Hieronymi, Pullas vestes æque ut candidas devita.

6. A D O L E S C E N S quidam postea quam Zenonem aliquandiu audierat, domum reversus à patre rogatus, quod tandem operæ pretium fecisset in philosophiæ studio, *c* *Ostendam*, inquit: Cum nihil aliud diceret pater iracundus, existimans impendium perisse, coepit flagris cedere filium. Eam parentis sævitiam adolescens æquissimo animo tulit. Ac rursus efflagitanti patri, ut aliquod specimen profectus ederet, expectanti egregium aliquot sophisma? *Hoc*, inquit, *è philosophia fructus reruli, ut patris iram possim commode perpeti*.

7. D E M E T R I U S Cynicus damnabat *d* artem saltatoriam, velut inutilem gesticulationem ad tibie modos.

a Piscator ictus. *b* Sordes ambitiosæ. *c* Patienter.

d Saltatio muta.

modos. Cui gesticulator quidam non imperitus, cupiens arti suæ vindicare gloriam, iussit ut submotis tibicinibus spectaret ipsum saltantem. Assensus est Demetrius. Ille saltavit Homericam fabulam adulterium Veneris ac Martis, ambos Vulcani vinculis irretitos adamantinis, ac Sole prodente diis cæteris exhibitos, Venerem erubescens, varios deorum astantium affectus, Mercurium optantem talia vincula, Martem damnatum ut penderet mœchagria, ac præterea quidquid ad eam fabellam pertinet. Ibi Cynicus artem admiratus, dixit, *Audire homo quæ facis, non video tantum.* Sed mihi manibus ipsis loqui videris. In hujus artis laudem scripsit Lucianus. Plato non probat: & tamen apud Christianos saltatur ineptius.

8. LESBONAX Mitylenæus a histriones ac gesticulatores appellare solet χειροπόροις, quod manibus scirent non lingua. Erat enim saltationis genus, quo graves etiam historiæ citra vocem vel recitantis, vel tibicinis, solo corporis gestu sic repræsentabantur, ut spectatores prope plus intelligerent ex saltatione, quam si quis recitasset. Hæc ars convenit Benedictinis.

9. PILOXENUS quondam cœnans apud Dionysium, quoniam animadvertit regi oppositum piscem mullum insigni magnitudine, cum ipsi appositus esset perpussillus (in piscium enim genere laudantur adulti) pisciculum auribus admovit. Id factum admiranti Dionysio, causamque percunctanti, *b In manibus*, inquit, *est Galatea, de qua volebam ex hoc quadam percunctari.* Verum negat se per atatem quidquam adhuc scire, sed ait proavum suum istic esse in tuo disco, qui multa posset commemorare si liceat colloqui. Exhilaratus rex misit illi suum mullum.

10. APPELLIS atate complures erant in arte pingendi nobiles, quorum opera cum pro suo candore miraretur, collaudatis omnibus dicebat illis deesse unam illam Venerem, quam Græci χέρτα vocant: ingenue proficiens cætera omnia illis contigisse, in hac una nemi-

nem.

a Gesticulatio. b Facete.

nem ipsi parem esse. Simile quiddam est in phrasi, quod allicit ac remoratur lectorem aut auditorem, cum tamen nec habeat nomen nec arte præcipi possit.

11. I D E M cum tempestatis vi Alexandriam delatus esset, quidam Apellis æmuli subornarunt planum, hoc est scurram regium qui eum vocaret ad coenam. Is non suspicans dolum venit. At cum rex qui illi erat insensus indignaretur, & ostensis vocatoribus juberet indicari à quo vocatus esset: a Apelles arrepto corbone extincto è foculo, imaginem deliniavit in pariete, ut rex protinus ex inchoato opere agnosceret planum suum. Eadem opera & artis suæ, & civilitatis suæ specimen dedit. Sit & hoc, si libet, apophthegma mutum.

12. P I C T O R quidam interrogatus quem habuisset artis magistrum, b digito populum ostendit, sentiens se ad multitudinis judicium pingere, & observantem quid quisque probaret aut improbaret, artem fuisse consequutum. Idem ab Apelle factitatum legimus, qui post tabulam latitans subauscultabat spectatorum censuras. Numeretur & hoc inter ἀποφθέγματα.

13. S O C R A T E S Alcibiadem adolescentem primum ob imperitiam trepidantem, ut fit, apud tantam multitudinem verba facere, lepida εἰσαγωγὴ animavit: *An non putas*, inquit, *ὦ Alcibiades contemnendum futorem*: Annuit. *An non praconem*? Cum & hoc annuisset, *An non contemneres*, inquit, *tabernaculorum epificem*? Cum similia quædam proposuisset, & is fateretur hos esse contemnendos, tum Socrates: *Atqui*, inquit, *ex his constat Atheniensium populus quem tu vereris, quorum si singulos putas contemnendos, qui minus etiam contempnas condensatos*? Sensit non referre apud quam multos dicas, sed apud quam cordatos. Fit enim hoc miro modo, ut quos singulos despicias, congregatos reverearis. In convivio Platonis Socrates admirabatur Agathonis audaciam, qui coram tot hominum milibus præsentis animo recitasset suam tragediam: cui cum

a Civilitas. b Populi judicium.

cum Agathon respondisset se scitius velle coram multis hominum millibus dicere, quam apud unum Socratem: *a Atqui in illis, inquit, millibus & Socrates erat.* Fit enim & illud miro modo, ut quem unum revereare, in turba nistum contemnas.

14. IDEM conspiciens hominem prædivitem & arrogantem, sed nulla virtute præditum. *b Hic, inquit, equus est argento circumtectus.* Solent enim equi stragulis, phaleris, ac bullis argenteis exornari, cum interim tamen nihil aliud sint quam equi.

15. APUD Ephesum cum Alexander conspectam effigiem sui corporis ad vivum magna arte expressam admiraretur, atque interim forte equus inductus picto in eadem tabula equo adhinniret, deceptus imitatione, Apelles, *c Equus, inquit, ô Rex, multo melius expressus est quam tu.*

16. CUM Alexander etiamnum pubescens citharæ daret operam & præceptor artis subinde moneret quam cordam quomodo pulsare deberet, & puer parum obsequens doctori dixisset, quid si hanc pulsarem? Citharædus lepide respondit, *d Si istuc quæris tanquam mox rex futurus, nihil refert: si ut artifex futurus, plurimum interest.*

17. ALEXANDER Macedo præter modum delectatus est Homero, adeo ut illum ad verbum edidicerit, ac dormiens etiam cervicali suppositum haberet. Eum alias summum virtutis præconem, interdum poëtam βασιλικὸν appellare consuevit: cuius carmina censebat non ad citharam, ut aliorum, sed ad tubam potius esse canenda. Addebat illud, se malle Homeri Therpsiten esse quam Cherili Achillem. Cherilus erat Alexandri poëta non satis felix, qui cum fertur ita pactus, ut pro quoque bono versu acciperet Philippeum aureum, pro malo colaphum. Idem cum in Sigeo ad Achillis tumulum astitisset, *e O fortunate, inquit, adolescens, qui tue virtutis præconem Homerum inveneris!* Refert Cicero in oratione pro Archia.

18. ARI-

a Solerter. b Dives indoctus. c Imitatio. d Artes regia. e Homerilaud.

18. **ARISTOBULUS** historicus librum conscripserat de rebus ab Alexandro Macedone gestis, in quo multa supra veri fidem adulantissime affinxerat, eum cum illi in navigatione recitasset, Alexander arreptum è manibus librum in fluvium Hydaspem demersit, & ad Aristobulum conversus, *a* Tu, inquit, dignior eras ut eodem præcipitareris, qui solus me sic pugnantem facis, ac vel uno jaculo interficis elephantem.

19. **SOCRATES** animadvertens Antisthenem ambitiosius ostentare vestem laceram & detritam, facete hominem increpavit, & πάντη, inquit, ἐγκλωπιζόμενος ἡμῶν, id est, *b* non desines te nobis comere? Significans ejusdem esse ambitionis utilitatem amictus ostentare, & delicato cultu sese venditare.

20. **MILO** Crotoniates, cum jam consenuisset, videns Athletas in certamine exerceri, suos lacertos intuitus jam senio defectos, illacrymasse fertur ac dixisse: *c* At hi quidem jam mortui sunt. Corporis vigorem adimit ætas, animi vis ad extremam usque durat ætatem.

21. **CYRUS** apud Xenophontem moriens, extremæ jam senectutis *d* negabat se unquam sensisse senectutem factam imbecilliolem quam fuisset adolescentia. Maxima pars incommodorum, ob quæ vulgo male audit senectus, ab intemperantia vitæ proficiscitur.

22. **PYTHIUS** natione Lydus in urbe Phrygiæ Celænis, nam ibi regnabat, homo prædives, sed auri studio præter modum deditus, totam fere civitatem in fodiendis metallis occupatam tenebat, ut jam vix quidquam aliud agi vacaret. Hujus morbo uxor solerti remedio medicata est. Absente marito curat & mensam & omnem mensæ suppellectilem à fabre ex auro confici, denique & cibariorum effigies, quibus noverat maritum præcipue delectari. Reverso cum convivii tempus esset, apponitur mensa aurea cum reliquo vasorum apparatu. Atque hoc sane spectaculo dives aliquandiu pavit oculos. Tandem cum interpellaret stoma-

a Adulatio. *b* Sordes ambitiosa. *c* Senectus Cyri.
d Senectus.

machus, jubet apponi cibos. Apponuntur illa aurea ciborum simulachra, spectanda non edenda. Hic cum incandesceret ira Pythius, flagitans apponi quod edi posset, jam dudum spectaculorum esse satis. Tum uxor, *An non sentis, inquit, Tythi, dum nihil aliud quæris quam aurum, agricolationem deserere & cives tuos ad famem vocari, brevi perituros si qua cœpisti pergas?* Hoc civili commento cordata mulier maritum ab immodico auri studio revocavit.

23. ANTIANIRA Amazonum regina demirantibus quod nupsisset claudio; satis cynice respondit, *ἀρεσυχωλὸς οἱ θεῖ*, id est, *a claudus optime virum agit*. Sensit maritum adhibendum non ad oculorum oblectamenta, sed ad usum conjugii. Feruntur autem claudi salaciores esse cæteris, & ob id ad gignendam prolem magis accommodi.

24. PACUVIUS Ario vicino querebatur quod in horto suo funestam haberet arborem, unde prima uxor sese suspendisset, dein altera, postremo tertia, cui falsissime respondisse fertur Arius. *b. Miror te in tot successibus invenisse lachrymas. Item, Deum immortalem, quot tibi dispendia arbor illa suspendit?* Adjecit, *Amice quæso te da mihi ex ista arbore quos inseram surculos.* Hoc postremum à nobis ante relatum est. Arius *μισογυνὴς* fortunatum existimabat ab uxore liberari.

25. NARRATUR & illud Catonis dictum, *c si sine uxoribus mundus esse possit, vita nostra non esset absque diis*. Sensit felicissimam hominum vitam fore, si datum esset à conjugio liberos vivere. Sed ut idem ait apud A. Gellium, cum illis incommode vivitur, sed sine illis omnino non vivitur, ut merito dici possit uxor necessarium malum.

26. ORSINES Satrapes, cum Alexandrum & hujus amicos muneribus amplissimis honorasset, Bagoæ eunucho nihil dedit. Sed admonitus ab amicis, quod is Alexandro cum primis esset carus, respondit *d se regis amicis honorem habere, non scortis, nec apud Persas esse*

a Claudii salaces. b Uxor molesta. c Conjugii molestia. d Libere.

esse moris, ut viri mares ducant. Agnoscas in hoc Satrapa mentem Cyro generis auctore dignam. Honorare noverat, adulari non poterat, cum hodie quoque cernantur in aulis, qui scortis, morionibus ac leonibus principum plus deferant honoris, quam genere ac virtute præcellentibus viris.

27. M E D I U S ex Alexandri parasitis unus, solet alios adhortari, ne metuerent quodvis crimen in quemvis intendere. Adjecit scelerato præcepto causam appositam: *a Ut maxime, inquit, sanet vulnus qui delatus est, manet tamen cicatrix.* Non arbitror quenquam esse diabolum tam impium, qui rem magis nefariam possit suggerere. Et quo foedius est crimen, hoc tenacius hæret apud multos criminis suspicio, vel in innocentissimum. Audi vi ducem quendam his verbis adhortantem suos milites nauticos ad quidvis prædandi temeritatem: Rapite quidquid potestis, siue merces sunt amicorum, siue hostium: nam ut qui spoliati sunt, sic agant apud principem, ut compellamur restituere, semper aliqua prædæ portio remanet apud nos.

28. G O R G I A S sophista cum forte fortuna legisset Platonis dialogum, sui cognominis qui Gorgias inscribitur, dixisse fertur, *ὡς καλῶς οἶδε Πλάτων ἰαμβίζειν, ut pulchre novit Plato jambissare, hoc est mordere.* Nam is pes primum ab Archilocho, ni fallor, repertus est ad maledicendum: unde & nomen habet, vel à muliere petulante & baccha, vel à mittendis jaculis. Siquidem in eo dialogo præcindit sophistas, id quod nusquam non facit.

29. R H O D I U S quidam, de quo nobis antea dictum est, ob intempestivam libertatem à tyranno injectus in caveam, in qua more nocentis bestię alebatur, ad cruciatum & ignominiam, amputatis naribus ac foedata vulneribus facie, cum ab amicis admoneretur, ut media sibi malorum finem quæreret: *b Cuncta, inquit, homini quoad vivit speranda sunt.* Citius illum laudari, quam istos qui ob causas non admodum graves, confugiunt ad laqueum, aut ad præcipitium.

30. A N-

a Calumniæ cicatrix. b Spes pertinax.

30. ANNICERIS quidam Cyrenæus aurigandi peritia fuit insignis : & ut egregius artifex, ita gloriosus artis ostentator, venit in Academiam Platonis : atque illic rationes omnes procurrendi, recurrendi, flectendicurrum, & per easdem interdum orbitas redeundi ostentabat. Admirantibus ceteris, Plato negabat a sibi videri probabile, eum virum qui totum animum inutili studio dedisset, ad ullam rem gravem ac frugiferam esse idoneum.

31. THEMISTOCLES cum adversus barbaros describeret Athenis exercitum, & in theatro ex illius gentis more producti essent galli gallinacei, atque inter sese commissi mira pertinacia inter se depugnarent ad necem usque, rem ludicram vertit in seriam cohortationem. Sic enim cives suos affatus est : *At isti*, inquit, *neque pro aris ac focus, neque pro liberis depugnant, sed tantum quod vinci turpe sit.* Quo igitur animo vos esse par est, quibus pro salute patriæ, pro carissimorum incolumitate, pro libertate certamen est ?

32. SUBACTIS à barbaris Lacedæmoniis Leptines dicit Græciam esse factam *μονόρδαλμον*, id est luscā, sentiens Atticā & Laconicā esse cordatissimas Græciæ partes. Meminit Aristoteles in rhetoricis.

33. APUD Iassios, populum magna ex parte piscibus victitantem citharædus quidam in foro ostentabat artem. Verum simul atque tintinnabulum crepitu signum dedit adesse pisces venales, turba subito deseruit cantorem, & ad piscium mercatum advolavit, uno excepto, qui quod surdaster esset, tintinnabuli sonitum non audierat, aut certe non attenderat. Huic citharædus propius accedens, gratias egit, quod & artem honorasset, & ipsum non passus sit esse prorsus desertum. Tum ille, an crepuit tintinnabulum ? Ut annuit, *b Volebis*, inquit, *egrègie magister* : seseque mox ad pisces proripuit. Citharædo liberum erat sibi canere & musis. Longe major est nobis cura ventris quam artium liberalium.

34. ROMÆ in foro pendeat tabula quædam habens imaginem pastoris veluti cum pedo, de hac Teuto-

Dd

num

a Artes inutiles. b Ventris cura prima.

num orator rogatus quanti eam æstimasset, satis Germanice respondit, *a* se nolle sibi dono dari talem vivum ac verum. Barbarus non agnovit artificium, tantum spectabat formam. Atqui quæ natura deformia sunt, plus habent & artis & voluptatis in fabula.

35. G O R G I A S Leontinus extremæ jam ætatis, cum sentiret somnum lethalem obrepere, amico qui assidebat percunctanti quo pacto haberet: *b* Somnus, inquit, jam incipit me fratri suo commendare. Homerus enim somni fratrem appellat mortem. Nam mors Græcis masculus est. Simile quiddam de Diogene retulimus antea.

36. I S M E N I A S insignis tibicen discipulis suis non minus ostendebat male canentes, ac scite canentes dicens, *Ad hunc modum canere oportet, ad hunc nequaquam.* Admonuit & Q. Fabius, in scriptis rhetorum non tantum indicari debere bene dicta, sed & mala.

37. D E M O C H A R E S dixit *c* quemadmodum nemo possit è thymbra sive satureia facere bonam lanceam, ita nec è Socrate probum militem. Sentiens militibus convenire ferociam, cum Socrates esset omnium injuriarum tolerantissimus. Quidam hoc tribuunt Crateti.

38. M E L A N T H I U S negabat *d* eam iram videri gravem quæ mentem cogat emigrare, sed quæ prorsus excludat domo: Sentiens probis etiam ingeniis adjunctam esse iracundiam, sed hoc vitium esse tolerabile, si celeriter ad se animus redeat, & pro ira rationem in consilium adhibeat. At si perturbatio penitus infideat animo, ita ut excussa ratione feratur effreni impetu, certa perniciēs est.

39. I S O C R A T E S pueros candidos, ac felici ingenio natos appellare solet *θεῶν παῖδας*, id est, deorum filios: eo quod hominis mens divinæ sit originis, qua qui præcellit deos parentes referre videtur. Prisci dæmonibus attribuebant corpora, eosque deorum filios appellabant. Dæmones autem à scientia dicti sunt,

a Crassa judicia. *b* Mors senilis. *c* Philosophus miles.
d Ira brevis.

sunt, quasi *σαῖμνες*. Idem de duobus auditoribus suis Theopompo & Ephoro, quorum prior erat acerrimo ingenio, alter leni, dicere solet, *a* *Se alteri adhibere calcaria, alteri frenos.* Præcipuum est ut doctor animadvertat genium ac naturam discipulorum. Meminit Marcus Tullius libro De claris oratoribus.

40. DEMONAX Cynicus philosophus, cum videret Athenienses hoc agere, ut Barbarorum exemplo gladiatorum spectacula in urbem inducerent, *b* *Nolite, inquit, o canes istam crudelitatem prius admittere in civitatem vestram quam Misericordiae aram sitis demoliti.* Significans non convenire in ea civitate, in qua Misericordia pro Deo coleretur, spectari plusquam ferinam crudelitatem.

41. CORNIFICIUS poëta, videns milites in bello quod inter Augustum & Antonium gerebatur, frequenter fugere, appellavit eos lepores galeatos.

42. PHILOXENUS poëta cum in Sicilia fundum ac domum opulentam nactus esset, & animadvertisset illius gentis luxum ac delicias: *c* *Per deos, inquit, hac bona me non perdent, sed ego potius illa.* Moxque cessit aliis hæreditatem, & è Sicilia abnavigavit.

43. FURNIUS Antonii partes sequutus fuerat. At posteaquam victoria cessit Augusto, metuens sibi subornavit filium, qui à victore veniam peteret. Petiit & impetravit. Tum Furnius his verbis Cæsari gratias egit. *d* *Hac una o Cæsar abs te mihi facta est injuria, effecisti ut mihi & vivendum & moriendum sit ingrato:* significans tantam esse ejus beneficii magnitudinem, ut nulla ex parte par esset referendæ gratiæ. Reprehensionis colore blanditus est principi.

44. CILICON quidam sive Acheus Miletum patriam prodiderat Priensibus. Quo nomine merito habebatur omnibus exosus, cujus perfidiam lanus quidam Theagenes sic ultus est. Cilicon adiit Theagenem in macello empturus carnes. Lanus dissimulato odio porrigit carniū partem, veluti refecturus quod super-

D d 2

esset.

a Ingeniose. *b* Gladiatorum immanitas. *c* Divitiarum contemptus. *d* Adulans libertas.

esset. Cillicon profert dextram ex adverso retenturus carnes : Theagenes machara sublata proditoris manum amputavit : ac ne id videretur errore factum , addidit , *a Ista saltem manu posthac non proditurus es ullam civitatem.* Applaudebatur Ianio , quod impium pro dignitate tractasset. Hinc adagium Cillicontis exitium : retulimus hoc in Chiliad.

45. CELEBRATUR C. Cæsaris dictum quod prætextatus adhuc deprompsisse fertur in quendam modulatus orantem , *b Si legis , cantas : si cantas , male cantas ,* Quidam latrant orantes verius quam loquuntur. Sunt qui rethoricam pronuntiationem affectantes , medii sunt inter canentem & loquentem. Meminit hujus Q. Fabius.

46. TIBERIUS Cæsar Attilio Butæ viro prætorio , cum ad inopiam per luxum ac socordiam redactus fateretur ac deploraret paupertatem suam , *c Sero ,* inquit , *experrectus es.* Dormiunt temulentix ac luxui dediti verius quam vivunt. Nam vita vigilia est. Refert Seneca in epistolis.

47. CATO Senior dicebat *d* privatarum rerum fures in compedibus vitam agere , publicarum in auro & purpura conspicuos incedere. Olim simplex furtum non puniebatur capite , sed vincti compedibus præstabant operam. At longe gravius crimen est peculatus quam furtum. Et tamen qui fiscum principis , qui Rempublicam compilant , magnates fiunt.

48. GALBA parasitus objicientibus quod in otio viveret , *e Nemo ,* inquit , *cogitur ad reddendam otii sui rationem :* innuens nullos tutius vivere quam otiosos. Nam rerum gestarum rationem poscuntur qui tractant negotia : at ab otiosis ea ratio non potest exigi.

49. PYTHAGORAS *f* tria præcipue dicebat à diis optanda in hac vita : Bonam valetudinem , formam ac divitias , quod homo cætera sibi præstare posset. Quamquam illud *ὕγαινειν* non minus ad animi sanitatem , quam ad corporis pertinet.

I. CA-

a Acheus. Proditio. b Pronuntiatio. c Luxus inopia parens. d Fures magni. e Facete. f Bona præcipua.

1. CATO senior aiebat se demirari, *a* quod non rideret haruspex, quoties adspiceret haruspicem: sentiens totum hoc divinationum genus imposturam esse, qua populo fiebat fucus. Id cum non fugeret ejus artis peritum, mirabatur quod haruspex haruspicem posset videre absque risu. Solent enim impostores inter se ridere multitudinis stultitiam. Refert M. Tull. lib. de Divin. 2.

2. DEMONAX Cynicus interrogatus quid sentiret de conflictu duorum, *b* quorum alter inepte proponebat, alter absurde respondebat, ait sibi videri alterum mulgere hircum, alterum supponere cribrum.

3. PERICLES cum urgeret belli necessitas, *c* Palladis ornamenta vendidit quadraginta talentis auri, & admirantibus ab illo rem sacrilegam admitti, respondit ex hostium manubiis posse illi reddi cultum nihilo deteriore.

4. PERSÆ dicere solent esse duo peccata, *d* quorum prius sit esse debitorem, alterum mentiri: quod obæratī plerunque mentiuntur, dum pollicentur in diem, nec præstant quod pollicentur.

5. MESALA vir exactissimi judicii ac Romanæ linguæ observantissimus, cum audisset M. Porcium Latronem declamantem, dixit. *e* Sua lingua disertus est. Desiderans videlicet in eo Latini sermonis elegantiam, cum ingenium esset felix. Sed hunc Latronem Seneca cæteris omnibus anteponit.

6. CASSIUS Severus, cum ex Senatusconsulto libri illius exurerentur, *f* Nunc, inquit, superest ut ipse vivus comburatur qui illos edidici. Quod animo inculptum est, nisi cum vita eripi non potest.

7. MONTANUS Attilii Butæ carmen recitabat, cumque quidam indignaretur, quod toto die recitasset, negaretque ad illius recitationes accedendum, nactus Pinarius ait, *g* Nunquid possum liberalius agere? paratus sum illum audire, ab exortu solis usque ad occasum. Gauderat enim is poëta subinde repetere ortus & occasus

D d 3

descri-

a Divinatio vana. *b* Absurda. *c* Superstitio. *d* Debere & mentiri. *e* Argute. *f* Memoria. *g* Facete.

descriptionem. Notat autem & Horatius eos qui ornatus gratia vel immodice, vel non suo loco affectant tales descriptiones :

Aut flumen Rheni, aut pluvius describitur arcus.

8. CUM à Montano recitaretur versus, quibus exortus solis describebatur, Varus eques Romanus dixit : *a Incipit Buta dormire.* Rursus cum succederet descriptio occalus. *Quid dicit, inquit, jam nox est ? Ibo & Butam salutabo :* Eodem scommate taxans : & affectatum carminis decus, & Butæ præposteram vitam.

9. DEMETRIUS dicere solet, *b* nihil sibi videri infelicius eo, cui nihil in vita accidisset adversi : quod oporteat talem hominem aut sibi ignotum esse, ut qui nunquam sui periculum fecerit : aut diis invisum, ut quem præterierint, velut ignavum, nec idoneum ad fortunæ conflictum.

10. LIBERTINUS quidam prædives agebat *c* sibi facilem fuisse viam ad divitias, postea quam pœnituerat ipsum bonæ mentis. Sed hanc illiberalem vocem Demetrius graviter castigavit, apud Senecam, per ironiam ostendens commodissimam ad parandas opes viam, si quam impudentissime aduletur.

11. CRISPUS Passienus dicebat *d* adulationi non esse claudendum ostium, sed aperiendum : verum ut solet, amicæ, quæ si impulit grata est, gratior si effregit. Sensit non probandos eos, qui prorsus non ullam ferunt adulationem, quam ut affectare turpe est, ita ingerentem se non oportet omnino repellere. Prodest enim in hoc ut homo perspiciat qualis esse debeat.

12. PLANCUS agebat, *e* non esse occulte aut dissimulate blandiendum, quod periret procacia si lateat. Fortasse pro procacia, quod erat scriptum, legendum est, procatio : ut sit sensus, Adulator ut procus captat gratiam : procus autem si tam tecte ambiat, ut puella non sentiat, perdit operam.

13. LATRO Porcius, cujus ingenium supra modum miratur Seneca, fuit enim illi condiscipulus, cum

Maxil-

a Vita præpostera. b Præposteritas perpetua. c Adulatio. d Adulatio utilis. e Adulatio tecta.

Maxillus Rhetor exilitatem orationis suæ imputaret controversiæ, diceretque necesse est me per spinosum locum ambulantes suspensos habere pedes: *a Non me hercule*, inquit, *tui pedes spinas calcant, sed habent.* Nam alter ariditatem ingenii imputavit materiæ.

14. **ASINIVS** Pollio dicebat *b* in causâ verecunda nunquam tentari debere improbam quæstionem. Notavit rhetores, qui in declamando moverent quæstiones nihil ad causam facientes.

15. **OSCEUS** rhetor erat non infacundus, sed illud dictionem illius vitiabat, quod nihil diceret absque schemate: *c Poteram*, inquit, *dicere, ave Osce.* Schematum affectatorem salutavit schemate, cum nusquam minus locus sit schemati, quam in quotidiana vulgarique salutatione. Per ironiam itaque usus est occupatione, ut diceret, quod non dicebat, cum sine tropo dicere posset, *ave Osce.*

16. **SEVERUS** Cassius, qui alienas sententias paucis immutatis vocibus usurparent pro suis, dicere solet, *d* eos esse similes furibus, qui poculis alienis mutant anfas ne possent agnosci.

17. **DEMONAX** dicebat *e* nequaquam hominibus irascendum esse si delinquerent, sed corrigenda vitia, nimirum exemplo medicorum, qui non indignantur ægrotis, sed morbo medentur. Nam hominis est peccare, Dei vero aut hominis Deo proximi, emendare peccata.

18. **ACCUSATUS** quod nunquam sacrificasset Minervæ. *f Nunquam*, inquit, *existimaui illi meis victimis opus esse:* notans ineptam vulgi superstitionem, quod putabat deos hostiarum nidore delectari.

19. **IDEM** Phavorini dictionem ut nimium compositam ac muliere congruentiorem quam philosopho solet diæteriis incescere. Id indigne ferens Phavorinus adiit Cynicum percunctans quis esset ille à quo derideretur: *g Homo*, inquit, *cujus auribus difficile est imponere.* Philosophum ut vestis neglectior, ita & oratio decet inaffectata.

Dd 4

20. Ro-

a Salse. b Coacta. c Affectatio. d Furta sententiarum.

e Clementia. f Superstitio. g Oratio modulatio.

20. ROGATUS à sophista quopiam, quod viaticam attulisset ad philosophiam, admodum cynice respondit *a* ὀρχεῖς, id est, *testes*, significans se nudum accessisse.

21. ALTERI percunctanti, quam philosophiæ sectam potissimum amplecteretur: *b* Quis, inquit, tibi indicavit me esse philosophum? Moxque vehementer secum ridens, abiit. Interrogatus quid rideret, *An non magnopere ridiculum*, inquit, *si tu me ex barba iudicas philosophum, ipse barbam non habens?*

22. ADOLESCENTI lascivius culto, qui quæstionem sophisticam proposuerat, nihil aliud respondit quam *περὶ αὐτὸν ὁ παῖς*. Vox anceps est, & ad conficientem quod colligit, & ad obscœnum sensum. Cumque adolescens indignatus respondisset, at ego tibi virum ostendam: Demonax admiranti similis: *c* Quid, inquit, *nam etiam virum habes?*

23. ATHLETA quidam ab eo reprehensus quod victor in Olympiis cultu molli floridoque uteretur, lapidem illi incussit in caput, ita ut sanguis ex vulnere proflueret. Id factum indigne ferentes qui aderant, hortati sunt ut adiret proconsulem, *d* Nequaquam, inquit, *ô viri, ad proconsulem, sed ad medicum potius*. Prius esse debet homini, ut malo accepto medeatur quam ut regerat in alterum.

24. PROTEO cuidam obijcienti quod morderet omnes, nec tamen Cynicum viveret, *e* Amice, inquit, *non vives hominem*.

25. PHYSICO quodam multa de Antipodibus disferente, *f* ostensis in pueto umbris, rogavit num illos antipodas diceret: ridens absurdam quæstionem. Quamquam nunc compertum est, esse veros Antipodas.

26. HERODEM sophistam immodice lugentem Pollucis obitum præmaturum, cum vellet illi currus & equos velut ascensuro jungere, atque etiam cœnam apparare, adiit Demonax, *g* *En tibi*, inquit, *ô Polluce literas*. Exhilarato Herodi, & quid vellet Pollux sciscitanti,

Incu-

a Cynice. *b* Barba non facit philosophum. *c* Salse.

d Toleranter. *e* Libere. *f* Frivola. *g* Luctus.

Incusat, inquit, te, quod cunctis ad ipsum venire. Significans Pollucem ad ipsum non rediturum, sed recte parari curum, si vellet sequi defunctum.

27. **ALIUM** quendam filii mortem inconsolabiliter lugentem, & in tenebris abditum adiit, certo promittens se filii umbram ab inferis revocaturum, si tres ex hominum numero sibi nominare posset, qui nullius luxissent obitum. Cumque is cogitationem per omnes notos circumferens, ne unum quidem reperisset luctus expertem, *a Quid igitur, inquit, te ipsum discrutias homo, quasi novum aliquid acciderit?*

28. **CUM** à quodam quæssisset aliquid, atque ille verbis obsoletis ac priscis responderet. *b Ego, inquit, amice te nunc percunctor, at tu perinde respondes, quasi regnaret Agamemnon.*

29. **CUIDAM** dicenti, eamus in Æsculapii templum ó Demonax pro filii salutem deprecaturi Deum, *c Adeone, inquit, surdastrum existimas Deum, ut nos nisi in templo non sit auditurus?*

30. **AD** Agatoclem Peripateticum arroganter jactantem, sese & solum & primum esse dialecticorum: *d Si solus, inquit, es, qui primus esse potes? si primus, qui solus?*

31. **CUM** apud Athenienses audisset prælatione solenni à sacris moveri Barbaros, rogabat quamobrem id facerent, cum ea sacra tradidisset ipsis Eumolpus natione Trax, nimirum Barbarus.

32. **CUM** legatus navigaturus in Asiam, navem conscendisset, & à quodam interrogaretur, num metueret, ne naufragio ejectus à piscibus devoraretur, *e Quid, inquit, à piscibus metuam, qui tot pisces devorarim?*

33. **QUENDAM** infeliciter declamantem admonuit, ut sese diligenter exerceret: cumque is respondisset, nunquam apud me non declamo, *f Nil igitur mirum, inquit, si dicis inepte, qui hætenus semper stulto auditore solitus sis uti.*

34. **CUM** Athenis quidam Romanus senator filium ad Demonactem adduxisset, eleganti forma, vestitu delicato,

D d 5

licato,

a Luctus. b Obsoleta. c Superstitio. d Arrogantia.

e Absurde. f Nemo sui iudex.

licato, ac deliciis effoeminatum, diceretque, Salutat te ô Demonax filius meus: *a Pulcher est*, inquit, & te dignus, & matri non absimilis. Utrumque poterat dici in laudem. Nunc patrem notavit ex filii moribus, & matri similem dixit mollem & eviratum deliciis.

35. **C O N S P I C A T U S** augurem quendam in publico vaticinia sua vendentem, *b Si potes*, inquit, *ea quæ Parca statuerunt arte tua depellere*, exiguam mercedem postulas: *sin quæ facis decreta sunt*, omnino sunt eventura: quid tua prodest divinatio? Bis miser esse cupit, qui malis quæ vitari non possunt, amat præscire.

36. **S E N E X** quidam Romanus bene robusto corpore, qui armatus sese ad palum exercuerat, rogavit Demonastem num magna vehementia videretur depugnasse. *c Nimirum*, inquit, *adversus hostem ligneum*, innuens illum in vera pugna fore meticulosum.

37. **C U I D A M** qui purpura indutus sese insolentius ostentabat, in aurem, dixit, *d Hæus tu*, hoc ante te gestabat ovis, & ovis erat: significans illum nihilo minus stupidum esse, si gestaret purpuram.

38. **C U M** aliquando in balneis refugeret ingredi aquam ferventiorē, & alius illum appellaret meticulosum, *e Quid*, inquit, *an hoc pro patria passurus essem?* Sentiens temeritatis esse non fortitudinis, subire periculum, ni ob causam gravem & honestam fiat.

39. **P E R C U N C T A N T I** qualia putaret esse apud inferos: *f Exspecta*, inquit, & simul atque illuc venero per litteras tibi significabo omnia: impie sentiens, nullos esse inferos. Nec enim credebat animarum immortalitatem.

40. **A D M E T O** poëtæ insulso jactanti epigramma monostichon, quod testamento mandasset suæ addendum statux: carmen erat. Corpus humo tegitur, Admetus ad astra volavit: respondit *g adeo* sibi placere carmen, ut magno emptum cuperet, si jam nunc esset adscriptum. Tecte optans illi mortem qui vita erat indignus.

41. **D E**

a Ambiguus morsus. b Divinatio. c Pugna ludicra.

d Vestis. e Fortitudo. f Impie. g Salso.

41. DEMONACTI seni crura intumuerant, id videns quidam, Quid istuc, inquit, mali est Demonax? Tum ille, *a Charon*, inquit, *me momordit*. Pro cane dixit Charontem, innuens senectutem morti vicinam.

42. AD Lacedæmonium flagris sævientem in servum, *b Desine*, inquit, *te servo tuo similem ostendere*. Servus enim est, qui suis cupiditatibus imperare non potest.

43. CYNICO cuidam arroganter jactanti pallium, peram & baculum, ac subinde vociferanti, se Antisthenis, Cratetis ac Diogenis sectatorem esse, *c Impudenter*, inquit, *mentiris, cum sis Hyperida discipulus*. Alludit ad vocem, *ὑπεριδῆν*, quod est per arrogantiam despicere. Est autem & rhetoris nomen Hyperides.

44. PROCONSUL Cynicum quendam, à quo publice fuerat proscissus ob unguenta ac mollitiem, ad supplicium abripi iussit. Huic deprecator aderat Demonax dicens ignoscendum Cynico: si quid dixisset mordacius, id esse sectæ vitium, non hominis. At cum proconsul non negaret veniam, sed si quid simile denuo committeret, rogaret, quas poenas esset daturus, *d Profecto*, inquit, *Demonax tum hominem totum inungi, ac forcipe velli jubebis*, plusquam cynice momordit, qui cynicæ mordacitatis agebat patronum.

45. ALTERI cui imperator ingentem exercitum commiserat, sciscitanti quomodo posset delegatam provinciam quam optime gerere. Si, inquit, *ira vacaris, & quam minimum loquens plurima audieris*. Ira ad omnem functionem inutilis est, & proverbio quoque princeps jubetur, & æqua & iniqua audire.

46. ROGATUS an philosophus etiam placentis vesceretur, *e Quid*, inquit, *num putas apes stultis tantum mellificare?* Placentæ melle condiebantur, sacchari usum nondum reperto.

47. IN Ruffinum claudum multo tempore familiarem peripateticis dixit, *f nihil esse turpius peripatetico claudo*. Alludit hic, quod peripatetici dicuntur ab inambulatione, quæ non convenit claudis.

D d 6

48. ERI-

a Senectus. b Ira. c Arrogantia. d Mollities. e Facere. f Jocosus.

48. EPICTETO cynico suadenti ut uxore ducta daret operam liberis : neque enim id indignum esse philosopho , *a* *Da mihi*, inquit , *igitur unam è filiabus tuis*. Notans illum inepte suadere alteri , quod ipse non faceret.

49. IN Herminum peripateticum qui semper in ore habebat decem Aristotelis categorias , ita lusit , *b* *Equidem arbitror Hermine te non indignum decem categoriis*. Jocus est ex ambiguo vocis. Categoriae Græcis vel prædicamenta dicuntur , vel accusationes.

50. JURISPERITO dixit , *c* *leges prorsus videri inutiles* , ut quibus boni non egerent , mali nihilo fierent meliores.

51. MORIENTEM amici rogabant , quo modo vellet sepeliri , *N* *equit*, inquit , *ista res vos habeat sollicitos : Fætor me sepeliet*.

52. DICENTIBUS indignum facinus , si talis viri corpus laceraretur à canibus , *d* *Quid* , inquit , *incommodi si & mortuus alicui sim usui ?*

53. BION eos qui auscultarent adulatoribus , dicebat *e* esse similes amphoris , quæ auribus circumaguntur.

54. PINDARUS cuidam commemoranti , quod ipsius laudes ubique prædicaret , *f* *Ego*, inquit , *pro isto officio bonam reponam gratiam , efficiens ut vera prædicetur*. Vera virtus nihil moratur hominum laudes. Eas qui prædicant plus debent iis quos laudant , quam ipsis debent qui laudantur.

ALPHONSUS Aragonum rex.

1. EQUES quidam ingens patrimonium per luxum ac libidinem absorbuerat , atque insuper magnam æris alieni vim contraxerat. Pro hoc intercedentibus quibusdam apud Alphonsum Aragoniæ regem , ne saltem quæ debebat , corpore luere cogeretur , Alphonsus respondit : *g* *Sit tantam pecuniam vel in sui regis obsequium , vel patria commodis , vel sublevandis propinquis impendisset* ,

a Monitor. *b* Ambiguo. *c* Leges. *d* Sepultura. *e* Adulatio. *f* Laudata virtus. *g* Juste.

audirem. Nunc quoniam tantas opes impendit corpori, par est, ut luat corpore.

2. **COMMEMORANTIBUS** quendam ex Hispaniæ regibus dixisse, non decere principes viros scire litteras, exclamavit, *a* eam vocem bovis esse non hominis. Non omnes litteræ conveniunt principi, sed eæ quæ politicen tradunt, aut ethicen, quæque recte ac secus gestorū exempla commonstrant, id quod facit historia.

3. **HUNC** cum adissent legati Matricienses, in quorum agris tum agebat Alphonsus, consulentes utri juberet ipsos gratificari, Nicolao ne Picinino an Francisco Sphortia, respondit *b* ambos pro amicis habendos, sed nihilo secius ab ambobus tanquam ab inimicis cavendum. Id temporis inter Nicolaum & Franciscum similtas intercedebat, ac rex nondum statuerat utrum vellet in societatem recipere, cum utrunque ob dissidium non posset.

4. **IDEM** dicere solet, *c* ita demum matrimonium tranquille citraque quarimonias exigi posse, si maritus surdus fiat, uxor cæca: innuens opinor foemineum genus obnoxium esse Zelotypiæ, atque hinc oriri rixas & quarimonias: rursus maritis permolestam esse uxorū garrulitatem, qua molestia cariturus sit, si fiat surdus: nec illa vexabitur adulterii suspitione, si careat oculis.

5. **AJEBAT** si sibi contigisset nasci temporibus quibus Romana Respublica florebat, *d* se constructurum fuisse contra curiam templum Jovi Positorio, in quo priusquam venirent in senatum patres conscripti, odium, amorem ac privatos affectus omnes deponerent. Allusit ad priscorum morem, qui Jovem multis cognominibus insigniebant, nunc Statorem, nunc Gamelion, nunc Genethlion, nunc Philium, nunc Xenion appellantes. At si tam multa possit Jupiter, illud in primis præstandum erat, ut in Synodis, in judiciis, in senatibus, in quibus de Republica consultatur, nihil

Dd 7

habeat.

a Eruditio. *b* Cante. *c* Conjugium tranquillum.

d Integre.

haberent momenti affectus privati. Nam hi sunt qui frequenter & civitates & regna bellis committunt, ac pessundant denique.

6. CUM forte mulierem quandam impudentius saltantem aspexisset, *a* *Exspectate*, inquit, *mox Sibylla edet oraculum*. Sentiens saltationem insanix genus esse. Sibylla autem vates non edebat oracula nisi furore correpta. Mihi quoque sæpenumero qui saltationem tumultuosam agitant, visi sunt afflati furore quodam, præsertim sceminæ.

7. ADMONITUS ne nimia lenitas exiret in contemptum, & ex contemptu nasceretur pernicies: *b* *Magis*, inquit, *cavendum ne se veritas conciliet invidiam, unde majus exitii periculum*.

8. CUM eques quidam ab hostibus captus, & ab iisdem emissus carcere, adisset, in solatium calamitatis multa postulavit ab eo & impetravit. Quo digressio rex dixit ad familiares, *c* *Dispeream*, inquit, *ni metui, ne uxorem etiam meam deposceret eques meus*.

9. FAMILIARES illi rusticum quandam velut ignaviæ exemplum ostenderunt, qui porrectus humi vescabatur uvis. Hic rex, *d* *Utinam mihi sic per otium comedere datum esset à superis*. Simile quiddam narratur de Ptolemæo rege: cum antea se jactaret reperisse immortalitatem, tandem podagra discrutatus, conspiciebat Ægyptios aliquot plebejos sic temere apud flumen discumbentes: *Utinam*, inquit, *saltem ex istis unus essem*.

10. EQUITI subinde aliquid à rege flagitanti, sed mox quod acceperat profundenti: *e* *Si pergam*, inquit, *tibi dare qua petis, citius me pauperem effecero quam te divitem: nam qui tibi donat, nihil aliud quam aquam ininfert pertuso dolio*.

11. INTERROGATUS quos è civibus haberet carissimos. *f* *Qui magis*, inquit, *pro me metuunt, quam me*. Sentit illos esse ex animo amicos, qui principem magis amant quam timent.

12. A J E-

a Saltatio scæda. *b* Lenitas. *c* Postulator improbus.

d Otium dulce. *e* Profusio. *f* Civium caritas.

12. AJEBAT *a* olim inter Jovem, Neptunum & Plutonium omnium rerum partitionem tritariam esse factam, & horum unumquemque sua sorte contentum esse, nec occupare aliena: at inter homines, neminem sua portione contentum esse, nec ullam partitionem esse stabilem, sed omnes *πλεονεκτην*.

13. PERCUNCTANTIBUS utri rei plus debere se fateretur, libris an armis: *b* *Ex libris*, inquit, & *arma* & armorum jura didici: hac voce profitemens se libris debere omnia.

14. MAGNOPERE laudare solet dictum nescio cujus *c* hostibus fugientibus pontem argenteum exstruendum esse: sive quod existimaret multo optabilius esse, hostes in fugam vertere quam occidere: sive quod putaret hostes pecunia sollicitandos ut ab acie discederent.

15. DICEBAT sibi videri *d* eos maxime insanire, qui uxorem fugitivam perquirerent. Significans magnam felicitatis esse ab improba muliere liberari.

16. IMPROBO cuidam ac vecordi, jactanti reperisse se virum sapientem: *e* *Et qui fieri potuit*, inquit, *ut sapientem dignosceret stultus?*

17. CUM cœnanti senex quidam importunus & garulus sine fine obstreperet, exclamasse fertur & dixisse, *f* *Asinorum conditionem esse potiore quam regum*. Nam illis dum pascuntur, dominos parcere, regibus neminem.

18. DEMETRIUS gravi calamitate affectus, dixit referente Seneca, *g* *Hoc unum dii immortales, queri possum, quod non ante hac mihi voluntatem vestram notam fecistis*. Prior enim ad ista venissem, ad qua nunc vocatus adsum, maluissem offerre quam tradere.

19. M. ANTONIUS orator, rogatus quam ab causam nullam unquam orationem scripto mandasset, *h* *Ut*, inquit, *inscribami queam à me dictum esse si quid forte aliquando dixi, quod opus non erat*. Labilis est hominum memoria, ut agere reperias duos qui quæ simul audierunt eodem modo referant; Hinc parata tergi-

ver-

a Ambitio principum. *b* Eruditio. *c* Clementer.

d Facete. *e* Graviter. *f* Regum cura. *g* Fortiter.

h Cautè scribendum.

versatio, non dixi, aut non sic dixi, aut dixi quidem, sed hoc adjeci.

20. CALANUS Indus ad mortem proficiscens, cum conscenderet rogam ardentem, *a* O praeclarum, inquit, discessum è vita cum, ut Herculi contigit, mortali corpore cremato, animus in lucem excesserit. Hunc cum Alexander admoneret, diceret si quid vellet, Optime, inquit, propediem te videbo. Idque evenit, nam Alexander paucis post diebus mortuus est. Refert M. T. lib. de Divinatione primo.

21. QUIDAM causam detulit ad oratorem, is negavit: detulit ad alterum, qui recepit. At is qui detulerat dicere solet, *b* sibi gratiorem fuisse orationem ejus qui negarat, quam ejus qui recepit: quod ille comiter recusasset, hic graviter & inamœno vultu recepisset.

22. C. CONTRA qui in ambitione fuit artifex, dicebat, *c* se operam suam, in eo quod non contra officium peteretur solere polliceri omnibus, sed impertire iis apud quos optime poni arbitraretur. Sensit nulli promittendum, quod esset præter honestum: nulli promittendum, quod non contra officium peteretur. Comitatis est benigne polliceri, sed quoniam omnibus opera præstari non potest, eligendi sunt quibus eam impertias. Utrumque refert Q. Cicero ad fratrem de petitione consulatus.

23. GALLUS jurisperitus, si quis negotium ad ipsum detulisset, in quo de facto quærebatur, dicere solet. *d* Nihil hoc ad jus, ad Ciceronem ito. Sensit Gallus aliud esse officium jurisconsulti, aliud oratoris: nec esse necesse de his quæ ad alienam professionem pertinent respondere. Refert. M. T. in Topicis ad Trebatium.

24. C. LUCILIUS dicere solet, nolle se sua scripta legi, nec à doctissimis, nec ab indoctissimis, quod hi nihil intelligerent, illi plus saperent, quam ut posset illorum judicio satis facere. Id exprimebat hujusmodi versu Trochaico:

e Persium non curo legere, Laliū Decimū volo.

Erat:

- a* Præsentia. *b* Comitas sermonis. *c* Comitas in pollicendo.
d Pro sua quisque professione. *e* Exacta judicia.

erat Persius illius ætatis omnium doctissimus habitus. Cælius erat vir bonus, & non illiteratus, sed nihil ad Persium. Refert M. Tullius cum aliis aliquot locis, tum libro de Oratore secundo.

25. ANTIMACHUS Clarius poëta, cum convocatis auditoribus recitaret ingens volumen quod conscripserat, & ab omnibus esset destitutus, excepto Platone, *a Legam*, inquit, *nihilominus*. Plato enim mihi instar est omnium. Refert M. T. libro de Claris oratoribus.

26. SERVILIUS Vacia vir prætoribus ac prædices, odio negotiorum abdiderat se in villam suam, quam habebat non procul à Cumis, nec alia re notus fuit, quam ejus villæ otio. Itaque qui negotiis premebantur, exclamare solent, *b O Vacia solus scis vivere*. Hujus tamen ignavum & sine litteris otium damnans Seneca Epist. 5. negat illum scire vivere, sed latere. Eoque non nunquam villam præteriens joco dicere solet: *Heic situs est Vacia*: subindicans nihil interessè inter mortuum, & inerti otio abditum.

27. QUINCTILIANUS vehementer probat dictum cujusdam oratoris, qui apud Cæsarem, ut opinor, accusabat Consutianum Capitonem hominem arrogantem, & ipso etiam vultu præ se ferentem confidentiam. *c Erubescit*, inquit, *Cæsarem timere*. Cæsar erat ea potentia, ut merito fuerit à quovis metuendus. At illi reo tantum aderat arrogantia, ut sibi turpe duceret, si videretur timere Cæsarem. Hoc dictum Fabius adolescens audivit, ut ipse refert libro sexto, capite de conclusione.

28. URBANUS Flavius Virginius antisophistam quendam suum interrogavit, *d quot millia passuum declamasset*, taxans eum quod in declamando discurreret, nimiumque crebras, longas ac tumultuarias haberet ambulationes, cum M. Tullius oratori non concedat procursiones nisi raras, moderatas ac breves. Eandem ob causam Sura Manilius Domitio Afro di-

ctus

a Unus pro multis. b Otium sine literis. c Confidenter. d Salse.

ctus est non agere, sed satagere. Utrunque refert Fabius capite de pronuntiatione.

29. SALSUM est & illud Cassii Severi, qui adversus patronos immodice discurrentes, *a* ut interdum proriperent in aliena tribunalia, poposcit lineam, alludens ad certamina cursus, in quibus una linea designabat unde cursus inciperet, altera ubi desineret. Ideo accommodari potest in eos qui digressionibus immodicis divertunt ab instituto.

30. PROCULEJUS querebatur de filio, quem exspectaret mortem patris: cumque filius respondisset Ego vero non exspecto: *b* Immo, inquit, rogo ut exspectes. Detorsit verbum in contrarium sensum. Exspectat mortem patris qui inhiat, & exspectat qui non accelerat mortem patris. Refert Fabius lib. 9.

31. ARCHYTAS dixit judicem & aram idem esse pariter enim ad utrumque confugiunt, qui injuria afficiuntur. *c* Sentiens tales oportere judices esse, ut oppressis sint praesidio. Refert Aristoteles Rhet. 3.

32. PERICLES dicebat Samios esse similes pueri qui porrectam offulam reciperent quidem, sed interim plorantes, eo quod illi parerent imperatis sed non sinerent tadio & querimonia. *d* Similiter Demosthenes dixit populum Atheniensem esse similem iis qui in navi naviscent. Si quidem ii cum magno tadio laborant, tamen eo pervehuntur quo tendit navis.

a Salse. *b* Argute. *c* Refugium. *d* Aptè.

F I N I S.

I N D E X

P E R S O N A R U M.

A.

A	Cheus	627	Antalcidas	37
	Actius poëta	475	Antianira	623
	Ægyptii	311. 447	Antigenides	475
	Ælianus sophista	614	Antigonus rex Macedonum	244. 535. 558
Æschines	577	Antigonus secundus	326	
Æschylus poëta	476	Antimachus poëta	641	
Afer orator	441	Antiochus	332	
Africanus censor	464	Antiochus Ephorus	39	
Agasicles	1	Antiochus Epiphanæ	481	
Agatharchus pictor	496	Antiochus tertius	328	
Agathocles	321. 633	Antiochus quartus	329	
Agésilauus rex	2	Antiochus sophista	583	
Agésilauus Ephorus	34	Antipater	328. 605	
Agésilauus Cleombroti filius	28	Antipater Hieropolites	586	
Agésilauus Pausaniæ	29	Antipater Cyrenaicus	604	
Agésitrata	130	Antisthenes	517. 539	
Agis primus	29	Antoninus Gota	424	
Agis secundus	33	Antonius Heliogabalus	425	
Agis ultimus	ibid.	Antonius Pius	420	
Agis Argivus adulator.	489	M. Antonius	395	
Alcamenes Terecli filius	35	M. Antonius orator	639	
Alcibiades	344. 543. 615	Ant. Caracallus	424	
Alexander Magnus	230. 471. 550. 621	Apelles	494. 619	
Alexander Severus	425	Appius	480	
Alexander sophista	583	Aratus	497	
Alexis poëta	474	Arcadion adulator	488	
Alexinus sophista	499. 535	Arcefilaus	111. 493. 589	
Alphonfus rex Aragonum	636	Archelaus	41. 322	
Amasis Ægypti rex	472	Archidamidas	41	
Anacharsis Scythæ	526	Archidamus Zeuxidami	42	
Anaxagoras Clazomenius	531	Archidamus alter	45	
Anaxander	37	Archileonis mulier	124	
Anaxandridas Leon	35	Architas Tarentinus	500. 594. 642	
Anaxarchus	570	Argeus	39	
Anaxilas	37	Aristarchus Theodectæ pater	595	
Anaximenes	471	Aristides justus	338	
Androclidas Lacon	37	Aristippus	161. 539	
Anicula quædam	506	Aristo	40. 559. 599	
Anytus	468	Aristophon	617	
Annia	591	Aristoteles Stagiritæ	546. 615	
Anniceris	615	Arius		

I N D E X

Arius	613	M. Castritius	4
Artoxerxes	307	Catilina	41
Artoxerxes alter	309	Cato senior	372. 613. 61
Asclepiades	604	Cato Uticensis	382. 61
Asinius Pollio	631	Catulus	44
Atticratidas	45	Q. Catulus	60
Atheas Scythæ	312	Catulus Luctatius	35
Atheniensis quidam	446	Cephalus	61
Athenodorus	252	Cesetius	45
M. Attilius	452. 592	Chabrias	34
Attilius Regulus	452	Charillus sive Charilaus	9
Aufidius Modestus	594	Chilo Lacon	11
Octavius Augustus Cæsar	251	Chiomata Ortiagontis uxor	50
Aurelianus	432	Chirosophus Dionysii adulator	48
B.		Chrysippus	439. 56
B I A s Lacedæmonius	46	M. Cicero M. Tullii pater	46
Bias Prienæus	516	M. Tullius Cicero	28
Bibulus	456	M. Cincius	46
Bion Borysthenites	542	Cineas	45
Bithys parasitus	491	Claudius Cæsar	30
P. Bleissus	438	Cleantes Afer	56
Bonofus	433	Clearchus	6
Bos	591	Cleombrotus Pausaniæ	il
Brasidas	46	Cleomenes Anaxandridæ	il
M. Brutus	399. 612	Cleomenes alter	6
Brutus Junior	437	Cleon	47
Buris	107	Clisophus Atheniensis adulator	49
Byzantius quidam	448	P. Clodius	43
C.		Collatinus	45
 CÆ C I L I U S Metellus	390	Commodus Ælius Verus	42
Cæcilius	479	Constantius Chlorus	60
C. Cæsar	618	Corydus parasitus	49
Cæsellius	434	Cornelia Græchorum mater	50
Calanus Indus	640	Cornificius	62
C. Caligula	403. 601	C. Cotta	64
Callicratides	58	Cotys Thraciæ rex	31
Callipides histrio	19	Crantor Solensis	54
Callistion	503	C. Crassus	43
Calvinus Glaucia	438	L. Crassus	46
Cambyses	472	M. Crassus	39
Campatius	439	Crates Thebanus	533. 551
Canna	507	Crispus Passienus	630
Canus tibicen	595	Cræsus Lydorum rex	473
Ant. Caracallus	424		514. 510
Carneades	546	Ctesibius	580
Cassius	396	Curius	45
Cassius Severus	439. 588. 629. 631. 642		Cyl.

PERSONARUM.

Illicon 627
 periorum mulieres 506
 rus major 303. 612
 rus junior 308. 622

D.

D A M I N D A S 47
 Damis ibid.
 amatria 125
 amonidas 47
 arius 304. 471
 emades orator 469
 amaratus 48
 emetrius Antigoni fil. 324.
 532. 630
 emetrius Cynicus 618. 635
 emetrius Pharius 497
 emetrius Phalereus 551. 554
 emochares 626
 emocritus milesius 569
 emonax Cynicus 627. 629.
 631. 635
 emonides 111
 emosthenes orator 298. 606
 emosthenes Mitylen. 592
 Mercillidas 48
 Diocletianus 422
 Diogenes Cynicus 176. 599.
 601. 614. 618
 Dion 322. 538
 Dionysiodorus tibicen 589
 Dionysius sophista 315. 579
 Dionysius junior 320
 Diphilus 611
 Dolobellæ servus 478
 Fl. Domitianus 416
 C. Domitius 370. 459
 Domitius Afer 441
 M. Drusus 453
 Duellius 590

E.

E M E R E T E S Ephorus 50
 Epænetus ib.
 Empedocles 439. 568
 Epaminondas 351
 Epicharmus 315
 Epiætetus 556. 636
 Epicurus Atheniensis 588
 Equiso quidam 447

Etheocles Ephorus 104
 Euboidas 50
 Euclides 502
 Eudamidas Archid. 51
 Eudæmonicus 238
 Eumenes 329
 Eurycratidas Anaxandridæ 53
 Euripides 474. 589

F.

F A B I U S Max. 360
Q. Fabius 450. 465. 468
Q. Fabius Minutius 458
C. Fabritius 359. 464
 Fabritius 458
 Favorinus philosoph. 435
 Favorinus sophista. 577
 Faustus Syllæ filius 436
 C. Figulus 453
 C. Fimbria ib.
 Firmus 433
 Q. Flavius 455
 Flavius Virg. 641
 Fœmina anus 508
 Frontinus 594
 Aul. Fulvius 454
 C. Furius Cresinus 455
 Furnius. 627

G.

G A L B A orator 443
GL. Galba parasitus 442. 628
 Ser. Galba 611
 Galienus 430
 Gallus 463
 Gallus jurisc. 640
 Gelo Syracusanus 313
 Geradas Spartanus 78
 Glaucias 438
 Gnathæna meretrix 501. 615
 Gorgo 124
 Gorgo Leonidæ uxor 75
 Gorgias Leontinus sophista
 477. 500. 581. 626
 C. Gracchus 462
 Granius prætorius quæstor 454
 Granius præco ib.
 Gyrtias. 125

H.

H ADRIANUS Cæsar	417
Hadrianus sophista	582
Hannibal	363
Hanno	456
Hegesippus Crobelos	349
Helius mancia	610
Heraclides sophista	586
Heraclitus	569. 617
Herennius Pontius	456
Hermogenes	584
Herodes sophista	581. 632
Herondas	53
Hieron	314
Hipparchia Metroclis soror	557
Hippocratidas	57
Hippodamus	ib.
Hippodromus sophista	586
Hippomachus aliptes	459
Horatius	450
Hortensius orator	459

I.

I ASON Theſſalus	477
Iaffii	625
Idathyrfus Scythæ	312
Ion ſophiſta	576
Iphicrates	346
Intaphernis uxor	508
Iſchomachus mimus	480
Iſæus	578
Iſmenias	596. 626
Iſocrates	607. 609. 626
Juba	435
C. Julius Cæſar	267
Julius Druſus	462
C. Julius	435
Julius Maximus	603
Julia Auguſti filia	266
Julianus	603. 612
Junius Baſſus	434. 439

L.

L ABERIUS	479
LT. Labienus	458
Labotus	65
Lacedæmonii	I. 112

Lacedæmoniorum priſca ſtituta	
Lacon quidam	95 & dei 5
Laconum ἀλωρυμῶν apophthgmata	
Lacænarum apophthegmata	12
Lacydes Arceſilai familiſis	1
Lacydes	54
C. Lælius	46
M. Lælius	44
Lais Corinthia	50
Lamachus	34
Lamia meretrix	325. 50
Lampis	55
Laphyropalæ	
Lariſſæi	1
Cn. Lentulus	61
Leo Byzantius	475. 57
Leon Eurycratidis	6
Leonidas Alexand.	il
Leonides	23
Leontium	50
Leontychidas primus	6
Leontychidas alter	6
M. Lepidus	46
Leptines	62
Lesbonax Mitylenæus	61
Libo	46
Libertinus quidam	63
Licinius Varus	44
P. Licinius	37
M. Livius	45
Livius Salinator	46
Lochadus Polyenidæ	70
Longus Sulpitius	43
Lucretia	450
C. Lucilius	640
Lucullus	392
Lycurgus	70. 471
Lycurgus orator	606
Lyſander	81. 476
Lyſimachus.	327

M.

M ÆANDER	63
Mancia	455
Manius curius	359. 439. 443
T. Man-	

PERSONARUM.

Manlius Torquatus	453
Marcus Antonius	395
Marius	390
Marius tyrannus	431
Martia Catonis	591
Martius Coriolanus	452
Maximinus	429
Medicus quidam	501
Medius parasitus	624
Megabates	8
Megabyzes	473
Melanthius	626
Melanthus	477
Melanthus parasitus	489
M. Memmius	466
Memnon dux	311
Menander	474
Menedemus	500
Menedemus Etrietiensis	534
Messala	629
Metrocles	555. 556
Milo Crotoniates	499. 622
Myronides	541
Myson	530
Montanus	629
Mufonius.	629

N.

N ACTA Pinarius	629
Namertes	85
Nealces	497
Nero imperator	478
Sextus Nero	406. 478
Nero quidam	438
Nerva Coccejus	416. 602
Nestor	447
Nicander	85
Nicetes	578
Nicesias	490
Nico meretrix	502
Nicocreon tyrannus Cypri	535
Nicodromus	571
Nicostratus dux.	554
	350

O.

O CTAVIUS Cæsar Augustus	251
Olympias Alexandri mater	507. 616
Onomademus Chius	470

Q. Opinius	465
Orbilius	443
Orontes	310
Orsinus satrapes	623
Oscus rhetor	631
Otho Sylvius.	412. 601

P.

P ACUVIUS	623
Pædaretus	89
Pantaleon	493
Panthoicus	86
Passienus Paulus	594
Papinianus	597
Papyrius Cursor	451
Parysatis Cyri	310
Paulus Æmilius	370
Pausanias Cappadox	585
Pausanias Cleombroti	86
Pausanias alter	88
Pausimachus	493
Pauson pictor.	596
Pelopidas	358
Pericles	342. 531. 629. 642
Perfæ	629
Perseus	499
Pescenninus Niger	423
Philager	584
Philemon	435
Philippus Macedo	221. 449. 611. 616
Philippus orator	454. 438
L. Philippus	460
Philippides poëta	475
Philiscus	587
Philoxenus poëta	475. 491. 619. 627
Philoxenus Pternocopis	491
Philotinus	500
Pictor quidam	620
Phœnicides	488
Phocion Atheniensis	280. 574
Phocionis uxor	506
Phryne	505. 613
Pisistratus	349
Cn. Piso	609
Pittacus Mitylenæus	515
Pindarus	636
Piso	609
C. Plautius Cos.	451

Plan-

I N D E X

Plancus	478. 630
Plinius major	593
Plato	536. 613. 617
Pliftarchus Leonid.	90
Pliftonax Pausaniæ	ib.
Plotinus philosophus	614
Polemon	579
Polycletus	497
Pollio	259. 605. 616
Polrys rex	311
Polus sophista	539
Polyeratidas	92
Polydorus Alcamenis	91
Pompejus Magnus	468
M. Pomponius Marcellus	588
Pomponius Atticus	455
Pomponius	468
Populus Cienensis	612
C. Popilius	392
Poppea	506
Portia minor	591
Portius latro	630
L. Portius	460
Porsena	450
Porus rex	237
Praxaspes	490
Probus	433
Proculejus	642
Proclus	585
Prodicus	500
Prometheus	590
Protagoras Abderita	577
Protogenes	495
Pſammenitus Ægyptiorum	
rex	472
Ptolemæus Lagi F.	313
C. Publicius	464
Publius	436
Publius natione Syrus	ib.
Pylades hiftrio Augufti	479
Pyrrho Eliensis	572
Pyrrhus rex	329
Pythagoras	568. 614. 628
Pytheas	349. 592
Pythius	622
Pytho rhetor.	476

Q.

QUIRINUS sophista	587
T. Quinctius	358

R.

HEMNIUS Palemon	58
Rhodius quidam	448. 62.
Romulus	451
P. Rutilius.	457. 615

S.

ALVIUS Julianus	591
S Saturninus	43
Scaurus	460
Q. Scævola Publii F.	460
Scilurus Scythæ	312
Scipio Æmilianus	441. 611
Scipio major	365. 441
Scipio Maluginenf.	440
Scipio natica	461. 601
Scopas Theſſalus	490
Scopelianus	579. 613
Secundus ſophiſta	581
Seleucus	595
Semiramis	305
Seneca	478
Serbidius Scævola	596
Sergius Galba Imp.	601. 611
Servilius Vacia	641
Servilius Geminus	436
M. Servilius	462
Sertorius	398
C. Severus	457
Severus Imp.	422. 489
Sex. Titius	463
Siculus quidam	445
Sigismundus Imp.	612
Silenus ſenex	462
Silus	467
Simon Athenienſ.	534
Simonides	470. 618
Socrates	155. 600. 620. 622
Scæbidas	92
Solon	513
Somniator quidam	448
Sophocles	614
Spartanus quidam	95
Spartacus	468
Spartis	106
Sphærus	567
Spurina haruſpex	468
Stilpo megarenſis	532. 533
Strathias	589
Strato	

PERSONARUM.

Strato physicus	574
Strato philosophus	162
Stratoniceus citharædus	481
Stratocles Atheniensis	477
C. Sulpitius	456
Sybarita quispiam	444
Sylla	464
Synorix Galata	507

T.

T ACITUS	432
Tarentini Milites	434
Tarquinius Superbus	450
Taxiles	236
Tectamenes	56
Telecrus	93
Teledtia	127
Teres	311
Tettius	453
Teutonum orator	626
Thais	503
Thaccus rex	25
Thales Milefius	511. 609
Thasii	11
Theagenes Lanus	627
Thebano	131
Thearidas	54
Themistias vates	ib.
Themistocles	333. 625
Theocritus Chius	488
Theodorus	557. 604
Theodosius junior	603
Theodorus Atheos	477. 577
Theodotus	440
Theonis meretrix	504
Theopompus	54
Theopraustes Eresius	550
Theramenes	477
Therycion	57
Thessalus quidam	447
Thrasea	594. 605
Thrasylulus	476
Thucydides Atheniensis	471
Tyberius Cæsar	401. 457 628
Timon Atheniensis	346. 499
Timon Nicæus	573
Timotheus dux	348
Thissaphernes	6

Titius quidam	479
Titus Vespasiani F.	415
Trachalus	440
Trajanus	415. 600. 601
M. Tullius	453. 463
Turbo Hadriani præfectus	498
Turonius	261
Tynnichus	103

V.

V ALENTINIANUS	603
Valeria	592
C. Valerius	455
Valerius Publicola	457
Vargula	438
Varro Paulli Collega	458
Varus Eques Rom.	441
Vatinus	438
Vectius Valens	434
Fl. Vespasianus	602
T. Vespasianus	ib.
Vespasianus pater	412
Vespasianus F.	415
Vespa Terentius	479
Veturia	452
Vibius Crispus	500
Fl. Virginus	641
Virginus	594
Volumnius	455
Vopiscus	449
Votacillus Pitholaus.	436

X.

X ANTIPPE	604
Xenænetus	347
Xenocrates Chalcedonius	539.
	607
Xenophanes Lagi F.	324
Xenophanes Colophonius	569
Xenophon	573
Xerxes.	306. 598

Z.

Z E N O CITTICUS	557
Zeno Eleates	571
Zenobia	431
Zeuxidamus	85
Zeuxis	496
Zoilus	615

INDEX SENTENTIARUM.

A.

A	B altero petitem al-	
	ter. datum	322
	Ab ambiguo	481
	Ab imitatione per-	
	sonæ	465
	Ab impossibili	467
	Ab inexpectato	293. 442. 444.
		467. 480. 482. 500. 501.
		503. 506.
	Abstinentia ducis	376
	Absurda	629
	Absurde	633
	A κατὰ	529
	Accurate potius quam	sæpe
		605
	A carmine Homeri	492
	Acerbe	295. 300. 301
	A crassis minus periculi	270
	Acriter	529
	Actio totum	302
	Acute	616
	Adde pusillum pusillo	553
	Additum	78
	Admonitio civilis	559
	Admonitio commoda	576
	Admonitio facilis	512
	Admonitio grata	225
	Admonitio libera	229. 470
	Admonitio retorta	587
	Admonitio sera	380
	Ad speculum	559
	Adulans libertas	457. 489.
		627
	Adulanter	571
	Adulatio	208. 239. 243. 268.
		516. 519. 555. 589. 622. 630.
		636
	Adulatio repulsa	263
	Adulatio tecta	630
	Adulatio utilis	ib.

Adulator impius	490
Adulterium	78. 200. 231. 448.
	519
Adulterium in regis filio	316
A δούρα	133
Æmulatio	546
Æniginata	511
Æqualitas	67. 71. 337. 459
Æquitas	339
Æstimatio præpostera	185
Affabilitas	309. 417. 459
Affectata oratio	535
Affectatio	506. 631
Affectus cohibiti	140
Affectus privati	335. 478
Agamemnone major	356
Agere satagere	441
Agri modus	359
Ægricultura militaris	311
Albus asinus	431
Alexander Herculem	con
tempfit	231
Aliena curare	34
Aliena dulciora	20
Aliena à causa	44
Alius alio præstat	48
Amanter	47
Amari sine contemptu	13
Amator blandus	50
Ambigue	200. 209. 401
	63
Ambiguus morsus	63
Ambitio	47. 192. 230. 268. 381
	410.
Ambitio insatiabilis	24
Ambitio principum	63
A mendacio manifesto	43
Amice	16. 43
Amici	38
Amici exploratio	8
Amico fido nihil pretiosius	30
Amicis fidendum	2
	Am

S E N T E N T I A R U M.

Amicus	237. 549. 561	Ἀνυχοδόμενος	197
Amicus rara res	549	Apta	441
Amicus consolator	137. 218	Apte	642
Amicus diligendus	172	Apte retortum	323
Amicus in adversis	552	Aqua pro vino	423
Amicus insignis	529	Aquila in nubibus	330
Amicus verus & sincerus	134	Arcana nulli committenda	513
	142. 146	Ardelio	446
Amicorum communia	589	Argute 4. 14. 20. 29. 30. 31.	
Amicorum fides	319	36. 39. 40. 51. 52. 53. 55. 59.	
Amicitia	285. 513. 540	60. 62. 68. 78. 79. 86. 87.	
Amicitia fiducia	468	92. 95. 96. 97. 98. 102. 103.	
Amicitia juncta inimicitia	138	105. 106. 109. 128. 140. 162.	
Amicitia regum	328. 498	163. 170. 215. 288. 376.	
Amor	379. 524	390. 491. 512. 522. 532.	
Amor animi	113	567. 581. 586. 596. 629.	
Amor castus	156	642.	
Amor gloriae	450	Argute infelicitate	533
Amor insanus	311	Argutia muliebris	557
Amor mercedis	471	Argutiae frivolae	188
Amor ob malum	345	Argutiae nugatoriae	202
Amor patriae	274	Argutiae sophisticæ	535
Amor turpis	199	Arma indigna viri	355
Amor verus	560	Arma nesciunt leges	273
Amoris remedia	552	Arma non audiunt leges	391
Anathemata	207. 320	Armata timiditas	336
Anima immortalis	159	Armata virtus	524
Animose 8. 15. 21. 26. 30.		Armatae preces	279
58. 61. 68. 69. 70. 101. 126.		Armati dii	119
240. 243. 272. 275. 308. 343.		Arrogantia	43. 633. 635
358. 370. 384. 392. 393. 394.		Arrogantia felix	353
432. 451. 454. 506. 531. 540.		Ars convivii	371
551. 594.		Ars gubernandi	141
Animus ægrotus	576	Ars imbellis	330
Animus imperterritus	269	Ars inutilis 42. 49. 52. 63.	
Animus incorruptus	283		107
Animus inexpugnabilis	360	Artis exercitatio	495
Animus metu liber	173	Arte retortum	478
Animus præsens	366	Artes	238
Animus vere regius	238	Artes inutiles	42. 625
Animi cultus	154. 207. 513.	Artes supervacuae	72. 177
Animi lux	547	Artes regiae	314. 621
Animi vera bona	175. 417.	Artes rege indignae	230
	499	Afini umbra	606
A nomine	484. 485. 502	Assensio simulata	292
Ante mortem nemo beatus	514	Assuescere malis	537
	485	Assuescendum optimis	448
Antverpia	482	Assuetudo	580
Applausus		Assuetudo mitigat	152

I N D E X

Athletæ infanī	528	Beneficentia ultronea	149
Attentio	560. 565	Beneficium meritum	210
Avare	414. 415	Beneficii obliuio	547
Avarus	544	Beneuolentia uirtute paran-	
Auaritia	199. 295	da	230
Auaritia deluſa	305	Benigne	357. 493
Auaritia in principe	413	Benignitas	180. 194. 415.
Auaritia non pecuniæ tantum			549. 589
eſt	174	Benignitas in hoſtes	332
Auctoritas perſonæ	466	Benignitas in quoliſis	547
Auctoritas	253. 340. 344. 383.	Bibacitas	95. 168
	412	Bibit & fugit	478
Audacia	62	Bibulus cenſor	297
Audacia ex periculo	271	Blandiloquium	48. 199
Audacia periculofa	43	Bona animi	417. 499. 520.
Audaçter	607	Bona fortunæ	217
Auguſtarum cultus	429	Bona fama	507
Aurum in templis	425	Bona præcipua	241. 628
Aurum index	132	Boni ſimiles diis	199
Aurum ſpretum	359	Boniſ uti, malis abuſi	225
Auri amor	200	Bonorum paucitas	449. 525
Auri contemptus	458	Bonum naçtus ne mutet	221
Auro bene uti	318	Bos lyræ	487
Auro nihil inexpugnabile	224	Breuiloquentia	539. 556. 579
Auro pugnare	450	Breuiloquentia ſententioſa	
Aut uincere, aut mori	400		280
Auxilia inuſua.	591	Breuiter	44

B.

B A L N E U M ſordidum	
	484
Báuauſoi magiſtratus	534
Barba non facit philoſo-	
phum	632
Barbæ bello inuſiles	232
Barbati medici	320
Barbarice	468
Barbaries	482. 530
Belle retortum	63
Bellum cum graculis	288
Bellum inuſſum	249
Belli diſciplina	109
Belli incerta	44
Belli ſtadium	311
Benedicendi ſtadium	289
Benefacta pro liberis	357
Beneficentia	225
Beneficentia conciliat ami-	
cos	602

C.

C Æ c A percunçtatio	549
Cæſar innocens	415
Cæſaris affabilitas	ib.
Calceus qua torqueat	372
Callide	7. 18. 25. 92. 118. 301.
	391. 396. 471
Calumnia	54
Calumnia cicatrix	624
Calumnia ex calumnia	547
Caluitium accerſitum	263
Candide	171. 242
Candor	89
Canities	95
Canini mores	194
Canis conuitium	189
Canis Diogenes	204
Capere fugiendo	573
Captatio	547. 548
	Cara

SENTENTIARUM.

Cara	425	Cognatio virtutis	525
Carpendi morbus	559	Coitus moderatus	77
Carptores alienæ famæ	315	Colossi fragmenta	585
Caste	245. 304. 315. 608	Coma	80
Castigatio	114	Comitas in venatu	307
Catonis testimonium	385	Comitas in principe	602
Causatio	271	Comitas in pollicendo	640
Caute scribendum	639	Comitas sermonis	16.
Caute	637	Comiter	93. 150. 172. 308
Cautio	348	Comœdiæ libertas	158
Cautio adversus omnia	346	Commiseratio in malis	501
Cautio sui	136	Commoda interpretatio	253
Cautio tuta	499	Commode dicere	538
Celeritas conficiendi	270	Communitas	72. 114. 118
Celeritas inepta	494	Compilari venire	464
Censor bibulus	297	Comparatio carminum	Ho-
Certamen argentarium	502	mericorum.	242
Certamen vere regium	236	Concessis abuti	178
Certare cum rege	486	Concordia	476. 520. 578
Chori tres	116	Concordia fratrum	313
Cibus	580	Confessio per irōniam	442
Cicer pro Cicerone	286	Confidenter	641
Citharœdi mali	482. 483.	Conjugium	518. 524. 542
	487	Conjugium tranquillum	637
Cito nata non durant	496	Conjugii molestiæ	623
Civium caritas	638	Conjugium par	516
Civiliis ultio	402	Conjunctæ vives	336
Civilitas	268. 620	Conscientiæ puritas	132
Civilitas prudens	350	Consiliarius	445
Civiliter	52. 235. 239. 257.	Consilium in bellis	118
	322. 343. 349. 350. 384.	Consilium multorum	421
	550. 577. 607	Consilium optimum	377
Civitas lupanar.	484	Consilium præcipitatum	282
Clamorus orator	286	Consilium præsens	253
Clamori	606	Consilium prudens	331
Claudus	128	Consilium tutum	369
Claudi fallaces	623	Constanter	34. 425. 602
Claudicatio honesta	438	Constantia	604
Clemens victor	369	Consul ridiculus	382
Clementer	16. 28. 49. 223.	Consulatus brevis	291
	248. 251. 253. 357. 264.	Consulatus majestas	362
	276. 307. 368. 399. 406.	Consultor non calumniator	258
	421. 426. 432. 450. 458.		
	515. 602. 603. 639	Consuetudo	525
Clementia	417. 631	Contemptus	346
Clementia simulata	289	Continenter	8. 9. 10. 35. 42
Clodicare	438	Continentia	235. 528. 558.
Clypeus Rom. Fabius	468		590
Coacta	631	Contentio mala	148
Cœlibatus damnatus	76	Contumeliose	441

I N D E X

Convenæ	484	Debere & mentiri	629
Convictus improbus	207	Decorum	63. 89. 480. 482
Convictus arguit mores domi- næ	263	Decorum personæ	153. 457
Convitium apertum	289	Decorum ubique	186
Convitium mutatum in pe- jus	439	Dediscere	520
Convitium in laudem retor- tum	286	Dediscere mala	521
Convitium retortum	463. 576	Deformis ingeniosus	443
Convitia anicularum	579	Deformitas exprobrata	287
Convitia contempta	361	Degenerare	536
Convitiator utilis	222	Degeneratio	44. 123. 212. 501
Convivia pudica	399	Degeneres	350
Corpus hominis umbra	614	Delicatus reus	438
Correctio	544. 563. 566. 596	Deliciæ	77. 158. 193. 200. 208. 306. 521
Correctum in pejus	463	Deliciæ emolliunt	304
Corruptela	428	Deliciæ indigne principe	241
Corruptela munerum	281. 333	Deliciæ versæ in amatorem	410
Crassa judicia	626	Deliciæ sprete	204
Crassa veritas	447	Deliciarum contemptus	277
Crimen retortum	334. 460	Depravatio nominis	485
Crimen tectum	296	Depravatum	440
Crudelitas	256. 403	Destitutus undique	410
Crudelitas tecta	403	Deus imitandus	139
Crudeliter	403. 404. 407. 603	Deus omniscius	512
Culcitra obærat	258	Deus insepultus	616
Cultus	265	Dei arcana consilia	384
Cultus animi	149. 154. 513	Deo debetur gratia	476
Cultus augustarum	429	Dextre	434
Cultus divorum	574	Dexteritas Cæsaris	415
Cum diis	486	Dii armati	119
Cura militis	393	Dii miseri	493
Cunctatio mala	147	Dii Vis & Suasio	337
Cunctanter dare	205	Dialectica	599
Cunctatio	361	Dicacitas molesta	279
Cura præpostera	179	Dictum retortum	534
Curare frivola	380	Diffidentia	345. 462
Curatio morbo gravior	390	Disimulatio	205. 443
Curiositas	144. 419. 541. 552	Dignitas industria parta	321
Cynice.	533. 632	Dignitas vilescit in plures dif- fusa	265
		Diligentia morosa	494
		Discendi aviditas	562. 564
		Disciplina civilis	18
		Disciplina militaris	371. 388. 601
		Disciplina puerorum	114
		Disimulanter	91. 442
		Dives indoctus	620. 621
		Di-	

D.

DE arte judicet artifex 229.
494

SENTENTIARUM.

Divinatio	135. 468. 498. 571.	Eruditio	216. 548. 637.
	634		639
Divinatio futurorum	278	Eruditio studio venalis	557
Divinatio vana	629	Eruditio utilis	164. 165.
Divites sordidi.	544		168
Divitiæ	473. 543	Ex absurdo	443
Divitiæ immodicæ	397	Exacta judicia	640
Divitiarum contemptus	72.	Exactio moderata	402
	627	Exaggeratio	608
Divitiarum usus	166	Ex aliis exemplum	527. 538
Divorum cultus	574	Ex ambiguo	442. 479. 488.
Docilitas	517. 540. 542		492. 503
Doctrina sine moribus	212	Exceptio jocosa	444
Doctrina quibus paretur	548	Excusatio	443
Dolor dissimulatus	195	Excusatum in pejus	441
Dolus dolum vincit	363	Exempla insignia	184
Domini præsentia	447	Exempla sapientum	534
Dos regnum	421	Exemplum ducis	241
Duabus federe fellis	291	Exemplum reciprocum	617
Dure	423	Ex eodem ore frigidum & ca-	
Dux bonus	88. 347	lidum	295
Dux ægregius	348. 359	Exercitatio	79. 539
Dux aliorum servator	358	Exercitatio moderata	158
Dux omnia facit	389	Exercitatio pro condimen-	
Dux & idem miles	276	to	112
Dux usu rerum callidus	371	Exercitus prædæ aptus	364
Duces præcipua victoriæ	ipes	Exilium excusatum	327
	356	Exilium optabile	483
Ducum prudentia.	589	Exilium utile & felix	197
		Ex inversione	490
		Ex iisdem verbis retortum	
			467

E.

E RIETAS	515	Ex mutata littera	486
Ebrietas loquax	406	Ex nomine	491
Ebrietati condonatur	317	Exordium ab ætate	292
Educatio	71. 190	Experientia	51
Educatio frugalis	180	Extemporalis dictio	606
E factis iudicium	142	Extra causam	340
Electio magistratum	521	Exsul in patriam pius	300.
E linea iudicare	495		334
Eloquentia popularis	298	Ex verbis aliter exceptis	465
Eloquentia victrix	347	Ex vocum affinitate.	482
Eloquentia victor non cau-			
sa	295		
Eloquentiæ certamen	471		
Eloquentiæ vis	330		
Emta	488		
Error correctus	205		
Error juvenilis	205		
Error meritis condonatus	362		

F.

F ANULÆ populi	344
Facere præstantius quam	
dicere	446
Facetum	554
Faceta exprobratio	260
Ec 4	Fa-

I N D E X

Faceta rapacitas	319	Piducia eventus	240.366.370
Facete 13. 14. 17. 20. 63.		Fiducia fallax	279
147. 176. 197. 206. 211.		Fiducia meritorum	356. 367
247. 361. 362. 386 481 554.		Fiducia benefactorum	153
568. 572. 573. 580. 585. 590.		Fiducia senectutis	454
595. 596. 599. 615. 619. 628.		Fiducia sui	268. 306. 360. 394
629. 635. 639.		Fiducia	334
Facetum iudicium	224	Fidus amicus	305
Factum	99. 100	Filii deorum qui	234
Factum severe	100	Filius improbus	378
Facta dictis potiora	480	Filius patri similis	395
Factio vitata	383	Filius solatium mortis	421
Factiones & sodalitates	338	Finis vitæ spectandus	355
Fama quomodo paranda	141	Fiscus. lien	600
Fames condimentum	309. 323	Fœminarum osor	201
Fame vincere	273	Fons malorum	499
Famulitium superfluum	603	Forma	522. 543. 548
Fastus	521	Fortiter 12. 20. 24. 33. 44.	
Fatuis omnia licent	310	45. 46. 47. 54. 64. 68. 70.	
Favor arte captatus	304	80. 89. 92. 100. 101. 104.	
Favor regum temporarius	310	107. 125. 126. 127. 128. 129.	
Felicitas	393	130. 301. 385. 392. 398.	
Felicitas intractabilis	539	410. 457. 473. 477. 531.	
Felicitas timidos facit	249	541. 571. 572. 587. 604. 612.	
Felicitas vera	513. 519	639.	
Felicitur	16	Fortitudo	523. 634
Ferocia	538	Fortitudo intempestiva	232
Fœminæ masculæ	75	Fortitudo vera	380
Fœmineus sexus ad omnia		Fortuna	477
docilis	155	Fortuna adversus prudentes	
Festina lente	264	facit	304
Festinatio.	148	Fortuna cæca	551
Festivum.	190	Fortunæ invidia	221
Festiva negatio	264	Fortunæ vicissitudo	325
Festive	413	Forum	529
Festiviter	244. 460	Frater marito potior	508
Festum semper sapienti	218	Fratrum humanitas.	329
Fidenter	15	Frenum receptum	367
Fides erga patriam	468	Frivola	632
Fides in milite	412	Frivolæ quæstiones	581
Fides amici	248	Frugalitas 140. 145. 146. 148.	
Fides in duce	281	150. 154. 186. 204. 232.	
Fides in hostem	360	265. 351. 359. 371. 385. 387.	
Fides hostium legatis serva-		500. 520. 612.	
ta	456	Frugalitas regia	323
Fides uxoria	400	Frugaliter 11. 50. 74. 103.	
Fiducia	232. 307. 334		113
Fiducia artis	474. 475	Fucus utilis	317
Fiducia ætatis & orbita-		Fuco non credendum	227
tis.	454	Fucata	594
		Fuga.	

SENTENTIARUM.

Fuga excusata	299. 327
Fugienda quæ in vita	180
Fugiendo capere	573
Fumi venditor	428
Funeris cura.	151
Furacitas	203
Furandi ars	115
Furax	438
Furax magistratus	464
Fures magni	628
Furta sententiarum.	631

G.

G ARRULI	314
Garrulitas	322. 535. 560. 561. 562
Gaudium temporarium	292
Generose	1. 29. 45. 53. 54. 91. 98. 99. 100. 101. 102. 110. 130. 359. 367. 372. 518.
Genus	518
Genus pudendum	542
Gesticulatio	619
Gestus	580
Gladiatorum immanitas	627
Gloria	353. 387
Gloria ducis	337
Gloria ex benefactis	570
Gloria potior pecunia	353
Gloriæ amor	613
Gloriose	82
Gloriositas	448
Gloriæ stimulus	248. 343
Gloriæ studium	333
Gloria recta	178. 190
Gloria vita carior	236
Græcorum mores	463
Gratior est pul. u. i. c. u.	561
Gratitudo	137. 216
Gratitudo principis	261
Grave damuari à probis	384
Graviter	2. 3. 10. 13. 17. 19. 21. 34. 35. 38. 55. 68. 69. 93. 98. 127. 259. 302. 362. 368. 424. 512. 515. 520. 531. 545. 561. 568. 570. 600. 639.

H.

H ÆREDIPETA	467
Harmonia vitæ	372
Helepolis	324
Herculem contempsit Alexan- der	237
Hic est ille	184
Hilaritas in convivio	563
Hilaritas in festis	537
Hilaritas in morte	156
Hilaritas in re tristi	135
Homerus	587
Homeri laus	621
Homericorum carminum comparatio	242
Homo	572. 594
Homo animal stultissimum	177
Homo rarus inventu	190
Homines non homines	189
Homines pecudum similes	182
Homines pauci	208
Honesti labores	418
Honesti studium intendunt	183
Honor detractus	577
Honor potior mercede	452
Honor pretio prior	458
Honos alit virtutem	377
Honos arti habitus	324. 386.
Honos artis	497
Honos eruditioni debitus	613.
Honos negatus	271
Honos non semper iisdem	375
Honos promeritos juvat	275
Honos virtutis	374. 519
Honos virtuti habitus	533
Hostis aut perdendus, aut de- merendus	456
Hostis populi	405
Hostis pudendus	393
Humane	421
Humanitas cicurat optime	363
Humanitas fratrum	329
Humanitas plus valet quam vis	306

I N D E X

Humanitas	243
Humaniter 9. 19. 26. 40. 54.	70. 243
Humaniter & grate	366
Hydropicus	436
Hypocrisis.	194

I.

J ACTANTIA elusa	362
Jaſtura felix	558
Ignavi non exſpectandi	342
Ignavia	368
Ignota loqui.	188
Illo mala	483
Imitatio 496. 584.	621
Imitatio mala	480
Immortalitas 519. 537.	543
Impar principatui	418
Imperare difficile	432
Imperator caſtus	365
Imperioſe	239
Imperium breve	431
Imperium humanum	615
Imperium in liberos	342
Imperium nescit pietatis ju- ra	273
Imperitia	550
Impie 404. 424. 431.	577. 634
Impietas	213
Impietas felix	319
Impigre	13
Improbe	34
Improba cura.	390
Improbitas 453. 583	
Impudentia	404
Impudicitia	461
Impunitas	374
Impunitas mala	373
Inceſſus decorus	290
Incorrupte	22
Incorruptus animus	283
Indecora 520. 535	
In deterius ompia.	508
Indocilis	544
Indoſtus	551
Indoles	601
Indoles agilis.	231
Indoles erecta	144

Indoles excelsa 239. 267.	274
Indoles in puero mira	396
Indoles malefica	403
Industria 119. 423. 429. 564.	581. 586. 597. 598
Industria lucroſa	455
Industrie	64
Inexſpectato	332
Infamia non deletur	406
Ingenioſe 170. 471.	627
Ingenioſi	627
Ingenia erecta	551
Ingenium	617
Ingenium varium	292
Ingenue 242. 398. 431.	526
Ingratitudo 260. 278. 335.	442. 453
Ingratitudo tolerata	223
Inhumaniter	346
Inimici utiles	470
Initiari non eſt ſatis	189
Initum bellum	481
Initiis obſtandum	569
Initiatio	518
In nobis eſt ut bene audia- mus	222
Innocentia	540
Innocentia illabata	617
Innocentia tuta	544
In puſillum	290
Inſaniæ genera	185
Inſaniæ notæ	561
In ſenem	296
Inſolenter	248
Inſolentia	134
Inſtitutio 330. 336.	469
Inſtitutio liberorum	617
Inſtitutio recta	166
Integre 35. 37. 52. 64. 354.	423. 637
Integritas militis	476
Integritas 240. 339. 471.	558
Integritas damnata	340
Intempeſtiva	347
Intendendum honeſti ſtu- dium	184
Interpretatio commoda 223.	288
In-	

SENTENTIARUM.

Interpretatio sinistra	577	Irrisio	296. 440. 460
In terrestri prælio apparet virtus	396	Irrisio contempta	207. 460
Intrepide	15	Irrisio retorta	467
Vide Animose		Judex attentus	227
In vatinium	293	Judex incorruptus	240. 311
Invidia	31. 436. 519. 545	Judex non accusat	387
Invidia elevat	397	Judex severus	228
Invidia fortunæ	221	Judicare de arte aliena	495
Invidia in alium derivata	317	Judicium incorruptum	495. 586
Invidia quo modo vitetur	375	Jugulare mortuos	535
Inexpectato	332	Juvenum est Dialectica	568
Jocari in seipsum	250	Juste 4. 6. 19. 21. 28. 34. 36. 41. 53. 58. 67. 69. 328. 335. 382. 417. 464. 524. 612. 636	
Jocose	255. 435. 595. 635	Juste & comiter	308
Jocus ab absurdo	439	Justitia	374
Jocus ab ambiguo	216. 255. 588. 438	Justitia dirimet fines.	276
Jocus ab inexpectato	202		
Jocus crudelis	411		
Jocus è fabula	463		
Jocus ex addito	257		
Jocus ex depravatione	402		
Jocus ex Homero	414		
Jocus obliquus	291		
Jocus ex nomine	292. 295. 406. 436. 460. 567		
Jocus ex similitudine vocis	292		
Jocus ex specie corporis	463		
Jocus ex vocabulis	223		
Jocus in morbo	ib.		
Jocus in morbum proprium	580		
Jocus in morte	217. 415		
Jocus in mortuum	411		
Jocus in principem retortus	259		
Jocus insanus	505		
Jocus intempestivus	461. 488		
Jocus salubris	536		
Jocus submorsus	466		
Jovis filius	507		
Ira	135. 374. 635		
Ira brevis	626		
Ira impotens	455		
Ira sapientis	572		
Iræ remedium	252		
Iræ subducenda occasio	312		
Iracundia	583. 584		
Ironia	441		

L.

LABOR	464. 465
Lachrymæ seræ	364
Lamia meretrix	325
Lamia regis	ib.
Largitio	449
Larvas insectari	614
Latinus Græce	377
Laus ab hominibus	83
Laus à laudatis	520. 589
Laus conciliat amicos	499
Laus immodica	212
Laude incorruptus	500
Laudes depravatæ	298
Laudando vituperare	483
Lautitiæ	169
Lectio mortua	196
Lectio utilis	552
Lectionis utilitas	593
Leges	514. 530. 636
Legum auctoritas	41. 88. 135. 516
Legum multitudo	542
Lenitas	152. 153. 213. 246. 261. 266. 338. 638
Lenitas mira	265
Lenitas prava	120. 217. 406
Lenitas regia	313
Lenitas principis	261

I N D E X

Leniter 151. 323. 382. 402. 411. 413. 433.	Litterarum amor 241
Lenocinium virtutis 157	Litterarum interpretatio 466
Lepide 32. 39. 46. 65. 66. 68. 87. 97. 108. 109. 149. 152. 162. 163. 164. 171. 173. 187. 189. 251. 254. 255. 258. 321. 413. 414. 416. 418. 430. 461. 470. 479. 534. 586.	Locus non contaminat 211
Lepide negare 254	Locus eligendus urbi 473
Liberalitas 232. 237. 238. 395. 543	Locum ornat homo 167
Liberaliter 8	Loquacitas notata 31. 32. 35. 62. 65. 94. 97. 106. 121. 296. 488. 523. 544. 559.
Liberalitas nimia 178	Loquacitas in convivio 133
Liberalitas regia 246 307. 316	Lucernam olet 298
Libera monitio 470	Lucrum ex damno 531
Libere 11. 33 95. 99. 167. 169. 170. 176. 192. 198. 208. 209. 259. 260. 358. 369. 384. 389. 395. 402. 405. 408. 411. 420. 421. 425. 429. 434. 439. 451. 470. 479. 491. 516. 535. 543. 562. 564. 569. 571. 579. 582. 583. 588. 595. 601. 602. 603. 606. 609. 610. 611. 612. 623. 622.	Lucrum turpe 133
Liberi degeneres 174	Lucri aviditas 449
Liberi mali 266	Luctus 539. 582. 592. 632. 633
Liberi pro simiis 270	Luctus immodicus 582
Libertas 161. 162. 176. 206. 208. 216. 217. 534. 573.	Ludibrium sacrilegio addi- tum 320
Libertas adulatrix 457. 489. 627	Ludimagistri 344
Libertas exitialis 430. 493	Lurco 375
Libertas immodica 570	Lusus in morte 419
Libertas in dicendo 82	Lux 150. 199. 202. 373. 474. 483. 488
Libertas innocentiae 260	Lux animi 547
Libertas intempestiva 546	Luxus damnatus 388
Libertas magno empta 349	Luxus inopiae parens 628
Libertas noxia 597	Luxus seditionis parens. 617
Libertas oppressa 291	
Libertas periculosa 535	
Libertas stulta 315	
Libertas vera 175	
Librorum multitudo 600	
Licentia 96	
Licentia principum 407. 424	
Lingua 529. 550	
Lingua lubrica 563	
Lingua praeceps 133	

M.

M A C E D O N I A 484
Magnanimiter 4. 12. 548
Magnifica promissa sed ina- nia 282
Magniloquentia irrita 420
Magno empta voluptas 301
Magno paranda 330
Magnus, non fortis 348
Magnus stultus 486
Majestas nominis 267
Mala vera 188
Malus ubique malus. 219
Malos invisere in carcere ju- cundum 281
Malorum fons 499
Male praecinctus. 289
Maledici 96
Maledicus contemptus. 222
Maledicus male audit. 462
Maledicus prodest 152
Maledico cedendum 164
Ma-

S E N T E N T I A R U M.

Maledicentia	66.132.311.321.	Miser ante tempus	348
	379.583.615	Moderate	2. 10. 14. 15. 18.
Maledicere regi non tutum	309		21. 27. 32. 37. 49. 50. 54.
Maleolens	434		57. 61. 62. 67. 84. 87. 90. 91.
Malum dissimulatum	500		94. 105. 106. 131. 132. 134.
Matrimonium	148. 517		145. 151. 172. 190. 278. 331.
Matrimonium vitandum	202		389. 412. 423. 456. 533. 537.
Matris lachrymæ	242		541. 556. 574. 594.
Matronæ ornamenta	508	Vide Temperate	
Medicus malus	209	Moderatio	521. 545. 562.
Medicus optimus quis	88		565
Medici barbati	320	Moderatio victoriæ	80
Medicorum turba	417	Moderatio pœnæ	235
Medicorum osor.	88	Modeste	17. 19. 20. 26. 38.
Medicina	403		55. 147. 234. 245. 266. 271.
Medicina contempta	88		322. 402. 422. 430. 498. 517.
Mediocritas	478. 491		537. 541. 583. 587. 604.
Melior dextra	292		608.
Memoria	158. 337. 519. 629	Modestia	549
Mendacium	50	Modus	158. 166. 515
Mendacium elusum	294	Modus in honoribus	377
Mendacium in contractibus	528	Mollities	194. 203. 542. 635
Mendacium urbanum	226	Molesti	483
Mendicus à mendico	485	Molestæ	481
Mendicitas	198	Modeste loqui	588
Mendicitas occulta	215	Molliores	558
Mercedis amor	470	Monarchia	233
Metus malus diuturnitatis	cu-	Monitor	636
stos	221	Monopolia fœda	408
Miles bonus	373	Mora noxia	296
Miles dicto audiens	366	Morbus exprobat	269
Miles ditatus	355	Morbus utilis	245
Miles dives	347	Mores in publico	135
Miles durus	312	Mores peregrini	117. 121
Miles otiosus	433	Mores præposter	476
Miles innoxius	274. 427	Mores pro philtis	507
Miles sine gladio	436	Morosa diligentia	494
Militis officium	283	Mors an mala	215
Militum cura	426. 427	Mors contempta	56. 57. 59.
Militaria	398		60. 68
Militariter	394	Mors destinata	399. 412
Militaris ferocia	363	Mors emptæ	285
Militia laboriosa	354	Mors & somnus	159
Militia misera	224	Mors facilis	543
Minæ inutiles	133. 354. 448	Mors generosa	357
Minæ in principem	416	Mors in bello	351
Minæ potentum	269	Mors inevitabilis	151
Minaciter	616	Mors liberat à cruciati	218
Miseria multiloqua	354	Mors noxia	269
		Mors non defenda	153

S E N T E N T I A R U M.

Optima negligimus	212	Patriæ commoda	354
Optima primum	173	Patriæ desiderium	299
Optimi ejiciuntur	338	Patriæ neglectus	555
Opus immortalitate dignum	494	Patriæ studium	92
Oraculum	240	Patronus inalus	445. 454
Oracula à nobis pendent	352	Pauci	567
Oratio affectata	539	Pauci boni	179
Oratio aliena	247	Pauci pro omnibus	299
Oratio gravis	559	Paucis contentus	554
Oratio modulatio	631	Paucitas bonorum	449. 525
Oratio speculum animi	155	Pauciloquium	511
Orationis vis	551	Pauciloquus	560
Orator clamorosus	286	Paupertas	220. 542
Oratores	177	Paupertas expedita	79
Ornatus mulierum	556	Paupertas Tragica	187
Os for fœminarum	201	Pax bello parata	356
Ostentatio inanis	369	Pax bello potior	473
Ostentum commode interpre-		Pax domestica	477
tatum	352. 394	Peculatus dissimulatus	406
Ostentorum interpretatio	415	Pecunia contempta	124. 157.
Otium 85-94. 135 267. 358.			358. 387. 539. 540
447. 498. 524. 538		Pecunia pestifera res	123
Otium dulce	638	Pecunia qualis	150
Otium honestum	147	Peregrinatio inutilis	149
Otium inutile	461. 480	Peregrini mores	117. 121
Otium liberale	122	Perfidiose	82
Otium molestum	436	Periculum prævisum	435
Otium rege indignum	317	Periculum vitare satius	345
Otium sapientis	365	Parsonæ respectus	352
Otium sine litteris	641	Persuasio pro vi	562
Otium turpe.	144. 277	Perseverantia	605
P.		Pertinacia vincit	363
		Petax	490
P A L A T O sapere	379	Petax meretrix	502
Par pari	191. 312. 319. 558	Phaselitæ	485
Parricidium exprobratum	409	Philosophia	183. 552
Parfimonia	120. 234. 502	Philosophia ars	497
Parfimonia exprobrata	491	Philosophia in adversis	320
Parfimonia fordida	446 447	Philosophia medicina animo-	
Parata tueri maximum	252	rum	165
Parvo contentus	552. 554	Philosophia naturam mutat	
Pater judex	406		157
Pater pro filio punitus	100	Philosophia necessaria	193
Patienter	145. 149. 381. 430. 186	Philosophia præstantior ora-	
Patientia	157. 284. 512	toria	166. 544
Patria dulcis	399	Philosophia regi necessaria	
Patria perniciofa	527		227
Patria vita carior	277	Philosophia regina	173
Patriæ caritas	372. 446	Philosophia rusticana	112
		Philosophiæ fructus	163. 164
		Phi-	

I N D E X

Philosophiæ simulatio	211	Potestas abdicata	271
Philosophiæ studium	170	Potestas brevis	436
Philosophus	210	Potestas emptæ	273
Philosophus aulicus	177	Potestas moderata	374
Philosophus dives	173	Potestas spreta	460
Philosophus homo	204	Potiora sectanda	536
Philosophus meretrici simili	501	Potiri dulce	512
Philosophus miles	626	Præco rerum gestarum	238
Philosophus mundi spectator	568	Præcones poetæ	333
Philosophus nullius eget	174	Præconum turba	487
	553	Præciæ contemptus	233 337
Philosophus oratore præstantior	167	Præfectus vigilans	218
Philosophus paucis eget	187	Prælongi	459
Philosophi vita	ib.	Præmia virtutis	83
Philosopho bonos habitus	325	Præpostera	598
Physiognomon	566	Præpostera studia	179
Pie	22. 427	Præposteritas perpetua	630
Pie in patrem	93	Præscientia	419
Pie in patriam	24. 107	Præsens consilium	253
Pietas	313. 353. 452	Præsentio	640
Pietas in fratrem	329	Præstantia	365
Pietas in patrem	131. 379	Præter spem	612
Pietas in matrem	462	Preces abjectæ	173
Pietas in parentes	471. 513	Pretium expugnat	504
Pietas in patriam	107. 326. 378. 475. 476. 514	Prima coitio	451
Pietas in præceptorem	240	Princeps	417
Pietas in Rempub.	602	Princeps aditu facilis	254
Pietas mira in filium	325 458	Princeps auriga	408
Pingere, fingere	436	Princeps carus	603
Pictor ictus	618	Princeps indulgens	416
Placere bonis	327	Princeps legum observator	252
Plebs arte tractata	469	Princeps nulli molestus	419
Podagra	293	Princeps qui virtute præcellit	303
Pœna ridicula.	431	Princeps scenicus	408
Pœnitenda	379	Principis delectus	419
Pœsis fallacia bona	581	Principis est ornare ditionem	264
Pœtica fictio	475	Principum amicitie	514
Pollicitatio	522	Principum institutio	546
Pompa inepta	177	Principatus amor	268
Populi judicia	475. 497 620	Principatus sollicita res	449
Populus qualis	337	Probrum commune	348
Populus nocentissima bestia	299	Proclivitas ad deteriora	541
	638	Prodesse pluribus.	141
Postulator improbus.	342	Prodigiosa	577
Potentia innoxia	468	Proditio punita	628
Potentia invidiosa.		Proditio grata	251
		Proditio turpis	29
		Profectus	593
		Pro-	

SENTENTIARUM.

Profusio 195. 208. 214. 231.

380. 405. 425. 437. 543. 549.

555. 563. 600. 638.

Profusio fundo caret 638

Proles debetur patriæ 473

Prois amor 383

Promissa magnifica, sed inania 282

Pronuntiatio 587. 628

Prosperitas perpetua 680

Pro sua quisque professione 640

Provisio necessariorum 168

Providentia 351. 368. 384.

395. 524

Prudenter 4. 13. 24. 27. 36.

59. 65. 74. 125. 230. 321.

385. 424. 473.

Prudentia 513. 545

Prudentia senilis 544

Publica utilitas 48

Pudica uxor 507

Pudice 58. 129. 130. 309. 328.

342. 578. 591

Pudicitia 314. 591. 592

Pudicitia conjug. 39. 450. 590

Pudicitia matronalis 507

Pudor 203. 373

Pudor liberalis 592

Pudor inutilis 184. 185. 555

Pueri reverentia 541

Pudor præposterus 76

Pueritia dura 121

Pugna ludicra 634

Pulchre retortum 281

Punire in aliis quod ipsi com-

mittimus 142

Pura sacra 211

Pusilla curare cum periculo.

378

Q.

QUANDO bellandum 368

Quæ nos admonent mor-

talitatis 241

Quæ in vita fugienda 180

Quæstiones frivolæ 581

Quid optandum à Deo 318

Qui malus, ubique malus 219

Quod superest, sacris impen-

dendum. 280

R.

RAPACITAS 405. 407. 413

Rapacitas faceta 319

Ratio 177

Ratio reddita populo 344

Reconciliatio 175. 397. 501

Recriminatio 475

Reditus è bello. 376

Reditus in gratiam 296

Refugium 642

Regaliter 237

Regem regia decent 231

Reges non admittendi 331

Reges raro verum audiunt 332

Regibus honesta tantum licent

245

Regum amicitia 328. 498

Regum curæ 595. 639

Regum est audire omnes 229

Regum humanitas 224

Regum nativitas 486

Regnandi dulcedo 315

Regni stabilitas 244. 428

Regnum servitus 250

Regnum virtute ambiend. 226

Relaxandus animus 472

Relictis gaudendum 171

Religiose 5. 27

Reip. prima cura 429

Reipub. neglectus 430

Reipub. fuge 300

Res verbis contraria 486

Res verbis efficacior 320

Resupini 438

Retortum 391. 434. 440. 443.

459

Retortum in laudem convi-

tium 286

Retortum mire 350

Retortum falsè 286

Retortus jocus 449

Reverentia 552

Rex cogitabundus 479

Rex equus africanus 313

Rex insensu democratia 378

Rex legibus 387

Rhetores servi 614

Ridicula præferuntur saluta-

ribus 179

Ri-

I N D E X

Ridicule	97. 364. 444. 463. 480. 551. 553. 594
Ridiculis assuescere	375
Ridiculum	188. 190. 206. 215
Rifus interimens	435
Robur corporis	429
Rumores	609
Rustice.	126

S.

S A C R A pura	211
Sacrificia minimi sumptus	139
Sacrificia frugalia	78
Sacrilegium	201
Salfe. 3. 22. 23. 30. 36. 38.	
86. 87. 88. 96. 101. 104.	
108. 145. 158. 191. 193. 194.	
196. 198. 199. 205. 214. 255.	
272. 287. 288. 294. 301. 325.	
369. 378. 379. 409. 411. 424.	
440. 442. 445. 465. 491. 512.	
516. 517. 518. 527. 536. 543.	
547. 548. 549. 561. 567. 569.	
578. 580. 585. 588. 595. 599.	
601. 605. 631. 632. 634. 641.	
642.	
Salubritas juncta fecundita- ti	452
Saltatio muta	618
Saltatio fœda	638
Sancte	427. 433
Sanctitas non ficta	339
Sapiens	514
Sapiens dives	186
Sapiens sub stulti persona	331
Sapientes invisi tyrannis	318
Sapienter 10. 12. 13. 21. 22.	
35. 38. 56. 69. 87. 94. 113.	
512. 513.	
Scelerosis uti	394
Schema male affectatum	291
Scomma	271
Scomma contemptum	348
Scomma ex ambiguo	297
Scorta	209. 218.
Scortum imperiosum	211
Scortator	214
Scythia <i>Σκυθία</i>	313
Secreta regum.	475

Secundis moderate gauden- dum	353
Securitas	545
Securitas philosophica	573
Seditio	555
Senectus 199. 374. 543. 545.	622. 635
Senectus animosa	272. 622
Senectus audax	514
Senectus Cyri	622
Senectus honoranda	134
Senectus honorata	106
Senectus sana	614
Senectus juvenilis	137
Senectus vegeta	566
Senectus virilis	500
Senectutis alimonia	616
Senes neglecti	377
Senex bellator	398
Senex ædificator	397
Senilis prudentia	544
Sensus communis	146
Sententiosa brevilloquencia	280
Sepultura 184. 201. 217. 636	
Sepultura vivi.	410
Sera monitio	190
Sermo brevis & efficax	298
Sermo incompotitus	584
Serino index animi	181
Sero	198. 292
Servi veri	183
Servi principum elati	418
Servus domino melior	143
Servus prudentior hero	185
Servo prudenti obtemperan- dum.	181. 182
Servorum cura	397
Servorum turba	131
Servitus grata	312
Servitus vitiorum	214
Servire tempori	241
Servire voluptatibus	141
Serius apparatus	233
Severe 15. 43. 85. 96. 102.	
124. 125. 127. 244. 346.	
247. 251. 371. 380. 423. 428.	
451. 453.	
Severe & pudice	391
Severus in seipsum	373
Severitas 121. 375. 376. 453. 518	
Seve-	

S E N T E N T I A R U M.

Severitas in uxorem	456
Severitas patris	454
Severitas verbis temperata	310
Sævitia castigata	266
Sexus	525
Sibi quisque testis	373
Silentium 111. 133. 233. 550.	464. 589
Silentium ducis	390
Silentium in bello	245
Silentium opportunum	49
Silentii fides	571
Silere in tempore	41
Simpliciter	5. 32
Simultas à rogo deponenda	390
Simultas magistratuum	339
Sitis	391
Sitim prævenire	481
Sobrie	578
Sobrietas 65. 450. 469	
Sobrietas in eduliis	143
Sobrius princeps	352
Solatium mortis	284
Sol oriens	275
Solenter 3. 7. 23. 24. 28. 30.	42. 43. 46. 83. 262. 263.
	314. 349. 472. 520. 522.
	575. 621.
Solitudo 520. 530. 566. 572	
Somnus excusatus	229
Somniorum observatio	572
Sordes	201
Sordes ambitiosæ 618. 622	
Sordes gloriosæ	151
Sordide	414
Spectator convivii	492
Spes	613
Spes boni futuri	494
Spes fallax	380
Spes in clypeo	388
Spes pertinax	624
Sphinx domi	287
Splendide 169. 393	
Spontanea grata	300
Spontanei labores	142
Stantem mori	415
Statuarum gloria	374
Strategema 79 81	
Studiose	607

Studium 523. 558. 570	
Studium immodicum 523. 592	
Studium sapientiæ 176. 558	
Stultiloquium	90
Stupidi	470
Stupor animi	197
Sua cuique fors displicet 159	
Sua quisque virtute commen-	
datur	327
Suasio pro Deo	337
Sumptus inutiles 514. 583	
Sumptus præposterii	553
Superbia	502
Superciliosi	551
Superstitio 191. 196. 629. 631.	633
Superstitio funerum	117
Superstitio irrita	382
Superstitio nulla 66. 109. 209.	633
Superstitionis contemptus 392	
Supervacua	496
Supervacua officia	425
Surdus dolatori	403
Συμπόσια.	515

T.

TACITURNITAS 382.	
	540. 562
Tædium gloriæ	279
Tarditas	608
Temeritas 302. 361. 372	
Temperantia	474
Temperate 10. 12. 517	
vide Moderate	
Tempestive	608
Templa vacua	486
Temporis parsimonia 551. 561.	570. 593
Temulentia 119. 537	
Temulentia castigata	316
Tenebris assuescere	112
Τετρακτα.	179
Ter homines	195
Tertia deducta	294
Testimonium inimici	478
Tibicen vir improbus	526
Timiditas armata	336
Timiditas laudata 324. 464	
To-	

I N D E X

Toleranter	632	Vetulæ concubitus	493
Tolerantia 119. 523. 543. 564		Vetulus dux	399
Tranquillitas 455. 532. 542. 555		Vicarii graves	425
Trophæum ridiculum	355	Vicinus bonus	335
Turba inutilis	307	Viciscitudo rerum	131
Turba sine duce	469	Victor benignus	324
Turcis idem faciendum	282	Victor ferox	398
Turmales	441	Victor & victus	363
Turpe ubique turpe	216	Victoria dulcis	452
Turpiloquium	213	Victoria incruenta	516
Tutum consilium	369	Victoria magno emptæ	330
Tyranni species	508	Victoria pulchra	192
Tyrannis	272	Victoria speciosa	44
Tyrannidis osor	397	Victoria uti	269. 364
Tyrannidem mitigat liberali-		Victoriæ moderatio	80
tas	318	Vigilantia	354. 538
Tyrannica vox	404	Vincere sine cæde	388
Tyrannicè	425	Vindieta	345
Τυφλὸς ὁ πλῆτθ.	73	Vindieta civilis	183
		Vindieta optima	218
		Vindieta neglectus	340
		Vinum vetus	289
		Vini parcus usus	527
		Vini patiens	433
		Vinolentia	529
		Violenter	82
		Vires formæ præstant	554
		Vir magistratum ornat	357
		Vir pecunia potior	335
		Viri fortis fiducia	236
		Virgo mulier	292
		Virtus in actione	522
		Virtus infelix	458
		Virtus laudata	636
		Virtus laudata tantum	183
		Virtus legibus non eget	524
		Virtus non cogitur	549
		Virtus principis	422
		Virtus per se honesta	526
		Virtus præstanda non profi-	
		tenda	598
		Virtus sibi præmium est	ib.
		Virtus quærenda	148
		Virtus succedit	329
		Virtus tuta	526
		Virtutis cognatio	525
		Virtutis lenocinium	157
		Virtutis præmia	152
		Virtutis studium intenden-	
		dum	184
		Vir-	

V.

V A F R E 45. 61. 81. 82			
Valli fiducia	388		
Vanitas	547		
Varia lectio	165		
Vatinius in Ciceronem	290		
Vehementia in dicendo	579		
Venia extorta	256		
Venia lacerata	412		
Venus	568		
Venus moderata	164		
Venus parabalus.	552		
Venter & lingua	328		
Venter omnia devorans	200		
Venter surdus	372		
Ventris cura prima	625		
Ventris studium	489		
Vera bona animi	175		
Vere pulchra	525		
Veritas	224		
Veritas odiosa	174		
Verba affectata	247		
Verborum ampullæ	489		
Versus detortus.	293		
Versutia	404		
Vesci in publico	206		
Vesci quovis loco	213		
Vestis	634		
Vetula amata	504		

S E N T E N T I A R U M.

Virtutis usus	574	Voluptas magno empta	301
Vis, Deus	337	Voluptas temporaria	477
Vis pro jure	273	Voracitas	492
Vita à verbis dissentiens	565	Vota	253
Vitæ contemptus	13	Vota morientis	418
Vita fugax	573	Vota qualia	119. 139
Vita inanis	600	Vota stulta	191
Vita misera	203. 462	Votum	253
Vitam nemo contemnit	458	Vox in bello	376
Vita præpostera	630	Vox modesta	560
Vita pura	462	Vox tyrannica	404. 453. 601
Vita sine litteris mors	212	Urbane	4. 22. 33. 51. 60.
Vitia pensata	447		62. 228
Vivi docendi non laudan-		Urbanitas	248
di	423	Usque ad aras	342
Ultio	465	Usus lenit molestiam	198
Ultio civilis	402	Usus rectus	590
Ultio deorum	399	Utcunque vincere	344
Ultra malleum	483	Utilitas	385
Ultronea beneficentia	149	Utilitas virtute potior	81
Umbræ	493	Utilitas ex hoste	525
Unguenta	77. 214. 561	Utilitas ex inimicis	573
Unguentum olere	412	Vulgi judicia	521. 527
Unus eximius	417. 511	Vulgi nihil sanum	280
Unus pro multis	641	Vulgo nihil recte placet	212
Vocalitas	297	Uxor casta	318
Voluptas	193. 209. 215. 500.	Uxor eligenda	76
	550	Uxor humilis	134
Voluptas doloris comes	155	Uxor molesta	444. 623
Voluptas emollit indomitos	365	Uxor quare ferenda	152
	140	Uxoris reverentia	420
Voluptas ex virtute		Uxorum imperium.	373

F I N I S.



